

SC-17-Pl. 4





RAYMUNDI
CAPISVCCHI

ORDINIS PRÆDICATORVM

S.R.E. TIT. S. STEPHANI IN MONTE COELIO
Presbyteri Cardinalis.

QVÆSTIONES
THEOLOGICAE SELECTAE

MORALES, ET DOGMATICÆ.

Additur in fine

DISSERTATIO HISTORICO-THEOLOGICA

De Hæreticis Prædestinarianis, & illorum
erroribus.



R. M. Ex Typographia Reu. Cameræ Apost. M.DC.LXXXIV.

PERIORVM FACVLTA TE.

THE NEW YORK PUBLIC LIBRARY

ASTEN LENOX TILDEN FOUNDATION
500 FIFTH AVENUE
NEW YORK

THE NEW YORK PUBLIC LIBRARY

ASTEN LENOX TILDEN FOUNDATION
500 FIFTH AVENUE
NEW YORK

THE NEW YORK PUBLIC LIBRARY
ASTEN LENOX TILDEN FOUNDATION
500 FIFTH AVENUE
NEW YORK

THE NEW YORK PUBLIC LIBRARY
ASTEN LENOX TILDEN FOUNDATION
500 FIFTH AVENUE
NEW YORK



THE NEW YORK PUBLIC LIBRARY
ASTEN LENOX TILDEN FOUNDATION
500 FIFTH AVENUE
NEW YORK

SANCTISSIMO PATRI, AC D. D.

INNOCENTIO V N D E C I M O PONTIFICI MAXIMO.

RAYMVNDVS CAPISVCCVS

Sanctæ Romanæ Ecclesiæ Presbyter Cardinalis
Felicitem.



In nomen ipsum Theologiæ Sacrum, & venerabile nihil sonat aliud B. P. quam Sermonem de Deo, quæstiones hæ Theologiæ tibi potissimum debebantur, cuius ore loquitur Deus, si quando Homines alloqui, per Hominem libet: qui Dei vices in terris adeo laudabiliter obis, vt non minus videaris Diuinæ Potestatis Vicarius, quam sanctimonix. Quadrat ergo factis Tuis ingentibus nomen Sanctissimi, quod nisi cuicumque Romano Pontifici debitum iam foret, atque commune, peculiare Tuum esse deberet. Sic enim ad primam Sanctitatis Ideam conaris accedere, vt penitus referas. Vndè non quia consuetum

dici , sed quia es , Te Sanctissimum dicimus.
Accepisti quidem medullitus ab Optimo Ima-
ginem Optimi , & hoc quoque signum est,
quod acceperis , quia transmittis in alios , non
contentus optimus esse , nisi , & optimos facias.
Et quemadmodum Sol non vni , aut alteri , sed
in commune profertur , & vbi primum afful-
geat , nullam Orizontis partem patitur esse non
lucidam , sic tua Sanctitas minimè sterilis sobole-
scit in alijs , intantum , vt Tuis penè moribus Po-
pulus viuat , cui satis ad Virtutis incitamentum ,
Principem videre . Poterit id audacter testari
Vrbs hæc publica humani generis Patria , qua-
lem Te Præsides speciem probitatis , ac vultum
plane suum induerit . Depulso luxu pessimo ir-
ritandæ libidinis administro ; ætatem omnem
Hominum , sexum , conditionem ad studia pie-
tatis conuertis , ratus , nullum spectaculum ma-
gis pulchrum , ac dignum Vrbe sanctissima ,
quam Theatra modestiæ . Nec tantum intra
Vrbem continetur studium tuendæ Religionis ,
verum etiam in omnem partem , qua patet Chri-
stianus Orbis , effunditur . Excussis ab oppu-
gnatione Viennæ nuperrimè Barbaris , non in-
termittis magnanimas curas , sed vna parta Vi-
cto-

etoria, nouis insistis. Europæ Duces, Principes, Respublicas in vnum iungis, animosque arrectos in amorem publicæ causæ litteris, precibus, pecunia, authoritate, consilio, beneuolentia excitas, & impellis. Quibus studiis apud Sacri Fœderis Duces adeo uales, ut vel tui Nominis recordatio pro classico sit, nec ad contemptum Hostis vllum calcar potentius experiantur, quam scire, cui militent. Nihil erat paulo ante, quod temeritati suæ non promitteret insolens Barbarus, eoque furoris processerat, ut Christianum Imperium, iam spe faceret Otomannum. Volente tamen aliter Deo, Teque eius causæ impigrè excubante, mutauimus vices, ut tantum Hostes timerent, quantum timuimus, quantumque de Nobis illi, tantundem nos de illis speraremus. Ex ista Tua singulari Prouidentia B. P. vberrimus Tibi quidem gloriæ prouentus effluxit, quam tamen abnuis, contentus Operis laude, non laude, sed ob id ipsum longè gloriosior, quod merearis gloriam, nec admittas. Interim ex Dignitate, qua sedes omnium summa, oculos custodes Imperij, & Christianæ Reipublicæ tutelares demittas oro ad munus hoc meum, iam diu Tibi multis nomi-

nibus debitum, & præcipuè ob collatam in me
benigniter Purpuram. Et quoniam nihil in Te
mutauit fastigium Dignitatis, nisi vt largius pro-
desse posses, & velles, benignitate, qua plu-
rimum præstas, patere, sub ipsa fronte Volumi-
nis huius inscribi **INNOCENTIO VNDE-
CIMO PONTIFICI MAXIMO.** Sic fiet,
vt illud saltem in venerationem tanti Nominis
Posterit legant.

Volumen hoc Theologicum Eminentissimi, & Reuerendissimi Domini Raymundi Cardinalis Capisucchi destinatum publicæ luci, eandem planè notam, & speciem eximij characteris meo quidem iudicio præfert, ac prior ille liber de Theologicis Controuersijs, quem Author idem clarissimus multò antè nondum purpuratus emisit, quamaù ex tunc meritis purpuræ iam maturus. Quas enim hic Quæstiones tractandas assumit genere varias, varietate multiplices, rerum arduitate sublimes ad vnā omnes in ordinem digerit, digestas examinat subtiliter adeò, arque dilucidè, vt non sinat difficultatem, esse difficilem. Et quemadmodum ad humanitatem Summi Principis attinet, non modo Regni Primatibus, sed aliquando inferioribus etiam copiam facere Maiestatis, sicut inter dotes Voluminis huius non vltima est, quod Scriptoris subtilitas cum sublimium intelligentiæ Theologorum ad votum occurrat, ad mediocris etiam ingenij captum quandoque descendat, & delinita abstrusorum dogmatum arduitate ab ijs etiam se patiatur intelligi, qui parum intelligunt. Cuicumque in eius sententias ire, tutissimum erit. omnis enim Doctrina plena roboris, & firmitatis, omnique ex parte solidè stabilita testimonio Patrum, & pondere Argumentorum. Amat docere, non per aculeata Sophismata ad ingenij pompam decipere. Quippè veritatem in veritate quærit, non fucum. Auersatus, quod è Theologis plurimi non rarò solent, qui dum se magis ostentare volunt, quàm prodesse veritati, sectantur minus vera, quia magis speciosa, non magis speciosa, quia magis vera. Quare minimè vereor, quin liber hic litterariæ simul, & Christianæ Reipublicæ, vtilitatis plurimùm sit collaturus, idemque cum incredibili voluptate legentium sit pariter euoluendus, Doctiorum præcipuè, quorum palato vtpotè saporis non publici, tantæ potissimùm doctrinæ succus exprimitur. Quin exorandus enixè foret Eminentissimus Princeps, vt editionem reliquorum etiam Operum maturaret, ne fraudata Litteratorum Academia salutaribus monumentis, raptā sibi doleret ab Authoris modestia beneficia publica posteritatis. Ille quidem se non iam sibi, sed vni Religionis Catholicæ bono genitum semper putauit: Huic ampliandæ ab ætate fermè prima ad vsque senium totus incubuit scriptis, ingenio, lingua, & facundioribus lingua Virtutum exemplis. Quod si

vnquam alias, tunc maximè patuit, cum Apostolicum Sacri Palatii Magisterium imple-
ret, in tam ancipiti doctrinarum admini-
stratione summoperè cautus. ne quid excideret infestum virtuti-
bus, aut Orthodoxæ Fidei exitiale. Qui etiam nunc ab intermi-
tendis Studiis admonitus à senectute, cum respirare ab assidua
defatigatione iam tandem deberet, insudat magis magisque, non
alium laboris fructum vsurpare solitus, quam laborem. Huic
purpuram deuouet, Sacramque Dignitatem Ecclesiastici Princi-
pis vni sacrat Ecclesiæ: non absimilis suæ Stirpis Maioribus prodi-
gis grandium animarum pro Romana Sede, cuius bono non mi-
nus illi gladio, quam hic calamo militauit. Item fusiùs in eius
decora quorum campus patet amplissimus, nisi idem ipse, quàm
largus est alienæ virtutis estimator, tam amaret in suis laudibus
parsimoniam. Romæ die vigesima Nouembris 1683.

Angelus de Nuco Archiepiscopus Rossanensis

IN Quæstionibus istis Theologicis &c. elucubratiss ab Eminentiſſimo , & Reuerendiſſimo Domiño Raymundo Sanctæ Romanæ Ecclesiæ Cardinali Capisucco , atque à me attentè perlectis , non inueni , nisi doctrinam sanam , orthodoxam , profundam , perspicuam , maximèque Doctoris Angelici S. Thomæ menti consentaneam. Romæ hac die 20. Decembris 1683.

*Ego F. Iacobus Riccius Ord. Præd. Sacra Theol. Magister ,
Sac. Indicis Congregationis Secretarius , in Vrbe Examiner ,
Romanaque Prouincia Prior Prouincialis.*

20 DEC 1683

1683 DEC 20

Imprimatur.

G. Card. Vicarius.

Imprimatur.

Fr. Dominicus Maria Puteobonellus Ord. Præd. Sacri Palatii
Apostolici Magister.

INDEX QVAESTIONVM.

QVAESTIO PRIMA.

VTRUM Sacerdotes Hæretici, Schifmatici, & excommunicati Pœnitentem in articulo mortis constitutum Sacramentaliter absolvere possint, pag. 1.

QVAESTIO II.

Vtrum ab Ecclesia tribus primis sculis Pœnitentiæ Sacramentum, seu absolutio Sacramentalis aliquibus Peccatoribus denegata fuerit. pag. 51.

Quæstiuicula incidens.

Vtrum Eucharistia concedenda sit reis ultimo supplicio afficiendis. p. 79.

QVAESTIO III.

Vtrum absolutio Sacramentalis Contentibus, ante, vel post peractam pœnitentiam Sacramentalem impendi debeat; quidvè hac in re primis duodecim sæculis in Ecclesia Dei seruatum fuerit. pag. 107.

Dubium incidens.

Quænam Sacramenta iuxta sententiam S. Thomæ informis esse possint, & valida, quæ recedente fictione suum habeant effectum. p. 126.

QVAESTIO IV.

Vtrum liceat baptizare filios Turcarum, aliorumque Infidelium, Parentibus eos pro corporali salute baptizari petentibus, si renuentibus eos baptizare, mors, aut aliud graue damnum ab Infidelibus imminet. pag. 171.

QVAESTIO V.

Vtrum liceat alicui occidere aliquem se defendendo. pag. 223.

QVAESTIO VI.

Vtrum liceat alicui futurum aggressorem præuenire illum occidendo. pag. 257.

QVAESTIO VII.

Vtrum iustè ad mortem damnatis liceat se contra Iudices, aut Exequutores defendere. pag. 266.

QVAESTIO VIII.

Vtrum iniustè ad mortem damnato liceat se per vim defendere cum occisione Iudicis, qui sententiam iniustam tulit, si alia via nequeat mortem euadere. pag. 275.

QVAESTIO IX.

Vtrum innocens ad mortem damnatus per sententiam secundum allegata, & probata iustam, possit absque peccato Iudicem, qui eiusmodi sententiam tulit occidere, aut ei damnum inferre, si non possit aliter mortem euadere. pag. 281.

QVAESTIO X.

Vtrum iniustè aggressus teneatur se ab iniusto aggressore defendere. pag. 291.

QVAESTIO XI.

Vtrum liceat alicui propria bona temporalia defendendo, eorum raptorem occidere. pag. 305.

QVAESTIO XII.

Vtrum alicui liceat, honorem, famam, aut pudicitiam defendendo aliquem occidere. pag. 312.

QVAESTIO XIII.

Vtrum rectè definiatur stuprum à Sæto Thoma, quod sit illicita Virginitatis defloratio sub cura Parentum existentium. pag. 334.

QVAE-

Index Quæstionum.

QVAESTIO XIV.

Vtrum absque peccato mortali possit quis de vita alicuius triftari, & de illius morte naturali gaudere, illam inefficaci aff. Qu petere, & desiderare; nō ex displicētia personæ, sed ob aliquod tēporale emolumentū.

Et vtrum licitum sit absoluto desiderio cupere mortem Patris: non quidem vt malum Patris, sed vt bonum cupientis, quia nimirū ei obuentura est pinguis hæreditas.

Præterea. Vtrum licitum sit filio gaudere de parricidio parentis à se in ebrietate perpetrato propter ingentes diuitias indē ex hæreditate consequuturas. pag. 340.

DISSERTATIO HISTORICO- THEOLOGICA

De Hæreticis Prædestinarianis, & illorum erroribus. pag. 357.

Articulus Primus.

Vtrum Hæresis Prædestinarianæ in quinto sæculo extiterit. ibid.

Paragraphus Primus.

Sententia affirmatiua eligitur, & probatur. pag. 358.

Paragraphus Secundus.

Recensentur Prædestinarianorum errores. pag. 360.

Paragraphus Tertius.

Inuestigatur quinam fuerint Hæretici Prædestinariani quinti sæculi. p. 361.

Paragraphus Quartus.

Reijciuntur aduersariorum excogitata ad authoritatem Concilij Arelatenſis conuellenda. pag. 368.

Digressiones duæ incidentes.

Digressio Prima. De Propositione illa. *Ad solam Sedem Apostolicam Diuino immutabili priuilegio spectat de cōtrarijs Fidei iudicare.* pag. 375.

Digressio Secūda. An Summus Pontifex independentē à processibus, informationibus, & Consultorum consultationibus ex sola suprema potestate Pōtificia, qua pollet, possit res Fidei definire. pag. 379.

Paragraphus Quintus.

Defenditur à calumnijs aduersariorum Catholica doctrina *epistolarum* Fausti, & Lucidi. pag. 381.

Paragraphus Vltimus.

Alia quædam argumenta contra existentiam Hæresis Prædestinarianæ proponuntur, & diluuntur. p. 388.
ARTICVLVS SECVNDVS.

Vtrum Hæresis Prædestinarianæ resuscitata fuerit in nono sæculo per Gotteschalcum. pag. 389.

Paragraphus Primus.

Firmatur apertissimis testimonijs vetera sententia asserens Gotteschalcū in nono sæculo Hæresim Prædestinarianam resuscitasse. pag. 390.

Paragraphus Secundus.

Dicta Gotteschalci referuntur, & ex terminis ipsorum conformiter ad mentem Gotteschalci sensus hæreticus eruitur. pag. 393.

Paragraphus Tertius.

Afferuntur quatuor capitula Carisiaca, quibus errores Gotteschalci reprobantur. pag. 401.

Paragraphus Quartus.

Afferuntur Canones Synodi Valentianæ nonnihil dissentientes à capitulis Carisiacis, conuenientes tamen cum eisde in condemnatione Gotteschalci. pag. 403.

Paragraphus Quintus.

Aliz quædam obiectiones aduersariorum afferuntur, & diluuntur. pag. 410.



RAYMUNDI CARDINALIS CAPISVCCHI

Quæstiones Theologicæ Selectæ,
Morales, & Dogmaticæ.

QVAESTIO PRIMA.

Vtrum Sacerdotes Hæretici, Schismatici, & Excommunicati pœnitentem in articulo mortis constitutum Sacramentaliter absolvere possint.



Sacerdotes Hæreticos, Schismaticos, & Excommunicatos denunciatos, pœnitentem in articulo mortis constitutum Sacramentaliter absolvere possunt, si Sacerdos Catholicus, & vnitus commodè haberi nequeat, plures Recentiores affirmant. Negant verò communiter Theologi Nobiliores, ac Theologorum Principes, & omnes ferè Iuris Canonici Periti. Hæc perfectò sententia vera est, ac tenenda; vnde pro quæstionis resolutione sit.

ASSERTIO VNICA.

Sacerdotes Hæretici, & Schismatici notorij, & manifesti, ac excommunicati denunciati pœnitentem in articulo mortis constitutum, Sacramentaliter absolvere non possunt, etiamsi Sacerdos Catholicus, & vnitus commodè haberi nequeat.

Ita Magister Sententiarum in 4. dist. 19. S. Tho. in 3. p. q. 82. art. 2. ad 2. & in 4. Sent. dist. 19. q. 1. art. 2. quæstiunc. 2. ad 3. & ead. dist. q. 1.

A

art. 2.

art. 2. *questiunc.* 3. & *dist.* 25. q. 1.
 art. 2. Albert. Magnus in 4. *Sensent.*
dist. 18. art. 16. Alex. de Ales in 4.
part. q. 20. membr. 8. art. 2. S. Ray-
 mundus in *Summa* libr. 1. de *Hæresi-*
cis, & *eorum* *fautoribus* §. 4. & *lib.* 3.
 de *Penitentijs*, & *Remissionibus* §. 16.
 Durandus in 4. *Sent.* *dist.* 19. q. 2.
 num. 17. in *resp.* ad 4. Capreolus in 4.
dist. 19. *quest.* 1. art. 3. Cardinalis
 Turrecremata in *cap.* 1. nu. 2. de *Pæ-*
nit. *dist.* 6. S. Antonin. in 3. *par.* tit.
 14. *cap.* 19. §. *Quindecima* *condicio*,
 Gratianus 24. q. 1. in *cap.* *Miramur*,
 & in *cap.* *Audiuimus* qu. 1. *dist.* 24.
Gloss. in *cap.* *Ad hoc* *verò* d. 32. in *cap.*
Præter hoc, Bachon. in 4. *Sent.* *dist.* 15.
 q. 2. art. 2. Richard. in 4. *dist.* 19.
 art. 9. q. 3. Nauarr. in *Manuali* *cap.* 26.
 nu. 26. Dominicus Sotus in 4. *dist.* 8.
 q. 4. art. 4. Siluester in *Summa* *verbo*
Confissor 1. q. 20. Author *Summæ* *Pi-*
sane *verb.* *Confissor* 3. §. 9. Martinus
 Ledesma 2. *par.* 4. qu. 21. art. 6. &
 22. art. 1. Thomas à Iesu Carmelit. in
 opere inscripto: *De procuranda salute*
omnium gentium, Cardinalis Tole-
 tus in *Summ.* *lib.* 1. *cap.* 15. num. 4.
 vbi dicit, hanc sententiam esse commu-
 nem, & *Glossam* *cap.* *Non est vobis*,
 contrarium tenentem, communiter ef-
 se reprobam, ex *Præposito* ibidem.
 Azor. *instituit. moral.* *lib.* 8. *cap.* 11.
quest. 12. vbi ait, hanc esse opinio-
 nem communem Theologorum, &
 Canonici *Iuris* *Interpretum*; *Gloss.* in
cap. *Ad hoc*, *verb.* *Malus*, Decius in
l. More ff. de Iurisd. omnium Iudicum,
 Hostien. Io. Andreas, Abbas, An-
 charanus, Butrius, Felinus, Philippus
 contra *Glossam* in *cap.* *Non est vobis*,
 de *Sponsalib.* apud Azorium, Couarruu.

in *cap.* *Alma Mater* *par.* 1. §. 6. num. 8.

Eandem sententiam latè propu-
 gnat Prosper Fagnanus in *cap.* *Non est*
vobis, de *Sponsal.* & *Matrim.* & affert
 declarationem Sacræ Congregationis
 Eminentissimorum DD. Cardinalium
 Concilij Tridentini Interpretum, qua
 Eminentissimi Patres declarant ex-
 communicatum, & denunciatum, nec
 in articulo mortis poenitentem Sacra-
 mentaliter absolueri posse, & solum
 Sacerdotes in vnitare Ecclesiæ viu-
 entes id posse præstare. Hanc declara-
 tionem Fagnanus ex libris originali-
 bus S. Congregationis Concilij, cuius
 ipse fuit à secretis, exscripsit, vt ipse-
 met in principio sui operis de omni-
 bus ferè declarationibus à se allatis
 affirmat, sed & nos eandem declara-
 tionem in authentica forma apud nos
 retinemus, sed de hoc latius infrà.

Probatur primò Assertio nostra au-
 thoritate Summorum Pontificum, &
 Sanctorum Patrum, qui generaliter,
 & nullius casus exceptione facta, affir-
 mant Hæreticos, & Schismaticos iuri-
 dictione carere, & non posse, nec sol-
 uere, nec ligare.

Hi sunt Cœlestinus Papa I. in epi-
 stola ad Ioannem Antiochenum, quæ
 habetur in Concilio Ephesino *rom.* 1.
cap. 19. & refertur *dist.* 24. q. 1. vbi
 sic ait. Si quis ab Episcopo Nestorio,
 aut ab alijs, qui eum sequuntur, ex
 quo talia prædicare cœperunt, vel ex-
 communicatus, vel exutus est, seu An-
 tistitis, seu Cleri dignitate, hunc in
 nostra Communione, & dnrasse, &
 durare manifestum est, nec iudicamus,
 eum remotum, quia non poterat
 quemquam remouere, qui se *Sam.*
 præbuerat ipse remouendum.

Et

Et in epistola ad Clerum Constantinopolitanum. Sedis, inquit, nostræ sanxit autoritas, nullum siuè Episcopum, siuè Clericum, seu professione aliqua Christianum, qui à Nestorio, vel eius similibus, ex quo talia prædicare cœperunt, vel loco suo, vel communione deiecti sunt, vel deiectum, vel excommunicatum videri, quia neminem deiicere, vel remouere poterat, qui prædicans talia titubauit. Idem repetit, & confirmat Nicolaus I. in epistola ad Michaellem.

Innocentius Papa I. *epist. 8. ad Alexandrum*, sic loquitur. Arrianos præterea, cæterasque huiusmodi pelles, quia eorum laicos conuersos ad Dominum sub imagine Pœnitentiæ, ac Sancti Spiritus sanctificatione per manuum impositionem suscipimus, non videtur Clericos eorum, cum Sacerdotij, aut ministerij cuiuspiam suscipi debere dignitate; Quoniam quibus solum Baptismum ratum esse permittimus (quod utique in nomine Patris, & Filij, & Spiritus Sancti perficitur) nec Spiritum Sanctum eos habere ex illo Baptismate, illisque mysterijs arbitramur. Refertur hæc autoritas etiam 1. *quæst. 1. cap. Arrianos*.

Explicat autem S. Thomas 3. *p. q. 82. art. 7. ad 2.* qua ratione solus Baptismus, ab Innocentio, ratus dicitur Hæreticis, & Schismaticis, quia, inquit, Hæretici, & Schismatici possunt licitè baptizare in articulo necessitatis, in nullo autem casu licitè possunt Eucharistiam, vel alia Sacramenta administrare.

Bonifacius VIII. in *Extrauag. Vnam Sanctâ de maior. obed.* docet, extra Ecclesiâ remissionem peccatorum nõ esse.

Sanctus Cyprianus *lib. 2. epistolarum epist. 4.* & habetur etiam *qu. 1. cap. Nouatianus*, sic ait: Qui nec unitatem Spiritus, nec conuentionis pacem obseruat, & se ab Ecclesiæ vinculo, & à Sacerdotum Collegio separat, nec Episcopi potestatem habere potest, nec honorem. Et *lib. 6. epist. 6.* Dicimus, inquit, omnes Hæreticos, & Schismaticos nihil habere potestatis, ac iuris.

Sanctus Ambrosius *lib. 1. de Pœnitentia*, & habetur etiam *cap. verbum, de Pœnitentia dist. 1.* Dominus, ait, parius soluendi esse voluit, & ligandi, qui vtrumque pari conditione commisit, ergo qui soluendi ius non habet, nec ligandi habet. Et infra; certum est, quòd Ecclesiæ vtrumque licet, hæresi vtrumque non licet. Ius enim hoc solis permissum est Sacerdotibus. Rectè igitur Ecclesia vendicat, quæ veros Sacerdotes habet, hæresis vendicare non potest, quæ Sacerdotes Dei veros non habet. Et idem, ut habetur etiam in *cap. Potest fieri*, sic ait. Non enim habent Petri hæreditatem, qui Petri sedem non habent, quam impia diuisione discerpunt.

Optatus *lib. 1. contra Parmenianum* docet Hæreticos, & Schismaticos, clauus Regni Cœlorum habere non posse, nec soluere, aut ligare. Idem docent Augustinus in *Enchyridio cap. 65.* & S. Hieronymus *lib. contra Luciferianos*.

Neque valet, inquit Bellarminus *lib. 2. de Romano Pontifice cap. 30.* quod quidam respondent, istos Patres loqui secundum antiqua iura; Nunc autem ex decreto Concilij Constantiensis, non amittere iurisdictionem, nisi nominatim excommunicatos, & notorios per-

cussores Clericorum, hoc, inquit, Bellarminus, non valet, nam Patres illi, cum dicunt, Hæreticos amittere iurisdictionem, non allegant vlla iura humana, quæ etiam fortè tunc nulla extabant de hac re, sed argumentantur ex natura hæresis. Concilium autem Constantiense, non loquitur nisi de excommunicatis, idest de his, qui per sententiam Ecclesiæ amiserunt iurisdictionem. Hæretici autem etiam ante excommunicationem sunt extrâ Ecclesiam, & priuati omni iurisdictione. Sunt enim proprio iudicio condemnati, vt docet Apostolus *ad Titum* 3. hoc est præcisâ à corpore Ecclesiæ sine excommunicatione. Sed de Concilio Constantiensi latius infra.

Igitur Hæretici, & Schismatici, notorij præsertim, & manifesti nullo modo sunt membra Ecclesiæ, id est neque animo, neque corpore, neque vnione interna, neque externa. Nam Catholici etiam mali sunt vniti, & sunt membra, animo per fidem, corpore per confessionem fidei, & per visibiliû Sacramentorum participationem: Hæretici occulti sunt vniti, & sunt membra solùm externa vnione, sicut è contrario, Catechumeni, sunt de Ecclesia, interna vnione tantùm, non autem externa; Hæretici verò manifesti nullo modo, ac proindè ab intrinseco, & positiuè incapaces sunt, & inhabiles ad recipiendum aliquem influxum ab Ecclesia, eiusque capite, eo pacto, quo membra à corpore præcisâ incapacia, sunt ad recipiendum influxum à corpore, & à capite, à quo sunt præcisâ, ac proindè Hæretici iurisdictione perpetuò carent, vnde nec in casu mortis absoluerè possunt; absolutio enim Sa-

cramentalis Sacerdotis, est actus iudicialis, idque de fide tenendum est, nam sic definitur in Concilio Tridentino *sess. 14. de Sacramento Pœnitentiæ Canon* 9. Vnde nullius momenti est absolutio, quam profert Hæreticus etiam in casu mortis, cum etiam tunc nullam in pœnitentem iurisdictionem habeat. Nec vllus Canon, aut decretum allegari potest (vt bene obseruat Fagnanus) in quo excipiat casus articuli mortis, & quando Ecclesia voluit conferre iurisdictionem in articulo necessitatis, hoc expressit, vt fecit in Sacerdote non exposito ad Confessiones audiendas in *cap. Presbyter* 26. q. 6. in *Extrauag. inter cunctas* §. *Incedarij*, de *privileg.* & in *Extrauag.* 1. §. *Decernimus de sententiâ excommunicationis*, & in casibus referuatis, vt in *cap. frater noster* 16. q. 1. in *cap. Pastoralis* §. *Præterea de offic. Ordin.* cum concord. & in *cap. 7. de casuum reservatione sess. 14. de Pœnitentiâ in Conc. Trident.* Quod cum non fecerit in Hæretico, & Schismatico, censetur noluisse *arg. l. unica §. fin. autem ad deficientis, Cod. de eod. toll.* Solus enim Baptismus reperitur permissus licitè ministrari ab Hæretico in articulo necessitatis, vt in *cap. Si quem foris* 24. q. 1. & in *cap. præter* §. *verum* 32. dist. & in c. *Arrianos* 1. q. 1. (ideoq; talibus Solus Baptismus variè esse permittitur) dictio enim illa taxatiua Solus, est exclusiua, & prohibitiua aliorum Sacramentorum in quocumque casu. Quod si Ecclesia, voluisset idem statuere de Pœnitentiâ, quod de Baptismo expressit, & de Pœnitentiâ poterat, expressisset, vt in simili arguit Pontifex in *cap. Inter corporalia* §. *si circa, de translatione Episcoporum*,

scipi, quod igitur de Baptismo conceditur, de Pœnitentia negatur.

E contra verò, iura omnia, in quibus generaliter conceditur Sacerdotibus facultas absoluedi Pœnitentes in casu necessitatis, eo pacto intelligenda sunt, vt excepti intelligantur Excommunicati, Hæretici, Schismatici, alijq; ab Ecclesia præcisi, omnis enim dispositio intelligitur de habilibus, vt multis probat Fagnan. loc. cit. & in specie quoad Sacerdotes absoluer valentes in articulo mortis declarauit Sacra Congregatio Interpretum Concilij Tridentini in illud *cap. 7. sess. 14. de Pœnitentia* (Omnes Sacerdotes quoslibet pœnitentes à quibuscumque peccatis, & censuris absoluer possunt) Id enim de Sacerdotibus in vnitae Ecclesiæ viuientibus intelligendum esse Sacra Congregatio declarauit, vt infra videbimus.

Quare. Quidquid sit de quæstione illa, vtrum hæretici iure Diuino priuati maneant iurisdictione, de quo dubitasse videtur Petrus de Lorca insignis Theologus Ordinis Cisterciensis in 2. 2. *S. Thoma quæst. 1. 1. art. 4. disp. 64.* & admissio, quod Ecclesia possit hæreticis adhuc in hæresi permanentibus iurisdictionem conferre, etiam in foro interno; Certum est tamen Ecclesiam id hætenus non fecisse. Quin certum est, eos omni iurisdictione, omni que Ecclesiastica Dignitate, officio, & beneficio priuasse, & ad hæc omnia, eos inhabilitasse *cap. dicimus. Cap. Pudentia 24. quæst. 1. cap. Præter 32. dist. Cap. Quo iure dist. 6. cap. Ad abolendum. Cap. Excommunicamus primo de hæreticis, cap. Vt commissi, eodem titulo in sexto, & alia.*

Id autem specialiter pro casu mortis confirmari potest ex his, quæ habentur in *cap. Qui vult de Pœnit. dist. 6.* ibi enim sic dicitur: *Pœnitens non peccat Sacerdotes per aliquam culpam ab unitate Ecclesiæ diuisos, Iudas enim pœnitens iuit ad Phariseos, reliquit Apostolos, nihil inuenit auxilij, sed augmentum desperationis, & est sermo de illo, qui constitutus est in casu necessitatis, nam sermo est de illo, qui ex necessitate prohibetur ad Sacerdotes peruenire, quos quidem querunt sani, & lesi, sed dum querunt anequam perueniant ad eos, moriuntur: Et de his dicitur, quod in eo casu, si deest Sacerdos, confiteatur Proximo. Vnde in eo casu decernitur, confessionem faciendam potius Laico, quam Sacerdoti præciso, & licet confessio illa facta. Laico non sit Sacramentalis, eo quod Laicus ex defectu clauium non possit absoluer, Deus tamen deuotionem, ita contentis misericorditer suscipit; At verò nullo casu licitum esse confiteri, dicitur Sacerdoti ab Ecclesia præciso, quia de manibus inimici non eripietur anima mortui, scilicet in peccatis, exemplo Iudæ, qui non iuit ad Apostolos, sed ad Phariseos diuisos, & diuisus periit. Vnde per hanc litteram Cardinalis Turrecremata, ibi *num. 2.* concludit, Sacerdotes existentes extra vnitatem Ecclesiæ, vt puræ Hæreticos, Schismaticos, & Excommunicatos, nec in casu necessitatis posse officium Confessarij exercere, absoluer, nec aliquem debere talibus confiteri, & allegat Raymundum in summa dicentem, in articulo necessitatis, non esse confitendum Hæretico, vel Schismatico, non inuento Catholico,*

lico, cui confiteatur, sed Pœnitens doleat de peccatis.

Idem docet S. Ioannes Chrysostomus in libro Canonum Pœnitentia-
lium apud Hadrianum in 4. sent. q. 1. de Baptismo, his verbis: *Si quis infirmitate detentus morti appropinquauerit, & Sacerdos, vel Clericus defuerit, tunc ab alio in nomine Patris, & Filij, & Spiritus Sancti baptizari poterit, Pœnitentia autem, & Communio à nullo suscipienda est, nisi à Catholico.*

Et S. Athanasius in Epistola ad Solitarios laudat Alexandrinos, quod maluerint acerbiorē vitam inter pericula iraducere, & à peccatis non absolutos ē vitam exire, quā ministerio Arrianorum uti.

Præcluditur euasio Ioannis Puteani, & vera sententia confirmatur.

Ioannes Puteanus Theologus Augustinianus par. 2. in 3. p. S. Thomas de Confessione dub. 3. respondet, Sacerdotem Hæreticum, & Excommunicatum etiam denunciatum, vel notorium percussorem Clericorum esse in Ecclesia, quotiescumq; in hypothese administrat Sacramentum Pœnitentiæ, illo eodem modo, quo Turca dicitur esse in Ecclesia, quotiescumq; Baptismum administrat paruulo alicui in necessitate constituto: Est enim, inquit, Sacerdos hic instrumentum, quo utitur Christus inter absoluentem istum pœnitentem; Neque hoc magis absurdum videri debet (inquit Puteanus) quam Deum locutum fuisse antiquitus per os Cayphæ explicantis prophetiam istam: *Expedit, ut*

unus homo moriatur pro Populo, & non tota gens pereat. Quam prophetiam mouente Spiritu Sancto protulit, ut docet verbis expressis, Ioannes in suo Euangelio. Hoc, inquit, dixit, non à se ipso, sed à Spiritu Sancto, cum esset Pontifex anni illius, Hæc Puteanus.

Sed nullatenus vrgent, nam hæc quidem consequentia est bona: Hæretici quædam Sacramenta verè administrant, ergo sunt in Ecclesia secundum aliquid, & non simpliciter, ut docet Bellarminus lib. 3. de Ecclesia Militante cap. 4. At verò, quod ad rem nostram attinet, prius probandum est antecedens, nempe hæreticos præfatos verè administrare Sacramentum Pœnitentiæ, aliàs petitur principium, id est supponitur id, quod est probandum, & de quo est quæstio, licet concedatur, verè administrare Sacramentum Baptismi, quia id expressè docet Ecclesia.

Explicatur hoc: Vel Hæretici præcisi sunt membra, antequam assument ministerium Sacramenti Pœnitentiæ, vel cum assument prædictum ministerium. Primum dici non potest, cum careant ea coniunctione, quæ secundum eundem Bellarminum ibidem cap. 5. facit vnitatem essentialem Ecclesiæ, scilicet coniunctionis membrorum inter se, & cum capite. Neque secundum dici potest, tum quia id gratis asseritur, tum etiam quia, vel sunt membra per inualem administrationem Sacramenti Pœnitentiæ, & hoc est falsissimum, alias Ethnicus, vel Turca posset pro libitu, ponere se in Ecclesia: vel sunt membra per validam administrationem, & hoc est proban-

bandum, nempe hæreticum præcisum validè administrare Sacramentum Pœnitentiæ. Igitur in præfata consequentia petitur principium, nisi probetur antecedens.

Et quod ad Baptismi ministerium attinet, Ecclesia satis declarat, in casu necessitatis (secundum Christi institutionem) esse quemlibet vsu rationis præditum. Quæ declaratio non extat pro ministro Sacramenti Pœnitentiæ. Immo potius oppositum apparet.

Præterea, actus baptizandi est nudum ministerium sine exercitio iurisdictionis, & sine prærogativa prælationis; qualis potest competere etiam scemina, quæ incapax est prælationis in Ecclesia Dei. At verò ministerium absolventi, est per modum iudicii, ac proinde cum prælatione, & vsu iurisdictionis, qui vsus dependet à consensu Ecclesiæ; Ecclesia autem non consensit, nisi ut tantum Sacerdotes in eius vnitate viuentes possint adhuc in articulo mortis absolvere, & qui dicunt: Omnes Sacerdotes iure Diuino absolvere posse in articulo mortis, id intelligunt de Sacerdotibus aliis non inhabilibus, & incapacibus, quales sunt Sacerdotes in Ecclesiæ vnitate viuentes, sed & hæc opinio non recipitur communiter, & videtur intentioni Concilij repugnare.

Illud verò de Caypha nullum fecit negotium, supposita doctrina S. Thomæ, præcipuè in epistola ad Titum cap. 1. lect. 3. nempe Caypham habuisse à Deo inspirationem, quam malè intellexit, ideò participasse aliquid de prophetia. Quare Cayphas fuit valde imperfectè, & materialiter Propheta, & potius deferens per mo-

dum fistulæ prophetiam, quàm prophetans.

Adde, hunc casum non contingere; At Minister absolutionis, etiam in articulo mortis est verus Minister, immò Vicarius Christi, ut loquitur Concilium Tridentinum; Atqui huiusmodi casus potest frequenter contingere, quare non videtur asserendum, id ex constitutione Ecclesiæ posse competere eiusdem Ecclesiæ membris contumacibus putridis, immò mortuis.

Quid hac in re senserit S. Thomas.

AD eò manifestum est, S. Thomam sentire, quod Hæretici, & Excommunicati, nec in casu necessitatis Pœnitentiæ Sacramentum administrare possint, ut de illius mente rationabiliter dubitari nequeat. Id enim pluribus locis expressit. Nam 2. 2. art. 3. docet, in Schismaticis, & Hæreticis potestatem iurisdictionis non manere, & illos non posse, nec absolvere, nec excommunicare, nec Indulgentias facere, aut aliquid huiusmodi; Quod si fecerint, nihil actum esse: nec vllum excipit casum, quo hæc possint, sed specialius in casu mortis id docet 3. p. q. 82. art. 7. ad 2. ubi admittens auctoritatem Innocentij Papæ in epist. 8. ad Alexandrum dicentis; Solum Baptismum ratum esse permitti Hæreticis, & Schismaticis, explicat, qua ratione id verum sit, inquit: *Ad secundum dicendum, quod solus Baptismus permittitur esse ratum Hæreticis, & Schismaticis, quia possunt licet baptizare in articulo necessitatis, in nullo autem casu possunt Eucharistiam, vel alia Sacramenta conferre.*

ferre. Hæc S. Thomas, in quibus animaduertendum, quod cum S. Doctor ait, Hæreticos, & Schismaticos in nullo casu posse licitè Eucharistiam, vel alia Sacramenta administrare, non idè vult, cætera omnia Sacramenta præter Baptismum ab Hæreticis, & Schismaticis illicitè dumtaxat administrari, quasi alia omnia Sacramenta, præter Baptismum illicita sint, sed valida; Certum est enim, quod Sacramentum Pœnitentiæ, nec licitè, nec validè adhuc in articulo mortis iuxta doctrinam eiusdem S. Doctoris ab Hæretico, & Schismatico administrari possit. Id enim expressè docet in 4. *sent.* locis infra citandis, sed *loc. cit. ex 3. par.* soluendum tantum ei fuerat argumentum illud, vt explicaret, qua ratione verum habeat Innocentij dictum, quod solus Baptismus ab Hæreticis, vel Schismaticis collatus ratus permittatur, ne ex dicto illo argui posset Eucharistiæ consecrationem ab Hæretico, vel Schismatico peractam, non esse validam, contra id, quod in articulo illo docuerat, & idè Innocentij dictum, eo pacto intelligendum dicit, quod solum Baptismum ab Hæreticis collatum ratum Innocentius dixerit, id est licitum, quia scilicet Hæretici, & Schismatici licitè possunt (in casu tamen necessitatis) baptizare, in nullo autem casu possunt licitè Eucharistiam consecrare, vel alia Sacramenta conferre, Eucharistiam verò, etsi non licitè, validè tamen ab eis consecrari dicit. Et idem affirmat in 4. *sent. dist. 25. q. 1. art. 2.* Ibi enim docet, quod Hæretici, & ab Ecclesia præcisi vera Sacramenta conferant (vno tantum excepto Sacramento Pœnitentiæ, vt ibidem

dicit in solutione primi argumenti) sed cum Sacramentis gratiam non dant, non propter inefficaciam Sacramentorum, sed propter peccata recipientium ab Hæreticis, & præcisis contra prohibitionem Ecclesiæ; nam ex hoc ipso, quod aliquis Hæretico præciso ab Ecclesia in Sacramentis communicat, peccat, & ita factus accedit, & gratiam consequi non potest, nisi forte in Baptismo in articulo necessitatis; Hæc S. Thomas cum Innocentio.

Idem docet *dist. 19. q. 1. art. 2. quæstionum. 2. ad 3.* nam vbi docuit, quod etiã mali Sacerdotes habent vsum Clauium; Obijcit sibi tertio loco Sanctum Augustinum *lib. 2. contra Cresconium Grammaticum*, dicentem, quod Sacramentum gratiæ dat etiã Deus per malos, ipsam verò gratiam nonnisi per se ipsum, vel per Sanctos suos, & idè remissionem peccatorum per se ipsum facit, vel per ipsius Columbæ membra, sed remissio peccatorum est vsum clauium; Ergo peccatores, qui non sunt Columbæ membra, vsum Clauium non habent. Respondet, quod S. Augustinus membra Columbæ nominat omnes ab Ecclesia non præcisos. Qui enim ab eis Sacramenta recipiunt, gratiam consequuntur, non autem, qui recipiunt ab illis, qui sunt ab Ecclesia præcisi, quia hoc ipso peccant, excepto Baptismo, quem in casu necessitatis, licet etiam ab Excommunicato recipere.

Cæterum quod nec validè ab Hæretico, vel Schismatico Sacramentum Pœnitentiæ administraretur docet Sanctus Thomas in 4. *sent. dist. 25. art. 2.* citato in solutione primi argumenti.

Ibi enim assignat rationem, ob quam Hæretici, & ab Ecclesia præcisi possint Ordines conferre, non verò absoluerè, vel ligare, & est illa, quod effectus absolutionis, non est alius, quam remissio peccatorum, quæ per gratiam fit, & ideo Hæreticus non potest absolvere, sicut nec gratiam conferre, & iterum quia ad absolutionem requiritur iurisdictio, quam non habent ab Ecclesia præcisi.

Idem docuerat *dist. 19. q. 1. art. 2. quæstunc. 3.* ibi enim ait, quod in Schismaticis, & Hæreticis, Excommunicatis, & suspensis manet clauium potestas, quantum ad essentiam, sed vsus impeditur ex parte materiæ; Cum enim vsus clauium prælationem in vtereq. requirat, respectu eius, in quem vititur propria materia, in quam exercetur vsus clauium, est homo subditus, & quia per ordinationem Ecclesiæ vnus subditur alteri, ideo etiam per Ecclesiæ Prælatos potest subtrahi alicui ille, qui erat ei subditus, Vnde cum Ecclesia Hæreticos, & Schismaticos, & alios huiusmodi priuet subtrahendo subditos, vel simpliciter, vel quantum ad aliquid, quantum ad hoc, quo priuati sunt, non possunt vsu clauium habere.

Et cum sibi obiecisset, quod sicut potestas clauium, dependet ab ordine, ita & potestas conficiendi, sed Schismatici, & Hæretici, & alij ab Ecclesia separati non possunt amittere vsu potestatis conficiendi Eucharistiam, quia si conficiunt, confectum est, quamuis peccent conficiendo, ergo etiam non possunt amittere vsu clauium. Respondet, quod materia Sacramenti Eucharistia, in quam vsu potestatis exercet Sacerdos, non est homo, sed

panis triticeus, & in Baptismo homo simpliciter, vnde sicut si subtraheretur Hæretico panis triticeus conficere non posset, ita nec, si subtrahatur prælatio absolvere potest, potest tamen baptizare, & conficere, quamuis ad suam damnationem.

Cum ergo in hoc perpetuus sit Sanctus Thomas, quod Hæretici, & Schismatici omni prorsus iurisdictione careant, ideoque absolvere nunquam possint, sed solum Baptismum in casu necessitatis administrare, euident est iuxta S. Doctorem ab Hæreticis, & Schismaticis, nec licite, nec valide Pœnitentiæ Sacramentum, adhuc in casu necessitatis, seu in articulo mortis administrari.

Nec obstat, quod S. Doctor *dist. 20. quæst. unica art. 1. quæstunc. 2.* dicat, quemlibet Pœnitentem in articulo mortis à quolibet Sacerdote absolui posse. Nam id in terminis habilibus à Doctore Sancto intelligi certum est; scilicet, quemlibet Sacerdotem aliàs non inhabilem, & ab Ecclesia non præcisum, quemlibet in articulo mortis absolvere posse: Hac enim ratione, & Concilium Tridentinum intelligendum esse, cum dicit, Sacerdotes omnes absolvere posse in articulo mortis, dicemus infra, & hunc esse Sancti Thomæ sensum *loc. cit.* patet etiam ex his, quæ docuerat *dist. 19. q. 1. art. 2. quæstunc. 2. ad 3.* ibi enim dixerat solum Baptismum in casu necessitatis licitum esse recipere ab his, qui sunt ab Ecclesia præcisi, quod & docet alijs locis supra allegatis, vnde iuxta ea, quæ alibi docet accipiendum est, quod docet *quæstunc. 2. citata.*

Sed ex his, quæ habet S. Doctor in

eadem quæstiuncula, manifestè appareat, ipsum nonnisi de Sacerdote in Ecclesiæ vnitate viuente intelligere, quod ait, quemlibet Sacerdotem posse in articulo mortis quemlibet Pœnitentem absolueret; Primò, quia loquitur de Sacerdote, qui ex ordinatione Ecclesiæ habet iurisdictionem limitatam, vel nullam, at Sacerdos Hæreticus caret iurisdictione, nedum ex ordinatione Ecclesiæ, sed etiam ex propria ratione, quia videlicet est ab Ecclesiâ præcisus, vt diximus supra. Secundò, quia in solutione primi argumenti, ait, quod quia Ecclesia acceptat, vt quilibet Sacerdos absolueret possit in articulo mortis, idè ex hoc ipso quis iurisdictionis habet vsum, quamuis iurisdictione careat: Certum est autem, quod Ecclesia non acceptat, vt etiam Sacerdos Hæreticus absolueret possit in articulo mortis, immò id prohibet, vt constat ex dictis; & saltem negari non potest, id valdè controuerti inter Doctores, quorum nobilior portio negantem sententiam amplectitur. Tertiò, quia S. Doctor ait, ad suum intentum facere auctoritates in litteris appositas, scilicet in Textu Magistris Sententiarum, & sunt illæ, Prima Leonis Papæ dicentis, quod his, qui tempore necessitatis, & periculi vrgentis instantia, præsidium Pœnitentiæ, & munus reconciliationis implorant, nec satisfactio interdicenda est, nec reconciliatio neganda, quia misericordie Dei, nec mensuras possumus ponere, nec tempora definire. Secunda est Concilij Carthaginensis, qua dicitur, quod Presbyter inconsulto Episcopo non reconciliet pœnitentem, nisi absente Episcopo, si vltima necessitas

cogat. Ex his auctoritatibus, illa Leonis nil aliud habet, nisi quod in casu necessitatis misericordie Dei mensuras non possumus ponere, hoc est in casu necessitatis, non debemus negare, quod Pœnitentes absolui possint ab omnibus Sacerdotibus, aliàs tamen capacibus, & ab Ecclesia non præcisus. Secunda verò auctoritas ex Concilio Carthaginensi loquitur manifestè de Presbytero Catholico, & Ecclesiæ Catholice vnito, nam loquitur de Sacerdote illo, qui extra casum necessitatis, non potest reconciliare pœnitentem, nisi consulto Episcopo, & in casu necessitatis inconsulto Episcopo; hæc autem de Sacerdote, seu Presbytero in vnitate Ecclesiæ viuente manifestè intelliguntur, nam Sacerdos ab Ecclesia præcisus extra casum necessitatis etiam consulto Episcopo, non reconciliat pœnitentem. Cum igitur S. Thomas pro sententia sua facere assermet auctoritates præfatas, & præfate auctoritates nonnisi de Sacerdotibus in vnitate Ecclesiæ viuentibus loquantur, & Sanctum Thomam nonnisi de iisdem Sacerdotibus *quæstiunc. cit.* loqui euident est.

Respondetur his, quæ pro se afferunt Aduersarij ex Concilio Constantiensi.

Afferunt pro se Aduersarij Constitutionem Concilij Constantiensis, quæ, vt refertur à S. Antonino in sua Summa 3. par. tit. 25. de Excommunicatione minori cap. 3. est tenoris sequentis.

Ad

Ad evitandum scandalum, & multa pericula, quæ conscientijs timoratis contingere possunt: Christi fidelibus tenore præsentium misericorditer indulgemus, quod nemo deinceps à communione alicuius in Sacrorum administratione, vel receptione, aut alijs quibuscumque Diuinis iuris, & extra, prætextu cuiuscumque sententia, aut censura Ecclesiastica à iure, vel ab homine generaliter promulgata, teneatur abstinere, vel aliquem vitare, aut interdictum Ecclesiasticum observare, nisi sententia, vel censura huiusmodi fuerit illata contra personam, Collegium, Vniuersitatem, Ecclesia Communitatem, vel locum certum, vel etiam à Iudice publicata, vel denunciata specialiter, & expressa. Constitutionibus Apostolicis, & alijs in contrarium facientibus non obstantibus quibuscumque, salvo si quem pro sacrilega manuum iniectione in Clericum sententiam latam à Canone adeo notorie consisterit incidisse, quod factum non possit aliqua tergiversatione celari, nec aliquo suffragio excusari: nam à Communione illius, licet denunciatus non fuerit, volumus abstinere iuxta Canonicas sanctiones in Concilio Constantiensi sub Martino Quinto.

Ex hac igitur Constitutione arguunt Auctores Aduersi, quod non quilibet Excommunicatus vitandus sit, nec quilibet Excommunicatus prohibeatur administrare Sacramenta, sed solum ille, qui per sententiam specialem contra personam latam, nominatim denunciatus fuerit, aut notorius fuerit percussor Clerici: Cum autem non omnes Hæretici, aut Schismatici sint nominatim per sententiam specialem Excommunicati denunciati, neque omnes sint notorii percussores Clerici, Hæretici

non Excommunicati nominatim, nec notorii percussores Clerici, poterunt iuxta præfatam Constitutionem in casu necessitatis confessionem fidelium excipere, Pœnitentiæ Sacramentum illis administrare, eosque Sacramentaliter absolvere.

Argumentum hoc retorquendum est in Opponentibus; Nam illi se fundant præcipue in Ecclesiæ pietate; Inquiunt enim Ecclesiam, uti piam Matrem, salutem filiorum sufficienter consuluisse: Non autem, inquiunt, filiorum salutem sufficienter consulisset, si nolisset hæreticos, & Schismaticos Pœnitentem absolvere in casu necessitatis. At idem, eisdem Opponentibus necesse est dicere, quoad Excommunicatos denunciatos, & notorios Clericorum percussores, quod nempe Sancta Mater Ecclesia filiorum salutem, non sufficienter consulisset, si nolisset excommunicatos denunciatos, & notorios Clericorum percussores, absolvere pœnitentes in casu necessitatis; Et tamen in præfata Constitutione decernitur, quod excommunicati denunciati, & notorii Clericorum percussores Sacramenta administrare non possint. Sicut ergo absque præiudicio pietatis Sanctæ Matris Ecclesiæ potuit Concilium Constantiense decernere, ut in nullo casu excommunicati denunciati, & notorii Clericorum percussores Sacramenta administrare possint, ita & Summi Pontifices, & alia Concilia, absque præiudicio pietatis Sanctæ Matris Ecclesiæ decernere potuerunt, ut Hæretici, & Schismatici Pœnitentiæ Sacramentum in nullo casu, nec etiam in articulo mortis administrare possent, & sicut ex hoc, quod Concilium Constantien-

se generaliter statuerit, nullo profus excepto casu, quod excommunicati denunciati, & notorij Clericorum percuussores non possint Sacramenta administrare, non deducitur, quod Ecclesia non sufficienter consulnerit filiorum suorum saluti, ita neque deducitur ex eo, quod eadem Ecclesia statuerit, ut Hæretici, & Schismatici in nullo casu, etiam necessitatis possint Pœnitentiæ Sacramentum administrare.

Ad argumentum verò solutio patet ex dictis, Constitutionem Concilij Constantiensis, cum statuit Excommunicatos omnes, præter denunciatos, administrare posse Sacramenta, loqui de Excommunicatis illis, qui ad Sacramenta administranda aliud impedimentum non habent, nisi censuram Ecclesiasticam, ac proindè loqui de solis Catholicis Excommunicatis: Idque constat ex ipso contextu Constitutionis, nam in eo non fit mentio, nisi de his, qui aliqua censura Ecclesiastica sunt innodati, & hoc impedimentum removere intendit Concilium Constantiense per Constitutionem illam, Ad evitandum, ut ait, scandalum, & multa pericula, quæ conscientijs timoratis contingere possunt. Cum enim de iure communi, omnes Excommunicati administrare Sacramenta prohibeantur, Concilium declarat, quod liceat Sacramenta recipere ab omnibus Excommunicatis, exceptis illis, qui per sententiam aliquam specialem in excommunicationem incidisse declarati fuerint, Hæretici autem, & Schismatici antecesser ad omnem censuram, Sacramenta conferre prohibentur, ob hæresim videlicet, ratione cuius præcisi sunt ab Ecclesia, atque ideo omni iurisdictione carent.

Idque etiam ex eo constat, quod in præfata Constitutione administratio Sacramentorum conceditur Excommunicatis non denunciatis generaliter, & non dumtaxat in casu necessitatis, ac proindè Excommunicatis non denunciatis conceditur, quod administrare possint Sacramenta, etiam extra casum necessitatis, igitur Constitutio loquitur de solis Catholicis Excommunicatis, nam non est credendum, quod Concilium statuere voluerit, ut extra casum necessitatis Hæretici notorij præsertim, & manifesti, etsi non denunciati, licitè possint Sacramenta administrare, & præcipuè Sacramentum Pœnitentiæ.

Cum igitur hæretici, & Schismatici non sint comprehensi in Constitutione Constantiensi, & ad sint rationes propriæ pro eorum exceptione, ab ea, quæ fit in illa Constitutione, quæ non faciunt pro merè excommunicatis; Hinc benè concluditur, quod ad ipsos non se extendat Constitutio. Pro quo faciunt plures Textus Canonici, & legales, ut: *Vbi militat diuersa ratio non fit extensio ad alios casus, etiamsi videantur similes.* Item. *Exceptio firmat regulam in non exceptis.* Item. *Lex non debet exire terminos suos.* Item. *A verbis legis non est recedendum.* Item. *Casus omissus relinquitur dispositioni Iuris.* Item. *Quod lex non dixit, nec nos dicere debemus.* Item. *A lege antiqua non est recedendum, nisi quatenus in noua id exprimitur, & id genus plura, quæ referre longum esset.*

Nec prætereundum, quod de Constitutione præallata Concilij Constantiensis in hac re obseruat Fagnanus in 1. par. 5. lib. Decretal. de Schismaticis, & ordinatis ab eis cap. Quod à Prædecesso-

Dist. 11. q. 7. de Ordinatione.

Lex non est-
ut dicitur, de
legibus.

h. d. com-
dorem. h.
de salute
morum.

c. suspensio
de excep.
in 6.

c. cum re-
pedit de
elect. in 6.

re, videlicet Constitutioni prædictæ Concilij Constantiensis derogatum, videri per aliam Constitutionem Concilij Lateranensis sub Leone X. quæ habetur *sess. 11. in §. statuimus*, vt ad vitandum scandala *tom. 4. Conciliorum par. 3. pag. 117. col. 2.* Hæc enim Constitutio concordat de verbo ad verbum cum Constitutione edita Constantiæ, vsque ad verbum salvo, &c. sed postea vbi Constantiensis excipit notorios Clericorum percussores ab administratione Sacramentorum, Constitutio Lateranensis excipit generaliter omnes notoriè excommunicatos his verbis (Aut si notoriè in excommunicationis sententiâ consisterit incidisse, quod nulla possit tergiversatione celeri, aut aliquo iuris suffragio excusari nam à communione illius abstinere volumus, iuxta Canonicas sanctiones) Hæc ibi: Quæ clausula manifestè opponitur clausulæ Constitutionis Constantiensis. In illa enim Catholici habilitantur ad communicandum cum excommunicatis, etiam notoriè ante denunciationem, nisi sint notoriè excommunicati propter sacrilegam manu iniectionem in Clericos. In hac verò prohibentur communicare indistinctè cum omnibus excommunicatis, etiam non denunciatis, quorum crimen est adeò notorium, vt nulla possit tergiversatione celeri, iuxta *Text. in cap. Tua nos &c. & c. fin. de cohabit. Cleric. ex. Mulier.* ergò in hac parte Constitutio Lateranensis tanquam posterior derogavit Constantiensi, licet illius nullam fecerit mentionem, vt ex *Text. in cap. 1.* vbi id notant Glossa, Archidiaconus Io. Mon. Io. Andr. Gemin. & reliqui omnes de *Constitut.*

libr. 6. & de Constitutionibus Conciliaribus, quæ inuicem aduersantur, tradunt Turrecrem. & Præpos. in cap. Domino Sancto 30. dist. Cum autem Hæretici notorii, etsi non sint denunciati, sint tamen notoriè excommunicati, ex vi Constitutionis Lateranensis vitandi sunt, ita vt non possint Sacramenta administrare; & hinc ruit argumentum desumptum ex Constitutione Constantiensis, nam standum videtur dispositioni Constitutionis Lateranensis, quæ Constantiensi hac in parte derogauit.

Nec obstat, subdit Fagnanus, quod ex consuetudine iam receptum sit, vt ad præscriptum Constitutionis Constantiensis, non habeantur pro excommunicatis vitandis, nisi nominatim denunciati, & notorii percussores Clericorum.

Nam respondet, huiusmodi consuetudinem aduersari antedictæ Constitutioni Concilij Lateranensis, ac proinde non valere, vt in terminis alterius Concilij Lateranensis sub Innocentio III. etiam in materia ad fidem non pertinente docet Hostius in *c. Cum Laicis 11. de reb. Eccles. non alienan.* vbi ait, istud esse Concilium generale, quod est obseruandum sicut Euangelium *cap. Si cut 15. dist.* Ergò non valet contraria consuetudo.

Verumtamen quicquid sit de hac Fagnani sententiâ, & an, quam ipse vocat consuetudinem, dicenda sit potius tolerantia Summorum Pontificum; certum est nullatenus tolerari, quod hæretici notorii, etsi non denunciati excommunicati, Sacramentum Pœnitentiæ, aut quodcumque aliud Sacramentum administrent. Et ex hoc ipso confirmatur, quod iam diximus, Constitutu-

stitutionem Constantiensem, cum statuit, ab excommunicationis non denunciatis Sacramenta recipi posse, loquidumtaxat de Catholicis excommunicatis non denunciatis, non verò de hæreticis, vnde nullum in fauorem opinionis, quam confutamus, potest ex Constitutione illa desumi argumentum.

Soluitur obiectio ex Concilio Tridentino petita, & assertur pro nostra sententia Declaratio Sacræ Congregationis Eminentissimorum DD. Concilij Tridentini Interpretum.

Objicitur secundò. Concilium Tridentinum *sess. 14. de Pœnitentia cap. 7.* vbi post statutam reservationem casuum hæc habentur. *Verumtamen pie admodum, ne hac ipsa occasione aliquis pereat, in eadem Ecclesia Dei custoditum semper fuit, ut nulla sit reservatio in articulo mortis, atque idcirco omnes Sacerdotes quoslibet, pœnitentes à quibusvis peccatis, & censuris absolueri possunt.* His namque verbis, cum generalia sint, & nullus excipiat Sacerdos, videtur Sacrum Concilium comprehendere voluisse, etiam Sacerdotes hæreticos, & Schismaticos, eisque facultatem à quibusvis peccatis, & censuris absoluedi concedere, quæ facultas, inquit Vasquez, magis vniuersalis conferri non potuit. Quin & in Sacris Canonibus, vbi huius rei fit mentio absolutè Ecclesia omnibus videtur committere hanc facultatem absoluedi, quia nul-

lum excipit. Hæc Vasquez *tom. 4. in 3. p. 93. dub. 4.*

Hoc argumento sententiam oppositam efficaciter probari aliqui existimant. Sed falluntur. Nam Sacra Congregatio DD. Cardinalium Concilij Tridentini Interpretum speciali declaratione docuit, & declarauit, verba illa Concilij, *Omnes Sacerdotes quoslibet pœnitentes in articulo mortis absolueri possunt*, intelligenda esse de solis Sacerdotibus in vnitatem Ecclesiæ viuentibus, cuiusmodi non sunt hæretici præsertim notorij, & manifesti, aut excommunicati denunciati: Declarationem hanc assert Fagnanus in *4. libr. Decretal. De Sponsalibus, & Matrim. cap. Non est vobis*, est autem, quæ sequitur.

Episcopus Valentinenfis petijt declarari. Vtrum pœnitentes in articulo mortis constitutos possit in casibus reseruatim absolueri quilibet Sacerdos, etiam excommunicatus, & denunciatus, vt tenuit Nauarrus de regulis Confessariorum *cap. 27. nu. 272. vers.* quod per eadem verba, fol. 551.

Congregatio Generalis Moron., Alciat., Senonens., M. Alt. Alban., S. Sixti, censuit non posse. Quia communis opinio videtur illa, quod tales Excommunicati non possint etiam in hoc casu necessitatis, Magister Sent. in *4. dist. 19. Sanctus Thomas in 3. par. q. 82. art. 7. ad 2. & in 4. sent. dist. 19. q. 1. art. 2. quest. unc. 2. ad 3.* Durandus in *4. dist. 19. q. 2. num. 17. in resp. ad 4.* Capreol. in *4. dist. 19. quest. 1. art. 3.* Turrecrem. in *cap. 2. num. 2. de Pœnit. dist. 6.* S. Antoninus in *3. par. tit. 14. cap. 19. §. Quinta decima conditio*, Bachon. in *4. dist. 15. quest. 2. art. 2.* Scotus in *4. dist. 19. quest. unica art. 4.* Richard. in *4. d. 18.*

d. 18. art. 4. quæst. 3. Alex. de Alef. in 4. par. quæst. 20. membr. 3. art. 2. Nauarr. in *Manuali* cap. 26. num. 26. facit cap. *Audiuimus* 24. quæst. 1. Abbas in cap. *Cum Clericis de Ord. ab Episc. qui renunc.* Decius in *l. more ff. de Iurisd. omnium Iud.* licet contra teneant Palud., Syluester, & Petrus Sotus. Nec obstat c. 7. de casuum reservatione, quia debet intelligi de omnibus Sacerdotibus in vnitae Ecclesiæ viuentibus, referendumque ad eos Sacerdotes, de quibus eodem cap. 7. in prima, & secunda parte agitur, qui habent vel ordinariam, vel delegatam potestatem. Hactenus Sacra Congregatio.

Retorquetur ergo, & hoc argumentum in Opponentibus, & sit ineluctabile contra illorum sententiam: Nam Concilium Tridentinum, ubi de hac re agit, cum inquit, quod Sacerdotes omnes in articulo mortis quoslibet à quibuslibet casibus, et censuris absolueri possunt, id non de omnibus indiscriminatum Sacerdotibus intelligit, sed de illis dumtaxat, qui in vnitae Ecclesiæ viuunt, et ab ea generalitate excludit Excommunicatos Denunciatos, & Hæreticos præsertim notorios, et manifestos, nam hi nullatenus in vnitae Ecclesiæ viuunt. Hanc enim esse Sacri Concilij mentem in laudatis verbis declarauit Sacra Congregatio Cardinalium eiusdem Concilij Interpretum, inter quos, vt bene obseruat Fagnanus, aderat Cardinalis Moronus, qui paulò ante fuerat Legatus Apostolicus in Concilio, et cuius directione omnia agebantur: Vnde si Patres Concilij in decreto de casuum reservatione, voluissent includere Sacerdotes Excommunicatos Denunciatos, et Hæreticos, aliosque ab Ec-

clesia præcisos, idem Cardinalis non consensisset, vt fieret declaratio, in qua declararetur, vt in eo decreto, cum dicitur, in articulo mortis omnes Sacerdotes, quoslibet penitentes, à quibusuis peccatis, & censuris absolueri posse, debere intelligi cum limitatione illa. Omnes Sacerdotes in vnitae Ecclesiæ viuentes.

Et quamuis Episcopus Valentiniensis de Sacerdote præsertim Excommunicato, & denunciato quæstionem Sacræ Congregationi proposuerit, petendo ab ea, vtrum penitentes in articulo mortis constitutos possit in casibus reservationis absolueri quilibet Sacerdos, etiam Excommunicatus, & denunciatus: Et Sacra Congregatio responderit, *Non posse*, eadem tamen Sacra Congregatio in eadem declaratione soluit argumentum petitum ex cap. 7. Sessionis 14. Concilij Tridentini, de casuum reservatione, ubi dicitur, quod omnes Sacerdotes, quemlibet in articulo mortis penitentem, à quibusuis casibus, & censuris absolueri possint. Et declarat id non nonnisi de Sacerdotibus in vnitae Ecclesiæ viuentibus intelligendum esse; Et per hoc declarat etiam, nec Hæreticos, notorios præsertim, et manifestos, in casu mortis Pœnitentiæ Sacramentum administrare posse, nam hi non viuunt in vnitae Ecclesiæ.

Præterquam quod, cum Sacra Congregatio declarat Excommunicatos, & denunciatos non posse penitentes in articulo mortis constitutos in casibus reservationis absolueri, potiori iure hoc ipsum, nec Hæreticos posse declarat, nam Hæretici sunt ab Ecclesia magis præcisi, quàm Catholici excommunicati.

Sed ex hoc ipso, quod Sacra Congre-

gregatio declaret, Excommunicatos, & denunciatos, non posse pœnitentes in articulo mortis absolvere, aduersariorum sententia omninò destruitur, nam ipsi volunt, generaliter Sacerdotes omnes, etiam excommunicatos, & denunciatos pœnitentem in articulo mortis constitutum absolvere posse: Sacra verò Congregatio, expressè declarauit Sacerdotes excommunicatos, & denunciatos in articulo mortis absolvere non posse.

Illud etiam adnotandum, quod cum Sacra Congregatio declarat excommunicatos, & denunciatos non posse pœnitentem in articulo mortis constitutum absolvere, id comprehendit etiam Hæreticum denunciatum Excommunicatum; & ex hac etiam parte ruit Aduersariorum sententia. Ex omni tamen parte ruit, quia Hæreticus, siuè sit denunciatus Excommunicatus, siuè non sit Excommunicatus denunciatus, Pœnitentiæ Sacramentum, etiam in casu mortis administrare prohibetur ex Sacro Concilio, nam Sacra Congregatio declarauit, solum Sacerdotes in vnitatem Ecclesiæ viuentes in articulo mortis absolvere posse; nam facultatem in casu mortis absoluendi, non nisi Sacerdotibus in vnitatem Ecclesiæ viuentibus concessam declarauit; Hæretici autem in vnitatem Ecclesiæ non viunt.

Excusat Fagnanus recentiores, qui in oppositam sententiam abierunt, quod præfatæ declarationis notitiam non habuerint, & controuersiam hanc à Tridentina Synodo decisam putauerint. Sed non videntur excusandi. Nam, etiam independentèr ab ea declaratione, ex mera Textus inspe-

ctione apparet, Concilium, cum ait, Omnes Sacerdotes quoslibet Pœnitentes in articulo mortis à quibuslibet peccatis, & censuris absolvere possunt, eos dumtaxat Sacerdotes intellexisse, qui in vnitatem Ecclesiæ viuunt, & ex his non generaliter omnes, sed illos, qui ordinariam, vel delegatam habeant potestatem, vt autem id euidenter fiat, ante oculos subiiciendum est intergrum decretum Concilij, & illius verba diligenter expendenda. Est autem quod sequitur.

Quoniam igitur natura, & ratio iudicij illud exposcit, vt sententia in subditos feratur, persuasum semper in Ecclesia Dei fuit, & verissimum esse Synodus hæc confirmat, nullius momenti absolutionem eam esse debere, quam Sacerdos in eum profert, in quem ordinariam, aut subdelegatam non habet iurisdictionem. Magnoperè verò ad Christiani populi disciplinam pertinere, Sanctissimis Patribus nostris visum est, vt atrociora quædam, & grauiora crimina, non à quibusuis, sed à Summis dumtaxat Sacerdotibus absoluerentur. Vnde meritò Pontifices maximi pro suprema potestate sibi in Ecclesia vniuersa tradita, causas aliquas criminum grauiores suo potuerunt peculiari iudicio referuare. Neque dubitandum est, quando omnia, quæ à Deo sunt, ordinata sunt, quin hoc idem Episcopis omnibus in sua cuique Diocesi, in ædificationem tamen, non in destructionem, liceat pro illis in subditos tradita supra reliquos inferiores Sacerdotes auctoritate, præsertim, quoad illa, quibus Excommunicationis censura annexa est. Hanc autem declarationem, consonum est

Diuinæ auctoritati, non tantum in externa politia, sed etiam coram Deo vim habere. Verumtamen pie admodum, ne hac ipsa occasione aliquis pereat, in eadem Ecclesia Dei custoditum semper fuit, ut nulla sit reservatio in articulo mortis: atque ideo omnes Sacerdotes quoslibet poenitentes, à quibusvis peccatis, & censuris absolvere possunt: Extra quem articulum Sacerdotes, cum nihil possint in casibus reservatis, id vnum poenitentibus persuadere nitantur, ut ad Superiores, & legitimos Iudices, pro beneficio absolutionis accedant.

Decretum istud, ut bene observat Fagnanus, tres habet partes. In prima generaliter definitur, ad validitatem absolutionis necessariò requiri, ut Sacerdos habeat iurisdictionem ordinariam, vel delegatam in poenitentem. In secunda ibi. *Magnopere*, docet expedire, ut generalis hæc iurdictio limitetur, & restringatur mediante casuum reservatione, ita ut à quibusdam gravioribus criminibus, non indifferenter Sacerdotes omnes absoluant, sed Summi tantum Sacerdotes, id est, Papa in vniuersa Ecclesia, & Episcopi in sua quisque Dicecesi. In tertia ibi. *Verumtamen*, declarat nullam esse reservationem in articulo mortis, & sublata differentia, quam ponit inter inferiores, & Summos Sacerdotes, & inter casus reservatos, & non reservatos, docet, Sacerdotes omnes in mortis articulo posse absolvere quoslibet poenitentes à quibusvis peccatis, & censuris. Quare sensus Concilij est manifestus, primò namque docet, quod nulla sit absolutio, si Sacerdos iurisdictionem non habeat in poenitentem: Secundò, quod

hanc iurisdictionem non habeant Sacerdotes inferiores in casibus, quos Summi Sacerdotes tibi reservarunt. Tertiò. *Ne hac ipsa occasione* (id est reservationis casuum) aliquis pereat, docet, quod nulla sit reservatio in articulo mortis, atque ideo omnes Sacerdotes, id est, nedum Summi, sed etiam inferiores, qui habent quidem iurisdictionem, sed, ob casuum reservationem, ad eorum absolutionem non se extendentem, absolvere possint, quoslibet poenitentes, id est, tam subditos, quam aliàs in casibus reservatis non subditos, à quibusvis peccatis, & censuris, scilicet tam non reservatis, quam reservatis. Sacerdotes autem, qui subdelegatam habent iurisdictionem in poenitentem, sed limitatam, & extra casum mortis ad casus reservatos non se extendentem, sunt Sacerdotes Catholici, & in vnitatem Ecclesie viuentes; hi enim sunt, qui absolvere prohibentur ex vi reservationis, nam Sacerdotes præcisi, non prohibentur absolvere ex vi reservationis, sed ex vi præcisionis, qua sunt ab Ecclesia præcisi, & separati. Quapropter verba illa Concilij, *Omnes Sacerdotes &c.* restringuntur ad subiectam materiam reservationis. Item restringuntur ad Sacerdotes aliàs gaudentes iurisdictione, quales non sunt præcisi ab vnitatem Ecclesie. Itè restringuntur, ut non includant casum, in quo specialis mentio requiritur, & in quo reperitur peculiaris repugnantia. His modis probat Fagnanus loco cit. à Doctoribus passim limitari regulam desumptam ex *l. Iulianus ff. de leg. 3. & cap. si Romanorum 19. dist.* id est, qui omnes dicit, nihil excludit. Et in specie, quod verbum *Om-*

nes, restringatur ad personas habiles, etiamsi agatur de fauore publico, probat Textus irrefragabilis in *l. In provinciali §. fin. iuncta l. seq. ff. de operis noui nunciacione*. Nam Textus dicit, Omnes Ciues opus nouum nunciare possunt, & in *l. seq.* redditur ratio, quia Reipublicæ interest, quamplurimos ad defendendam suam causam admitti: Et tamen verba illa, *Omnes Ciues* restringuntur ad habiles, & idoneos, ut ibi notat Glos. in verbo *Omnes Ciues*, vnde Pupillus, & mulier non admittuntur *l. de Pupillo ff. eodem, & l. Mulier ff. de popul. act.* Quare propositiones vniuersales intelliguntur semper in terminis habilibus, & exceptis excipiendis, idque multò magis, quando ex contextu ipso cogimur excipere, & limitare, Immo Textus ipse excipit, & limitat in præsentī, ut constat ex dictis. Aduersarij autem propriæ opinionis defendendæ ardore abrepti, nudam illam Concilij propositionem accipientes, *Omnes Sacerdotes in articulo mortis quoslibet penitentes à quibusuis peccatis, & censuris absoluerè possunt*, non expensis Textu, nec attentis antecedentibus, & consequentibus more auium post alias auolantium, re non plenè discussa in eam iuerunt sententiam, quam impugnamus.

Mirum est autem, quod recentiores aliqui dicunt, Fatentur enim Hæreticos iuxta Sacros Canones, & secundum antiqua iura Pœnitentiæ Sacramentum, nec in casu mortis posse administrare, omnique illos iurisdictione carere, at ex noua Tridentini dispositione, id posse, idque à Tridentino dispositum, ut animarum fidelium saluti consulere. Quasi per quindecim sæcu-

la Tridentinum præcedentia fidelium saluti consultum non fuerit, & Concilium nouam in hac re dispositionem fecerit, Cum tamen Concilium nouam nullam dispositionem fecerit, sed quod in Ecclesia Dei custoditum semper fuit, probauerit, Vnde illud, quod *Omnes Sacerdotes quoslibet penitentes in articulo mortis, à quibusuis casibus, & censuris absoluerè possunt*, Concilium nouo, & speciali Canone, aut decreto non definit, sed ex eo, quod in Ecclesia Dei custoditum semper fuit deducit, ut satis ostendit particula illa *Ideo*, sic enim, inquit, Concilium: *Veruntamen pie admodum, ne hac ipsa occasione aliquis pereat, in eadem Ecclesia Dei custoditum semper fuit, ut nulla sit reservatio in articulo mortis: atque ideo omnes Sacerdotes quoslibet penitentes à quibusuis peccatis, & censuris absoluerè possunt*. Cum autem in Ecclesia custoditum semper fuerit, ut Hæretici, nec etiam in articulo mortis, Pœnitentiæ Sacramentum administrarent, ut constat ex dictis, idem & Concilium Tridentinum voluisse, evidens est. Quod & allata Sacræ Congregationis declaratio confirmat, dum ab ea generalitate, qua dicitur Omnes Sacerdotes absoluerè posse, exceptos intelligi dicit iuxta mentem Concilij Excommunicatos, & eos, qui in vnitatem Ecclesiæ non viuunt. Cum autem hoc ipsum Concilium deducat ex eo, quod in Ecclesia Dei custoditum semper fuit, in Ecclesia Dei id semper custoditum fuisse constat, ut omnes Sacerdotes exceptis præcis in articulo mortis absoluerè possint, hosque etiam in Sacris Canonibus exceptos intelligi.

Nec sub specioso titulo consulendi salu-

saluti fidelium dici debet, quod Concilium Hæreticis indulserit, ut Pœnitentiæ Sacramentum in articulo mortis conferre possint, nam potius dicendum, quod Ecclesia fidelium salutem non consulisset si Hæreticis Pœnitentiæ Sacramentum administrandi facultatem in casu mortis concessisset, eam enim facultatem Hæreticis concedere, esset ouium curam lupis committere, salutemque fidelium iuratis Ecclesiæ hostibus commendare, ac manifesto periculo exponere. Periculum enim ab Hæreticis semper imminet, cum Hæretici possint, & curent fideles inficere, & errores suos docere, præsertim tempore mortis, calliditati Hæreticorum magis opportuno, ob fidelium tunc debilitatem, & non plenam mentis aduertentiam, ideoque semper adest periculum peruerfionis. Hinc Thomas à Iesu Carmelita de *Conuersione Gentium lib. 8.* rectè ait, quod quamuis Hæreticus ex iure Diuino absolutè loquendo, non sit Excommunicatus, nec ex consequenti vitandus, sed tantum iure Canonico, interim tamen in Diuinis, & Sacris iure Diuino est vitandus, si ex communicatione cum Hæretico nobis periculum irammet nostri spiritualis exitij, & interitus, videlicet perfidie, & Christianæ religionis contemptus. Ideò S. Paulus Hæreticorum colloquia semper declinanda præcipit; Ad Rom. 16. *Rogo autem vos fratres, ut obseruetis eos, qui dissensiones, & offendi- cula, præter doctrinam, quam vos didicistis, faciunt, & declinare ab eis, nam per dulces sermones, & benedictiones seducunt corda Innocentium.* 2. Tim. 3. *Hos deuota Titum* 3. *Hæreticum deuota.* 2. epist. Ioannis, *si quis venit ad vos, &*

hanc doctrinam affert, nolite recipere in Domum, nec aue ei dixeritis.

Idem inculcant, & Sancti Patres; Irenæus lib. 3. cap. 3. *Apostoli, & horum discipuli habuerunt timorem, ut neque verbotenus communicarent alicui eorum, qui adulterauerant veritatem.* S. Cyprianus lib. 1. Epist. 7. ad Cornelium, *Declinent, inquit, fortiter, & euitent dilectissimi fratres nostri, verba, & colloquia eorum, quorum sermo, ut cancer serpit.* Et infra. *Nulla cum talibus commercia, nulla colloquia misceantur, sinusque ab eis tam separati, quam sunt illi ab Ecclesia profugi.* S. Athanasius de S. Antonio in eius vita. *Nunquam, inquit, Manichæis, aut alijs Hæreticis, saltem amicabilia verba largitus est, denunciens talium omicritiam, atque sermones, perditionem esse anima.* Sic etiam Arianos detestabatur, ut omnibus diceret, nec iuxta eos quidem esse accedendum. Et ipse S. Antonius iam moriturus. *Hæreticorum, inquit, & Schismaticorum venena vitate, mecumque circa eos odium seclāmini, scitis ipsi, quod nullus mihi, nec pacificus quidem sermo, cum eis unquam fuerit.*

S. Augustinus in epist. 62. *Hæreticum, inquit, sicut vitandum monemus, ne infirmos, & paruulos fallat, ita non abnuimus, quibuscumque modis possumus corrigendum.* S. Leo Serm. 18. de Passione Domini. *Viperea, inquit, Hæreticorum vitate colloquia, nihil vobis commune sit cum eis, qui solo sunt nomine Christiani.*

Hæc autem, quæ ab Apostolis, & Sanctis Patribus de colloquio, & communicatione cum Hæreticis in ciuilibus dicta sunt, multò magis de communicatione cum eisdem in Diuinis, & mortis tempore sunt attendenda.

vnde credendum est, quod Ecclesia inter Sacramentorum Ministros, nec etiam in articulo mortis, Hæreticos, & Schismaticos habere voluerit. Ideo ad propositum argumentum dicendum, quod etsi Concilium Tridentinum facultatem omnibus Sacerdotibus concedat quemlibet pœnitentem à quibuscumque peccatis, & censuris absolueri, id tamen intelligit de Sacerdotibus aliis capacibus, & habilibus, de illis scilicet, qui viuunt in vnitatem Ecclesie. Immo neque generaliter de omnibus, qui viuunt in vnitatem Ecclesie, sed de his, qui aliis habent potestatem absolueri ordinariam, vel delegatam, & idem dicendum, cum in Sacris Canonibus decernitur nullam esse reservationem in articulo mortis, vti semper custoditum fuisse in Ecclesia Dei, dicit Concilium in laudato Decreto, & constat etiam ex Sacris Concilijs, & Canonibus ad marginem dicti Decreti ad hoc allegatis, & sunt Concilium Carthaginense 4. *Can. 76. Toleranum 11. Can. 11. cap. Pastoralis §. Præterea de offic. Ordin. c. salcis de Pœnit. in 6. Clem. Cupientes, eod. cap. Inter cunctas §. duos de prin. in Extraug. comm.* nam certum est in his non cœdi facultatem absolueri nisi Sacerdotibus in vnitatem Ecclesie viuentibus, & aliis facultatem absolueri ordinariam, vel delegatam habentibus, nam cum tollitur reservatio, conceditur facultas absolueri Sacerdotibus illis, quibus aliis facultas limitata fuerat ad casus non reservatos, ac proinde etiam Sacerdotibus illis, qui aliis habebant iurisdictionem delegatam.

Quod verò Sacerdotes simplices,

non approbati, nullamque aliis iurisdictionem habentes, in Ecclesia tamen vnitatem viuentes, absolueri possint pœnitentes in articulo mortis habetur ex Concilio Carthaginensi 11. *Can. 3. & refertur Cap. Presbyter dist. 26. quasi. 6.* Nam ibi dicitur: *Presbyter inconsulto Episcopo non reconciliet pœnitentem, nisi absente Episcopo ultima necessitas cogat;* vbi licet Concilium videatur loqui de reconciliatione solemni pœnitentis, dum tamen excipit articulum mortis, clarè deducitur, intelligendum esse etiam de absolutione ordinaria priuata, & dum ait, quod non reconciliet absente Episcopo, certum est loqui de Sacerdote aliis non habente iurisdictionem, quæ tamen illi in eo casu ab Ecclesia tribuitur. Certum est autem Concilium Carthaginense ibi loqui de Sacerdote Catholico in vnitatem Ecclesie viuente, nam loquitur de Sacerdote, qui subsit Episcopo, talis autem non est Sacerdos Hæreticus, aut Schismaticus.

Præterea: quilibet Sacerdos simplex etiam si nullam aliis habeat iurisdictionem, potest quemlibet pœnitentem à quibuscumque casibus, & censuris in articulo mortis absolueri, quia hæc praxis viget in Ecclesia, & Ecclesia acceptat, vt quilibet Sacerdos absolueri possit in articulo mortis, idè ex hoc ipso quis vsum iurisdictionis habet, quamuis iurisdictione careat, inquit Sanctus Thomas in 4. *sent. dist. 20. q. 1. art. 1. quasi nunc. 2. ad 2.* At Ecclesia non acceptat, vt etiam Sacerdos Hæreticus absolueri possit pœnitentem in articulo mortis, nec huiusmodi praxis est in Ecclesia.

Vltèrius iurdictio non confertur
sine

sine prælatione in eum, in quem exercenda est, & cum non deceat Hæreticum Catholicum, nec etiam in foro interiori præficere, idèò conuenienter Ecclesia, nec in foro interiori iurisdictionem Hæretico in Catholicum concessit. Hinc S. Thom. 2. 2. *quæst.* 10. *art.* 10. docet. Infidelibus non esse concedendum dominium, & prælationem super fideles, & licet loquatur de dominio, & prælatione temporalis, & externa, quæ tamen affert, probant etiam nec dominium in foro interno infidelibus super fideles concedendum esse. Sic enim ait in argumento. Sed contrà. Ad eum, qui præest, pertinet habere iudicium super eos, quibus præest, sed infideles non possunt iudicare de fidelibus; Dicit enim Apostolus 1. ad Corinth. 6. *Audet aliquis vestrum habere negotium aduersus alterum, iudicari apud iniquos, id est, infideles, & non apud Sanctos?* Ergo videtur, quod infideles fidelibus præesse non possint.

In corpore verò articuli ait, quod si loquamur de dominio, vel prælatione infidelium super fideles de nouo instituenda, hoc nullo modo permitti debet; cedit etenim hoc in scandalum, & in periculum fidei, de facili enim illi, qui subiunguntur aliorum iurisdictioni immuari possunt ab eis, quibus subsunt, vt sequantur eorum imperium, nisi illi, qui subsunt, fuerint magnæ virtutis, & similiter infideles contemnent fidem, si fidelium defectus cognoscant, & idèò Apostolus prohibuit, vt Fideles non contendant in iudicio coram Iudice infideli, & idèò nullo modo permittit Ecclesia, quod infideles acquirant dominium,

super fideles, vel qualitercumque eis præficiantur in aliquo officio. Hæc S. Thomas, quæ optimè quadrant in rem præsentem.

Soluitur alia obiectio Gabrielis Vasquez.

Objicit præterea Vasquez loco citato; Quod vt plures volunt, iure Diuino conceditur cuilibet Sacerdoti iurisdicctio in articulo mortis, ergo nunquam deletur, sicut nec character ad consecrandum, & ira manet in Hæreticis; Et S. Thomas in 4. *sent. dist.* 19. *q.* 1. *art.* 3. *quæstione.* 1. sine limitatione docet, quemlibet Sacerdotem in quemlibet vti posse clauem in casu necessitatis, & ex sententia Capreoli in 4. *dist.* 19. *quæst.* 1. in *sol.* 4. *contra* 3. *conclus.* Sequitur hæc sententia, scilicet, Omnem Sacerdotem alias quocumque modo impeditum, & etiam Hæreticum, eo tempore esse legitimum Iudicem, quia si iure Diuino conceditur, vt ipse Capreolus inquit, iurisdicctio in articulo mortis, ergo nunquam deletur, sicut nec character ad consecrandum, & ita manet in Hæreticis.

Sed etiam si dicamus, prosequitur Vasquez, iure humano competere, etiam in articulo mortis, quemlibet posse absolvere; quod tamen Hæreticis sit negata hæc facultas, & sublata materia, dupliciter contingere potest; primò, quia ipsi in se incapaces efficiuntur ipsa infidelitate, aut quia Ecclesia de facto negauit illis materiam: primum dici non potest, quia si infidelitate non deletur character Sacerdotalis, sic non deletur quoad vtramque potest-

potestatem ex parte effectiui principij, scilicet quoad consecrandum, & absoluendum, sed ita constituti manent à Christo Iudices ad absoluendum per illa verba, *Accipe Spiritum Sanctum &c.* Sicut per illa. *Accipe potestatem missas celebrandi*, Sacerdotes ad consecrandum, ergo idonei manent, vt eis subdi possit auctoritate Ecclesiæ materia iurisdictionis, in quam possunt operari, ac proinde etiam si in Hæreticis non sit fides, non idè deest fundamentum iurisdictionis, cum non desit fundamentum characteris, & ita neque clauis in ordinatione collatæ, & consequenter, nec iurisdictionis actualiter habentis materiam sibi subditam. Quare deficientia fidei in Hæretico, inquit Vasquez, non obstat, quin Hæreticus in articulo mortis possit quemlibet absolvere, & ex hoc sequeretur etiam absolutionem collatam, ab Hæretico interiori esse nullam, etiam si bona fide facta fuerit, quia in illo deest fides; Vnde & fundamentum iurisdictionis, & sic tenerentur omnes confessiones repetere, quas integre, & perfecte coram Parocho fecerunt, quem tamen cognouerunt postea Hæreticum fuisse interiorem eo tempore. Sed neque secundum dici potest; Quod Ecclesia, scilicet subtraxerit materiam Hæretico, quoniam hoc nullo fundamento probari potest, cum absolute Ecclesia, vbi huius rei fit mentio, omnibus videatur committere hanc facultatem, quia nullum excipit Sacerdotem, & verè committit ijs, qui alias facultatem ad hoc non habebant, facultatem absoluendi à reſeruatīs, quod idem est. Hæc Vasquez.

Respondetur, immeritò à Vasquez pro se allegari S. Thomam, & Capreolum locis citatis; nam S. Thomas quæstiuncula illa non docet, Sacerdotem, etiam præcisum vt possit clauē in articulo mortis, sed docet, Sacerdotem in vnitatē Ecclesiæ viuētem, id est, illum, qui de facto à Summo Sacerdote accepit potestatem iurisdictionis in aliquos determinatē, vt est Parochus, posse in ne cessitatē articulo, vt clauē etiam in illos, qui non sunt sibi subditi: ait enim; quod *sicut in Cælesti Hierarchia sub potestatibus, quæ indistincte præſunt, præponuntur Principatus, qui singulis Prouincijs distribuantur: & sub his Angeli, qui singulis hominibus in custodiam deputantur, ita & in prælatione Ecclesiæ militantis debet esse, vt apud aliquem esset prælatio indistincta in omnes, & sub hoc essent alij, qui super diuersos diuersam potestatem, & distinctam acciperent. Et quia vsus clauium requirit aliquam prælationis potestatem, per quam ille in quem vsus clauium communicatur, efficiatur materia illius actus, idè ille, qui habet indistinctam potestatem super omnes, potest vt clauibus in omnes. Illi autem, qui sub eo distinctas potestates acceperunt, non in quolibet vt possunt clauibus, sed in eos tantum, qui eis in sortem venerunt, nisi in necessitatē articulo, vbi nemini Sacramenta sunt deneganda.*

In his autem non habetur, quod iure Diuino cuiuslibet Sacerdoti etiam præciso concedatur iurisdictionis in articulo mortis, sed solum, quod Deus cum ordinem in Ecclesiam militātem induxerit, quod ille, qui habet indistinctam potestatem super omnes possit vt clau-

clauibus in omnes, illi autem, qui sub eo distinctas potestates acceperunt, non in quoslibet uti possunt clauibus, sed in eos tantum, qui eis in sortem venerunt, nisi in articulo necessitatis, ubi nemini Sacramenta sunt deneganda: Solùm ergo vult S. Thomas, quod illemet Sacerdos, cui aliàs ab eo, qui habet indistinctam potestatem super omnes, limitata est potestas in aliquos determinatè, possit in articulo necessitatis uti clauibus etiam super eos, qui ei in sortem non venerunt, id est super eos, qui ei aliàs subiecti non fuerant. Vndè S. Thomas loquitur manifestè de Sacerdote Catholico, & in vnitatem Ecclesiæ viuente.

Capreolus verò *loc. cit.* non dicit, iure Diuino concedi iurisdictionem cuilibet Sacerdoti etiam præciso in articulo mortis, immò expressè excludit præcisos, nam ad quartum argumentum Durandi refert, & probat solutionem, quam ipsemet Durandus ad argumentum à se allatum affert. Sic enim ait Capreolus; *Ad quartum inquit Durandus, dicendum est, quod ex ordinatione Christi est, quod Oues Petri non regantur, nec subsint curæ, vel regimini cuiuscumque, nisi ex commissione Petri mediata, vel immediata, directa, vel indirecta. Semper autem Sedes Petri voluit, quod in articulo mortis, quilibet Sacerdos non præcisus ab Ecclesia possit quemlibet absoluerè à peccatis in absentia illius ad quem cura regulariter pertinet, etsi nolle in illo casu, nihilominus possit non obstante priuilegio Petri, quod non fuit ei datum ad destructionem, sed ad edificationem, cum fuerit ei datum ad pascendum oues. Vndè in*

illo casu cessaret priuilegium Petri, & fieretur prima ordinationi Christi de potestate clauium Ordinis, qua se extendit ad omnem peccatum, & ad omne peccatum. Nec casus necessitatis mutaret ministerium, sed ordinatio Christi, qui in tali casu non dedit Petro priuilegium. Hac Durandus, & bene conformiter Sancto Thomæ 4. sent. dist. 20. quæstione prima, articulo primo quæstioncula secunda, in solutione primi, ubi sic, ait, Aliquis potest uti iurisdictione alterius eius voluntate, quia ea, qua iurisdictionis sunt, committi possunt. Vndè quia Ecclesia acceptat, ne quilibet Sacerdos absoluerè possit quemlibet in articulo mortis, idè ex hoc ipso quis usum iurisdictionis habet, quamuis iurisdictione careat. Hactenus Capreolus.

Posito autem, quod Sacerdotes omnes, exceptis præcisis, iurisdictionem habeant ad absoluerendum in articulo mortis, quæstio est inter Doctores, an eam iurisdictionem habeant iure Diuino, vel Ecclesiastico. Vndè etiam si dicatur ab aliquibus, eam iurisdictionem haberi iure Diuino, non est ad rem, quod subdit Vasquez, nempe quod si iure Diuino conceditur iurdictio in articulo mortis, ergo nunquam deletur, sicut nec character ad consecrandum, & ita manet in Hæreticis; non est hoc, inquam, ad rem, nam illimet, qui volunt, iurisdictionem concedi iure Diuino Sacerdotibus omnibus, pro articulo mortis, id intelligunt de omnibus Sacerdotibus, exceptis præcisis, nam hos excipit, & Durandus, ut vidimus.

Ad ea verò, quæ postremò addit Vasquez. Respondetur Hæreticos notorios, & manifestos, de quibus præcipuè quæstio est in præsentì, ex eo; quod sint extra Ecclesiam, & ab ea præcisi, ac separati, incapaces esse iurisdictionis Ecclesiasticæ, nam Hæretici notorij, & manifesti, nullam omninò cum Ecclesia connexionem habent, & idè incapaces sunt iurisdictionis, vt supra diximus cum Bellarmino, quidquid sit de Hæreticis merè internis, aut occultis, & rursus Ecclesia Hæreticos iurisdictione perpetuò, & nullo prorsus excepto casu priuat, & cum Ecclesia concedit generaliter Sacerdotibus facultatem, vt absolvere possint poenitentem in articulo mortis, intelliguntur semper excepti Excommunicati denunciati, & Hæretici, eisque Ecclesia subditos subtrahit, vt constat ex dictis. Nec obstat, quod in Hæreticis, permaneat character Sacerdotalis, nam ad absoluendum Sacramentaliter, præter characterem Sacerdotalem, requiritur etiã potestas iurisdictionis, & prælatio, seu subiectio subditorum; quæ in Hæretico non recipiuntur. Sed de hoc infra.

Præstat hic ea etiã asserre, quæ habet S. Thomas *Quodlibet. 12. qu. 19. art. 30.* vbi sic ait: *Quidam dicunt, quod quilibet Sacerdos potest absolvere quemlibet à quolibet peccato, & licet male faciat absoluendo, tamen absolutus est. Et ratio horum fuit, quia simul datur Presbytero in sua ordinatione potestas consecrandi Corpus Christi, & potestas clauis: Et idè sicut potest consecrare quemlibet Hostiam, ita & potest absolvere quemlibet. Sed hoc est erroneum, quia nullus potest absolvere pro-*

pria auctoritate, nisi eum, qui est aliquo modo sibi subditus, quia actus sunt in materia propria: Et absolutio Sacerdotalis habet iudicium annexum, & hoc, scilicet iudicium, non est nisi in subditos, & inferiores. Qui ergo non habet subditum, non potest absolvere, & sic iurdictio dat materiam Sacerdoti determinatam, secus autem est de Hostia, quæ est materia determinata. Cui ergo nulla cura committitur, habet clauem ligatam, ut Iurista dicunt, scilicet, quia non habet omnino materiam.

Aliorum recentiorum argumenta solvuntur.

Alij etiã recentiores alia proferunt argumenta, Obijciunt enim, quod eo ipso, quod quis vtitur opinione probabili Doctorum, existimantium habere iurisdictionem, reuera illam habet, siuè habitualement, siuè actualement pro actu, quem hic, & nunc exercet. Id autem fundamentum habere dicunt in *l. Barbarius ff. de officio Prætoris*, quam volunt etiã in iure canonico locum habere, Vnde iuxta eam docent Sacerdotem illum, qui habet titulum coloratum iurisdictionis ad absoluendum, sicque communi errore populi existimatur Confessorius, etiã si reuera communi, & ordinaria iuris via iurisdictionem non habeat, validè tamen absolvere, quia in omni Republica tam sæculari, quàm Ecclesiastica receptum est, vt Iudici putatiuo tribuatur à Superioribus iurdictio, actaque illius firma, & valida sint propter commune Reipublicæ bonum, ne in illo fiat communis aliqua turbatio. At opinio asserens

rens Hæreticum externum, & notorium in articulo mortis validè absoluerè, est probabilis, ergo ipse validè absoluit.

Respondetur negando minorem, nempe quod opinio asserens, Hæreticum externum, & notorium in articulo mortis validè absoluerè, sit probabilis, posita namque declaratione Sacre Congregationis superius adducta, alijsque positis, quæ diximus suprâ, & alijs, quæ dicemus infrâ, præfata opinio non videtur mihi probabilis, ac proinde non interuenit error communis, vel illius loco probabilitas opinionis, vt Authores aduersi contendunt: Nec dici potest opinio illa error communis, etiamsi probabilis esset, quia contradictores habet, & non susinetur ab omnibus.

Deficit etiam titulus coloratus, seu putatius nã titulus coloratus prouenire debet à legitimo Superiore, vt obseruat Fagnanus in laudato tractatu de opinione probabili n. 380. ex c. dudum 2. de elect. & ibi docent Innocent. n. 3. Hostien. super ver. *Damnabiliter*, Io. Andr. n. 42. Ant. de Butr. n. 26. Card. qu. 6. & Abb. num. 11. ait, quod etiamsi adsit communis error, non iuuat, ex quo deest autoritas, Superioris (nam lex *Barbarius ff. de offic. Prætor.* fundat se super communi errore, & super autoritate Superioris: nam ille Seruus, qui putabatur liber, habuit officium à Superiore, & sic concurrebant ibi duo, scilicet autoritas Superioris, & communis error) At eo ipso, quod Sacerdos affirmet, titulum putatiuum oriri tantum ex opinione, & credulitate probabili, satis clarè hinc excluditur titulus proueniens à legitimo Superiore, igitur

argumentum illud intentum non concludit.

Respondetur secundo, quod in omni Republica tam Sæculari, quàm Ecclesiastica benè ordinata, cautum est, ne vlllo casu iurisdicção cõcedatur membris ab ea præcisus, eiusque hostibus notorijs, & manifestis; Hæretici autem notorij, & manifesti præcisus sunt ab Ecclesia, eiusque notorij, & manifesti hostes, atque ideo quod sancitur in *l. Barbarius*, præter communem errorem, ac titulum putatiuum, quæ necessariò requiruntur, vt iurisdicção in casu ibi expresso conferatur, supponit, quod is, cui conceditur iurisdicção, sit de corpore eiusdem Reipublicæ, & non sit ab illa præcisus, eiusque hostis, & Aduersarij, qualis est Hæreticus in ordine ad Ecclesiam; Nec ex eo quod Hæretico negetur iurisdicção ad absolendum poenitentem in articulo mortis, oritur perturbatio aliqua in Ecclesia, nam in nulla Republica oritur perturbatio aliqua, ex eo, quod iurisdicção super suos subditos denegetur hostibus, & aduersarijs eiusdem Reipublicæ; præterquam quod casus ille, quo Catholico in articulo mortis constituto, non interfit nisi Sacerdos Hæreticus, est rarissimus, & ex hoc etiam capite non videtur Ecclesia debuisse legem concedere, qua iurisdictionem etiam Hæreticis concedat, & in eodem casu adeat remedium certum, quod moribundus potest adhibere, scilicet Contritio; Vnde quod ex præfata lege *Barbarius*, deduci potest, aptari nequit casui præsentì.

Præterea, vt rectè aduertit Ioannes Sanchez *disp. 44. num. 10.* quod ex communi errore, ac titulo putatiuo

conferatur iurisdicção, id euenit, quia expressè lege illa *Barbarius ff. de offic. Prætor.* ita sancitum est; At quod ex probabili opinione iurisdicção conferatur nullo iure est decretum; Et quamuis in errore, & opinione, par procedat ratio, in voluntate tamen Superioris situm est, errori fauere, & non opinioni. & potest Superior conuenienter fauere errori, quia contingit errorem communem esse, & non conferendo iurisdicçãoem errantibus,urbationem insurgere in Republica; Nullum autem horum occurrit, si non conferatur iurisdicção existimantibus opinionem aliquam esse probabilem, nam contingit, opinionem non esse probabilem, apud omnes, & in casu posito negando iurisdicçãoem, eam opinionem tenentibus, nullum oritur inconueniens; cum constitutus in articulo mortis recurrere possit ad remedium certum, scilicet contritionem, & alias, inconuenientia sequerentur, si iurisdicção Hæretico in eo casu concederetur, vt supra dictum est.

Aduertit etiam ibidem Sanchez cū Federic. *conf. 112.* Francisc. Nicatitio in *Repub. Rubrica, ff. de noui operis nunciacione num. 224.* Mascard. & Caietan. relatis à Garzia 1.10. *de beneficijs par. 3. cap. 4. num. 304.* tunc errorem conferre iurisdicçãoem, quando est circa factum, non quando error versatur circa ius: Quando autem aliquis Sacramentum ministrat ex opinione probabili, cum periculo irritandi illud, si fortè à parte rei vera non sit opinio, ex errore iuris procedit, non facti.

Quartò obiicitur. Quod sententia docens Sacerdotem absoluentem cum opinione probabili, de sua iurisdicçãoe

validè absolueret, à multis annis circumscriptur, imprimitur, & defenditur in publicis disputationibus, & operibus, ita vt Pontifices, & Prælati non ignorent istam sententiam ad praxim adhiberi; Et possent, ac deberent prohibere, si renuant dare hanc iurisdicçãoem pro casu, quo probabiliter iudicetur esse talis iurisdicção. At sententia asserens, Hæreticum iurisdicçãoem habere ad absolendum in casu mortis, docet, Hæreticum absolueret iuxta opinionem probabilem; Ergò de hac sententia idem dicendum est, ac de sententia docente, Sacerdotem absolueret posse cum opinione probabili de sua iurisdicçãoe, quòd nempe sententia hæc non ignoretur à Pontificibus, & Prælatibus, nec ab eis prohibeatur, ac proinde velint, Hæreticum in eo casu habere iurisdicçãoem.

Respondetur, ex declaratione Sacre Congregationis Interpretum Concilij Tridentini superius allata, satis constare, quod Ecclesia non probat, imò improbat opinionem asserentem Excommunicatum, & Hæreticum absolueret posse in articulo mortis; Authores autem, qui eam opinionem docuerunt, declarationem illam ignorarunt; Nec Pontifices probare censentur opinioniones, quæ circumferuntur, & in The-sibus, aut operibus imprimuntur, & propugnantur; Multa enim permittuntur, quæ non idèò probantur, aliud enim est ratihabitio, aliud verò permissio, & quamuis ratihabitio de præsentia æquiualeat licentiæ expressæ, non tamen æquiualeat permissio. Quare ex eo, quod permittatur impressio alicuius opinionis, sed propositionis, non idèò propositio illa probatur, aut rata habetur,

tur, alias nulla propositio, aut opinio esset falsa, vel improbabilis, si omnis propositio, vel opinio, eo ipso, quod eius impressio permittitur, censeatur approbata; Et multæ propositiones, quarum impressio aliquando permissa est, non potuissent postmodum ab Ecclesia damnari, quia per antecedentem permissionem, & impressionem censendæ essent iam probatæ; & tamen Ecclesia permultas opiniones, & propositiones damnavit, quarum disputatio, & impressio prius permissa fuit. Cæterum ex hoc, quod aliqua opinio reiecta non sit ab Ecclesia non deducitur, quod ab Ecclesia probata sit. Quare merito Alexander VII. Summus Pontifex in decreto emanato anno 1665. hanc propositionem damnavit, quæ est vigesima septima in ordine, *si liber sit alicuius iunioris, & moderni, debet opinio censeri probabilis, dum non constet, reiectam esse à Sede Apostolica tanquàm improbabile.*

Quintò obijciunt multipliciter Authorum, qui sentiunt Sacerdotes Hæreticos, & Schismaticos, aliosque ab Ecclesia præcisos valide, ac licitè absolueri pœnitentes in articulo mortis, ita ut hæc opinio videatur communis, & probabilior opposita, idque ex eo etiam, quod fidelium saluti magis favere videatur, & pietati conformior appareat.

Respondetur, multipliciter Authorum recentiorum, qui sentiunt, Sacerdotes Hæreticos, & Schismaticos, aliosque ab Ecclesia præcisos absolueri posse pœnitentes in articulo mortis, opponendum esse agmen nobiliorum Doctorum, præsertim veterum, qui contrarium affirmant; Inter quos, Princeps ipse Theologorum Sanctus

Thomas Doctor Angelicus, & omnes ferè Iuris Canonici Interpretes, quos in principio quæstionis retuli. Quare sententiam negantem Hæreticos, & Schismaticos, aliosque ab Ecclesia præcisos posse pœnitentes in articulo mortis absolueri, communem dixerunt Melchior Canus *Relect. de Pœnit. par. 5.* Cardinalis Toletus, & Ioannes Azorius locis suprâ citatis, & quod caput est, eandem sententiam communem dixit Sacra Congregatio Concilij Tridentini Interpretum, ut suprâ vidimus.

Sed etsi multò plures essent Authores, qui affirmantem sententiam docerent, his, qui docent sententiam negantem, non idèò sententia affirmans dicenda esset communior, aut probabilior, ut enim rectè observat Io. Maior. apud Fagnan. de opinione probabilium. 348. non semper habendus est oculus ad multitudinem dicentium, sed sapientia cum numero consideranda est, quia sicut duos, vel tres debiliores valet unus fortis, sic unus oculatus materiam diligenter inquirens, tres alios inferiores valet. Et Menoch. de *presump. libr. 2. pres. 7. num. 32.* ait, quod non dicitur communis opinio, quæ plures Doctores eam asserentes habet, nulla disputatione præmissa, sed perfunctoriè, & ut aiunt per transennam illam sequentes. Et Thomas Sanchez in *Decal. libr. 1. cap. 9. num. 9.* similiter ait, quod non dicitur opinio communis ex Authorum numero, qui priorum vestigia instar ovium sequentes nulla discussione præmissa eam affirmant, sed communis dicitur si pauciores Doctores habeat, qui utriusque rationibus discussis, & perpensis illam

affirmant. Nauarrus item in Manuali cap. 27. num. 289. ait, communem censeri opinionem approbatam à sex, vel septem Doctoribus Classicis, rem ex professo tractantibus, quam quinquaginta sola priorum autoritate ductis. Vasquez etiam 1. 2. Tom. 1. disp. 64. cap. 4. num. 13. Azor, tom. 1. libr. 2. cap. 16. quæst. 5. Villalobos 1. Tom. Summ. tract. 1. diff. 4. num. 16. Sayrus Clau Regia libr. 1. cap. 6. num. 8. Sanchez in Summa libr. 1. cap. 9. num. 9. & lib. 3. de Matrim. disp. 94. num. 2. aiunt, quod negari non potest, turbam Doctorum aliquando amplecti vnâ opinionem absque delectu rationum, aut saltem non tam exactè rationibus ponderatis. Immo addit Ioannes Sanchez, vt opinio aliqua sit probabilis, non sat est, eam asserere Viros sapientes, sed etiam opus est, eam confirmare optimis argumentis.

Quare nihil curandum de turba recentiorum, qui hac in re affirmantem opinionem sequuntur. Confert illud Exodi 23. *Ne sequaris turbam ad faciendum iudicium*; Sed & recentiorum turbæ opponitur nobiliorum Doctorum agmen, qui, vt vidimus, negantem sententiam rationibus vtriusque partis exactè discussis, amplectuntur, quorum proindè sententia communis censenda est.

Nec obstat, negatiuæ sententiæ Authores pro maiori parte antiquiores esse, quasi eorum sententia exoleta sit, & à Scholis recesserit, nam in quæstionibus, quæ ab Ecclesiæ dispositione dependent, recedendum non est ab antiquorum sententia, nisi ob nouam Ecclesiæ dispositionem, vt contigit in quæstione illa; Vtrum Clericus in sui

defensionem aliquem occidens incurrat irregularitatem; Cui secundum antiqua iura, affirmatiuè respondendum esset, quia nempe iure antiquo ita sancitum inuenitur; At quia in Clementina vnica de homicidio, *Si furiosus*, aliter sancitum, nullam videlicet irregularitatem illum incurrere, qui mortem aliter vitare non valens, suum occidit, vel mutilat inimicum, recedendum fuit ab Antiquorum opinione, de quo videri possunt, quæ diximus in nostris Controuersijs recontruersa vigesima secunda. At in re præsentī nullum nouum ius ab Ecclesiâ conditum fuit, nec vlla noua Ecclesiæ dispositio emanauit, qua Ecclesiâ decreuerit, Sacerdotes denunciatos Excommunicatos, Hæreticos, aliosque ab Ecclesiâ præcisos posse pœnitentes in articulo mortis constitutos Sacramentaliter absolueri, eisque Pœnitentiæ Sacramentum administrare, sed potius Ecclesiâ antiquam hac in re dispositionem se probare, ac sequi protestatur, nam in Concilio Tridentino Capite illo 7. de casuum reservatione sessiois 14. de Pœnitentia, expressè ait, custoditum semper in Ecclesiæ Dei fuisse, vt in articulo mortis nulla esset reservatio, & idè in articulo mortis Omnes Sacerdotes quoslibet pœnitentes à quibuscumque casibus, & censuris absolueri posse. Cum autem hoc ipsum Sacra Congregatio declaret intelligendum esse, exceptis Excommunicatis denunciatis, alijsque in Ecclesiæ vnitatem non viuientibus, euident est, & hanc exceptionem in antiquis iuribus intelligendam esse, nam vt diximus suprâ, propositionem illam, & idè omnes Sacerdotes quoslibet pœnitentes à quibuscumque casibus,

*et censuris in articulo mortis absolue-
re possunt.* Concilium non definit no-
uo speciali Canone, aut Decreto, sed
eam deducit, ex eo, quod ait, semper
custoditum fuisse in Ecclesia, vt osten-
dit nota illatiua; Ideo. Cum ergo iura
clament, Excommunicatos, ac denun-
ciatos, & Hæreticos manifestos, omni
Iurisdictione, nulloque prorsus excep-
to casu, perpetuò carere; Et alia iura,
quæ Sacerdotibus omnibus faculta-
tem absoluedi in articulo mortis con-
cedunt, nonnisi exceptis Excommuni-
catis denunciatis, & Hæreticis, alijsque
in Ecclesiâ vnitae non viuentibus,
intelligenda esse, Concilium Tridenti-
num iuxta declarationem Sacræ Con-
gregationis intelligenda decernat,
nulla occurrit ratio, nullemque mo-
tuum recedendi ab antiquorum sen-
tentia, qui secundum antiqua iura,
quæstionem resoluunt, vt ipsimet Au-
thores aduersi fatentur. Nec verò dici
potest, tot insignes Theologos, ac Iu-
ris peritos, & præsertim S. Thomam,
in eam sententiam ire potuisse, si eam
antiquis Iuribus contrariam deprehendi-
ssent. Cognouerunt ergo, sententiam
negantem Saeris Canonibus, & Sum-
morum Pontificum decretis, conformem
esse. Non igitur ab ea sententia
recedi potest.

Quod verò antiquis Doctoribus
magis deferendum sit, quàm recentio-
ribus certum est. *In antiquis enim est
sapientia, & in multo tempore pru-
dentia Iob. 12. 13. Et sapientiam om-
nium antiquorum exquiret Sapiens. Ec-
cles. 39. 1. 4. Non te prætereat narratio
Seniorum, ipsi enim didicerunt ex Patri-
bus suis. Eccles. 8.* Et alia plura ad hoc
congerit Fagnan. loc. cit. ex Hostiens.

*in cap. unic. num. 31. & 32. & Ioan-
Andr. ibid. nu. 40. & 41. de Sac. vnct.*
quia temporis diuturnitas videtur eis
authoritatem attulisse. Syluester in
verb. Opinio nu. 2. in fine. Ad hoc etiam
facit *Cap. Domino Sancto 50. dist. in fine.*
*Quotiescumque in gestis Conciliorum
discors sententia inuenitur, illius Con-
cilij magis teneatur sententia, cuius anti-
quior, aut potior extat authoritas.*

Ad illud verò, quod additur in ar-
gumento, opinionem affirmantem,
Hæreticos posse pœnitentibus in arti-
culo mortis Pœnitentiæ Sacramen-
tum administrare, probabiliorem esse,
ex eo, quod sit fidelibus fauorabilior,
& magis pia. Respondetur, illationem
illam esse nullam, & prorsus inanem;
nam si ex maiori erga fidelium salu-
tem fauorabilitate, maioriq; pietate
inferenda esset maior probabilitas
opinionis, plures opiniones probabiles
essent, quæ sunt manifestè erroneæ, &
hæreticales. Hinc enim dicendum esset,
quod Laicus Catholicus absolueret
posset Sacramentaliter pœnitentem in
casu necessitatis; immò & Iudeus, &
Paganus, quia hæc omnia magis fa-
uent saluti fidelium, & apparent ma-
gis pia, cum tamen erronea sint, &
hæreticalia. Rursus si pietas præcisè
spectanda esset, dicendum foret, Puc-
rum in utero Matris inclusum, & peri-
culo mortis expectatum, salutem con-
sequi per Baptismum exterius ei colla-
tum, vel per fidem Parentum, quod
etiam esset erroneum, & id genus alia
plura, quæ longum esset recensere. Est
ergo absurdum ex maiori erga salu-
tem fidelium fauorabilitate, vel ex ma-
iori pietate inferre maiorem probabi-
litatem alicuius opinionis, nam fauor,
& pic-

& pietas seruare debent iustitiam, itaut sub prætecto pietatis iustitia non destruat, immò non est dicendum pietas, quod iustitiam destruit, sic pietas non esset, nec misericordia, si Deus nullatenus hominum peccata puniret, vel pœnæ inferni æternæ non essent, & tamen hæc videntur magis fauere hominibus. Pietas igitur, & fauor erga salutem hominum æstimanda sunt iuxta limites iustitiæ, & conuenientiæ, ac dispositionem Dei, & Ecclesiæ; Vndè cum conuenienter Ecclesia statuerit, vt Hæretici, alijque ab ea præcisi, iurisdictione perpetuò careant, & Sacramentum Pœnitentiæ, nec in casu necessitatis possint administrare, & per hoc fidelium saluti magis consulerit, vt constat ex dictis, sententia, huic Ecclesiæ dispositioni conformis probabilior, immò mihi vnicè probabilis apparet, ac certa.

Obijcitur sextò. Quodd Hæretici adhuc manifesti, & notorij non sunt præcisi ab Ecclesia, nam retinent characteres Baptismi, & Sacerdotij, per quos Ecclesiæ incorporantur, et in Ecclesia constituuntur, ac proindè sunt de corpore Ecclesiæ, & consequenter non sunt incapaces, & inidonei ad habendam iurisdictionem. Et Ecclesia censetur pro casu, seu articulo mortis conferre iurisdictionem cuilibet Sacerdoti ab ea non præciso, & iurisdictionis capaci.

Respondetur cum Cardinali Belarmino. *libr. 3. de Ecclesia militante. cap. 4.* Hæreticos retinere characteres illos indelebiles, sicut retinent oues perditæ characterem inustum in dorso, & desertores militiæ signa militaria: sed non propterea sunt de Ecclesia,

quia non sufficiunt characteres illi ad constituendum aliquem in Ecclesia; alioqui in Inferno esset Ecclesia: Et tamen S. Thomas 3. p. q. 8. art. 3. dicit, damnatos nec actu, nec potentia esse membra Christi: Præterea non propriè vnit character hominem cum capite, nam non vnit exterius, cum sit res inuisibilis, nec interius, cum non sit actus, nec habuit operatiuus. Vndè Sanctus Thomas primam vnionem internam ponit in fide. Et quamuis Hæretici dici possint pertinere ad Ecclesiam, vt oues ad ouile, vndè fugerunt, id tamen non sufficit, vt Hæretici dicantur esse de Ecclesia, cum actu sint extra Ecclesiam; Cum igitur Hæretici manifesti, & notorij nullam coniunctionem habeant cum Ecclesia, de se inidonei sunt, & incapaces ad recipiendum influxum aliquem ab Ecclesia, ac proindè iurisdictione perpetuò carent; sicut qui se ab aliqua Republica separant, & illius hostes, & aduersarij facti sunt, de se incapaces sunt, & inidonei ad habendam iurisdictionem in subditos eiusdem Reipublicæ, nec habemus, quod Ecclesia Hæreticis notorij, & manifestis iurisdictionem in eius subditos vllò vnquam casu concefferit.

Septimò obijcitur pietas Sanctæ Matris Ecclesiæ, quam non est credendum, voluisse deferere filios suos pœnitentes in extrema illa necessitate constitutos, sed potius tanquam piam Matrem voluisse illis succurrere hoc salutari præsidio habilitando Sacerdotes etiam præcisos ad absolucndum, quinetiam additur, Ecclesiam ex lego charitatis non potuisse hoc prætermittere, ne aliquis pereat.

Con-

Confirmatur primò . Nam si dicatur, quod Ecclesia iurisdictionem non tradiderit Hæreticis, & præcis ad absolvendum pœnites in casu necessitatis fidelium, non consuluisset sufficienter eorum saluti; Igitur credendum est, quod iurisdictionem Hæreticis, & præcis pro tali casu contulerit.

Confirmatur secundò. Nam ne quis pereat ob carentiam Baptismi, potest Baptismus in extrema necessitate recipi etiam ab Hæretico, & Excommunicato *C. Præter §. verum dist. 3. cap. si quem foris 24. q. 1.* Ergò & Pœnitentia, quia Baptismus, & Pœnitentia sunt Sacramenta necessitatis.

Respondetur argumentum nimis probare, nam si liceret ita ratiocinari, utique liceret etiam affirmare, non esse verisimile, ut Deus in extremo necessitatis periculo noluerit, absolutionis beneficium impendi posse etiam à simplici Clerico, quin immò, & à Laico, ut nonnulli temere opinati sunt, quos refellit *Glossa communis in c. Pastoralis, §. Præter à in vers. Præterquam in mortis, in fin. de offic. Ordin. & vberius Sotus in 4. sent. dist. 18. q. 4. art. 1.* Et tamen nullus ex Catholicis ausus est id affirmare, sicut igitur post Baptismum lapsus Christus Dominus noluit præbere remedium ad eò vniuersale, sicut præbet pro consequenda venia ante Baptismum, cum in hoc voluerit sufficere quemcumque Ministrum, in illo autem noluerit posse alium adhiberi, quam charactere Sacerdotali insignitum nullo excepto necessitatis casu: Ità Ecclesia ad imitationem Christi potuit non ad eò indulgere lapsis post Baptismum, ut voluerit eos in

articulo mortis posse iustificari per absolutionem eis conferendam à Sacerdotibus etiam Hæreticis, & præcis. Rationabiliter autem Ecclesia ita disposuit, ut dictum est, ne fidelium salutem periculo exponeret, eam ipsorum iuratis hostibus committendo, qui tempore illo ad eò periculoso posunt fideles pervertere; Vnde in hoc ipso Sanctæ Matris Ecclesiæ pietas apparet, quod noluerit hostibus suis filiorum salutem commendare, cuius proinde contrarium non potest præsumi, cum Hæretici sint inhabiles, & incapaces extra Ecclesiam, ab ea præcis, ab eaque ad nihil consideratis; nullum proinde adest fundamentum præsumendi, quod Ecclesia velit vnquam, ut Ministros cum prælatione, & iurisdictione, quos habet hostes, & contrarios, nec illis vnquam confidere velit Sacramentum, quod prælationem, & iurisdictionem inuoluit; Quare pro sententia asserente, Ecclesiam Hæreticis, alijsque ab ea præcis iurisdictionem contulisse ad absolvendum in articulo mortis, nullus Canon, aut decretum allegari potest, in quo id contineatur, immò iura omnia clamant, Hæreticos iurisdictione perpetuò carere: Vnde nec potest præsumi talis iurisdictionis collatio, nec res tanti momenti fundari debet in præsumptione, & quidem irrationabiliter asserta: Nec expedit in re tanti momenti sub pietatis specie sapere plusquam omnes nostri Sancti Patres sapuerunt, sed obseruare debemus terminos, quos apposuerunt nobis, ut aduersus illos, qui sub specie pietatis volunt Sacramentaliter illum absolui posse, qui confessionem non petijt, nec dedit signum

gnam Pœnitentiæ, dicit Cardinalis de Lugo in tract. de Sacramento Pœnitentiæ disp. 17. sect. 3. n. 40.

Ad primam confirmationem. Respondetur quod Ecclesia fidelium saluti sufficienter consuluit auferendo omnium casuum, & censurarum reservationem in articulo mortis, & conferendo iurisdictionem cuilibet simplici Sacerdoti ab Ecclesia non præciso; Nec ex eo, quod iurisdictionem non contulerit in casu mortis Hæreticis, & præcisus, dici potest, quod non sufficienter fidelium saluti consuluerit, immò dicendum, quod eorum saluti consuluerit per hoc, quod iurisdictionem non contulerit suis iuratis hostibus; qui iurisdictione tradita uti non vellent, sed fideles peruertere possunt, ut dictum est, ac proinde periculo æternæ damnationis fidelium salutem exposuisset, præsertim quod rarissime accidat, ut in articulo mortis non adsit alius Sacerdos, quàm Hæreticus; at frequentissimum est, ut adsit solus simplex Sacerdos Catholicus in unitate Ecclesiæ viuens, vnde esset intollerabilis error, si Ecclesia non succurrisset morienti in hoc secundo casu: non sic autem in primo. Argumento *l. Iura cum tribus seqq. ff. de leg.*

Idem verò argumentum fieri potest quoad Excommunicatos, & denunciatos, tam Hæreticos, quàm Catholicos; Quod videlicet, Ecclesia non sufficienter consuluisse fidelium saluti, si prohibuisset, Hæreticos, & Catholicos Excommunicatos, & denunciatos Pœnitentiæ Sacramentum administrare fidelibus in articulo mortis constitutis. Et tamen certum est ex declaratione Sac. Congregationis, quod Excom-

municati, & denunciati non possunt Pœnitentiæ Sacramentum fidelibus in articulo mortis constitutis administrare. Vnde sicut ex eo, quod Ecclesia prohibeat Excommunicatos, & denunciatos Pœnitentiæ Sacramentum fidelibus in articulo mortis constitutis administrare, non inferitur, quod fidelium saluti non sufficienter consuluerit, ita neque id inferitur, ex eo, quod prohibuerit, Hæreticos, etsi non denunciatos, nec Excommunicatos Pœnitentiæ Sacramentum administrare fidelibus in articulo mortis constitutis, idque ex rationibus supra allatis.

Ad secundam confirmationem. Respondetur, Pœnitentiam non esse tantæ necessitatis, ut debeat suscipi etiam de manu Hæretici, sicut Baptismus, & moriens potest Diuina gratia adiutus elicere actum contritionis, cum Sacramenti voto, & sic iustificari, ut definitur à Tridentina Synodo de Iustificatione sess. 6. de Lapsis, & eorum reparatione c. 14. Et de Sacramento Pœnitentiæ sess. 14. de Contrit. c. 4. aliàs argumentum probaret, quod in casu necessitatis confessio fieri possit etiam Laico, ad quod S. Thomas in 4. sent. dist. 17. q. 3. art. 2. quest. 1. ad 2. respondet, quod Baptismus est magis Sacramentum necessitatis, quam Pœnitentiæ Sacramentum, quoad confessionem, & absolutionem, quia quandoque Baptismus prætermitti non posset sine periculo salutis æternæ, ut patet in Pueris, qui nondum habent usum rationis, sed non est ita de Confessione, & absolutione, quæ tantum ad adultos pertinet, in quibus contritio cum proposito confitendi, & desiderio absolutionis sufficit ad liberandum à morte æterna, & ideo non

non est simile de Baptismo, & Confessione.

Respondetur ad alia argumenta, quæ Recentiores aliqui afferunt pro contraria sententia.

PRO sententia asserente Sacerdotes Hæreticos, aut Schismaticos Pœnitentem in articulo mortis constitutum, si Sacerdos unitus non adfit, Sacramentaliter absolueri posse, sequentia etiam Recentiores aliqui afferunt argumenta, quæ mox diluamus.

Primò asserunt ex 24. *quæst. 1. Canonem. si quem feceris*, in cuius titulo hæc leguntur: *In extremo posuit etiam ab Hæretico penitentiam accipere ualere*. Secundò arguunt, quod Hæretici non cessant esse Sacerdotes per hæresim, & pro illo actu eius non aufertur iurisdictio; hæc enim tollitur dictis Sacerdotibus per voluntatem Ecclesiæ, nam tales centuræ sunt ab homine, sed Ecclesia pro eo actu concedit ei iurisditionem, ut patet per Concilium Tridentinum *sess. 14. de Penitentia cap. 7.* quod nullum excipit Sacerdotem, Ergò.

Tertiò. Quia non est maior ratio, cur intelligendum sit Concilium de simplicibus Sacerdotibus non irretitis censura, & non de alijs; Ergò. Antecedens patere dicunt, quia Concilium intendit providere indigentiae Fidelium, & morientium, ergò sicut voluit dare iurisditionem simplici Sacerdoti, ita voluit dare separatis per censu-

ras, & irregularitates, nam sicut erat in potestate ipsius Ecclesiæ primum, ita secundum, & licet pro prostremia videantur plura necessaria, quàm pro primis, scilicet auferre censuram, & concedere iurisditionem, tamen, utrumque erat in potestate Ecclesiæ; neque est credendum, Ecclesiam, noluisse omni meliori modo pro tali casu Christianis providere, cum in confessione iurisditionis pro eo casu nullum sequatur malum, sed maximum bonum.

Quartò. Arguunt ex praxi, quæ, inquit, ab Ecclesia non dantur, nam in Græcia, & in omni regione, in qua mixti sunt Catholici cum Schismaticis, & Hæreticis in casibus illis extremis, Catholici, nisi alios habeant, vocant Hæreticos.

Confirmant hoc idem primò, quia in extrema illa necessitate Hæretici possunt absolui à Catholicis; Ergò & è contra Catholici ab Hæreticis. Antecedens probant ex *loc. cit.* Tridentini. Consequentiam verò probant primò, quia prohibitio communicandi cum Hæreticis est pro actiua, & passiua communicatione, ergò si dispensatur ab Ecclesia pro vna, etiam pro alia. Secundò melius fuisset consulu Hæreticis, quàm Catholicis, si Ecclesia pro eorum salute dedisset (ut fecit) iurisditionem cuilibet Sacerdoti Catholico absoluendi quemlibet Hæreticum in casu mortis, & non dedisset Hæretico iurisditionem absoluendi Catholicum à peccatis, & ita pro illo casu melioris essent conditionis Hæreticis, quàm Catholicis moribundi. Nec valet, inquit, respondere, quod sufficiat contritio, nam etià Hæreticis suffice-

ret, & tamen eis est prouisum de Ministro Sacramenti Pœnitentiæ. Deinde. Non semper haberi posset contritio, ergo pro ijs casibus non fuit omittendum remedium, quod facillè potuit ab Ecclesia adhiberi per concessionem jurisdictionis ipsis Hæreticis, & degradatis, ac Schismaticis. Hæc Recentiores aliqui.

Ad primū respondetur Canonem, si quem foris, non esse ad rem, nam ibi sermo est non de Sacramento Pœnitentiæ, sed de Sacramento Baptismi, quod in extremo positum etiam ab Hæretico posse recipere, ibi decernitur, & ut id appareat, ante oculos ponemus dictum Canonem cum suo titulo; est autem huiusmodi.

*In extremo positus etiam ab
Hæretico pœnitentiam
accipere va-
let.*

Si quem fortè coegeris extrema necessitas, ubi Catholicus, per quem accipiat, non inuenit, & in animo pace Catholica custodita, per aliquem extra unitatem Catholicam positum, acceperis, quod eras in ipsa Catholica unitate percepturus, si statim de hac vita migraueris, non enim nisi Catholicum deputamus. Si autem fueris à corporali morte liberatus, cum se Catholica Congregationi etiam corporali præsentia reddideris, unde nunquam corde disciferas, non solum non improbamus, quod fecit, sed etiam securissimè, verissimèque laudamus, quia præsenssem Deum credidit corde suo, ubi unitatem seruabas: Et si ne Sancti Baptismi Sacramentò (quod

ubicunque inuenit, non horum, sed Deesse cognouit) moluit ex hac vita migrare. Si quis autem cum posset, in ipsa Catholica accipere, aliqua mentis peruersitate elegerit in Schismate baptizari, etiamsi postea reuerit ad Catholicam Ecclesiam, certum est ibi prodesse Sacramentum, quod alibi accipi quidem potest, prodesse autem non potest: peruersus, & iniquus est, & tanto perniciosius, quanto sciens.

Non est igitur in eo capite sermo de Sacramento Pœnitentiæ, sed de Sacramento Baptismi: Ex verba illa sunt Augustini in lib. 1. de Baptismo contra Donatistas cap. 12. Vbi S. Doctor, non loquitur de Sacramento Pœnitentiæ, sed de Sacramento Baptismi, & casus fuit ille, inquit Glossa in eodem c. si quem fortè: Quæsitum fuit ab Augustino, utrum ille, qui ab Hæretico baptizatur, debeat Catholicus reputari, et si de hac vita migrauerit, utrum per tale saluetur Baptisma: Et respondet, quod sic, si in articulo mortis hoc fecerit: Si Catholicum, à quo hoc susceperis, non inueniebas: Et si liberatus se Catholica Congregationi reddideris, non debes improbari, quod fecit, sed laudari. Si autem spontè elegeris in Schismate, vel Hæresi baptizari, non debes iudicari Catholicus, sed iniquus: non prodest Baptisma ei, nisi postea reconcilietur: Hætenus Glossa: Quare immeritò ex Cānone isto arguitur, quod moribundus à quouis possit absolui, etiam ab Hæretico (si nō adsit Sacerdos Catholicus). Id autè asseruerūt opponētes permoti à titulo eiusdē Canonis, in quo dicitur In extremo positus etiam ab Hæretico Pœnitentiam accipere va-

let.

ter, Nam nomine Pœnitentiæ intelligendum esse Baptismum, constat ex eodem Canone.

Ad secundum argumentum respondetur, quod quamvis Hæretici non essent esse Sacerdotes per hæresim; cessat tamen in eis per hæresim iurisdicção; si eam ante hæresim habebant; & per hæresim incapaces fiunt iurisdicçãois, cum per hæresim ab Ecclesia separentur; hinc enim iurisdicçãoe perpetuò carent; nam Ecclesia membris dumtaxat, quæ secum in unitate viuunt, iurisdiccionem communicat; & præterea Hæreticos Ecclesia per speciales Canones, & specialia decreta iurisdicçãoe perpetuò priuat, nec pro absolutione in casu mortis iurisdiccionem eis concedit Concilium Tridentinum, ut iam ostendimus.

Ad tertium responderetur, quod Concilium Tridentinum, cum dicit, quod omnes Sacerdotes in articulo mortis quoslibet pœnitescentes à quibusvis casibus, & censuris absolvere possunt, intelligendum est de Sacerdotibus in unitate Ecclesiæ viventibus, & de his, qui alijs habent iurisdiccionem; hoc enim pacto Concilium intelligendum esse, constat ex inspectione *Textus*, & ex declaratione Sacre Congregationis, cui omninò standum est. Quod verò omnes Sacerdotes etiam simplices, in unitate tamen Ecclesiæ viuentes, quoslibet à quibusvis casibus, & censuris in articulo mortis absolvere possint habetur ex Sacris Canonibus, & ex praxi Ecclesiæ, id probantis, ut supra diximus. Voluit autem Ecclesia providere indigentia fidelium per media idonea, & habilia;

huiusmodi autem sunt omnes Sacerdotes in unitate viuentes, non verò ab ea præcisi, & Hæretici, qui sunt Ecclesiæ, & fidelium iurati hostes, & aduersarii, quibus proinde concedendum non fuit privilegium; & prælatio, nec in casu mortis supra fideles, cum vii hostes Ecclesiæ omni iurisdicçãoe indigni sint, præter id, quod ex iurisdicçãoe in casu mortis eis concedenda, periculum peruersionis immineret fidelibus, ut diximus supra.

Ad quartum, negatur, eam præxim, si adstet, ab Ecclesia probari, immò damnari dicendum est, cum Ecclesia generaliter omnes actus iurisdicçãois Hæreticis vetet, eosque iurisdicçãoe, nullo prorsus excepto casu, perpetuò priuet. Sed peremptorium de hac re aduersus opinionem affirmantem, Decretum adest Clementis Octavi Summi Pontificis, in instructione super aliquibus ritibus Græcorum pro Episcopis Latinis, in quorum Diocæsiibus Græci, vel Albanenses Græcorum ritu viuentes degunt, quæ incipit, *Sacrosanctissimus Dominus Noster Clemens Papa Octauus*, prout in Bullario, inter Bullas, & Constitutiones eiusdem Clementis, & est vigesima quarta. Ibi ergo §. 3. hæc habentur (*In casu necessitatis Presbyteri Græci Catholici possint Latinos absolvere*). In his enim verbis non habetur, quod Presbyteri Græci etià hæretici Latinos in casu necessitatis possint absolvere; sed facultas absolvendi arctatur ad Præbiteros Græcos Catholicos, igitur negatur hæc facultas Græcis Hæreticis, & Schismaticis; si enim hanc facultatem etiam Hæreticis, & Schismaticis concessam vellet, id exprime-

ret, cum agatur de Sacramento post lapsum ad salutem necessario, & exprimendum fuerit, quid in hac re seruandum sit.

Ad primam confirmationem, respondetur, quod licet in extrema illa necessitate Hæretici possint absolui à Catholicis, non tamen Catholici absolui possunt ab Hæreticis, nam quod Catholici absolui nequeant ab Hæreticis, est, quia Hæretici carent iurisdictione, adhuc in casu illo, qua tamen non carent Catholici, & ideo Catholici absoluerè possunt Hæreticos, non tamen Hæretici absoluerè possunt Catholicos. Nec propterea dicendum est, melius consultum fuisse Hæreticis, quàm Catholicis, & pro illo casu melioris esse conditionis Hæreticos, quàm Catholicos moribundos. Nam fidelium saluti satis pro illo casu consultum est, per hoc, quod omnes Sacerdotes Catholici etiam simplices, & nullam antecedenter iurisdictionem habentes, possint eis in casu necessitatis Pœnitentiæ Sacramentum administrare. Nec facultas hæc extendi debet ad Hæreticos, cum sint Ecclesiæ iurati hostes. & aduersarii, ac omni prorsus priuilegio, & munere indigni, & à quibus, fidelibus periculum peruersionis imminere potest in extremo vitæ. Vnde per hoc ipsum, quod Hæreticis negata est hæc facultas, Fidelium saluti consultum est, arcendo ab eis Hæreticos, à quibus perueri possent, nec ex eo quod aliquis Hæreticus, aut Schismaticus in eo casu non peruerteret, concedenda fuit ea facultas Hæreticis, & Schismaticis, nam si non perueriant, possunt peruertere, & ut plurimum peruertunt. Vnde peruerlio-

nis periculum semper imminere potest; Et ideo si detur casus quo hæreticus non peruertat, non ideo Ecclesiæ abstinendum fuit à lege, qua generaliter, & perpetuo hæretico interdicat absolutionem moribundi, ipsumque iurisdictione etiam in eo casu priuet, nam leges feruntur pro eo, quod ut plurimum contingit, seu etiam natum est contingere; Vnde ad hoc, quod lex vniuersaliter feratur, satis est, quod quasi semper sit expediens, vel ut plurimum, & ideo Legislatores rationem, & respectum habent ad illud, quod penè semper accidit, etiam si aliquando deficiat. Quare cum hæretici, ut plurimum Catholicos peruertere curent, merito Ecclesiæ etiam ex hoc capite fidelium salutem hæreticis, & Schismaticis fidere non debuit, & sapientissimè decreuit, ne Sacerdotes hæretici, & Schismatici Pœnitentiæ Sacramentum in eo casu administrent. Et cum casus ille, quo solus Sacerdos hæreticus adit Catholicum moribundo rarissimus sit, & Catholicus elicere possit actum contritionis, nullatenus præiudicatum est eorum saluti.

Nec vrgent, quæ in argumento subduntur, quod nempe etiam hæreticis sufficeret contritio, & tamen eis est prouisum de Ministro Sacramenti Pœnitentiæ, & quod non semper haberi possit contritio, & ideo pro ijs casibus omittendum non fuisse remedium, quod facile potuit Ecclesiæ adhibere per concessionem iurisdictionis ipsis hæreticis, & degradatis, ac Schismaticis.

Hæc, inquam, non vrgent. Non primum, nam si confessio fieri possit
Sacer-

Sacerdoti absoluendi facultatem habenti, non sufficit contritio, sed necessaria est confessio, & aliâs Catholicis conuenienter Ecclesia facultatem concessit absoluendi etiam hæreticos in casu necessitatis; cum nulla inde oriantur inconuenientia, quæ sequerentur, si hæreticis facultatem concessisset absoluendi pro casu mortis Catholicos.

Secundum autem falsum est, nempe quod non semper haberi possit contritio, licet enim contritio non adeò facile sit haberi, absolutè tamen haberi potest, ad eam enim cum urget præceptum, Deus auxiliū gratiæ suæ confert. Vnde cum in eo casu Catholicus habere possit contritionem, noluit Ecclesia ex motiuis prædictis periculo exponere fidelium salutem, illam arbitrio hæreticorum committendo, & hæreticos habilitando ad munus, quod sunt omnino indigni, & incapaces.

Pro maiori autem intelligentia eorum, quæ dicta sunt, sit

DUBIUM INCIDENS:

Vtrum Sacerdotibus in sacra ordinatione iurisdic-tio conferatur ad Sacramentaliter absoluendum.

IN hac Armacanus lib. 1. 1. de Quæstionibus Armenorum à cap. 1. respondet ad 6. asserit Sacerdotes in ipsa ordinatione iure Diuino accipere veram potestatem absoluendi à peccatis quoslibet pœnitentes, ita vt absolutio, si bona fides ex parte pœnitentis

interueniat, valida sit; quamuis, si contra Ecclesiæ præceptum, & dispositionem fiat, non sit licita, sicut etiam in potestate ordinandi accidit.

Huic etiam opinioni fauent Durandus in 4. sent. dist. 19. q. 2. & Almainus in 4. d. 18. q. unica.

Secunda sententia est Cardin. Caietani Tom. 1. opusc. Tract. 7. qui vult, ad validè absoluendum, nihil interdum requiri amplius, quàm vt pœnitens se voluntariè subijciat Sacerdoti habenti solam potestatem sine iurisdictione ordinaria vel delegata. Sicut in Arbitro habente potestatem iudicandi à partibus nulla requiritur potestas iudicandi ex parte Principis, quia nullam possunt partes in Arbitrum conferre iurisdictionem: requiri tamen dicit ex parte ipsorum, qui se Arbitro submittunt iudicandos.

Nauarrus in cap. Placuit dist. 6. existimat Sacerdotes in sua ordinatione accipere totam potestatem iurisdictionis, sed eam ligari ab Ecclesia, ita vt neque licitè, neque validè possit in actum exire, nisi illa permittente. Vnde licet initio nascentis Ecclesiæ omnes Sacerdotes iure Diuino possent quoscumq; pœnitentes voluntariè se submittentes à quibuscumque peccatis absoluere, modò tamen id non possunt propter prohibitionem Ecclesiæ.

Quarta sententia est, quam docent S. Antoninus 3. p. tit. 17. cap. 4. casu 3. Maior. in 4. sent. d. 19. quæst. 1. Angelus in summ. verb. Confessio 3. num. 4. Catharinus opusc. proprio. Vasquez q. 93. art. 1. dub. 2. Angelus, Petrus de Ledesma, & alij, qui docent, quemlibet Sacerdotem in ipsa ordinatione iure

Tunc Divinus accipere completam potestatem absolventi à peccatis, quantum est ex parte principij; sed deesse illis materiam, quæ per auctoritatem Ecclesiæ eis designatur. Quod explicat Ledesma exemplo Episcoporum titularium, quibus licet in sua consecratione potestas Episcopalis conferatur; defunt tamen illis subditi, in quos iurisdictionis usum exerceant. Aliud exemplum adducit Vasquez, quod à Paludano desumpsit; comparat enim Sacerdotes Iudæis quibusdam dictis Carthularijs, qui olim ab Imperatore constituebantur, nullis subditis assignatis, sed solum eum auctoritate iudicandi de litibus eorum, qui vellent se illorum iudicio submittere. Sic enim illi totam potestatem iudicariam, & auctoritatem iudicandi accipiebant ab Imperatoribus, quamvis determinatio materię non fieret ab illis, sed à litigantibus se sponte submittentibus, sic Sacerdotes accipiunt totam auctoritatem, & potestatem à Christo per Sacramentum Ordinis, quamvis determinatio materię, id est personarum absolventiarum, non fiat à Christo, sed ab Ecclesia.

Pro resolutione, sit.

ASSERTIO VNICA.
Sacerdotibus in ordinatione non confertur Potestas iurisdictionis; sed confertur solum potestas ordinis.

ASSERTIO hæc est contra sententias relatas, est tamen communis inter Doctores, & probatur ex Con-

cilijs Florentino, Lateranensis, & Tridentino. Nam in Concilio Florentino in *Decretionibus*, Minister Pœnitentiæ dicitur Sacerdos habens potestatem absolventi, vel ordinariam, vel ex commissione Superioris. Et in Concilio Lateranensi statuitur, alienum Sacerdotem non posse absolvere sine licentia proprii. In Concilio vero Tridentino *sess. 14. de Pœnitentiâ cap. 7.* dicitur: *Nullius momenti absolutionem esse; quam Sacerdos in eum profert, in quem non habet ordinarium, vel delegatam potestatem.* Supponunt ergo hæc Concilia, aliquem esse Sacerdotem, & carere omni iurisdictione tam ordinariâ, quàm delegatâ; non ergo confertur Sacerdotibus in eorum ordinatione iurdictio aliqua.

Ita docet etiam S. Thomas 4. sent. dist. 17. quæst. 3. art. 3. quæstionum. 4. & dist. 19. quæst. 1. art. 3. quæstionum. 1. & 2. 2. quæst. 39. art. 3. ubi duplicem distinguit potestatem ad sacramentaliter absolvendum necessariam; unam sacramentalem, quæ datur vi Sacramenti in ordinatione; alteram iurisdictionalem, quæ ex simplici inunctione hominis confertur, illam dicit esse intransmissibilem, istam vero posse auferri. Et quodlib. 12. art. 16. dicens, iustificationem pœnitentis fieri non posse, nisi per potestatem iudicariam, addit quod (Non habens curâ animarum, non habet hanc potestatem) si scilicet, ne imperfectè quidem participet de cura animarum.

Probatur secundò. Assertio posita specialiter contra Armacanum. Nam eius opinio repugnat Concilijs supra citatis; in illis enim asseritur, non quemlibet Sacerdotem, sed eum tantum

tum, qui habet iurisdictionem, posse à peccatis absolvere, & Tridentinum ait (absolutionem illam nullius esse momenti, quam Sacerdos in eum profert, in quem ordinariam, aut subdelegatam, non habet iurisdictionem, Ergo etiamsi quis bona fide cõfiteretur peccata sua Sacerdoti non habenti ab Ecclesia ordinariam, aut subdelegatam potestatem, illius confessio nulla esset, & inualida defectu potestatis absoluedi, & non ratione obicis, quem pœnitens apponat contra prohibitionem Ecclesiæ consentens ei, cui non debet.

Circa secundam verò sententiam à nobis relata, quam diximus esse Caietani, antequam eam reiiciamus, aduertendum est, forte Caietanum dumtaxat loqui de absolutione venialium, nam loco suprâ citato, ita concludit: *Et multi velinquantur Sacerdotes communes, qui nunquam fiunt Iudices, nec communes, nec proprii, ut patet de ijs, qui non sunt expõsit ad audientiam confessionum, nec aliqui se subdicunt, quoad venialia, &c.* Item, quod maius est, idem Caietanus in Summa, verbo *Absolutio*, postquam num. 1. dixit exigi, ut Minister Sacramenti Pœnitentiæ sit Sacerdos habens autoritatem absoluedi, vel ordinariam, vel ex commissione Superioris; num. 2. & deinceps enumerans modos, quibus Sacerdos habet potestatem iurisdictionis in foro pœnitentiali, docet vltra duos illos modos, scilicet vel ex officio ordinario, vel ex commissione, inueniri quinque alios modos, seu casus, quibus Sacerdos sortitur subditum, ne verbum quidem dicens de præfato modo

acquirendi iurisdictionem ex parte pœnitentis. Cuius tamen meminisse debuisset hoc loco, vbi ex professo agit de hæ re, si sentiret eo quoque modo posse iurisdictionem acquiri in ordine ad peccatorum mortalium absolutionem.

Sed quid, quid sit de ipsius Caietani mente, hæc opinio repugnare videtur Concilijs supra citatis; nam illa requirunt in Confessario iurisdictionem ordinariam, vel delegatam, ut scilicet, vel sit ordinarius Pastor pœnitentis, vel si non est Pastor eius Ordinarius, nec ex officio curam regiminis ipsius habeat, licentiam, seu delegationem Ordinarij habeat. At subiectio voluntaria pœnitentis neque est ordinaria iurdictio, neque delegata, nec enim illa subiectio est potestas regendi animas ex officio; neque etiam est delegare, delegare namque est actus Superioris, ergo ad validè absoluedum, non sufficit, ut pœnitens se voluntariè Sacerdoti subijciat. Vnde nec sufficit potestas Sacerdoti in sua ordinatione collata, sed vltèrius requiritur potestas iurisdictionis.

Deindè si vera esset opinio hæc, quilibet Sacerdos per vniuersum Mundum, absque vlla, siuè Papæ, siuè Episcopi facultate posset absoluerè pœnitescentes ad se recurrentes; nam in vniuerso Mundo Sacerdos esset Sacerdos, & ordinatus, & pœnitescentes posset se illi subijcere; ergo si ad absoluedum sacramentaliter sufficit potestas Sacerdoti in sua ordinatione tradita, & subiectio pœnitentis, iam Sacerdos vbique posset absoluerè; hoc autem est falsum, & contra Concilium

cilium Tridentinum, *sess. 14. cap. 7. cit.* Nam ibi dicitur, sine potestate, seu iurisdictione ordinaria, vel delegata, in pœnitentem, nullam esse absolutionem; ergo præter potestatem in ordinatione Sacerdoti traditam, & præter subiectionem pœnitentis, requirit Concilium iurisdictionem in ipsum pœnitentem.

Præterea, si voluntaria subiectio pœnitentis cum sola potestate Sacerdoti in sua ordinatione tradita sufficeret ad validè absoluendum, posset quilibet pœnitens sibi eligere Confessorem; nam quilibet pœnitens posset se subijcere cuilibet Sacerdoti, potestas enim data in ordinatione est inamissibilis, & tolli nequit per Ecclesiam, & alias quilibet posset se subijcere cuilibet Sacerdoti; Idque iuxta illam opinionem sufficit ad validè absoluendum, ergo iuxta illam opinionem posset quilibet pœnitens sibi eligere Confessorem; Id autem est contra Decretum Bonifacii VIII. *de Pœnit. & Remiss. in 6. cap. Si Episcopus.*

Quartò, Probatur assertio contra Nauarrum: Nam & eius opinio repugnare videtur verbis Concilij Tridentini *loc. cit.* nam in eis supponitur aliquos esse Sacerdotes, qui non habeant iurisdictionem, neque ordinariam, neque subdelegatam, atque adeò nullam; Ergo falsum est Sacerdotem accipere in sua ordinatione potestatem iurisdictionis: Deindè aliæ potestates à Christo immediatè concessæ, non possunt per Ecclesiam ligari, aut impediri, ut validè in actum exire non possint, ut patet in potestate baptizandi, consecrandi Corpus Christi, confirmandi, ordinandi, quæ per

nullam Ecclesiæ prohibitionem potest impediri, ne validè operetur; Ergo si potestas iurisdictionis cuilibet Sacerdoti ex vi suæ ordinationis immediatè à Christo conferatur, nullum est fundamentum asserendi, quod possit per Ecclesiam ita ligari, aut impediri, ut validè in actum exire non possit.

Nec ex vilo loco Scripturæ, vel Concilio colligitur, quod Sacerdos in ordinatione habeat à Deo iurisdictionem prælationis, siue in omnes, siue in aliquos fideles, impedibilem tamen ab Ecclesia; Ergo nequit asseri: Nam de Sacramentis Ecclesiæ non est credendum, nisi quod Scriptura docet, & Romana Ecclesia declarat.

Rursus. Concilium Tridentinum docet ad validè absoluendum iurisdictionem Confessarijs ab Ecclesia conferri, ordinariam, scilicet vel delegatam; Id autem falsum esset, si ad validè absoluendum sufficeret potestas Sacerdotibus in ordinatione tradita cum impedibilitate ab Ecclesia; sic enim Ecclesia verè non daret iurisdictionem, seu potestatem, sed eam haberet Sacerdos ex se; Ecclesiæ autem solum foret iurisdictionis exercitium impedire, ipsa tamen iurisdictione, seu potestate plenaria, etsi impedita apud Sacerdotem remanente. Quod (inquit Herinex *par. 4. Summa Theologica disp. 3. qu. 1.*) non satis fundamentum est, nec bene coheret cum communi modo loquendi, & sentiendi Theologorum ad validam absolutionem exigentium, ut Sacerdos ex auctoritate Ecclesiæ acciperet iurisdictionem ordinariam, vel delegatam.

Ad id autem, quod Nauarrus *Comment. in cap. Placuit de Pœnit. dist. 6.*

num. 4. ait: *Omnes testantur omnibus Sacerdotibus licuisse olim in Ecclesia Primitiua omnes audire Christianos, qui eis confiteri uellent, idque iure Diuino.*

Respondetur ex Ioanne Bosco Theologiae par. 4. sect. 1. num. 88. quod esto olim potuisset quilibet Sacerdos, quemlibet poenitentem absolvere, non tamen absque potestate accepta ab Ecclesia, id est, sine collatione iurisdictionis, aut designatione materię à Superiore facta. Alioquin nulla hodie foret iurisdicção, seu potestas delegata, sed omnes Sacerdotes haberent iurisdictionem, seu potestatem absoluedi ordinariam annexam immediate à Christo ordini Sacerdotali, quod uidetur contra Concilia Tridentinum, & Florentinum supra, ubi iurisdictionem, seu potestatem necessariam ad validè absoluedum, distinguunt in ordinariam, & delegatam.

Et benè Caietanus opusc. supra citato, illud dictum (*potestas ordinis ex se, extenderet se ad omnes absoluedos, nisi per Ecclesiam essent limitate iurisdictiones*) docet posse dupliciter intelligi, vel quod omnes Sacerdotes à principio ex hoc ipso, quod erant Sacerdotes, poterant omnes absolvere: vel quod omnes Sacerdotes instituebantur, non solum Sacerdotes communes, sed Iudices communes in foro poenitentiali. Primus sensus est falsus, quia de necessitate Sacramenti iudicialis est iurisdicção. Secundus sensus est verus, supposita veritate dicti, quoniam ante distinctiones Parochiarum &c. Sacerdotes vtramq; potestatem accipiebant, ita quod tunc erant, & Sacerdotes communes, & Iudices communes, postea autem ordinantur

quidam Sacerdotes communes, sunt autem Iudices proprii assignando eis Plebes proprias, & multi relinquuntur Sacerdotes communes, qui nunquam fiunt Iudices, nec communes, nec proprii, vt patet de ijs, qui non sunt expositi ad audientiam Confessionum. Hactenus Caietanus.

Quintò, Probatur assertio nostrà aduersus quartam sententiam. Nam idem est habere subditos, & habere iurisdictionem, ita vt implicet in adiecto habere iurisdictionem, & non habere subditos, & Concilium Tridentinum loc. cit. hæc duo sumit tanquam æquiualentia, habere subditos, & habere iurisdictionem, nam sic ait. *Quoniam igitur natura, & ratio iudicij illud exposcit, ut sententia in subditos tantum feratur, persuasum semper in Ecclesia Dei fuit, nullius momenti esse absolutionem, quam in eum profert, in quem ordinariam, aut subdelegatam non habet iurisdictionem, id est in eum, qui non est ei subditus.* At Sacerdos in ordinatione, nullos accipit subditos, vt etiam Authores illius sententiæ fatentur, ergo neque accipit iurisdictionem.

Ex his etiam, quæ dicta sunt in confutationem sententiæ Armacani, hæc sententia exploditur; nam Concilium Tridentinum, vt dictum est, supponit aliquem Sacerdotem esse, & tamen carere omni iurisdictione, nam ait, Nullius momenti absolutionem eam esse, quam Sacerdos in eum profert, in quem non habet ordinariam, vel delegatam potestatem; ergo falsum est, quod aiunt Authores tertiæ sententiæ, quemlibet Sacerdotem in sua ordinatione iure Diuino accipere

completam potestatem absoluendi à peccatis, quantū est ex parte principij.

Omnes communiter fatentur iurisdictionem in foro Sacramentali, seu potestatem absoluendi à peccatis, homines accipere ab Ecclesia, & par erat, ut hæc iurisdictionis in foro conscientiarum, non secus, ac in foro externo, non nisi per Superiores Ecclesiæ Pastores inferioribus Ministris communicaretur, ergo non habetur in ipsa ordinatione iure Diuino, ut asserunt sententiarum illius Auctores.

Relinquitur ergo, quod Sacerdotes in ordinatione nullam potestatem iurisdictionis accipiant, sed eam accipiunt, quando ab habente potestatem deputantur ad curam aliquam animarum, eisque subditi actu traduntur.

Animaduertendum tamen, iurisdictionem, seu potestatem absoluendi Sacramentaliter à peccatis non conferri per approbationem, qua quis in Confessarium approbatur. Approbatio enim per se nullam confert iurisdictionem, atque ideo illa sola non sufficit ad audiendas Confessiones; igitur præter approbationem requiritur iurisdictionis, quæ confertur cum Sacerdos iuridicè deputatur ad Confessiones audiendas, quod contingit, quando beneficium pastorale confertur, aut alioquin conceditur potestas audiendi Confessiones.

Ostenditur potestatem Ordinis, non esse aliam, quam potestatem clauium.

EX dictis constat potestatem iurisdictionis, distinctam esse à pote-

state Ordinis, utramque tamen requiri ad absoluendum à peccatis, & potestas iurisdictionis necessariò supponit potestatem Ordinis, quæ aliud non est, quam potestas clauium; Claves autem, ut definit S. Thomas in 4. sent. d. 18. art. 2. nil aliud sunt, quam potestas ligandi, & soluendi, qua Iudex Ecclesiasticus dignos recipere, indignos excludere debet à Regno Cælorum; Unde significat potestatem Ordinis ad remittendum, & retinendum peccata. Ideo S. Thomas ibidem ad 2. dicit, Clauem dari cum Ordine, sic & Ioannes 22. *Extrauag.* Quia quorundam, dicit: Claves conferri in collatione Ordinis Sacerdotalis.

Dux autem distinguendæ sunt Claves, Scientiæ, scilicet, & potestatis; Clavis scientiæ, non est ipse habitus scientiæ, sed est autoritas, & potestas exercendi actum scientiæ, examinando causam peccatoris, eumque interrogando, sic ut respondere teneatur. Clavis verò potestatis est facultas ferendi sententiam super peccata; sunt autem hæc dux claves re ipsa idem, quod character Sacerdotalis, non quoad omnia, quæ habet character, nam character Sacerdotalis importat etiam potentiam ad consecrandum, sed quatenus dicit potestatem conferendi Sacramentum Pœnitentiæ, & ideo potestas clauium tantum est una potestas secundum essentiam, ut ait S. Thomas art. 3. quamvis ex comparatione ad actus, quorum vnus alium præsupponit, rectè distinguatur in duas. Distinguitur autem potestas clauium à potestate iurisdictionis, licet actus clauium, non sit absque iurisdictione, unde S. Thomas art. 2. cit.

ad 2. ait, quod omnis potestas spiritalis datur cum aliqua consecratione; & idèd Clavis cum Ordine datur, sed executio talis Clavis indiget materia debita, quæ est plebs subdita per iurisdictionem, & idèd antequam iurisdictionem habeat, habet Claves, sed non habet actum Clauium. Et quia Clavis per actum definitur, idèd in definitione Clauium ponitur aliquid ad iurisdictionem pertinens, hæc ibi Sanctus Thomas, ex quibus rursus habetur, potestatem Clauium, seu characterem, in quo consistit potestas Ordinis, distinctam esse à potestate iurisdictionis, cum stet aliquem esse Sacerdotem, & consequenter habere potestatem Ordinis, seu Clauem, & characterem, & tamen non habere iurisdictionem.

Hinc S. Thomas in 4. sent. d. 19. q. 1. art. 1. quæstiunc. 6. ait, in Schismaticis, Hæreticis, & Excommunicatis, iuspenfis, & degradatis, manere clauium potestatem quantum ad essentiam, sed usum impediri ex defectu materiz; Cum enim vsus Clauium in vtente, prælationem requirat, respectu eius in quem vtitur, propria mareria, in quam exercetur vsus clauum est homo subditus; Et quia per Ordinationem Ecclesiæ vnus subditor alteri, idèd etiam per Ecclesiæ Prælatos potest subtrahi alicui ille, qui erat ei subiectus. Vnde eum Ecclesia Hæreticos, & Schismaticos, & alios huiusmodi priuet, subtrahendo subditos, vel simpliciter, vel quantum ad aliquid, quantum ad hoc, quo priuati sunt, non possunt vsus Clauium habere: Hæc S. Thomas; in quibus obseruandum S. Thomam, non dicere,

quod in Hæreticis, alijsque ab Ecclesia præcis remaneat potestas iurisdictionis, quantum ad essentiam, sed quod remaneat potestas Clauium quantum ad essentiam, vsus autem talis potestatis impediri per subtractionem subditorum, quod est idem, ac dicere, vsus potestatis clauium impediri per priuationem iurisdictionis, nam cum Hæretici, alijsque præcis priuentur iurisdictione, impeditur per hoc in eis vsus Clauium, nam vsus Clauium requirit subditos, & iurisdictionem. Quare ex hoc deduci nequit eandem esse potestatem Ordinis, & potestatem iurisdictionis, aut in præcis remanere potestatem iurisdictionis.

Est autem potestas iurisdictionis authoritas in alium tanquam inferiorem, & subditum saltem quoad actum iudicandi, & absoluendi, & ligandi in occulto foro conscientiz. Et est duplex, Ordinaria, & delegata. Ordinaria habetur ratione officij, curam animarum annexam habentis. Delegata est illa, quæ alicui per commissionem à Superiore delegatur, & committitur.

Cuicumque autem Confessario, vt à peccato valide absolvere possit, necessaria prorsus est iurdictio hæc interna, & ad forum conscientiz perti-nens in personam, & in peccata poenitentis, aut ordinaria, aut ex commissione. Et est de fide in Concilio Florentino in decret. 1. Vbi Minister Pœnitentiz dicitur Sacerdos habens potestatem absoluendi, vel ordinariam, vel ex Commissionem Superioris. Et ex Concilio Tridentino sess. 14. de Pœnitentia cap. 7. vbi dicitur (Quoniam natura, & ratio iudicij illud ex-

44 Raymundi Cardinalis Capisucchi

poscit, ut sententia in subditum dumtaxat feratur, persuasum semper in Ecclesia fuit, & verissimum esse Synodus hæc confirmat, nullius momenti absolutionem eam esse debere, quam Sacerdos in eum profert, in quem ordinariam, aut subdelegatam non habet iurisdictionem.)

Ac per hoc ipsum distinguitur Sacramentum Pœnitentiæ ab omnibus alijs Sacramentis, ad quorum substantiam, & valorem, non est necessaria iurisdictione. Et ratio diuersitatis colligitur ex dictis, quia hoc Sacramentum confertur per modum absolutionis iudicialis, in qua ipsa etiam eius Sacramenti forma consistit. Iudicialis verò absolutio valida nullo modo esse potest, si in iudicante desit autoritas, & iurisdictione. Dictum est autem, in personam, & in peccata, quia si quis in personam quidem iurisdictionem habeat, sed in peccata eiusdem nullam habeat, vt si omnia, quæ confitetur pœnitens, sint reſeruata, talis absoluer eum Pœnitentem non poterit. Et contra si in peccata secundum se potestatem quidem habeat, quia reſeruata non sunt, in personam autem non habeat, rursus nulla est absolutio, vt patet ex Concilio Tridentino loco citato.

Eam verò iurisdictionem necesse est non esse impeditam per aliquam Ecclesiæ censuram nominatim, & publicè denunciata, vel in casu notoriæ percuſſionis Clerici; aliàs enim perinde est, ac si iurisdictione non adesset.

Hic autem pro maiori intelligentia etiam eorum, quæ diximus in quæſtione præcedenti animaduertendum quatuor modis contingere, quod aliquis careat iurisdictione ad absolu-

dum Sacramentaliter; Primò enim potest quis carere iurisdictione, quia eam non habet, nec eam habendi est capax, huiusmodi sunt Laici, & Hæretici, præsertim notorij, & manifesti, qui præterea inhabiles ad iurisdictionem declarantur per Sacros Canones, quos in præcedenti quæſtione adduximus. Secundò, contingit aliquem iurisdictione carere; quia eam iam habuit, sed postmodum ea priuatus est per sententiam, vel à iure, vel ab homine latam, huiusmodi esset Episcopus Catholicus in hæresim, vel in excommunicationem incidens. Tertio, potest quis carere iurisdictione quantum ad vsum, quia videlicet in ipso sit suspensà. Quartò, contingere potest aliquem carere iurisdictione, ex eo, quod licet illius capax sit, ei tamen non est communicata de facto, & talis est simplex Sacerdos, qui, vt diximus, ex vi ordinationis nullam potestatem habet iurisdictionis.

Soluntur Obiectiones.

VT magis constet, quæ, & qualis facultas, seu potestas conferatur Sacerdoti in sua Ordinatione, aliqua proponemus, quæ contra dicta obijci possunt, & ea soluimus.

Obijcitur ergo primò. Cuiſbet Sacerdoti in sua ordinatione confertur potestas absoluendi à peccatis, in Ordinatione namque Sacerdotali Episcopus in persona Christi profert illa verba Io. 20. (*Accipite Spiritum Sanctum, quorum remiseritis peccata remittuntur eis, & quorum retinueritis retenta sunt*) Ergo potestas iurisdictionis confertur Sacerdotibus in ordinatione, & non est

est distincta à potestate Ordinis. Iurisdic-
tione enim nihil aliud est, quàm facul-
tas ius dicendi, aut sententiam ferendi.

Confirmatur. Nam Apostolis his
verbis, & non alijs contulit Christus
integram potestatem iurisdictionis in
foro interiori, nec Apostoli habuerunt
aliam potestatem, quàm quæ data est
eis, per verba illa: *Accipite Spiritum
Sanctum &c.* Eadem verò dicuntur
Sacerdotibus, quando ordinantur.

Respondetur ad argumentum, quod
quamuis omnes Sacerdotes in sua ordi-
natione accipiant potestatem illam
soluendi à peccatis per ea verba: *Acci-
pite Spiritum Sanctum, quorum remi-
sseritis peccata, remittuntur eis &c.* Ea
tamen potestas, non est potestas iurif-
dictionis, sed est potestas Ordinis Sa-
cerdotalis, quæ etiam continet quam-
dam potestatem absoluendi, sed non-
nisi remotam, & quasi fundamenta-
lem, & aptitudinalem, quæ per forma-
lem, & actualem potestatem iurif-
dictionis complenda est; Sicut etiam, qui
Iuris Doctores creantur, quamdam
potestatem iudicandi accipiunt, sed
quæ absque accessu iurisdictionis com-
pleta, & perfecta non est. Quare iu-
dicium illud exerceri non potest sine
iurisdictione; Iurisdic-
tione verò non
datur sine subditis, in quos ea possit
exerceri. Sicut etiam si aliquis Rex tri-
bueret aliquibus potestatem iudican-
di, Iudicesque illos constitueret, non
assignaret tamen eis subditos, sed illos
accepturi essent ex delegatione Prin-
cipis, quando is opportunum iudica-
uerit; Simili modo Sacerdotes acci-
piunt in sua ordinatione potestatem
absoluendi, cuius tamen usum adhuc
habere non possunt, nisi accedat, &

potestas iurisdictionis, & eis assignen-
tur subditi in quos auctoritatem ha-
beant; Sacerdotes igitur ex vi illorum
verborum constituuntur Iudices apti-
tudine, quatenus accipiunt potesta-
tem Ordinis, ratione cuius deputan-
tur tanquam apti ad ferendam sen-
tentiam: Constituantur autem actu,
& formaliter Iudices, quando actu ip-
sis conferuntur subditi, quia tunc pri-
mò confertur ipsis iurisdic-
tio forma-
lis, & tunc primò habent ius ad fe-
rendam sententiam.

Vndè S. Thomas in 4. sent. d. 18.
q. 1. art. 1. questiuinc. 2. ad 1. ait, quod
hæc tria nempe character, & potestas
conficiendi Corpus Christi, & pote-
stas Clauium, (quæ idem est, ac po-
testas Ordinis) sunt vnum, & idem
per essentiam, sed differunt ratione,
vt enim ibi ait S. Doctor, ad duo, quo-
rum vnum est causa alterius, vna po-
testas ordinatur, sicut in igne calor ad
calefaciendum, & dissoluendum, &
quia omnis gratia, & remissio in cor-
pore mystico ex capite suo prouenit,
ideò eadem potestas esse videtur per
essentiam, qua Sacerdos conficere po-
test, & qua potest ligare, si iurisdic-
tio adsit: Nec differt nisi ratione, se-
cundum quam ad diuersos effectus com-
paratur: Sicut etiam ignis dicitur se-
cundum aliam rationem calefactiuus,
& liquefactiuus. Et quia nihil est aliud
character Ordinis Sacerdotalis, quam
potestas exercendi illud, ad quod prin-
cipaliter ordo Sacerdotij ordinatur,
sustinendo, quod sit idem, quod spi-
ritualis potestas, ideò character, & po-
testas clauium est vnum, & idem per
essentiam, sed differt ratione. Hæc
S. Thomas.

Quare

Quare cum Sacerdotibus ab Episcopo dicitur: *Accipite Spiritum Sanctum, quorum remisistis peccata, remittuntur eis &c.* per hæc verba, additur modus quidam realis, & intrinsecus maioris perfectionis, & extensionis ipsius characteris, ratione cuius character iam impressus per illa verba ab Episcopo prolata: (*Accipe potestatem offerendi Sacrificium &c.*) extenditur etiam supra Corpus Christi mysticum, siue supra fideles poenitentes, ad physicè causandam per Sacramentum Poenitentiae eorum Sanctificationem per gratiam. Est tamen idem character, qui se ad utrumque extendit. Vnde sicut character non importat nisi potestatem clauium, & potestatem ordinis, etiam ex ea parte, qua extenditur supra Corpus Christi mysticum, seu supra fideles, non verò importat potestatem iurisdictionis, ita & potestas illa remittendi peccata, quæ Sacerdotibus confertur per illa verba: *Accipite Spiritum Sanctum, quorum remisistis peccata, remittuntur eis &c.* non est potestas iurisdictionis, sed potestas Ordinis, & Clauium, seu characteris, quam aliqui vocant etiam potestatem absoluendi à peccatis, non moralem, in qua consistit potestas iurisdictionis, sed physicam, in qua consistit potestas Ordinis.

Ad confirmationem. Respondetur, negando assumptum; Nam Apostoli præter potestatem ordinis, quam acceperunt, quando Christus illis dixit, *Accipite Spiritum Sanctum &c.* Etiam acceperunt potestatem iurisdictionis per illa verba; *Sicut misit me Pater, & ego mitto vos*, non quidem præcisè vi utotum verborum, sed ex

peculiari intentione Christi; quæ significata est per missionem, qua eos misit cum potestate Apostolica. Quâvis autem Sacerdotibus in ordinatione dicatur; *Quorum remisistis peccata &c.* Ipsi tamen non mittuntur; neque tanquam Apostoli, constituuntur Ductores, & Pastores, sed accipiunt ipsam remittendorum peccatorum potestatem ordinis, super qua fundari possit potestas iurisdictionis, si à superiore detur, & sine qua nemini possit hæc conferri, ut scilicet eam exerceat absoluendo, etiam si attentaret absolute.

Est autem solutio hæc ipsissima doctrina S. Thomæ in 4. sent. dist. 19. q. 1. art. 3. quæstionem. 1. ad. 1. ibi enim sic ait. *Ad primum dicendum, quod ad absolutionem à peccato requiritur duplex potestas, scilicet potestas ordinis, & potestas iurisdictionis. Prima quidem potestas est equaliter in omnibus Sacerdotibus, non autem secunda; Et ideo ubi Io: 20. Dedit omnibus Apostolis communiter potestatem remittendi peccata, intelligitur de potestate, quæ consequitur ordinem; Vnde & Sacerdotibus, quando ordinantur, & illa verba dicuntur; sed Petro singulariter dedit potestatem dimittendi peccata Matth. 16. ut intelligatur, quod ipse præ alijs habet potestatem iurisdictionis. Potestas autem ordinis, quantum est de se, se extendit ad omnes absoluendos: Et ideo indeterminate Dominus dicit, Quorum remisistis peccata; intelligens, tamen, quod usus illius potestatis esse deberet præsupposita potestate Petro collata, secundum ipsius ordinationem.*

Sed,

Sed & in corpore eiusdem articuli docet S. Thomas, quod sicut in celesti hierarchia, in qua sub potestatibus, quæ indistinctè præfunt, præponuntur Principatus, qui singulis Provinciis distribuuntur, ita debet esse in prælatione Ecclesiæ militantis: ut apud aliquem esset prælatio indistinctè in omnes, & sub hoc essent alij, qui super diuersos diuersam potestatem, & distinctam acciperent. Et quia vsus Clauium requirit aliquam prælationis potestatem, per quam ille, in quem vsus Clauium communicatur, efficitur materia propria illius actus, ideo ille, qui habet indistinctam potestatem super omnes, potest uti Clauibus in omnes. Illi autem, qui sub eo distinctas potestates acceperunt, non in quoslibet uti possunt Clauibus, sed in eos tantum, qui eis in sortem venerunt, nisi in necessitatis articulo, ubi nemini Sacramenta sunt deneganda.

Ex his confirmatur & assertio nostra principalis, qua diximus in ordinatione Sacerdotali, non conferri Sacerdotibus potestatem iurisdictionis ad absoluenda peccata, sed solam potestatem ordinis, & solam potestatem ordinis non sufficere ad absoluendum Sacramentaliter; Quod & iterum docet S. Thomas in articulo citato ad 2. Nam cum sibi obieciſſet quod Clauis materialis, quæ aperit vnā ſerām, aperit omnes alias eiusdem modi, sed omne peccatum cuiuscumque hominis est eiusdem rationis obstaculum, respectu introitus Cæli, ergo si potest vnus hominem Sacerdos per clauem, quam habet absoluere, poterit, & quoslibet alios (Respondet) Ad

secundum dicendum; quod Clauis materialis, non potest aperire nisi ſerām propriam; nec aliqua virtus actiua potest agere, nisi in propriam materiam. Materia autem propria potestatis ordinis efficitur aliquis per iurisdictionem: Et ideo non potest aliquis clauis uti in eum, in quem iurisdictionem non datur.)

Idem docet, & art. 2. seq. nam ait, quod potestas ordinis, quantum est de se, extendit se ad omnia peccata remittenda, sed quia ad vsum huiusmodi potestatis requiritur iurisdictionem, quæ à maioribus ad inferiores descendit, ideo potest Superior aliqua sibi reſeruare, in quibus iudicium inferiori non committat: Aliàs de quolibet potest simplex Sacerdos habens iurisdictionem, absoluere.

Est autem potestas illa remittendi peccata in ordinatione accepta per verba illa. *Accipe Spiritum sanctum, quorum remisistis peccata, remittuntur eis &c.* potestas physica remittendi peccata, quæ necessariò prærequiritur ad potestatem iurisdictionis, quæ est potestas moralis.

Secundò obijcitur. Quod initio nascentis Ecclesiæ omnes Sacerdotes poterant quoscumque Pœnitentes voluntariè se submittentés à quibuscumque peccatis absoluere: Ergò quilibet Sacerdos habebat iurisdictionem ex vi suæ ordinationis. Antecedens, in quo est difficultas probat Nauarrus *ex cap. Placuit de Pœnitentia dist. 6.* in quo Urbanus II. qui Ecclesiam rexit anno 1100. prohibet, ne deinceps vlli Sacerdoti liceat, quemlibet alteri Sacerdoti commissum ad pœnitentiam recipere, sine eius consensu, cui prius se com-

commisit. Nam dictio, *Deinceps* (inquit) & similes denotant Constitutiones in quibus ponuntur, præterita non comprehendere, ac subindè ante illam Constitutionem Urbani II. consueuisse fideles alteri, quam proprio Sacerdoti confiteri.

Respondetur, quod admissio antecedenti, neganda est consequentia. Nam si initio nascentis Ecclesiæ, usque ad tempora Urbani II. fuit illa consuetudo, ut quilibet Sacerdos, quoscumque pœnitentes absolueret, dicendum est Sacerdotes tunc potestatem habuisse iurisdictionis absolvendi quoslibet, non præcisè ex vi suæ ordinationis, sed ex concessione Ecclesiæ ita volentis; sicut semper voluit, ut quilibet Sacerdos simplex in eius tamen unitate vivens, possit quemlibet in articulo mortis constitutum, ab omnibus peccatis absolvere.

Dicendum est autem (*si initio nascentis Ecclesiæ, usque ad tempora Urbani II. fuit illa consuetudo*) ut quilibet Sacerdos quoscumque pœnitentes absolueret; nam & negari potest ante tempora Urbani II. talem consuetudinem fuisse, cum & longo tempore ante Urbanum, non licuerit fidelibus alteri Sacerdoti, quam proprio confiteri; Et colligitur ex Epistola 2. decretali Calixti I. quæ habetur in Decreto Gratiani 9. quæst. 2. Can. 1. ubi sic dicitur: *Nemo alterius terminos usurpet, nec alterius Parochiam iudicare præsumat, quia talis sententia irrita erit, nec ullas vires habebit.* Quare particula illa, *Deinceps*, qua Urbanus II. in sua Constitutione usus est, non significat antea licitum fuisse, confiteri cuilibet Sacerdoti, sed significat, quid in posterum faciendum

fit, sed prosecutionem in futuro eius, quod etiam antea factum fuerat.

Tertiò obijcitur. Si ad validè absolvendum præter potestatem Ordinis, necessaria esset iurdictio, nullus posset validè Summum Pontificem absolvere, nam nullus potest habere iurisdictionem in Summum Pontificem, non enim illam accipere potest ab ipso Pontifice, quia sicut non habet iurisdictionem supra seipsum, ita nec potest illam alteri conferre, neque etiam ab alio, cum Pontifex, nullum in Terris Superiorem agnoscat, & tamen Summus Pontifex validè absoluitur à Confessario.

Respondetur, Confessarium electum a Pontifice ab ipso immediatè accipere iurisdictionem, nam ad hoc non requiritur, quod Pontifex immediatam iurisdictionem habeat in se ipsum, sed sufficit, quod sicut habet à Christo potestatem subijciendi quoscumque Fideles cuilibet Sacerdoti, ita & habeat ab eodem Christo potestatem subijciendi seipsum, cui vult, ex qua subiectione conferre censetur Sacerdoti electo iurisdictionem in seipsum; Vnde S. Thomas in 4. sent. d. 17. q. 1. art. 5. ad 4. ait, quod *Prælati concessum est, quod possint eligere proprios Confessores, qui quantum ad hoc sint Superiores; Sicuti etiam cum Medicus ab alio curatur, non in quantum Medicus, sed in quantum infirmus, & dist. 17. q. 1. art. 2. ait, quod potestas Clauium quantum est de se, extendit se ad omnes; sed quod in aliquem Sacerdos non possit potestate Clauium uti, contingit ex hoc, quod eius potestas, est ad aliquos specialiter limitata, unde ille, qui limitauit, potest extendere in quem voluerit, & propter hoc etiam*

etiam potestatem sibi dare potest in se ipsum, quamvis ipse in seipsum veri Clauum potestate non possit, quia potestas Clauum requirit pro materia aliquem subiectum, & ita alium: Sibi ipsi enim aliquis subiectus esse non potest, & ad primum ait, quod quamuis Episcopus, quem simplex Sacerdos absoluit, sit Superior eo simpliciter, est tamen inferior eo, in quantum ei se, ut peccatorem subijcit. Quamuis ergo Summus Pontifex non possit dare alicui iurisdictionem in seipsum in foro externo propter excellentiam, & prærogatiuam suæ Dignitatis maioris omni alia humana, quam non decuit submitti authoritati puræ humanæ iudicium ipsa inferiorum; Secus tamen in foro interno fauorabili, cuius iudicium omnibus post Baptismum Lapsis est omninò necessarium.

Ex dictis inferitur potestatem iurisdictionis in multis differre à potestate Ordinis. Primò, quia potestas Ordinis confertur cuilibet Sacerdoti per Sacram ordinationem; potestas verò iurisdictionis per deputationem legitimam ad exercendum officium Confessoris, & ad absoluendum à peccatis. Secundò, quia Sacerdotes omnes in potestate Ordinis æquales sunt, non verò in potestate iurisdictionis. Tertio, potestas Ordinis inuariabilis est, ac indelebilis. Secus verò potestas iurisdictionis; nam potest augeri, vel minui, imò & totaliter auferri; etiam in Summo Pontifice; nam licet summam iurisdictionem supremam, & amplissimam à Deo habeat, potest tamen, si velit, illi renunciare, ut à Celestino V. factum est; Demùm potestas Ordinis non potest delegari, bene tamen potestas iurisdictionis. In omnium tamen sen-

tentia, excepta sententia Armacani, quæ communiter erronea reputatur; dicendum est, ex vi potestatis præcisè in Sacra ordinatione accepta, neminem posse Sacramentaliter absolvere, sed aliquid aliud necessarium esse, ut omnes Authores relatarum opinionum fatentur.

Quod autem diximus quæstione principali Sacerdotes Hæreticos, etsi potestate Ordinis gaudentes, non tamen potestatem iurisdictionis habere, intelligendum est de Hæreticis aliàs ritè ordinatis; nam si Hæretici non sint ritè ordinati, quia videlicet ordinati sunt ab Episcopo, qui Episcopalem potestatem non habebat, nec verè erat Episcopus, hi nedùm non habent potestatem iurisdictionis, sed nec potestatem Ordinis Sacerdotalis, vnde nedùm ex defectu iurisdictionis non possunt absolvere, sed etiam ex defectu Ordinis.

Deniquè, siue dicatur Sacerdotes in sua ordinatione accipere iurisdictionem pro foro Poenitentiae, siue illam postea recipere ab Ecclesia; firma stat nostra assertio principalis, nam Sacerdotes præcisè non recipiunt iurisdictionem à Christo inuisibili capite Ecclesiae, extrà quam sunt; neque ab eiusdem Ecclesiae Pastoribus.

Ad quæstionem autem principalem redeuntes, dicimus Sacerdotem Hæreticum, etsi ritè ordinatum, nullam, nec in casu necessitatis iurisdictionem habere ad moribundum absoluuendum Sacramentaliter; Et si obijciatur melius esse in casu necessitatis, Hæreticum Sacerdotem ex probabili, vel dubia iurisdictione, moribundo absolutionem impendere, quam nul-

lam ei impendere absolutionem. Respondetur, satis ex dictis constare, Sacerdotes Hæreticos, vel Schismaticos, adhuc in casu necessitatis, nulla, nec probabili iurisdictione gaudere. Quare in eo casu moribundus recurrere debet ad actum contritionis; perinde enim est, ac si nullus adesset Sacerdos; Vnde sicut cum nullus adest Sacerdos, etiamsi adsit Laicus moribundus non est absolvendus à Laico, sed elicere debet actum contritionis, eodem modo se gerere debet, cum adest tantum Sacerdos Hæreticus. Immo quando etiam daretur, quod negamus Hæreticum Sacerdotem in casu necessitatis probabili, vel dubia iurisdictione ad absolvendum gaudere, adhuc si absolveret, à moribundo eliciendus esset actus contritionis, ut salutem suam in tuto constitueret, sequè æternæ damnationis periculo subriperet, sed questionem diremit, ac difficultatem subtulit Sacra Congregatio, declarando Excommunicatum denunciatum, aliosque in vnitatem Ecclesiæ non viuentes, cuiusmodi sunt Hæretici notorii, & manifesti, absolvere non posse, nec in casu necessitatis, id quo ad verba Concilij Tridentini *sess. 14. cap. 7.* dicentis, *Omnes Sacerdotes in articulo mortis quemlibet à quibusvis peccatis, & censuris absolvere posse*; declarando verba hæc intelligenda non esse de Sacerdotibus Excommunicatis, & denunciatis, atque ab Ecclesia præcis; ac proinde funditus evertendo fundamentum recentiorum, quod in verbis Concilij præpositè intellectus consistebat. Prætereaque Clemens Octavus decernit in casu necessitatis Latinum Catholicum à

Græco Catholico, atque vnito absolvendum esse.

Posito autem, quod adversæ opinionioni nulla probabilitas adsit, & si quæ fuit, per decretum Sacræ Congregationis omnino ei sublata sit; dicendum est, ulterius, quod Excommunicato denunciato, alijsque in vnitatem Ecclesiæ non viuentibus, cuiusmodi sunt Hæretici notorii, & manifesti, non liceat, nec sub conditione absolutionem Sacramentalem in casu necessitatis impendere, absolutio enim sub conditione impendi licet, quando remanet probabilitas, aut saltem dubium de iurisdictione absolventis, in casu autem, de quo agitur, nulla remanet probabilitas, nec dubietas de iurisdictione Excommunicati denunciati, & Hæretici notorii, cum per Sacram Congregationem declaratum sit, eos absolutionem Sacramentalem impendere non posse, gratis autem admissio, præsentem questionem esse dubiam, expectanda non est resolutio ab Apostolica Sede, qua decernatur Excommunicatos denunciatos, aliosque in vnitatem Ecclesiæ non viuentes impendere posse absolutionem sub conditione in casu necessitatis, qui enim asserit, Excommunicatum denunciatum absolvi posse sub conditione, dubitat vtrum Excommunicatus gaudeat iurisdictione, ac proinde ignorat vtrum ea gaudeat, vel non gaudeat, hæc autem dici nequeunt de Apostolica Sede, quæ benè novit, an concesserit, vel non concesserit prædictis iurisdictionem, & per Sacram Congregationem manifestè declaravit, se talibus non concessisse iurisdictionem.

QVAESTIO SECVNDA.

Vtrum ab Ecclesia tribus primis sæculis Pœnitentia Sacramentum, seu Absolutio Sacramentalis aliquibus peccatoribus denegata fuerit.

Errores Marci Antonij de Dominis.



Arcus Antonius de Dominis Archiepiscopus Spalatensis in Libro, quem de Republica Ecclesiastica inscripsit, *parte 2. lib. 5. cap. 7. num. 89.*

seq. vult, antiquitus in Ecclesia cum Moribundis, qui vsque ad vltimum vitæ terminum in peccatis perseuerassent, & neque interna, neque externa Ecclesiæ pœnitentia se purgassent, & tantùm instante morte conscijse crimine aliquo irretitos, Ecclesiasticam peterent pœnitentiam, & reconciliationem, eam consuetudinem seruata fuisse, vt ad pœnitentiam admitterentur, sed non reconciliarentur, & ne ligati ex hoc Mundo discederent, ait, quod illa admissio ad pœnitentiam relinquebat illos propriæ internæ pœnitentiæ, cum promissione Ecclesiæ de danda eis pœnitentia, si conualuissent, & addit, quod Prisci negabant Moribundis reconciliationem, quæ ordinariè per Communionem fiebat; quia, inquit, non poterat præcedere pœnitentia.

externa, & satisfactio, quam omnino vt necessariam, inquit, semper tenuit Ecclesia ad vsum Clauium. Vnde solam absolutionem, seu reconciliationem, quæ lapsis post impletas publicas satisfactiones cum Eucharistia concedebatur, dicit spectasse ad Clauis Ecclesiæ, nullam tamen Sacramentalem absolutionem, seu reconciliationem erga peccatores agnosceat, nec antiquitus, nec ad præsens in Ecclesia, negat enim pœnitentiam esse Sacramentum; eam tamen suam illam reconciliationem, non Sacramentalem ad Clauis Ecclesiæ pertinentem moribundis illis denegatam dicit, eo quod peccatoribus illis, vt potè in articulo mortis constitutis, aut non poterant iniungi opera satisfactoria, aut iniuncta non poterant ab illis impleri, sed quamdam aliam absolutionem extraordinariam, quæ ad Clauis Ecclesiæ non pertinebat, vult eis fuisse concessam, hanc autem vult non aliud fuisse, quàm Sacra Eucharistiæ traditionem, sine alia distincta reconciliatione, quæ alijs pœnitentibus extra casum mortis cum Eucharistia dabatur; sed extraordinario modo, hoc est non præmissis illis pœnitentijs, & operibus satisfactorijs, quæ

cum imminet mors præstari à moribundo non possunt, & de hac reconciliatione, dicit semper dubitatum fuisse, an possit prodesse, & hanc reconciliationem dicit non pertinere ad Claves Ecclesiæ, cum Claves, inquit ipse, solvere nequeant, nisi quem pœnitentijs, seu operibus satisfactorijs prius ligauerant; sed & eandem consuetudinem, etiam ad præsens cum eis peccatoribus seruandam esse ab Ecclesia dicit, qui tantum in extremo vitæ veniam exposcunt. Nam ubi retulit sententias diuersorum Patrum, quorum aliquos dicit, negare, alios concedere pœnitentiam moribundis, qui in extremo dumtaxat vitæ, veniam exposcunt. num. 89. profert suam sententiam inquit: *Medium tamen quoddam temperamentum mihi videtur in hoc obseruandum, ut videlicet moribundus petens pœnitentiam, sit omnino ad pœnitentiam admittendus, hoc est non repellatur, sed quantum ex parte Ecclesiæ est illum ad agendam pœnitentiam, si possit eam exequi, admittat, & consequenter inter ligatos ab Ecclesia cum reponat, sed ne ligatus discedat, anticipata detur ei reconciliatio per Sacram Eucharistiæ communionem, quam vocant viaticum, 26. quest. 6. & 7. cum obligatione tamen, ut si conualuerit inter pœniteres maneat, donec adiunctam sibi externam absoluerit pœnitentiam, & satisfactionem, postquam in forma Ecclesiæ ordinaria reconcilietur per ordinariam Communionem; illa enim Communion, quam moribundus habuit, fuit extraordinaria, & pro viatico. Cum igitur hæc viatici communitio, sine prauia vera Ecclesiastica pœnitentia, non sit plena illa, & vera Ecclesia-*

sica peccatorum reconciliatio dubium semper fuit, quod uia possit prodesse, licet negandam esse Ecclesia non censeat, sed concedendam, ut valeat, quantum valere potest. Hæc Spalatenfis. In quibus animaduertendum, quod ipse negat, Pœnitentiam esse Sacramentum, & nullam aliam externam pœnitentiam agnoscit, nisi admissionem peccatoris ad pœnitentiæ statum, & ad subeundas pœnitentias, seu satisfactiones ab Ecclesia pro peccatis statutas, nullam aliam absolutionem, & reconciliationem agnoscit, nisi quæ sit per Communionis restitutionem, & ait, quod remissio peccatorum fiebat, & etiam modò sit per pœnitentiam præcipuè internam, quam solum nunc etiam sufficere dicit: Undè cum ait, etiam nunc posse reconciliari moribundos, quos in extremo dumtaxat vitæ peccatorum pœniteat, non loquitur de absolutione Sacramentali, nam hanc nullatenus admittit, sed loquitur de absolutione, seu reconciliatioe illa, quam dicit conferri per Eucharistiam.

Aliquorum Catholicorum sententiæ.

INter Catholicos recentiores aliqui volunt, absolutionem Sacramentalem peccatoribus illis ab Ecclesiæ primis temporibus denegatam fuisse, qui in extremo vitæ dumtaxat veniam flagitassent. Sententiam hanc inter primos Catholicos protulit Antonius Arnaldus Doctor Sorbonicus in libro de frequenti Communione par. 2. cap. 15. ubi pag. 357. sic ait. *Etenim seras istiusmodi, vicinasque morti pœnitentias,*
emen-

emendandaque vita significationes tam-
parni semper fecit Ecclesia, ut totis tri-
bus sæculis ministerij sui auctoritatem,
& quam à Christo acceperat soluendo-
rum criminum potestatem erga eos adhi-
bere recusaret, qui cum uniuersum tem-
pus atatis turpiter, & flagitiose tradu-
xissent, extremo demùm spiritu, ad
eam confugiebant. Immo verò cum in-
humane Nouatianorum acerbitati, qui
nimia, & immodica seueritate (ut est
Hæreticorum genus præcepti ad extre-
ma) spem omnem pacis lapsis eripiebant,
studiosius obsisteret, concertatioque hæc
ipsa aduersus eos, qui se peccatis emergere
niterentur mitiorem, placabilioremque
eam efficeret: tamen indulgentiam, ac
spem veniam, quam omnibus, vel nocen-
tissimis offerebat ijs solis concedendam non
pauit, qui insani morbi discrimine,
cum peccata satisfactione redimere non
possent veniam postulabant.

Cuius rei auctorem, inquit, habe-
mus Cyprianum in Epistola ad Anto-
nianum: ubi importunam Nouatiano-
rum in lapsos duritiem toto pectore refel-
lens, & summa eloquentia demon-
strans, non occludenda ijs penitus Ec-
clesiæ viscera, neque omnem veniam spem
eripiendam: indignos tamen hæc Ec-
clesia benignitate habitos significat, qui in-
stante morte eam expeterent, atque in
supremis illis angustijs liberationem cri-
minum quærerent, quæ iam penitentia
expiare non possent &c. & ad hoc affert
verba Cypriani in Epist. 50. ad Anto-
nianum, Concilium Arelatense pri-
mum, & Innocentium primum in
epistola ad Exuperium Episcopum
Tholosanum.

Cum Arnaldo sentit Ægydius Ga-
brielis in suolibello Speciminum mora-

dium par. 2. moralis tutoris §. 41. Ibi
enim ait, quod in Ecclesia primis tre-
centis annis practicum fuit, ut nega-
retur absolutio, & Communio in articulo
mortis ijs, qui post vitam perditæ ætatem,
non egerant penitentiam, & tantum ra-
tione infirmitatis, ac periculi mortis pe-
tebant Sacramentum Reconciliationis,
& ad hoc affert easdem authoritates,
quas affert Arnaldus, S. Cypriani
Concilij Arelatensis, & Innocentij
Primi.

Natalis Alexander in suis Disserta-
tionibus historicis sæculi tertij par. 1.
dissert. 7. art. unico, Canonico-
rum tantum criminum reis, si in infirmitate
dumtaxat penitentiam postulaf-
sent, primis Ecclesiæ sæculis, & tertio
præsertim abolutionem Sacramen-
talem negatam fuisse dicit, & affert
easdem authoritates, quas affert Ar-
naldus.

Ioannes Morinus in Commentario
historico de Disciplina in administra-
tione Sacramenti Pœnitentiæ tredecim
primis sæculis in Ecclesia Occi-
dentali obseruata lib. 10. cap. 1. Illis
dumtaxat peccatoribus abolutionem
Sacramentalem denegatam fuisse di-
cit, qui neglecta Ecclesia, quam deser-
uerant, vel à qua eliminati fuerant,
tunc primum penitentiam, veniamq;
petebant, cum morbo stimularentur.

Aureliæ Episcopus lib. 2. obseruat. 8.
quæst. 11. 13. 15. 17. apud Ioannem
Morinum in Commentario historico
&c. lib. 9. c. 1. n. 5. ait, primis Ecclesiæ
sæculis veniam grauioribus crimini-
bus nunquam esse indultam, ne in fine
quidem.

Christianus Lupus par. 5. Decreto-
rum, & Canonum Synodorum Gene-
ralium,

ralium, ac Prouincialium differt. de peccator. ac satisfaction. indulgent. cap. 1. Trium criminum reis pœnitentia functis, & in articulo mortis constitutis à Romana Ecclesia veniam antiquissimis temporibus non fuisse concessam vult, scilicet Idololatriæ, Homicidis, & Mœchis (Tria olim inquit) peccata Mater Ecclesia fuit singulariter detestata, Idolatriam, Mœchiam, & Homicidium 3 eis Sacramentalis reconciliationis pacem negauit, etiam in articulo mortis post peractam pœnitentiam. Ea reseruauit Diuina Maieitati, ad summum Nostrium in Dei Patris dextera Pontificem Iesum Christum iudicanda remisit soluenda, aut tenenda. Ita fuit vsq; ad Zephirinum Pontificem. Hec Lupus.

ASSERTIO PRIMA.

Ecclesia Romana criminum Idololatriæ, Homicidij, Mœchiæ reis pœnitentia functis, nunquam veniam, seu absolutionem Sacramentalem denegauit.

ASSERTIO hæc est contra Lupum; aliosq; nonnullos recentiores. Eam tamen propugnant Ioannes Morinus in Commētaria cit. lib. 9. c. 19. & 20. & Natalis Alexander art. cit. concl. 3.

Probatur euertendo fundamentum oppositæ sententiæ: Nam etsi Tertullianus in libro de Pudicitia c. 5, supponat, Catholicos vbique Idololatriæ, & Homicidis veniam negasse, & solum Mœchis concessisse, eo pacto contra Catholicos arguendo, Idololatriæ, et Homicidis pacem negatis, cur Mœchis con-

cediis? Id tamen Tertullianus asserbat, vt argumentis suis colorem induceret, & demonstraret Mœchis pacem esse negandam. Nam quod Tertullianus Catholicis imponeret, quod Idololatriæ, et Homicidis veniam negarent, ex ipso Tertulliano constat; Tertullianus enim antequam in hæresim laberetur, fassus est, ab Ecclesia Idololatriæ, & Mœchiz veniam acta pœnitentia concedi solitam fuisse; Vnde Idololatrias, & Mœchos ad pœnitentiam, vt veniam ab Ecclesia consequantur, exhortatur in libro, quem Catholicus de Pœnitentia scripsit cap. 8. sic inquit (Offendisti, sed reconciliari adhuc potes: habes cui satisfacias, & quidem volentem. Si id dubitas, euolue, quæ Spiritus Ecclesiæ dicit: Desertam dilectionem Ephesis imputat; Stuprum, & Idolothytorum esum Thyatirensis exprobat: Sardos non plenorum operum incusat: Pergamēnos docentes peruersa reprehendit &c. & tamen omnes ad pœnitentiam comonet, sub comminationibus quidem: Non comminaretur autem non Pœnitenti, si non ignosceret Pœnitenti &c.) Igitur Tertullianus in libro de Pudicitia contradicit his, quæ ingenuè fassus erat in libro de Pœnitentia, quoad consuetudinem Ecclesiæ in venia Idololatriæ concedenda; His videlicet veniam concessam fuisse; quod postmodum negat in libro de Pudicitia, vt fundamentum sternat suo errori, & inde aduersus Ecclesiam argumentetur, vt moris est Hæreticorum.

Sed & ex libro de Pudicitia constat, Tertullianum Catholicis imponere. Nam capite tertio sui oblitus, vel potius nondum disputationis calore in transfuersum actus, hæc habet (Sed

prius decidam intercedentem ex diuerso
responsionem ad eam pœnitentia speciem,
quam cum maxime definimus veniam ca-
rere, si enim, inquiunt, aliqua pœniten-
tia caret venia, iam nec in totum agen-
da tibi est; Nihil enim agendum est fru-
stra: Porro frustra agitur pœnitentia, si
caret venia. Omnis autem pœnitentia
agenda est; Ergo omnis veniam conse-
quatur, ne frustra agatur, quia non erit
agenda, si frustra agatur. Porro, fru-
stra agitur, si venia carebit, merito ita op-
ponunt, quoniam huius quoque pœnitentie
fructum, id est veniam in sua potestate
usurpauerunt.) His verbis clarè Ter-
tullianus exprimit Catholicam con-
suetudinem fuisse de quibuslibet cri-
minibus pœnitentiam agere, & ad
pœnitentia veniam fuisse Pœnitenti
ab Ecclesia datam. Nam Catholicor-
um illa aduersus Montanistas ratiocin-
atio propositionibus nititur, quæ
singulæ tribus illis criminibus irre-
missibilibus opponuntur. Prima est.
Omnis criminis agenda est pœnitentia.
Secunda. *Omni pœnitentia venia neces-
sario danda est, alioquin Pœnitentia est
superuacanea.* Tertia. *Venia illius con-
cessio, Ecclesie authoritati commissæ est.*

At ex eodem libro cap. 10. effica-
cissimum, & ineluctabile argumen-
tum, vt Morinus obseruat, elicitur.
Ibi enim sic respondet Catholicis au-
thoritatem Hermæ in libro Pastoris
opponentibus. (*Cederem tibi, si scri-
ptura Pastoris, quæ sola mæchor amat, di-
uino instrumento meruisset incidere, si nō ab
omni Concilio Ecclesiarum etiam vestra-
rum, inter apocrypha, & falsa iudica-
retur adultera, & ipsa, & inde patro-
na sociorum.*) Ille autem antiquus Au-
thor, quem Damasus Pij Papæ I. quĩ

anno Christi 158. Pontificatum inijt,
fratrem fuisse scribit, non modo
adulteris veniam concedit, sed nullum
crimen nouit, quod pœnitentia non
expictur, vt videri potest lib. 2. man-
dato 4. Quem locum Tertulliano Ca-
tholici opponebant. Imo lib. 3. Simi-
litudinibus 6. 7. & 8. Omnia pecca-
torum genera singillatim explicat, ea-
que omnia lauari pœnitentia docet.
Ex quo pater Catholicorum senten-
tiam non mœchiam tantum, sed om-
nia criminum genera complexam fuisse.
Quod opponit falsam, & apocry-
pham esse omnium Ecclesiarum iudi-
cio scripturam illam, nihil ad id quod
Nobis probandum est spectat. Dein-
de quod assumit falsum est, scriptura
enim illa à Clemente Alexandrino, &
Irenæo antiquioribus Tertulliano,
imo & à Tertulliano Catholico magni
æstimatur, & libris Canonicis quasi
æquiparatur, & in eodem pretio est
apud Authores Tertul. ano posteriores

His additur illud ipsum, quod in
Catholicis reprehendit Tertullianus
ad libri finem, Martyres lapsis pacem
ab Ecclesia impetrare. Non erat ergo
recens consuetudo, crimina illa re-
mittendi, vt credi vult Tertullianus,
sed antiqua, & ab ipsa origine Eccle-
siæ continuata. Mœchia quidem, &
fornicationis mentionem tantum fa-
cit. Sed ex Sancto Cypriano demon-
stratur secundum anteriorem consue-
tudinem, pacem Martyres ab Ecclesia
pro lapsis, & idololatriæ reis potissi-
mum exorare solitos, vt ex epistolis
10. 11. 12. 13. & multis sequentibus
colligitur. Non censebantur igitur
illa crimina irremissibilia, vt vult
Tertullianus.

Hanc

Hanc eandem fuisse vniuersæ Ecclesiæ ante Tertullianum consuetudinem ostenditur ex antiquissimis Apostolorum Canonibus, præsertim ex Can. 52. in quo hæc habentur. (Si quis Episcopus, aut Presbyter à peccato reuertentem non recipit, sed reiecit, deponatur, quia Christum contristat dicentem, Gaudium erit in Cælo, &c. & Can. 62. (Si quis Clericus humano timore Iudei, vel Gentilis, vel Hæretici negauerit, siquidem Christi nomen recipiatur: si vero Clerici nomen, deponatur Penitentiam autem agens, ut laicus recipiatur. Si post grauissimum negationis Dei erimen acta pœnitentia recipitur, multò magis receptum fuisse credendum est, reum minorum criminum, peracta pœnitentia. Ad idem faciunt Canones 24. 27. 28. 29. & 61.

Specialiter autem de Ecclesia Romana hoc ipsum probatur ex epistolis Cleri Romani ad Sanctum Cyprianum, præsertim in epistola 2. quæ lapsorum causas in suspenso manere decernit ad noui vsque Pontificis electionem, iisque interim pacem dari prohibet, exceptis tamen illis, qui in supremo vitæ discrimine constituti fuerint, quibus absolutionem dari iubet acta pœnitentia, Cuius, inquit, tempera menti moderamen nos hic tenere querentes diu, Et quidem multi & quidem cum quibusdam Episcopis vicinis nobis, & appropinquantibus, & quos ex alijs Prouincijs longè positis persecutionis istius ardor eiecerat, ante constitutionem Episcopi nihil innouandum putauimus, sed lapsorum curam mediocriter temperandam esse credimus, ut interim, dum Episcopus dari à Deo nobis

sustinetur, in suspenso eorum, qui moras possint dilationis sustinere, causa teneatur; eorum autem, quorum vita sua finem argens exitus dilationem non potest ferre, acta pœnitentia, & professio frequenter suorum detestatione factorum si lachrymis, si gemitibus, si fletibus dolentis, ac verè pœnitentis animi signa prodiderint, cum spes viuendi secundum hominem nulla subseuerit, ita demum cautè, & sollicitè subueniri Deo ipso sciente, quid de talibus faciat, & qualiter iudicij sui examinet pondera, nobis tamen anxie curantibus, ut nec prauam nostram improbi homines laudent facilitatem, nec verè pœnitentes accusent nostram quasi duram crudelitatem. In his verbis Romanus Clerus absolutionem lapsis moribundis tribui iubens, non innuit, se noui aliquid discernere, aut antiquam se emollire disciplinam, vnde argumento est nusquam antea Romanam Ecclesiam lapsis, qui pœnitentiam egissent, absolutionem in exitu denegasse; multò autem minus absolutionem denegasse ijs, qui pœnitentia, dum sani essent, functi fuissent.

Præter Ecclesiam Romanam, in Occidente alias etiam Ecclesias celebriores, scilicet Carthaginensem, Hispanensem &c. & nullam Orientis Ecclesiam, & pacem lapsis pœnitentia, functis nunquam denegasse ostendunt Morinus, & Alexander locis cit. ad quos Lectorem remittimus.

Verùm Lupus loc. cit. affirmat, trium illorum peccatorum reis, scilicet idolatriæ, mœchiæ, & homicidij, etiam post peractam pœnitentiam, veniam ab Ecclesia denegatam fuisse, vsque ad Zephirinum Pontificem, idque probat

probat ex verbis Tertulliani in libro de Pudicitia, vbi de Zephirini edicto Tertullianus hæc scribit. *Audito Edicto esse propositum, & quidem preemptorium quod Pötsfex, scilicet Maximus, qui est Episcopus Episcoporum edicit: Ego & machia, & fornicationis delicta pœnitentia functis dimisso.* Et infra idem Lupus de Tertulliano sic ait: *Arguit Zephirinum Pontificem de duplici excessu, de duplici in Ecclesias inducta nouitate.* Primò quod mœchis, & fornicatoribus absolutionis pacem; secundò, quod etiam pœnitentiarum remissionem impertiretur, & vtramque gratiam permetteret postulari, ac adiuuari per Martyrum litteras, & reuera vtrumque (addit Lupus) tunc fuit in Ecclesia nouum, vti istarum culpæ, ita & pœnitentialium satisfactionum remissio fuerat vsque tunc Christo Domino seruata.

At Zephirinus in relato Edicto, non dicit se noui aliquid decernere, quoad veniam mœchis impertientiam, neque in hoc antiquam se legem emollire, igitur ex Edicto Zephirini potius oppositum colligitur, videlicet consuetudinem veniam donandi mœchis antiquam esse, & ab ipsis Ecclesiæ primordijs in usu fuisse. Quare tantùm abest, vt ex eo Zephirini Edicto habeatur, quod eius tempore veniæ huiusmodi elargitio inciperet, vt ex eo potius oppositum habeatur, & contra Lupum retorqueatur. Non enim Zephirinus nouam legem condidit, sed veterem consuetudinem seruauit, & confirmauit.

Sed & ante Zephirinum, imo semper in Ecclesia Romana consuetudinem fuisse reis dictorum criminum

pœnitentia functis, veniam, & absolutionem impendere, constat ex dictis, & ex mox dicendis amplius constabit.

Nam Sanctus Irenæus, qui ante Zephirini Pontificatum scribebat huius veniæ denegationem ab Ecclesia Romana, vt Lupus asserit, datam ignorauit, cum, vt benè obseruat Morinus, sæpius data occasione illius denegationis nunquam mentionem faciat, imo contrarium ex Ecclesiæ consuetudine sæpius factam testetur. Libro enim 1. cap. 9. refert nonnullas mulieres à Marco quodam Hæresiaracha non solum mente, & animo, sed etiam corpore corruptas, exomologesi facta in Ecclesiam receptas fuisse, hæc sæp sime conuersæ ad Ecclesiam Dei confessæ sunt, & secundum corpus exterminatas, sed ab eo velut cupidine, & inflammatas valde se illum dilexisse, vt & Diaconus quidam eorum, qui sunt in Asia suscipiens eum in domum suam, incidere in huiusmodi calamitatem. Nam cum esset eius vxor speciosa, & sententia, & corpore corrupta esset à Magistro, & secuta esset eum multo tempore, post deinde cum magno labore fratres eam conuertissent, omne tempus in exomologesi consummauit plangens, & lamentans vbi hanc, quam passa est ab hoc Mago corruptelam.

Addendum est illustre testimonium Clementis Alexandrini, qui vixit Zephinni temporibus; in secundo Stromatum ex lib. 2. *Pasteris mandato 4. excerptum, quo pœnitentia & post pœnitentiam venia ex Angeli mandato quibuslibet peccatis, & Mœchiz singillatim conceditur.* Idem eui-

denter de quibuslibet peccatis in specie; & colligitur ex eiusdem Hermæ lib. 3. *similitudinibus* 6. 7. 8.

Hoc idem probatur luculento testimonio S. Augustini in *Epistola* 48. ad *Vincentium Donatistam*, in qua testatur, S. Cyprianum tempore veniam adulteris pœnitentibus concessum fuisse. Ibi enim referens S. Cyprianum loquum, quo Cyprianus inuehitur in Sacerdotem ita pœnitentiam dantem peccatori, ut sola pœna indicta, cum non absolueret; Quia videlicet is haud dubie impiè contra fas omne, & ius faceret, utpote qui non solueret, quem obligasset, & ique pœnitentiæ fructum, & spem veniæ negaret, sic Augustinus contra Episcopos Africanos, qui contra ius omne, & fas contra Christi institutum, & Ecclesiæ disciplinam Mœchis pœnitentiam, & peccati veniam negabant, pronunciat. *Se quod veritas habet, & quod Ecclesia merito tenet, rectè pœnitentibus adulteris pax datur, (Cyprianum videlicet tempore) illi qui in totum locum pœnitentia contra adulteros clauderant, impiè utique agebant, qui membris Christi sanitatem negabant, & claves Ecclesiæ pulsantibus subtraherant, & misericordissima patientia Dei, quæ illos propterea sinebat vivere, ut pœnitendo sanarentur Sacrificio contriti spiritus, & contribulati cordis oblato dura crudelitate contradicebant.*

Ad idem faciunt, quæ pro secunda nostra assertionem afferemus ex S. Paciano in *Epist.* 1. ad *Sympronianum*, & *Epist.* 3. in qua multis probat nulla peccata, vel magna, vel modica, excipi à Christo dicente, *Quorum remiseritis peccata...* Petro præcipi, ut

septuagesies septies relaxetur, quod peccatur in hominem &c.

His denique testibus adiungi potest S. Dionysius, qui à pluribus Arcopagita creditur; Multis enim in *Epistola* ad Carpum in eos, ipsumque Carpum inuehitur, qui peccatorum quorumlibet pœnitentibus veniam, & reconciliationem denegant; sed omnibus anteire debet, rectè ait Morinus, Corinthij incestus ab Apostolo Paulo veniam consecuti, exemplum quod Catholici semper Tertulliano apposuerunt, & cuius pondere ita oppressus est, ut illud nunquam excutere potuerit, licet sæpius id magno Conatu in libro de *Fudicitia* tentauerit.

Pro maiori autem eorum, quæ hæcenus dicta sunt, & aliorum, quæ mox dicentur, intelligentia, attendenda sunt, quæ in sequenti quaestione observabimus, & hic observanda censemus; quod videlicet peccatores pœnitentiæ Ecclesiasticæ seu canonicæ statum ex præscripto Ecclesiæ suscipientes absoluebantur Sacramentaliter, nedum ante peractam pœnitentiam Ecclesiasticam, sed & plures Sacramentaliter absoluebantur in prosecutione eiusdem pœnitentiæ, iniunctâ his alia pœnitentia Sacramentali: ac præterea Sacramentaliter absoluebantur post expletam pœnitentiam Ecclesiasticam; Vnde completa Ecclesiastica pœnitentia duplici absolutione absoluebantur, absolutione scilicet Sacramentali pro culpis post ultimam absolutionem Sacramentalem in eo statu admittis, quæ saltem veniales esse potuerunt, iniunctâ eis speciali pœnitentia Sacramentali; Et rursus absoluebantur absolutione Ecclesi-

clesiastica, quæ post impletionem Ecclesiasticæ pœnitentiæ impondebatur. Hæc enim omnia ita contigisse dicendum est, quia ea in hac re antiquitus in Ecclesia peracta esse dicendum est, quæ rationalia sunt, immo & conformia institutioni Sacramenti Pœnitentiæ à Christo peractæ, inueniuntur, Est autem omnino rationale, & institutioni Sacramenti Pœnitentiæ conforme, ut fideles priusquàm à pœnis ab Ecclesia pro admissis culpis ab eadem Ecclesia exsoluantur, quod continebat per absolutionem Ecclesiasticam, exsoluerentur à culpis, & pœnis, in foro Dei, quod fit per absolutionem Sacramentalem.

Hæc autem hic obseruanda duximus, ut inde pateat, quod licet plures ex autoritatibus à Nobis inductis, pro hac nostra prima assertionem formaliter intelligendæ sint de absolutione Ecclesiastica, qua pœnitentes post expletam Ecclesiasticam pœnitentiam absoluebantur, eadem tamen autoritates nostram assertionem probant, quoad absolutionem videlicet Sacramentalem; nam probato, quod Ecclesia absolutionem Ecclesiasticam, & pro foro externo trium dictorum criminum reis pœnitentia functis non denegauerit, à fortiori probatum relinquitur, quod nec absolutionem Sacramentalem eorundem criminum reis vnquam denegauerit, cum absolutio illa Ecclesiastica, & pro foro externo, coniunctam semper haberet, immo præsupponeret absolutionem Sacramentalem, & pro foro interno. Immo illud etiam obseruandum, quod nulla vnquam fuit, aut potuit esse controuersia in Ecclesia (quidquid recen-

tiores contradicant) de concedenda, absolutione Sacramentali peccatoribus veniam petentibus, & pœnitentibus, nam cum Sacramentum Pœnitentiæ institutum sit à Christo Domino, ut conferatur peccatoribus dolentibus, ac pœnitentibus, non est putandum, quod Ecclesia contra Christi Domini præscriptum, Pœnitentiæ Sacramentum pro pœnitentibus institutum, eisdem etiam grauissimorum criminum reis denegare voluerit.

Dicimus autem, de hoc nunquam controuersiam fuisse, aut esse potuisse in Ecclesia, nam quod Nouatiani, alijque hæretici negauerint peccatores ad veniam, & ad absolutionem recipiendos esse certum est, eos tamen Ecclesia damnauit, sicut & alios quoscumque, etiam aliis Catholicos, qui negarent grauiorum criminum reos ad pœnitentiam esse recipiendos: tales erant Episcopi aliqui, qui ut refert, S. Cyprianus in Epist. ad Antonianum, pacem Mœchis non dandam putabant, quos ibi Cyprianus redarguit. Quare Ecclesiæ mens semper fuit, ut quorumcumque criminum reis, pœnitentibus, & veniam postulanti- bus, absolutio & venia concederetur. Hinc illæ S. Cypriani ibidem inclamationes contra Nouatianum (*Dominus in Euangelio suo dicit, estote misericordes, sicut & Pater vester misertus est vestri. Et iterum: Non est opus sanis Medicus, sed malè habentibus. Quam potest exercere medicinam, qui dicit, Ego solos sanos curo, quibus Medicus necessarius non est?* (Et post plura) *Et ideo placuit frater charissime, examinatis causis singulorum libellaticos interim*

admitti, Sacrificatis in exitu subueniri, quia exomologesis apud Inferos non est, nec ad penitentiam quis à nobis compelli potest, si fructus penitentiae subtrahatur (Et post alia) iacet, ecce saucius frater ab Aduersario in acie vulneratus. Inde Diabolus conatur occidere, quem vulnerauit, hinc Christus hortatur, ne in totum pereat, quē redemit. Cui de duobus affisimus, in cuius partibus stamus? Verū ne Diabolo fauemus, ut perimat, & semianimem fratrem iacentem, sicut in Evangelio Sacerdotes & Leuite praeuerimus? an verò ut Sacerdotes Dei, & Christi, quod Christus & docuit, & fecit, imitantes vulneratum de Aduersarii faucibus rapimus, ut curatum Deo iudici reseruemus? Nēc putes frater charissime, hinc aut virtutem fratrum minui, aut Monasteria deficere, quod lapsis laxata sit penitentia, & quod penitentibus spes pacis oblata nam & Machis à nobis penitentia tempus conceditur, & pax datur, non tamen idcirco virginitas in Ecclesia deficit, aut continentia propositum gloriosum per aliorum peccata languescit, & rursus Miror quosdam sic obstinatos esse, ut dandam non putent lapsis penitentiam, aut penitentibus existiment, veniam denegandam & cum scriptum sit: Memento unde cecideris, & age penitentiam, & fac priora opera, & infra Neminem putamus à fructu satisfactionis, & spe pacis arcendum, cum sciamus iuxta Scripturarum Diuinarum fidem auctore, & hortatore ipso Deo, & ad agendam penitentiam peccatores redigi & veniam atque indulgentiam penitentibus non denegari (Mox in eisdem Nouatianos inuehitur, quod vellent peccatores penitentibus, ac operibus poenalibus

subiacere, non tamen eis absolutionem dari) inquit (O frustranea fraternitatis irrissio, & miserorum lamentantium caduca deceptio, & heretica institutionis inefficax, & vana traditio; hortari ad satisfactionis penitentiam, & subtrahere de satisfactione medicinam, dicere fratribus nostris plange, & lachrymas funde, diebus, ac noctibus ingemisce &c. sed extra Ecclesiam post omnia ista morieris, quacumque ad pacem pertinet, facies, sed nullam pacem, quam quæris, accipies.)

Eadem latius prosequitur in epistola ad Nouatianum ipsum: in ea enim totus est in ostendendo, quod lapsis spes veniæ non sit deneganda, & in eundem Nouatianum eleuat vocem suam ipsum redarguens, quod in scriptur tantum legat illa, quæ ad exitium salutis pertineant, & quæ ad misericordiam prætereant. Clamanto, inquit, Scriptura, & dicente: Penitentiam agite, qui erratis, conuertimini corde: & eadem quoque Propheta similiter exhortante, & dicente: Conuertimini ad me in toto corde vestro, in ieiunio, & ploratione, & planctu, & scindite corda vestra, & non vestimenta, & conuertimini ad Deum vestrum: quoniam misericors est, & miserator, multa miserationis &c.

Sanctus Cyprianus igitur peccatores quoscumque, nulla commissorum criminum exceptione facta, ad penitentiam recipiendos dicit, eisque veniam per absolutionem etiam Sacramentalem, concedendam. Nouatianus enim, contra quem agit, nullam spem salutis super re esse lapsis cōtendebat per Ecclesiæ clauēs obtinendæ. Nam illos salutem à Deo sperare posse,

se, & debere non negabat, & idè illos ad pœnitentiam exhortabatur, vt Diuinam clementiam lachrymis promererentur, ac laboribus, sed hoc negabat vnum, ad Ecclesiæ, ac fidelium Communionem eos recipi posse; atq; penès Ecclesiam ipsos reconciliandi ius vllum esse, ac potestatem. Vt constat ex Epiphanio *heresi* 59. Socrate *lib. 4. & 7. Histor. Eccles.* Eusebio *lib. 6. Histor. Eccles. cap. 35.* S. Cypriano in *libro de Lapsis, & ex Epist. 57. ad Cornelium*. Cum ergo S. Cyprianus tam Nouatiani hæresim damnet, qua Nouatianus assererat nullam Lapsi veniam, & absolutionem concedendam esse, vult consequenter Lapsis, & quorumcumque criminum reis veniam, & absolutionem concedendam esse; Igitur ex Cypriano habetur, quod Ecclesia, quorumcumque criminum reis etià Idololatriis, Homicidiis, & Mœchis pœnitentibus, & veniam poscentibus, veniam, & absolutionem Sacramentalem non denegauerit.

Hæc porrò ex Cypriano in laudata Epistola ad Antonianum obseruat Ioannes Darfius in suis Commentarijs in vniuersum Gratiani Decretum *par. 2. dist. 26. quæst. 6. & 7.* Nam vbi recensuit priscorum Episcoporum opinionem, qui, vt refert Sanctus Cyprianus in dicta Epistola, dandam pacem Mœchis non putabant, & in totum Pœnitentiæ locum contra adulteria claudendum. Subdit Darfius: *Hanc verò opinionem non sequuta est Ecclesia Romana, vt constat ex Tertulliano toto libro de Pudicitia. Nec Diuus Augustinus, qui libro de fide, & operibus existimauit dandam esse pœnitentiam Idololatriis, impudicis, & homicidis; Qui au-*

tem opinantur, inquit, & cetera elemosynis compensari, tria tamen mortifera esse, non dubitent excommunicatione puniendi, donec humiliori pœnitentia sanentur, impudicitiam, idololatriam, & homicidium, & multò minus D. Chrysostomus magnus Pœnitentiæ Prasul, vt apparet Parænesi ad Theodorum lapsum cap. 3. Hæc Darfius.

Animaduertendum autem, quod cum S. Cyprianus *locis citatis* probat pœnitentiam peractam ante reconciliationem, seu absolutionem, non loquitur de pœnitentia Sacramentali; nam hæc, vt quæstione sequenti dicemus ante absolutionem Sacramentalem non peragebatur, sed loquitur de pœnitentia, qua peccator ex se ipso se disponit per dolorem, & fletum ad veniam, & reconciliationem, seu absolutionem obtinendam.

ASSERTIO SECVNDA.

Ecclesia primis tribus sæculis Peccatoribus in extremo vitæ pœnitentibus Pœnitentiæ Sacramentum, seu absolutionem Sacramentalem non denegauit.

ASSERTIO hæc est contra Authores in principio Quæstionis relos. Sed probatur primò authoritatibus illis, quas in prima assertione de Sacramentali absolutione intelligendas esse diximus; & præsertim S. Cypriani in *epist. cit. ad Antonianum*; Ibi enim generaliter dicit peccatores pœnitentes, veniamq; poscentes, ad pœnitentiam

rentiam, veniam, ac reconciliationem admittendos esse, & Nouatianum id negantem redarguit; Quæ autem ibi pro hac re Cyprianus affert probant, Peccatores etiam in extremo dumtaxat vitæ pœnitentes absolvendos esse Sacramentaliter; Immo in eadem epistola in principio dicitur, per totum Orbem scriptum esse (*ut lapsis infirmis, & in exitu constitutis pax donetur*) & post plura dicit (*si qui enim infirmitatibus occupantur, illis, sicut placuit, in periculo subueniuntur; postea quam tamen subuentum est, & periclitantibus pax data est, suffocari à nobis non possunt, aut opprimi, arctari, & manu nostra in exitum mortis urgeri: ut quoniam morientibus pax datur, necesse sit mori eos, qui acceperint pacem: cum magis in hoc iudicium Divine pietatis, & pœternæ lenitatis appareat, quam qui pignus vitæ in data pace percipiant, hic quoque ad vitam percepta pace teneantur. Et id circò, si accepta pace commearus à Deo datur, nemo hoc debet in Sacerdote criminari, cum semel placuerit fratribus in periculo subueniri*) & post alia (*& ideo placuit, Frater charissime, examinatis causis singulorum, libellaticos interim admitti, sacrificatis in exitu subueniri, quia exomologesis apud Inferos non est, nec ad pœnitentiam quis à nobis compelli potest, si fructus pœnitentiæ subtrahatur.*)

Cum ergo S. Cyprianus velit, ut lapsis infirmis in exitu mortis pax detur, cum nomine pacis importari possit absolutio Ecclesiastica, si hanc Cyprianus concedendam dicit lapsis in exitu mortis, potiori iure supponendum est, eisdem concedi voluisse absolutionem Sacramentalem.

Probatur secundò. Nam de fide certum est, Pœnitentiam esse vnum ex septem Sacramentis à Christo institutis, prout Sacra Concilia Florentinum, ac Tridentinum definiunt. Consistit autem Pœnitentiæ Sacramentum in actibus pœnitentis, qui sunt Contritio, & Confessio, & in absolutione Sacerdotis, ac in satisfactione. Rursum certum quoque de fide est, Sacerdotem verbis, quæ profert in confessione manifestata peccata dimittere lo. 20. (*Accipite Spiritum Sanctum quorum remiseritis peccata remittuntur eis, & quorum retinueritis retenta sunt*) Nam his verbis Christus Apostolis, eorumque Successoribus, qui sunt Sacerdotes, remittendorum peccatorum potestatem largitus est, quæ potestas in solo Pœnitentiæ Tribunali exercetur. Nec potest intelligi de peccatis per Baptismum remittendis, vel de remissione per prædicationem excitanda, ut Hæretici comminiscuntur, nam alibi tradidit Christus baptizandi prædicandique potestatem, Matthæi videlicet 28. cum dixit: *Euntes docete omnes gentes baptizantes eos in nomine Patris, & Filij, & Spiritus Sancti.* Deindè, quia eadem est potestas remittendi, quæ retinendi peccata: at potestas baptizandi, & prædicandi, non est potestas retinendi peccata, igitur datur alia potestas procedens cum cognitione causæ, & legitima iudicis Iurisdictione, qui pro meritis rei, aut seluat, aut retineat. Quemadmodum ergo Christus Dominus instituit Baptismum ad remissionem peccatorum ante Baptismi susceptionem commissorum, sic bonitatem eius decuit Sacramentum Pœnitentiæ in remissionem

nem peccatorum post Baptismum patratorem, institueret, quo culpæ omnes post Baptismum susceptum contritiæ deleantur; Cum autem Sacramentum Pœnitentiæ institutum sit à Christo, uti medium necessarium ad salutem peccatoris Christiani, ut per illud pœnitens absoluaatur à culpis post Baptismum contractis; non est putandum, quod Ecclesia illud Peccatori in extremo vitæ constituto, pœnitenti, ac petenti denegauerit, aut quod peccatori Sacramentum Pœnitentiæ in extremo vitæ suæ petenti solam Eucharistiam concesserit, ut vult Spalatensis, nam Eucharistia, nec est Sacramentum Pœnitentiæ, nec pertinet ad elationes Ecclesiæ.

Nec sat est huiusmodi pœnitentes ad sinceram cordis contritionem remittere, nam licet per sinceram Contritionem possint remitti peccata; Tamen Christus Dominus ad faciliorem reddendam viam salutis, instituit Sacramentum sensibile Pœnitentiæ, quo cum vera attritione remitterentur peccata, quodque cuiusque Pœnitenti, quodcumque de peccatis, cum proposito ab eis abstinendi doleret, conferretur; Vnde Christus non contulit potestatem Ecclesiæ, ut relicto medio ab ipso Christo instituto, scilicet Sacramento Pœnitentiæ, peccatorem ad solum actum Contritionis remitteret. Voluit ergo Christus, ut peccatori pœnitenti per suos Ministros Pœnitentiæ Sacramentum administraretur, & peccator, cum possit, si non accedat ad Sacerdotem salutem non consequatur. Hinc Sanctus Augustinus in *epist. 118. ad Honoratam*. *Si Ministri desint, quantum*

exitium sequitur eos, qui de isto saculo, vel non regenerati exeunt, vel ligati: & Leo Magnus epist. 91. Si autem aliquis eorum, pro quibus Domino supplicamus, quocumque interceptus obstaculo à munere indulgentiæ presentis exciderit, & priusquam ad constituta remedia perueniat, temporalem vitam humanam conditione finierit, quod moriens in corpore non receperit, consequi carne exatus, non poterit. Nec necesse est nos eorum, qui sic obierint, merita, actusque discutere, cum Dominus Deus noster, cuius iudicia nequeunt comprehendere, quod Sacerdotale ministerium implere non potuit, suæ iustitiæ reseruauerit; ita potestatem suam timere volens, ut hic terror omnibus prosit, & quod quibusdam cepidis, aut negligentibus accidit, nemo non metuat; Multum enim utile, ac necessarium est, ut peccatorum reatus ante ultimum diem Sacerdotali supplicatione soluantur. Hinc Ecclesia in Concilio Trid. sess. 14. cap. 4. docet: quod etsi Contritionem aliquando charitate perfectam esse contingat, hominemque Deo reconciliare, priusquam Sacramentum Pœnitentiæ actu suscipiatur, ipsam nihilominus reconciliationem ipsi contritioni sine Sacramenti voto, quod in illa includitur non esse adscribendam. Nec Sacerdos pœnitenti Sacramentum Pœnitentiæ petenti, si dispositus appareat, denegare potest, & Pœnitentem ad actum contritionis remittere, immò eum ipsa Contritio, ut dictum est, non habeat hominem Deo reconciliare, nisi quatenus importat votum Sacramenti Pœnitentiæ, si commoditas adsit recipiendi Sacramentum, pœnitens tenetur illud petere, & Sacerdos tenetur illud conferre; Igitur non est putandum, quod

quod Ecclesia pœnitenti in extremo vitæ, Sacramentum Pœnitentiæ denegauerit.

Tertiò probatur ex Canone 52. Apostolorum, in quo generaliter, & nulla prorsus limitatione apposita decernitur deponendum esse Episcopū, aut Presbyterum, qui à peccato reuertentem non recipit, sed reijcit, & rationem reddit, quia peccatorem reuertentem non recipiens Christū contristat dicentem, Gaudium erit in Cœlo super vno peccatore pœnitentiam agente.

Id ipsum confirmatur autoritate S. Dionysij in Epistola ad Carpum, in qua S. Dionysius multis inuehitur cōtra eos, qui peccatorum pœnitentibus veniam, & reconciliationem denegant.

In quibus autoritatibus cum nulla exceptione aut limitatione apposita de peccatoribus in extremo vitæ pœnitentibus damnentur ij, qui Sacramentalem absolutionem peccatoribus pœnitentibus denegant, in eis proinde damnantur, qui absolutionem Sacramentalem peccatoribus in extremo vitæ suæ, veniam & absolutionem petentibus denegant.

Et mirum est, quod auctoritates prædictas afferat Morinus, vt probeat ab Ecclesia non fuisse à venia exclusos Idololatrias, Homicidas, & Mœchos, eo quod in his nulla fiat exceptio peccatorum, & non aduertat hoc ipsum contra eius assertionem stare, qua dicit Sacramentalem absolutionem eis peccatoribus non fuisse concessam, qui ab Ecclesia pulsi, ab ea veniam in extremo dumtaxat vitæ suæ postulassent, nam neque in prædictis autori-

tatibus excluduntur, sed in illis de quibuslibet peccatoribus generaliter nulla exceptione facta, sermo est.

Quartò probatur assertio nostra auctoritate Iulij Primi, & Cœlestini Primi summorum Pontificum, qui in extremo vitæ pœnitentibus pœnitentiam non denegandam affirmant, & oppositum damnant. Iulius igitur, vt refertur Causa 26. q. 6. Reum animarum esse dixit Presbyterum, qui pœnitentiam morientibus abnegat his verbis (*Si Presbyter pœnitentiam morientibus abnegauerit reus erit animarum: quia Dominus dicit (quacumque die conuersus fuerit peccator vita viuet, & non morietur)* vera enim confessio in ultimo tempore esse potest, quia Dominus non solum temporis, sed etiam cordis inspector est: Sicut Latro vnius momenti pœnitentia meruit esse in Paradiso in hora vltima Confessionis.)

Secundus est Cœlestinus Papa in epist. 2. ad Episcopos Gallia, & refertur Causa 13. q. 6. qui sic ait: (*Agnouimus pœnitentiam morientibus denegari, nec illorum desiderijs annui, qui obitus sui, tempore hoc, anima suæ cupiunt remedio subueniri; Horremus (fateor) tanta impietatis aliquem inueniri, vt de Dei bonitate desperet: quasi non possit ad se quouis tempore concurrenti succurrere, & periclitantem sub onere peccatorum hominem redimere, quo se expediri desiderat, & liberari. Quid hoc, rogo, aliud est, quam morienti mortem addere, eiusque animam sua crudelitate, ne absolua esse possit occidere? Cum Deus ad subueniendum paratissimus, inuitans ad pœnitentiam, sic promittat peccatori, inquiens (In quocumque die conuersus fuerit, peccata eius non imputabuntur ei).*

Et iterum (Nolo mortem peccatoris, sed tantum conuertatur, & uiuat) salutem ergo homini adimis, quisquis mortis tempore speratam penitentiam denegauit: & desperas de misericordia Dei, qui eum ad subueniendum morienti sufficere, vel in momento posse non credit. Perdidisset Latio in Cruce premium ad Christi dexteram pendens, si illum unius hora penitentia non iuuisset. Cum esset in pena penituit, & per cuius sermonis professionem habitaculum Paradisi Deo permittente promeruit. Vera ergo ad Deum conuersio in ultimis positum mense potius est estimanda, quam tempore, Propheta, hoc saliter asserente, (Cum conuersus ingemueris, tunc saluus eris) Cum ergo sit Dominus cordis inspector, quouis tempore, non est deneganda penitentia posulanti, cum ille se obliget iudici, cui occulta omnia nouerit reuelari) Hactenus Cælestinus, qui electus fuit in Pontificem anno salutis 423.

Hæc professio Pontifices illi adeo constanter non affirmarent, si Romana Ecclesia tribus primis sæculis Pœnitentiz Sacramentum, seu absolutionem Sacramentalem peccatoribus in extremo vitæ suæ pœnitentibus, denegasset; debuit enim eis nota esse vetus in hac re Ecclesiæ consuetudo, præsertim cum Iulius propè sæculum tertium, seu in principio sæculi quarti ad Pontificatum assumptus fuerit, & Cælestinus in principio sæculi quinti. Quod si oppositum tribus primis sæculis in vfu fuisset apud Romanam Ecclesiam, huius meminissent. Illi autem, quos Iulius reprehendit, erant Presbyteri quidam, qui morientibus pœnitentiam denegabant. Et Cælestinus idem damnat, quod in Gallijs,

non in Ecclesia Romana, fiebat.

Præterea. Rationes, quas præfati Pontifices in hac re afferunt, adeo videntur, vt planè conuincant nunquam in Ecclesia Romana, quæ Columna, & Magistra est veritatis, consuetudinem denegandi absolutionem Sacramentalem, in extremo tantum vitæ pœnitentibus, viguisse; Cum enim asserant, ex eo absolutionem in extremo vitæ suæ pœnitentibus negandam non esse, quia Dominus dicit *In quacumque die conuersus fuerit peccator, vita uiuet, & non morietur*) Et rursus, quod *vera confessio in ultimo tempore esse possit, Et impiè agere, dicant, qui peccatoribus eiusmodi absolutionem denegant, & morientis animam occidere, hæc professio demonstrant denegationem absolutionis peccatoribus pœnitentibus, esse ex se malam, & illicitam, & ex nullo motiuo denegationem absolutionis peccatoribus in extremo vitæ pœnitentibus, honestari, & licitam fieri posse, ac proindè oppositum nunquam apud Romanam Ecclesiam in vfu esse potuisse.*

Nec dici potest Pontifices illos loqui de sola negatione concessionis status pœnitentiæ, & reconciliationis, seu absolutionis externæ, ac aliorum, quæ in foro extrinseco fiebant. Nam horum denegatio, non occidit animam, nec eam denegantes, reos efficiunt animarum, nec salutem homini adimunt, vt dicitur in relatis verbis de illis, qui pœnitentiam peccatoribus in extremo vitæ pœnitentibus denegabant, ac proindè Pontifices in relatis verbis loquuntur de illis, qui Sacramentum Pœnitentiæ, & Sacra-

mentalem absolutionem peccatoribus in extremo dumtaxat vitæ pœnitentibus denegabant. Idque tanquam impium, & horrendum detestantur, ut potè contra Diuinam Misericordiam, quæ peccatores omni tempore ad veniam inuitat, nec viscera sua vllò tempore peccatoribus claudit. Vnde non est credendum in Ecclesia Romana consuetudinem aliquando viguisse, quam eadem Ecclesia per os Pontificum impiam declarauit.

Sed & si admittatur quod præfati Pontifices illos damnent, qui statum pœnitentiæ, & reconciliationem, seu absolutionem externam, & in foro externo impendendam peccatoribus in extremo vitæ pœnitentibus denegassent, hoc ipsum probat, quod multò magis damnauerint eos, qui absolutionem Sacramentalem, & in foro interno impendendam eis denegassent, nam si impium putarunt peccatoribus illis statum pœnitentiæ, aut absolutionem in foro externo denegare, eamque denegantes animas pœnitentium perimere affirmant, earumque reos pronunciant sic denegantes, multò magis id laudatos Pontifices aduersus eos pronunciaisse dicendum est, qui peccatoribus illis Pœnitentiæ Sacramentum, & absolutionem Sacramentalem denegassent. Quare dicendum, quod in prædictis autoritatibus damnentur ij, qui Sacramentum Pœnitentiæ, & Sacramentalem absolutionem peccatoribus in extremo vitæ pœnitentibus negabant; vel si contendas, in illis damnari eos, qui externum pœnitentiæ statum, & reconciliationem in foro externo peccatoribus illis negabant; Cogeris fatèri, à fortiori, eos

damnari, qui Sacramentum Pœnitentiæ, seu absolutionem Sacramentalem eisdem peccatoribus denegassent, verè tamen de negantibus absolutionem Sacramentalem auctoritates illas loqui certum est. Hanc autem absolutionem, cum non absq; impietate, & crudelitate negari posse asseueret Cælestinus, quis dubitet, id quod adeò vehementer damnat, nunquam in vfu Ecclesiæ fuisse, nec ab Ecclesia decretum?

Quintò probatur luculentò illo Diui Augustini testimonio in Epistola 48. ad Vincentium Donatistam superius allato, (*Si quod veritas habet, & quod Ecclesia meritò tenet rectè pœnitentibus adulteris pax dabitur* (Sæc. vii. videlicet Cypriani tempore) illi, qui in totum locum pœnitentiæ contra adulteros clauderant, impiè utique agebant; qui membris Christi sanitatem negabant, & clauis Ecclesiæ, pulsantibus subtraherant, & misericordissima patientie Dei, qua illos propter eam sinebat viuere, ut pœnitendo sanarentur sacrificio contriti spiritus, & contribulati cordis ollato, dura crudelitate contradicebant. Auctoritas hæc Augustini necdum pro adulteris, sed pro quocumque alio peccatore, & pro cuiuscumque criminis reo in extremo dumtaxat vitæ suæ dolenti, atque absolutionem poscenti, & contra Sacerdotes, qui tunc dolentibus absolutionem non impenderent, apprimè facit. Qui enim totum locum pœnitentiæ contra eiusmodi peccatores clausissent, impiè utique egissent, quia membris Christi sanitatem negassent, & clauis Ecclesiæ pulsantibus subtraxissent, & misericordissime patientie Dei, qua illos adhuc sinebat viuere, ut pœnitendo sanarentur sacrificio contriti spiri-

ius, & contribulati cordis oblato dura crudelitate contradixissent. Peccator enim Christianus, & Catholicus, qui in extremo vitæ suæ veniam petit, & absolutionem, membrum Christi adhuc est, licet mortificatum, is fores Ecclesiæ pulsât, cum misericordissima Dei patientia propterea sinit adhuc vivere, ut pœnitendo sanetur, & ob id sacrificium contriti spiritus, & cordis contribulati offert. Ille igitur Minister Christi, & Ecclesiæ Pastor, Iudice Augustino, agit impiè, qui pœnitenti illi sanitatem negauerit, Clauis Ecclesiæ subtrahent, & misericordissimæ patientiæ Dei dura crudelitate contradixerit. Tales autem Ecclesiæ Ministros, qui pœnitenti sanitatem negauerint, pullanti, clauis Ecclesiæ subtraxerint, & misericordissimæ patientiæ Dei dura crudelitate contradixerint, absit cogitare, aliquando in Ecclesia fuisse. Et cum S. Augustinus paulò post sæculum tertium fuerit, tam acriter aduersus negantes peccatoribus pœnitentibus veniam, & absolutionem, inuectus non fuisset, si in Ecclesia primis tribus sæculis, ea consuetudo non absoluendi peccatores in extremo vitæ pœnitentes viguisset. Quin, & Augustini rationes adeò efficaciæ sunt, ut nunquam eiusmodi consuetudinem in Ecclesia esse potuisse conuincant. Dico autem in Ecclesia consuetudinem illam nunquam fuisse, aut esse potuisse; nam quod aliqui id contra omnem pietatem, & æquitatem, reclamante Ecclesia, egerint, non est attendendum.

Est & aliud testimonium. Sancti Paciani, aduersus Nouatianos *epist.* x. ad Sympronium, quod & in rem

præsentem quadrat. Sic enim ibi ait S. Pacianus: Quod si hæc homini suo Dominus prouidit, si idem stantibus præmia, qui tacentibus remedia largitus est, desinit Diuinam accusare pietatem, aut tot celsus clementia titulos obiectu rigoris eradere, aut gratuita Domini bona inobsecrabili asperitate prohibere: Non hæc largimur de nostro, & conuertimini ad me &c. . . . Hæcne tam diuturnum Serpens venenum, & Christus non habet medicinam? Diabolus in Mundo interfecit? Christus hic: non potest subire: pigeat sanè peccare, sed pœnitere non pigeat. . . . Quis naufrago tabulam, ne euadat, eripiat? Quis sanandis vulneribus inuidebit? Multisque enumeratis ex Apocalypsi peccatoribus addit; Et tamen omnes ad pœnitentiam satisfactionis inuitat. . . . Nemo sine fructu imperat laborem. . . . Nunquam Deus non pœnitenti comminaretur, nisi ignoscere pœnitenti, solus hoc, inquit, Deus potest, verum est; sed quod per Sacerdotes suos facit, ipsius potestas est. Nunquid est illud, quod Apostolis dicit: Quæ ligaueritis in terris. . . . Scio fratres hanc ipsam pœnitentia veniam non passim omnibus dari, nec antequam, aut interpretatio Diuinæ voluntatis, aut forsitan visitatio fuerit relaxari &c. loquitur de venia pœnitentiæ, quam cum magno pondere, magnoque libramine, post multos gemitus, effusioneque lacrymarum dari vult; condiciones, quibus etiam pax ipsa, & reconciliatio pœnitentibus conceditur describit. . . . At in his omnibus exceptionibus non fit mentio primi post Baptismum lapsus, non confessionis ante mortis periculum factæ, aut pœnitentiæ inchoatæ, sed tantum gemitus,

tus, lacrymarum, & aliorum eiusmodi signorum, quibus poenitentes, se ex animo detestari peccata, & conuertere testentur, si Sacramenta homini suo Dominus prouidit, si idem stantibus præmia, qui iacentibus remedia largitus est, definite tot ecclesiis Clementiæ titulos obiectu rigoris eradere, aut gratuita Domini bona inobsecrabili asperitate prohibere, &c. quis naufrago tabulam ne euadat eripiat? Quis sanandis vulneribus inuidebit? Deus omnes ad poenitentiam inuitat, & posita poenitentia, veniam promittit, & ad hoc Sacramentum Poenitentiae poenitentibus conferendum instituit, idemque poenitentibus tradendum iubet; Nemo sine fructu imperat laborem, &c. Veniam, hanc dicitis, soli Deo reseruamus: Vnde habetis peccatorum veniam soli Deo referendam, quando Deus suis Ministris, & per suos Ministros eam peccatoribus dandam imperat? Quod per Ministros suos facit ipse potestas est, & cum Dei Ministri peccatoribus parcunt Deus ipse eis pareit.

Et in epistola 3. idem S. Pacianus multis probat nulla peccata, vel magna, vel modica, vel ante Baptismum, vel post Baptismum commissa, siue de eis peccator ante periculum vitæ, siue in ipso periculo vitæ doleat, excipi à Christo dicente, *Quorum remisistis peccata &c.* Petro præcipi, vt septuagesies septies relaxetur, quod peccatur in hominem; quod tamen, & Dominum lædit, solam blasphemiam, seu peccatum in Spiritum Sanctum, scilicet impoententiam non dimitti, reliqua bonis poenitentibus donari...

Sicuti constitutam peccatoribus penam probaueris, hoc tenetis, aut peccatis perseuerantibus constitutam; aut libertatem Deo relictam, mutandæ, si poeniteas, ad meliora sententiæ. Quæ autem à Nouatianis pro peccatoribus à venia repellendis Scripturæ loca proferbantur, non de poenitentibus, sed de his, qui non solum ipsi in facinore perseuerant, verum etiam nos scandalizare non desinunt intelligenda sunt. Quæ cum aduersus Nouatianos dicantur à S. Paciano, de Sacramentali poenitentia, seu absolutione præsertim intelligenda sunt, eam enim præcipuè peccatoribus negandam Nouatiani censuerunt. Quare ex eodem S. Paciano; *Nemo nisi impoententes, seu qui nec dum poenituerint; qui nec dum improbus esse desierit à Sacramento Poenitentia in Ecclesia nunquam arceri potuit, cum Nouatiani ipsi intelligere debuerint, Deum posse misereri miseris fratribus de præterito confitentibus; vel seram, scilicet in fine vitæ, patere medicinam vulnecratum illi à Leuita, & Sacerdote præteritum, per Christum posse sanari: Ecclesia preces humilibus non denegandas, manus Sacerdotum miserandis fratribus exhibendas.*

Probatur etiam Assertio nostra, egregio Diui Leonis Edicto non nouo, sed antiquæ disciplinæ instituto; epistola 91. cap. 4. ubi sic ait. *His qui in tempore necessitatis, & in periculi vrgentis præsidium poenitentia, & mox reconciliationis implorant, nec satisfactio interdicens est, nec reconciliatio deneganda, quia misericordie Dei, nec mensuras possumus ponere, nec tempora definire, apud quem nullas patitur remia*

muras; vera conuersio, &c. dicente Spiritu Dei per Prophetam; Cum conuersus ingemueris, tunc saluus eris, &c. In dispensandis Dei donis non debemus esse difficiles, nec accusantium se lachrymas, gemitusque negligere, cum ipsorum penitentium affectionem ex Dei credamus inspiratione conceptam; dicente Apostolo; Ne forte det illis Deus penitentiam, ut respiciant à diaboli laqueis, & animaduertendum S. Leonem id dicere, quod penitentium status Ecclesiastica habet regula.

II **Authoritatem hanc S. Leonis assert Morinus, ut probet cuiusque peccatori penitentiam in extremis imploranti, nec penitentiam, nec reconciliationem denegandam.** A Leone igitur, etiam ipso Morino fatente, nullus peccator excipitur; idque ex Ecclesiastica regula. Cur ergo Morinus à veniæ, & absolutionis Sacramentalis concessione exceptos dicit ab Ecclesia peccatores, qui ab ea pulsi erant, & ab ea veniam, atque absolutionem in extremo dumtaxat vitæ postulabant? Sibi ergo Morinus aperte contradicit.

Rursus probatur assertio nostra auctoritate Sancti Cypriani in epist. 52. ad Antonianum. Nam in ea totus est Sanctus Antistes in ostendendo generaliter, & absque villa personarum, aut temporis exceptione, quod lapsis omnibus penitentibus venia, & absolutio concedenda sit. Et quamvis eius verba aduersus hæresim Nouatiani dirigantur, qui facultatem in Ecclesia esse negabat post Baptismum lapsos sacramentaliter absoluedi; tradit tamen generalem doctrinam, qua nulum vnquam peccatorem penitentem ab Ecclesia rejciendum esse ostendit.

Ea supra retulimus pro prima assertione, & eadem hic asserimus pro assertione secunda. Sic igitur cum de Nouatiani hæresi agere exorditur Cyprianus loquitur. *Neminem putamus à fructu satisfactionis, & spe pacis arcendum, cum sciamus iuxta scripturarum Diuinarum fidem Authore, & hortatore ipso Deo, & ad agendam penitentiam peccatores adigi, & veniam, atque indulgentiam penitentibus non denegari.*

Et quia Nouatianus peccatores ad commissa crimina deploranda, & ad opera satisfactoria, & pœnalia peragenda, inducendos dicebat, non tamen illis absolutionem à criminibus impendendam esse volebat, in eosdem Nouatianos Cyprianus hæc subdit, quæ in eos etiam Ecclesiæ Ministros, qui peccatoribus in extremo vitæ penitentibus, opera satisfactoria imponebant, & ius ad ea peragenda concederent, non tamen eis absolutionem à criminibus impertirent, vti Authores illi recentiores in Ecclesia tribus primis sæculis peractum esse affirmant, apprimè quadrant. *O frustranda fraternitatis irrissio, ò miserorum lamentantium caduca deceptio; ò heretica institutionis inefficax, & noua traditio, hortari ad satisfactionis penitentiam; & subtrahere de satisfactione medicinam, dicere fratribus nostris, plange, & lachrymas funde, & diebus, ac noctibus ingemisce, & pro abluedo, ac purgando delicto tuo, largiter, & frequenter operare, sed extra Ecclesiam post omnia ista morieris. Quacumque ad pacem pertinent facies, sed nullam pacem, quam quæris, accipies; Quis non statim pereas? Quis non ipsa desperatione deficiat? Quis non animum suum à proposito lamen-*

mentationis auertat? &c. Pracludere est, atque abscindere iter doloris, ac penitendi viam, ut cum in scripturis Dominus Deus reuertentibus ad se, & penitentibus blandiatur, nostra duritia, & crudelitate dum fructus penitentia intercipitur, penitentia ipsa tollatur. Quod si inuenimus, à penitentia agenda neminem debere prohiberi, & deprecantibus, atque exorantibus Domini misericordiam, secundum quod ille misericors, & pius est, per Sacerdotes eius, pacem posse concedi, admittendus est plangensium gemitus, & penitentia fructus dolentibus non negandus, & quia apud Inferos, confessio non est, nec exomologesis illic fieri potest, qui ex toto corde penituerint, & rogauerint, in Ecclesiam debent interim suscipi, & in ipsa Domino referuari, qui ad Ecclesiam venturus, de illis utique, quos in ea intus inuenire iudicabit.

Hæc Cyprianus aduersus Nouatianum, qui quod in Ecclesia potestatem remittendi per absolutionem sacramentalem peccata, esse denegaret, de hoc ipso à Cypriano redarguitur vnde, quæ aduersus Nouatianum Cyprianus hic habet, de potestate remittendi per sacramentalem absolutionem peccata, deq; absolueudis sacramentaliter peccatoribus penitentibus dicta fuisse evidens est.

Postrema illa Cypriani verba: *Qui ex toto corde penituerint, & rogauerint, in Ecclesiam debent interim suscipi, & in ipsa Domino referuari, qui in Ecclesiam venturus, de illis utique, quos in ea intus inuenire iudicabit, non in eo sensu à Sancto Cypriano dicta intelligenda sunt, quasi Cyprianus non absolueudos sacramentaliter peccatores peni-*

tentes velit, sed venturo Domino referuandos. Sic enim Nouatiano non contradixisset, sed ei consensisset in illo eodemmet articulo; in quo cum adeo acriter redarguebat, scilicet in denegando peccatoribus penitentibus absolutionem sacramentalem; sed Cypriani dictum in eo sensu accipiendum est, ut intelligatur peccatores, qui ex toto corde de peccatis, se dolere affirmant, & inde ab eis sacramentaliter absoluantur, iudicandi venturo Domino referuantur, an videlicet verè, & ex corde de peccatis doluerint, cum Deus, & non homo sit cordis inspector. Hinc in eadem epistola de peccatoribus, qui ante mortis articulum dolere, ac penitentiam agere coepissent, sic ait. *Si verò nos aliquis penitentia simulatione deluserit, Deus, qui non deridetur, & qui cor hominis intrinsecus, de his, quæ nos minus perspeximus, iudicet, & seruorum sententiam Dominus confirmet.*

Denique hoc argumento probatur assertio nostra. Fieri non potuit quod Ecclesia id aliquando probauerit, quod in Nouatiano damnauit; atqui Ecclesia in Nouatiano damnauit, quod diceret peccatores ad Sacramentum reconciliationis, & ad veniam per absolutionem sacramentalem admittendos non esse, igitur hoc ipsum nunquam Ecclesia probauit.

Nec vim argumento aufert, quod Nouatiani error in eo esset, quod peccatores ad veniam recipiendi non essent, quia Ecclesia potestatem non haberet dimittendi peccata, quia ab ea omnem clauium potestatem remoueret, & hoc in Nouatiano Ecclesia damnauit, quod

tamen non negant Authores, quos confutamus. Hoc, inquam, vim argumento non aufert, nam si Ecclesia peccatores in extremo vitæ pœnitentes ad veniam, & reconciliationem non esse admittendos aliquando censuisset, iam in conclusione saltem cum Nouatiano conuenisset, esto diuersa ratione ducta; nefas autem est dicere, quod Ecclesia, cum Nouatianis conuenerit aliquando, & in eo ipso, quod Ecclesia in Nouatianis damnauit, nam Ecclesia non solum damnauit in Nouatianis, quod uellent Ecclesiam nullas habere clauces, per quas peccatores adhuc pœnitentes soluere posset, sed etiam in Nouatianis damnauit, quod assererent peccatores non esse ab Ecclesia ad veniam, & reconciliationem admittendos, cum ergo id Ecclesia in Nouatianis damnauerit, fieri non potest, quod hoc ipsum Ecclesia aliquando probauerit.

Et quamuis, ut dicemus infra, Ecclesia ante Nouatianæ hæresis ortum, Eucharistiam, & absolutionem Ecclesiasticam, & pro foro externo tantum, lapsis illis negauerit, qui in extremo dumtaxat vitæ suæ ad Ecclesiam confugiebant, à quo tamen post extinctam Nouatianam hæresim abstinuit, ne videretur in aliquo cum Nouatiano conuenire, id congruenter fieri potuit ad compescendos fideles à lapsu in Idololatriam, & alias per hoc non inferebatur damnum irreparabile fidelibus, neque hi exponebantur periculo amittendi salutem æternam; Vnde conuenienter Ecclesia improbare potuit, quod aliquando probauit; At in re tanti momenti, quanti erat, æterna salus animarum,

quæ periclitabatur, si eis negata fuisset in extremo vitæ absolutio Sacramentalis, non poterat Ecclesia aliquando probare, quod in Nouatiano meritò damnauit.

Obiectio Prima ex Autoritate Innocentij Primi, & eiusdem solutio.

PRimum, quod pro se afferunt Authores aduersi, est autoritas Innocentij Primi Summi Pontificis in epistola tertia ad Exuperium Episcopum Tholosanum cap. 2. nã ab Exuperio consultus Pontifex. *Quid de his obseruari oporteat, qui post Baptismum omni tempore incontinentia, & voluptatibus dediti, in extremo fine vitæ suæ pœnitentiam simul, & reconciliationem Communionis expiscant.*

Respondet his verbis (*De his obseruatio prior durior, posterior interueniente Misericordia inclinatio est. Nam consuetudo prior tenuit, ut concederetur eis pœnitentia, sed communio negaretur. Nam cum illis temporibus crebra persecutiones essent, ne Communionis concessa facilitas homines de reconciliatione securos, non reuocaret à lapsu, negata meritò Communitio est, concessa pœnitentia, ne totum penitus negaretur, & durior remissionem faceret temporis ratio, sed postquam Dominus noster pacem Ecclesiis suis reddidit, iam depulso terrore Communionem dari obcunctibus placuit, & propter Domini misericordiam, quasi uaticum profecturis, & ne Nouatiani Hæretici negantis veniam, asperitatem, & duritiem subsequi uideamur. Tribuitur ergo*

ergo cum *Pœnitentia extrema Communio*, et homines huiusmodi, vel in suppremissis suis *pœniteres miserante Salvatore nostro à perpetuo exitio vindicentur.*

Spalatensis iuxta ea, quæ supra diximus vult, Innocentium nil aliud asserere, nisi quod Lapsis in extremo dumtaxat vitæ ad Ecclesiam recurrentibus concessa fuerit Pœnitentia, non quæ Sacramentum, aut absolutio Sacramentalis, aut absolutio esset; quæ ad Ecclesiæ clauces pertineret, & per eas conferretur, sed quæ nil aliud fuerit, quam admissio Lapsum ad statum pœnitentiæ absque reconciliatione, quæ ordinariè fiebat cum Sacra Eucharistia, & Lapsis extra casum mortis porrigebatur: Eam tamen absolutionem Lapsis illis concessam, nil aliud fuisse dicit, quam Sacre Eucharistiæ traditionem, absque alia speciali reconciliatione.

Idem verò sentiunt Morinus in laudato Commentario lib. 10. cap. 2. & alij suprà relati Authores, volunt enim, Pœnitentiæ concessæ nomine Innocentium intellexisse meram Pœnitentiam, seu satisfactionis impositionem, Pœnitentiæque agendæ ius per impositionem illam infirmis concessum, licet propter infirmitatem nullius pœnitentiæ agendæ compotes essent, pœnitentiæ, inquam, impositionem absque absolutione Sacramentali, pœnitentiæ concessæ nomine intelligendum dicit; idque non alia ratione probant, nisi quia, ut ipse Morinus ait, maxima in sanum, vel ægrotum ex pœnitentiæ impositione redundat utilitas, Communionis verò, & viatici denegati nomine Innocentium intellexisse dicunt absolutio-

nem Sacramentalem à peccatis. Idque propter sequentia motiua, Primò, quod eam tandem concessam esse dicit Innocentius ijs, qui pœnitentiam in extremis tantum postulauerant, ne duritiem Nouatiani sequi videretur Ecclesia. Controversia autem Nouatianos inter, & Catholicos intercedebat non de negatione Communionis Eucharisticæ, sed de negatione Communionis, & veniæ. Secundò, illa Communio à perpetuo exitio vindicabat, inquit Innocentius, erat igitur absolutio à peccatis. Tertiò S. Cypriani ætate, quam spectasse videtur Innocentius, Absolutio ab Eucharistica Communionem nullo seijungebatur interuallo: Igitur si Eucharistia denegata est ijs, qui pœnitentiam in extremis flagitabant, negata etiam illis est absolutio. Antecedens constat ex S. Cypriano, apud quem pacem dare, & Eucharistiam porrigere prorsus idem significant. *Censuimus* (inquit epist. 54.) *eos, qui de Ecclesia Domini non recesserunt, sed pœnitentiam agere, & lamentari, ac Dominum deprecari à primo Lapsus sui die non destiterunt, pacem dandam esse, & eos ad prælum, quod imminet, armari, & instrui oportere; At vero nunc non infirmis, sed fortibus pax necessaria est, nec morientibus, sed viuentibus communicatio à Nobis danda est, ut quos excitamus, & hortamur ad prælum, non inermes, & nudos relinquamus; sed protectione Corporis, & Sanguinis Christi muniamus. Et cum ad hoc fiat Eucharistia, ut accipientibus possit esse tutela, quos tutos esse contra Aduersarium volumus, munimento Dominice sanitatis armemus. Nam quomodo docemus, aut*

pro-

promoveamus eos in confessione nominis Sanguinem suum fundere, si eis militaturis Christi Sanguinem denegamus?

Quartò, frustra dixisset Innocentius, priorem observationem duriorē, posteriorem verò inclinatiores, nisi prior Disciplina denegasset absolutionem à peccatis, ijs, qui in mortis articulo constituti pœnitentiam primùm postulabant. Quia ut absolutio à peccatis sine Communionē tribueretur, non solum Innocentij ævo, sed multis post sæculis sæpius observatum est, & etiam nunc in Gallijs erga criminum capitalium reos observatur. & ubique erga eos ægrotos, in quibus vomitus periculum imminet.

Denique prior illa observatio vigeat, inquit Innocentius (*ne Communionis concessa facilitas homines de reconciliatione securos non remocaret à lapsu*) secundum priorem igitur disciplinam non reconciliabantur, nec absoluebantur à peccatis. Ex his concludit frustra ab aliquibus contendì, Absolutionem Sacramentalem nullo in casu negatam fuisse ab Ecclesia. Hæc Morinus, & cum eo Natalis, & Egidius, Gabrielis.

Idem sentire videtur Gabriel Alapinæus Episcopus Aurelianensis in notis ad illud ipsum caput secundum Epistolæ Innocentij ad Exuperium; Ibi enim Communionis nomine Lapsi in extremo dumtaxat vitæ pœnitentibus iuxta priorem consuetudinem denegatæ, ac postmodum concessæ, absolutionem à peccatis Innocentium intellexisse dicit.

Hoc argumento rem se concessisse putant Authores illi; sed falluntur, nam Innocentius eorum opinioni nul-

latenus fauet, quin potius nostræ sententiæ manifestè adstipulatur. Ut autem id appareat; animaduertendum est, legitimum, ac germanum verborum Innocentij sensum, istum esse; quod pœnitentiæ nomine peccatoribus in extremo dumtaxat vitæ pœnitentibus concessæ, intellexerit ipsum Pœnitentiæ Sacramentum absolutione Sacramentali perfectum, vel certè, quod Pœnitentiæ Sacramentum per ea verba non excluderet; nomine verò Communionis eisdem pœnitentibus negatæ intellexerit Eucharistiam, & absolutionem Canonicam, seu Ecclesiasticam, quæ alijs pœnitentibus cum Eucharistia impendebatur.

Primùm; nempe, quod pœnitentiæ concessæ nomine intellexerit Innocentius ipsum Pœnitentiæ Sacramentum absolutione Sacramentali perfectum, ex eo primùm probari potest, quod nihil solidi ab Authoribus præfatis affertur, aut afferri potest ad excludendum hunc sensum, & ad recipiendum sensum, quem eisdem verbis afferunt illi Authores nos cogat, & alias hic sensus rationabilior apparet, & commodior, nullam redolens absurditatem, aut violentiam, è contra verò sensus eisdem verbis ab Authoribus illis attributus absurditatem continet, & violentiam; Ergò dicendum est, Innocentij legitimum sensum, non esse illum, qui à prædictis Authoribus laudatis Innocentij verbis attribuitur, sed dicendum est, legitimum Innocentij sensum esse illum, quem nos modò diximus.

Antecedens, in quo est difficultas, probatur; Nam quod Authores præfati, nihil solidi afferant, nihilque;

K quod

quod ad excludendum sensum, quem nos diximus, legitimum esse, ac germanum verborum Innocentij, & ad recipiendum sensum, quem ipsi dictis verbis accommodare nituntur, nos cogat, ex eo patet, quia, quæ Authores illi afferunt faciliter exsufflantur, & etiam absurditates continent; Volunt enim, Innocentium, cum ait, Lapsis in extremo dumtaxat vitæ poenitentibus concessam fuisse poenitentiam, nomine poenitentiz, intellexisse tantum concessionem status poenitentiz, impositionem poenitentiz, & ius ad poenitentiam agendam, non verò intellexisse Sacramentum Poenitentiz, aut ullam absolutionem. Ita Morinus *loc. cit.* Sed hinc absurditates, & inconuenientia; primò illa, quæ superius expensa sunt, quod peccatoribus dolentibus, & poenitentiz Sacramentum petentibus contra fas omne, & contra omnem æquitatem, immò & contra id, quod Christus Dominus instituit Poenitentiz Sacramentum denegatum fuisset, & fidelium salus æternæ damnationis periculo exposita. Secundò contra id recurrunt argumenta, & inelamationes Sancti Cypriani aduersus Nouatianum, qui ob illud acerrimè à Sancto Antistite redarguitur, quod peccatores ad lacrymas, & poenitentiam pro admissis peccatis hortaretur, sed nullam eis absolutionem impendendam diceret; Hæreticæ namque institutionis inefficacem, & nouam traditionem, dicit Cyprianus, esse, hortari ad satisfactionis poenitentiam, & subtrahere de satisfactione medicinam, dicere fratribus, Plange, & lacrymas fonde, & diebus, ac noctibus ingemi-

sce, & pro ablundo, ac purgando delicto tuo largiter, & frequenter operare; Ius ad poenitentiam peragenda accipe, & statum poenitentiz assume, sed extra Ecclesiam post omnia ista morieris; Quæcumque ad pacem pertinent facies, sed nullam pacem, quam quæris, accipies; Quis non statim pereat? Quis non ipsa desperatione deficiat? &c. Hæc profectò aduersus praxim à Morino assertam apprimè quadrant, qua dicit, Lapsis in extremo dumtaxat vitæ ad Ecclesiam recurrentibus poenitentiam fuisse concessam, id est, impositam poenitentiam, & ius ad eam peragenda, nullam verò absolutionem eis impensam fuisse, & hunc esse Innocentij sensum, cum ait poenitentibus illis antiquitus fuisse concessam poenitentiam.

Nec aliquid facit, quod subdit Morinus poenitentiz impositionem, excommunicationis maximæ fuisse dissolutionem, & Ecclesiæ in membra sua coaptationem, ita vt homo ille, qui ad Ecclesiam non pertinebat, per poenitentiz impositionem inciperet ad Ecclesiam pertinere. Nihil, inquam, hoc facit, nam adhuc hoc posito, si non ponebatur absolutio completa, & Sacramentalis, exiguum leuamen poenitentibus illis afferebatur, nec eorum salus in tuto ponebatur. Et adhuc cum Cypriano excludendum foret, quod hoc sit præcludere, atque abscindere iter doloris, ac poenitendi viam, vt in Scripturis Dominus Deus reuertentibus ad se, & poenitentibus blandiatur, nostra duritia, & crudelitate, dum fructus poenitentiz intercipitur poenitentia ipsa tollatur, &c.

Obijcit Morinus Canones, & Rituales iubentes ægrotantibus pœnitentiam imponi, & si vrget exitus, reconciliationem. At mirum est, hæc pro se Morinum asserere, cum planè contra ipsum militent. Nam si Canones, & Rituales iubent, ægrotantibus pœnitentiam imponi, & si vrget exitus, reconciliationem; falsum apparet, quod Morinus asserit pœnitentibus ægrotantibus, solùm eam pœnitentiam impositam fuisse, qua fideles inciperent ad Ecclesiam pertinere. Quod si Canones, & Rituales iubent, vt ægrotis pœnitentibus Pœnitentia concedatur, dici nequit Pœnitentiz Sacramentum, & absolutionem Sacramentalem, eis aliquando denegatam fuisse. Et si quis contendat Sacros Canones loqui de reconciliatione cum Ecclesia, & pro foro externo facta per absolutionem Ecclesiasticam, & non Sacramentalem; Si Ecclesia in Sacris Canonibus adeò vrget, & iubet, quod ægrotantibus pœnitentibus huiusmodi reconciliation præstetur; Multò magis supponendum est, voluisse, vt ægrotantibus pœnitentibus Pœnitentiz Sacramentum, & absolutio Sacramentalis conferretur, ne illorum salus periculo exposita relinqueretur.

Quare in Sacris Canonibus, & Ritualibus præcipitur Pœnitentiz Sacramentum, & Sacramentalem absolutionem ægrotis pœnitentibus imponendam esse, nec in eis dicitur imponendam, sed concedendam esse pœnitentiam, & quod ægrotantes pœnitentiam accipiant, vndè non est sensus, quod ægrotis pœnitentibus imponenda sit pœnitentia, hoc

est, opus pœnitentiale, seu satisfactorium, vt vult Morinus, sed quod eis concedendum sit Sacramentum Pœnitentiz. Immo in Sacris Canonibus habetur, quod ægrotis pœnitentibus in periculo mortis, non imponatur pœnitentia. Ita planè *Causa 26. quasi. 6. Cap. Ab Infirmis*. Ibi enim dicitur (*Ab infirmis in periculo mortis positus, per Presbyteros pura inquirenda est confessio peccatorum, non tamen illis imponenda quantitas pœnitentie, sed innotescenda &c.*

Per alios etiam Sacros Canones habetur, quod ægrotantibus pœnitentibus in articulo mortis constitutis, concedenda sit pœnitentia, nomine autem Pœnitentiz, Sacramentum ipsum Pœnitentiz intelligendum est; sic in eadem *Causa 26. quasi. 6. Cap. Qui recedunt*; nam sic dicitur (*Qui recedunt de corpore pœnitentia accepta, placuit sine reconciliatoria manus impositione, eos communicare &c. & cap. 12, qui pœnitentiam in infirmitate petit, dicitur. Is, qui pœnitentiam in infirmitate petit, si casu, dum ad eum Sacerdos inuitatus venit, oppressus infirmitate, obmutuerit, vel in phrenesim versus fuerit, dent testimonium, qui eum audierunt, & accipiat pœnitentiam; &c. Et cap. 112, qui tempore necessitatis, dicitur. His, qui tempore necessitatis, & in periculi urgentis instantia presidium Pœnitentiz, & mox reconciliationis implorant, nec satisfactio interdenda est, nec reconciliatio deneganda, quia misericordia Dei, nec mensuras possumus ponere, nec tempora definire, apud quem nullas patitur vana moras conuersio, dicente Dei Spiritu per Prophetam (cum conuersus ingemueris, tunc saluus eris. Quod si aliqua*

agritudine ita fuerint aggrauati, ut quod paulò ante poscebant sub præsentia Sacerdotis significare non valeant; testimonium eis fidelium, & circumstantiarum prodesse debeat, ut simul pœnitentia, & reconciliationis beneficium consequantur, seruata tamen regula Canonum paternorum, circa eorum personas, qui in Deum à fide discedendo peccarunt. Animaduertendum est autem, quod in his Canonibus Pœnitentiæ nomine intelligendum est ipsum Sacramentum Pœnitentiæ, nam non est putandum, quod decernatur solam pœnitentiæ, seu satisfactionis impositionem ægrotis pœnitentibus concedi, non verò ipsum Pœnitentiæ Sacramentum, nam in his Canonibus, non agitur de Lapsis, qui in extremo tantum vitæ ad Ecclesiam confugiunt, in quo solum casu vult Morinus de negatum fuisse Pœnitentiæ Sacramentum, sed agitur de alijs ægrotis, qui Pœnitentiæ Sacramentum in infirmitate postulassent, & infirmitate postmodum grauati obmutuerint, ita ut adueniente Sacerdote loqui non potuerint. His ergò ægrotantibus pœnitentibus in articulo mortis constitutis concedendum fuit Sacramentum Pœnitentiæ, & id decernitur per Sacros Canones prædictos; Igitur, Pœnitentiæ ægrotis illis concessionis nomine, intelligitur Sacramentum ipsum Pœnitentiæ; cum autem ad illos prouocet Morinus, velit, nolit, fieri cogitur, quod etiam apud Innocentium in laudatis verbis, pœnitentiæ lapsis in extremo dumtaxat vitæ pœnitentibus concessæ nomine, Sacramentum ipsum Pœnitentiæ intelligendum sit, nam & Innocentium

non in alio sensu, Pœnitentiæ nomen in proposito accepisse dicendum est, quam in eo, quem in eodem proposito Sacri Canones, Sacraque Concilia illud acceperunt, nempe pro Sacramento Pœnitentiæ.

Dicendum igitur, quod Innocentius cum in Epistola ad Exuperium ait, priorem Ecclesiæ consuetudinem tenuisse, ut lapsis, qui in extremo dumtaxat vitæ veniam postulassent, concederetur pœnitentia, & negaretur Communio, Pœnitentiæ nomine intellexerit ipsum Sacramentum Pœnitentiæ, quod proinde absolutionem Sacramentalem continet.

Nomine verò Communionis eisdem Lapsis negatæ, dicendum est Innocentium intellexisse non absolutionem Sacramentalem, ut volunt Authores præfati, sed Sacram Eucharistiam, & cum ea absolutionem Canonicam, seu Ecclesiasticam, & pro foro externo, quæ aliàs cum Eucharistia alijs Lapsis completa Ecclesiastica pœnitentia, vel in fine vitæ impendebatur. Dicebatur autem Communio, quia per eam fideles simul communicabant, vnde vocabatur etiam Communicatio. Præsertim autem Communionis nomine intelligebatur ipsa Eucharistiæ perceptio, cum enim in Eucharistiæ perceptione fideles simul communicarent, seu conuenirent, Eucharistiæ perceptio dicta est Communio. Hinc & Antiphona, quæ in Choro canebatur, dum Populo Eucharistia distribuebatur, Communio dicebatur, ut obseruat Eruditus Dominicus Magrus in sua *Panoplia Sacra*, verbo, *Communicatio*. Hinc Communionis nomine

Con-

Concilia, & Patres Eucharistiam intelligunt, vt inter alia Concilium Nicænum Primum *Can. 3.* Ibi enim dicitur (*Generaliter omni cuiuslibet in exitu posito Communionis gratiam tribui Episcopus probabiliter ex oblatione dare debet*) & Communionis gratiæ nomine Eucharistiam intelligendam esse fatetur Natalis Alexander *differt. 7. art. unic.* nisi futiliter distinguere velit inter gratiam Communionis, & Communionem.

Dicimus ergò, quod Communionis negatæ nomine Innocentius Eucharistiam intellexerit, nec ab Authoribus aduersis aliquid affertur, quod ad contrarium nos cogat, aut contrarium probabiliter suadeat.

Quod enim primò loco obijciunt; Innocentium Communionem tandem concessam dicere ægrotis in extremo dumtaxat vitæ pœnitentibus, ne duritiem Nouatiani subsequi videretur Ecclesia, & controuersiam Nouatianos inter, & Catholicos intercessisse non de negatione Communionis Eucharistice, sed de negatione absolutionis Sacramentalis; facildè soluitur. Nam Nouatiani negabant, post Baptismum Lapso ad pœnitentiam vilo modo recipiendos, & nullatenus eos absoluendos dicebant; Si ergò Ecclesia Eucharistiam Lapso illis in extremo veniam postulantibus denegasset, cum Eucharistice collatio semper coniunctam haberet absolutionem, vt ipsimet Aduersarij obseruant, iam Ecclesia negando Eucharistiam Nouatiani errorem subsequi visa fuisset, negando enim Eucharistiam, negasset simul absolutionem.

Ad secundum, quod obijcitur, Communionem illam à perpetuo exitio vindicasse, vt ait Innocentius, ac proinde fuisse absolutionem Sacramentalem. Respondetur, etiam Eucharistiam à perpetuo exitio vindicare, quia per illam confertur gratia, & quia Eucharistice proprius effectus, est adeptio gloriæ, nedum quia Eucharistia gratiam confert, in qua velut in semine gloria continetur, quod commune est omnibus Sacramentis, sed etiam, quia tribuit auxilium speciale ad abstinendum à malis, & ad perseuerandum in bonis; Et rursus, quia Christus vita æterna donaturus, continetur in hoc Sacramento, tanquam cibus animans, nutriens, & confortans, vnde Clemens Pontifex in *Clementina unica de Reliquijs, & veneratione Sanctorum*, dicit, quod per hoc Sacramentum à malo retrahimur, & in bono confortamur, & ad virtutum, & gratiarum proficimus incrementa. Præterea Eucharistice Sacramentum præseruat à peccatis imminentibus, quatenus auger habitum charitatis, per quam cre-scit vnio hominis ad Deum, & per illud homo fit robustior, & ad Diuina propensior: Quatenus verò Christus ipse in hoc Sacramento præsens est, & per hoc Sacramentum agitur memoria Passionis eius, dæmones, qui per eam vidi fuerunt, expauescunt, nec audent tantum impugnare, quantum alioquin vellent. Adde, quod eiusdem mysterij intuitu Deus eos compescit, hominem armar, inspirationes, & auxilia adualia donat, vt proinde Concilium Tridentinum hoc Sacramentum vocet

Antidotum, quo liberemur à culpis quotidianis, & à peccatis mortalibus preſeruemur. Igitur negari nequit, per hoc Sacramentum à perpetuo exitio vindicari.

Uterius Innocentij verba hæc ſunt (*Tribuitur cum pœnitentia extrema Communio, ut homines huiusmodi, vel in ſupremis ſuis pœnitentes, miſerante Salvatore noſtro à perpetuo exitio vindicentur*) Quorum verborum peruius eſt ſenſus. Non enim dicit Innocentius, quod per ſolam Communionem homines illi à perpetuo exitio vindicentur, ſed dicit, quod tribuitur cum pœnitentia extrema Communio, ut homines huiusmodi, vel in ſupremis ſuis pœnitentes miſerante Salvatore noſtro à perpetuo exitio vindicentur. Vbi non ſoli Communioni, ſed Pœnitentiæ etiam, ac miſericordiæ Diuinæ vindicationem à perpetuo exitio Innocentius attribuit. Quia enim cum Communionem Pœnitentiæ iungebatur, ait Innocentius, tribui cum Pœnitentiæ extremam Communionem, ut homines illi pœnitentes à perpetuo exitio vindicentur.

Ad tertium, quod obijcitur, Sancti Cypriani ætate, quam ſpectaſſe videtur Innocentius, Abſolutionem ab Euchariftica Communionem nullo ſeiunctam fuiſſe intervallo, ut ex allatis eiſdem S. Cypriani verbis videtur conſtare, ac proinde ſi Euchariftia negata eſt ijs, qui pœnitentiam in extremo vitæ flagitabant, negatam etiam illis fuiſſe Abſolutionem. Reſpondetur, ex allatis S. Cypriani verbis aliud non haberi, niſi quod Lapiſis, ac etiam morientibus, Euchariftia non concedebatur, niſi data priùs

pace, ſeu abſolutione Sacramentali, ſed non haberi, quod abſolutio Sacramentalis eis non data fuerit, etiam non conceſſa Euchariftia. Quare licet non daretur Euchariftia, niſi data prius abſolutione Sacramentali, dabatur tamen Abſolutio Sacramentalis, etiam non data Euchariftia, & ſic Peccatoribus in extremo vitæ veniam poſtulantibus dabatur abſolutio Sacramentalis, non data Euchariftia, idque ex rationibus ſuperiùs adductis. Hoc autem dicimus, poſito, quod in laudatis verbis S. Cypriani Sermo ſit de abſolutione Sacramentali, & pro foro interno, nam ſi in eis ſermo ſit de abſolutione Eccleſiaſtica, & pro foro tantum externo, dicendum eſt, eo tempore Lapiſis Euchariftiam non fuiſſe conceſſam, niſi cum abſolutione illa Eccleſiaſtica, & abſolutionem illam Eccleſiaſticam Lapiſis non conceſſam fuiſſe, niſi cum Euchariftia.

Ad quartum, in quo dicitur, quod fruſtrà docuiſſet Innocentius priorem obſervationem duriorem, poſteriore verò inclinatiorem, niſi prior diſciplina denegaſſet abſolutionem à peccatis, ijs, qui in mortis articulo conſtituti Pœnitentiam primùm poſtulabant: Quia ut Abſolutio à peccatis ſine Communionem tribueretur, non ſolum Innocentij ævo, ſed multis poſt ſæculis, ſæpiùs obſervatum eſt, & etiam nunc obſervatur in Gallia ergà criminum capitalium reos ad mortem damnatos, & ubique (addit Morinus) erga eos ægrotos, in quibus vomitus periculum imminet.

Reſpondetur, argumentum hoc eſſe adedò futile, ut mirum ſit, ab Authoribus illis fuiſſe propoſitum, nam

con-

consuetudo denegandi Eucharistiam in extremo dumtaxat vitæ poenitentibus, quæ supponitur tribus primis sæculis viguisse, idè ab Innocentio durior appellatur, quia durius videbatur, quod homines in extremo vitæ suæ constituti, & veniam petentes, Sacræ Eucharistiæ præsidio priuarentur ex eo dumtaxat motiuo, ne Communionis, seu Eucharistiæ concessa facilitas, alios de reconciliatione securos non reuocaret à lapsu. Ceterum si aliquid occurrat, quod reuerentiæ Sacramenti præiudicet, & idè Eucharistiæ Sacramentum poenitentibus denegetur, denegatio Eucharistiæ in isto casu, & ex hoc motiuo, non est dicenda consuetudo durior; id enim est de iure Sacramenti, idque Sacramentum ipsum exposcit, ut videlicet nihil agatur, quod sit contra ipsius reuerentiam, & aliter non debet fieri. Id autem contingit cum Eucharistiæ Sacramentum denegatur ægrotis illis, in quibus est periculum vomitus; Vnde quod huiusmodi ægrotis denegetur Communio, seu Eucharistia non tollit, quod non fuerit dura consuetudo denegare Communionem ægrotis in extremo dumtaxat vitæ poenitentibus, quæ vigeat in Ecclesia primis tribus sæculis, ut Innocentius ait, nam consuetudo illa non erat ex ratione Sacramenti, sed ex institutione humana. Et idem dicendum de consuetudine, quæ, ut dicitur, etiam nunc in Gallia seruatur, denegandi Eucharistiam reis ad mortem damnatis, nam si hoc idè fiat, quia censeatur aduersari Eucharistiæ dignitati, & reuerentiæ, Sacramentum ipsum videtur hoc exigere, sed

si hoc fiat in poenam delictorum, etiam hæc consuetudo videtur durior; priuare scilicet tanto præsidio, quale est Eucharistia, illum, qui moriturus est, & si ob delicta patrata mortem sit subiturus.

QVÆSTIVNCVLA INCIDENS.

Vtrum Eucharistia concedenda sit reis vltimo supplicio afficiendis.

O Ccasione huius argumenti, placet quætionem de præstanda Eucharistia vltimo supplicio damnatis hic pertractare. Consuetudo Eucharistiam ad mortem damnatis non præstandi, inualuit nedum in Regno Galliæ, ut testatur Stephanus Aufserius in tract. de potestate Ecclesiæ, quem allegat Antonius Gamma Iuris Consultus Lusitanus in Tractatu de Sacramentis præstandis vltimo supplicio damnatis, & in calce Decisionum Supremi Senatus Lusitaniæ, quæst. prima; sed & in Regnis Hispaniæ, ut inquit Nauarr. in suo Confessionario; & etiam in Regno Lusitaniæ, ut testatur idem Gamma ibidem. Hæc portò consuetudo, si ea ratione in dictis Regnis inualuit, quia ut idem Stephanus in dicto tract. casu 125. ait conuenit multiplici respectu, quod executio sententiæ condemnatoriæ non differatur, quæ quidem differenda esset, si condemnatus reciperet Eucharistiam, quoniam indecenter fieret, si eodem die damnatus ad mortem reciperet Eucharistiam, & vltimum

muni pateretur supplicium; si hac ratione consuetudo ista, in prædictis Regnis inualuerit, non idè dicenda videtur durior, quia non in pœnam delictorum ipsius rei ad mortem damnati, sed ob reuerentiam Sacramento debitam inualuit, quæ præferenda videtur utilitati, quam ex Eucharistiæ perceptione reportare posset reus ille ad mortem damnatus. Cœterum, si consuetudo Sacramenti Eucharistiæ denegandi inualuisset, in pœnam delictorum eiusdem rei, etiamsi non irrationabilis esset, & à potestate Ecclesiastica induci posset, ut de facto primis tribus sæculis ab Ecclesia denegata fuit Lapsis, qui ab Ecclesia pulsati, in extremo dumtaxat vitæ suæ ad Ecclesiam recurrerant, & ab ea veniam petebant; negari tamen non potest, quod durior sit huiusmodi consuetudo, ut ait Innocentius; *Durius enim est peccatorem pœnitentem tanto præsidio in mortis articulo priuare: præterea in extremo vitæ pœnitentibus Sacramentum Eucharistiæ denegare est quodammodo illis adeptionem gloriæ protrahere; Nam Sacramentum Eucharistiæ inter alios effectus mirabiles, quos operatur, ille vnus præcipuus est, quod Viatoribus det adeptionem gloriæ, id est virtutem adipiscendi gloriæ: Vnde Ioann. 6. dicitur, si quis manducauerit ex hoc pane viuere in æternum. vita verò æterna est gloriæ; quod ipsum latius ostendit S. Thomas 3. p. q. 79. art. 2.*

Operatur etiam Eucharistia, & alium effectum, quod præseruat à peccatis futuris, & hoc dupliciter ait S. Thomas ibidem art. 6. Scilicet interius roborando per gratiam, & ex-

terius repellendo omnem Dæmonum impugnationem. Item delet peccata venialia, immò & mortalia, quorum quis non habet conscientiam, & affectum, ut ait S. Thomas art. 3. & 4. eiusdem quæstionis. Vnde est absolutio scelerum, id est mortalium peccatorum ignoratorum, & futurorum modo iam dicto. Item delet pœnam debitam peccatis, licet non totam, sed secundum mensuram deuotionis, ut ibidem ait S. Thomas art. 5. Videantur, quæ diximus suprâ ad 1. obiectionem.

Propter hos effectus, qui ex denegatione Eucharistiæ à pœnitentibus remouentur, seu in pœnitentibus non ponuntur, negari non potest, consuetudinem veterem Ecclesiæ denegandi Eucharistiæ in extremo tantum vitæ pœnitentibus duriorē fuisse, immò, & propter hanc eandem rationem author præcatus censet, nec etiam ad mortem damnatis denegandam esse Eucharistiæ, ne videlicet miser ille tot bonis spiritualibus priuetur; & hanc opinionem tenuit *Glossa in Clem. 1. de pœnit.* cum qua omnes Doctores ibi transeunt. Item & *Glossa in cap. si quis de corpore:* quam sequuntur expressè *Cardinalis Imol. & alij in d. Clem. 1.* Vbi Bonifacius de Vitali referendo Hostiensis. in cap. sanè de celebrat. missar. dicit ita tenendum cum hac moderatione, ut illo die differatur executio: Dicit tamen latius insistendo, quod hoc non seruatur, immò quod in nonnullis locis ille, qui ducitur ad mortem reperit in via Sacerdotem, qui missam celebrat, & ab eo recipit communionem. Et licet honestius esset, ut executio disse-

differtur illo die, tamen, inquit idem Author, non idèd fit iniuria Sacramento, nec Sacramentum minus proficit, ex quo in homine isto apparuerunt signa contritionis; tunc enim Sacramentum decenter recipitur, cum post Confessionem Sacramentalem cum debitis actibus recipitur. Est enim viaticum, hoc est animæ eibus, & non corporis. Nec propter receptionem viatici differenda est executio, inquit idem Author, quoniam cum Dominus Iesus iustus sit, & iustitiam dilexerit, non debemus ob receptionem sui Sanctissimi Corporis executionem iustitiæ differre, ne quodammodò bonum iustitiæ impediatur, & sic videatur Reipublicæ iniuria nasci, vnde iura nascuntur *argum. l. meminerint C. vnde vi.* & ex his patet responsio ad obiectum, quod pro parte contraria adductum fuit.

Sed quæstionem istam decedit Textus clarus in *cap. Quæstum 13. quæst. 4.* cuius verba hæc sunt. *Quæstum est ab aliquibus fratribus de his, qui in patibulis suspenduntur pro suis sceleribus post confessionem Deo peractam, utrum cadauera eorum ad Ecclesias deferenda sint, & oblationes pro eis offerenda, & missa celebranda, an non? Quibus respondemus, si de omnibus peccatis suis puram confessionem agentibus, & digne penitentibus communicatio in fine secundum præcepta Canonum danda est; cur Canones communionem, vel sepulturam eis interdiciunt, qui pro peccatis suis penam extremam persolunt, & confitentur, vel confiteri desiderant? Scriptum est enim. Non iudicat Deus his in id ipsum. Ex quo Textu apertè constât, statutum fuisse in Concilio Me-*

guntinensi, non esse his ad mortem condemnatis denegandam Communionem. Id autem sic firmiter tenuerunt Doctores, inquit Author præfatus, ut neminem viderit, qui contrarium iure audeat affirmare post Sylvestram in verbo Sepultura quæst. 10. Videri potest prælaudatus Author, qui multis probat nullam indecentiam interuenire, si ultimo supplicio damnatus pridè mortis suæ Eucharistiam sumat, immò si summo mane post peccatorum confessionem eam recipiat.

Idem patet ex *cap. super eo de Hæreticis in 6.* Item ex motu proprio Pij V. anno 1569.

Ad argumentum autem principale redeunt dicimus, negari non posse consuetudinem denegandi Eucharistiam in extremo vitæ suæ poenitentibus duriorē esse, ut ait Innocentius. Quod autem Eucharistia, etiam nunc denegetur moribundis vomitu laborantibus, non arguit consuetudinem denegandi Eucharistiam in extremo vitæ suæ poenitentibus, secluso casu vomitus, duriorē non fuisse. Vomitu enim laborantibus Eucharistia deneganda omninò est ob reuerentiam Sacramento debitam, ne videlicet Venerabile Sacramentum inter sordes proijcitur, ut in eo casu contingere posset. Reuerentia enim Sacramenti cuiusque utilitati suscipientis præferenda est; Vnde denegatio Eucharistiæ infirmis vomitu laborantibus non est dicenda consuetudo introducta cum id exigatur ex natura rei, hoc est ipsius Sacramenti.

Ad quintum, & vltimum, quod iuxta Innocentium prior illa obserua-

tio vigeat, *Ne Communionis concessa facilitas homines de reconciliatione securos non reuocaret à lapsu*, ac proinde secundum priorem disciplinam non reconciliabantur, nec absoluebantur à peccatis, patet responsio ex dictis, & ex dicendis amplius patebit, quod (quidquid in contrarium dicat Morinus) duplex primis illis sæculis reconciliatio, seu absolutio impendebatur, una videlicet Sacramentalis, & in foro interno, altera Ecclesiastica, seu Canonica, & pro foro externo; hæc erat illa, quæ negabatur ijs, qui in extremo dumtaxat vitæ veniam petebant, & hæc non impendebatur, nisi cum concedebatur Communio, seu Eucharistia, quæ tamen non excludebat, sed supponebat absolutionem Sacramentalem; Quare ægròtis in extremo dumtaxat vitæ pœnitentibus impendebatur absolutio Sacramentalis, & in foro interno, sed negabatur absolutio illa Canonica in foro externo; quæ etiam reconciliatio cum Ecclesia, & fidelibus dicebatur, ut hac ratione alij à lapsu cohiberentur.

Hoc ipsum constat ex S. Cypriani verbis epistola 54. ab Aduersarijs alatis, ubi S. Cyprianus Communicationis, seu Communionis nomine ipsam Eucharistiam intelligit, sic enim ait (*Censurimus, eis, qui de Ecclesia Domini non recesserunt, sed pœnitentiam agere, & lamentari, ac Dominum deprecari à primo lapsus sui die non desisterunt, pacem dandam esse, & eos ad prælum, quod imminet armari, & instrui oportere: At verò nunc non infirmis, sed fortibus, pax necessaria est, nec morientibus, sed viuensibus communicatio à nobis danda est, ut quos exci-*

tamus, & hortamur ad prælum, non inermes, & nudos relinquamus, sed protectione Corporis, & Sanguinis Christi muniamus. Et cum ad hoc fiat Eucharistia, ut accipientibus possit esse tutela, quos tutos esse contra Aduersarium volumus, munimento Dominica saturitatis armemus. Nam quomodo docemus, aut promouamus eos in Confessione nominis Sanguinem suum fundere, si eis militaturis Christi Sanguinem denegamus?) Hæc Cyprianus. In quibus Communicationem, seu Communio-
nem pro eodem accipit, ac pro exhibitione Eucharistiae, sicut & Pax, & Eucharistiae exhibitio, idem apud ipsum significat, prout in relatis verbis apparet.

Communicatio autem, quam S. Cyprianus concedendam dicit peccatoribus illis, qui à primo die lapsus sui pœnitentiam agere non destiterunt, illamet est, quam Cyprianus, atque Innocentius iuxta veterem consuetudinem, negatam dicunt peccatoribus illis, qui in extremo dumtaxat vitæ suæ pœnitentiam exposcebant, atque nomine Communicationis concessit Peccatoribus à primo lapsus sui die, intelligitur à Cypriano Eucharistia, & cum ipsa reconciliatio in foro externo, ergò & Eucharistia intelligenda est nomine Communicationis concessit peccatoribus in extremo dumtaxat vitæ pœnitentibus.

Præterea, quod Innocentius Communicationis iuxta priorem consuetudinem negatæ nomine intellexerit Eucharistiam, patet ex alijs illius verbis cum dicit (*Postquam Dominus noster pacem Ecclesijs suis reddidit, iam depulso terrore Communionem dari obeuntibus*

zibus placuit propter Domini misericordiam, quasi viaticum profecturis) Vbi Pontifex Communionem, quasi viaticum appellat; Certum est autem, quod iuxta Sacra Concilia, & Sanctos Patres, Viatici nomen principaliter, & per antonomasiam de Eucharistia dicitur. Quamvis enim aliqui Sancti Patres, Viatici nomen ad omne Sacramentum necessariū ad salutem in extremo vitæ collatum aliquando extendant, quo sensu interdum significant Baptismum, vt legitur apud S. Basilium *hom. in Sac. Baptif.* Et apud S. Gregorium Nazianzenum *in orat. de Baptif.* vbi damnat illos, qui Baptismi susceptionem differunt vsque ad mortem, inquit *(Quandiu inter Baptifam, & questuarium nulla pugna est, dum ille morientem viatico instruit, hic heres nominari obnoxia contendit)* immò & S. Cyprianus etiam elemosynam viaticum appellauit eorum, qui ex hac vita migrabant, vt *loc. cit.* obseruat laudatus Dominicus Magrus; vbi tamen hæc non exprimentur, vel ex adiunctis non apparet sermonem esse de alio Sacramento ab Eucharistia, aut de alia re ab Eucharistia diuersa, ipsa Eucharistia intelligitur, immò de Sacramento Eucharistiæ Sermonem esse colligitur ex eo, quod, vt diximus omninò præsupponendum est, ægrotos illos nedum absolutionem Sacramentalem in extremo vitæ postulasse, sed etiam Sacram Eucharistiam, quo posito, debuit Innocentius ad quesitum Exuperij respondere quoad Eucharistiam dictis ægrotis concedendam, vel negandam. Cum autem Eucharistiæ exprimendæ aptari non possint verba illa, quibus

dicit prænitentiam ægrotis illis, iuxta priorem consuetudinem fuisse concessam, & postmodum etiam eis esse ecedendam, relinquitur, quod de Eucharistia responderit per verba illa, quibus inquit, iuxta priorem consuetudinem ægrotis illis Communionem negatam fuisse, sed postmodum fuisse concessam, & eis omninò esse in posterum concedendam.

Denique Morinus ipse, velit nolit, fateri cogitur ex his, quæ admittit, Communionis ægrotis in extremo dumtaxat vitæ prænitentibus negatæ nomine Innocentium Eucharistiam, non verò absolutionem Sacramentalem intellexisse; Morinus enim ex verbis Innocentij relatis haberi fatetur, quod absolutio Sacramentalis concessa semper fuerit Lapsis illis, qui ab Ecclesia nec se separauerant, nec separati fuerant, sed tamen totam vitam in peccatis transegerant, & veniā in extremo dumtaxat vitæ suæ postulabant, idquæ ex verbis illis Innocentij, *Consuetudo prior tenuit, vt concederetur eis Pœnitentia*, non enim concessionem huiusmodi ex alijs verbis colligere potest, quam ex istis. Igitur in alijs Innocentij verbis, quæ sequuntur ex illis, nempe; *Et Commu-¹nio negaretur*, Communionis nomine haud potest intelligere absolutionem Sacramentalem; nam hanc nomine prænitentiæ concessæ dicit intelligi; Vndè relinquitur, quod in ordine ad ægrotos prædictos, Communionis negatæ nomine non absolutio Sacramentalis intelligenda sit, sed Eucharistia, nil enim aliud intelligendum relinquitur. Si autem Pœnitentiæ concessæ nomine intelligitur iuxta

Morum absolutio Sacramentalis in ordine ad ægros in extremo dumtaxat vitæ poenitentes, qui antea ab Ecclesia separati non fuerant, dicendum est nomine Poenitentiae concessæ intelligendam esse absolutionem Sacramentalem, & in ordine ad quoscumque ægros veniam in extremo dumtaxat vitæ postulant, videlicet & in ordine ad illos, qui ab Ecclesia antea separati fuerant. Nam fieri nequit, ut eadem vox, *Poenitentia*, in ordine ad ægros ab Ecclesia non separatos, absolutionem Sacramentalem significet, & in ordine ad ægros ab Ecclesia separatos non significet absolutionem Sacramentalem; Nam quælibet vox retinet ubique suam significationem.

Igitur ex Innocentio Pontifice constat, Ecclesiam Romanam, nec etiam primis tribus sæculis veniam, & absolutionem Sacramentalem Lapsis illis denegasse, qui eam in extremo dumtaxat vitæ suæ postulassent. Innocentius enim etiam si in principio quinti sæculi Pontificatum gesserit, testatus est tamen de veteri consuetudine Romanæ Ecclesiæ, quæ sibi manifesta erat. Retorqueatur ergo obiectio hæc in ipsos oppositores, sicque argumentum inuictum pro vera sententia.

Alijs argumentis ostenditur, Communioni Lapsis in extremo vitæ poenitentibus negatæ nomine, Absolutionem Sacramentalem Innocentium

non intellexisse, & veram sententiam confirmatur:

Quod Innocentius Communionis Lapsis in extremo vitæ poenitentibus negatæ nomine, absolutionem Sacramentalem non intellexerit, ex eo etiam ostenditur, quod crebris illis Fidelium tunc in Idololatricam lapsibus sufficienter occurreretur denegando alijs fidelibus in extremo vitæ ad Ecclesiam recurrentibus, Eucharistiam, & perfectam reconciliationem externam cum Ecclesia, nec æquum fuit ad cohibendos aliquos fideles à Lapsu, alios in extremo vitæ constitutos æternæ damnationis periculo exponere, cum nec pro salute spirituali vnus hominis periculo exponenda sit salus spiritualis alterius, exposita verò fuisset periculo spiritualis salus morientium, si eis absolutio Sacramentalis denegata fuisset; nam cum difficile sit actum perfectæ Contritionis elicere, æternæ damnationis periculo expositi fuissent morientes, quibus poenitentiae Sacramentum, & absolutio Sacramentalis denegata fuisset.

Nec etiam suspicio, aut dubium de dispositione morientium sufficiens motium esse potuit ad denegandam illis absolutionem sacramentalem, si alias non appareret, eos de peccatis non dolere; nam in eo casu impendenda fuit absolutio, saltem sub conditione, ut saluti morientis consultum esset, si sufficiens fundamentum ad fuisset suspicandi, vel dubitandi de dispositione poenitentium. At verò non est censendum sufficiens fundamentum

mentum dubitandi de dispositione morientis, quod totam vitam in peccatis transegerit, & in extremo tantum vitæ suæ veniam postulauerit, nam ut ex Cælestino Pontifice superius diximus. *Vera confessio iuxta ultimum tempore esse potest, sicut Lætro unius momenti penitentia meruit esse in Paradiso, in hora ultima confessionis, & vera ad Deum conuersio in ultimis possumum, mente potius est asseruanda, quam tempore, Propheta hoc taliter asserente: Cum conuersus ingemuerit, tunc saluus erit.*

Peccator igitur adhuc in extremo dumtaxat vitæ ingemiscens, & dolens, absolendus est. Certum est enim penitentiam illam ex Dei inspiratione conceptam esse, ait S. Leo; Cum verò peccator, se vere dolere, aut penitere testatur, etiamsi in extremo vitæ dumtaxat doleat, est ei credendum, nam peccatori in foro interno, & penitentiali credendum est, tam in his, quæ contra se, quàm in his, quæ pro se testatur, ut ait Sanctus Thomas, & cum eo Theologi communiter.

Nec in casu de quo agimus, locum habet, quod Ecclesia, seu eius Ministri agere consueuerunt cum recidiuis aut cum manentibus in occasione proxima peccandi; quod nempe absolutio denegetur, aut differatur, ad experimentum de illorum proposito, & constantia sumendum; nam cum hic agatur de penitente morituro, hæc locum non habent, certum est enim huiusmodi penitentem nec in peccatum amplius lapsurum esse, nec mansurum amplius fore in occasione peccandi; vnde illi denegari non potest ab-

solutio ad experiendam illius constantiam; relinquatur ergo, quod si moribundus ille verè se de peccato dolere testetur absolendus sit, ne irreparabilem salutis æternæ iacturam subeat.

Si autem quis velit nomine concessæ penitentiae in relictis Innocentij verbis intelligi concessum Penitentiae Sacramentum, seu absolutionem Sacramentalem unà cum iure ad peragendam penitentiam, seu satisfactionem canonicam, & nomine negatæ communionis intelligi negatam Eucharistiam, & simul negatam absolutionem Ecclesiasticam in foro externo non abnuemus; nam hoc pacto non sequerentur absurda, & inconuenientia, quæ sequi ostendimus, si ponatur penitentiae concessæ nomine intelligi dumtaxat ius ad peragendam penitentiam canonicam, & communionis negatæ nomine intelligi negatam absolutionem Sacramentalem. Dici ergo potest, quod lapsis illis, qui in vitæ dumtaxat fine veniam poscebant, concedebatur absolutio Sacramentalis, & ius ad peragendam penitentiam in foro externo, & negabatur Eucharistia, & absolutio in foro externo; & quia quando alijs concedebatur Eucharistia, concedebatur etiam nedum absolutio Sacramentalis, & in foro interno, sed etiam absolutio Ecclesiastica, & in foro externo, ideo Auctores præfati confundunt Communionem cum absolutione, putantes absolutionem dici etiam Communionem.

Respondetur his, quæ obijcit Natalis Alexander, quoad mentem Ecclesiæ in ordine ad absolutionem Sacramentalem lapsis in extremo vitæ pœnitentibus concessam.

Objicit Natalis, quod postquam Ecclesia priorem illam severitatem mitiori disciplina emolliuit, & concessit absolutionem illis, qui imminente mortis periculo illam rogauerunt, & cōversionem ad illas usque distulerunt angustias, significauit pluries se dubitare de illorum conuersionis, & pœnitentiæ sinceritate, qui imminente mortis periculo absolutionem postulauerunt, & conuersionem ad illas usque angustias retulerant; nec non se dubitare significauerit de absolutionis efficacia propter probabilem indispositionem Pœnitentis: unde sic Pœnitentes, & absolutos in extremis, imo & Eucharistia donatos, iterum pœnitentia publica, si conualuissent, subiecit.

Ad hoc affert primò Sanctum Gregorium Nissenum in Epistola Canonica ad Letoium Can. 1. quo ubi Apostolatæ à fide pœnitentiz tempus vitam omnem præscripsit, hæc subiungit: *In hora autem suæ vitæ excessus Sacramenti Communionis erit participes. Sin autem contigerit, ut is, præter spem viuat, in eodem rursus erit iudicio, mysticorum Sacramentorum ad vitæ exitum usque experts.*

Secundò Concilium Carthaginense quartum Can. 76. quo decernit, ut is, qui pœnitentiā in infirmitate petit, si casu dum ad eum Sacerdos inuitatus ve-

nit oppressus infirmitate fuerit, vel in phrenesim uersus, dansibus testimonium, qui eum audierunt accipiat pœnitentiā. Et si continuò creditur moriturus reconcilietur per manus impositionem, & infundatur ori eius Eucharistia; & mox addit: *Si superuixerit admonetur à supradictis testibus, peritioni suæ satisfactum; & subdatur statutis Pœnitentiæ legibus, quamdiu Sacerdos, qui pœnitentiā dederit, probauerit.* Et postquam Canone 77. decreuit, ut pœnitentes, qui in infirmitate sunt Viaticū accipiant; Hæc addit Can. 78. *Pœnitentes, qui in infirmitate Viaticum Eucharistia acceperint, non se credant absolutos sine manus impositione, si superuixerint.*

Tertiò Concilium Arauxicanum primum Can. 3. in quo sic decernitur. *Qui recedunt de corpore pœnitentiæ accepta placuit sine reconciliatoria manus impositione eis communicari; Quod morientis sufficit consolationi, secundum definitiones Patrum, qui huiusmodi Communionem Viaticum nominarunt; Quod si superuixerint, stent in ordine pœnitentium, & ostensis necessarijs Pœnitentiæ fructibus legitimam Communionem cum reconciliatoria manus impositione percipiant.* Vocant illam Communionem legitimam præfati Concilii Patres (inquit Natalis) quasi legitimam non esse suspicarentur, quæ infirmis pœnitentiā imminente obitu, aut vi morbi premente flagitantibus data erat.

Quarto Concilium Epaunense Canon. 36. cuius hæc sunt verba. *Ne vltus sine remedio, aut spe veniæ ab Ecclesia repellatur, neue vlli, si aut pœnituerit, aut se correxerit ad veniā redeundi adiutus obstruatur.* Sed si cui forsitan discrimen mortis immineat, damnationis consti-

constitutâ tempora relaxentur. Quod si agrotum accepto Viatico reualefcere forsitan contingit statuti temporis spatia obseruari conuenit. Hæc Natalis.

Respondetur nullum Canonem ex allegatis ad præsentem quæstionem facere; nec intentum Opponentis probare. Quæstio enim in præsentem est. Vtrum Ecclesia significauerit se de illorum conuersionis, & pœnitentiæ sinceritate, ac absolutionis efficacia dubitare, qui imminente mortis articulo absolutionem rogauerint, & conuersionem ad illas, vsque angustias distulerint, & intentum Opponentis erat ostendere, quod Ecclesia de sinceritate huiusmodi conuersionis, ac de absolutionis efficacia se dubitare significauerit, & hoc illi probandum erat per Canones, quos allegat, eos enim ad hoc probandum affert. At uero in Canonibus quos affert, non est sermo de illorum conuersione, ac pœnitentia, qui conuersionem ad articulum vsque mortis distulerunt, sed est sermo de illis, qui dum sani essent, & in statu sanitatis manerent, pœnitentiæ statum assumpserunt, sed postmodum cum absoluti non essent vltima Sacramentali absolutione (nam pluries illos Sacramentaliter in decursu Pœnitentiæ absolutos fuisse dicendum est, vt in sequenti quæstione ostendemus) infirmitate correpti, & in extremo vitæ constituti, absoluendi ante obitum fuerunt absolutione Sacramentali, & pro foro interno, & absolutione Canonica, seu Ecclesiastica, & pro foro externo. De his inquam peccatoribus loquuntur laudati Canones, in eis enim supponitur, peccatores illos pœnitentiæ statum ante infirmitatem, &

in statu sanitatis assumpsisse, nec verbum quidem in eis de illis, qui in extremo vitæ dumtaxat pœnitentiam, & absolutionem postulassent. De illis autem, qui sani, & in statu sanitatis manentes pœnitentiam, & absolutionem postulassent, statumque pœnitentiæ in statu sanitatis assumpsissent, & postmodum infirmitate correpti, & in extremo vitæ constituti absolutionem postulassent, non poterat ex his, quæ prætendit Opponens, Ecclesia dubitare, quod sincere ad Deum conuersi fuissent, vel quod efficaciter absoluti fuissent, ratio enim, quam pro ea dubitatione affert Opponens, illa est, quod peccatores conuersionem ad illas vsque, id est mortis distulissent angustias, ac proinde indispositi fuerint, at hi de quibus agitur in allatis Canonibus, non distulerunt conuersionem vsque ad mortis angustias, sed conuersi fuerunt dum sani erant, & in statu sanitatis manebant, licet postmodum infirmitate correpti fuissent, vnde de illorum dispositione dubitari non poterat; igitur laudati Canones ad rem non faciunt, nec intentum probant Opponentis.

Sed nec in eisdem habetur, quod Ecclesia se dubitalle significauerit de illorum sincera conuersione, aut efficaci absolutione, qui cum in decursu pœnitentiæ essent, infirmitate corripiebantur, & in extremo vitæ absolutebantur, de hæc enim dubitatione, ne verbum quidem in illis Canonibus, sicut nec in eis habetur, quod peccatores illi iterum Sacramentaliter absoluendi essent, si conualuissent, vti statuendum fuerat, si de illorum conuersione, & absolutione dubitasset Ecclesia,

eclesia, sed solum habetur, quod qui infirmitate correpti, & in periculo mortis constituti essent pœnitentiæ statum, & decursum prosequerentur, si conualuissent, & statutis pœnitentiæ legibus subiacerent. Idque non, quia dubitatum fuerit de sinceritate conuersionis illorum, & de efficacia absolutionis, sed ut seruarentur cum omnibus præscriptæ leges de pœnitentijs agendis, & nemo ab eis eximeretur. Cum enim statutum generaliter fuisset ab Ecclesia, ut pro qualitate commissorum criminum peccatores statutis pœnis subiacerent, æquum fuit, nullum ab hac lege excipere, aut dispensare, nisi rationabile occurreret impedimentum, aut motiuum.

Ut autem veritas euidentius appareat, singulos Canones expendamus, quos pro se affert Pater Natalis.

Primo affert Canonem ex S. Gregorio Niseno, ubi de Apostata à fide, cui pœnitentiæ tempus tota vita præscribitur his verbis. (*In hora sui è vita excessus Sacramenti Communionis erit particeps. Sin autem consergit, ut is præter spem viuat, in eodem prorsus erit iudicio, mysticorum autem Sacramentorum, ad vitam exitum usque expers.*)

Nihil in hoc Canone apparet, quod indicet Ecclesiam dabitalle de sincera conuersione Apostatæ, aut de illius absolutionis efficacia, ut vult Opponens: nam cum de Apostata, si præter spem vixisset, dicitur, quod mysticorum Sacramentorum ad vitæ exitum usque expers sit; mysticorum Sacramentorum nomine hoc loco venire non potest, nisi Sacramentum Eucharistiæ, tum quia de Sacramento Eucharistiæ dumtaxat, verificatur per

excellentiā, quod sit mysticum Sacramentum, non quia non sit verum & reale Sacramentum, sed quia in eo relatio habetur ad plura, quæ mystica sunt, (vti Agnus Paschalis, Cœna, Dominica &c.) quam in Sacramento Pœnitentiæ. Dicitur autem in plurali numero *mysticorum Sacramentorum*, in reuerentiā, & dignitatem tanti Sacramenti, vel quia alijs fidelibus Eucharistia pluries concedebatur. Tum etiam quoniam in verbis illis: *Mysticorum Sacramentorum ad vitam exitum usque particeps*, de illo Sacramento sermo est, de quo prius dixerat, quod Apostata *in hora sui è vita excessus Sacramenti Communionis erit particeps*; per hæc autem posteriora verba, cuius est, Eucharistiæ Sacramentum significari; nam Eucharistia est Sacramentum, in quo fideles dicuntur communicare, vnde & Eucharistiæ perceptio Communionis nomen retinuit. Et rursus fideles, quia in Eucharistia percipienda communicabant, & conueniebant, cum eam percipiebant, dicebantur particeps Sacramenti Communionis. Hæc autem non competunt Sacramento Pœnitentiæ; nam in Sacramento Pœnitentiæ, non dicuntur fideles communicare, aut conuenire, nec proinde illius perceptio, Communio propriè dicitur; sicut nec fideles dicuntur particeps esse Sacramenti Pœnitentiæ, bene tamen dicuntur particeps esse Eucharistiæ, quatenus in ea percipienda conuenientes, singuli Eucharistiam percipiunt.

Præterea non est putandum, quod Apostata pœnitens si per multos annos vixisset, vti vivere potuit, postquam conualuit, Ecclesia per multos annos

annos Sacramento Pœnitentiæ, & absolutione Sacramentali destitutum voluerit, id enim inconueniens fuisset, & absurdum, Ecclesiæ pietati omnino repugnans, vt quæstione sequenti ostendemus; non igitur in verbis illis sermo esse potest de dilatione Sacramenti Pœnitentiæ vsque ad exitum Apostatæ, sed sermo est, de dilatione perceptionis Eucharistiæ vsque ad Apostatæ mortem; hæc enim dilatio nullam absurditatem, nullumque inconueniens importabat, vt diximus supra, & dicemus infra.

At dato, & non concesso, quod Communionis, & mysticorum Sacramentorum nomine in verbis illius Canonis Pœnitentiæ Sacramentum intelligendum esset; nihil profectò in verbis illis apparet, quod assertam Ecclesiæ de sincera conuersione Apostatæ, aut de Absolutionis ei impensæ efficaciz, dubitationem, aut suspensionem indicet; non enim Absolutio prior putata fuisset inefficax, ex eo quod alia absolutio dilata fuisset vsque ad mortem Apostatæ, nam potuisset absolutio prima efficax esse & pœnitens in prima absolutione posuit esse rectè dispositus etiamsi posterior absolutio vsque ad mortem dilata fuisset, vt de se patet; sed & Ecclesia non iussisset, Apostatam illum primò absolui, si de illius dispositione dubitasset; vnde cum illum absoluendum dixerit per ea verba, iuxta Opponentem. (*In hanc sui è vita excessus Sacramenti Communionis erit particeps*) euidentius est Ecclesiam de illius dispositione nullam dubitationem, aut suspensionem habuisse. Ex quacumque igitur parte accipiat Canon ille, & in

quocumque sensu intelligatur, nullatenus ad rem propositam facit.

Secundò assertur Canon 76. Concilij Carthaginensis quarti, in quo decernitur, *ut is qui pœnitentiam in infirmitate petit, si casu, dum ad eum Sacerdos inuisatus venit oppressus infirmitate fuerit, vel in phrenesim versus, dantibus testimonium, qui eum audierunt, accipiat pœnitentiam, etsi continuò creditur moriturus, reconcilietur per manus impositionem, & infundatur ori eius Eucharistia*; & mox additur, *si superuixerit, admoneatur à supradictis testibus, petitioni suæ satisfactum, & subdatur statutis pœnitentiæ legibus, quamdiu Sacerdos, qui pœnitentiam dedit, probauerit*. Et postquam Canon. 77. decreuit, *ut pœnitentes, qui in infirmitate sunt, Viaticum accipiant*; Hæc addit Can. 79. *Pœnitentes, qui in infirmitate Viaticum Eucharistia acceperint non se credant absolutos sine manus impositione, si superuixerint*.

In rem suam postrema, quæ assertur, facere putant, qui hæc opponunt videlicet, quod qui infirmitate oppressus, loqui non potest, pœnitentiam, quam antea petijt, accipit, & reconciliatus est per manus impositionem, si superuixerit, subdatur statutis Pœnitentiæ legibus, & non se credat absolutum sine manus impositione, quasi Ecclesia de sinceritate conuersionis illius, & de efficacia absolutionis ei collatæ dubitauerit.

Ad hoc obiectum dicitur, vt ad præcedens. Nihil videlicet in allegatis textibus haberi, quod vel minimam Ecclesiæ suspensionem, vel dubitationem indicet de sinceritate con-

uersionis illius pœnitentis, aut de impensæ absolutionis efficacia ob indispositionem subiecti. Quod verò in eodem Canone dicitur de pœnitente, qui infirmitate cotreptus reconciliatus fuit per manus impositionem, si *superuixerit subdatur statutis Pœnitentia legibus*, non idè dicitur, quia dubitetur de sinceritate conuersionis illius, aut de impensæ absolutionis efficacia, sed vt statutz leges de subeundis pro admissis criminibus pœnis, obseruentur, ita vt nullus, qui vita, & fanitate gauderet, ab eis subeundis exciperetur. Tunc autem dicendum foret, dubitatum fuisse de sinceritate conuersionis illius, aut de impensæ absolutionis efficacia, quando statutum fuisset, vt pœnitens, qui in extremo vitæ Sacramentaliter de peccatis præteritis absolutus, si conualuisset, iterum absoluendus esset, vt i profectò statuendum fuisset, si Ecclesia de illius conuersione, aut de impensæ absolutionis efficacia dubitasset. Cum ergò, id nullatenùs statuatur, euident est, Ecclesiam de sinceritate conuersionis illius, aut de collatz absolutionis efficacia nullatenùs dubitasse.

Ad Canonem verò 78. eiusdem Concilij, in quo decernitur, vt *pœnitentes, qui in infirmitate Viaticum Eucharistia acceperunt, non se credant absolutos sine manus impositione, si superuixerint*; Dicimus, per manus impositionem in eo Canone intelligendam esse absolutionem non Sacramentalem, nam hanc supponitur accepisse illum, qui moriturus erat, sed Canonicam, & Ecclesiasticam, pro foro externo; Vtraque enim absolutio, hoc est, tam Sacramentalis, quam

Canonica, per manus impositionem impendebatur. Vndè cum in laudato Canone 76. Concilij Carthaginensis dicitur, *quod si infirmitate cotreptus, continuò creditur moriturus, reconciliatur per manus impositionem*, nomine impositionis manus, intelligenda est absolutio Sacramentalis, etiam iuxta Opponentem, nam hi supponunt, ægrotum illum absolutum Sacramentaliter fuisse, & Ecclesiam postmodum de illius absolutionis efficacia dubitare, non possunt autem colligere, prædictum ægrotum absolutum Sacramentaliter fuisse, nisi ex verbis illis, *reconciliatur per manus impositionem*, exgò velint, nolint fateri coguntur, nomine impositionis manus in eo Canone intelligendum esse ipsum Sacramentum Pœnitentiæ, & Sacramentalem absolutionem. Quod specialiter hic prænotatum velim pro his, quæ in sequenti quæstione dicemus, vt ostendamus, per manus impositionem intelligendam esse aliquando in Sacris Canonibus ipsum Sacramentum Pœnitentiæ, & absolutionem, Sacramentalem, quod Authores illi sibi non constantes postmodum negant.

In Canone verò 78. eiusdem Concilij Carthaginensis, cum dicitur, quod *pœnitentes, qui in infirmitate Viaticum Eucharistia acceperunt, non se credant absolutos sine manus impositione*. Namine impositionis manus, intelligenda est non absolutio Sacramentalis, nam dici nequit, pœnitentes illos Eucharistiam sumpsisse a bsq; absolutione Sacramentali; Cum ergò dicitur, pœnitentes illos Eucharistiam in infirmitate sumpsisse, & eosdem abso-

absolutos non fuisse per impositionem manuum, absolutio hæc intelligenda est non Sacramentalis, sed alia illa Ecclesiastica, seu Canonica, & pro foro externo, quæ utpote multas ceremonias requirens, pro breuitate temporis, morituris non impendebatur, & in Concilio Arauxicano 1. Can. 3. dicitur (*Qui recedunt de corpore penitentia accepta, placuit sine reconciliatoria manus impositione eis communicare,*) & licet absolutio illa Ecclesiastica, seu Canonica regulariter non separaretur ab Eucharistiæ collatione, in casu tamen quo pœnitens iam iam moriturus esset, concedebatur Eucharistia sine illa Ecclesiastica Absolutione. Et hinc patet, distinctam fuisse absolutionem Sacramentalem, ab Ecclesiastica. Igitur cum in Can. 78. Concilij Carthaginensis quarti dicitur, quod *qui in infirmitate Viaticum Eucharistiæ acceperunt, non se credant absolutos sine manus impositione, si superuixerint*, nomine impositionis manus, intelligitur, non absolutio Sacramentalis, sed absolutio alia Canonica, & Ecclesiastica; aliàs Canon ille septuagesimus octauus contradiceret septuagesimo sexto; nam in septuagesimo sexto, dicitur, quod infirmus ille reconcilietur per manus impositionem, & in Canone 78. dicitur, quod *non reconcilietur per manus impositionem, nec possunt alio pacto hi duo Canones conciliari*, nisi dicendo, quod in priori Canone sermo sit de reconciliatione Sacramentali, in posteriori verò de reconciliatione Canonica, & Ecclesiastica, & quod utraque fieret per manus impositionem.

Cum ergo in Canone 78. Concilij

Carthaginensis dicitur, quod pœnitentes, qui in infirmitate Viaticum, Eucharistiæ acceperunt, *non se credant absolutos sine manus impositione, si superuixerint*, sensus est, quod si superuixerint, non se credant absolutos absolutione illa Ecclesiastica, & suprema, quæ post expletas pœnitentias omnes pœnitentibus omnibus impendebatur, quasi à pœnitentiis illis explendis, si superuixerint, immunes essent, sed prosequi deberent decursum, & stadium pœnitentiæ, sicut alij.

Et idem dicendum ad Can. 3. Concilij Arauxicani, quem tertio loco pro se assert Pater Natalis, nam in eo Canone dicitur; *Qui recedunt de corpore penitentia accepta, placuit sine reconciliatoria manus impositione eis communicari, quod morientis sufficit consolationi, secundum diffinitiones Patrum, qui huiusmodi Communionem Viaticum nominarunt. Quod si superuixerint, stent in ordine pœnitentium, & ostensis necessarijs pœnitentiæ fructibus, legitimam Communionem, cum reconciliatoria manus impositione percipiant.* Est enim horum verborum sensus, quod qui morituri Eucharistiam sine reconciliatoria manus impositione acceperunt, hoc est, sine absolutione Canonica, & pro foro externo; nam certum est, quod qui Eucharistiam acceperunt, absoluti fuerant absolutione Sacramentali, & pro foro interno, si superuixissent, stare debuissent in ordine pœnitentium, id est, prosequuturi fuissent decursum status pœnitentiæ, & ostensis necessarijs pœnitentiæ fructibus, legitimam Cômunionem cum reconciliatoria manus impositione per-

cepisset, Vnde cū dicitur *legitimā Communionem percipiant*; non est sensus, quod Ecclesia velit, infirmum illū imminēte morte, non legitimā absolutionem Sacramentalem accepisse, ut vult Natalis; nam hæc verba, non referuntur ad absolutionem Sacramentalem infirmo illi collatam, quæ utique legitima fuit, & rectè, ac ritè collata, sed referuntur ad Communionem, scū Eucharistiam, & ad communicationem cum cæteris fidelibus, ei tunc concessam, quæ legitima non fuit, quia non fuit concessa iuxta sancitas leges, & ceremonias, eo quod concessa fuit absque manus impositione, & ideo dicitur, quod si superuixerit, *legitimam Communionem cum reconciliatoria manus impositione percipiat*, vbi legitimam Communionem dicit, quæ fiebat cum reconciliatoria manus impositione, & hæc reconciliatio omīssa fuerat in casu mortis imminētis.

Hunc esse illius Canonis legitimum sensum testatur Glosa his verbis: (*Quod Pœnitentes, de quorum vita desperatur, Communionem Corporis Domini recipiant, sine reconciliatoria manus impositione solenni, si verò euaserint, abstineant à communionē donec tempus pœnitentiæ sit completum, & tunc communionem, & reconciliationem accipiant.*

Prædictum autem sensum esse Canonis 78. Concilij Carthaginensis, affirmat Coriolanus in notis ad illum Canonem, sic enim ibi ait, *Sententia canonica est; Qui ob vitæ periculum priuatim à Sacerdotibus absoluntur, nondum completa actione pœnitentiæ, si superuixerint, redeant ad ordinem pœ-*

nitentium, & cum illis manus impositionem suis temporibus percipiant; & nisi id fecerint, non se absolutos à vinculo excommunicationis, vel à pena temporali, quæ ipsis à Sacerdote prescripta fuerit. Hos à culpa absolutos fuisse dubitari non potest, cum Viatum cum Eucharistia perceperint, quod Ecclesia nunquam distribuere solet, nisi illis dumtaxat, quos à culpa lethali liberos esse credit, vnde per manus impositionem Patres Concilij hoc, & sequenti Can. 80. accipiant actionem illam Pœnitentiæ, quæ pœnitentibus frequenter reconciliatoria manus imponebatur; quæque olim inter alios publica pœnitentiæ ritus in Ecclesia frequentata fuit. Vnde manus imponebatur, & in absolutione merè Canonica, scū Ecclesiastica; immò & extrà vtramque absolutionem eis manus imponebantur. Vnde pœnitentibus in statu pœnitentiæ manentibus frequenter manus imponebantur, quia frequenter Pœnitentiæ Sacramentum eis conferebatur, & frequenter manus eis imponebantur extra Sacramentum Pœnitentiæ, quia id inter alios publicæ pœnitentiæ ritus obseruabatur.

Idem censet Gabriel Alaspineus Episcopus Aurelianensis in notis ad prædictum Canonem Concilij Carthaginensis, sic enim ait (*In illo Canone agitur de peccatoribus, qui non modò peccatorum veniam, antequam præstituta pœnitentiæ tempus præcurrisserint, atque adeò tertium gradum attigissent; Verum etiam, qui hoc cum singulari Episcopi beneficio affecti Eucharistiam sumserant: qui morbo post re-
creati releuatiq; grauius induci rebantur,*

tur, ut pœnitentiam prosequerentur qui probro sibi futurum ducerent, atque etiam laboriosum, ut quotidie se ad terram prosternerent, palamque insuente populo, ac frequenti concursu illas manuum impositiones subirent, visum est igitur Patribus in eo Concilio, ut pœnitentes Sacro etiam vinctu pabulo refecti, recuperata pristina valetudine, non declinandas sibi esse manus illas in tertio gradu impositiones.

Et Ferdinandus de Mendoza in Commentarijs ad Canones Concilij Uliberitani in Commentario Can. 3. ait, quod illa vocabatur legitima pœnitentia, quæ erat secundum Canones Pontificios, ut ex Pœnitentiali Romano Theodori, & Bedæ pater: ea verò pœnitentia legitima erat, quæ explebatur tempore constituto ab Episcopo, quamque ducebant pœnitentes, & cum domi, & in Ecclesia noctu, & interdium perpetuis crumnis sese exercerent, & lacrymis, fletibus & multis præterea signis animi dolorem clam, & publicè testarentur. Illegitima verò dicebatur, quando pœnitentes languidius eam subirent, & parum dolerent de peccatis, quamvis præscriptum tempus explerent. Hæc tamen Mendoza.

Hæc eadem priùs dixerat Cardinalis Bellarminus de Pœnitentia lib. 1. cap. 15. his verbis: Quod autem in Concilio 4. Caribaginesi Can. 78. dicitur, ut pœnitentes, qui ob vitæ periculum viaticum Eucharistia accipiunt, non se existiment absolutos sine manus impositione, si superuixerint, non repugnat ijs, quæ diximus (scilicet, quod olim in administratione Sacramenti Pœnitentia Minister, dum pœnitentes reconciliaret, eis-

dem manus imponeret.) Accipit enim Concilium manus impositionem pro ipsa Pœnitentia actione, in qua frequenter manus imponebantur: nam in eodem Concilio Can. 80. præscribitur, ut singulis diebus ieiuniorum manus à Sacerdotibus pœnitentibus imponantur. Itaque hæc est Concilij illius sententia. Qui ob vitæ periculum à Sacerdotibus absoluantur, nondum completa pœnitentia publica actione, ij, si superuixerint, redeant ad ordinem pœnitentium, & cum illis manus impositionem suis temporibus percipiant, & nisi id fecerint, non se existiment absolutos à vinculo excommunicationis, vel à pœna temporalis, quæ illis præscripta à Sacerdotibus fuerat. Nam quod à culpa absoluti fuerint, dubitari non potest, cum Viaticum Eucharistia perceperunt, quod Ecclesia nunquam tribuit, nisi ijs, quos à culpa lethali liberos credit. Hæc Bellarminus.

Quare duo requirebantur ad legitimam pœnitentiam, scilicet explere tempus constitutum ad pœnitentiam agenda, & hoc docent Garcias, & Vinnius, & vltcrius alia illa, quibus pœnitentes diu verum animi dolorem testarentur. Hæc autem præstari non poterant à pœniente morte imminente: nam etsi verus, & sincerus dolor in eo esset, & ab eo ostenderetur, quia tamen tunc, non tam longo tempore, uti præscriptum erat, id ostendere poterat, cum immineret mors, vnde ad legitimam pœnitentiam deficiebat tempus præscriptum, & diutinus dolor, ac fletus. Ideoque decernitur, ut si pœnitens ille conualesceret, ostensis diutinis illis, necessarijs pœnitentiæ fructibus, legitimam Communionem cum

cum reconciliatoria manus impositione perciperet. Quapropter legitima Communio ab eo pœnitente percipienda, si reualefceret, supponebat, communionem illi in eo breui tempore, quo mors imminabat illegitimam, ex defectu prædictarum conditionum, quæ ob temporis angustias præstari non poterant, & Communionis nomine in eo casu concessæ, intelligenda est Eucharistia, & communicatio cum fidelibus, non verò absolutio Sacramentalis. Nil ergo ex his Canonibus habetur, quod indicet dubitatum fuisse de efficacia absolutionis Sacramentalis pœnitentibus illis in periculo mortis impensæ.

Ex his pariter soluuntur, quæ obijcit P. Natalis ex Can. 3. Concilij Epauensis. Nam in eo habetur. *Ne vilius sine remedio, aut spe ab Ecclesia repellatur, neue vlli, si aut pœnituerit, aut se correxerit, ad veniam redeundi, aditus obstruatur; sed si cui forsitan discrimen mortis immineat, damnationis constituta tempora relaxentur. Quod si agriorum acceptio Viatico reualefcere fortasse contingat, statuti temporis spatia, obseruare conuenit.*

Nam neque in his habetur, quod suspicio, aut dubitatio intercesserit de sincera conuersione pœnitentis, aut de absolutionis ei impensæ efficacia, sed solum decernitur, quod si ægrotus ille, qui viaticum accepit reualuerit, statuti temporis spatia obseruet, id est, prosequatur cursum pœnitentiarum, quas omnes in statu pœnitentiæ manentes subibant, post quarum expletionem communicationi perfectæ cum cœteris fidelibus reddebantur.

Sed admittamus, dubitari posse de sinceritate conuersionis illorum, qui post totam vitam in peccatis peractam, veniam, & pœnitentiam in extremo exposcunt. At hoc non probat, quod Ecclesia pœnitentibus illis absolutionem aliquando negauerit, aut negare debuerit, & absolutionis concessionem, esse debiti rigoris relaxationem. Nam quamuis dubitari possit de sinceritate conuersionis illorum, qui post totam vitam in peccatis peractam, in extremo dumtaxat vitæ veniam exposcunt, quia tamen, nec de illorum indispositione constat, & putari possit, quod huiusmodi pœnitentes, verè & ex corde doleant, vti verè, & ex corde dolere possunt, Ecclesia non debet eis absolutionem Sacramentalem negare, cum non constet, eos verè indispositos esse, nec enim in eo casu timeri potest reciduietas, cum pœnitentes illi sint morituri. Vnde absolutionis denegatio, non esset reatæ disciplinæ obseruatio, ac proinde absolutionis concessio, non est debiti rigoris relaxatio. Id autem ostenditur ex illismet S. Augustini auctoritatibus, quæ à præfatis Authoribus opponuntur.

Prima enim est ex ser. 37. vbi Sanctus Doctor, sic loquitur. *Parum est peccatorem pœnitere, nisi pœnitentiam peregerit. Ad emendanda enim crimina, vox pœnitentis sola non sufficit. Nam in satisfactione ingentium peccatorum non verba tantum, sed opera queruntur. Datur quidam etiam in extremis pœnitentia, quia non potest denegari, sed austeres tamen esse non possumus, quod qui sic perierit, mereatur absolui. Quomodo enim agit pœnitentiam*

tiam lapsus ? Quomodo agit pœnitentiam in extremis vitæ finibus constitutus ? Quomodo pœnitentiam agere possit , qui nulla iam pro se opera satisfactoria operari potest ? Et ideo pœnitentia , quæ ab infirmo petitur , infirma est , Pœnitentia , quæ à moriente tantum petitur , timeo ne ipsa moriatur.

Secunda quam ex Augustino obijciunt , est ex homilia 41. ubi sic ait. *Qui egerit veraciter pœnitentiam , & solutus fuerit à ligamento , quo erat obstrictus , & à Christi corpore separatus , & benè post pœnitentiam vixerit , sicut ante pœnitentiam vivere debuit . post reconciliationem , quandocumque defunctus fuerit , ad Deum vadit , ad requiem vadit , Regno Dei non privabitur , à populo Diaboli separabitur ; Si quis autem positis in ultima necessitate agnitio- nis sua , voluerit accipere pœnitentiam , & accipit , & mox reconciliatur , & hinc vadit : fateor vobis , non illi negamus , quod petit , sed non præsumimus , quia benè hinc exit . Non præsumo , non vos fallo , non præsumo . Fidelis benè vivens , securus hinc exit . Agens pœnitentiam , & reconciliatus , cum sanus est , & postea benè vivens , securus hinc exit , ego non sum securus . Undè securus sum , securus sum , & do securitatem : Undè non sum securus , pœnitentiam dare possum , securitatem dare non possum . Numquid dico , damnabitur , sed nec dico liberabitur . Vis ergo à dubio liberari , age pœnitentiam , dum sanus es , & si sic ugis , dico tibi , quia securus es , quia pœnitentiam egisti , eo tempore , quo peccare potuisti , si vis agere pœnitentiam , quando iam peccare non potes , peccata te dimiserunt , non tu illa . Hæc Augustinus.*

Authoritates tamen istæ retorquen- dæ sunt contra opposcentes . Non enim in eis habetur , quod Pœnitentia , seu Sacramentalis absolutio deneganda sit peccatoribus in extremo dumtaxat vitæ illâ petentibus , sed quod eis concedenda sit , & si de illorum salute post concessam eis pœnitentiam non adsit securitas . Nam in primo loco ex *ferm. 57.* de tempore sic habetur . *Datur quidem etiam in extremis pœnitentia , quia non potest denegari , sed Authores tamen esse non possumus , quod qui sic petierit , mereatur absolui .* Igitur Augustinus affirmat , Pœnitentiam in extremis positus non posse denegari . Si ergo Augustinus docet , pœnitentiam in extremis eam petentibus non posse denegari , dici non potest , pœnitentiam in extremis eam petentibus fuisse aliquando ab Ecclesia denegatam ; quod enim non potest denegari , nefas est putare , ab Ecclesia fuisse aliquando denegatum . Solum addit Augustinus , *sed Authores esse non possumus , quod qui sic petierit mereatur absolui .* Vbi non dicit , quod in extremis pœnitentibus absolutio sit deneganda , sed quod affirmare non possumus , quod qui sic petierit , mereatur absolui , id est dispositus sit , & habeat omnia requisita ad recipiendum absolutionem . Certum est autem non esse denegandam absolutionem peccatori in extremo vitæ dan- ti signa pœnitentiæ , etsi non possumus certò affirmare , quod ex corde doleat ; nam nec certò possumus negare , quod ex corde doleat , sed non propterea certò censere possumus , quod ille non sit dispositus , potest enim dispositus esse , & id credere possumus , si id de se ipso ille testetur.

Et

Et idem dicendum ad alium Augustini locum ex homilia 41. nam etiam ibi non dicit, negandam esse pœnitentiam, sed concedendam dicit, pœnitentiam, & absolutionem, ei, qui positus in vltima necessitate ægritudinis suæ, eam voluerit accipere. Sic enim ait S. Doctor; *Si quis autem positus in vltima necessitate ægritudinis suæ voluerit accipere pœnitentiam, & accipit, & mox reconciliatur, & hinc vadit, non illi negamus, quod petit, sed non præsumimus, quia benè hinc exit.* Conceditur Augustinus, non negat pœnitentiam, & reconciliationem peccatoribus in extremo vitæ pœnitentibus, & si non præsumatur, quod benè de hac vita exeant.

At quoniam ad Augustinum provocant, audiat Augustinus de Eccles. Dign. cap. 80. ubi contra Nouatianos hæc habet: *Pœnitentia abolere peccata indubitanter credimus, etiam si in vltimo vitæ spiritu admissorum pœniteat, & publica lamentatione peccata prædantur, quia propositum Dei, quo decreuit saluare, quod perierat, stat imobile, & idè, quia voluntas eius non mutatur sine emendatione vitæ, si tempus conceditur, sine supplicii confessione, si continuò vitæ exceditur, venia peccatorum fideliter præsumatur ab illo, qui non vult mortem peccatoris, sed ut convertatur à perditione pœnitendo, & saluatus miseratione Diuina viuat, si quis aliter de iustissima Dei pietate sentit non Christianus, sed Nouatianus est.* Hæc Augustinus, in quibus expressè asserit etiam peccatores in extremo dumtaxat vitæ pœnitentes veniam, & sa-

lutem, consequi posse, etiam si ob temporis angustias premente morbo, & morte imminente patrum criminum confessionem edere non possint. Vnde multò magis censet eosdem peccatores veniam, & salutem consequi posse, si permittente tempore admissorum, criminum confessionem peragant, ac proindè censet, eos absolucndos esse. Nusquam ergò Augustinus asserit peccatores, et si grauiorum criminum reos, vel in extremo vitæ dumtaxat pœnitentes absolucndos non esse. Quin censere illos non esse absolucndos Nouatianum esse dicit. Affer autem loco citato Augustinus ea, quæ ex parte peccatoris requiruntur, & sufficiunt, ut veniâ à Deo obtineat, & admissa peccata aboleantur, & ea dicit esse pœnitentiam, qua aboleri peccata indubitanter credit, etiam si in vltimo vitæ spiritu admissorum pœniteat, & emendationem vitæ, si tempus conceditur, sine supplici confessione, quæ non possit peragi, si continuò vita excedatur. Certum est autem, quod quando pœnitens in extremo mortis constitutus potest peccatorum suorum confessionem, peragere, ad eam peragendam teneatur, idque non negat Augustinus, cum verò peccator in extremo vitæ constitutus ob temporis angustias non potest confessionem peragere, tenetur ad actum Contritionis cum voto Confessionis.

Sanctus etiam Ambrosius in Oratione funebri Valentin. ait, in fine, pœnitentiam agi posse; & veram esse posse pœnitentiam, his verbis. *Beatus planè, qui vel in senectute correxit errorem, Beatus, qui vel sub actu mor-*

tis animam conuertit à vitij. Beati etiam, quorum reuera sunt peccata, quia scriptum est, desine à malo, & fac bonum, & habita in seculum seculi; Quicumque ergo desierit à peccatis, & fuerit ad meliora in quacumque conuersus, etate habet superiorum indulgentiam peccatorum, quia fuerit, vel penitendi confessus affectu, vel corrigendi auersatus ingenio, sed huic cum plurimis venia Societas emerenda. Plurimi enim sunt, qui se à peccatis, & lubrico iuuentutis in seruitute reuocare potuerunt, rarus autem, qui in iuuentute grauius iniquum serua sobrietate pensauerit.) Quem igitur Authores illi depositum, & desperatum ab Ecclesia pronuntiant, Ambrosius Beatum prædicat, & non vnum, aut alterum, sed plurimos in fine vitæ veniam promeritos, quia peccata confessi sunt affectu penitendi nu merat. l

Sed & S. Thomas in 4. sent. dist. 20. art. 1. quæstionem mouet. Vtrum aliquis in extremo vite sue per penitentiam consequi possit veniam peccatorum; & sic respondet. Dicendum ad primam quæstionem, quod Deus, qui dat omnibus abundanter, nulli gratiam denegat, qui quicquid in se est facit, ut se ad gratiam præparet. Ha. autem præparatio fit per motum liberi arbitrij; Vnde quamdium manet homini usus liberi arbitrij in hac vita, in qua nondum est confirmatum ad malum, potest se præparare ad gratiam de peccatis dolendo, & gratiam remissionis peccatorum consequendam.

Respondet autem, & ipse ad auctoritatem Augustini superius inductam ex homilia 41. quam, & Magister sententiarum affert in textu, & sic ait

(Augustinus in verbis illis ostendit, quod penitentia, quam aliquis in fine vite agit, non est certum signum salutis, non quod non possit esse etiam tunc efficax ad salutem, quod incertum est, quando aliquis de peccato, quod facere iam non potest, pœnitet, virum voluntatem peccandi amiserit, quod magis manifestum est de illo, qui peccare adhuc potest, si pœniteat, quod voluntatem mutauit: tamen etiam quando aliquis non potest ultra peccare, potest voluntatem mutare, ut nolit, quod prius voluit, etiamsi possit.

Soluitur obiectio ex auctoritate Sancti Cypriani petita.

Afferunt pro se Aduersarij, & auctoritatem S. Cypriani in Epistola ad Anthonianum, ubi Sanctus lux habet. Idcirco frater charissime penitentiam non agens, nec dolorem delictorum suorum toto corde, & manifesta lamentationis sue professione testis prohibendos omnino censuimus à spe communicationis, & pacis si infirmitate, atque in periculo cæperint deprecari, quia rogare illos non delicti penitentia, sed mortis urgentis admittit compellit, nec dignus est in morte accipere solatium, qui se non cogitauit esse moriturum.

Ex his conuincere putant Authores præfati ex sententia S. Cypriani denegatam fuisse absolutionem Sacramentalem ijs, qui eam in extremo vitæ dumtaxat postulassent. Sed falsuntur: nam quamuis S. Cyprianus in ea Epistola totus sit in impugnanda hæresi Nouatiani, qui nec absolutionem

nem Sacramentalem lapsis concedendam, nec eos in Societatem, & communicationem cum reliquis fidelibus admittendos dicebat, tamen in verbis laudatis S. Cyprianus non loquitur de absolutione Sacramentali, hæc enim lapsus illis, etsi in extremo duntaxat vitæ pœnitentibus, nec dolorem delictorum suorum toto corde, & manifesta lamentationis suæ professione testantibus negari non debuit, ne iacturæ salutis æternæ periculo exponerentur, nam licet non appareret, eos ex toto corde dolere, non tamen apparerebat, eos non ex toto corde dolere, sed poterant ex toto corde interius dolere, quamvis id externus non appareret; Loquitur ergo S. Cyprianus de Sacra Eucharistia, & de communicatione, seu de iure communicandum cœteris fidelibus, quod aliàs fidelibus pœnitentibus completa pœnitentia concedebatur; Vnde ait, illos prohibendos censuisse à spe communicationis, & pacis; Certum est autem nomine communicationis, & pacis significari non posse absolutionem Sacramentalem; hæc enim non dicitur communicatio, nec pax, Vnde per hoc præcluditur Aduersarijs omnis via ad dicendum, quod ibi sermo sit de absolutione Sacramentali, nam S. Cyprianus non vitur voce Communicationis, quæ iuxta opinionem illorum Authorum exprimere potest absolutionem Sacramentalem, quod tamen supra exclusimus; Sed vitur voce Communicationis, per quam significari nequit absolutio. Igitur S. Cyprianus hæc pacto puniendos censuit, illos qui in extremo duntaxat vitæ ad Ecclesiam recurrebant, vt vi-

delicet eis non concederetur ante mortem eis ad communicandum cum cœteris fidelibus, quod eis solacium fuisset, nec priter concederetur Eucharistia. Nam quod S. Cyprianus censet, adhuc in morte duntaxat pœnitentibus veniam concedendam esse, certum est, & habemus de hoc egegium eius testimonium in sermone de Cana Lomini; nam ibi sic ait. *In eodem articulo temporis, cum iam animo festinet ad exitum, & egrediens ad labia expiranti emerferit, pœnitentiam clementissimi Dei benignitas non aspernatur. Nec serò est quod verum, nec irremissibile quod voluntarium; Et quæcumque necessitas cogat ad pœnitentiam, nec quantitas criminis, nec breuitas temporis, nec hora exitus, nec vitæ cœritas. Si vera contritio, si pura fuerit voluntas mutatio) excludit à pena, sed in amplitudine sinus sui materna charitas prodigos suscipit reuertentes, & velis, nolis Nouatianus Hæreticus, omni tempore Dei gratia recipit pœnitentes. Ipse Dominus noster derelictorum personam gerens in cruce, se queritur derelictum, & ne desperarent etiam in ultimis constituti, festinans in adiutorium illis adest, & re in articulo posita non differt beneficium, sed repente indulgentiæ celeris documentum eisdem statuit, & exemplum latroni inquit; Hodie mecum eris in Paradiso. Latrocinium damnatum nem meruerat, & supplicium, sed cor contritum penam mutauit in martirium, & sanguinem in Baptisum. In momento impietas religionem, crudelitas induit pietatem, & stat in consummatus, Cuius Sanctorum, & Domestici Dei, promissus est in regnum; reconciliationis humana priuile-*

uilegitimæ secum ferens ad superos, quod Deo Patri tanta legationis fungens honore in se ipso scriptura huius experimentum continens, libero, & securo aditu penetrans præsentauit.

Dicimus autem, Communicatio-
nis, & pacis nomine intelligi non pos-
se absolutionem Sacramentalem, nam
admittimus, ut diximus supra, pacis
nomine intelligi posse absolutionem
Ecclesiasticam, & pro foro externo;
Sed hoc tantum probat, Sanctum
Cyprianum in verbis illis denegandam
velle lapsis in extremo dumtaxat
vitæ veniam flagitantibus absolutionem
Ecclesiasticam, & pro foro externo;
non verò probat, eisdem negandam
velle absolutionem Sacramentalem.
Et quamuis, ut supra diximus,
Cum S. Cyprianus, ut saluti Lapsorum
in exitu consuleretur, vult eis
concedendam esse absolutionem Eccle-
siasticam, multò magis censendum
est, eum velle, ut eis concedatur ab-
solutio Sacramentalis, nam sine illa
eorum salus periclitaretur, non enim
ad salutem sufficeret absolutio illa Ec-
clesiastica, & pro foro externo, non
tamen dici potest, quod cum Cyprianus
vult lapsis in extremo dumtaxat
vitæ veniam flagitantibus, absolutionem
Ecclesiasticam negandam esse,
velit etiam negandam esse absolutionem
Sacramentalem; Ecclesiastica
enim absolutio denegari potuit, sine
periculo salutis illorum, ad coercen-
dos alios à lapsu. Absolutio verò Sa-
cramentalis, absque periculo iacturæ
salutis æternæ negari non potuit.

Obiectio ex Concilio Illi-
beritano, & eius solutio.

Confutati à nobis Authores, ut
proboent, Innocentium I. cum
in Epistola ad Exuperium ait, priorem
Ecclesiæ consuetudinem tenuisse, ut
lapis in extremo dumtaxat vitæ ve-
niam petentibus, concederetur pœ-
nitentia, & negaretur Communio,
negatæ Communionis nomine Pœni-
tentia Sacramentum, seu absolutionem
Sacramentalem intellexisse, in-
quiunt, Innocentium in laudatis ver-
bis, ad tempus Illiberitani Concilij
alluisse. Quod in eo Concilio per
plures Canones habeatur, aliquorum
grauiorum criminum reis, nec in fine
concedendam esse Communionem.
Nam *Can. 1.* de his, qui post Baptis-
mum Idolis sacrificabant, dicitur.
*Flauit, ut quicumque post fidem Bap-
tismi salutaris, adulta ætate ad templum
Idoli idololatricæ accesserit, & fecerit,
quod est crimen capitale, nec in finem eum
ad Communionem suscipere.* Et *Can. 2.*
*de Sacerdotibus gentium, qui post Bap-
tismum immolauerant, dicitur. Fla-
mines, qui post fidem lauacri, & rege-
nerationis sacrificauerint, eo quod gemi-
nauerint scelera, accedente homicidio,
vel triplicauerint facinus coherente ma-
chia, placuit eos nec in fine accipere com-
munionem.*

Idem *Can. 3.* statuitur de iisdem, si
Idolis sacrum munus dederint. Idem
Can. 6. de eo, qui per malitiam homi-
nem interfecerit. Idem in alijs crimi-
nibus decernitur *Can. 8. 12. 13. 17.
18. 63. 64. 65. 70. 71. 73. & 75.*
Certum est autem, aiunt Authores
præfati, in his Canonibus, Commu-

nionis in fine denegatæ nomine, Pœnitentiæ Sacramentum, seu Sacramentalem absolutionem intelligi, ac proindè Innocentium quoque dicentem, priorem consuetudinem tenuisse, vt lapsis, seu grauiorum criminum reis in extremo vitæ veniam flagitantibus communio negaretur, cum ad Illiberitani Concilij tempus alludat, Communionis denegatæ nomine Sacramentum Pœnitentiæ, seu Sacramentalem absolutionem intellexisse.

Difficultas hæc soluenda non est iuxta opinionem, quam de Concilio Illiberitano tenuit aliquando Cardinalis Baronius, quam expressit *Tom. 1. Annalium Ecclesiasticorum* ad annum Christi Domini 57. ubi ait *Concilium Illiberitanum in multis esse irritum, pleraque in eo esse, quæ sinceris Ecclesiæ dogmatibus aduersari videantur, inter quæ, subdit, est illud, quod eis, qui capitalia quedam crimina perpetrassent, nec in fine Communioni concederetur. Id enim sapere videtur hæresim Nouatianorum. Quare propter hoc, & aliud de Sacris Imaginibus in parietibus Ecclesiæ non pingendis ab eodẽ Concilio statutum* concludit, quod in his Concilium Illiberitanum, nullam obtinuerit firmitatem. Additque Pacianum, & ipsum Hispanum patria Barchinonensem, qui eo vixit sæculo, & aduersus Nouatianos, suis Commentarijs eruditissimis de his plura distulerit, nullam prorsus Illiberitani Concilij mentionem habuisse. Quin, & Canonum antiquissimos Collectores Ferdinandum Diaconum, Dionysium cognomento exiguum, & Cresconium, qui egregiam nauauit ope-

ram, vt omnes tam Græcos, quàm Latinos Canones colligeret, Concilij Illiberitani Canonum, nec nomine tenus, meminisse. Idem affirmat Cardinalis Bellarminus in *controu. de Imaginibus libr. 2. cap. 9.* inquit, quod Concilium Illiberitanum XIX. Episcoporum, Provinciale fuerit, & minime confirmatum, vltra errorem, in decreto de Imaginibus in Ecclesijs non pingendis, iu alijs etiam decretis videtur errasse, præsertim cum in pluribus casibus, nec in articulo quidem mortis velit absolui pœnitentem.

Iuxta opinionem hanc, soluenda non est, vt dicebamus, præsens difficultas; nam opinionem istam de Illiberitano Concilio falsam omnino esse, & Illiberitanum Concilium verè Illiberis habitum fuisse, & in suis decretis rectè processisse certum est, vt ex Authoribus infra laudandis constabit. Sed & Baronius ipse *tom. 2. Annalium*, ad Annum 305. retractauit, quæ *tom. 1. de Illiberitano Concilio* prius dixerat, fateturque, se de Concilio isto paulò liberius loquutum fuisse. Idemque Concilium quoad decretum de Communione lapsis in extremo vitæ deneganda, ex Innocentij Pontificis ad Exuperium epistola, eam fuisse priorem Ecclesiæ consuetudinem testantis, ab errore vindicari ait; ita vt nemò Illiberitanum Concilium accusare præsumat. Quia tamen Baronius, & Bellarminus Communionis lapsis in extremo vitæ denegatæ nomine, intelligendam esse supponunt absolutionem Sacramentalem, tam apud Concilium Illiberitanum, quàm apud Innocentium in epistola ad Exuperium; vt veritas elucescat, & in-

& intelligentia hæc vti spuria, & omnino absurda excludatur, obiectio proposita soluenda erit ex his, quæ tres Authores eximij in eadem re afferunt. Hi sunt Basilius Poncius Theologus celebris Augustinianus Parte prima variarum Resolutionum Quæstione secunda, Ferdinandus de Mendoza in vindicijs Concilij Illiberitani lib. 2. cap. 6. Ioannes Filescus in Commentario de Sacra Episcoporum auctoritate, seu ad tit. de offic. Iudic. Ord. cap. 11. §. 3.

Libet autem horum Authorum præsertim verò Basilij verba hic afferre, nam veritatem apprimè attingunt, ac difficultatem egregiè solvunt.

Igitur Basilius loco cit. sic ait (In eo ergo Concilio (Illiberitano) quod nonnulli Viri Catholici, minus, quàm par erat, consideratè loquentes, ut Hæreticum reiecerunt, cum tamen eius Auctoritatem suscipere deberent: nonnulla precipiantur illis Ecclesia temporibus iustissimè statuta, quæ nunc rebus aliud exigentibus, à Christiana Reipublice moribus eliminata sunt. Multis Canonibus statuit, etiam in fine Communionem esse denegandam. Can. 1. Placuit, qui post fidei Baptismi salutaris, adulta ætate templum idolatrarum accesserit, & fecerit quod est crimen principale, quia est summum scelus, placuit nec in fine eum accipere communionem. Eam repetit penam Can. 2. 3. 6. 7. 8. 10. 12. 13. & alijs multis, quos referre non vacat; Scio existimasse quosdam (hoc est enim contra Concilium istud unum accusationum caput) Canones istos fovere Nouatianorum errori penitentiam nonnullis propter priora scelera deneganti: Audio sanè accusa-

tionem, sed quas vires habeat, non agnosco. Fateor, velle Concilium, ut nec in fine detur Communio: Vt verò non absoluantur penitentes, etiam in extrema necessitatis articulo velle Concilium, non video, neque elacio quidem. Nam cum Communionis nomine, & penitentia, & Eucharistia Sacramenta possint intelligi, immò hoc intelligatur frequentius, & in eo sensu sana sit huius Concilij mens, atque sententia: cur in peiorem sensum interpretabimur? præsertim cum nullibi in isto Concilio penitentia denegetur: Nam Can. 22. Catholicis in hæresim transeuntibus, si reuertantur penitentiam statuit non esse denegandam, contra antiquum errorem Nouatiani, qui vel impietate, vel crudelitate singulari, semel lapsis, & ad Ecclesiam iterum lachrymis, fletu, eulatu, gemitu, & ingenti dolore pulsantibus, Diuina bonitatis, & pietatis paternæ, aique subsidia volebat intercludi, Quid? Idem Concilium suam nobis mentem explicauit; ne vocis multiplici significatione fallamur. Nam Can. 47. appellat Communionem pacis, siuè panis; Et Can. 76. Communionem Dominicam, etiam de Eucharistia Concilium loqui nullus Catholicus deinceps possit dubitare. At Baronius. Iniustum est, inquit, perpetua Communionem privare penitentes, sed hoc reuocari facile vitabimus, cum ipse Baronius tom. 2. Annalium Ecclesiasticorum priorem de hac re sententiam Augustini exemplo retrahuerit, & huius penitentiam præscis Ecclesie moribus consensaneam agnouerit. Id enim ab Vniuersali Ecclesia persecutionum tempore diu obseruatum fuisse docet Innocentius I. Epist. 3. decret. cap. 2.

(Ne

(Ne inquit, facilitas reconciliationis, & Communionis homines à lapsu non deterreret) Vnde Damasus in quodam decreto falsos Clericorum accusatores etiam in fine à communione remouit . Eademque ratione Siricius Papa in Epist. ad Hincmarum Tarraconensem Episcopum cap. 3. Apostatis à fide in extrema necessitate negat communionem , & solum peracta penitentia absolutionem , & reconciliationem concedit . Et Concilium Colonienſe sub Carolo III. Can. 6. renouauit Canonem huius Concilij 13. in quo negatur Communio in extremis . Adrianus in suis decretis Can. 60. in sui defensionem aduocat Canonem 75. huius Concilij , in quo falsis accusatoribus etiam in extremi necessitate constitutis Communio prorsus denegatur . In Concilio quoque Sardicensi , quod generale fuit , cuique presunt Osius Cordubensis , qui huic Illiberitano interfuerat Can. 2. prolata sententia in Episcopos , qui simulatis literis , quibus in aliam Ecclesiam uocarentur , Sedem mutarent , ut tandem in exitu laica Communionem priuarentur , adiecit (Si Vobis omnibus placet , Statuite ; Et Synodus respondit , Placet) Eandem penam , vel medicina potius sanxit Concilium Moguntinum sub Amulpho , & aliud Moguntinum sub Rabano Mauro , & ipse Rabanus Maurus Archiepiscopus in suo penitentium libro cap. 4. Eandem Apostatis penam imposuit Concilium Areluense l. Canone 23. & Suesionense apud Sanctum Medardum tempore Regis Caroli , renouans Canonem 75. huius Concilij . In Hispania autem perpetuam hanc Sacre Communionis priuationem multò post adhuc ob leuiter delicta in usu fuisse constat ex Concilio Il-

lerdensi , ad cuius finem refert Laurentius Surius ex quinque vetustis Codicibus (Episcopi , Presbyteri , Diaconi relictæ , si morituri acciperint , in fine non communice) Concilium Toletanum 11. Can. 11. (Iam uerò , ait quicumque de fidelium , siue infidelium numero Corpus Domini absque ineuicibili infirmitate proiecerit , si fidelis est , perpetua Communionem priuetur) Imponitur quoque eadem pena in Concilio Toletano 16. Can. 3. Et eandem penam imposuit antea Concilium Casaraugustanum 1. Can. 3. & 4. Ita uel perpetua Sacra Communionis priuatio ab hoc primò Concilio profecta , repetita paulò post Sardicensi , Colonienſi , Wormaciensi , Moguntino , Suesionensi , Casaraugustano , Illerdensi , Toletanis , at tandem à Pontificibus Adriano , Innocentio , atque Siricio , & Damaso confirmata est ; Quod genus seueritatis antiquæ , etas hæc nostra non retinuit solum , sed addito multo maiore rigore auxit . Nam Indos ad fidem recens conuersos , etiam nullo crimine admissò , & viuos , & morientes à pacis communionem repellit . Idque adeò receptum esse testatur Iosephus Acoſtia libro sexto de procuranda Indorum salute , ut si contra fieri contingeret , non leue scandalum omnes iudicarent . Quod quamuis Concilio Limensi constituit. 58. reuocatum sit , attamen multorum antea annorum decursu inueteratus Ecclesiarum Indicarum mos , quæ diximus seueritate retinuit . Conueniens itaque fuit præcis illis Ecclesia temporibus huius pena seuera nimis constituto . Eius tamen rigorem procedente paulatim tempore , Vires accipiente Ecclesia , Fide propagata , in Chriſticularum arinis firmissi-

mos in tante radices Catholicorum moribus eam vita severitatem, & constanter Elsonem non ferentibus, & usus, & indulgentissimi Patres curarunt emollire, sincere namque penitentibus non esse denegandum via Viaticum, etiam non peracta penitentia si mortis periculum supervenerit, statuit Ancyritana Synodus Canone sexto, Nicæna prima Canone duodecimo, Aurelianensis secundæ Canone duodecimo in hæc verba. (De his, qui in penitentia positi vita existerunt, placuit nullum Communionem vacuum debere dimitti.) Hactenus Basilii.

Ferdinandus de Mendoza loc. cit. sic loquitur. Præstat manuscipiorum lectio sine prepositione, Nec in fine cum Communionem suscipere; Hoc vix inter alia severitatis exemplo permittit aliquando Cesar Baronius de auctoritate huius Concilii nonnihil voluit detrachere existimans hæresim Novatiani sapere in extremo constitutis Eucharistie Sacramentum denegare, cum Christi promiserit peccatori, quicumque hora ingesserit exaudientium. Hoc ipsum Concilio imposuerunt alii, &c. Ecclesia igitur Hispanica, S. Romane auctoritate suffulta, & Divini Numinis gratia (ut verisimile est) illustrata, nunquam despectit lapsum salutem, non desperavit medicinam morientium, nec respicientibus adhuc in vita adiuturum interclusit ad veniam cum lapsos viuentes Communionem sacra, & Ecclesiastica post tempus morientes æterna salutem, & suam, & letari, pietate materna, matrem benignitate, & aucta clementia semper, & voluerit, & operavit, & latis multis sanctionibus ostenderit, sed cum his mollire quorundam impiorum duritiem

nequisset, gravissima, & Conforis, & Iudicis assumpta severitate, rursus quodammodo ea, vel perfringere aliquando curavit. & efficere tandem, ut quos insituta Maiorum per Sanctorum Patrum exempla, quos spontanea fidei professio, quos dulce Christi iugum intra Ecclesiam continere non potuit contineant tandem gravissime Petri Claves, & amplius Pauli gladius, aciores in terra, celestis, & Divina iustitia vindices; quorum vel sola auditione à tam nefario scelere, vel impyissimi poscent deterrent. Proponat enim non temporalem, aut evitis annorum terminis circumscriptam, sed perpetuam Sacre Communionis interdictum, nec Apostatis à Fide. Quod sane supplicium in primitivæ Ecclesie immutabilis non utilissimum modo, sed prope necessarium ad cohibendum peccatorum licentiam est habendum, cum et ipsi: mansuetudine Ecclesie confisi, à recto Religionis tramite longius aberrare extimescerent, tum ut aliorum aulacia, qui ab Orthodoxa Fide vellent discedere, horum exemplo, & supplicij gravitate reprimere. Ad hæc autem afferi Innocentium in Epistola ad Exuperium, Adrianum, & alia Concilia à Basilio allata, & mox subdit. In Hispania autem perpetuam hanc Sacre Communionis privationem multò post in Ecclesie usu fuisse ob leviora adhuc delicta ex Concilio Illerdensi constat. Episcopi (ait) Presbyteri, Diaconi relicta, si moriturum acceperit, in fine non communicet; & ad idem affert Concilium Toletanum, CæsarAugustanum, Sardicense, Colonense, Moguntinum, Vvornatiense, Suefsionense, CæsarAugustanum, Illerdense, & Toletanum; & eadem etiam affert, quæ de

de negata Indis Eucharistia affert Meloza, & addit. *Hodie autem antiquæ huius severitatis vestigium retinet gravissimus, & sanctus tuenda adversus hæreses religionis noster Senatus: relapsis in hæresim, etsi poenitentibus, in exitu denegat Communionem; absolutio- nem verò Sacramentalem, nec his, nec reliquis ob gravissima crimina negarunt unquam Hispani Episcopi: Eucharistia enim tantum Communionem ad retinendos homines in religione, & officio denegant, Communionis nomine Eucharistiam intelligentes, &c.*

Filescus verò hæc habet. *Vetus Ecclesia severior multò, ut quæ nonnullis, etiam in extremo illo viæ actû indulgentiam quidem concederet, at Sacrum Viaticum, seu Corpus Christi, omnis indulgentiæ, & misericordiæ pignus, denegaret. Concilium Eliberitanum c. 1. 2. 3. 6. & alijs, vetat Communionem Sacram dari Christianis quibusdam ob enormia quædam delicta. Concilium Sardicense cap. 2. Episcopo qui sedem per ambitionem mutaverit, Communio ei ante finem negatur. Non multis post annis de severitate illa plurimum remisit Ecclesia, ac de rigida illa observatione antiquæ Ecclesiæ sic differit Innocentius I. P. P. Epistola 3. ad Exuperium Tolosanum Episcopum cap. 2. ubi quod de uno profert; locum etiam in similibus habere certum est. Cum, inquit, illis temporibus crebra persecutiones essent, ne Communionis concessa facilitas, homines de reconciliatione securos non reuocaret à lapsu negata meritò Communio est, concessa poenitentia, ne totum penitus negaretur, & durior remissionem faceret temporis ratio, sed postquam Dominus Noster pacem Ecclesijs suis reddidit, iam*

depulso terrore, Communionem dari abeuntibus placuit, & propter Domini misericordiam, quasi Viaticum profecturis, ne Novatiani hæretici negantis veniam, asperitatem, & duritiem subsequi videamur. Hactenus Filescus.

Ex his ergo habetur, Concilium Illiberitanum, Communionis dictorum criminum reis in fine denegatæ nomine, non intellexisse absolutio- nem Sacramentalem, ut præfati recentiores Authores comminiscuntur, sed eo nomine intellexisse ipsam Eucharistiam, cuiusque perceptionem, periculum relinquunt.

Id autem ex eo etiam convinci ad- dimus, quod poena illa non concedendi ægrotis in fine viæ Communionem in eisdem Canonibus decernitur pro reis etiam non adeo gra- vium culpæ. Nam Can. 73. de Delatoribus dicitur (*Delator si quis exiierit fidelis, & per delationem eius aliquis fuerit proscriptus, vel interfectus, placuit cum nec in fine accipere Communionem*) Et Can. 11. idem statuitur de mulieribus quæ lenocinium fecerunt. Idem statuitur Can. 14. de falsis testibus. Hæc enim crimina, & si graua sint non tamen sunt grauis- sima. Putandum autem non est, quod in reos minorum criminum, ut pro lenocinio, aut delatione, propter quam aliquis tantum proscriptus fuisset, aut pro falsitate, poena grauisima, qualis fuisset priuatio Sacramentalis absolu- tionis in fine viæ Concilium statuere voluerit. Igitur Communionis in fine viæ denegatæ nomine intelligi non potest absolutio Sacramentalis.

Idem argumentum pro vera sen- tentia fieri potest ex his, quæ habentur

tur in aliquibus alijs Concilijs , vt etiam Basilius Pontius , obseruauit . Nam Canone primo Concilij Sardicenis celebrati sub Iulio Primo Papa de Episcopis , qui Ciuitatem mutauerint . Statuitur quod si Episcopi de maiori Ciuitate ad minorem transferint , cum appareat auaritie ardore eos inflammari , & ambitioni seruire , & vt dominationem agant , huiusmodi pernicies sauius , & austerius vindicetur , & ideo statuitur , vt nec laicam Communionem habeat , qui talis est . Et in Canone secundo de eisdem Episcopis additur . Etiam si talis aliquis extiterit temerarius , vt fortassis talem excusationem asserens assereret , quod à populis literas acceperit , cum manifestum sit potuisse plures premio , & mercede corrumpi eos , qui sinceram fidem non habent , vt clamarent in Ecclesia , & ipsum petere viderentur Episcopum : omnino has fraudes damandas esse : ita vt nec laicam in fine Communionem talis accipiat . Non potest autem putari , quod Concilium ob solum illum reatum , quod Episcopi Ciuitatem mutassent , etiam si ex auaritia , aut ex ambitione , id egissent , Sacramento Pœnitentiæ , & absolutione Sacramentali , eos in fine vitæ priuare voluerit , nam neque id crimen est de grauioribus . Iuxta opinionem autem recentiorum illorum Authorum , in quos scribimus hac poena mulctati fuissent prædicti Episcopi , si Communionis in fine denegatæ nomine , intelligenda esset absolutio Sacramentalis .

Animaduertendum est autem , quod in vtroque laudato Canone Concilij Sardicenis decernitur , vt Episcopi , qui Ciuitatem mutassent , nec laicam

Communionem in fine acciperent , vbi particula illa negatiua , Nec , implicatiua est cuiuscumque alterius Communionis , ita vt sensus sit , Episcopos illos nullam Communionem debere accipere nec etiam minimam , quæ erat laica .

Condistinguebatur autem Communio laica à Communionem clericali seu Ecclesiastica , sed harum nullam importasse absolutionem Sacramentalem affirmant Authores , qui de hac re scripserunt , Summorum Pontificum , & Conciliorum perpensis auctoritatibus . Nam Baronius , Pamelius , & Durantius , Communionem laicam fuisse dicunt , quæ more laicorum , extra Cancellos , & septa Altaris accipiebatur : aut quod Laici sub altera tantum specie communicarent . Hæc autem posterior opinio probatur etiam Bellarmino de Sacramento Eucharistiæ lib. 4. cap. 4. vbi ait . Communionem laicam fuisse , quæ sub sola specie panis Laicis concedebatur , & eadem dicebatur etiam peregrina in Concilio Agathensi Can. 2. & 3. ex eo fortasse , quod olim mitteretur Peregrinis aduentantibus in signum Communionis , & pacis . Vnde Communio Clericalis dicebatur , quæ sub vtraque specie concedebatur , & hæc solis Clericis , & Ecclesiasticis competeat . Communio autem laica , in poenam grauis alicuius delicti olim dabatur Clericis , inquit Bellarminus , ablata ab eis Communionem Clericali : Vnde Felix Papa III. in Epist. 1. c. 11. iubet ob delicta quædam Clericis non dari nisi in morte Communionem laicam , & Concilium Sardicense Can. 2. ne in morte quidem laicam Communionem

nem Episcopis, ob præfata delicta, dari vult,

Aduersus hanc expositionem pluræ obijcit Gabriel Albaspineus Episcopus Aurelianensis in suis obseruationibus Ecclesiasticis lib. 1. obseruat. 4. quæ tamen facile soluuntur ex his, quæ Bellarminus affert loc. cit. Ipse autem Albaspineus in fine eiusdem obseruationis, statuit Communionem laicam, nil aliud esse, quam ius communicandi cum cæteris fidelibus more laicorum, & laicum participem esse Societatis Christianorum, non vt Clericum. Subdit tamen, se non diffiteri, eum qui communicabat laicæ, accepisse Eucharistiam more laicorum aut extra septa Altaris, aut sub vna aut sub vtraq; specie, prout vsus Ecclesiæ obtinebat, cum enim Communio Eucharistiæ præcipua esset pars Societatis Christianorum, oportuit, eum, qui esset inter laicos, eam sumpsisse more Laicorum, quando esset laicus; Quoniam verò Communio præter Eucharistiam multa alia complectebatur, alserit eum, qui in Societate Ecclesiæ communicabat vt laicus, multis etiam alijs rebus præterquam Eucharistiæ communicasse.

Quidquid autem horum dicatur aduersatur asserentibus absolutionem Sacramentalem grauiorum criminum reis in extremo vitæ poenitentibus denegatam olim fuisse; nam in eo Authores præfati conueniunt, quod Communionis denegatæ nomine in Concilijs non intelligatur absolutio Sacramentalis, fuit ergo fundamentum asserentium, absolutionem Sacramentalem reis illis denegatam fuisse, eo quod Innocentius I. dicat Com-

munionem denegatam fuisse; cum, eum Innocentius, vt ipsi etiam Adversarij volunt alludat ad tempus Concilij Illiberitani, in quo aliquorum criminum reis in extremo vitæ dicitur denegata Communio, & apud Concilium Illiberitanum Communionis denegatæ nomine non intelligatur absolutio Sacramentalis, nec Innocentium, cum dicit reis illis denegatam fuisse Communionem in extremo vitæ, Communionis nomine absolutionem Sacramentalem intellexisse, euident est.

Sed peremptorium de hac re iudicium profertur à Concilio Tridentino antiquitatis arbitro, Veritatis Magistro, Traditionum certo Iudice, & iusto omnium Præceptore. En Concilij Tridentini pro hac re iudicium, & sententia, sessione quarta-decima de Poenitentia cap. 7. *Verumtamen pie admodum, ne hac ipsa occasione aliquis periat, in eadem Ecclesia Dei custoditum semper fuit, vt nulla sit reservatio in articulo mortis: atque ideo omnes Sacerdotes, quoslibet poenitentes à quibusvis peccatis, & censuris absoluerè possint.* Igitur Concilium Tridentinum semper in Ecclesia Dei custoditum fuisse dicit, vt nulli criminum, aut censurarum casus reservarentur in articulo mortis, ne peccator reservatæ absolutionis occasione pereat; sed quilibet Sacerdos (dummodò non sit ab Ecclesia præcusus, vt diximus quæstione præcedenti) potest quoslibet poenitentes à quibusvis peccatis, & censuris absoluerè; Igitur nec primis sæculis crimen aliquod fuit, à quo illius reus non absolueretur, ac proinde nullo vnquam tempore Ecclesiæ

veniam, & absolutionem vlli pœniti-
tenti denegavit, & consequenter nec
eam denegavit pœnitentibus in ar-
ticulo mortis, supponitur enim pec-
catores illos, qui veniam in extremo
vitæ postulassent, signa veri doloris,
ac sufficientis dispositionis ostendisse;
nam si hæc non ostendissent, eos fuisse
indispositos certum est, ac proinde
non debuisse absolui, sicut nec modò
absoluedi sunt, qui ad Sacramen-

tum Pœnitentiæ non dispositos se
ostendunt.

De hac re videri potest etiam
Ioannes Bagotius Societatis IESV,
Theologus in opere *De Pœnitentia*,
lib. 2. differt. 2. vbi per plura capita
ostendit, nunquam ab Ecclesia in
extremo vitæ pœnitentibus absolu-
tionem Sacramentalem denegatam
fuisse.

QVAESTIO TERTIA.

Vtrum absolutio Sacramentalis Confitentibus
ante, vel post peractam pœnitentiam Sacra-
mentalem impendi debeat; Quiduè
hac in re primis duodecim sæ-
culis in Ecclesia Dei serua-
tum fuerit.

Errores, & sententiæ.



ON peracta pœni-
tentia Confitentes
absolui non debere,
dixit Petrus de Os-
ma, vt habetur in
Constitutione Sixti

IV. *Licet ea*; Marcus Antonius de
Dominis Archiepiscopus Spalatenfis
in Opere, quod inscripsit, de Repu-
blica Ecclesiastica *par. 2. lib. 1. cap. 17.*
nullum Pœnitentiæ Sacramentum in
Ecclesia admittit, sed solum in ca-
dari dicit, pœnitentiæ publicæ iam

impositæ relaxationem, quam ait ad
Ecclesiæ clauis pertinere. Et *nu. 46.*
de pœnitentia, seu satisfactione, ait,
eam pœnitentiam fieri pro culpa peccati, &
& non pro sola pena; Satisfactionem
autem esse ipsammet externam Ecclesia-
sticam pœnitentiam, ad quam reducitur
peccator per Ecclesiam, dum per clauis
ligatur, & pœnitentiæ excommunicationi
subijcitur, vt satisfactio, inquit,
semper necessario præcedat absolutionem,
& fiat in gratiam absolutionis obtinenda,
sicut ligamen Ecclesiasticum præcedit
Ecclesiasticam solutionem. Et ad hoc
aliquos Sanctos Patres trahere co-
natur.

O 2 Et

Et num. 57. ubi plures blasphemias in Ecclesiam, eiusque Sacramenta euomit, ait, *Ecclesiasticam penitentiam apud Papam, eiusque Ministros transformari esse, ac deformatam. Eamque deformationem in his consistere. Primum, quod penitentiam faciamus Sacramentum. Secundum, quod penitentiam externam, praesertim, quoad confessionem auricularem omnino necessariam esse velimus, vel saltem in voto. Tertium, quod satisfactionem praeposere absolutioni postponamus. Quartum, quod absolutioni verbali nimiam tribuamus potestatem. Quintum demum, quod tollamus penitus, & aboleamus veram penitentiam, & consequenter remissionem peccatorum per claves iam amplius non habeamus. Et num. 80. ait, quod satisfactio penitentialis in Ecclesiastica penitentia externa procedere debeat semper absolutionem, seu reconciliationem, exceptis moribundis.*

At vero Catholici aliqui recentiores, etsi non negent, ad valorem Sacramenti minimè requiri, ut absolutio Sacramentalis Confitenti post peractam satisfactionem impendatur, asserunt tamen, summopere expedire, ut absolutio Sacramentalis non impendatur penitenti, nisi post peractam satisfactionem, ut nimirum per hoc penitens magis probetur, eiusque vera conuersio deprehendatur, simulque ad verum, & sincerum de peccatis dolorem eliciat, & sic ad gratiam in Sacramento Penitentiae per Sacramentalem absolutionem obtinendam rite disponatur, & inde ad Sacram Communionem, velut ad peccatorum remissionis consummationem, & cumulum.

Ita planè Antonius Arnaldus in libro de frequenti Communione par. 2. cap. 8. nam plurimis Pontificum, Conciliorum, ac Sanctorum Patrum auctoritatibus id hoc allatis, certò constare affirmat, quod in Ecclesia per duodecim saecula penitentiae ille decursus fuerit. Primum videlicet, Confessio peccatorum, penitentiaque postulatio: Deinde impositio penitentiae. Postea impositae penitentiae expletio: Ad extremum absolutio, adiunctaque illi Communion.

Concinit Aegydius Gabrielis in Opusculo, cui titulum dedit, Specimina moralia, nam ibi par. 2. Moralitioris §. 35. sic ait. *Sicut rectè colligitur modus nutritionis spiritualis per inspirationem, ad modum nutritionis corporalis, ita rectè colligitur mensura sanationis spiritualis, ex praxi sanationis corporalis. In hac autem sanatione, Prima aduocatur Medici, Secundo vulnus, aut morbus ei aperitur. Tertio remedium ab ipso ordinatum assumitur. Quarto non proditur in publicum, nec pristina functiones exercentur, nisi sanitate in integrum restituta, & habito desuper iudicio Medici; Similiter Sancti Patres ordinem in sanatione spirituali peccatorum praesertim grauiorum, aut inueteratorum regulariter obseruauerunt, & per certos Canones dictos penitenciales obseruari curauerunt, suis respectiue in locis, successiue per duodecim saecula, ut primò peccator accideret ad Sacerdotem, & eique vulnera sua, seu morbum peccati detegeret, ut remedium penitentiae, ab ipso peteret: Secundo ut Sacerdos peccatori penitentiam imponeret: Tertio, ut peccator penitens illam impleret: Quarto, ut Sacerdos peni-*

centem impleta pœnitentia absque relapsu absolueret, eique Corpus Christi præberet.

Alij etiam recentiores eandem praxim in antiqua Ecclesia fuisse volunt quoad peccata grauiora, vt nimirum absolutio à peccatis grauioribus post peractam pœnitentiam ferè semper data fuerit, vt refert Ioannes Morinus in laudato Commentatio historico lib. 9. cap. 1.

Ipse verò Morinus ibidem cap. 3. ait, ab incunabulis Ecclesia ad annum salutis circiter septingentesimum, Reis grauiusculorum criminum publicè pœnitentibus absolutionem lege ordinariæ concessam tantum fuisse post completam pœnitentiam secundum Canones imposuam.

Subdit, quod si sit tam ardens peccatoris conuersio, vt statim, & sine mora omnia peccata deleat, quam cum Ecclesia cognoscit, pœnitentia tempus pro ardoris vehementia contrahendum est.

Addit, quod cum primū caput in Ecclesia tempore separari absolutio à communione Ecclesiastica, absolute longo tempore, nonnunquam pluribus annis publicè data est ante finem, & stadium pœnitentiæ decursum.

Rursum ait, quod cum urgebat periculum mortis, aut reformidabatur salutis animæ perniciēs, veluti cum periculum erat, ne capitalium peccatorum Rei ad Hæreticos, aut etiam Gentiles transfugerent, absolutio statim post confessionem peccati, & vera resipiscentiæ demonstrationem, aut breui exacta pœnitentiæ concedebatur.

Quartò ait: Baptizati in Ecclesia, & postmodum ab ea deficientes, cum ab apostasia resipiscerent in Ecclesiam admissi fuisse per manus impositionem in pœnitentiā.

Christianus Lupus par. 3. dissert. 2. de Simonie crimine cap. 8. § 2. ait, quod olim omnes grauiorum peccatorum Rei impositam sibi à Presbyteris satisfactionem adimplere cogebantur ante reconciliationem, quæ omnibus simul per Parochos adductis impendebatur ab Episcopo in Quinta feria Dominicæ Cræu paucis sæculis, inquit, desijt ista consuetudo.

Et par. 5. in Can. 56. Quinti Concilij Romani pag. 241. ait, quod publicis criminibus absolutionem non nisi post peractam pœnitentiā dabat antiquitus Ecclesia.

Demum Natalis Alexander par. 1. sæculi tertij dissert. 9. conclus. 1. ait, quod grauiorum peccatorum Reis absolutio Sacramentalis post peractam dumtaxat pœnitentiā, & impletam satisfactionem primis Ecclesiæ sæculis ordinaria lege concedebatur; excipit tamen primò casum, quo urgebat mortis periculum, aut in discrimine versabatur pœnitentis salus, veluti cum periculum erat, ne capitalium criminum Rei ad Hæreticos, aut Gentiles transfugerent. Nam tunc, inquit, absolutio ante impletam omnino satisfactionem concedebatur. Secundò excipit casum, quo immineret persecutio, nam & in eo casu, absolutionem lapsis concessam fuisse dicit, vt subeundo martyrio idonei redderentur. Tertiò excipit lapsos, qui Martyrum libellis commendati fuerant, nam his, ait, concedebatur interdum absolutio, nullis pœnitentiæ toleratis laboribus. Quartò excipit lapsos, qui post scelus commissum, arduum aliquid, & eximium edebant, aut pariebantur pro Christi gloria, nam & his concessam fuisse

fuisse absolutionem dicit, postquam satisfactionem impleuissent. Quinto excipit casum, quo absque periculo Schismatis differri diu non poterat absolutio, tunc enim lapsis, inquit, concedebatur ante impletam satisfactionem, & penitentialis discipline seueritas erga ipsos relaxabatur. Sexto tandem excipit casum, quo ex reditu lapsum ingens aliquod bonum in Ecclesia redundabat, vt Schismatis extinctio, vel imminutio, aut multorum ad Ecclesiam reductio, tunc enim, ait, absolutionis statum illis concessum fuisse, & penitentia luctuosa labores condonatos.

In coigitur Morinus, Lupus, & Alexander conueniunt, vt asserta ab eis consuetudo non absoluendi Sacramentaliter poenitentes, nisi post peractam poenitentiam Sacramentalem seruata non fuerit generaliter, & indiscriminatim cum omnibus peccatoribus, sed solum cum peccatoribus, qui Rei fuissent grauiorum criminum.

Arnaldus verò sentire videtur, quod asserta illa praxis indifferenter, & generaliter, cum omnibus peccatoribus seruata fuerit, nullum enim peccatorem excipit, nec vllam distinctionem, aut limitationem apponit.

Item etiam sentire videtur Aegydius Gabrielis §. 35. nam ordinem illum seruatum regulariter fuisse dicit in sanatione spiritali peccatorum praesertim grauiorum, aut inueteratorum, ceteri §. 39. absolutè dicat, praeter illam seruam fuisse cum peccatoribus grauioribus, & inueteratis.

Pro veritatis resolutione, sit

ASSERTIO PRIMA.

Hæreticum est asserere, non peracta poenitentia, Confitentibus absolui non debere.

ITa Sixtus IV. in laudata Constit. In ea enim propositiones illas falsas, sanctæ Catholicae Fidei contrarias, erroneas, & scâdolosæ, vt à fidei veritate alienas, ac Sanctorum Patrum decretis, & Apostolicis Constitutionibus contrarias, & manifestam hæresim continere decernit, quas Petrus de Osma, & eius sequaces pertinaciter affirmabant, videlicet, confessionem peccatorum in specie, ex vniuersalis Ecclesiæ realiter statuto non Diuino iure compertum fore. Et peccata mortalia, quoad culpam, & poenam alterius sæculi, absque confessione, sola cordis contritione, prauas verò cogitationes, sola dispensentia deleri; & quod confessio secreta sit, necessariò non exigat. Et non peracta poenitentia Confitentes absolui non debere. Et Romanum Pontificem Purgatorij poenam non remittere, & super his, quæ vniuersalis Ecclesiæ statuit, dispensare non posse. Sacramentum quoque Poenitentiae, quantum ad collationem gratiae, naturæ, non autem institutionis noui, aut veteris testamenti existere. Ergò asserere non peracta poenitentia Confitentes absolui non debere, falsum est, & erroneum, immò Sanctæ Catholicae Fidei contrarium, & manifestam hæresim continens; has enim censuras in eas omnes propositiones Sixtus intorquet.

ASSERTIO SECVNDA.

Confitentibus etiam grauiorum criminum reis ritè dispositis, absolutio Sacramentalis ante peractam pœnitentiam, seu satisfactionē Sacramentalem impendi debet. Et pœnitentia Sacramentalis nonnisi post receptam Sacramentalem absolutionem à Confitentibus est peragenda.

ASSERTIO hæc est contra relatos Authores etiam Catholicos. Nam cum ipsi negent, absolutionem Sacramentalem Confitentibus etiam grauiorum criminum reis esse ante expletam Sacramentalem satisfactionem impendendam, id intelligunt de Confitentibus, etiam grauiorum criminum reis, qui sint ritè dispositi, qui videlicet verum, & sufficientem dolorem habeant de peccatis admisis, verumque propositum ab eis abstinendi, quique non maneant in occasione proxima peccandi, nec adeò recidiui sint, vt nulla sit spes de illorum emendatione. Nam si Sermo sit de Confitentibus indispositis, de quibus videlicet constat, eos verum dolorem, verumque propositum non habere, vel in occasione proxima peccandi manere, aut ita recidiui sunt, vt de illorum emendatione nulla sit spes, locum non habet quæstio

præfens, eiusmodi enim pœnitentibus, non est imponenda satisfactio Sacramentalis, nec absolutio Sacramentalis etiam post expletam pœnitentiam, imponenda, sed absolutio neganda est absolutio Sacramentalis, aut saltem differenda, quo vsque ritè dispositi sint, ita vt contrarium non appareat; Quæstio igitur est in præfenti de Confitentibus etiam grauiorum criminum reis, qui aliàs ritè sint dispositi; quique in occasione peccandi non maneant, de his enim, vt dictum est, præfati Authores loquuntur, & de his præfatos Authores loqui etiam ex eo patet, quod pœnitentiam Sacramentalem ab illis ante absolutionem Sacramentalem, explendam dicunt, non vt necessarium ad valorem Sacramenti, sed id esse expediens affirmant; censent ergò, absolutionem Sacramentalem eiusmodi pœnitentibus collatam, ante peractam pœnitentiam Sacramentalem fore validam, sed eam sic impendere non esse expediens; non potest autem absolutio esse valida, si pœnitens, non sit ritè dispositus; Loquuntur ergò de pœnitente aliàs ritè disposito, sed grauioris criminis reo.

Hoc posito, Probatur primò assertio nostra. Cum duo in re aliqua à parte rei, ponenda, cum inter se ordinem habent, vt vnum, constitutiuum essentialis, aliud verò partis merè integralis rationem habeant, eo pacto ponenda sunt, vt priùs ponatur id, quod constitutiuum essentialis, rationem habet, deindè verò ponatur, quod rationem habet partis merè integralis; Atqui absolutio Sacramentalis rationem habet constitutiuum essentialis.

Pœnitentia verò partis merè integralis, ergò cum à parte rei ponitur, seu confertur Sacramentum Pœnitentiæ, prius ponenda est absolutio Sacramentalis, postmodum verò ponenda est pœnitentia Sacramentalis; Consequens est optima; Maior patet, nam essentia rei præintelligitur, & præponitur his, quæ illam non ingrediuntur, nec constituunt, & hæc rei non adueniunt, nisi post constitutionem eius essentiam. Minor etiam constat; Nam absolutio Sacramentalis est forma Sacramenti Pœnitentiæ, ipsumque proinde in sua essentia constituit; Pœnitentia verò, seu satisfactio Sacramentalis non constituit Sacramentum, sed est illi extrinseca, eique additur, vt integrans totaliter Sacramentum, sicut manus additur homini iam in sua essentia constituto.

Confirmatur, & explicatur. Nam Christus Dominus ea ratione instituit Sacramentum Pœnitentiæ, vt eius essentiale constitutum, & formam essentialem voluerit esse ipsam absolutionem, quæ nil aliud supponat, nisi materiam, supra quam impendi debeat, cuiusmodi sunt peccata à pœnitente, Confessario exposita, vnde prius exponenda sunt peccata, quæ habent rationem materiæ, deinde imponenda satisfactio, & mox acceptata à pœnitente, satisfactio, conferenda est ei absolutio, & tandem satisfactio executioni mandanda; Ergò, qui pœnitentiam in Sacramento Pœnitentiæ impositam ante impensam Sacramentalem absolutionem executioni mandari vult, non ponit Sacramentum Pœni-

tentiæ ea ratione, quæ à Christo est institutum, sed ordine planè inuerso.

Confirmatur secundò. Nam satisfactio, seu pœnitentia ante absolutionem Sacramentalem posita, non habet rationem pœnitentiæ Sacramentalis, nam pœnitentia Sacramentalis habet rationem partis integralis Sacramenti Pœnitentiæ, quæ proinde supponat Sacramentum in sua essentia constitutum: Et ideo sicut implicat contradictionem, quod aliquid sit pars integralis, & non supponat constitutam essentiam rei, cuius est pars integralis, ita implicat contradictionem, quod satisfactio aliqua sit Sacramentalis, quæ non supponat Sacramentum in sua essentia constitutum, talis autem est satisfactio, seu pœnitentia ante absolutionem Sacramentalem peracta, vnde reuera pœnitentia, ante Sacramentalem absolutionem peracta, non est Sacramentalis, sed merè medicinalis, vt mox dicemus.

Nec dicatur, admissi criminis grauitatem exigere, vt pœnitentia Sacramentalis ante Sacramentalem absolutionem expleatur, idque etiam ad pœnitentis animum in bono proposito confirmandum expedire.

Nam pro nullo casu, & pro nullo motuius potestatem habet Sacerdos peruertendi ordinem, quem ex propria ratione, & ex institutione Christi exigunt partes Sacramenti Pœnitentiæ, vt videlicet pars, quæ est merè integralis præponatur ipsi Sacramento, ac proinde amittat rationem partis integralis, nec talis facultas est à Chri-

à Christo Domino Sacerdotibus concessa.

Nec ob prædicta motiua huiusmodi facultas concessa præsumi potest, cum absque hoc, quod partes Sacramenti peruertantur, & pœnitentia Sacramentalis anteuerat absolutionem Sacramentalem, sufficienter vindicetur grauitas admissi criminis per grauitatem pœnitentiæ, etiam post absolutionem explendæ; nam grauitas criminis præcisè non exposcit nisi grauitatem pœnitentiæ, quæ videlicet respondeat qualitati criminis admissi, eique sit proportionata; id autem habet pœnitentia, etiam si post absolutionem Sacramentalem expleatur; Quare ad punitionem criminis, nil prorsus facit, quod pœnitentia Sacramentalis iniuncta impleatur ante, vel post absolutionem Sacramentalem, benè tamen ad id facit, quod pœnitentia impleatur; cum æquè iuste grauitas criminis vindicetur per pœnitentiam etiam post absolutionem peractam.

Diximus autem, grauitatem criminis præcisè non exigere, vt pœnitentia Sacramentalis ante Sacramentalem absolutionem impleatur, nec ob id præsumi posse concessam fuisse Sacerdotibus facultatem iniungendi pœnitentiam Sacramentalem explendam ante absolutionem Sacramentalem; nam si aliàs, qui peccata confitentur, non sit ritè dispositus, vel quia non appareat, ipsum sufficienter dolere, aut firmum propositum habere, non ideo ei iniungenda est pœnitentia Sacramentalis ante absolutionem implenda, sed ei absolute absque pœnitentiæ Sacramentalis iniunctione,

neganda est absolutio, vel certè differenda, vt diximus supra; & huic malo satis etiam consulitur per iniunctionem pœnitentiæ merè medicinalis, non verò Sacramentalis, ante omnem absolutionem explendæ; vt si Confessarius ad verum dolorem, verumque propositum in peccatorem inducendum neget ei absolutionem Sacramentalem, eidemque præcipiat, vt priùs ieiunet per aliquot dies, & postea redeat; post quod tempus, si eum ritè dispositum inueniat, absolvere poterit, & ei Sacramentalem pœnitentiam iniungere: hoc modo, inquam, sufficienter consulitur malo illi, quod erat carentia doloris, & propositi requisiti: nec est neceesse ad occurrendum illi malo iniungere pœnitentiam Sacramentalem explendam à pœnitente ante absolutionem; & per eandem pœnitentiam merè medicinalem vindicari etiam potest grauitas criminis admissi, vt de se patet; Igitur nec ob grauitatem admissi criminis, nec ad inducendum, aut confirmandum propositum pœnitentis iniungenda est ei pœnitentia ante Sacramentalem absolutionem explenda.

Hinc Suarez tom. 4. in 3. par. sect. 7. num. 7. Reginaldus lib. 7. q. 3. Bonacina de Sacramento Pœnitentiæ disp. 5. q. 5. sect. 3. puncto 3. nu. 20. & alij, docent, quod si sermo sit de satisfactione, vt est peccati vindicta, Sacerdos non potest obligare pœnitentem ad implendam pœnitentiam priùs quam illum absoluat, quia nulum ius ad id habet, nec iustam causam, dato, quod pœnitens sit ritè dispositus, & satisfactionem impossi-

tam acceptet. At vero si propter curationem, & medicinam iudicent Confessarij expedire, vt aliquam pœnitentiam ante absolutionem præmittat, poterit id facere, & pœnitens tenebitur obedire, quia tunc potius agitur de condigna dispositione ad remissionem peccatorum, quam de satisfactione pro temporali pœna; vnde illud præceptum à Confessarij impositum non tam est noua impositio, quam declaratio alicuius obligationis, quam pœnitens de se habet, vt possit de illius dispositione, & proposito vitandi peccata moraliter constare. Hoc tamen posterius est extrinsecum de quo agimus, nam hic solum est questio. Vtrum Confessarius pœnitentibus etiam grauiorum criminum reis, ritè tamen dispositis possit pœnitentiam Sacramentalem ante Sacramentalem absolutionem explendam imponere, & vtrum id expediat. Bonacina *loc. cit.* eam etiam rationem affert, ad probandum, quod Confessarius non possit obligare pœnitentem ad pœnitentiam adimplendam ante absolutionem, quia nimirum si pœnitentia consideretur, vt est compensatio pro pœna temporali, huiusmodi compensatio exhibetur post remissionem peccatorum, cum satisfactio præstetur, vt tollatur reatus pœnæ temporalis; hic autem non tollitur, nondum deleta culpa, culpa verò tollitur per absolutionem. Quibus, & illud addi potest, quod cum satisfactio Sacramentalis sit compensatio quædam, saltem quoad aliquam partem pro pœna temporali à pœnitente in Purgatorio luenda, compensatio hæc cum sit temporalis

supponit pœnam æternam iam remissam, & in pœnam temporalem iam commutatam; id autem fit per absolutionem Sacramentalem; ergo satisfactio Sacramentalis cum impletur, debet necessariò supponere absolutionem; non ergo potest satisfactio Sacramentalis impleri ante absolutionem Sacramentalem, nec vt ante absolutionem Sacramentalem implenda pœnitentibus imponi. Cum igitur imponi non possit pœnitentia, seu satisfactio Sacramentalis ante absolutionem Sacramentalem implendam, inanis est recentiorum questio illa, Vtrum expediat pœnitentiam Sacramentalem ante absolutionem Sacramentalem impensam, explendam imponere, non enim dici potest expediens, quod fieri non potest, & ad quod faciendum, non datur facultas.

Vltcrius cum fieri nequeat, vt pœnitentia Sacramentalis impleatur ante absolutionem Sacramentalem, quia per hoc peruerteretur ordo partium Sacramenti à Christo Domino institutus, implicetque contradictionem, quod pœnitentia aliqua impleatur ante absolutionem, & sit pœnitentia Sacramentalis, seu pars integralis Sacramenti pœnitentiæ, vt iam dictum est, consequens est, vt nedum Sacerdos pœnitenti præcipere non possit, vt pœnitentiam Sacramentalem impleat ante absolutionem, sed quod nec possit ei id consulere, nec pœnitens possit id executioni mandare, si ei consulatur, nam nec Sacerdos potest præcipere, nec pœnitens potest exequi, quod destruit dispositionem partium Sacramenti Pœnitentiæ à Christi

Christo Domino institutam, neque id cadere potest sub consilio.

Præterea. Implicat contradictionem, ut dictum est, quod pœnitentia, seu satisfactio aliqua, ante absolutionem Sacramentalem peragatur, & sit pœnitentia, seu satisfactio Sacramentalis, cum de ratione pœnitentiae Sacramentalis sit, quod impleatur post absolutionem ex ratione allata, quia pœnitentia Sacramentalis, est pars integralis Sacramenti Pœnitentiae, ac proinde supponit Sacramentum iam quoad essentiam constitutum; Ergo posito, quod pœnitentia, seu satisfactio ante absolutionem impleatur, Sacramentum Pœnitentiae non esset omnino integrum, nam careret sua parte integrali à Christo Domino instituta, & volita, cum nulla alia pœnitentia post absolutionem imponeretur, ut supponitur; hoc autem est maximum absurdum.

At conveniamus iterum Authores, cum quibus agimus. Authores illi dicere nequeunt, quod Confessarius obligare possit pœnitentem ritè dispositum, etiam reum graviorum criminum, ut pœnitentiam impleat ante absolutionem, eique id præcipere; nam Confessarius non potest præcipere, nisi id, quod est necessarium ad valorem Sacramenti, seu quod est necessarium ad rectam Sacramenti dispositionem ex parte ipsius recipientis Sacramentum; horum autem nullum interuenit in casu præsentis; nam quæstio est de pœnitente ritè disposito, utrum videlicet pœnitenti ritè disposito necessaria sit impletio pœnitentiae ante absolutio-

nem, hanc autem certum est necessariam non esse ex parte ipsius Sacramenti, ut de se constat; sed nec necessaria est ex parte ipsius pœnitentis; quia pœnitens supponitur ritè dispositus; nam ut aliàs diximus, si pœnitens non sit ritè dispositus, ut ritè disponatur, non est necessarium, quod pœnitentiam Sacramentalem impleat ante absolutionem, sed benè disponi potest per aliam pœnitentiam non Sacramentalem, ergo ex nullo capite necessaria est impletio pœnitentiae ante absolutionem Sacramentalem; hæcque Authores cum quibus agimus, necesse est fateri, ni velint in errorem Petri de Osma, & Marci Antonij Spalatensis incidere. Relinquitur ergo, quod Authores illi velint expediens esse, quod pœnitentia Sacramentalis ante Sacramentalem absolutionem impleatur; sed neque id admitti potest, tum quia dici nequit expediens, quod est contra rationem Pœnitentiae Sacramentalis, ut dictum est, tum quia idè Authores illi dicunt, expediens esse, ut pœnitentia Sacramentalis impleatur ante absolutionem Sacramentalem, quia hac ratione pœnitens melius disponitur, magisque probatur; at hæc melior dispositio, maiorque pœnitentis probatio, æquè benè fieri potest per æpletionem pœnitentiae non Sacramentalis, & merè medicinalis ante absolutionem peractæ; Ergo propter hoc non cogimur dicere, expediens esse, quod pœnitentia Sacramentalis præmittatur absolutioni Sacramentali, & multò minus cogimur dicere hoc esse necessarium.

Ideò Franciscus Suarez tom. 4: in 3. p. S. Thomæ post relatum errorem Petri de Osma dicentis absolutionem non esse dandam, nisi post satisfactionem impletam, sic subdit; Sed dicere hoc esse necessarium, est error contra consuetudinem Ecclesia Latina; Vnde etiam falsum est dicere, esse commodius, vel utilius: nam relictus ordo postulat, ut prius remittatur culpa, deinde fiat satisfactio pro temporali pena, tum quia hæc pena non est propriè debita, donec sit remissa culpa: Tum etiam quia satisfactio facta in statu peccati mortalis non valet ad remissionem pænæ.

Eadem habet etiam Ferdinandus de Castropalao, & ipse Theologus Societatis Iesu de Sacramento Pœnitentiæ tract. 23. §. 4. num. 15. sic enim ait, Sed quid si Confessarius velit, ut pœnitentia executioni mandetur ante absolutionem concessam, obligatusne erit pœnitens obtemperare? Respondeo, ex potestate, quam habet Sacerdos imponendi pœnitentiam, nequaquam obligari posse: quia nequit Sacerdos vindicare delictum, antequam illius sententiam pronunciet, neque parti integralis Sacramenti esse potest, antequam Sacramentum in suo esse essentiali sit constitutum, prius enim in essentia constiti Sacramentum debet, ut integritati illi adueniat. Verum si opus iniunctum non per modum pœnitentiæ precipiatur, sed quia aliàs pœnitens ad illius executionem obligatur, uti est occasio peccandi dimittere, restitutionis ablatores prestare, & similia potestatem habet Sacerdos ea imperandi pœnitentiæ ante absolutionem, maxime si iuramentum habet, concessa absolutione, non

fore exequenda. Quin immò si de contritione pœnitentis satis Confessario non constet, & ad hoc iudicium concipiendum reputes necessarium, vel conueniens, ut pœnitens aliquod opus penale ante absolutionem exerceat; poterit sine dubio illud precipere, & pœnitens, si vult absolui, tenetur obedire: quia non precipitur in pœnitentiam, & satisfactionem peccati; sed in testimonium doloris interni, qui necessario debet à Confessario cognosci. Hæc Palaus, cum Suariorum, Reginaldo, Bonacina, & Fagundez, quos ibi allegat, & nos supra allegauimus.

Ex discrimine, quod versatur inter pœnitentiam peractam ante absolutionem sacramentalem, & pœnitentiam peractam post absolutionem sacramentalem, ostenditur, pœnitentiam sacramentalem, post absolutionem sacramentalem peragendam esse,

Supponimus, ut supra diximus, quæstionem esse de pœnitente rite disposito, quique in se nullum habeat impedimentum ad recipiendam absolutionem sacramentalem. Hoc posito. Obseruandum est discrimen, quod versatur inter pœnitentiam peractam ante absolutionem sacramentalem, & pœnitentiam peractam post absolutionem sacramentalem; Et est illud, quod pœnitent-

nitentia ante absolutionem Sacramentalem peracta, non sit Deo satisfactoria, nec etiam per eam confertur effectus aliquis ex his, ad quos conferendos pœnitentia Sacramentalis à Christo Domino est instituta, cuiusmodi est remissio saltem in partem pœnæ temporalis in Purgatorio luendæ, & augmentum gratiæ, posita sententia, quæ docet, per satisfactionem augmentum gratiæ causari, & auxilia ad præcauenda in posterum peccata conferri. Id autem probatur, quia pœnitentia peracta ante absolutionem Sacramentalem, est peracta à peccatore constituto extra statum gratiæ, & amicitie Diuinæ, & absolute manente in statu peccati, & nondum recepto ad amicitiam Dei. Quamuis enim peccator ille dispositus sit, & verum dolorem de admissis peccatis habeat, verumque propositum ab eis abstinendi, immò & aliquali amore erga Deum feratur, & pœnitentia in eo statu ab eo peracta non sit omninò mortua, ut contendebat Baius, qui, ut habetur in propositione sexagesima inter damnatas, commentitiam, & scripturis minimè congruentem dicebat esse distinctionem duplicis viuificationis, alterius, qua viuificatur peccator, dum ei pœnitentia, & vitæ nouæ propositum, & inchoatio per Dei gratiam inspiratur. Alterius, qua viuificatur, qui verè iustificatur, & palmes in vite Christi efficitur. Attamen opus illud non procedit ab homine in statu amici Dei constituto, & in gratiam recepto, & ut ait S. Thomas 3. par. q. 89. art. 6. opus illud est mortuum priuatiuè, quia ca-

ret vita spiritali, quæ est ex charitate, per quam anima Deo coniungitur, ex quo uiuit, sicut corpus per animam, quo modo etiam fides, quæ est sine charitate, dicitur mortua, secundum illud Iacob. 21. *Fides sine operibus mortua est*, & in eodem sensu, omnia opera, quæ sunt bona ex genere suo, si sine charitate fiant, dicuntur mortua, quatenus non procedunt à principio vitæ. Opera autem, quæ procedunt ab homine extra statum gratiæ constituto, & nondum charitatem habente, non sunt satisfactoria Deo, quia non sunt Deo accepta, ea acceptance, quæ requiritur ad rationem operis satisfactorij, ad hoc enim requiritur, quod sit opus procedens ab amico, & in statu gratiæ constituto, id autem non habetur, nisi per gratiam, & charitatem.

Huius autem ratio est illa, quam affert S. Thomas in 4. sentent. dist. 15. quasi. 1. art. 2. quod scilicet homo Deo pro commisso peccato satisfacit, non quia Deo reddat æquiualens secundum quantitatem ei, quod per peccatum Deo abstulit; nam non possumus Deo reddere, quantum fuit iniuria ipsi per peccatum illata; cum peccato offendamus bonitatem infinitam, ac proinde peccatum habeat infinitatem ex Diuinæ Maiestatis offensæ magnitudine; sed dicitur homo Deo satisfacere, quatenus homo Deo reddit quod potest, quia amicitia non exigit æquiualens, sed quod possibile est. Et hoc etiam est æquale aliqualiter, scilicet secundum proportionabilitatem, quia sicut se habet hoc, quod est Deo debitum ad ipsum Deum,

Deum, ita hoc, quod ipse potest reddere, ad ipsum Deum.

Hanc tamen satisfactionem Deo præstare non potest homo sine gratia, & sine charitate; nam à gratia opus illud habet, quod sit Deo satisfactorium, & acceptum. ut enim ait idem S. Thomas in eodem articulo ad secundum; sicut offensa habuit quamdam infinitatem Diuinæ Maiestatis offensæ, ita etiam satisfactio accipit quamdam infinitatem ex infinitate Diuinæ Misericordiæ, prout est gratia informata; per quam acceptum redditur, quod homo reddere potest; ut ergo homo Deo satisfaciatur, requiritur gratia, & charitas, quæ opus ipsius Deo reddant acceptum: Cum ergo peccator ante absolutionem Sacramentalem gratia careat, & charitate, non potest Deo satisfacere pro culpa.

Sed nec potest in eo statu Deo satisfacere pro pœna temporali peccato debita. Nam opera pœnalia huius vitæ non sunt comparabilia cum pœnis Purgatorij: Nam pœnæ Purgatorij incomparabiliter excedunt pœnas huius vitæ, adeo ut nec dolores Passionis Christi comparari possint, cum doloribus animæ separatæ, ut ait S. Thomas 3. par. quasi. 46. art. 7. Eatenus ergo potest homo per opera pœnalia huius vitæ satisfacere pro pœna temporali ob peccata in Purgatorio debita, quatenus Deo offert, quod potest, & Deo acceptum est; ut autem opus pœnale Deo pro peccato oblatum, ipsi Deo sit acceptum, requiritur, quod sit opus exhibitum ab amico; nam opus ab inimico, vel à non amico exhibitum, non est ac-

ceptum Deo. Quod autem hominem Deo amicum constituit, est gratia, & charitas. Igitur ad satisfaciendum pro pœna temporali ob peccatum in Purgatorio luenda, gratia requiritur, & charitas; cum autem his careat peccator ante absolutionem Sacramentalem, non potest tunc Deo pro pœna temporali peccato debita satisfacere.

Hinc Siluester in Summa, verbo (Satisfactio) §. septimo ait, quod si penitenti imponatur à Sacerdote aliquid, puta ieiunium, penitens obligatur Deo, ac etiam Sacerdoti, vel Ecclesie ad illud soluendum solutione Sacramentali: quod quidem si soluit, in charitate satisfacit Ecclesie, & Deo, pro pana, ut decem, quantum ad totum, si æquivalens fuit impositum; aut quantum ad dimidium, vel aliam partem, si impositum, non est æquivalens: si verò soluit extra charitatem, satisfacit quidem Sacerdoti, qui non ligauit eum ad complendum in charitate, sed non Deo, qui non acceptat, quod non exhibetur cum charitate, unde remanet obligatus Deo, ut prius, quia scilicet, tenetur de nouo satisfacere, sed non per ieiunium, sed per illud, vel per orationem, vel patiendo pœnam temporalem, vel Purgatorium. Vnde quod Sacerdos iniunxit non tenetur in specie reiterare, sed solum facere æquivalens, puta elemosynam, vel etiam pati, puta flagella Dei hic, vel aliam pœnam in Purgatorio. Hæc Siluester, subdens, hanc esse veritatem, & mentem pene omnium Doctorum.

Reccatur igitur Deo verè non satisfacit per penitentiam extra statum gratiæ peractam, qualis est penitentia peracta ante absolutionem Sacramen-

mentalem, & ob eandem rationem per pœnitentiam illam nulla portio remittitur pœnæ temporalis in Purgatorio luendæ: cui etiam obstat, quod supra diximus, videlicet non remitti pœnam ante remissionem culpæ, nec pœnam temporalem remitti ante permutationem pœnæ æternæ peccato mortali debitæ in temporalem. Quæ omnia per absolutionem Sacramentalem præstantur; sed nec ullus gratiæ gradus, aut ullum gratiæ augmentum, per pœnitentiam extra statum gratiæ peractam, cuiusmodi est pœnitentia peracta anteq̃ absolutionem Sacramentalem, causatur; supposita sententia, quæ docet per satisfactionem gratiæ augmentum conferri; nam augmentum gratiæ, supponit ipsam gratiam, non enim augetur, nisi quod iam existit, igitur pœnitentia non potest augere gratiam, seu gratiæ augmentum præstare, nisi supponatur ipsa gratia collata; gratia autem confertur pœnitenti per absolutionem, ergo pœnitentia ante absolutionem peracta nullum gratiæ gradum, aut augmentum confert.

Hæc autem, quæ diximus de incapacitate ad satisfaciendum in pœnitentia ante absolutionem Sacramentalem peractam, adeo certa sunt, ut pœnitentia ante absolutionem Sacramentalem peracta, nec ipsa adueniente absolutione reuiuifcat, & rationem satisfactionis inducat. Ratio est quam tradit S. Thomas 3. par. quæst. 89. art. 5. & 6. Quod opera mortificata per peccatum, per pœnitentiam subsequentem reuiuifcant, secus verò opera mortua, etiam si sint mortua

tantum priuatiuè, quæ scilicet etsi de genere suo bona sint, non sunt facta in charitate, ac proinde carent vita spirituali; quæ est ex charitate, per quam anima Deo coniungitur, ex quo viuit, sicut corpus per animam; quia opera meritoria per peccatum mortificata, etsi non remaneant in se ipsis, remanent tamen in acceptatione Diuina, quia fuerunt opera bona, in charitate peracta, Deoque proinde accepta, atque ab eo acceptata, & sic remanent quantum est de se inquit S. Thomas etiam postquam per peccatum mortificata fuerunt; quia semper Deus illa opera, prout facta fuerunt acceptabit, & Sancti de eis gaudebunt secundum illud Apocal. 3. *Tene quod habes, ne alius accipiat coronam tuam.* Sed quod isti, qui ea fecit, non sint efficacia ad ducendum eum in vitam æternam; prouenit ex impedimento peccati superuenientis, per quod ipse redditus est indignus vita æterna. Hoc autem impedimentum tollitur per pœnitentiam, in quantum per eam remittuntur peccata, & ideo opera prius mortificata, per pœnitentiam recuperant efficaciam perducendi eum, qui fecit ea in vitam æternam, quod est reuiuifcere. At verò opera, quæ extra charitatem peracta fuerunt, quia carent vita spirituali, quæ per charitatem habetur, mortua sunt, etiam apud Deum. Vnde non remanent nec in se ipsis, nec in acceptatione Diuina, quia non fuerunt Deo accepta, & ideo non reuiuifcunt in ratione operis meritorij, & ex eadem ratione, pœnitentia in charitate peracta si mortificata fuerint per peccatum, per pœnitentiam, & charita-

tem subsequenter reuiuiscunt, quia Deo in ratione operis satisfactorij accepta iam fuerunt, & ab eo, vt opus satisfactorium acceptata. At poenitentia extra charitatem perfecta, etsi aliàs bona ex genere suo, quia tamen mortua fuit, quia caruit vita spiritali, quæ per charitatem habetur, non fuit Deo accepta, nec à Deo acceptata, vt vera, & condigna satisfactio, & ideo non remanet in acceptatione Diuina, & cum aliàs nec remaneat in se ipsa, nec rursus possit iterum à principio procedere (quia transiuit) & iterum eadem numero resumere non potest, sicut reuiuiscere non potest in ratione operis meritorij, ita nec reuiuiscere potest in ratione operis satisfactorij.

Eadem docet S. Thomas in 4. sent. dist. 15. quest. 1. art. 3. quasiunc. 2. Ibi enim ait, quod satisfactio præcedens non incipit homini valere, postquam charitatem habuerit, quia opera extra charitatem facta, ideo non erant satisfactoria, quia fuerunt mortua, sed per poenitentiam non viuificantur, ergo nec incipiunt esse satisfactoria. Et præterea, quia charitas non informat actum, nisi qui ab ipso aliquantulum procedit, sed opera non possunt esse Deo accepta, ac per hoc nec satisfactoria, nisi sint charitate informata. Ergo cum opera facta extra charitatem nullo modo ex charitate processerint, vel de cætero procedere possint, nullo modo poterunt in satisfactionem computari; & rursus sicut charitas adueniens, non potest opera extra charitatem facta grata facere, quantum ad meritum, ita nec quantum ad satisfactionem.

Obijcies. Sicut efficacia satisfac-

tionis impeditur per peccatum, ita efficacia Baptismi impeditur per fictionem, sed Baptismus incipit valere recedente fictione, ergo & satisfactio recedente peccato.

Hoc argumentum obijcit sibi secundo loco S. Thomas loc. cit. ex 4. sent. & ad illud sic respondet. *Ad secundum dicendum, quod Baptismus imprimit characterem in anima, non autem satisfactio, & ideo adueniens charitas, quæ fictionem tollit, & peccatum, facit, quod Baptismus effectum suum habeat, non autem hoc facit de satisfactione; & præterea Baptismus ex ipso opere operato iustificat, quod non est hominis, sed Dei, & ideo non eodem modo mortificatur, sicut satisfactio, quæ est opus hominis.*

Nec obstat, quod ibidem ad 3. ait S. Thomas, nempe quod satisfactiones, ex quibus manet aliquis effectus in satisfaciendis, etiam postquam actus satisfactionis transijt in peccatis factæ non oportet, quod iterentur; nam sensus S. Doctoris non est, quod huiusmodi satisfactiones viuificentur, & suum effectum adueniente gratia sortiantur, iam enim hoc antea efficaciter excluderat, cum dixit, opera extra charitatem facta mortua esse, ac proinde per poenitentiam, & charitatem aduenientem non viuificari, cum iam transierint, & non permaneant amplius; sed sensus S. Doctoris est, quod effectus ex tali actu relictus, vt debilitas corporis ex ieiunio relictæ, & substantiæ diminutio ex largitione elemosynæ consequuta, Deo accepti sint per poenitentiam; hoc est, si per nouum actum interiorum tales effectus Deo offerantur, & ideo tales actus relinquentes effectum

Actum in satisfaciēte non esse iterandos, nam licet actus illi, utpote in peccato facti non sint, nec possint in se ipsis esse Deo accepti, nec per aduenientem charitatem viuificari, quia fuerant actus mortui, & amplius non existant, sunt tamen Deo accepti, quantum ad effectus, quos in satisfaciēte relinquunt; quod est idem, ac dicere, quod non actus illi Deo sint accepti, sed Deo accepti sint effectus ex talibus actibus relictis, si per nouū pœnitentiæ actum Deo offerantur. De actibus verò in peccato mortali peractis, qui nullum post se effectum relinquunt in satisfaciēte, oportet, quod iterentur, inquit, S. Thomas, & tales sunt orationes, & alia huiusmodi, & actus interior, quia totaliter transijt, nullo modo viuificatur, sed oportet, quod iteretur.

Hoc igitur, quod ait S. Thomas, satisfaciōnes relinquentes effectum in satisfaciētibz non esse iterandas, non aliter intelligendum est, nisi in quantum homo rursus nouo voluntatis actu acceptat, Deoque offert illum effectum, & in eo complacet; & idedum quis existens in peccato voluit, aut iussit dari eleemosynam, si postea eo redacto in gratiam sequatur exterior actus, vel effectus, absque noua voluntatis deliberatione, illud non denominabitur satisfactorius, sicut nec meritorius, quia non informatur actu interno satisfactorio, & meritorio. Et e conuerso si quis existens in gratia velit, aut iubeat dari eleemosynam, & postea eo labente sequatur actus, & effectus exterior, neque tunc denominabitur satisfactorius, sicut nec meritorius ob incapaci-

citatem talis status, in quo ponitur,

Hoc ipsum clarius expressit Sanctus Thomas in sententiarijs ad Cardinalem Annibaldum in 4. dist. 13. quæst. unica ad 4. Ibi enim ait, quod sunt quedam opera, ex quibus aliqui effectus manent, quasi quedam opera operata, sicut diminutio substantiæ ex reueruatione pauperum, vel eleemosynis manet, & hæc in quantum manent, possunt per approbationem eius, qui ad gratiam redit satisfactoria fieri, non ratione operis operantis precedentis, sed sequentis, ideo hæc non oportet iterari. Quedam vero sunt, in quibus non manet aliquid huiusmodi, & ideo sunt totaliter iteranda. Hæc S. Thomas.

Rationes allatæ, nedum probant non posse pœnitentiā peractā ante absolutionem per superuenientem absolutionem viuificari in ratione operis satisfactorij, nec posse post absolutionem effectum aliquem habere ex opere operantis, sed etiam probant pœnitentiā peractā ante absolutionem non habere post absolutionem effectum aliquem ex opere operato; ex his, quæ, ut diximus, pœnitentiā habet causare, si in statu gratiæ perficiatur, quales sunt augmentum gratiæ, iuxta sententiā docentem, satisfaciōnem Sacramentalem augere gratiam, nouumque gradum gratiæ conferre, & remissio aliqua certa, quoad gradum pœnæ temporalis relictæ ex ipso peccato condonato, præter illam, quæ fit ex opere operantis, quæ est maior, vel minor in entitate, & gradu iuxta maiorem, vel minorem feruorem, & dispositionem operantis, quia satisfactio Sacramentalis est pars in-

tegtalis Sacramenti ex peculiari intentione instituta à Christo Domino ad remissionem pœnæ temporalis, ac proindè ex peculiari intentione Christi in remittenda pœna debet habere suum effectum ex opere operato. Idque etiam ex eo confirmatur; quia totum hoc Sacramentum, quoad partes suas essentielles, & integrales institutum fuit à Christo Domino ad remissionem culpæ mortalis, & pœnæ temporalis ex remissione huius culpæ relictæ; hæc autem pars non ordinatur ad remissionem culpæ; igitur ordinatur ad remissionem pœnæ, ac proindè quoad remissionem huius pœnæ debet habere suum effectum ex opere operato; nam hæc pars hunc maximè effectum significat; nam satisfactio nil aliud est, quam quædam portio, seu commutatio, aut compensatio pœnæ temporalis alterius vitæ in satisfactionem, seu pœnitentiam impositam à Confessario; ergò specialiter significat remissionem illius pœnæ; igitur illam efficit ex opere operato, cum id efficiant Sacramenta nouæ legis, quod significant.

Ad hos igitur effectus, uti dicebam, ex opere operato producendos pœnitentia extra statum gratiæ peracta per aduenientem gratiam non viuificatur, idque ex ratione iam allata; quia id quod non remanet, neq; in se ipso, neque in acceptione Diuina, non viuificatur ad effectus, neque ex opere operantis, neque ad effectus ex opere operato producendos; quia, quod nullo modo est, nullum effectum nec etiam ex opere operato potest producere; pœnitentia autem illa

nullo modo est, nam non est neque in se ipsa, quia transiuit, neque est in acceptione Diuina. Ergo quamuis absolutio postmodum adueniat, nullum effectum, neque ex opere operantis, neque ex opere operato potest producere, cum sit opus mortuum, quod in se viuificari nequit, ac proindè nullum vnquam effectum producere,

Obijcies. Confessio cum fictione, seu absque contritione, aut proposito peracta recedente fictione confert suum effectum, ergò etiam satisfactio. Antecedens est Sancti Thomæ in 4. sent. dist. 17. quæst. 3. art. 4. quæstiunc. 1. Consequentia verò probatur, quia non videtur maior ratio, quod confessio recedente fictione habeat suum effectum, non verò satisfactio.

Respondetur, quod satisfactio, & contritio necessariò requirunt charitatem, & idèd si absque charitate fiant sunt opera mortua, quæ proindè nunquam reuiuiscunt, & idèd nec recedente fictione suum habent effectum; At confessio, ut vera sit, & valida non requirit charitatem, & idèd recedente fictione suum habet effectum, absque eo, quod iteretur à Confidente, ita S. Thomas quæstiunc. cit. ad 2. nam cum in ea quæstiuncula doceat, quod non est de necessitate confessionis, secundum quod est pars Sacramenti, quod sit charitate formata, quia confessio, ut est pars Sacramenti ordinat confidentem ad Sacerdotem, qui habet clauēs Ecclesiæ, qui per confessionem conscientiam confidentis cognoscit, & secundum hoc confessio potest esse etiam in eo, qui non est contritus, quia potest pecca-

ta sua pandere Sacerdoti, & clauibus Ecclesiz se subijcere: Et quamuis tunc non percipiat absolutionis fructum, tamen recedente fictione percipere incipiet: Sicut etiam in alijs Sacramentis est; vnde non tenetur reiterare confessionem, qui fictus accedit, sed tenetur postmodum fictionem suam confiteri: Cum contra hæc obijciat idem S. Doctor argumentum illud, quod Confessio diuiditur contra contritionem, & satisfactionem, sed contritio, & satisfactio nunquam possunt extra charitatem fieri, ergo nec confessio. Respondet hoc pacto. *Ad secundum dicendum, quod contritio, & satisfactio fiunt Deo, sed confessio fit homini: & ideo de ratione Contritionis, & satisfactionis est, quod homo sit Deo per charitatem unitus, non autem de ratione confessionis.*

Ex his autem patet solutio ad obiectionem factam, nam ideo Contritio, & satisfactio, nec recedente fictione, seu peccato, effectum producunt, quia tam contritio, quam satisfactio exigunt, vt fiant in charitate, nam ordinant hominem ad Deum, & satisfactio fit Deo; Vnde si extra charitatem fiant sunt opera mortua, etsi alijs bona; opera verò mortua nunquam reuiuiscunt, vt dictum est supra, & ideo contritio, & satisfactio nec recedente fictione suum habent effectum; At verò Confessio, quia secundum quod est pars Sacramenti ordinat Confitentem ad Sacerdotem, & fit homini, ideo non exigit, quod fiat in charitate, vnde erit vera confessio, si vera peccata pandat, etiam si cum fictione fiat; & ideo, vt sit vera confessio non exigit, quod fiat in

charitate, ac proinde non est iteranda, sed solum fictio aperienda, & hac ratione dicitur, quod recedente fictione confessio suum habet effectum, non verò satisfactio.

Obijcies Can. *Querat hic aliquis de Pœnitentia dist. 9. §. Illud autem, vbi sic habetur: Quod autem in fine obijciatur (si satisfactio illa fuit, veniam impetrauit: si autem non impetrauit, satisfactio non fuit, adhuc sibi pena imponenda est) non procedit argumentatio, satisfactio namque est, dum ipsius peccati causa exciditur, & eius suggestio- nibus aditus non indulgetur: sed eius fructus non percipitur impeditur peccato, quod non deseruit; percipitur autem, cum eius pœnitentia fuerit subsequuta; sicut ad lauacrum fide accedens, regenerationis Sacramentum accipit, non tamen in Christo renascitur: renascetur autem virtute Sacramenti, quod percepit, cum fide illa de corde eius recesserit veraci pœnitentia.*

Respondetur allata verba esse Gratiani, ac proinde non cogere ad tenendum id, quod ibi dicitur; Ex dictis verò à nobis falsi conuincitur dictum Gratiani, sicut & disparem rationem esse de Baptismo cum fictione recepto, ac de satisfactione in statu peccati, seu extra statum gratiæ percepta. Glossa etiam huic assertioni Gratiani contradicit, vt ibi potest videri: Mirum est autem, Recentiores ea verba pro eorum sententia afferre ex laudato Canone, non aduertendo, illa esse verba Gratiani; non Canonis.

At verò pro intelligentia mentis S. Thomæ, obseruandum est, quod cum loco cit. ait, dari posse confessionem informem, quæ recedente fictione

ne suum habeat effectum, fere omnes Authores, etiam Thomistæ, putant, Sanctum Doctorem ibi docere, quod dari possit Sacramentum pœnitentiæ validum, sed informe, quod recedente fictione suum habeat effectum. Cum tamen Sanctus Doctor ibi non velit, dari posse Sacramentum Pœnitentiæ informe, quod recedente fictione suum causet effectum, accipiendo Sacramentum pœnitentiæ pro omnibus illis, quæ constituunt Sacramentum Pœnitentiæ, prout videlicet includit etiam ipsam absolutionem sacramentalem, quasi etiam ipsa sacramentalis absolutio pœnitenti cum fictione accedenti collata, valida sit, licet informis; non est hæc, inquam, Sancti Thomæ mens; sed eius mens illa est, quod loquendo de Sacramento Pœnitentiæ, prout præcisè importat partem illam, quæ est confessio, dari potest Sacramentum validum, quoad confessionem, sed informe, quia confessio facta sit cum fictione, quod tamen recedente fictione suum habeat effectum; vnde in ea questione non querit S. Thomas absolutè, *Utrum Sacramentum Pœnitentiæ possit esse informe*, sed querit, *utrum confessio possit esse informis*, & in corpore articuli, & in solutionibus argumentorum loquitur præcisè de confessione; Igitur de confessione loquendo, ait S. Thomas, dari posse confessionem informem, validam, quæ recedente fictione suum habeat effectum, ut si contingat, aliquem cum fictione, hoc est absque contritione peccata sua Sacerdoti confiteri, & ab eo absolutionem recipere, ut confessio illa suum habeat

effectum non requiritur, ut iteretur, sed sat est, ut conteans fictionem confiteatur, eidem videlicet Sacerdoti, cui confessus est; Loquitur enim S. Thomas de confessione in ordine ad eundem Sacerdotem, cui iam facta sit confessio, nam loquitur de Sacerdote, qui per confessionem conscientiam confitentis cognoscit, & ut observant Paludanus, & Capreolus, in 4. d. 17. *quest. 2.* refert se S. Thomas ad ea quæ communiter, & de iure communi accidunt, quod homo confiteatur Curato suo; & huic Sacerdoti, inquit, non est necessarium iterum peccata confiteri, si confitens cum fictione confessus est, sed sat est eidem fictionem manifestare, nam peccata iam cognovit per confessionem. Nec enim dicere potuit Sanctus Thomas, ut qui cum fictione confessus est uni Sacerdoti, possit absque iteratione confessionis præteritæ ab alio Sacerdote absolui, per hoc præcisè, quod solam fictionem confiteatur, dicendo se aliqua peccata alij Sacerdoti confessum fuisse cum fictione, absque contritione, non exponendo ipsa peccata; Id enim fieri nequit, ut de se patet; Loquitur ergò S. Thomas de vno, eodemque Sacerdote, cui facta sit confessio peccatorum cum fictione, & absolutio etiam ab eo sit recepta. Et sic verum est, quod ait Sanctus Thomas, confessionem esse posse informem, quæ recedente fictione suum habeat effectum. Nam cum confessio, ut ait S. Thomas fiat homini, & ordinet confitentem ad Sacerdotem, qui habet claves Ecclesiæ, qui per confessionem conscientiam Confitentis cognoscit, non exigitur

gitur, quod fiat in charitate, ut sit vera, & valida, sed fat est, quod per eam Sacerdoti peccata confitentis innoscant, ut tamen suum habeat effectum requiritur amorio fisionis. & gratia per novam absolutionem collata, nam confessio non potest gratiam causare, nisi remoueat obex, & confessio iuncta sit cum absolutione, nullum enim Sacramentum, nec aliqua eius pars, gratiam confert, nisi sit perfectum, & in suo esse constitutum.

Hanc esse mentem S. Thomæ evidens est, tum quia S. Doctor non loquitur de Sacramento Pœnitentiæ, quoad omnes suas partes, sed præcisè, ut importat confessionem, unde loquitur tantum de confessione, ut est distincta pars à contritione, & satisfactione, de quibus suis locis speciales quæstiones excitat. Tum quia Sanctus Thomas non potest intelligere Sacramentum Pœnitentiæ perfectum, completum dari posse informe, & validum ex defectu doloris, aut propositi, cum certum sit iuxta eundem Sanctum Doctorem contritionem necessariam esse ad validitatem Sacramenti, & contritionem esse partem essentialem Sacramenti Pœnitentiæ, quod proinde consistere nequeat absque contritione. Tum quia Sanctus Thomas *in 4. sent. dist. 15. q. 1. art. 3. quæstiunc. 2. ad 2.* idè concedit, quod Baptismus recedente fisione, & adueniente charitate suum habeat effectum, quia Baptismus remanet quoad aliquid sui in Baptizato etiam cum fisione, scilicet quoad characterem, & idè Baptismus recedente fisione suum sortitur effectum,

ac proindè Sacramentum illud, cuius nihil relinquitur postquam completum est, cuiusmodi est Sacramentum Pœnitentiæ non potest recedente fisione suum effectum habere. Quod autem dicunt Paludanus, & Capreolus *in 4. sentent. & Syluester in summa verb. Confessio num. 26.* per confessionem, & Sacramentum Pœnitentiæ, etiam informe, relinqui in pœnitente ornatum, & dispositionem quamdam, ratione cuius recedente fisione Sacramentum pœnitentiæ possit causare gratiam; absque vilo fundamento asseritur, & eadem facilitate, qua dicitur, rejicitur.

Est ergò certum apud S. Thomam non dari posse Sacramentum Pœnitentiæ validum, sed informe, quod recedente fisione suum habeat effectum, solumque id affirmat de confessione Sacramentali in sensu explicato, & cum *loc. cit.* ait, confitentem cum fisione peccata sua recedente fisione percipere absolutionis fructum, sicut etiam in alijs Sacramentis; sensus est, quod sicut dantur aliqua Sacramenta, quæ recedente fisione gratiam conferunt, uti Baptismus, & Confirmatio, ita & Sacramentum Pœnitentiæ, prout importat confessionem Sacramentalem, recedente fisione confert gratiam.

Obijcies iterum contra principalem assertionem, Confessio, & attritio sunt Deo acceptæ, & tamen non eliciuntur à pœnitente in statu gratiæ, quia antecedunt gratiæ collationem, ergò & satisfactio potest esse Deo accepta, etiam si non fiat in statu gratiæ.

Respondetur, negando consequentiam

tiā, nam confessio necessariò exigit, vt præcedat absolutionem, non enim regulariter reus absoluitur, nisi priùs confiteatur crimen; Contritio verò est dispositio ad gratiam, vnde & ipsa debet gratiam præcedere, cum sit causa dispositiua gratiæ, causa enim præcedit effectum, at satisfactio ex propria ratione debet præstari in statu gratiæ, satisfactio enim debet esse accepta Deo, cui fit satisfactio, non potest autem satisfactio esse Deo accepta, nisi sit ab amico, & consequenter nisi sit ab eo, qui constitutus est in statu gratiæ, vt dictum est suprā. Est autem animaduertendum, quod confessio, & contritio, dupliciter possunt considerari; Vno modo secundum se; Alio modo secundum quod simul cum forma constituunt vnum totum, quod est Sacramentum Pœnitentiæ. Iuxtà priorem considerationem, illi actus tantum se habent dispositiue ad gratiam, & ad remissionem peccatorum; Iuxtà posteriorem ad illos effectus se habent effectiue, sicut totum Sacramentum effectiue valet ad proprium suum effectum. Nec obstat, quod virtus remissiua peccati sit principaliter sita in verbis formæ, quæ Sacerdos profert, nam sic est in verbis formæ sita, vt ab illis deriuetur, & communicetur actibus pœnitentis, quatenus ex ipsis simul cum forma vnum Sacramentum constituitur, idque efficax remissionis, & gratiæ, quam significant, Actus ergò pœnitentis, scilicet Contritio, Confessio, & satisfactio sunt causa gratiæ, & remissionis peccati, confessio quidem, & contritio dispositiue, & effectiue, satisfac-

tio verò solum effectiue, quatenus coniungitur formæ, à qua licet, & alij actus, eleuantur, & idè effectus remissionis peccati non attribuuntur pœnitenti, tanquam causæ efficienti, sed Sacerdoti, qui formam pronunciat, hoc est Sacerdoti legitimo Ministro. Idè S. Thomas 3. p. q. 86. art. 6. ait, quod remissio culpæ est effectus pœnitentiæ, principaliter quidem ex virtute clauium, quas habent Ministri, & quorum potestate accipitur, id quod est formale in hoc Sacramento. Secundariò autem ex vi actuum pœnitentiæ pertinentium ad virtutem Pœnitentiæ, tamen prout hi actus aliquo modo ordiantur ad clauus Ecclesiæ.

DVBIVM INCIDENTS.

Quenam Sacramenta iuxtà sententiam S. Thomæ informia esse possint, & valida, quæ recedente fictione suam habeant effectum.

ASSERTIO VNICA.

Iuxtà sententiam S. Thomæ tria tantum Sacramenta informia esse possunt, & valida, quæ recedente fictione suam habent effectum, & sunt Baptismus, Confirmatio, & Ordo.

Probatur. Nam vbi S. Thomas docet, Baptismum re-

cedente fictione suum effectum habere, huius eam rationem affert, quod Baptismus imprimit characterem, qui cum relinquatur etiam in accedente fide ad Baptismum, tanquam forma ipsius Baptismi, recedente fictione Baptismus per characterem relictum, suum operatur effectum. Igitur idem dicendum de Confirmatione, & Ordine, nam & hæc Sacramenta imprimunt characterem. Ratio autem est, quia Sacramenta hæc characterem imprimunt, licet cum fictione recipiantur, permanent in subiecto ratione characteris, quem indelebilitate impressum relinquunt, quique quodam modo est ipsum Sacramentum, nam character, est res, & Sacramentum simul, & ideo cum Sacramenta ista quoad characterem per fictionem non sint remota, possunt recedente fictione suum effectum habere. Alia verò Sacramenta, quæ characterem non imprimunt, cum per fidem receptionem totaliter esse desinant, ac proinde nullatenus existant, non possunt recedente fictione suum effectum habere, quod enim non est, non potest causare.

Sic docet S. Thomas 3. *par. quæst.* 70. *art.* 10. nam ibi, ait, quod cum aliquid generatur simul cum forma, recipit effectum formæ, nisi sit aliquid impediens, quo remoto forma rei generata perficit suum effectum, sicut simul cum corpus grave generatur, movetur deorsum, nisi sit aliquid prohibens, quo remoto statim incipit moveri deorsum: Et similiter, quando aliquis baptizatur accipit characterem, quasi formam, & consequitur proprium effectum, qui est gratia

remittens omnia peccata. Impeditur autem quandoque per fictionem. Unde oportet, quod remota ea per penitentiam Baptismus statim consequatur suum effectum.

Et in 4. *sentent. dist.* 4. *q.* 3. *art.* 2. *quæstione.* 3. sic ait, In Baptismo imprimitur character, qui est immediata causa dispositionis ad gratiam, & ideo cum fictio non auferat characterem, recedente fictione, quæ effectum characteris impediens, character, qui est præsens in anima, incipit habere effectum suum, & ita Baptismus recedente fictione effectum suum consequitur.

Et ibidem ad 3. ait, quod in Eucharistia non imprimitur character, cuius virtute possit aliquis virtutem Sacramenti percipere, fictione recedente, & ideo non est simile de Eucharistia, in qua recedente fictione, Eucharistia effectum non percipit, qui prius fictus accesserat.

Ratio igitur, ob quam S. Doctor ait, quod Baptismus recedente fictione gratiam confert, ea est, quod Baptismus imprimit characterem, qui cum non tollatur per fictionem, hæc remota Baptismus per characterem habet suum effectum; Ratio autem hæc, & ea quam 3. *par.* adducit, communis est Baptismo, Confirmationi, & Ordini, in illis enim imprimitur character, quasi forma quædam. Omnis autem forma consequitur effectum impedimento remoto. De reliquis verò Sacramentis, id non possumus asserere, cum nullum id asserendi fundamentum habeamus, neque ex scripturis, neque ex Patribus, aut traditionibus, nec etiam ratio sufficiens

ficiens suffragetur. Quare de solis Sacramentis, quæ characterem imprimunt id concedendum videtur, quod esse possint informia, & valida, & quod recedente fictione gratiam conferant, hancque sententiam ex Scholasticis non pauci sultinent, Maior. in 4. sent. dist. 4. q. 4. Paludanus quest. 5. Gabr. dist. 17. quest. 1. art. 3. Syluester, verbo *Baptismus* 4. q. 17. & non videtur dissentire S. Bonaventura, & Richardus, dum dist. 4. ad finem 1. partis, negat ille, Eucharistiam, iste Pœnitentiam, consequi effectum recedente fictione, ex eo quod hæc Sacramenta non imprimant aliquam indelebilem dispositionem ad gratiam, & consequenter sint iocrabilia.

Idem docet Albertus Magnus in 4. d. 4. art. 4. & ad quartum ait, quod Baptismus manet in ficto per mansionem characteris, qui vocatur propriè Sacramentum, & idè non habens obstaculum operatur gratiam eo modo, quo ipsum est causa, scilicet disponens, & Deus tunc efficit gratiam in isto, vnde hæc est falsa, quod Baptismus transijt, quia mansit, vt est character. Eadem habet dist. 17. art. 6. in solutione septimi argumenti. Ergò solum Sacramenta, quæ imprimunt characterem informia esse possunt, & valida, quæ tamen recedente fictione suum producant effectum medio characterē; hinc S. Thomas dist. 23. quest. 2. art. 3. questiu. 2. ait, quod quædam Sacramenta sunt, in quibus ex administratione Sacramenti, semper consequitur aliquis effectus in suscipiente, nec impeditur propter indispositionem sus-

scipientis, sicut est in omnibus Sacramentis, quæ imprimunt characterem.

Nec dicatur, reliqua Sacramenta relinquere ornatum, aut dispositionem in voluntate, quæ etiam cum fictione remaneat, ratione cuius fictione remota possit habere suum effectum; nam id sine vilo fundamento asseri, diximus supra; & certum est, Sanctum Thomam huiusmodi ornatum, aut dispositionis nullibi meminisse, alias non negasset, Eucharistiam recedente fictione, gratiam conferre, cum tamen id neget, vt constat ex loco cit. Et idè negit, Eucharistiam recedente fictione gratiam conferre, quia Eucharistia non imprimit characterem, cuius virtute possit aliquis virtutem Sacramenti percipere fictione recedente; Ergò nihil agnoscit in Eucharistia, cuius virtute possit aliquis virtutem Sacramenti percipere fictione recedente.

Nec etiam obijciatur, quod Sanctus Thomas loc. supra cit. asserat, confessionem remota fictione suum effectum habere, sicut etiam in alijs Sacramentis. Nam cum Sanctus Doctor ait (sicut in alijs Sacramentis) non est sensus, quod reliqua omnia Sacramenta gratiam conferre habeant recedente fictione, cum hoc expressè neget de Eucharistia, vt modò dictum est; sed sensus est, quod dentur etiam alia Sacramenta, quæ recedente fictione gratiam conferant, & hæc sunt, Baptismus, Confirmatio, & Ordo, & hoc ipsum non admittit de Sacramento Pœnitentiæ, vt dicit totum ipsum Sacramentum, sed solum de Confessione, quæ cum permancat in

in memoria Confessoris, si semel valida sit, ut supponitur, recedente fictione suum habet effectum: Ipsum tamen Sacramentum Pœnitentiæ, prout importat etiam absolutionem sacramentalem, cum nihil relinquat in pœnitente, nec ipsum recedente fictione suum habet effectum.

Cum igitur S. Thomas eo referat, quod Baptismus recedente fictione gratiam conferat, quia post collatum Baptismum relinquatur character, cum in Sacramento Pœnitentiæ nulliter collato nihil relinquatur in pœnitente, evidens est, iuxta sententiam S. Thomæ, non dari Sacramentum Pœnitentiæ validum, & informe, quod recedente fictione habeat effectum; Idque Sanctum Doctorem sentire ex eo etiam constat, quod ipse perpetuò doceat, Contritionem esse de essentia Sacramenti Pœnitentiæ, ut in 4. sent. dist. 17. q. 3. art. 2. quæsiunc. 2. ad 1. & dist. 23. q. 2. art. 4. quæsiunc. 2. Cum autem iuxta ipsum contritio sit pars essentialis Sacramenti, & aliàs certum sit, nihil posse consistere absq; parte sua essentiali, evidens est, & iuxta S. Thomam, consistere non posse Pœnitentiæ Sacramentum absque contritione. Et quidem hæc videtur vera sententia, & conformis Concilij Florentino, & Tridentino; nam ab his assignatur veluti pars Sacramenti essentialis, Contritio, ita nimirum, ut si ipsa desit, Sacramentum non subsistat, si autem adsit, & aliundè non sit defectus, subsistat.

Et rursus eadem Concilia ita assignant materiam, & formam Sacramenti Pœnitentiæ, ut nulla alia, quæ à Contritione, & Satisfactione sit di-

uersa possit assignari. Satis autem conuenit, quod satisfactio non sit pars essentialis, relinquatur ergò, ut Contritio, quæ non minus necessaria est, quàm Confessio, sit cum Confessione pars essentialis; quam ob causam ista Concilia semper assignant Contritionem pro materia, & quidem primo loco, neque vnquam (illa prætermissa) assignant aliquem actum pœnitentis, qui non sit veri nominis Contritio, licet imperfecta. Hoc ipsum ex eo etiam constat, quod Contritio est necessaria, ut si Confidenti nulla adsit contritio, ipse non sit verè, & coram Deo absolutus, etiamsi Confessarius super ipsum verba absolutionis proferret, uti declarat Concilium Tridentinum *Sess. 14. cap. 6.* Ergò dicenda est pars essentialis. Idèò Tannerus *tom. 4. disp. 6. q. 1. dub. 2.* Ex tribus illis partibus materialibus, quæ sunt, Contritio, Confessio, & Satisfactio, ait, quod Contritio, & Confessio spectant non tantum ad integritatem, sed etiam ad essentiam ipsius Sacramenti, quod tamen de satisfactione, quæ tantum est pars integralis eiusdem, dici nequit. Additque ex Soto, & Valentia hanc sententiam esse communem, & Gaspar Hurtado *disp. 4. de Pœnitentia diff. 1. & disp. 6. difficult. 1.* expressis verbis ait, Contritionem esse partem essentialem, & requisitam ad essentiam Sacramenti Pœnitentiæ. Et eodem modo loquuntur Sanctus Antoninus *par. 3. tit. 14. cap. 19.* Suarez *tom. 4. in 3. par. disp. 20. sect. 3. num. 5.* & 8. Vasquez *quæst. 92. art. 2.* Henriquez *lib. 4. cap. 10. & lib. 5. cap. 3.* Meratius *disp. 20. de Pœnitentia sect. 1.*

Ioannes Putcanus 3. par. q. 86. art. 1. dub. 3. & Cardinalis de Lugo de Sacramento Pœnitentiæ disp. 24. sect. 1. qui pariter dicit hanc sententiam esse veram, & communem Theologorum.

Cum autem S. Thomas 3. p. q. 90. art. 3. ait, quod Contritio, Confessio, & satisfactio sint partes integrales Sacramenti Pœnitentiæ, non negat, quod Contritio, & Confessio sint partes essentielles, nam & partes essentielles, dici possunt partes etiam integrales, quamvis non omnes partes integrales sint essentielles. Vnde idem S. Thomas art. cit. in argumento, sed contra, ait, partes integrales dici, ex quibus perfectio totius integratur, & quia ex tribus prædictis perfectio ipsius Pœnitentiæ integratur, idè prædicta esse partes integrales Pœnitentiæ; Id autem, quod est integrare, perfectionem alicuius, competit etiam partibus essentialibus. Sicut & partibus essentialibus competit, quod S. Doctor in corpore articuli ait, quod de ratione partis integralis exigitur, ut totum non adsit singulis partibus, neque secundum totam virtutem eius, neque secundum totam eius essentiam, sed omnibus simul, Hoc enim partibus etiam essentialibus competit.

Alij etiam distinguunt partes integrales in principales, & secundarias, seu minus principales: Contritionem autem, & Confessionem dicunt esse partes principales Sacramenti Pœnitentiæ, satisfactionem verò minus principalem, ac propterea sine satisfactione verum esse posse Sacramentum reconciliationis, sed imperfectum; Absque Contritione

verò, & confessione, seu aliquo suppleto locum Confessionis, Sacramentum non posse consistere.

Ea etiam ratio suffragatur; Nam si pœnitens defectum suum aduertit, vel hunc confitetur, vel non, si primum, absolui non debet quamdiu talis est, quia Sacerdos non potest absolvere eum, quem scit indispositum, & si teneat, nihil agit: si posterius Confessio non est integra, cum hoc ipso mortaliter peccet; Si verò defectum non aduertit, talis inaduerterentia non facit, eum habere materiam Sacramenti necessariam, & idè cum ea desit, Sacramentum non subsistit. Quare sententia vera est, dari non posse Sacramentum Pœnitentiæ validum, & informe, præsertim ex defectu Contritionis, & ita sentiunt Adrianus 4. de Confessione, Maior. in 4. dist. 17. q. 9. Gabr. quest. 1. Ioannes Medina tract. 2. q. 20. de Confessione, Vasquez tom. 4. in 3. p. q. 92. art. 2. nu. 13. Layman. tract. 6. cap. 9. de Sacramento Pœnitentiæ, Fagundez de 2. præcepto lib. 1. cap. 2. n. 2. & cap. 4. num. 13. lib. 2. cap. 7. cum multis alijs ab eo citatis, Gammacius cap. 21. de Pœnit. Gonet tom. 15. disp. 10. art. 1. §. 2. dicto 2. & alijs.

Efficax aliud ex dictis argumentum pro vera sententia in Assertionibus principalis quaestionis proposita.

AD principalem quaestionem redeundo. Ex his, quæ hæcenus dicta sunt, efficax conficitur argu-

argumentum, quo conuincatur non expedire, quod Confitentibus pœnitentia iniungatur ante absolutionem Sacramentalem explenda. Nam non expedit pœnitentiam iniungere, per quam pœnitens Deo non satisfaciatur, & per quam nec remittatur pœna, nec augeatur gratia: Atqui huiusmodi est pœnitentia ante absolutionem Sacramentalem explenda, ergo non expedit, Confitentibus pœnitentiam iniungere explendam ante Sacramentalem absolutionem. Consequentia est optima, Maior de se patet, & minor constat ex dictis.

E contra verò expedit pœnitentiam confitentibus iniungere, per quam ipsi Deo satisficiant, & per quam augeatur gratia, & eis conferantur auxilia ad præcauenda in posterum peccata; Atqui huiusmodi est pœnitentia post absolutionem Sacramentalem explenda, ergo expedit pœnitentiam Confitentibus iniungere post Sacramentalem absolutionem explendam, hæc etiam consequentia est optima, maior de se patet, & minor constat ex dictis.

Nec apparet bonum aliquod per pœnitentiam expletam ante absolutionem Sacramentalem pœnitentibus collatum, per quod tot bonorum iactura compensetur. Nec aliquid rationabile motuum affertur, quo expediens fiat, vt pœnitentia Sacramentalis ante absolutionem Sacramentalem explenda pœnitentibus iniungatur. Nam si pœnitens non sit dispositus, quia verum dolorem, aut propositum non habeat, iam diximus non idè Confitentibus iniungendam esse pœnitentiam Sacramen-

talem ante absolutionem Sacramentalem, explendam; sed iniungendam esse pœnitentiam non Sacramentalem, & merè medicinalem, per quam pœnitens disponatur. Quin eo casu differenda est, immò absolute neganda, nedum absolutio Sacramentalis, sed etiam Sacramentalis pœnitentia; cum hæc sit pars Sacramenti; Confitenti enim indisposito nihil de Sacramento conferendum est; & posito, quod ei posset Sacramentalis pœnitentia ante absolutionem Sacramentalem, iniungi, illum disponderet, non quia pœnitentia illa Sacramentalis esset, sed quia pœnitentia; Nihil ergo facit ad disponendum pœnitentem, quod pœnitentia iniuncta sit Sacramentalis, bene tamen facit, quod sit pœnitentia, seu opus pœnale; potest ergo Confitens sufficienter disponi per pœnitentiam non Sacramentalem; immò necessarium est, quod pœnitentia illa, quæ indisposito iniungitur, sit non Sacramentalis ex ratione adducta.

ASSERTIO TERTIA.

Falsum est, quod primis duodecim sæculis, ea praxis in Ecclesia Dei seruata fuerit, vt pœnitentibus etiam grauiorum criminum reis, non nisi post peractam pœnitentiam Sacramentalem, absolutio Sacramentalis impenderetur. Nec vl-

lum afferri potest documentum, in quo asserta illa praxis contineatur.

PRobatur primò, ex Catechismo Romano par. 2. cap. 5. num. 64. Ibi enim sic habetur. *Antiquissimo Ecclesie usu receptum est, ut cum pœnitentes à peccatis solvantur, pœna aliqua eis irrogetur, cuius pœne solutio, satisfactio vocari consuevit.*

En Catechismus, nulla prorsus distinctione, aut limitatione grauiorum, aut leuiorum criminum apposita, generaliter affirmat, ex antiquissimo Ecclesie usu, in administratione Sacramenti Pœnitentiæ, pœnitentiam Confitentibus irrogatâ fuisse cum absolutione, igitur pœnitentiæ adimpletio non præcedebat absolutionem, sed absolutio ad impletionem præcedebat.

Sed & eodem cap. 5. num. 68. nil aliud à grauib, & publicis peccatoribus ad absolutionem prærequisitum dicit, nisi quod publicam pœnitentiam suscipere, hoc est acceptarent, seu reciperent. *Sapientissimè, inquit, illud ab Ecclesia seruatum est, ut cum ab aliquo publicè flagitium commissum esset, publica etiam pœnitentia ei indiceretur, ut ceteri timore terrii, deinceps peccata diligentius vitarent, quod etiam in oculis criminibus, quæ grauiora essent, interdum fieri solitum erat, sed in publicis, ut diximus, hoc perpetuum fuit, ut qui ea commiserant, antequam publicam pœnitentiam suscepissent, non absoluerentur.*

Non dicit Catechismus, quod

antequam publicam pœnitentiam impleuissent, aut peregissent, non absoluerentur, sed dicit, quod antequam publicam pœnitentiam suscepissent non absoluerentur. Suscipere autem pœnitentiam, nil aliud est, quàm pœnitentiam iniunctam recipere, seu acceptare. Idque ex eo etiam patet, quod Catechismus in posterioribus verbis refert se ad priora, inquit, *in publicis, ut diximus, hoc perpetuum fuit, ut qui ea commiserant, antequam publicam pœnitentiam suscepissent, non absoluerentur*, in prioribus autem verbis solum dixerat, *In Ecclesia seruatum fuisse, ut cum ab aliquo flagitium commissum esset, publica etiam pœnitentia ei indiceretur*, indicare enim pœnitentiam, suspensionem, seu acceptationem pœnitentiæ in pœnitente inuoluit, licet postea sequatur etiam exequutio; Ergò cum Catechismus ad pœnitentiæ indictionem se referat, quam ante absolutionem præmissam fuisse dicit, ante absolutionem solam pœnitentiæ indictionem, & suspensionem, seu acceptationem fuisse affirmat.

Sed & eos recentiores insigniùs hallucinari compertum est, qui praxim illam antiquitus in Ecclesia viguisse affirmant, ut generaliter quorumcumque criminum reis, nonnisi post peractam pœnitentiam absolutio Sacramentalis impenderetur; Nam huiusmodi praxim minimè in Ecclesia seruata fuisse asserit ipse Morinus, qui aliàs eam quoad grauiorum criminum reos extitisse contendit.

Nam lib. 9. de administratione Pœnitentiæ cap. 14. num. 8. ita scribit. *Crimina omnia, & peccata, quæ illis sacculis*

culis (septem primis) non expiabantur per pœnitentiam publicam statim, aut pauld post editam Sacerdoti confessionem, remittebantur, pauculis exceptis, quæ cum publica erant, Communionis Eucharistiæ priuatione nonnunquam à Canonibus castigabantur. . . . cum autem crimina illa, & peccata frequentissima fuerint, ideo in confessionibus, multo frequentius coniungebatur absolutio confessioni, quam ab ea seiungebatur.

Et lib. 1. cap. 31. num. 2. sic habet (Peccata mortalia minus graua, eodem planè modo antiquitus Ecclesiæ curabat, quo nunc vniuersa ferè mortalia curare solet. . . : quo ab annis 400. ad hunc vsque diem omnia ferè mortalia peccata legimus ex Doëtorum Scholasticorum præceptis, & Ecclesiæ accurate præxi curata fuisse)

Et lib. 9. cap. 1. num. 13. Post diligenter, inquit, huius rei consultationem, & innumerorum antiquitatis testimoniorum, & exemplorum varijs sæculis editorum inter se collatorum. . . . deprehendimus, plerisque peccatorum grauium, mortemque aternam inferentium generibus, absolutionem, eo more, qui nunc, & ab aliquot sæculis obseruatur ab ipsis Ecclesiæ incunabulis concessam esse, in ijs verò, quibus absolutio post altam pœnitentiam lege ordinaria differebatur, multis variisque modis exceptam fuisse.

Sed & in Orientalibus Ecclesijs absolutionem post pœnitentiæ impositionem generaliter quorumcumque criminum reis impenfam fuisse idem Morinus affirmat lib. 9. cap. 14. nu. 9. his verbis. In Orientalibus Ecclesijs ab annis mille ducentis absolutio à pec-

catis statim post pœnitentiæ impositionem; aut etiam peccatorum confessionem dari consuevit.

Verùm & in Ecclesia Occidentali eam consuetudinem ab initio fuisse, vt absolutio Sacramentalis pœnitenti, sua peccata ritè confitenti verèque dolenti, post peccatorum confessionem, & ante iniunctæ pœnitentiæ executionem impenderetur, ex mox dicendis amplius constabit.

Nam ex parte Authorum, eum quibus agimus, nullum assignatur, aut assignari potest solidum argumentum, quo praxim illam in Ecclesia olim fuisse conuincatur, vt rei criminum etiam grauiorum, nonnisi post peractam pœnitentiam Sacramentalem, Sacramentaliter absoluerentur: Ex alia verò parte argumenta habemus conuincencia, eam praxim, nec fuisse, nec esse potuisse in Ecclesia, ergò de facto praxim illam in Ecclesia non fuisse dicendum est; Consequentia est optima. Et antecedens probatur; nam in auctoritatibus Sacrorum Conciliorum, aut Sanctorum Patrum, quæ ab Authoribus illis afferuntur, non habetur, quod absolutio Sacramentalis, iniunctæ pœnitentiæ executionem non præcesserit; nec etiam in eis habetur, quod absolutio, quæ post expletam pœnitentiam, criminum reis concessa dicitur fuerit Sacramentalis, immò plura infra proferemus argumenta, quæ conuincunt absolutionem illam non fuisse Sacramentalem, nec pro foro interno, sed fuisse merè canonicam, & pro foro externo. Ergò ex parte Authorum illorum, nullum argumentum adducitur, quo con-

vincatur, praxim illam in Ecclesia fuisse, ut nonnisi post peractam pœnitentiam Sacramentalem criminum reis absolutio Sacramentalis impenderet. Ex alia verò parte, argumenta occurrunt conuincencia praxim illam nec fuisse, nec esse potuisse in Ecclesia.

Primum argumentum est, quod pœnitentiæ, quæ in Canonibus pœnitentialibus habentur, ad multos annos protrahantur, & multis annis exsoluendæ erant, nam pro peccato mortali regulariter septem annorum pœnitentia iniungebatur, pro grauioribus verò criminibus, iuxta eorum grauitatem longior imponebatur pœnitentia; Vnde *Can. 9.* habetur, quod *qui contra naturam peccasset, si Clericus fuisset deberet depōni, vel Religioni tradi, si corrigibilis apparuisset, ad perpetuam pœnitentiam peragendam.* At quis dicat, Ecclesiam piam fidelium Matrem, Fideles suos pœnitentes, tot annorum spatio Sacramentaliter inabsolutos, Deoque irreconciliatos voluisse, illorumque salutem æternæ damnationis periculo expositam, cum eis mors etiam repentina obuēire potuisset?

Nec dicatur, eos in statu illo pœnitentiæ conteri potuisse. Nam cum contritionis actum perfectum difficile sit haberi adhuc æternæ damnationis periculo expositi fuissent Fideles, si tot annorum decursu absque Pœnitentiæ Sacramento ad Contritionis perdifficilem actum remissi fuissent, & cum nullum rationabile obstaculum intercederet, quo minus Ecclesia huiusmodi Reis consentientibus, & pœnitentibus absolutionem Sacra-

mentalem ante iniunctæ pœnitentiæ executionem concederet, nam supponitur illos debita dispositione non caruisse, absolutionem illis ante iniunctæ pœnitentiæ executionem concessam fuisse, dicendum est.

Sed & cum Christus Dominus in peccatorum reconciliationem Sacramentum Pœnitentiæ, uti facile, ac promptum remedium ad gratiam obtinendam instituerit, in quo verè attritus cum proposito amplius non peccandi, & cum spe veniæ gratiam obtineat, non est putandum, quod Ecclesia tot annis hoc medio ad salutem hominum à Christo instituto fideles destitutos voluerit.

Quàm porro noxia fuisset, & periculosa, asserita illa ad tot annos absolutionis Sacramentalis dilatio, & ad actum Contritionis remissio, apparet ex his, quæ habentur in Romano Catechismo *par. 2. cap. 3.* In eo enim sic habetur: *Ut concedamus, contritione peccata deleri, quis ignorat, illam admodò vehementem, acrem, incensam esse oportere, ut doloris acerbitas, cum scelerum magnitudine æquari, conferrique possit? At quoniam pauci admodum ad hunc gradum perueniunt, fiebat etiam, ut à paucissimis hac via peccatorum venia speranda esset. Quare necesse fuit, ut clementissimus Dominus faciliiori ratione communi hominum saluti consulere; quod quidem admirabili consilio effecit, cum claves Regni Cælestis Ecclesie tradidit: Etenim ex fidei Catholice doctrina, omnibus credendum, & constanter affirmandum est, si quis ita animo affectus sit, ut peccata admissa doleat, simulque in posterum non peccare constituat, & si eiusmodi dolore non afficiatur, qui ad*

ad impetrandam veniam satis esse possit: Ei tamen, cum peccata Sacerdoti ritè confessus fuerit, vi clauium scelera omnia remitti, ac condonari: Ut merito à Sanctissimis Viris, Patribus nostris celebratum sit, Ecclesiæ clauibus aditum in Cælum aperiri, de quo nemini dubitare fas est, cum à Florentino Concilio decretum legamus Pœnitentiæ effectum esse absolutionem à peccatis.

Igitur dicendum, pœnitentibus sua crimina in Sacramentali Confessione exponentibus, post iniunctam eis pœnitentiam, illaque ab eisdem suscepta, seu acceptata, absolutionem Sacramentalem eis ante iniunctæ pœnitentiæ adimpletionem impensam fuisse, & mox longas illas pœnitentias executioni mandatas fuisse. Idemque dicendum de alijs pœnitentij publicis, vel solemnibus, quæ distinguebantur in gradus, seu stationes, scilicet fletus, auditiones, substationes, & consistentias. Nam in harum singulis ad plures annos pœnitentes permanebant, ita vt nonnisi post plures annos, ad ultimam stationem, quæ consistentia dicebatur transirent, in qua, & alijs annis consistebant, vt Morinus obseruat. Idem, in quam, & de his pœnitentij dicendum, pœnitentes videlicet post criminum confessionem, absolutionem Sacramentalem recepisse, & inde iniunctis pœnitentij executionem dedisse.

Ad hoc etiam facit, quod S. Thomas docet *par. 2. quæst. 109. art. 8.* nempe, hominem in statu naturæ corruptæ posse absque gratia iustificante vitare singula peccata mortalia, & secundum aliquod tempus,

quia non est necesse, quod continuò peccet in actu, sed quod diù maneat absque peccato mortali, esse non potest, nam ad hoc necesse est, quod habeat cor suum firmatum in Deo, ita vt pro nullo bono consequendo, vel malo vitando ab eo separari velit, & hanc firmitatem præstat gratia, & Charitas, quibus caret peccator, vt ergo peccatores illi cor suum firmatum in Deo haberent, consulendum eis fuit per Sacramentum Pœnitentiæ, in quo eis gratia, & charitas conferretur, quæ firmitatem illam præstant; alias enim contritionem perfectam, perfectamque charitatem habere difficilè illis fuisset, vt diximus supra.

Sed & in prosecutione pœnitentiarum, Pœnitentiæ Sacramento fideles illos leuatos fuisse, credendum est; cum enim pœnitenti illæ longo tempore, & pluribus annis explendæ forent, vt fideles à peccatis facilius arcerentur, salubre Pœnitentiæ Sacramentum eis conferendum fuit.

Ex Concilio etiam Toletano *Can. 11.* colligi videtur, quod pœnitentes in statu pœnitentiæ manentes, Pœnitentiæ Sacramentum frequenter susciperent. Nam statuitur, quod his, qui pœnitentiam non secundum Canones, sed fordissimè pro suis peccatis agentes, quoties peccauerant, toties à Presbyteris se reconciliari postulabant detur pœnitentia secundum formam antiquorum Canonum, hoc est, vt prius eum, quem sui pœnitet facti, à Communionis suspensione faciat inter reliquos pœnitentes ad manus impositionem crebro recurrere. Expleto autem satisfactionis tempore, sicut Sacer-

Sacerdotalis contemplatio probauerit, eum communioni restituat. Vbi Communionis negata, & postmodum restitutæ nomine, nonnisi Eucharistia, & cum ea Ecclesiastica, seu Canonica absolutio intelligenda videtur, nomine verò impositionis manus, ad quam frequenter pœnitentes illos faciant recurrere ipsum Pœnitentiæ Sacramentum, intelligendum videtur. Quamuis enim etiam extra Sacramentum Pœnitentiæ imponerentur fidelibus manus, & in actionibus pœnitentiarum, & in earum expletione, nil tamen obstat, quominus in Canone illo 11. nomine impositionis manus, ad quam iubentur fideles crebro recurrere intelligatur ipsum Sacramentum Pœnitentiæ, nam & Sacramentum Pœnitentiæ præsertim per manus impositionem conferebatur. Et constat ex Canone S. Bonifacii Germanorum Apostoli à Zacharia Pontifice confirmato Anno 742. quem refert Beatus Isaac tit. 1. cap. 11. & sic habet.

Non est mirandum si absolutio peccatorum per manus impositionem precibus fit Sacerdotum, cum Dominus in veteri lege super caput Hostia manum Sacerdotis præceperit imponi. Etenim sicut tunc per illam Hostiam, ita nunc inuocatione Sancti Spiritus, qui est remissio peccatorum, per manus Episcoporum, vel eorum auctoritate reliquorum Sacerdotum, impositionem, vel supplicationibus eorum remittuntur peccata. Nam quando Dominus Lazarum suscitauit, ait suis discipulis: tollite lapidem: subauditur, ut mortuus resurgat, dans exemplum, ut sicut ipsi manibus tollunt lapidem, ut mortuus surgat, ita & ipsi, &

Successores eorum manus pœnitentibus imponant, et per impositionem manuum, suis precibus mortuum de sepulchro, id est peccatorem de vitijs surgere, & releuare faciant. Et sicut illi Lazarum inistis, id est, funibus colligatum, iubente Domino, soluant, qui ait: Soluite eum, & finite abire; ita isti eorum supplicationibus, auxiliante Domino, & comitante Spiritu Sancto, qui in his semper operatur, per manus impositionem, peccatorum soluant vincula, eosque tempore à Sanctis Patribus constituto Sacra Eucharistia communicent, & absolutos ire permittant.

Habetur ergo ex hoc S. Bonifacii testimonio, quod absolutio Sacramentalis fiebat per manus impositionem; Certum est enim S. Bonifacium loqui de absolutione Sacramentali, nam ait per manus impositionem remitti peccata, & rursus cum dicat post manus impositionem, peccatores Sacra Eucharistia communicandos esse, euidentius fit per manus impositionem Sacramentum Pœnitentiæ, ipsamque Sacramentalem absolutionem intellexisse; nam sine absolutione Sacramentali Eucharistia pœnitentes illos non fuisse communicandos certum est. Sed & S. Augustinus Pœnitentiæ Sacramentum, & Sacramentalem absolutionem, manus impositionem appellat lib. 5. contra Donatistas, cap. 20. inquit (Quomodo Deus exaudit homicidam deprecantem, vel super aquam Baptismi, vel super oleum, vel super Eucharistiam, vel super capita eorum, quibus manus imponitur.)

Et S. Leo Epist. 92. c. 17. sic ait: (Qui conuiuio solo Gentilium, & escis immolationis rursus sunt, possunt ieiunij, &

(*Et manus impositione purgari.*)

Et quamvis praxis hæc imponendi super pœnitentes manus ab anno 1250. semper decreuerit, multi tamen posterioribus temporibus antiquitatis memores eam commendauerunt, atque pro auctoritate sua, vt observaretur iusserunt, vt pluribus ostendit Morinus in laudato Commentario historico lib. 8. cap. 11. Ita etiam Concilium Colonienſe c. 39. docens, Parochum, quid facta confessione agere debeat (*Iniungat, inquit, etiam illi fructum dignum pœnitentia facere, ac tum denique imponat manus, ac absoluat penitentem.*)

Cum ergo nomine impositionis manus, ex dicto S. Bonifacij Canones Pœnitentia Sacramentum, & Sacramentalis absolutio intelligenda sit, cum in Concilio Toletano dicitur (quod Pœnitentes illi debeant crebro ad manuum impositionem recurrere, pendente pœnitentia) sensus est, quod pœnitentes pendente pœnitentia, crebrò debeant ad Pœnitentia Sacramentum recurrere.

Hoc idem ex eo conuincitur, quod antiquissimi Canones afferri possunt, in quibus habetur, quod pœnitentibus pendente publica pœnitentia Eucharistia Sacramentum semel, vt minimum in anno datum fuerit, idque multis sæculis; Id autem manifestè ostendit, non fuisse dilatam absoluti- nem Sacramentalem vsque ad pœnitentia expletionem; nec enim dici potest concessam fuisse vnquam Eucharistiam peccatoribus nondum per absoluti- nem Sacramentalem Deo reconciliatis: Ex multis autem pauci sufficiant 1. Canon Soteris Papæ, qui

Ecclesiæ præfuit Anno 175. & refertur à Gratiano de Consecratione dist. 2. cap. 17. his verbis: *In Cena Domini à quibusdam perceptio Eucharistia negligitur, quæ quoniam in eadem die ab omnibus fidelibus (exceptis ijs, quibus pro grauibz criminibus inhibitu est) percipienda sit, Ecclesiasticus vsus demonstrat, cum etiam pœnitentes eadem die ad percipienda Corporis, & Sanguinis Domini Sacramenta reconciliantur.*

Item Can. 44. Theodulphi Aurelianensis in epistola ad Clerum, quam refert Baronius ad Annum Christi 875. hæc habet: (*Sic periculosum est, impurum quemque ad tantum Sacramentum accedere, ita periculosum est, prolixo tempore absinere, salua ratione eorum, qui excommunicati, non quando eis libet, sed certis temporibus communicant.*)

Et Can. 4. hæc habentur (*Singulis diebus Dominicis in Quadragesima præter hos, qui excommunicati sunt, Sacramenta Corporis, & Sanguinis Christi sumenda sunt, & in Cena Domini, & in Pasceue, & in die Resurrectionis Domini, penitus ab omnibus communicandum.*

Syluerius Pontifex, qui præfuit Ecclesiæ Anno 536. hoc sancit decretum, quod refert Iuo secunda parte Decreti cap. 29. & Burchardus lib. 3. cap. 19. vii & S. Carolus Borromæus non semel in Concilijs Prouincialibus, & in Appendicibus, quos sub finem vitæ scripsit. Decretum autem est hoc: (*Singulis diebus Dominicis in Quadragesima, præter hos, qui excommunicati sunt, & præter illos, qui in publica pœnitentia sunt, Sacramenta Corporis,*

poris, & Sanguinis Christi sumenda sunt: & in Cena Domini, & in Pentecoste, & in Natali Domini, penitus ab omnibus communicandum est.) ergo etiam ab excommunicatis, etiam à publicè pœnitentibus, qui ad hunc effectum reconciliabantur absolutione cum reincidentia. Nullatenus autem putandum est, concessum illis fuisse Sacramentum Eucharistiæ, & negatam absolutionem Sacramentalem.

Ad idem facit, quod habetur cap. Presbyter d. 82. ubi cum Presbytero fornicario præscribatur pœnitentia decem annorum; conceditur tamen, ut post sesqui annum Corporis, & Sanguinis Domini particeps fiat: Idem habetur ex Nicolai Papæ cap. de Viro l. 2. quest. 2. & ex Concilij Ancyran Can. 5. 6. & 8. ubi cum de illis, qui admittebantur ad Communionem tertio, quinto, sexto anno, definitur, ut anno demum sequenti perfectionem suam recipiant. Quamvis enim non impenderetur pœnitentibus, de quibus ibi sermo sit, plena, & publica absolutio, qua publicè reciperentur ad Communionem, oblationem, & conuersationem Fidelium, dabatur tamen Sacramentalis absolutio, ut possent communicare.

Secundum argumentum pro assertionem nostram sit, quod nullum rationabile motiuum assignari potest quo Ecclesia olim moueri potuerit, aut etiam ad præsens moueri possit, ad non impendendam Sacramentalem absolutionem, nisi post peractam pœnitentiâ Sacramentalem. Duo enim tantum assignari possunt motiua: Vnum est grauitas criminis commisi-

si: Alterum est, Indispositio Confitentis. At horum nullum rationabiliter mouere potest ad iniungendam pœnitentiâ Sacramentalem explendam ante absolutionem Sacramentalem. Nam, ut dictum est supra, grauitas criminis præcisè non exposcit nisi grauitatem pœnitentiæ iniunctæ, quæ videlicet respondeat qualitati criminis commissi, quod per pœnam proportionatam puniri debeat, & expiari; id autem habetur etiam si pœnitentiâ iniunctâ expleatur post impensam Sacramentalem absolutionem; Ergo grauitas criminis non est sufficiens motiuum ad iniungendam pœnitentiâ Sacramentalem explendam ante absolutionem.

Sed nec indispositio Confitentis, motiuum esse potuit, ut Ecclesia pœnitentiâ Sacramentalem Confidenti indisposito explendam ante absolutionem Sacramentalem iniungeret. Nam ad remouendâ indispositionem Confitentis iniungi potuit pœnitentiâ merè medicinalis ante absolutionem Sacramentalem explendam, ut dictum est supra, neque ad eam indispositionem tollendam opus fuit imponere pœnitentiâ Sacramentalem; nam pœnitentiâ iniunctâ, ut Sacramentalis, non reddit Confitentem magis dispositum, quàm pœnitentiâ non Sacramentalis.

Pro tertio argumento ad probandum, quod asserta praxis, iniungendi Confitentibus etiam grauiorum criminum reis pœnitentiâ Sacramentalem explendam ante absolutionem Sacramentalem nullo vnquam tempore fuerit in Ecclesia. Sit

ASSERTIO QUARTA.

Absolutio, quæ grauiorum criminum reis, post expletam pœnitentiam antiquitus impendebatur, non erat Sacramentalis, & pro foro interno, sed tantum Ecclesiastica, & pro foro externo.

Asertio hæc ex dictis conuincitur. Primò, quia oppositum videtur esse contra pietatem Ecclesiæ, nam cum Ecclesia sit pia Fidelium Mater, non est putandum, quod Sacramentalem absolutionem filijs suis ritè, ac rectè dispositis ad longum tempus distulerit. Secundò, quia pœnitentia illa non potuit esse pars integralis Sacramenti Pœnitentiæ, nam pars integralis supponit Sacramentum quoad essentiam constitutum: Ergo debuit subsequi absolutionem Sacramentalem, non verò illam præcedere, ergo absolutio subsequens non fuit Sacramentalis. Tertiò, quia nullà rationabile motuum assignari potest, quo Ecclesia moueri potuerit ad peruertendum ordinem partium Sacramenti Pœnitentiæ, ut constat ex dictis.

His addi possunt argumenta sequentia, quæ pariter probant absolutionem, quæ grauiorum criminum reis, post expletas publicas pœnitentias impendebatur, non fuisse Sacramentalem.

Primùm. Quia absolutio, quæ non habet remittere culpam, sed sup-

ponit culpam remissam, non est Sacramentalis; certum est enim, quod culpam remittere pertinet ad absolutionem Sacramentalem, estque absolutionis Sacramentalis proprius effectus; Vnde si aliqua absolutio non habeat remittere culpam, sed illam remissam supponat non est absolutio Sacramentalis. Atqui absolutio, quæ post expletas publicas pœnitentias impendebatur, non habebat remittere culpam, sed illam remissam supponebat: Ergo absolutio illa non erat Sacramentalis. Minor probatur. Primò, quia absolutio illa supponebat pœnitentiam peractam, pœnitentia verò, seu satisfactio supponit culpam remissam, ut constat ex dictis. Secundò probatur ex Sanctis Patribus, qui dicunt, quod non nisi post publicam pœnitentiam peractam tribuebatur cum Ecclesia reconciliatio, quam antecedere debeat alia eiusdem Pœnitentis cum Deo reconciliatio, iustificatio, & peccati remissio, etiam clauium Ecclesiæ ministerio concessa, & consequenter per absolutionem Sacramentalem, nam in hac præcipuè sita est clauium virtus, & potestas.

Ita igitur S. Leo in Epistola 92. ad Theodorum, ubi sic scribit (*Multiplex misericordia Dei ita lapsibus subuenit humanis, ut non solum per Baptismi gratiam, sed etiam per Pœnitentiæ medicinam, spes vitæ reparatur æternæ: ut qui regenerationis donum violassent, proprio se iudicio condemnantes, ad remissionem criminum peruenirent, sic Diuina bonitatis præsidij ordinanti, et indulgentia Dei nisi supplicationibus Sacerdotum nequeat obtineri: Mediator enim Dei, et hominum homo Christus*

Iesus hanc Propositis Ecclesia tradidit potestatem, ut & Consistentibus actionem penitentiae darent, & eosdem salubri satisfactione purgatos ad Communionem Sacramentorum per ianuam reconciliationis admitterent) Evidens est, in his verbis, reconciliationis nomine intelligi non posse, absolutionem Sacramentalem, & in foro interno, qua homo cum Deo reconciliatur, nam absolutio Sacramentalis non potest subsequi poenitentiam Sacramentalem, ut constat ex dictis, ergo nomine reconciliationis intelligit S. Leo reconciliationem poenitentium cum Ecclesia, quæ post perfectam poenitentiam fiebat; ac proinde supponebat aliam reconciliationem cum Deo, quæ fit per absolutionem Sacramentalem.

Duas autem absolutiones, & reconciliationes, priorem cum Deo, & posteriorem cum Ecclesia, & hinc absolutionem poenitentibus in fine poenitentiae dari solitam docet S. Eligius Nouiomenensis homil. 4. in Coena Domini, ubi cum dixisset eum indignè accipere Eucharistiam, qui accipit eo tempore, quo debet agere poenitentiam, quia cum ille excommunicatus, ab Eucharistia Ecclesiae prohibitione arceatur, si Eucharistiam sumat, is Ecclesiae præcepti violati Reum se facit, postea poenitentes ultima illa absolutione reconciliandos, sic alloquitur (*Vndè mihi ad vos, o fratres, nunc habendus est sermo, quos Mater Sancta præfens Ecclesia nostro officio hodie reconciliat Deo. Ad Vos igitur nostra . . . ista sit exhortatio, ut agnoscat unusquisque vestrum ex semetipso, si reconcilietur, vel non reconcilietur Deo,*

quamvis reconciliari eius Ecclesia nostro videtur ministerio) En S. Eligius duplicem reconciliationem, alteram cum Deo, cum Ecclesia alteram agnovit; Quæ autem peccatoris cum Deo reconciliatio sit; exponit, cum ait, *tunc cum cum Deo, per Christum, & per eos, quibus dedit reconciliationis ministerium reconciliari, cum sit nova Creatura: Nemo autem, se ab Episcopo cum Ecclesia, scilicet valide, & legitime reconciliari, sed ad Communionem admitti credat, nisi per Confessionem, ac poenitentiam condignam satisfactionem egerit, id est, ut addit, condignam Deo poenitentiam de præteritis obtulerit, nova Creatura factus, cum Deo reconciliatus fuerit.* Illa igitur, quam petebant poenitentes, reconciliatio; non eos cum Deo, sed cum Ecclesia reconciliatura erat, eaque alteram, in qua cum Deo etiam per Sacerdotum ministerium in gratiam redierant, priorem supponebat. Quod ut idem S. Eligius probet, S. Leonem superius allatum laudat, & homil. 7. publicè poenitentes iam per poenitentiam mundatos intra finem Ecclesiae per reconciliationis Sacramentum reuocari ait, atque ita significat, eos antequam ita per Communionis gratiam, & Eucharistiam (quam reconciliationis Sacramentum appellat) reconciliati intra finem Ecclesiae, à quo per excommunicationem eiectioni fuerant reuocentur, iam prius per poenitentiam mundatos fuisse.

Idem S. Eligius hom. 1. etiam duplicem illam reconciliationem peccatoris distinguit, cum Deo scilicet, & cum Ecclesia, eamque duplicem reconciliationem in suscitatione Lazari adum-

adumbrari dicit; ibi enim prius peccatores non publicos alloquitur, eosque monet, ut per Confessionem Deo reconcilientur, seu per Sacramentum Confessionis, eo ritu, qui nunc in Ecclesia observatur. Dic tu iniquitates tuas, ut iustificeris, ex eo enim unusquisque iustus esse incipit, ex quo sui accusator extiterit; Confessio enim penitentiam monstrat, penitentia satisfactionem ostendit, satisfactio veniam sibi Divina pietate conciliat; nec enim poterit indulgentia tribui, nisi ira Dei possit penitentis placari. Id est, peccator, ut indulgentiam, & absolutionem per Sacramentum Pœnitentiæ (id enim absque dubio S. Eligius intelligit, qui Confessionem requirit) obtineat, nil aliud præstare debet, quam Confessionem Sacramentalem, quia hæc pœnitentiam internam, & contritionem monstrat, Sacerdotique notam facit, & pœnitentia satisfactionem ostendit, quique se peccati verè pœnitere significat, is se satisfactionem à Sacerdote iniunctam agenda eiufq; præceptum servandum paratum esse profitetur. Et quia Pœnitens confessus peccata, partes omnes suas Sacramenti explens à Sacerdote statim absolui potest, ideo ab Eligio Confessionis Sacramentum, Confessionis remedium appellatur, & Confessio affert salutem, ut ibidem ait.

Deinde peccatores publicos alloquitur, inquit. *Ad vos præterea nunc spiritualis noster sermo transfertur, quos sub paenitudinis habitus constitutos facie squallida, & crine dimisso, peccamina vestra planxisse, & vitia carnis in vobis mortificasse, quantum homini videre possibile est, consideramus. Ante*

omnia autem vobis scire necesse est, quia licet impositione manuum nostrarum (reconciliationem nimirum, de qua est quæstio) accipere cupiatis, tamen absolutionem peccatorum vestrorum consequi non potestis, antequam per compunctionis gratiam Divina pietas vos absolvere dignabitur, tunc enim, ut Beatus dicit Gregorius vera est absolutio Præsentis, cum interni arbitrium sequitur iudicis. Et postea subdit. Quid bene quattidani mortui resuscitatio illa significat, quæ videlicet demonstrat, quia prius mortuum vocavit Dominus, & vivificavit dicens, Lazare veni foras, & postmodum is; qui vivens egressus fuerat à Discipulis est solutus.... Ecce illum iam viventem Discipuli solvunt, quem Magister suscitauerat mortuum; sic enim Discipuli Lazarum mortuum solverunt, factorem magis ostenderant, quam virtutem. Ex qua consideratione intueundum est, quod Nos per Pastoralem auctoritatem eos solvere, quos agnoscimus Authorem nostrum per suscitantem gratiam vivificasse, quæ nimirum vivificatio ante operationem reſtitutinis in ipsa iam agnoscitur confessione peccati. Hæc Eligius, in quibus observandum est, ipsum distinguere hæc duo, scilicet vivificationem peccatoris, & operationem reſtitutinis. Vivificationem dicit in ipsa iam cognosci confessione peccati, ac proinde in absolutione, & hanc dicit esse ante operationem reſtitutinis, hoc est ante pœnitentiam, igitur pœnitentiam iuxta Eligium præcedit absolutio Sacramentalis, illa nimirum, quæ peccator vivificare dicitur, ac proinde absolutio, quæ pœnitentiam subsequatur non erat Sacramentalis, sed Ecclesiastica.

Sub-

Subdit autem Eligius. *Vnde & homini ipsi mortuo Lazaro nequaquam dicitur, reuivisco, sed veni foras. Omnis quippe peccator intra conscientiam abscondit se, intorsus latet, in suis penetrabilibus occultatur, sed mortuus venit foras, dum peccator nequitias suas sponte confitetur. Lazaro ergo dicitur, Veni foras, ac si aperit cuilibet mortuo in culpa diceretur. Cur reatum tuum intra conscientiam abscondis? Foras iam per Confessionem egredere, qui apud te interiorius per negationem latet. Veniat itaque iam foras mortuus, id est culpam confiteatur peccator; venientem verò foras solvant Discipuli, ut Pastores Ecclesie, penam amoveant, quam meretur, quia non erubuit confiteri, quod fecit. En post Confessionem, & viuificationem peccatoris, ac proinde post absolutionem Sacramentalem viuificantemponit absolutionem à pœna, quæ est absolutio illa Ecclesiastica, quam Ecclesiæ Pastores pœnitentibus iam sacramentaliter absolutis impendebat.*

Hanc ipsam peccatoris duplicem absolutionem, à culpa scilicet, & à pœna in Lazaro adumbratam fuisse, ita ut hæc posterior supponat priorem, quæ per Sacerdotem culpa remittitur, alij etiam Sancti Patres fenseverunt. Nam id manifestè affirmat in lib. 5. Capitularis Caroli Magni versic. 62. Isaac Lingonen. Canon. 12. *Inuocatione Sancti Spiritus, qui est remissio peccatorum, per manus Episcoporum vel eorum autoritate reliquorum Sacerdotum impositionem, vel supplicationibus eorum peccata remitti. Sic probat. Nam quando Dominus Lazarum suscitauit, ait suis Discipulis Tollite lapidem, subauditur, ut mortuus re-*

surgat, dans exemplum, ut sicut ipsi manibus tollunt lapidem, ut mortuus surgat: ita & ipsi, & Successores eorum manus pœnitentibus imponant, ut per impositionem manuum suis precibus mortuum de sepulchro, id est peccatorem de vitijs surgere, & releuare faciant. Et sicut illi Lazarum inflatis, id est funibus conligatum iubente Domino solvunt, qui ait, soluite eum, & finite abire, ita isti eorum supplicationibus, auxiliane Domino, & cooperante Spiritu sancto, qui in his semper operatur per manus impositionem, peccatorum solvunt vincula eosque tempore à Sanctis Patribus constituto Sacra Eucharistia communicent, & absoluitus ire permittant: Sicut igitur Discipuli Lazarum dupliciter adiuuerunt. Primùm, cum lapidem tulerunt, & ita ad vitam reuocanti Christo ministrarunt, deinde cum eundem iam excitatum à vinculis, quibus eum mortuū alij ligauerant, non quæ ipse induerat, sibi que moriendo iniecerat, ita peccatorem publicū fortentem Ecclesia per Ministros suos duplici absolutione soluit priore sacramentali, quæ illū de vitijs, deque morte peccati surgere, & releuare facit; posteriore Canonica, seu Ecclesiastica, quæ iam per illam resuscitatū à vinculis, quibus ab Ecclesiæ Patribus ligatus tenebatur, & ne cōmunicaret, impediabatur solum eadē Ecclesia dimittit. Nec obstat, quod sacerdotes posteriore absolutione peccatorum vincula soluere dicantur. Nam vinculum peccatorum, est excommunicatio, cum per eam peccator ligetur, ne Sacramenta participet, neue cum alijs communicet.

Et rursus pœna vinculum est peccatoris, quæ ipse post remissam culpam tenetur, à quibus vinculis soluitur,

uitur, cum communioni Ecclesiæ restitutus Eucharistiæ, Sacrificij Missæ, & Ecclesiæ suffragiorum particeps sit.

Hanc eandem duplicem Lazari solutionem, duplici pœnitentis reconciliationi, cum Deo, & cum Ecclesia explicandæ accomodatam, obseruant Sanctus Ambrosius, lib. 2. de Pœnit. cap. 7. & S. Augustinus Homil. 27. cap. 3. Ille enim cum Lazaro sepulto publicum Pœnitentem comparat, & quod Christus de illo dixit, (*ubi posuisti eum, hoc est, in quo reorum status est, in quo pœnitentium ordine & Videam, quem stetit, si lachrymis suis ipse se moueat. Videam si iam peccato, ei, cuius venia poscitur, defunctus est? Dicit plorans, Veni, & vide, Veniet itaque, & leuari lapidem iubebit, quem ceruicibus peccatoris lapsus imposuit culpæ, videlicet reati, & gratiæ obicem, quem tolli, & illum remitti iubet Christus, idque ut faciant suis Ministris Sacerdotibus imperat. (Potuit remouere lapidem imperio sermonis, iubenti enim Christo etiam insensibilis soles natura obedire, poterat dactis, vi operationis occulta transferre saxum sepulchri. sed hominibus iussit, ut remouerent lapidem, in veritate quidem, ut increduli crederent, quod videbant, & aspicerent resurgentem mortuum in typo autem, quo nobis donaret, ut leuaremus delictorum onera, moles quasdam reorum. Notum est onera remouere, illius educere de sepulchris exutos vinculis.) Igitur Sanctus Ambrosius ante suscitati solutionem, ab Ecclesiæ Ministris factam, agnouit priorem eorundem operationem in leuandis delictorum oneribus, & reatu tollendo, quod non aliud, quam remissio peccatorum*

absolutione Sacramentali facta esse, nec obligatio peccatoris per pœnitentiam impositam, aut vinculi alterius, quam ipsius peccati intelligi potest. *Leuatur enim lapis, quem non Ecclesiæ Minister ceruicibus peccatoris, sed lapsus ipse imposuit.*

Quod autem hæc oneris leuatio, & reatus remissio, in pœnitentia tunc fiat, cum peccator delicta confitetur, docet ibidem Ambrosius. (*Computatur, inquit, Christus dilectæ suæ, & dicit defuncto. Veni foras, hoc est, quid tacas in tenebris conscientia, & delictorum tuorum sordibus, quodam reorum carcere? Exi foras, delictum proprium prode, ut iustificeris; ore confessio fit ad salutem, si confessus fueris à Christo vocatus claustra rumpentur, & omnia soluentur vincula, etiam si corruptela corpora factor graui sit.*) Quapropter Sanctus Ambrosius peccatorem statim, ac confessus fuerit peccata etiam publica, & quorum factore grâui offensâ Ecclesia viuificatum agnouit, & mox antequam Communioni restituat à diuturna pœnitentia purgatum docet abj solui, claustra eius rumpi, & omnia peccati vincula solui. Quantuslibet ergo mortui foetor sit, aboletur omnis, vbi sacrum redoleuerit vnguentum, & resurgit defunctus, & solui iubentur eius vincula, qui adhuc in peccato est, tollitur velamen de facie eius, quod veritatem gratiæ, quam acceperat obumbrat, sed qui venia donatus est reuelare faciem, aperire, vultum iubetur. Non habet enim, quod erubescat, cui peccatum remissum est, & hæc est secunda absolutio non viuificans, nec à morte peccati excitans peccatorem, cui nisi iam suscitato

scitatio concedenda est, non ut illi gratiam conferat, sed ut tollat velamen de facie eius, quod gratiæ iam per priorem absolutionem acceptæ veritatem obumbrat. Idque poenitentem ob satisfactionem exhibitam communioni restituit. Idque fit cum idem ille cum Ecclesia reconciliatus ab excommunicationis vineulo absoluitur: Cum autem dicit S. Ambrosius, tunc solui eius vineula, qui adhuc in peccato est, non est sensus, eum adhuc culpæ mortalis reatu obstrictum tene-ri, is enim confessus peccatum, iam iustificatus est, qui mortuus erat, *resurrexit, venia donatus est, & gratiam, licet occultam, & obumbratam accepit*, sed in peccato esse dicitur, qui nondum liber est, ut Eucharistiam percipiat, & aliqua peccati sordibus infectus est, qui nondum sublato scandalii opprobrio, & excommunicationis Ecclesiasticæ velamine inter poenitentes, & peccatores recensetur.

Sanctus verò Augustinus *Hæmilia 27. cap. 3.* de ijs, qui poenitentes in Ecclesia propriè vocantur, & de eorum absolutione, qua post peccatam poenitentiam liberi dimittuntur, sic loquitur. *Post suggestionem facti, & delectationem, & consensionem, & perperationem, quasi quadriduanus mortuus putet; quamvis enim graui res, graue vulnus, lethale, & mortiferum, ut ibidem loquitur, quamvis aliquod adulterium, homicidium, sacrilegium esset, nisi tamen præter internum consensum crimen perperatum publicum, & Ecclesiæ scandalo esset, is inter poenitentes non iaceret, nec Lazaro quadriduano similis foret; sed nec ipsum*

Dominus deseruit; sed clamauit Lazaro prodi foras. Cessit voci Misericordiæ moles sepulture, cessit mors vita, cessit infernus superno. Elenarus est Lazarus, processit de tumulo, & ligatus erat, sicut sunt homines in confessione peccati agentes poenitentiam. Iam processerunt à morte, nam non confiterentur, nisi procederent; ipsum confiteri, ab occulto, & à tenebroso procedere est. Sed quid Dominus Ecclesiæ suæ? Quæ solueritis, inquit, in terra, soluta erunt, & in calo; Proinde Lazaro procedente, quia impleuit Dominus misericordiæ suæ bonum, perducere ad confessionem mortuum latentem, iam cetera implet Ecclesiæ ministeria. Soluite eum, & finite abire. Cum autem S. Augustinus dicat, Confitentem à morte procedere rediuiuum, & iam à peccati morte, excitatum, iam consentium statim absolutionem Sacramentalem datam, supponit, & cum addat S. Augustinus, quod post hæc, peccator cetera Ecclesiæ ministeria implere possit, & idè soluite, & finite abire, iam apertè secundam absolutionem indicat, qua peccator in foro externo eum Ecclesiæ reconciliatur, & communioni restituitur.

Hic autem animaduertendum est, excommunicationem, à qua in reconciliatione Ecclesiastica poenitentes post expletam poenitentiam absolui diximus, non fuisse excommunicationem, sed censuram, qua poenitentes priuarentur participatione omnium Sacramentorum, sed fuisse prohibitionem quamdam, qua poenitentes eum alijs fidelibus communicare prohibebantur, sicut & ab Eccle-

clesiæ ingressu arcebantur, & à Sacrae Eucharistiæ receptione; non tamen per eam Sacramentum Pœnitentiæ prohibebantur, id enim nullibi habetur, nec ullum documentum ad hoc affertur ab Authoribus, qui de hac re pertractant.

Tertiò probatur assertio nostra. Nam absolutio, sine qua Eucharistiam peccator sumere potest, Sacramentalis non est; Atqui absolutio illa pœnitentium publicorum, quæque illis nonnisi post pœnitentiam, quæ à Sacerdotibus iniuncta fuerat, expletam, per manus impositionem dabatur, quæque eos prorsus liberos, & ab omni vinculo, quo in pœnitentia obligati tenebantur, solutos faciebat, eiusmodi erat, ut sine illa peccator Eucharistiam sumere potuisset, ac de facto sumpserit. Ergò Absolutio illa, quæ post peractam pœnitentiam grauiorum criminum re is impendebatur, Sacramentalis non fuit. Consequentia est optima, & maior est certa, nam si absolutio illa esset Sacramentalis, esset absolutio, per quam deleteretur culpa, & supponeret culpam, & quidem mortalem, nam iuxta opinionem Authorum, cum quibus agimus, supponitur pœnitentes illos per eam absolutionem absolui à culpis mortalibus, utpotè reos grauiorum criminum, ac proinde necessaria esset ante sumptionem Eucharistiæ, aded, & taliter, ut sine illa Eucharistia percipi non posset. Nam Concilium Tridentinum statuit, Christianum quemlibet peccati mortalis conscium, antequam Eucharistiamumat, ad peccatum suum Sacramento Pœnitentiæ, ac

proinde absolutione Sacramentali expiandum teneri. Minor verò, quod videlicet peccator, Eucharistiam sumere potuisset, ac de facto sumpserit, probatur primò ex Canone 78. Concilij Carthaginensis 4. in quo sic habetur (*Pœnitentes, qui in infirmitate viaticum Eucharistia acceperunt, non se credant absolutos sine manus impositione, si superuixerint*) Can. proximiè superiore Concilium decretauerat, *Ut pœnitentes, qui in infirmitate sunt, viaticum accipiant*. Igitur iuxta hunc Canonem pœnitentes in infirmitate constituti Eucharistiâ accipiebant sine absolutione, qua pœnitentes aliàs absoluebantur, post peractam pœnitentiam, quæ etiam absolutio fiebat per manus impositionem, ergò absolutio illa non erat Sacramentalis. Et Can. 3. Concilij Arauxicani 1. dicitur (*Qui recedunt de corpore pœnitentia accepta, placuit sine reconciliatoria manus impositione, communicari, quod morientis sufficit consolationi, secundum definitiones Patrum, qui huiusmodi communionem congruenter viaticum nominarunt. Quod si superuixerint, stent in ordine pœnitentium, ut ostensis necessarijs pœnitentia fructibus legitimam communionem cum reconciliatoria manus impositione percipiant*). Idem habetur in Concilio Arelateni 11. Can. 28. his verbis (*de his, qui in extremis periclitantur, pœnitentia accepta, placuit sine reconciliatoria manus impositione, eis communicari. Quod si accepto viatico superuixerint, stent in ordine pœnitentium, ut ostensis necessarijs pœnitentia fructibus legitimè reconciliatoriam manus impositionem accipiant*) Canones

nones isti, adeò manifestè rem ostendunt, vt nulla tergiversatio Authores aduersos iuuare possit. Supponitur enim ægrotos illos, cum ex hac vita decederent non potuisse pœnitentiam, hoc est pœnas illas, quæ ab Ecclesia reis grauiorum criminum imponebantur, ex repentina infirmitate explere, immò adhuc eam pœnitentiam eis impositam non fuisse, & ideò dicitur, quod qui recedunt de corpore pœnitentia accepta, hoc est imposita, & acceptata sine reconciliatoria manus impositione, hoc est, sine absolutione illa Ecclesiastica, quæ multas, & longas cerimonias exigebat communicare possunt, sed & hæc eadem communio non legitima, hoc est non conformis legibus, & ritibus, qui alias seruari debebant, dicitur, vnde subditur, quod si pœnitens ille superuixerit, stet in ordine pœnitentium, vt ostensis necessarijs pœnitentiæ fructibus legitimam communionem cum reconciliatoria manus impositione percipiat. Igitur sine absolutione illa, quæ pœnitentibus post expletas pœnitentias impendebatur, pœnientes Eucharistiam sumebant, cum infirmitate correpti fuissent, immò, & sine absolutione illa decedebant.

Sed in Can. 13. Concilij Nicæni, vt cum legit Balsamon, habetur, viaticum sine absolutione illa Ecclesiastica vltima dari potuisse, sic enim in eo dicitur (*De ijs, qui excedunt aeterna, & Canonica lex nunc quidem seruabitur, vt si quis vita excedit, vltimò, & maxime necessario viatico non priuetur. Si quis autem deploratus, & communionis particeps iterum sit in viuis,*

sit cum ijs, qui solam orationis communionem consequuntur. Generaliter autem cuilibet e vita excedenti, & petenti participationem Eucharistia, Episcopus cum examinatione oblationem dabit. In hoc Canone præscribitur modus, qui seruari debeat cum his, qui decedunt, & dicitur quod eis viaticum, seu Eucharistia concedatur, & additur, quod si quis deploratus, & communionis particeps, iterum sit in viuis, sit cum ijs, qui solam orationis communionem consequuntur; hoc est cum ijs, qui adhuc non sunt absoluti, vnde supponitur, quod absolutio illa ei concessa non fuerit, & quod sine absolutione illa, accepto tantum viatico mori potuissent.

Idem habetur in Can. 36. Concilij Epaunensis, & in Can. 82. Concilij Bracarensis 11.

Tandem id ipsum apud Hincmarum Archiepiscopum Rhemensem apertissimè habetur in Capitulorum *sect. 3. cap. 1.* Ibi enim postquam peccatoribus publicis ad pœnitentiam hortandis Presbyteros monuit, sic concludit (*Hoc tamen omnimodis ab omnibus cauetur, vt nemò pœnitens, & cum deuotione petens, vltima pœnitentia, vel vltimo viatico defraudetur, ea conuiuentia, vt si conualuerit, secundum Ecclesiasticas regulas pœnitentiam agat, & reconciliationem, quantum Deus sibi concesserit, in ordine pœnitentium expectet, & expectet.*

Quartò probatur absolutionem illam non fuisse Sacramentalem. Nam absolutio, cuius Minister aliquando non est Sacerdos non est Sacramentalis. Atqui absolutionis illius Minister

Nec non semper fuit Sacerdos, ergo absolutio illa non fuit Sacramentalis. Maior certa est apud Catholicos, & constat ex Concilijs Florentino, & Tridentino. In Florentino enim dicitur (*Minister huius Sacramenti est Sacerdos habens auctoritatem absoluedi, vel ordinariam, vel ex commissione superioris*) Nec addit, quemquam alium Diaconum, vel Clericum in aliquo casu posse illo munere fungi, sicut de Baptismi, & Confirmationis Ministro dixerat. Tridentinum verò Concilium *sess. 14. cap. 6.* (Declarat falsas esse, & à veritate Evangelij penitus alienas doctrinas omnes, quæ ad alios quosvis homines præter Episcopos, & Sacerdotes clauuium ministerium perniciosè extendunt) & postea docet, Sacerdotes per virtutem Spiritus sancti in ordinatione collatam tanquam Christi Ministros functionē remittendi peccata exercere. Et Can. 10. Damnat eum, qui dixerit, non solos Sacerdotes esse *Ministros absolutionis*. Igitur si illius absolutionis, de qua est quæstio, Minister aliquis non Sacerdos esse possit, ac de facto fuit, omninò negandum est, formam quam vsus est fuisse formam Sacramenti Pœnitentiæ, aut quæ per eam peccati remissio in foro interno, & coram Deo pœnitenti tribueretur, ac proinde negandum est, absolutionem illam Sacramentalem fuisse; Quod autem absolutionis illius Minister aliquando fuerit non Sacerdos, sed Diaconus ex imperio Episcopi probatur ex S. Cypriano in *Epist. 13.* vbi sic dicitur (*Qui libellos à Martyribus acceperunt, & prærogatiua eorum apud*

Deum adiuvare possunt, si incommodo aliquo, & infirmitatis periculo occupati fuerint non expectata presentia nostra apud Presbyterum, quemcumque præseniem, vel si Presbyter repertus non fuerit, & urgere exitus ceperit, apud Diaconum quoque exomologesim facere delicti sui possunt, ut manu eis in pœnitentiam imposita veniant ad Dominum cum pace, quam dari Martyres litteris ad nos factis desiderauerunt) Testimonium hoc S. Cypriani palmarè est, planequè assertionem nostram euincens. Nam quod absolutio, de qua in eo sermo est, sit absolutio vltima, & Ecclesiastica, quæ pœnitentibus impendebatur in foro externo, & coram fidelibus, ac ipsa Ecclesia, patet ex eo, quod nonnisi facta exomologesi, quæ postrema pœnitentiæ actio erat, dari debuit. Quod verò nec illa absolutio, quam Diaconus dare potuit, nec exomologesis fuerit Sacramentalis, aliæ quoque eius decreti circumstantiæ conuincunt. Ea enim absolutio erat, quam Martyres dari postulauerunt, eos sua apud Deum prærogatiua iuuantes. At ut pœnitens aliquis verè contritus Sacramentaliter absolueretur, nullo Martyrum subsidio eget, nec hac in re vllam Martyr prærogatiuam specialem habet; Quare quoad pœnæ temporalis remissionem, & indulgentiam, pro qua Martyres apud Deum prærogatiuam quamdam habuisse vsus indulgentiarum docet, absolutio illa, non verò quoad peccati culpam intelligenda est. Præterea sanctus Cyprianus vult, eam pœnitentibus, quos Martyres libellis commendauerant in articulo mortis

absolutionem dari, quam reliquis ea Martyrum commendatione carentibus negat, ergò absolutio illa Sacramentalis non fuit, quam omnibus poenitentiam poscentibus cum viatico dari antiqua, & Canonica lege decretum ait Nicæna Synodus Can. 13. supra laudato.

Uterius, in ea vltima absolutione non solum Diaconum, sed etiam Clerum, Martiresque laicos cum Episcopis partem aliquam habuisse, constat ex Cypriano *epist.* 10. In ea enim habetur, *In minoribus, etiam quam sit idololatria, cuiusmodi sunt adulteriū, & alia, ob quæ fcebat publica poenitentia, peccatis, peccatores agant poenitentiam iusto tempore, & secundum Disciplinæ Ordinem ad exomologesim veniant, & per manus impositionem Episcopi, & Cleri ius communicationis accipiant.* Unde idem Sanctus Cyprianus conqueritur, quod idololatriæ rei ad communicationem, admittuntur, & offertur nomen eorum, & nondum poenitentia acta, nondum exomologesi facta, nondum manu eis ab Episcopo, & Clero imposita, Eucharistia illis datur. Quis neget absolutionem hanc fuisse vltimam illam, qua nonnisi post poenitentiam iusto tempore actam, post exomologesim secundum disciplinæ ordinem datam ius perfectæ Communionis Eucharistiæ, & oblationis absoluto acquirebatur? At in ea Clerum cum Episcopo manum imposuisse, & ita in Reconciliatione partem aliquam habuisse non semel, sed iterum in eadem Epistola S. Cyprianus testatur.

Sed & Clerus Romanus in *epist.*

30. ad eundem S. Cyprianum de lapsorum in idololatriam reconciliatione rescribens, monet, *Ecclesiæ pacem sustinendam, deinde sic collatione consiliorum cum Episcopis, Presbyteris, Diaconis, Confessoribus pariter ac astantibus laicis facta, lapsorum tractare rationem; per quam enim nobis, & inuidiosum, & onerosum videtur, nam per multos examinare, quod per multos commissum videatur fuisse, & unum sententiam dicere, cum tam grande crimen per multos diffusum notetur exisse, quoniam nec firmum decretum esse potest, quod non plurimorum videbatur habuisse consensum.* Certè dici nequit Poenitentia Sacramenti Tribunalis fuisse sententiam, & absolutionem illorum, in quibus Confessores, & reliqui stantes laici, seu non poenitentes publicè consilium ineunt, lapsorum rationem tractant, causam examinant, sententiam dicunt, & sine quorum consensu decretum firmum esse nequit.

Legi etiam potest idem S. Cyprianus *epist.* 54. & 55. in quibus habetur; quod sine confessione publica, & cognitione causarum, ob quas poenitentes in ius illud vocati erant, à plebe legitimæ absolutionis suffragia obtinere non poterant.

Hæc omnia adnotat etiam Pamelius ad verba illa Cypriani in *lib. de Poenitentia cap. 9.* (*Exomologesis est actus poenitentia, quo poenitentia administrabatur, & ministerium Poenitentia*) nam super hæc verba Pamelius ait (*Id, quod rectè intellectum multum confert ad capiendam mentem veterum Ecclesiæ Scriptorum.* Hinc illud Cypriani est ad Antonianum, *Apud*
Infe-

Inferos dam confessio non est, nec exomologesis illic fieri potest. Discimus autem ex eiusdem Sanctissimi Martyris scriptis, hunc olim in Ecclesia servatum Ordinem, ut primum fieret confessio criminis apud Sacerdotes Dei: hanc sequebatur penitentia, quæ præcesserat. Penitentiam excipiebat exomologesis, quam sequebatur impositio manus Episcopi, aut Cleri. Hac facta dabatur Eucharistia sic reconciliato. Atque hoc est, quod Cyprianus epist. 14. tertij libri (iuxta novam editionem n. 10.) nondum penitentia facta, nondum exomologesi finita, (Vbi vides apertam distinctionem) nondum manu eis ab Episcopo, aut Clero imposita Eucharistia illis datur. Hæc Pamelius.

Ex quibus habetur, illud ipsum, quod ex alijs Cypriani testimonijs observavimus, nempe, absolutionem illam, qua pœnitentes post peractam pœnitentiam absoluebantur, eis impensam fuisse etiam à Clero, atque adeò non fuisse Sacramentalem; Sed observandum, quod & confessio illa non erat Sacramentalis, & pro foro interno; nam Sacramentalem non adeò dilatam fuisse, sed præcessisse cum absolutione Sacramentali dicendum est, ut constat ex dictis; fuit ergò confessio illa publica, & pro externo, cui respondebat, & absolutio Ecclesiastica, & pro foro externo; Vnde & exomologesis accipitur pro ipsa pœnitentia, seu confessione publica, ut constat ex verbis allatis Cypriani (nondum exomologesi finita) quamvis, & pro pœnitentia, seu Confessione secreta aliquando fumatur, loco cit. ait Pamelius.

Verum est, & Presbyteros ab-

solutionem illam aliquando impendisse; Sed quia eam absolutionem Presbyteri non impendebant, nisi Episcopus consuleretur, hisque impendi posse responderet, hoc ipsum aliud argumentum est, quo probatur, absolutionem illam non fuisse Sacramentalem. Nam absolutio illa Sacramentalis non est, quam nullus Presbyter pœnitenti etiam in mortis articulo dare poterat, quantumvis de salute sua periclitaretur, inconsulto Episcopo.

Quod autem absolutio illa à Presbyteris, nonnisi Episcopo consulto impendi potuisset, probari primum potest ex Concilio Carthagenensi secundò, tempore S. Augustini celebrato, in Can. 4. ubi clarissimè de hac re decernitur (*Si quisquam in periculo constitutus, & se reconciliari Divinis altaribus petierit, si Episcopus absens fuerit, debet utique Presbyter consulere Episcopum, & sic pœnitentem eius consilio reconciliare*) Non poterat ergò Presbyter inconsulto Episcopo pœnitentem adhuc in periculo constitutum reconciliare. Ergò reconciliatio, seu absolutio illa non erat Sacramentalis, nam absolutionem Sacramentalem quilibet Sacerdos ex se, & inconsulto Episcopo, pœnitenti in articulo mortis constituto ex perpetuo Ecclesiæ usu, & indubitata praxi impendere potest. Dicitur autem in laudato Canone; in periculo constitutum reconciliandum esse sacris altaribus de consilio Episcopi, nam etiam per hoc constat reconciliationem illam non fuisse Sacramentalem, sed Ecclesiasticam, quia erat reconciliatio facienda sacris altaribus, seu erat communio

munio cum oblatione faciendâ.

Hoc idem habetur *Can. 69. lib. 5. Capitularis Caroli Magni*. Ibi enim de publico pœnitente hoc ex Nicæno, ut ibidem in fine dicitur decretum est (*Quod si, utpotè mortali in-
tra metas præscripti temporis (scilicet
penitentia) cæperit vitâ finis urgere,
subueniendum est implorantibus, seu
ab Episcopo, qui penitentiam dedit, seu
ab alio, qui tamen datam esse probaue-
rit, aut similiter à Presbytero, iussu ta-
men, aut permissu proprii Episcopi,
per manus impositionem, absolutione
precum Sacerdotalium, Viatum abeu-
ntibus de seculo non negetur*) Igitur Pres-
byter pœnitenti illi eam absolutio-
nem absque Episcopo, qui pœniten-
tiam imposuit dare non potuit, ac
proindè pœnitentia illa Sacramenta-
lis non fuit.

Præterea credi non potest, nullum
Presbyterum, Parochianorum suo-
rum alicuius peccati mortalis extra
mortis articulum confessionem au-
dire, eis congruas pœnitentias iniun-
gere, absolutionem impertiri, seu
Sacramentum Pœnitentiæ ministrare
potuisse. Et tamen id dicere oportet
in sententia illorum, qui non
aliam, quam Sacramentalem publi-
cè pœnitentiû reconciliationem per-
acta pœnitentia concessam esse vo-
lunt. Nam certum est nulli Presby-
tero publicè pœnitentes reconcilia-
re licitum fuisse, idque aded sæpè in
Concilijs vetatur, ut nihil frequen-
tius occurrat. Agathense *Can. 44.*
*Benedictionem super plebem in Ecclesia
fundere, aut Pœnitentem in Ecclesia
benedicere Presbytero non licebit.* Quod
de pœnitente publico intelligendum

esse constat, ex pluribus Canonibus,
quibus cum Abbatibus, ut absque,
Episcoporum iussu, quemquam pœ-
nitentem absoluant, aut eius confes-
sionem audiant, vetitum est, iisdem,
& alijs plerisque omninò significa-
tur, id licitum regulariter fuisse.
Presbyteris cum Episcopi iussu, ijs,
videlicet omnibus, qui ab Episcopo
Parochijs vrbanis, aut ruralibus præ-
ficiiebantur. Sed & Canones extant,
qui cum negent, Presbyterum pœ-
nitentem publicè absolvere posse, ij-
dem eum peccatorem confessionem
audire, pœnitentias iniungere, pœ-
nitentes sibi confessos ligare, ac proin-
dè Sacramentaliter absolvere posse
dicunt.

Cabilonense in *Can. 8.* dicit. (*De
penitentia peccatorum, quæ est medela
anima, utilem hominibus esse censetur,
et ut penitentibus à Sacerdotibus data
confessione indicatur penitentia, Vni-
uersitas Sacerdotum noscitur consen-
tire.*)

In Rhemensi 11. Anno 813. *Can.*
13. (ventilata est ratio pœnitentiæ, ut
Sacerdotes certius intelligerent, quo-
modò Confessiones recipere, & pœ-
nitentiam secundum Canonicam in-
structionem pœnitentibus deberent
indicare) *Can. 15.* (ut Episcopi, &
Presbyteri examinent, qualiter Con-
fitentibus peccata dijudicent, & tem-
pus pœnitentiæ constituant. Sed &
quoad crimina occulta, ob quæ pœ-
nitentes post obtentam absolutionem
Sacramentalem, pœnitentias Cano-
nicas facere debuissent, & postmo-
dum absolutionem etiam Ecclesiasti-
cam, & in foro externo obtinebant,
quoad posteriorem hanc absolutionem,

nem, seu reconciliationem Presbyteri concedere possent, sed cum consensu Episcopi, habetur in Capitulari Herardi Turronensis tom. 22. *Concil. Reg. ad annum Domini 858. Can. 59.* (*ut Presbyteri de occultis iussione Episcopi Penitentes reconcilient, & si cur premissus, infirmantes absoluant, & communicant. Et in Capit. Caroli Magni lib. 7. cap. 49.* (*Nullus Sacerdos in alterius Civitate, vel Diocesi penitentem, vel sub manu positum Sacerdotis, vel qui reconciliatum se dixerit sine consensu, & litteris Episcopi, vel Presbyteri in Parochia Presbyter, aut Episcopus in Civitate suscipiat.*)

Quod verò publicum penitentem Presbyter absolvere non possit, dicitur Can. 143. (*statutum est in Sanctis Canonibus prohibitum, ut nullus Presbyter penitentem publicè inconsulto Episcopo reconciliare presumat, nisi morte fortè periclitantem, sed omnes publicè penitentes quinta feria ante Pascha, qua est Cena Domini, ad Civitatem in cinere, & cilicio in presentia Episcopi prostrato vultu conveniant, & ibi ab Episcopo canonicè, & ordinabiliter, sicut in Sacramentario, & in Romano ordine continetur, reconcilientur, & asque dijudicentur, consolenturque, & predicetur, quid deinceps agere, quid vitare debeant, instruantur, atque insuper divinis precibus per manus impositionem ab Episcopo curentur. Nullo unquam tempore Presbytero in publica Missa penitentiam reconciliare sine licentia Episcopi concessum est.*

Quare cum ad Episcopum recurrendum esset, ut re examinata iudicaretur an penitenti etiam in articulo

mortis tribuenda esset absolutio illa, ex hoc arguitur absolutionem illam non semper, & infallibiliter penitenti adhiberi in articulo mortis, impertitam fuisse.

Ex hoc autem, & aliud argumentum apparet, quo probatur absolutionem illam non fuisse Sacramentalem, & pro foro interno. Nam absolutio, quæ moribundo, seu in articulo mortis constituto negata fuit, non potuit esse Sacramentalis, & pro foro interno. At absolutio illa moribundis aliquando negata fuit. Ergò absolutio illa non potuit esse Sacramentalis, & pro foro interno; Maior probatur, nam absolutio Sacramentalis in articulo mortis constitutis, etsi eam in eo tantum articulo flagitassent negata nunquam fuit, nec negari debuit, ut in præcedenti quæstione ostendimus. Undè relinquitur quod absolutio illa dictis moribundis negata, non fuerit Sacramentalis, aut pro foro interno, sed Ecclesiastica, & pro foro externo. Minor verò constat ex omnibus illis autoritatibus, siuè Summorum Pontificum, siuè Conciliorum, siuè Sanctorum Patrum, quas Aduersarij afferunt, ut probent grauiorum quorundam criminum reis, penitentiam in extremo dumtaxat vitæ efflagitantibus, & si in articulo mortis constitutis, negatam fuisse absolutionem Sacramentalem; De quibus nos, & in præcedenti quæstione, nam autoritates illæ non de absolutione Sacramentali, sed de absolutione Canonica, & Ecclesiastica, & pro foro dumtaxat externo intelligendæ sunt, ut iam ostendimus.

Ad hoc idem facit, quod Sacra Concilia, & Sancti Patres, Sacrique Canones ad exprimendam absolutionem illam, quæ post peractam pœnitentiam impendebatur, vtuntur nominibus aptioribus ad significandam absolutionem Canonicam, & Ecclesiasticam, quam ad significandam absolutionem Sacramentalem. Nam à Sancto Cypriano absolutio illa regulariter vocatur pax, vt in *epist.* 52. 54. & 59. Alij vocant eam Communionem, seu reconciliationem, vt Patres Concilij Toletani 5. Sanctus Fulgentius *homil.* 4. & S. Leo *epist.* 91. Et quamuis Communionis nomine Eucharistiam significauerint, cum ea tamen etiam absolutionem Canonicam expresse-
runt.

Illud tamen his omnibus addendum est, quod sicut iam diximus, pœnitentibus Ecclesiasticas illas pœnitentias suscipientibus, ante illarum impletionem absolutio Sacramentalis impendebatur iniuncta eis alia pœnitentia Sacramentali post absolutionem Sacramentalem pariter explenda, ac in eodem statu pœnitentium manentibus pluries eisdem Sacramentaliter confessis, pluries absolutio Sacramentalis impendebatur, ita & expletis pœnitentijs illis Ecclesiasticis, nedum absolutio eis Ecclesiastica, & pro foro externo impendebatur, sed etiam impendebatur absolutio Sacramentalis, & pro foro interno; Id enim negari non potest, etiamsi eo statu pœnitentiæ durante, peccata tantum venalia pœnitentes illi commisissent: Sic enim, vt ab omni culpa mundi, & noua gratiæ

suctione ornatæ pœnitentias illas terminarent, fieri oportuit.

Ex Concilio Tridentino, & ex Rituali Romano probatur, pœnitentiam Sacramentalem, post receptam à Pœnitente absolutionem Sacramentalem, peragendam esse.

Pœnitentiam Sacramentalem à Sacerdote pœnitentibus iniunctam, post impensam eis absolutionem Sacramentalem, peragendam esse, habetur ex his, quæ docet Concilium Tridentinum contra Lutherum, & Calvinum *sess.* 6. *cap.* 8. & *Can.* 12. & *seq.* Ibi enim docet, satisfactionem Sacramentalem, quæ vna est ex partibus Sacramenti Pœnitentiæ, esse non quidem pro pœna æterna, quæ vel Sacramento, vel Sacramenti voto vna cum culpa remittitur; sed pro pœna temporali, quæ vt sacra litera docent, non tota semper, vt in Baptismo fit, dimittitur illis, qui gratia Dei, ingrati fuerunt. Igitur Sacrum Concilium docet, satisfactionem supponere culpam remissam vna cum pœna æterna, ac proinde supponere absolutionem Sacramentalem, nam culpa, & pœna æterna non remittitur in Sacramento Pœnitentiæ, nisi per absolutionem.

Rursus in eodem capite fructus enarrat satisfactionis, supponens, eum, qui satisfacit, iustum esse, & in statu gratiæ constitutum. *Hæc*, inquit, *satisfactionis pœna, cautiore, & vigilan-*

gilantiores in futurum penitentes, efficiunt, medentur quoque peccatorum reliquijs, & vitiosos habitus malè vivendo comparatos, contrarijs virtutum actionibus tollunt &c. Omnis gloriatio nostra in Christo est, in quo vivimus, in quo meremur, in quo satisfacimus, facientes fructus dignos Pœnitentia, qui ex illo vim habent, ab illo offeruntur Patri, & per illum acceptantur à Patre. Hisque ita constitutis, concludit debere Sacerdotes satisfactiões iniungere. Certum est autem, quod nemò nisi iustus in futurum cautior fit, nec medetur reliquijs peccatorum, nisi iam à culpa mortali liberatus, nec nisi iustus in Christo vivit, meretur, & satisfacit, nec nisi iam vivens vita gratiæ fert fructus, qui ex Christo vim habeant, nec alias ob causas Sacerdotes Domini satisfactiões iniungere debent. Igitur hæ iustificationem pœnitentis sequuntur, non antecedunt.

Et Can. 13. damnat asserentes, pro peccatis quoad poenam temporalem minimè Deo per Christi merita satisfieri pœnis ab eo inflictis, & patienter toleratis, vel à Sacerdote iniunctis &c. At si statuatur pœnitentiam Sacramentalem ante absolutionem Sacramentalem peragendam esse, enervatur, imò tollitur omninò ipsa ratio satisfactiões, nam per pœnitentiam ante absolutionem Sacramentalem peractam, non potest aliquis Deo satisfacere, vt supra ostendimus.

Rursus in eodem c. 14. Concilium describens reparationem lapsi in peccatum post Baptismum, ait, in ea contineri, non solùm detestationem, & cor contritum, & humiliatum, ve-

rùm etiam peccatorum Sacramentalem confessionem, Sacerdotalem absolutionem, itemque satisfactionem. Hic autem ordo manifestè significat, absolutionem priùs impendendam esse, quam satisfactiō illa peragatur.

Idem constat ex his, quæ habentur in Rituali Romano Pauli V. iussu edito anno 1617. Ibi enim sic dicitur. Cum igitur pœnitentem (Sacerdos) absolvere voluerit, iniuncta ei priùs; & ab eo acceptata salutaripœnitentia, primò dicit; Misereatur tui &c. Deindè dextera versus pœnitentem elevata, dicit, Indulgentiam, Absolutionem &c. Dominus Noster Iesus Christus te absolvat, &c.

Ità etiam in Sacerdotali impresso sub Leone X. anno 1537. dicitur, quod Sacerdos audita confessione, pœnitentem absolvat priùs ab excommunicatione, deindè iniungat ei pœnitentiam, & postea eum absolvat à peccatis.

Quis negare audeat, praxim hanc ab Ecclesia præscriptam, pœnitentem ante pœnitentiæ iniunctæ executionem absolvendi, optimam esse, conformemq; institutioni Christi Domini, ac doctrinæ Sanctorum Patrum; aut quis dicat, in hoc Ecclesiam ab antiquo stylo, ac veteri consuetudine recessisse? Certum est enim, Ecclesiam id servare, quod secundùm antiquam consuetudinem servatum semper fuit, vt Catechismus Romanus ait, vt scilicet post iniunctam satisfactionem pœnitentem Sacerdos statim absolvat.

Expenditur autoritas Innocentij Primi, & ostenditur, illam non obstare veræ sententiæ.

N Vllum Ecclesiæ statutum, muliusue Canon ab Aduersarijs atterri potest, quo decernatur Sacramentalem satisfactionem peragendam esse ante absolutionem Sacramentalem. Vndè Robertus Cardinalis Pullus, qui floruit Anno Domini 1170: *par. 6. sent. cap. 61.* ait: *Statuta Ecclesiæ id minime decernunt, quod sicut complectam confessionem, ita quoque peractam satisfactionem absolutio consequatur.*

Quia tamen Authores illi nonnullas Pontificum, Patrumque auctoritates pro eorum sententia pertrahere conantur; operæ pretium erit, eas hic afferre, & ostendemus auctoritates illas, nullatenus eis fauere, sed omnia præposterè ab Authoribus illis intelligi.

Obijciunt ergo primo loco Innocentium. Primum in sua prima Epistola Decretali, quæ partem facit Iuris Canonici, in qua sic loquitur de Pœnitentia. *Ceterum de pondere æstimando delictorum, Sacerdotis est iudicare, ut attendat ad confessionem penitentis, & ad fletus, atque lacrymas corrigentis, & tum iubere dimitti cum viderit congruam satisfactionem.* Oportuit igitur, insert Aegydius Gabrielis cum Authoribus, quos sequitur, secundum hunc Papam, ut peccator huiusmodi præmitteret confessionem, deinde adderet fletus, & la-

crymas, seu vera signa doloris, & emendationis. Et finaliter, ut Sacerdos ei peccata dimitteret, cum vidisset congruam satisfactionem, quam regulariter videre non poterat, nisi differret absolutionem.

Respondetur, in verbis Innocentij laudatis nullatenus haberi, quod Sacerdos iniungat pœnitenti satisfactionem Sacramentalem peragendam ante Sacramentalem absolutionem. Sed solum, quod Sacerdos attendat ad confessionem pœnitentis, & ad fletus, atque lacrymas corrigentis, & tum iubere dimitti, cum viderit congruam satisfactionem; non ait Innocentius tum debere dimitti, cum iniunctam ab eo congruam satisfactionem executioni mandatam viderit, sed ait, tum debere dimitti, cum viderit congruam satisfactionem; eam scilicet, quam prioribus verbis dixerat, scilicet congruum dolorem, congruamque contritionem per fletus, & lacrymas in actuali confessione à penitente manifestatam; Vndè satisfactionem vocat, non partem illam Sacramenti Pœnitentiæ, quæ distincta est à contritione, & à confessione, sed satisfactionem vocat ipsam congruentem contritionem, & confessionem, quæ scilicet congruenter lacrymosa sit, ac dolorosa.

In contritione autem, & confessione satisfactionem aliquam Deo exhibitam contineri, certum est, ac proinde satisfactionem aliquam absolutione priorem esse. Disertè id asserit S. Thomas in *4. sent. dist. 16. q. 1. art. 1. q. 1.* Ibi enim sic loquitur (*Pœnas, quam penitens patitur, tota in*

rationem satisfactionis cadit, non enim sola exteriori pena homo satisfacit, sed etiam interiori, aliâ oratio mentalis non esset satisfactoria. Vnde & pena, quæ est in Contritione, & quæ est in confessione in partem satisfactionis cadit. Et Alensis 4. parte quæst. 14. membr. 2. art. 1. §. 3. confessionem, quia ratione erubescentiæ est magna pars poenitentia, ait esse causam remissionis poenæ, sicut satisfactio, quæ sequitur est reliquæ poenæ remittendæ causa. Et Sanctus Bonaventura in 4. dist. 16. in exposit. littera sic ait (satisfactio dicitur dupliciter. Vno modo satisfactio dicitur ipsa reconciliatio, & sic quia omnes partes poenitentia sunt ad reconciliationem ordinate, qualibet dici potest satisfactoria. Alio modo dicitur satisfactio, persolutio poenæ debite, & sic competit propriè uni parti poenitentia, quæ est assumptio, siue adimpletio poenæ iniuncta: Nihilominus tamen alijs partibus competit per accidens, utpote contritioni ratione doloris, qui est in parte sensibili, similiter confessioni ratione erubescentiæ.)

Concilium etiam Senonense Anno 1128. celebratum in Decreto 10. lit. de Confessione, ait, poenitentem pudorem confessionis in satisfactionis partem de singulo quoque errore pati.

Est autem hæc communis Patrum doctrina. Nam S. Ioannes Chrysost. homil. de Poenit. & refertur de poenit. dist. 3. cap. Perfecta poenitentia, de poenitente sic ait. (In corde eius contritio est, in ore eius confessio, in opere tota humilitas, hæc est perfecta, & fructifera poenitentia) Cum autem in omnibus tribus istis partibus sit humilitas, eas omnes satisfactorias etiam pro

poena esse dicendum est. S. Cyprianus epist. 55. ait (Amplector prompta, & plena dilectione cum poenitentia reuertentes, peccatum suum satisfactione humili, & simplici confitentes) Igitur Cyprianus confitentes humiliter peccatum suum, amplectendos, & recipiendos, seu absolvendos, antepoentiam iniunctam satisfactionem iudicat.

Sanctus Augustinus homil. 50. cap. 5. (Non sufficit, inquit, mores in melius commutare, & a factis malis recedere, nisi etiam de his, quæ facta sunt satisfiat Deo per Poenitentia dolorem: per humilitatis gemitum, per contriti cordis sacrificium cooperantibus elemosynis) Hæc Augustinus ibi quoad contritionem serm. 66. confessionis virtutem ait describi (hoc Christi elogio, poenitentiam agite, & facite fructus dignos poenitentia) facere autem fructus dignos poenitentia, nil aliud est, quam Deo satisfacere, & apud eundem Author, de vera, & falsa poenitentia cap. 10. de Confessione, inter alia hæc habet. (Multum satisfactionis obtulit, qui erubescentiæ dominans, nihil eorum, quæ comisit, Nuncio Dei denegavit Dignus misericordia est, qui spiritali labore prout gratiam. Laborat enim mens patiundo erubescentiæ. Et quoniam verecundiæ magna poena est, qui erubescit pro Christo sit dignus misericordia.)

S. Baeccharius in epist. ad Iannarium, Confessionem satisfactionem appellat. S. Eligius hom. 4. docet, agi condignam satisfactionem per confessionem, & poenitentiam.

Et quidem negari nequit, dolorem, & pudorem in confessione ma-

gnam esse afflictionem, per quam pœnitens Deo satisfacit; hæc autem cum Sacerdoti confessionem exipienti innotescit, pœnitentem eo pacto pudenter absolueri debet. Et id dixit Innocentius, cum dixit (Sacerdotis esse iudicare, ut attendat ad confessionem pœnitentis, & fletus, atque lacrymas corrigentis, & tum iubere dimitti, cum viderit congruam satisfactionem, eam videlicet satisfactionem, quæ in confessione humili, cum congruo dolore inest, sed non eam, quæ à Sacerdote pœnitenti post delictorum confessionem iniungitur.

Potest præterea Innocentius intelligi de satisfactione, seu pœnitentia extrasacramentali ab ipso pœnitente pro admisis criminibus ante ipsam confessionem voluntariè assumenda, & assumpta; ex ea enim Sacerdoti qualitas doloris, ac dispositionis ipsius Confitentis innotescere potest; sicut & Sacerdos ad eundem pœnitentem probandum potest ei pœnitentiam aliquam non Sacramentalem iniungere, & hac à pœnitente cum dolore peracta, poterit eum per absolutionem Sacramentalem iniuncta prius pœnitentia Sacramentali dimittere.

Tandem dicitur, ex Innocentij laudatis verbis nil aliud haberi, nisi quod si Sacerdos non deprehendat in confitente congruum, sufficientemque de peccatis dolorem, verumque ab eis abstinendi propositum, ei absolutionem Sacramentalem non conferat, sed illam differat, usque dum in hoc ipso pœnitens Sacerdoti satisfaciatur, id est talem se dolorem,

ac propositum habere demonstret, ut Sacerdos ipsum absolueret, ac dimittere possit.

Quid hac in re senserit Sanctus Leo Magnus.

Profertur ab iisdem Authoribus, & S. Leo *epist. 91. ad Episcopum Theodorum*, ubi sic loquitur (*Multiplex misericordia Dei ita lapsibus subuenit humanis, ut non solum per Baptismi gratiam, sed etiam per Pœnitentia medicinam spes vite reparetur æterna, ut qui regenerationis donum violassent proprio se iudicio condemnantes ad remissionem criminum pervenirent, sic Divina bonitatis præsidij ordinatis, ut indulgentia nisi supplicationibus Sacerdotum, nequeat obtineri: Mediator enim Dei, & hominum Christus Iesus hanc Præpositis Ecclesiæ tradidit potestatem, ut confitentibus actionem Pœnitentia darent, & eosdem salubri satisfactione purgatos ad Communionem Sacramentalem per ianuam reconciliationis admitterent.*) Vbi, Authores præfati dicunt, primo loco ponitur confessio; secundò ponitur actio pœnitentiæ imposita à Sacerdotibus; Tertiò ponitur salubris satisfactio, qua debebant purgari, antequam ad Communionem Sacramentalem admitterentur. Quartò ponitur reconciliatio per absolutionem, quæ est ianuam reconciliationis.

Ut mens S. Leonis in laudatis verbis, eorumque sensus percipiatur, animaduertendum est, ipsum non de quacumque pœnitentia, sed de ea, quæ post Baptismum lapso in peccatum necessaria est pro reparanda vi-

æternæ spe, quam peccans mortaliter amiserat, loqui. In ea verò habetur peccatoris accusatio, & confessio, qua suo ille se iudicio condemnat, sine qua indulgentia Dei nequit obtineri. Vnde pœnitentia hæc est Sacramentalis, in qua per Sacerdotis orationem, seu absolutionem, & sententiam peccator se ipsam condemnans peccati indulgentiam accipit. Id autem, ut probet S. Leo verba illa subdit *Mediator enim Dei, & hominū Homo Christus Iesus, hanc Præpositis Ecclesie tradidit potestatem, ut & confitentibus actionem pœnitentie darent, & eisdem salubri satisfactione purgatos ad communionem Sacramentorum per ianuam reconciliationis admitterent.* Et quod per Ministros Christi fit id ipso interueniente incessabiliter per Spiritum sanctum donatum esse ait. Videtur ergò Sanctus Pontifex loqui de Sacramentali absolutione per Christi Ministros data. Quo posito illud obseruandum est, quod verba illa non eo pacto possint intelligi, ut scilicet peccator proprio se iudicio condemnans per Sacerdotum supplicationes ad remissionem peccatorum peruenire dicatur, multorum annorum, aut certè mensium interposita dilatione, postquam confessus peccata se suo iudicio damnauit à Sacerdote absoluator, ut volunt Authores cum quibus congregimur; Id enim fieri non potuit ex rationibus superius allatis; Sanctus igitur Pontifex in laudatis verbis eo pacto intelligendus est, ut postquam peccator proprio se iudicio damnauit proprium peccatum confitendo, ei actione pœnitentiae data, hoc est Sacramentali pœ-

nitentia imposita, per Sacerdotum supplicationem, quæ absolutionem etiam annexam habet, illico absque mora absolueretur, & sic per ianuam reconciliationis, id est Sacramentalis absolutionis ad communionem Sacramentorum admitteretur. Cum ergò Pontifex ait, Confitentes salubri satisfactione purgatos ad communionem Sacramentorum per ianuam reconciliationis admitti: Salubris satisfactionis nomine, non intelligit pœnitentiam Sacramentalem Confidenti impositam, hanc enim expressit nomine actionis pœnitentiae datæ; sed salubris satisfactionis nomine, intelligit eam satisfactionem, quæ, ut suprà diximus, ad Innocentij verba, continetur in contritione, & confessione pœnitentis; Contritio enim, & Confessio congrua, quæ debitum dolorem contineat, satisfactio dicitur à Leone; per quam Deo, & Sacerdoti Confitens satisfacit, etsi præter hanc alia superfit satisfactio, quæ est pars integralis Sacramenti; hæc enim non nisi actionis pœnitentiae nomine tunc appellari consuevit. Sic autem omnia benè consonant, quæ S. Leo in laudatis verbis dicit; inquit enim, quod Mediator Dei, & hominum, Homo Christus Iesus hanc Præpositis Ecclesie, id est Episcopis, & per eos Sacerdotibus tradidit potestatem, ut & Confitentibus actionem pœnitentiae darent, id est, Sacramentalem satisfactionem imponerent, & eisdem salubri satisfactione, id est congrua Contritione, & confessione purgatos, ea videlicet purgatione, qua peccator cum debito dolore con-

grua

grua afflictione, debitaque dispositione à peccato se purgat, ad communionem Sacramentorum, id est, Eucharistiæ, & reliquorum Sacramentorum, quæ ibi nomine Sacramentorum intelliguntur, per ianuam reconciliationis, id est, Sacramentalis absolutionis admittatur.

In hoc autem sensu verba illa accipienda esse, ut rectè poenitens dicatur salubri satisfactione purgatus, quia confessus peccatum, seque suo iudicio condemnans, atque hac ratione satisfaciens, à Sacerdote absoluitur, ostendit Bagotius de *Pœnit. dissert. 1. sect. 5.* ex Hincmaro Remensi Episcopo in *epist. 29. ad Carolum Calvum Regem* sic dicente (*Christus Iesus ex S. Leone, ut Catholica tenet, ac docet Ecclesia, hanc propositis eiusdem Ecclesie tradidit potestatem, ut & cœntremis actionem poenitentia darent, & eosdem salubri satisfactione purgatos (quæ satisfactio poenitentia in ipsa iam cognoscitur confessione peccati) per reconciliationis gratiam restitueret.*

Vnde poenitentes, ut absolutionem recipere, purgati esse debebant satisfactione, non ea, quæ illis imposita ante absolutionem facienda esset, ut Aduersarij volunt, sed ea, quæ in ipsa confessione peccati cognoscitur, atque ita sufficit Sacerdoti, ut absolutionis sententiam legitimam proferat.

Secundò dici etiam potest, Sanctum Leonem in laudatis verbis loqui de confessione, poenitentia, & reconciliatione, quæ contingebant, cum postquam peccator Sacramentaliter, & in foro interno absolutus fuerat, Ecclesiastica, & Canonica,

reconciliatione, de qua suprà diximus, reconciliabatur. Nam de hac quoque reconciliatione benè verificantur, quæ ibi habet Pontifex; nam hæc etiam reconciliatio peccatores post Baptismum lapsos Deo quoque reconciliabat, quatenus pœnas canonicas pro grauioribus peccatis impositas soluendo, Deo, nedum immunes à culpa, (quod per absolutionem Sacramentalem iam obtinuerant) sed etiam à pœna, reconciliabantur; Peccatores ergò postquam peccata sua confessi fuissent, eisquæ actio poenitentia imposita esset, id est, poenitentia illa Ecclesiastica, & canonica, ubi hanc impleuissent reconciliabantur Ecclesiastica reconciliatione, & per hanc ad Communionem Sacramentorum, tanquam per ianuam admitterentur.

Soluitur obiectio ex autoritate S. Gregorij ducta.

Tertio assert Aegydius Gabrielis Sanctum Gregorium Hom. 26. ad verba illa Euangelica, *Quorum remisistis peccata remittuntur eis*, sic loquentem (*Videndum est, quæ culpa præcessit, aut quæ sit poenitentia secuta post culpam, ut quos Omnipotens Deus per compunctionis gratiam visitat, illos Pastoris sententia absoluat, tunc enim vera est absolutio Prælatorum, cum æterni arbitrium sequitur Iudicis.*)

Igitur iuxta Gregorium, inquit Aegydius, ut Sacerdos poenitentem absoluat, requiritur, ut videat, quæ cul-

culpa præcesserit; deinde quæ sit pœnitentia secuta post culpam; tum ut absoluat illum, quem videt gratia Dei compunctum: nisi enim per vera pœnitentiæ signa Sacerdoti constet de sufficienti dolore pœnitentis, seu de compunctionis gratia, per quam visitatus à Deo se disponit ad gratiam reconciliationis in Sacramento obtinendam, non erit legitima absolutio Sacerdotis præsentis.

Respondetur nullatenus in allatis Gregorij verbis haberi, quod Confidenti Sacramentalis pœnitentia iniungenda sit ante absolutionem Sacramentalem explenda: sed solum in eis habetur, quod antequam confitens à Sacerdote absoluitur, attendenda sit ipsius dispositio, an videlicet sit rectè dispositus, & quæ pœnitentia, secuta sit post culpam, qui videlicet actus, quo ipsum de admisso peccato pœniteat, quæ compunctio, quæque displicentia, quodque propositum à peccato in posterum abstinendi; nam si hæc verè non adsint, Pœnitentiæ Sacramentum non est ei impendendum, sed omnino negandum, & usque dum ille sit rectè dispositus differendum; & ut ipsemet, qui hanc auctoritatem obijcit, ait nisi per vera pœnitentiæ signa Sacerdoti constet de sufficienti dolore pœnitentis, seu de compunctionis gratia, per quam visitatus à Deo se disponit ad gratiam reconciliationis in Sacramento obtinendam, non erit legitima absolutio Sacerdotis præsentis, sed quid hoc cum quæstione præsentis?

Expenditur locus Iuonis Carnotensis in epistola 250. ab Aduersarijs laudatus, & ostenditur, in eo firmari nostram sententiam.

VT ostendamus; Aduersarios auctoritatibus Patrum abuti, ad suam sententiam fundandam. afferenda hic sunt omnia verba Iuonis in præfata epistola 250. & referendus casus, inde autem constabit, Iuonem fauere, non Aduersariorum sententiæ, sed nostræ.

Ab Iuone Presbyter quidam quæsierat, cur celerius Christus reum à peccato liberet, quàm Ecclesia, & quomodo cum prophetica sententia conueniat Synodalis; siquidem illa peccatorem in quacumque hora ingemuerit, saluum fore ait: ista verò crimina sua confitentes à comunione Corporis, & Sanguinis Christi suspendit (Repugnare enim videtur, dissentiteque sententia Capitis, & Corporis, ut quos Caput, id est, Christus celeriter à peccato liberat, eos Corpus Christi, id est, Ecclesia sub pœna peccati diu ligatos retineat).

Respondet autem Iuo (*criminali culpa delinquentem separari à capite, & corpore, ordinisque rationem exigere, ut internus Iudex tantò remittat celerius, quanto solus magis videt interius. Iudex verò, qui tantum videt in facie, usque adeo delinquentes sub peccati pœna detineat, donec per manifestum pœnitentiæ fructum, qui sit pœnitentis affectus intelligat. Per internum enim*

gemitum satisficit interno Iudici, & idcirco indilata datur ab eo peccati remissio, cui manifesta est interna confessio. Ecclesia vero, quia occulta cordis ignorat, non soluit ligatum, licet suscitatum, nisi de monumento elatum, id est, publica satisfactione purgatum. Hinc est, quod Ecclesia sua crimina confitentes à Sacramentorum communione suspendit, & in cinere, ac cilicio posuit ab introitu Ecclesiarum statuto tempore excludit, ut per hoc experiantur, si iam sume intus uiuificati, cum fuerint longa poenitentiae maceratione probati.)

Hactenus Iuo, qui duplicem peccatoris, alteram cum Deo, alteram cum Ecclesia reconciliationem ita distinguit, ut illa sit indilata, & detur celerius; hæc vero nonnisi postquam Ecclesia sub pœna peccati peccatorem diu ligatum, retinuit. Certum est autem, illam, qua peccator cum Christo reconciliatur, absolutionem esse Sacramentalem, nam Christus nonnisi per Sacramentum Poenitentiae, vel voto susceptum peccatorem liberat, & consequenter certum est, absolutionem illam, aliam non esse, quam Sacramentalem absolutionem; Aliam autem absolutionem, certum est esse Canonicam, & Ecclesiasticam à Sacramentali condistinctam. Idque ex eo etiam constat, quod Iuo non dicit, quod *Iudex, qui uidet in facie*, id est, Ecclesia delinquentes sub peccato, seu culpa detineat, uti contineret, si plurium annorum, vel mensium spatio, delinquentes inabsolutos Sacramentaliter detineret, sed ait, quod *Iudex, qui uidet in facie*, seu Ecclesia, delinquentes *sub pœna peccati detineat*, sub pœna, non sub culpa,

ut per hoc innuat, eos à culpa esse iam absolutos, & ab Ecclesia solum sub pœna detineri: Idque donec per manifestum poenitentiae fructum, qui su poenitentis affectus intelligat, ut videlicet intelligat, an poenitens in bono proposito abstinendi à peccato permanceat, quamuis enim cum delinquens absolutionem Sacramentalem accepit, sufficienter illum dispositum fuisse deprehenderit; Ecclesia tamen ad eius propositum magis firmandum, & ad experientiam de eodem sumendam, & ad ipsum poenitentem ulterius probandum, & purgandum, longa poenitentia, & satisfactione ligatum detinet, licet *suscitatum*, id est, in statum gratiae per absolutionem Sacramentalem restitutum. Per illas enim publicas, & longæuas poenitentias experiebatur Ecclesia, magis que discebat, poenitentes intus fuisse uiuificatos.

Rursus. Absolutio, quam à Christo Iuo datam ait, peccatorem à peccato liberat; Altera vero non nisi intus uiuificatum, & suscitatum liberat non à culpa, sed à pœna. Ideoque Iuo iterum, atque iterum repetit, Ecclesiam suos in cinere, & cilicio poenitentes absolueret, quos *sub pœna peccati diu ligatos retinuit*, ut videlicet significet, Ecclesiasticam absolutionem, non à culpa liberare poenitentem, sed à pœna, & vinculo illius excommunicationis, quo poenitentes ab Eucharistiae perceptione, ab ingressu Ecclesiae, aliorumque Sacrorum communione prohibebantur. Hæc autem firmant nostram sententiam.

De Authoritate S. Bernardi in epistola octaua ad Brunonem electum Colonensem Episcopum, quam pro se proferunt Aduersarij.

Proferunt Aduersarij etiam Authoritatem S. Bernardi in epistola 8. ad Brunonem electum Episcopum Colonensem; Ibi enim volunt S. Bernardum loqui de conuersione peccatoris necessaria ad reconciliationem, deque innocentia, seu peccatoris iustificatione, quam si absque diuturna penitentia efficacior Dei clementia veloxque restituerit, non tam exemplum, quam miraculum, habendum sit, vt loquitur Bernardus.

Sanctus Bernardus tamen in Epistola illa, de innocentia, quam Episcopalis Sanctitas postulat, sermonem habet: Vnde ad Brunonem electum Colonensem Episcopum, sic ait, *Queris à me consilium Vir Illustris Bruno, an volentibus te promouere ad Episcopatum acquiescere debeas* Magis dubium reddat consilium illa in litteris tuis humilis, sed terribilis confessio, qua vitam tuam, et vt credo nonnisi veraciter accusas. Nec enim negandum est huiusmodi vitam esse indignam tam Sacri dignitate ministerij Horreo considerans, vnde, et quo vocaris, praesertim cum nullum intercurrerit penitentia tempus, per quod vicumque periculosissimus transitus fiat (Deinde subiicit ea, quæ ab Aduersarijs proferuntur mutilata.) sed quid si suam Deus accelet tibi gra-

tiam, et multiplices misericordiam; et sic ad restituendam innocentiam efficacior velox clementia, quam diuturna penitentia? Hæc enim supprimuntur. (Beatus siquidem cui non imputauit Dominus peccatum. Nam quis accusabit aduersus electum Dei? Si Deus iustificat, quis est qui condemnet?) Igitur Sanctus Bernardus loquitur non de quacumque innocentia, sed de ea, qua electum Domini prædictum esse oportet: Meminit autem conuersionis latronis, non vt quacumque conuersionem significaret, sed vt significaret eam (quæ vna eademque die simul, et confessus latrocinia, et introductus est in gloriam) (& de luto fœcis in Paradisum voluptatis; Sicut & illa peccatrix, non tantum à peccatis liberata est, sed abundante gratia in breui meruit charitatis accipere latitudinem.) Postea verò ab iisdem Aduersarijs, ea quæ sequuntur, omissa sunt, hæc videlicet, sed aliud est celerem adipisci veniam peccatorum, et aliud de ipsis sceleribus ad infulas non prouehi Dignitatum (ac denum allato exëplo Sauli: qui factus est repente Paulus, repente vas electionis, repente Doctor Gentium) subiiciuntur ea, quæ Aduersarij suam in rem afferunt scilicet hæc, Quamquam si tale quidpiam, quandoque bene, et vtiliter factum fuisse agnoscitur: de quo dico veraciter possit, hæc est mutatio dextera excelsi, non tam exemplum, quam miraculum asferre debeat. Vnde patet perperam ab Aduersarijs adduci S. Bernardum pro illorum sententia.

Refelluntur alia, quæ ab
ijsdem Authoribus pro
corum sententia af-
feruntur.

SANCTUM etiam Carolum pro eo-
rum sententia stare iactant Au-
thores præfati; sed immerito, nam
si legantur attentè, quæ ex S. Carolo
ipsimet afferunt, constabit, nec le-
uissimam de satisfactione ante abso-
lutionem Sacramentalem implenda
fieri animaduersionem. Nisi fortè
eum S. Carolus iubet, aliquando exi-
gi à pœnitente satisfactionem pro
damnis illatis, Authores illi, pœni-
tentiam Sacramentalem intelligi ve-
lint. At quis, nisi desipiat, illam,
cum restitutione, & iniuriæ alteri il-
latæ reparatione confundat? Sed &
satisfactionem pro damnis illatis,
sufficit, quod pœnitens promittat,
ut possit absolui; nec necesse est, eam
in re præcedere absolutionem, nisi
fortè confitens pluries id pollicitus
esset, & exequutioni nunquam ma-
dasset, tunc enim poterit Confes-
sarius exigere à Confitente satisfac-
tionem illam, antequam cum ab-
soluat, sed extra hunc casum, sat est,
quod pœnitens satisfactionem illam
polliceatur. Idquæ habetur expressè
in Catechismo Romano in cap. de sa-
tisfactione in fine, ibi: *Id in primis à*
Sacerdotibus observari debet, ut audi-
ta peccatorum confessione antequam pœ-
nitentem à peccatis absoluant, diligen-
ter curent, ut si quid ille forte de re, aut
existimatione Proximi detraxit, cumu-
lata satisfactione compenset, Nemo enim
absolvens est, nisi prius, quæ cuius-

cumque fuerint, restituere polliceatur.
Hæc Catechismus. Vnde si in casibus
restitutionis, sufficit restitutionis pro-
missio, & ante actualem restitutionem
pœnitens potest absolui, mul-
tò magis sufficiet satisfactio per pœ-
nitentiam Sacramentalem acceptata,
ut quis absolui possit, nec opus erit
eam ante absolutionem Sacramenta-
lem exequutioni mandare.

Cetera, quæ affert Aegydius Ga-
brielis ad suam opinionem fundandam,
sunt omnino extraneæ; confundit enim
pœnitentias dispositivas cum pœni-
tentia Sacramentali; in quo & alij
Authores, cum quibus ipse sentit,
hallucinantur; Aliud est enim dice-
re, quod peccator debeat de peccatis ad-
missis, etsi in hæc recidivus fuit, at-
tendi debeat tempus, quo à peccato
abstinuit, & ipsius dispositio, etsi
non dispositus deprehendatur, diffe-
renda sit absolutio; Aliud verò est
dicere, quod peccatori non disposito
iniungenda sit pœnitentia, seu satis-
factio Sacramentalis ante absolutionem
Sacramentalem explenda; Ex
his enim primum admittendum est,
non verò secundum. Immo pecca-
tori indisposito iniungi non potest
satisfactio Sacramentalis, hæc enim
est pars Sacramenti Pœnitentiæ; pec-
catori enim indisposito totum Sacra-
mentum negandum est, aut certè dif-
ferendum. Probari tamen poterit pec-
cator per alia opera pœnalia, quæ illi
iniungantur, non ut satisfactio Sacra-
mentalis, sed ut opus medicinale, &
dispositivum ad contritionem, quæ
necessaria est ad recipiendum Sacra-
mentum Pœnitentiæ, ita ut eidem
pec-

peccatori postmodum ritè disposito iniungatur pœnitentia Sacramentalis cum Sacramentali absolutione. Quare si probatio pœnitentis facienda sit, non est facienda per iniunctionem pœnitentiæ Sacramentalis ante absolutionem Sacramentalem explendæ, sed facienda est per dilationem absolutionis Sacramentalis, aut per iniunctionem aliorum operum, quæ pœnitenti iniungantur, non ut satisfactioes Sacramentales, sed ut operamè dispositiua, & probatiua.

Nec ullus Canon, aut Decretum Summorum Pontificum, aut Conciliorum, nec vlla Sanctorum Patrum autoritas proferri potest, in quibus statuatur, aut consulari iniunctio pœnitentiæ Sacramentalis ante absolutionem Sacramentalem explendæ, sicut nec ullum documentum afferri potest (quidquid Authores aduersi clament) quo probetur, vilo vnquam tempore eam in Ecclesia praxim viguisse pœnitentiam Sacramentalem ante absolutionem Sacramentalem peragendi; Omnes enim auctoritates, quas ad hæc Aduersarij afferunt, violenter ad eorum sensum detorquentur, immò præposterè ab eis intelliguntur.

E contra verò manifesta sunt Summorum Pontificum, & Sacrorum Conciliorum Decreta, ac Sanctorum Patrum auctoritates, & seruata semper Ecclesiæ praxis, de absolutione Sacramentali ante pœnitentiæ Sacramentalis exequutionem impendenda; & impensa; Et Concilium Tridentinum, ut suprà etiam obseruauimus, *sess. 6. c. 14.* docet, Sacramentum Pœnitentiæ continere contritio-

nem, confessionem, & Sacerdotalem absolutionem, itemque satisfactionem; Vndè post absolutionem ponit satisfactionem, & eundem ordinem seruat in alijs Capitulis, & in Canonibus; ex quo manifestè redargitur Aegydius Gabrielis, qui ordinem à Concilio probatum inuertit, additq; hodiernam praxim in nullo Concilio vniuersali, vel particulari approbatam fuisse.

Verum est, Sanctos Patres ad certiorè de pœnitentis dispositione, cognitionem habendam, probare, quod aliqua pœnitentia ab ipso pœnitente voluntariè assumpta præcesserit; per hoc tamen docere non intendunt, pœnitentem esse non posse sufficienter dispositum sine præuia Sacramentali pœnitentia.

Optima ergo, & rationabilis, ac ipsius Sacramenti institutioni à Christo factæ conformis est Ecclesiæ praxis, qua peccatores, etsi grauiorum criminum reos, pœnitentes tamen, ac ritè dispositos, à peccatis absoluit iniuncta eis pœnitentia post absolutionem peragenda, & praxi hac semper vsa est Ecclesia; Vndè, quòd antiquitus Ecclesia eo pacto peccatoribus Pœnitentiæ Sacramentum administraret, ut Sacramentalem pœnitentiam explendam ante absolutionem Sacramentalem iniungeret, est recens inuentum, & paucorum recentiorum phantasia. Verum, est, antiquitus in Ecclesia in vsu fuisse pœnitentias publicas, & solemnes pro publicis, & grauib; criminibus, has tamen pœnitentias præcedebat absolutio Sacramentalis, ut suprà ostendimus; Exoleuerunt autem hu-

iufmodi pœnitentiæ, ficut aliæ in Canonibus pœnitentialibus pro peccatis taxatæ, quia propter multitudinem fidelium, qui iam per totum Orbem multiplicati funt, non poffent facilè ab omnibus executioni mandari, & feruor fidelium defervit, & idè Summi Pontifices frequentius Indulgentias concedere creperunt, per quas fideles liberantur à pœnis etiam iniunctis per Sacros Canones, vt enim communiter sentiunt Theologi, quando in forma concessionis Indulgentiarum apponitur claufula (*de iniunctis pœnitentijs*) conceditur remiffio pœnitentiarum tam de factio iniunctarum, quàm earum, quæ iniungi debuiffent, ac potuiffent, feu quod remittantur pœnæ Purgatorii respondentes pœnitentijs tam iniunctis, quàm de iure iniungendis, iuxta tamen amplitudinem, & quantitatem concessionis. Vndè Indulgentiæ valent etiam pro non iniunctis à Confefario, quia fufficit, quod fint iniunctæ a lege pofitiua, feu à Deo ipfo, qui omnibus pro meritis iuffiffimas pœnas decernit. Nam aliàs fi mens Pontificis efferet, quod claufula (*de iniunctis pœnitentijs*) intelligeretur de folis iniunctis à Confefario, id expreffiffet, & non diceret abfolutè, *de iniunctis*, quod in proprietate Sermonis, intelligi potefl de iniunctis à lege. In concessione autem Indulgentiæ plenariæ non apponitur claufula (*de pœnitentijs iniunctis*) quia intelligitur remitti tota pœna in Purgatorio luenda, iuxta communem Theologorum fententiam.

Cùm igitur frequentius Indulgentiæ per Summos Pontifices conce-

dantur, per quas pœnæ peccato debitæ remittuntur, defuerunt pœnitentiæ illæ canonicæ, & folemnes. Neq; hoc derogat perfectioni. Nam perfectum efl non fugere pœnas, quæ promouent ad salutem citius acquirendam, quale efl martyrium, & aliæ pœnæ spontè acceptæ; Vndè ad huiufmodi pœnas libenter perferendas Nos S. Petrus adhortatur in fua *Epift. c. 2.* cum ait: *Chriftus paffus efl pro nobis, relinquens nobis exemplum, vt fequamur veftigia eius*; non tamen efl contra perfectionem, immò efl perfectum fugere debitum pœnæ, cum per illud impediatur, & retardentur fideles ab ingreffu Patriæ cœleftis, vt benè ait Cardinalis Bellarminus in *traët. de Indulgent. lib. 1. cap. 10. & lib. 2. cap. 2. ad Lutherum*, qui opponebat, quod cum indulgentiæ remittant pœnitentias iniunctas, & hæc funt opera bona, videlicet ieiunia, eleemofynæ, preces, & fimilia, Indulgentiæ videntur noxiæ, non falutares, cum à bonis operibus fideles impediunt; Respondet, quod Indulgentiæ remittunt pœnitentias iniunctas, non quatenus funt opera, fed quatenus debitum eas implendi retardaret noflrum ingreffum in vitam æternam, fi forè ante illarum impletionem de vita nos exire contingeret: Vndè Ecclefia dum largitur Indulgentias, non prohibet ftudium pœnitentiæ, immò ad illud nos hortatur, & excitat, fed à reatu illo nos liberat, quo impedi poffemus à Regno Cœlorum citius obtinendo; Indulgentiæ proindè vere falutares funt, & nullo modo noxiæ.

Quoad Canones verò pœnitentia-

uales dicendum videtur, quòd tantum habuerunt locum in foro exteriori Ecclesiastico, non in interiori pœnitentiali: primò, quia in foro interiori pœnitentiæ nunquam fuerunt determinatæ, sed arbitrio Confessarij relictæ. Secundò, quia res hæc publicarum pœnitentiarum tractabatur iudicialiter, & pendebat ex accusatoribus, Testibus, iudicijs, iudicijs, sententijs, processibus, siue quibus nullus priuabatur communione, & consequenter pœnitentiæ illæ non iniungebantur à Confessarijs, nam hi non iudicant per Accusatores, & Testes, sed accusatorem, & Testem habent, solum pœnitentem: Quod autem res hæc ageretur iudicialiter per accusationes, Testes, &c. constat ex S. Augustino in Homilia vltima ex quinquaginta; ibi enim sic ait (*Nos uerò à communione prohibere quemquam non possumus, quamuis hæc prohibitio nondum sit mortalis, sed medicinalis, nisi aut spontè confessum, aut in aliquo iudicio, siue Ecclesiastico, siue seculari nominatum, atque conuictum; Quis enim sibi virumque audeat assumere, ut cuiquam ipse sit, & accusator, & Iudex; Cuiusmodi regulam etiam Paulus Apostolus in eadem ad Corinthios epistola breuiter insinuassee intelligitur, cum quibusdam talibus commemoratis criminibus Ecclesiastici iudicij formam ad omnia similia ex quibusdam daret. Ait enim: Scripsi vobis in epistola non commisceri cum fornicarijs &c. Si quis frater nominatur, aut fornicator, aut Idolis seruiens, aut auarus, aut maledicus, aut ebrius, aut rapax: cum huiusmodi nec quidem cibum sumere. Quid enim mihi*

de his, qui foris sunt iudicare? Nonne de his, qui intus sunt vos iudicatis? De his autem, qui foris sunt, Deus iudicabit. Auferre malum à vobis ipsis. Quibus verbis satis ostendit, non temerè, aut quomodolibet, sed per iudicium auferendos esse malos ab Ecclesia communione; ut si per iudicium auferri non possunt tolerantur potius, ne peruersè malos quisque emittendo ab Ecclesia ipse discedens, eos, quos fugere videtur, vinciat ad gehennam; & post pauca, sic ait. Non enim contrarium est huic loco id, quod alio loco ait Apostolus: Tu quis es, qui iudicas alienum seruum? Suo Domino stat, aut cadis. Noluit enim hominem ab homine iudicari ex arbitrio suspicionis, vel etiam extraordinario usurpato iudicio: sed potius ex lege Dei secundum ordinem Ecclesiæ, siue utrò confessum, siue accusatum, atque conuictum. Alioquin illud cur dixit (Si quis frater nominatur, aut fornicator, aut idolis seruiens, &c. &c.) nisi quia eam nominationem intelligi volunt, quæ sit in quemquam, cum sententia, ordine iudiciario, atque integritate, profertur? nam si nominatio sola sufficit, multi damnandi sunt innocentes: quia sæpè falsò in quoquam crimina nominantur. Hactenus Augustinus.

Vndè nedum Sancti Patres, sed & Apostoli hac forma iudicandi utebantur, puniendi scilicet delicta, & crimina in foro exteriori, vti conitat egisse Apostolum Paulum iuxrà Augustinum, & manifestè id apparet ex Textu D. Pauli, nam ipse peccatorem illum damnavit, non quia illius confessionem audiisset, sed quia murmur erat inter fideles, vti de re maxime scandalosa. Omnino, ait, audi-

itur inter vos fornicatio &c.

Tertiò. Constat, iudicium illud latum non fuisse à Confessariis in foro conscientie, nam penès Confessores non erat authoritas, publicas illas pœnitentias imponendi, cum ex illis plures in priuatione Ecclesiasticarum dignitatum, ac depositionibus ab honoribus, etiam secularibus, positæ essent, vt videre est apud Augustinum in Epistola ad Bonifatium.

Quartò. Quia pœnitentes absoluebantur aliquando ante pœnitentiam expletam, etiamsi non periclitarentur de vita, vt constat ex *cap. Presbyter dist. 82.* Vbi cum Presbytero fornicario præscribatur pœnitentia decem annorum, conceditur tamen, vt post sesqui annum Corporis, & Sanguinis Domini particeps fiat. Idem habetur ex Nicolai Papæ *cap. de Viro 12. q. 2. & ex Concilij Ancyran. Can. 5. 6. & 8.* vbi cum de illis, qui admittebantur ad Communionem tertio, quarto, sexto anno, definitur, vt anno demum sequenti perfectionem suam recipiant. Certum est autem, quod si pœnitentia illa fuisset Sacramentalis, & à Confessario iniuncta, non potuisset pœnitens, ante illius completam absolutionem absolui, cum tota illa pœnitentia iam facta esset pars Sacramenti Pœnitentie.

Canones igitur Pœnitentiales, & pœnitentie in eis contentæ tantum habuerat locum in foro exteriori Ecclesiastico non in interiori pœnitentia: li, & ita plures Doctores arbitrantur, Nauarr. in *Comment. de Pœnit. dist. 5. in cap. falsas.* Valerus de differentiis vtriusque fori, verbo Pœnitentia dif-

ferentia quarta. Ludouicus Bail de triplici examine, Ordinandorum, Confessariorum, & Pœnitentium *par. 3. pag. 541. & alij:* Vnde & absolutio, quæ ad huiusmodi pœnitentijs reis post illarum expletionem concedebatur, Ecclesiastica fuit, & Canonica, & pro foro externo, pœnitentiarum qualitati respondens, non verò Sacramentalis, & pro foro interno, & præterea publica erat, proinde non Sacramentalis.

Sed quoad desuetudinem pœnitentiarum in Canonibus pœnitentialibus contentarum, illud etiam obseruandum cum Baronio *tom. 11. Annal. ad Annum 1055.* Ex Petro Damiano in Epistola ad V. Episcopum scripta; Quod videlicet Ecclesia Canones Pœnitentiales nominatos, ad coercendos homines, ne absque disciplina, atque timore supplicij prolaberentur ad mala, constituit, eisdemque Vniuersa Ecclesia, Romana præsertim retinere consuevit in suo vigore, & obseruantia venerandos. Sed cum temporum iniuria eorum seuerâ censura prætermissa videri posset, eos iterum in usum pristinum reuocare studuit; præsertim Anno 1055., quo tandem post tot naufragia Ecclesiarum exul censura postliminio reuocata vigere cœpit: Quoniam verò (subdit Baronius) contineres obiterata frequenter peccata mortalia, quorum causa plurimum annorum pœnitentia inferretur, desperare homines tot annorum curriculum, & aliquando sua ætate integra sub eodem pœnitentia fasce gemere, immò interdum, nec hominis ætatem sufficere, ad expianda per pœnitentiam præscriptam à Canonibus

nibus commissæ peccata: aperta est in Ecclesia ianua poenitentiae redemptionis, ne quis ex hac vita Ecclesie debitor præueniens morte decederet, factumque est, ut breviori compendio temporis satisfacere, quæ plurimorum annorum termino persolvere teneretur: quæ quidem redemptio multiplici via, qua unicuique hominum statui prospectum esset, ut fieri posset consultum optimè fuit: nimirum, ut qui diuitijs affluerent, erogando eas in usum pauperum, pro quantitate persoluti pretij tot redimeret ei annos, quot lex Ecclesiastica concessit: Hoc est ergo, quod Petrus Damiani ait (Non ignoras, quia cum à poenitentibus terras, possessiones agrorum ridelicet, accipimus, iuxta mensuram muneris, eis de quantitate poenitentiae relaxamus) Quibus plene ostendit, bona Ecclesiastica, eiusmodi fieri solita redemptione, aucta venisse. Hactenus Baronius.

Rursus (addit Baronius) ne diuinitus tantum aperta redemptionis huius ianua videretur, aliæ ab Ecclesia excogitate sunt corporæ afflictiones, quibus pauperes, & alij, qui vellent, redimere brevi tempore multiplices annos possent. De istiusmodi remedijs apud Burchardum, tractatio prolixior est. Scripsit enim librum Decretorum poenitentiae, qui in sua Collectione ordine numeris ponitur Decimus nonus: à cuius capite duodecimo de poenitentiae redemptione agere sic incipit. (Pro vno die, quem in pane, & aqua ieiunare debet, quinquaginta Psalmos in Ecclesia, si fieri potest, decantet, sin autem in loco conuenienti eadem faciat, & vnum pauperem pascat, & eo, excepto vino, & carne, & sanguine quidquid velit

comedat (& de alijs similibus usque ad caput vigesimum quintum inclusiue.) Ea verò omnia ex Romano Penitentiali ea recitare proficetur. Hæc Baronius loco cit. Sed & ad annum 1056. sic ait (eodem quoque tempore, etsi non eodem Auctore Petro Damiani, tamen certo propagatore, atque aduersus impugnantes propugnatore, introductus est in Ecclesia ille laudabilis usus, ut poenitentiae causa fideles verberibus se ipsos afficerent, flagellis ad hoc paratis idoneis, exemplo Beati Domini Loricati sibi subditi sanctissimi Eremitæ.) Hæc Baronius.

Ex quibus apparet, quod cum obiterata frequenter peccata, ut Baronius ait, & propter multitudinem fidelium toto Orbe propagatorum, & propter longitudinem temporis, quo poenitentiae in Sacris Canonibus taxatae exequutioni mandari non possent, poenitentiae illæ paulatim in Ecclesia desueuerint, alijs paulatim in earum locum substitutis, ipsamet Ecclesia probante; Huiusmodi sunt peregrinationes ad loca sancta, Hierusalē, Romam, ad Compostellam, ad Sacram Aedem Lauretanam, & ad alia sacra loca, ieiunia specialia, Ecclesiarum visitationes, stationes, eleemosynæ, erectiones Templorum, & Hospitalium, professiones ad bella contra infedèles, ingressus etiam, & professio in Religiosis Ordinibus, & alia plura, quæ antiquis Canonum poenitentijs substituta sunt; quibus additis etiam Indulgentijs frequentioribus, quæ nonnisi cum poenaliū operum iniunctione conceduntur, poenæ temporales à Sacris Canonibus iniunctæ, ac etiam illæ, quæ in

Purgatorio essent luendæ, redimuntur.

Quare non est, quod Authores præfati sub specie zeli, & pietatis Ecclesiæ supersapere velint, & expediens fore asserant, quòd iterum in praxim venirent Canonice pœnitentiæ, quibus, iustis de causis, vt ostendimus, alias pœnitentiis, aliaque opera pœnalia Ecclesia Spiritu Sancto edocta, substituit. Quædam enim pro aliquo tempore congruunt, quæ non congruunt sequentibus temporibus, & plura in primitiua Ecclesia apud primos Christi fideles in vfu erant, quæ sequentibus temporibus, statu rerum mutato, deponere oportuit.

Sic etiam; primis sæculis consuetudo erat, quod peccatores præter secretam, & apud Sacerdotem de peccatis factam confessionem, aliam publicam de iisdem coram alijs fidelibus facerent, quam tamen consuetudinem postmodum S. Leo abolendam decreuit; Ità planè habetur *Can. 89. de pœnitentia*, vbi sic habet: *Quamvis plenitudo Fidei videatur esse laudabilis, quæ propter Dei timorem apud homines erubescere non veretur; tamen quia non omnium huiusmodi sunt peccata, ut ea, qui presentiam poscunt non timeant publicare, remouetur tam improabilis consuetudo, ne multi à pœnitentia remedijs arceantur, dum aut erubescunt; aut metuunt inimicis suis sua facta referare; pro quibus posunt legum constitutione percelli sufficit enim illa confessio, quæ primum Deo offertur, tum etiam Sacerdoti, qui pro delictis pœnitentium precatior accedat. Tunc enim demum plures poterunt promocari, si*

Populi auribus non publicetur conscientia Confitentis. Hactenus Leo.

Alia plura poscent asseri, quæ antiquitus in vfu erant apud fideles, quæ tamen Ecclesia iustissimis de causis, vel substulit, vel immutauit, quæ cum non pertineant ad substantiam fidei, vel Sacramentorum, Ecclesia tollere, vel immutare potuit; Hanc autem tollendi, vel immutandi, quæ accidentalia sunt, potestatem, agnoscere necessè est in Ecclesia.

Idque fide certum, cum definitum sit in Concilio Tridentino *sess. 21. cap. 2.* his verbis: *Præterea (Sancta Synodus) declarat, hanc potestatem perpetuò in Ecclesia fuisse, ut in Sacramentorum administratione, salua illorum substantia, ea statuere, vel mutare, quæ suscipientium utilitati, vel Sacramentorum venerationi, pro rerum ac temporum, & locorum varietati magis expedire iudicaret, &c.* Hinc infert, Ecclesiam tollere potuisse antiquam consuetudinem fideles communicandi sub vtraque specie, subdens. (*Quare agnoscens Sancta Mater Ecclesia hanc suam in administratione Sacramentorum auctoritatem, licet ab initio Christianæ Religionis non infrequens, variisque speciei vsus fuisse, tamen progressu temporis, latissimè iam mutata illa consuetudine, grauib; & iustis causis adducta, hanc consuetudinem sub altera specie communicandi approbauit; & pro lege habendam decreuit, quam reprobare, aut sine ipsius Ecclesiæ auctoritate pro libitu mutare non licet*) & *Can. 2.* apponit anathema dicentibus, Sanctam Ecclesiam Catholicam non iustis causis, & rationibus adductam fuisse, vt laicos, atque etiam Clericos

eos non conficientes, sub panis tantummodò specie communicaret, aut in eo errasse.

Quam potestatem in Ecclesia, agnoscendam definit Concilium, quoad accidentalia Sacramentorum, & quoad ritum ea administrandi, multò magis in eadem Ecclesia agnoscendam esse dicendum est, quoad alios ritus, & consuetudines, quod videlicet eas pro rerum, ac temporum, & locorum varietate tollere, vel immutare potuerit, prout fidelium utilitati, vel Ecclesiæ decori expedire cognouerit, & quod, si aliquam consuetudinem substulerit, iustis de causis eam substulisse, dicendum sit, ita vt oppositum dicere nefas sit.

Præterea iam ostendimus morem illum peccatores, nonnisi post peractam pœnitentiam Sacramentalem absoluendi nunquam fuisse in Ecclesia: Vndè absolutionem nonnisi post peractam pœnitentiam Sacramentalem impendendam esse, aut id expediens esse asserere, est velle novos in Ecclesiam ritus inducere ip administratione Sacramentorum, quodque tangit etiam Pœnitentiæ Sacramentum, vel certè ordinem partium ponendarum iuxta institutionem à Christo Domino factam. Ad pœnitentias verò in Canonibus pœnitentialibus redeundo; eas iustis de causis sublata ab Ecclesia fuisse dicendum est, & vt ait S. Bernardus de Præcepto, & dispensatione (*Nonnè iustissimum esse liquet, vt quæ pro Charitate iniuncta fuerunt, pro charitate quoque, ubi expedire videbitur, vel omittantur, vel intermittantur, vel in aliud fortè commodius deputentur.*) Pro charitate au-

tem pœnitentias Canonicas inductas fuisse, & pro charitate sublata, atque in alias commodius commutatas, constat ex dictis.

Rationes verò, ac motiua, quibus Ecclesia ad Canonicas illas pœnitentias tollendas, & ad eas in alias commutandas, permota fuit, sunt quæ superius adduximus, & militant multò magis in præsentī; Vndè irrationabiliter diceretur, quod innouandæ sint, & iterum inter fideles inducendæ, immò & propter multitudinem fidelium, & propter alias rationes adductas non possent prædictæ pœnitentiæ in præsentī exequutioni mandari.

Verum quidem est, necessariam esse Sacerdotibus fidelium confessiones excipientibus Canonum pœnitentialium notitiam, non vt pœnitentias in eisdem pro peccatis statutas imponant, sed vt grauitatem peccati agnoscant, eamque pœnitentibus notam faciant, indicando eis, quam grauiter in Ecclesia pro foro exteriori peccata olim puniebantur, ac etiam vt ex ijsdem pœnis in Canonibus pœnitentialibus certis peccatis indicis, discere possent Confessarij, non esse leues pœnitentias pro peccatis grauibz imponendas, cum eis in foro exteriori, adeò graues pœnitentiæ iniungerentur. Idèò & S. Carolus necessariam dici esse Confessarijs notitiam antiquorum Canonum, vt ex his dignoscere possint culpæ grauitatem, & pœnitentiæ iniungendæ qualitatem, eamdem tamen Confessarij iudicio, ac prudentia moderandam.

Pro completa rei præsentis doctrina,

na, aliquid dicendum superest de pœnitentijs publicis; Vtrum videlicet peccatoribus imponendæ sint publicæ pœnitentiæ. Et respondeo, quod quæstio esse potest, vel de publicis pœnitentijs, quæ antiquitus reis grauiorum criminum imponebantur in Ecclesia; Vtrum scilicet, pœnitentiæ conformes reis grauiorum criminum sint ad præsens imponendæ, & ad hoc dico, quod pœnitentiæ illæ publicæ antiquæ iam in Ecclesia exoleuerunt, & ex rationibus superius adductis Ecclesia ab eis iniungendis abstinet, illæ proindè non sunt peccatoribus imponendæ, & idem dico de pœnitentijs solemnibus, quæ antiquitus in usu erant in Ecclesia. Vel quæstio esse potest de pœnitentijs publicis diuersæ rationis ab his, quæ antiquitus imponebantur, sed pœnitentiæ publicæ dicantur, quia fiunt coram alijs, & si nec aded graues sint, nec aded longæ sicut pœnitentiæ antiquæ, & de huiusmodi publicis pœnitentijs dico, eas impopi posse, & imponendas esse publicorum criminum reis; Ita enim habetur in Concilio Tridentino *sess. 24. cap. 8.* sic enim ibi dicitur (*Apostolus monet, publicè peccantes palam esse corripiendos. Quando igitur ab aliquo publicè, & in multorum conspectu crimen commissum fuerit, undè alios scandalo offensos, commotosque fuisse, non sit dubitandum; huic condignam pro modo culpa pœnitentiam publicè iniungi oportet; ut quos exemplo suo ad malos mores prouocauit, suæ emendationis testimonio, ad rectam reuocet vitam, Episcopus tamen publica hoc pœnitentiæ genus in aliud secretum poterit commutare, quan-*

do ita magis indicauerit expedire) hactenus Concilium.

Hæc ergò publica pœnitentia iniungenda est, ut ait Conciliū, quando crimen commissum est publicum, & licet Concilium loquatur de foro exteriori, imponi potest pœnitentia publica etiam in foro interiori, quando peccatum est publicum, nec propterea Sacerdos reuelat confessionem talem pœnitentiam iniungendo, inquit S. Thomas in *4. sentent. dist. 14. quæst. 1. art. 3. quæstiunc. 1.* quia si sit peccatum publicum, ipse pœnitens exequendo pœnitentiam, confessionem à se factam manifestat.

Potest autem Confessor propter crimen occultum pœnitentiam publicam iniungere, pœnitentiam videlicet, quæ solū dicatur publica, quia publicè fiat, sed persona maneat occulta, vel causa, quia sit res, quæ spontè fieri soleat, vel fieri possit pro alio, & neque hoc pacto Sacerdos confessionem reuelat talem pœnitentiam iniungendo, inquit S. Thomas *loc. cit.*, quamuis suspicio oriatur, illum aliquod enorme peccatum commisisse, non enim culpa pro certo scitur ex pœna, quia quandoque aliquis pœnitentiam pro alio facit, sicut legitur in Vitis Patrum, de quodam, qui ut socium suum ad pœnitentiam prouocaret, ipse cum eo pœnitentiam egit.

Cæterum quæstio est de pœnitentia ita publica, quæ ita fiat coram alijs, ut ex illa colligi possit, Confessarium propter graue crimen illam imposuisse. Et de hac pœnitentia publica propter occultum crimen, etli grauißimum, dicendum est eam

à Con-

à Confessario imponi non posse, & ratio est, quia videtur esse contra sigillum; Vnde Nauarrus in *c. Sacerdotes de Pœnit. d. 6. num. 86.* & in *sum. c. 8. num. 10.* negat, tales pœnitentias posse imponi. Vnde Concilium Tridentinum, & alia iura ab eo allegata loquuntur de peccato publico, & pro foro exteriori, & sententiam Nauarrus sequuntur communiter Theologi, videlicet propter peccata osculta, & tibi gratiora, non debere imponi pœnitentias publicas, tum propter rationem adductam, tum etiam quia sint improporcionatæ, & contra bonam famam pœnitentis. In peccatis verò publicis imponendas esse, quia

ita expedit ad Ecclesiæ satisfactionem, & exemplum; Ita profectò S. Thomas in *4. dist. 14. loc. cit. & dist. 17. q. 3. artic. 4. q. 4. ad 4.* Alensis *q. 14. membr. 6. art. 1. alijs quæst. 64. membr. 1.* Paludanus in *4. dist. 14. quæst. 6.* Durandus *q. 4. Soto. dist. 19. q. 21. art. 5.* S. Antoninus *3. p. tit. 14. c. 17. §. 6.* Medina *tract. 2. q. 44.* Suarez *tom. 4. in 3. p. disput. 38. sect. 6. & alijs communiter.*

Et hæc dicta sufficiant in confutationem recentis sententiæ de dilata olim vsque ad pœnitentiæ Sacramentalis expletionem absolutione Sacramentali.

QVAESTIO QVARTA.

Vtrum liceat baptizare filios Turcarum aliorumque Infidelium, Parentibus eos pro corporali salute baptizari petentibus, si re-nucentibus eos baptizare, mors, aut aliud graue damnum ab Infidelibus im-mineat.



Asus est. Quod Turcz, alijque Infideles proprios filios à Missionarijs, & Ministris Christianis baptizari possunt, ad remouendum ab eorum corporibus foetorem quemdam ingentem, & etiam ad liberandum eos à

comitali morbo, à maleficiorum periculo, à Lupis, & ab alijs corporis malis comminando mortem, aut cietionem à missione, vel Parochia Missionarijs, si baptizare illos renuant. Queritur, vtrum liceat in his circumstantijs filios Turcarum, & aliorum Infidelium baptizare.

ASSERTIO PRIMA.

Non licet Turcarum, aliorumq; infidelium filios baptizare, Parētib; eorum Baptismum pro illorum salute corporali petentibus, si adsit moralis certitudo, quod illi in adulta ætate pervertendi sint à Parentibus, etiam si renuentibus eos baptizare mors, aut aliud graue damnum ab Infidelibus immineat. Hæc autem moralis certitudo adest, si filij post Baptismum à Parentibus infidelibus non separentur.

ITa magis communiter Doctores, ut videbimus infra. Ratio verò fundamentalis ea est; Quòd baptizare Infidelium filios cum certitudine morali futuræ illorum peruersionis, est de se, atque intrinsecè malum, ergò nec morte, aut alio graui damno ab Infidelibus imminente potest esse licitum; Consequentia patet, nam quod est intrinsecè malum, in nullo casu potest esse licitum, nullaque circumstantia, aut intentione cohonestari, aut rectificari potest; Antecedens verò probatur. Nam baptizare filios Infidelium cum certitudine morali de futura illorum per-

uersione, est grauissimum Sacrilegium committere, nam est exponere Baptismi Sacramentum manifestæ profanationi, & futuræ iniuriæ, quæ continget per apostasiam, & recessum à Baptismo, & à fide per illum recepta; Vnde sicut grauissimum sacrilegium committeret, qui Sacrosanctam Hostiam impiorum pedibus conculcandam exponeret, vel eam cum morali certitudine futuræ conculcationis consecraret, ita & grauissimum sacrilegium committeret, qui Baptismi Sacramētum conferret cum morali certitudine, quod à Baptizato sit impijs dogmatibus profanandum. Et quidem grauissima iniuria, & profanatio Baptismi est, quod illius caractere insignitus (scilicet caractere Christi) signetur postea caractere bestię, seu diaboli per professionem impijssimæ sectæ, & rursus grauissima Baptismi iniuria est, ut quis religionem omnino ei contrariam profiteatur, & à fide, quam in Baptismo accepit, recedat, & quod qui per Baptismum consecratus est Christo, eiusque membrum effectum, fiat postmodum seruus, ac membrum Diaboli, cuiusmodi sunt Infideles, & Infidelium sectam profitentes. Præterea horrendum est, quod Sacramentum Baptismi, in nomine Sanctissimæ Trinitatis, scilicet Patris, & Filij, & Spiritus sancti, ei conferatur, qui mysterium Trinitatis abnegaturus est, inuicem & ipsam Trinitatem blasphematurus, uti sunt Turcæ, alijque Infideles, qui ab hoc mysterio abhorrent. Vterius grauis iniuria, irrogatur Christo Sacramenti Baptismi Institutori, quod cum ipse sit

verus Deus, verusque Dei Filius, Baptismus eis conferatur, qui eius diuinitatem sunt negaturi, vti eam negant Turcæ, alique Infideles. Specialiter autem irrogaretur iniuria Sacramento Baptismi, si conferretur Turcarum filiis, qui ad ætatem adultam peruenientes Mahometanam sectam profirentur, cum enim Mahometani circumcidantur, sic maneret Baptismus, eiusque character cum circumcisione, quod est contra Christi institutionem, qui Baptismum instituit ad excludendam circumcisionem. Quod autem conferre Baptismum Filiis Turcarum, & Infidelium, qui suos filios pro salute corporali baptizari efflagitant, sit Baptismum eis conferre cum periculo peruersionis illorum futuræ, certum est, si eorum filij, apud Parentes infideles, vt supponitur, educantur, immò tunc est certitudo. moralis futuræ illorum peruersionis, ac proinde certitudo. moralis de iniuria inferenda Sacramento Baptismi; conferre autem Sacramentum Baptismi cum notitia moraliter certa de iniuria ei inferenda, est intrinsecè malum, quod autem est intrinsecè malum in nullo casu est licitum; Nec vlla circumstantia, vel intentione rectificari potest, aut cohonestari, ac proinde, cum Baptismum Infidelium filiis conferre, qui infidelium sectam professuri sunt, sit de se, & intrinsecè malum, nec etiam imminente ab Infidelibus morte, licitum est. Et sicut est intrinsecè malum, ac proinde in omni casu illicitum hostiam consecrare, cum notitia moraliter certa, quod sit ab Infidelibus conculcanda, ita est in-

trinsecè malum, ac proinde in omni casu illicitum Baptismi Sacramentum conferre cum notitia moraliter certa, vel etiam probabili, aut dubia, quod ei sit inferenda iniuria, vti certum est ei inferendam fore, si filius Infidelium post receptum Baptismum, apud eosdem Infideles sit educandus.

Est autem argumentum hoc adeo efficax, vt cogat omnes. Theologos ad asserendum, in nullo casu licitum esse, Baptismum infidelium filiis conferre, qui apud eosdem infideles educandi sunt. Omnes enim fateri coguntur, quod exponere Sacramentum iniuriæ inferendæ, sit intrinsecè malum, ac proinde in nullo casu licitum, & rursus fateri coguntur, quod conferre Baptismum filiis infidelium apud eosdem infideles educandis, sit exponere Sacramentum Baptismi iniuriæ inferendæ, vt constat ex dictis; Igitur argumentum est eogens, vt potest ex præmissis certis, & inconcussis procedens.

Sed & hac potissimum ratione S. Thomas 2.2. quæst. 10. art. 12. probat, filios Iudæorum, aliorumque infidelium non esse baptizandos inuitis parentibus, videlicet propter periculum. Si enim, inquit S. Doctor, *pueri nondum usum rationis habentes, Baptismum susciperent, postmodum cum ad perfectam ætatem peruenirent, de facili à parentibus induci posset, vt relinqueret quod ignorantes susceperunt, quod rueret in Fidei detrimentum.* Igitur Sanctus Thomas Fidei detrimentum agnouit, illudque arguit ex hoc, quod puer baptizatus ante usum rationis, cum ad perfectam ætatem peruenerit Fidem relinquendi periculo exponatur, & infert

fert ex eo hoc, quod ad eam relinquendam facile induci potest à parentibus, supponendo videlicet, quod puer baptizatus à parentibus infidelibus non separaretur; ergo ex Sancto Doctore, quotiescumque infidelium filij post receptum Baptismum à parentibus non separantur, periculum illud incurrit, ut fidem, quam in Baptismo susceperunt, de facili possint relinquere, cum ad perfectam ætatem peruenierint. Atqui filij Turcarum, & aliorum infidelium, etiam si cum consensu parentum baptizentur, post receptum Baptismum apud parentes infideles educandi sunt, ut supponitur; ergo & ab his idem periculum incurritur Fidem postmodum relinquendi, quod in eiusdem Fidei detrimentum vergit. Quare cum in utroque casu militet eadem ratio, & idem argumentum; si ex periculo peruersionis futuræ pueri baptizati cum consensu parentum infidelium, ut in casu, de quo loquimur contingit, nolit quis conuinci ad dicendum, quod non sint baptizandi filij Turcarum, & aliorum infidelium, etiam ipsis parentibus consentientibus, si ab eisdem infidelibus educandi sint, cogitur dicere, quod Iudæorum, & aliorum infidelium filij baptizari possint inuitis parentibus. Sed certè omnes tenentur fateri, argumentum præallatum ex periculo de futura peruersione pueri, & consequenter de futuro detrimento Fidei, ac de iniuria Baptismi Sacramento inferenda, esse conuincens, ac palmarè, quod qui non curat, de iniuria Sacramento inferenda non curat, quod tamen in mentem nullius Catholici cadere posse putandum est.

Ad idem faciunt, quæ Theologi communiter docent in questione illa; Vtrum filius infidelis seruus, ac serui filius licetè baptizari possit, prius quàm à parente separaretur. In ea enim questione, ut bene Suárez aduertit *tom. 3. in 3. par. S. Thomæ ad questionem 78. art. 10. disp. 24. sect. 5. DD.* omnes, etià hi, qui existimant, licere baptizare hos infantes, inter quos Scotus, hanc conditionem requirunt, scilicet, ut prius à parentibus separantur, absque ulla spe ad illos redeundi. Unde extra controuersiam apud omnes Theologos est, omnesque affirmant, Baptismum collatum infidelium filiis, qui à parentibus non sint separandi, esse illicitum, quia si filius cohabitaret cum patre infideli, ac possit uti conuersatione, ac familiaritate illius, & pater exercebit circa filium superstitionis actiones, & ritus suæ Religionis contra reuerentiam Baptismo debitam, & ipse filius educabitur magno periculo apostatandi à Fide per Baptismum suscepta, quæ duo in eo casu sunt moraliter coniuncta cum illa actione, ita ut absolute & simpliciter censenda sit illicita.

Idem obseruat Estius in 4. sentent. dist. 6. §. 2. Sic enim ait. *Si puer apud infideles parentes sit mansurus, ab offi- que in infidelitate educandus nullo modo baptizari debet infans, aut inuitis parentibus, immo nec ipsi consensu, & conuiuentibus, ne Sacramento iniuria fiat. Nam sicut Baptismi Sacramentum non est dandum adultis, qui Christianam Fidem non sincere professi mox ad pristina infidelitatem reuersurus videantur, ita nec paruulo, quem scimus falsa religione à parentibus imbuendum. Unde zelum pie- tatis*

tatis habent, non secundum scientiam, qui Anabaptistarum, vel Iudeorum, vel aliorum infidelium pueros munusculis ad se pellectos sursum baptizant, ac deinde ad parentes remittunt, quibus utique si superstites maneat, nihil prastatur: nam aut in infidelitate permanebunt, atque ita nihil eis confert Baptismus, aut ad Catholicam Religionem conuertentur, atque ita baptizare illos iterum oportebit, quia non censetur iteratum, quod factum nescitur.

Idem ex eodem motiuo futuræ peruersionis pueri docent in casu præsentis omnes fere Theologi, qui de hac re pertractant. Filiuccius *tract. 2. de Sacramento Baptismi cap. 6. quæst. 8. numer. 145.* Castropalaus *de Baptismo puncto 6. num. 12.* Layman. *lib. 5. artic. 2. cap. 6. conclus. 2.* Stephanus à S. Gregorio Ord. Eremit. Excalceat. S. Augullini in *tract. de Diuina pietatis vinculis cap. 14. num. 12.* Tannerus *tom. 4. num. 85.* Collegium Salmanticensæ Patrum Carmelit. Excalceat. in cursu Theologiæ moralis, *tract. 2. de Baptismo cap. 6. puncto 2. num. 18.* Pasfennus *de hominum statibus, & officijs ad quæst. 182. 2. 2. S. Thoma art. 1. dubit. 7. num. 16. & alij.*

Quare hanc sententiam illi omnes tenere coguntur, qui docent, infantes, quorum parentes infideles, sunt propriè serui Christianorum, posse inuitis parentibus baptizari, dummodo constituentur extra parentum curam, & ubi non sit periculum peruersionis. Hi verò Authores sunt, Durandus, Scotus, Palaus, Suarez, Valentia, Enriquez, & alij, quos affert & sequitur Granad. *Tom. 5. in 3. par. conuou. 4.*

tract. 4. disp. 5. sect. 4. Hi enim omnes in eo suam sententiam fundant, quod licitum sit Dominis separare parentes seruos, à filiis, illos vendendo, aut alia ratione vtendo iure domini; eo autem ipso quod separentur, ita vt non subiiciantur infantes illorum gubernationi; sufficienterque prouideatur; ne sit periculum peruersionis, cessant omnes rationes, ob quas non liceat; infantes infidelium baptizare, &c. Ita Granado *loc. cit.* Vnde iuxta hos Authores si adesset periculum peruersionis, vt & adesse agnoscunt, si infantes illi penes parentes remanerent, non essent baptizandi, ac proinde cum in casu præsentis infantes remansuri sint penes parentes infideles, adest periculum peruersionis, quod obstat, ne baptizari possint.

Idem asserere tenentur Authores illi, qui docent, filios infidelium, etiam non seruorum, si extra parentum curam positi sint, posse sine illorum consensu licitè baptizari, nam aiunt in hoc casu cessare omnino rationes propter quas non licet baptizare filios infidelium parentibus inuitis, quia consuetudo Ecclesiæ non est contraria, & aliàs id non caderet in detrimentum Catholicæ Religionis, quia supponitur filios non fore sub parentum cura, ac proinde non adesse periculum deceptionis, seu peruersionis. Ita idem Granado *loc. cit.* Ex his enim habetur, quod iuxta hos Authores, cum adest periculum peruersionis infantiū, eos non posse licitè baptizari, tenentur ergo Authores isti consequenter asserere, non posse Turcarum, aliorumque infidelium filios licitè baptizari.

zari, cum ad salutem corporalem eos baptizari petunt, si apud eosdem parentes infideles permansuri sint, adeſt enim tunc moralis certitudo futuræ peruerſionis illorum.

Id autem Authores iſti pro grauifſimo inconuenienti habent, quod nullo alio bono ſit compenſabile; nam peruerſionem pro magno inconuenienti generaliter habent, nulla diſtinctione, aut limitatione appoſita, & peruerſionem, vt moraliter certam ſupponunt, ſi infidelium filij poſt receptum Baptiſmum apud parentes infideles relinquantur; vnde ad illud non recurrunt, quod maior pars illorum infantium ante uſum rationis decedant. Id enim vel reputant falſum, vel cenſent non eſſe motiuum ſufficiens ad infantes illos baptizandos, ſi remanſuri ſint apud parentes infideles, cū adhuc alij ſint, qui nō ſunt morituri ante uſum rationis, qui proinde peruertendi ſunt à parētib; infidelibus.

Quare argumentum hoc ex periculo futuræ peruerſionis pueri vnicè conuincit intentum. Nam quod aliqui dicunt, Baptiſmum inſtitutum fuiſſe à Chriſto non ad inducendam ſalutem corporalem, ſed ad ſanctificandum hominem; & ad tollendum peccatum originale, & ad efficiendum hominem Chriſti membrum, & ideo non licere Chriſtiano Baptiſmū conferre infidelium filiis ab iſtis infidelibus, pro ſalute corporali oblatis, non vrget: nam etſi Baptiſmus non ſit inſtitutus ad inducendam ſalutem corporalem, ſed ad ſanctificandum hominem, non ideo, qui baptizat filium infidelium, ab eis pro ſalute corporali oblatum, cooperatur, aut inſiſtit in

eam prauam intentionem infidelium puerum offerentium, nec in receptionem Baptiſmi ſub ea intentione recepti, ſed poteſt Baptizans propriam reſtificare intentionem, ita ut habeat intentionem conferendi dumtaxat Baptiſmum, & permittere vt Baptiſmus petatur, & recipiatur ad inducendam in pueros ſalutem corporalem. Id autem permittere etſi illicitum ſit nullo iuſto exiſtente motiuo, licitum tamen eſt iuſto motiuo exiſtente, nam ex motiuo iuſto licet permittere malum. Sed de hoc latius infra.

Afferuntur aliquot Argumenta contra poſitam Aſſertionem.

Contra poſitam aſſertionem primò illud obijciunt Aduerſarij, quod ſi ex periculo peruerſionis futuræ non liceat in caſu poſito baptizare, filium infidelium ab eis pro corporali ſalute oblatum, nec licitè baptizari poterunt filij hereticorum manentes ſub cura, & cohabitatione parentum, nam licet Eccleſia habeat ius baptizandi hos infantes, eo quod parentes eorum baptizati ſint, tamen ex parte periculi contra Religionem, videtur eſſe idem incōmodum, ſcilicet apoſtaſis. Nam huiusmodi infantes ſine dubio cum ad uſum rationis peruenerint, imbuentur infidelitate parentum, & ab Eccleſia apoſtatabunt, vt experientia conſtat. Conſequens autem videtur eſſe valde rigidum, & contra conſuetudinem omnem.

Secundo etiam ſequitur, filios eorum, qui ex Mahometanis aut Iudæis conuerſi Religionem Chriſtianam ex-

terius tantum profitentur, ut in aliqua regione contingit, non posse licite baptizari, quia est morale periculum, quod à parentibus, & superstitiose tractentur, & ad apostasiam inclinentur, ut est etiã experientia compertum.

Tertio sequitur, etiam filios iam adultos non esse baptizandos, nisi prius, aut post Baptismum à parentibus infidelibus separentur, quia & in his est periculum apostasie, hoc autem non ita fieri videmus; nam si filius Iudæi Romæ, vel alibi Baptismum petat, & post sufficientem instructionem firmus in fide inveniatur, baptizatur, & non cogitur mutare domicilium, vel parens, vel filius.

Quarto, licet conferre Baptismum filio Christiani ante usum rationis, etiamsi sit periculum, quod cum ad usum rationis pervenerit à patre Christiano improbe malis moribus imbuetur, & ad peccata inducatur, ac pervertatur, ergo & licebit filium infidelium ante usum rationis baptizare, etiamsi periculum sit, quod ad usum rationis perveniens à parente infideli pervertendus sit ad falsam Religionem per infidelitatem. Probatur consequentia, nam homo pervertitur, nedum per peccatum infidelitatis, sed etiam per alia peccata; & nedum infidelitas, sed etiam alia peccata Baptismo aduersantur; ergo sicut licet baptizare puerum, etiamsi sit periculum, quod sit peccaturus, cum ad ætatem adultam pervenerit, peccatis contra charitatem, ita & licebit baptizare puerum; etiamsi sit periculum, quod cum ad ætatem adultam pervenerit sit peccaturus contra fidem.

Solvitur primum argumentum, & ostenditur nec etiam Hæreticorum filios baptizandos esse, si sint ab Hæreticis educandi.

AD primum argumentum respondet aliqui, esse disparē rationē de filiis Turcarū, ac de filiis Hæreticorum, quod in primis Ecclesia habeat per se, & directè ius ad baptizandum filium hæretici baptizati, etiamsi pater hæreticus sit. Deinde habet etiam directam potestatem, ut ipsum possit carcerare, ne filium erroribus, & hæresibus decipiat. Præterea. Ex parte periculi moraliter loquendo, videtur esse minus in parente Hæretico, quia absolutè non negat Christum, sicut Ethnicus, & Paganus, vel etiam Turca, qui negat eius Divinitatem, & ideo quamvis ex parte subiecti Hæreticus destruat omnem Fidem Christi, tamen ex parte obiecti non omnino evertit Evangelium, & totam Christi doctrinam, & ita non omnino separabit filium à Christo, & à nomine Christiano. Rursus, inter Hæreticos moraliter nunquam desunt Catholici, qui possint instruere in vera Fide huiusmodi infantes, quando petuerint ad usum rationis.

Hæc tamen, ut bene ait Suarez *loc. cit.* non satisfaciunt, nam reuera potest vrgeri casus in quo sit idē periculum infidelitatis, immo maius, quam in casu, de quo loquimur; quia potest esse maior penuria veræ doctrinæ, & minor facultas ad coercendos Hæreticos. Parum autem refert ad periculum tollendum ius, quod Ecclesia ha-

bet, si non est potens ad illud exequendum. Parum item refert, quod Christi doctrina in totum, aut in partem negetur, si omnino incurritur apostasia à Fide, & ab Ecclesia.

Quocirca cum eodem Suarez dicendum est, quod ut consequenter loquamur, idem statuendum est in casu de hæretico, quod de quocumque alio infideli, videlicet nec hæretici filium baptizandum esse, ante usum rationis, si adsit periculum futuræ illius peruersionis, vti adesse videtur, si ab hæreticis non sit separandus: Ait verò Suarez, quod ut Minister Catholicus licitè filium hæretici baptizare possit, necessarium sit, ut probabilem spem concipiat, fore ut huiusmodi puer baptizatus possit suo tempore in vera Fide instrui: Nos verò addimus; non sufficere, quod Minister Catholicus probabilem spem concipiat fore ut puer baptizatus suo tempore possit in vera Fide instrui, sed omnino requiri, ut Minister certus sit, quod puer ille baptizatus, cum ad usum rationis peruenierit in vera Fide sit instruendus, aliàs enim Baptismi Sacramentum exponitur iniuriæ futuræ ob periculum peruersionis pueri, cum non sit certum, quod in vera Fide sit instruendus. Vnde ut periculum talis iniuriæ euitetur, non, sed est probabilitas de recta institutione infantis in vera Fide, sed debet esse de huiusmodi institutione certitudo moralis. Iuxta hæc Agidius de Coninck in Comment. ad quasi. 68. 3. par. S. Thoma art. 10. dub. unico num. 80. ait. *Quod quando aliqui hæretici, vel apostata habitant in locis, in quibus libere exercēt suam religionem, extra pericu-*

lum mortis, eorum filij non sunt baptizandi, nisi vel per separationem, vel alia ratione possit caueri, ne parentes illos impijs factis, & doctrinis imbuant, quia alias fieret contra dignitatem Sacramenti, quod probabilitas magis obesset, quam prodesset. Quando autem tales habitant in locis, ubi publicè cognatur profueri Fidem Catholicam, eorum proles baptizanda sunt, & per Catecheses, & Pastorum vigilantiam, quantum fieri potest, omni eorum periculo obuiandum. Hæc ille.

Becanus etiā in Sum. de Sacramentis, cap. 10. quasi. 7. docet magnam differentiam esse (quo ad præsens attinet) inter infideles, & hæreticos, tum quia hæretici possunt coerceri ab Ecclesia, ne peruertant filios, sed permittant illos instrui Catholico ritu. Tum etiam quia possunt quoque spoliari suis filiis. Si tamen esset morale periculum sacrilegij futuri, abstinendum esset à tali Baptismo.

Tannerus tom. 4. disp. 4. qu. 2. dub. 3. num. 90. hæc habet. *Infans natus, non solum ex utroque, sed etiam ex altero dumtaxat parente baptizato (sive pater sit, sive mater) potest licitè, etiam utroque parente inuito baptizari, modò caueatur morale periculum apostasie, itaut infans sub cura parentum infidelium non relinquatur.*

Filiucius tract. 2. cap. 6. num. 141. docet, posse inuitis parentibus baptizari filios eorum, qui receperunt Fidem, & deinde ab ea desuerunt, incidentes in hæresim, vel Iudaismum, vel Paganismum. Ratio est, quia Ecclesia habet ius cogendi parentes ad seruandam Fidem, & afficiendi poena mortis, si pertinaces sint. Ergo multò magis poterit priuare potestate

in filium. Præterea ex vi natiuitatis ex parentibus baptizatis, & subditis Ecclesiæ, habet Ecclesia ius, & potestatem directam in filios, vt eos possit in Fide instituere.

Quare Doctores docentes filios hæreticorum baptizari posse, simul expresse docent, vel supponunt abesse periculum prophanationis Baptismi, cum pueri ad vsum rationis peruenerint.

Igitur praxis baptizandi per Ministerium Catholicum filios hæreticorum, si alicubi sit, non nisi positis dictis circumstantijs probanda est, posito videlicet, quod Catholicus Minister moraliter certus sit, quod infantes illi post receptum Baptismum, vel cum primùm ad vsum rationis peruenerint separandi sint ab hæreticis; aliàs praxis illa improbanda est tanquam illicita, vtpote exponens Sacramentum Baptismi futuræ iniuriæ infidelitatis, & apostasi ipsorum baptizatorum. Vnde nec imminente Catholicis morte ab hæreticis, talis Baptismus conferendus est, cum exponere Baptismi Sacramentum manifestæ iniuriæ sit intrinsecè malum, vt iam diximus; sic & hæretici illicitè baptizant suos infantes, quia id faciunt cum animo instruendi infantes illos in falsa doctrina, ac religione Baptismo contraria.

Occurritur euasionibus Verricelli, et eius argumenta refelluntur.

Contra ea quæ diximus obijcit Verricellus in tract. de Apostoli-

eis *Missionibus* tit. 6. sect. 2. quasi. 113. assignando quinque rationes disparitatis, quibus nititur probare, maiori, vt ipse ait, irreuerentiæ exponi Sacramentum, baptizando infantem pagani, quàm hæretici, ideoque vt aliquando saluentur paganorum infantes non esse baptizandos cum tantæ irreuerentiæ periculo, secus autem esse de filio hæretici.

Prima disparitas, quam affert, ea est, quia cum paganus omnino neget Christi Fidem, eiusque Sacramenta, & actibus externis blasphemet Christum eiusque Sacramenta, magnæ irreuerentiæ, ac risui infidelium exponitur Sacramentum, cum eis innotescet, infantem baptizatum, ac erit ludibrio Baptismus: at ludibrio & risui non exponitur Baptismus, cum innotescit, infantem hæretici baptizatum esse, hæreticus enim Christum eiusque Baptismum veneratur.

Secundam disparitatem affert, quod filius hæretici factus adulus, si peruertatur, & inuincibiliter erret, erit peruersio materialis, non formalis, & reuera nulla fiet iniuria Sacramento, neque amittit habitum Fidei, & saluabitur, idque vt plurimum contingit; at filius pagani factus adulus, si peruertatur, quamuis inuincibiliter erret, & inuincibiliter abneget mysterium Incarnationis, & Trinitatis, erit reuera peruersio, & fiet iniuria Sacramento, quia etiamsi inuincibiliter erret, adhuc amittit habitum Fidei, & non saluabitur: ratio est, quia Fides Incarnationis, & Trinitatis (iuxta communem opinionem) est de necessitate medijs, adeo vt nulla, quamuis inuincibilis ignorantia excuset.

Tertia disparitas est, quia quod infans pagani baptizetur est quodam modo contra libertatem Christianæ Fidei, nam ferè certum est, quod si ille fiat adultus dissentiet Baptismo: At quod infans hæretici baptizetur nullo modo est contra libertatē Christianæ Fidei, quia factus adultus, sciēs gratias agere pro Baptismo collato.

Quarta ratio est, quia frequentius huiusmodi hæretici infantes à Catholicis baptizati solēt amplecti Catholicā Fidem: At paganorū filij nūquam; quare maiori periculo peruersionis, & iniuriæ exponitur Sacramētum in filiis paganorum, quàm hæreticorum.

Quinta ratio est. Quia Ecclesia potest cogere hæreticos ad baptizandum ritē suos infantes, ac non potest cogere paganos; quare cum Ecclesia utatur iure suo illos baptizando, potest permittere peruersionem, nullum autem ius habet cogendi ad Baptismum infantes paganorum, vnde non est ratio permittendi eorum peruersionem. Hæc Vericellus.

Ad primum respondetur, dehonorationem, & iniuriam Sacramenti Baptismi in Hæretico baptizato, non consistere in blasphemijs, & iniurijs verbalibus, sed consistere in dehonoratione, & iniuria reali, nam qui recipit Baptismum, & postmodum hæresim profitetur, iam deturpat, & profanat Baptismum, quia Hæresis est contraria fidei, quam ille per Baptismum professus est; per Baptismum enim homo proficitur fidem Catholicam, vnde & fidem recipit omnium articulorum Ecclesiæ; qui verò post Baptismum Hæresim proficitur, religionem proficitur ei,

fideiq; cōtrariam, quam per Baptismū suscepit, & idē iniuria afficit Baptismum, ipsumq; profanat, ac deturpat.

Et quamvis Hæreticus non videatur blasphemare, aut detestari Baptismum, quem recepit; blasphematur tamen, ac detestatur fidem, quam recepit in Baptismo; fides enim, quam in Baptismo recepit Hæreticus, est fides continens omnes articulos, & omnia mysteria Religionis Catholicæ; quapropter eo ipso, quod Hæreticus blasphematur, ac detestatur articulos Religionis Catholicæ, blasphematur, ac detestatur fidem, quam in Baptismo recepit, ac proinde blasphematur, ac detestatur Baptismum, quem suscepit; Baptismus enim, quem hæreticus recepit, inuoluit Fidem Catholicam, ac proinde apostatat à fide, & Baptismo recepto.

Ad secundum dicitur non esse, nec euidens, nec certum, quinam ex Hæreticis determinatē sint, qui inuincibili ignorantia errorum suæ religionis laboraturi sint; ac proinde cum inter eos, qui baptizari possunt, adsint etiam ij, qui eadem ignorantia non sunt laboraturi, non est Baptismi Sacramentum exponendum periculo iniuriæ peruersionis futuræ, quæ continget in ijs, qui certò peruerterentur. Præterquamquod etiam profanatio materialis Baptismi, quæ contingeret in ijs, qui ignoratia inuincibili laborarent, vitanda est.

Ad tertium dicitur, quod etiam filius Hæretici baptizatus, dissentiet Baptismo factus adultus, si hæreses, ac errores suæ falsæ religionis postea profiteatur, quamvis enim verum Baptismum receperit, à verò tantum

Bap-

Baptismo postmodum apostatat, nam verus Baptismus Fidem Catholicam inuoluit, vt dictum est.

Ad quartum dicitur, Nihil ad rem facere, quod Hæretici baptizati frequentius Fidem Catholicam amplectantur, nam hoc certum non est, & alij sunt ex eisdem, qui Fidem Catholicam non amplectuntur, vnde semper Baptismus exponitur periculo iniuriæ.

Ad quintum dicitur, nihil refert, quod Ecclesia cogere possit Hæreticos ad baptizandos ritè suos infantes, immò in hoc opponens absurdè loquitur; debebat enim dicere, quod Ecclesia potest Hæreticos cogere ad educandos filios suos in Fide Catholica, quam in Baptismo receperunt; supponitur enim, hæreticos ritè baptizare proprios filios; solùm ergò dici debuit ad rem nostram, quod cogi possunt ab Ecclesia, vt filios baptizatos in Fide Catholica educent, & vt diximus suprâ, nihil refert, quod Ecclesia possit hæreticos cogere, vt filios suos in Fide Catholica educent, si potestatem exequutioni non mandet, aut mandare non possit; ac proinde adhuc ea potestate posita Hæreticorum filij post Baptismum peruerterentur; sicut tolerandum non est, quod in eadem obiectione subditur, quod scilicet Ecclesia potest permittere peruersionem filiorum Hæreticorum; nam Ecclesia non permittit Hæreticorum peruersionem, sed impeditur Hæreticos punire, & ided hæretici in peruersione manent.

Alia etiam his consimilia idem Vericellus obijcit in principio quæstionis. Primò namque obijcit pra-

xim, & consuetudinem omnium fidelium, vt ipse ait, qui hæreticorum filios etiam periculo peruersionis baptizare consueuerunt, & Layman. *lib. 5. tract. 5. cap. 6. num. 12.* ait, ita à pijs, & doctis viris practicari sæpius in Germania.

Obijcit secundò. Quia maius est commodum in Baptismo horum Infantium, quàm sit incommodum in periculo peruersionis; quia periculum peruersionis non est adeò propinquum, aut certum, cum fieri possit, vt infantes ante vsum rationis moriantur, & per Baptismum saluentur: obseruatum est enim, inquit Layman, tertiam partem hominum, qui in hanc vitam eduntur, ante completi septennij ætatem decedere.

Tertiò. Quia non est maior irreuerentia Sacramenti, quam sit certum periculum salutis Infantis; nam hæretici Christi nomen, & Christiana Sacra non detestantur, sicut cæteri infideles, & Turcæ, ac Iudæi, vnde non est tanta irreuerentia Sacramenti, etiamsi facti adulti peruertantur, vt ob id priuari debeant Baptismo, & certo periculo salutis exponi.

Quartò. Quia quamuis Infantes isti facti adulti à Parentibus falsa dogmata edocentur, sæpè ignorantia inuincibili laborant, vt proinde tales donum fidei Baptismalis retineant, & saluari possint, si de peccatis post Baptismum commissis vera contritio- ne doleant, aut ab ijs ritè per Sacramentum Pœnitentiæ absoluantur, ergò vt plurimum eorum peruersio non cedit in iniuriam Baptismi, quia non peccant formaliter peccato infidelitatis propter inuincibilem ignorantiam,

tiam, quæ est sententia Augustini *epist. 162. relata 2. Can. Dixit Apostolus 24. q. 3. vbi ait: Ritè baptizatus in Catholico ritu, si inter Infideles, & hæreticos educetur, undè falsa Dogmata per inuincibilem ignorantiam edoceatur, talis saluatur, ergò &c.*

Quintò. Quia quamuis in aliquo futura esset vera, & formalis iniuria Sacramenti Baptismi ex peccato formalis hæresis, tamen hæc iniuria in aliquibus permittitur propter bonum speciale maioris partis ipsorum infantium, qui vel decedunt ante septennium, vel adulti inuincibiliter errabunt.

Sextò. Quia minor causa excusat permittentem infantis peruerfionem: Undè dicunt Doctores, quod si quis plures infantes seruos, Turcarum filios habet, quos tanquam separatos à Parentibus baptizare posset, ad hoc tamen non obligatur; sed antequam eos baptizet, potest eos restituere Parentibus infidelibus permittendo malum peruerfionis eorum, ob causam iustam, vel quia Dominis nimis difficilè accidit, paruulos captiuos alere, & educare, vel quia captiuorum redemptio iure gentium introducta necessaria est ad pacem, & ad fœdera seruanda, & maiora mala captiuorum, etiam Christianorum vitanda. Ergò si propter temporale incommodum potest permitti infantis peruerfio, à fortiori propter infantis salutem æternam, si moriatur ante vsum rationis, vel si inuincibiliter erret post vsum rationis potest permitti peruerfio illius futura, cum iniuria aliquali ipsius Baptismi; Hæc Verricellus, quæ pariter ex dictis facilè soluuntur.

Ad primum enim respondetur, quod vt suprà dictum est, praxis illa baptizandi filios hæreticorum, qui post Baptismum educandi sunt à parentibus hæreticis, si alicubi sit, non est probanda ob rationes superius adductas.

Ad secundum respondetur, idem prorsus argumētum fieri posse quoad infantes Iudæorum, Turcarum aliorumque infidelium, quod scilicet, & ipsi baptizari possint adhuc inuitis parentibus, etiamsi apud eos permansuri sint post Baptismum, & ab eis educandi, quod fieri possit, quod infantes illi ante vsum rationis moriantur, & per Baptismum saluentur, eo quod tertia pars hominum, qui in hanc vitam eduntur, ante completi septennij ætatem decedat, & tamen nullus dixit, ex hoc motiuo baptizari posse Iudæorum infantes inuitis parentibus, si ab ipsis separandi non sint; Sed Theologi communiter, & absolutè docent cum S. Thoma, Iudæorum infantes baptizandos non esse, si à parentibus non sint separandi, quia id fieret in detrimentum fidei, quod ad vsum rationis peruenientes à parentibus peruerterentur: Illa ergò ratio in argumento allata, quod tertia pars hominum, ante septennij ætatem decedat, ac proinde saluari possit, si baptizetur, non mouit Sanctum Thomam, ac Theologos ad asserendum, quod infantes Iudæorum inuitis parentibus baptizari possint, etiamsi à parentibus non sint separandi, & tamen mouere debuisset, si efficax esset, & posset infantes illi saluari per Baptismum absque iniuria Baptismi, etiamsi inuitis

parentibus baptizarentur. Quare si ratio hæc efficax esset, dicendum esset, quod infantes Iudæorum baptizari possint inuitis parentibus, & nihil obstaret, quod à parentibus non essent separandi. Est igitur futile, ac nullius momenti motium illud; nam, ut dictum est, non potest designari, aut discerni determinatè, quinam ex infantibus baptizandis decessurus sit, vel non decessurus, antè usum rationis; & ideo Sacramentum Baptismi semper exponitur periculo iniuriæ saltem probabiliter futuræ, ob peruerfionem infantum probabiliter futuram, si à parentibus infidelibus non separentur. Est autem moraliter certum, aliquos ex prædictis pueris victuros vsque ad ætatem adultam, atque in religione peruersa perseueraturos. Baptizare autem eos, qui à fide apostataturi creduntur, est iniuriam Sacramento irrogare, quod cum sit per se malum, nec pro totius Mundi salute faciendum est, non enim facienda sunt mala, ut ait Paulus *Rom. 3.* ut indè eueniant bona; & Soto in *4. disp. 5. quæst. vnic. art. 10.* refert apud Indos multa infantum millia baptizata fuisse (vtrò permissis parentibus barbaris) à Prædicantibus Euangelium, eo solo proposito, ut si contingeret eos mori ante usum rationis, salui fierent, nihil de apostasia curantibus, quæ maximè ab illis timeri debuisset, eos enim relinquebant apud Parentes infideles. Quo vtiq; nescio, subdit Soto, quodnam aliud Sacrilegium grauius committi possit aduersus fidem. Hæc autem paulò latius explicauimus, ut solucremus argumentum istud qua-

tenus etiam proponi solet contra nostram assertionem, qua diximus, non esse baptizandos infantes Turcarum, aliorumque infidelium pro salute corporali, si adsit periculum futuræ illorum peruerfionis.

Ad tertium, Respondetur, omnem iniuriam, & omnem irreuerentiam Sacramenti euitandam esse, siuè maiorem, siuè minorem, quare cum irreuerentia, & iniuria, quam Hæretici Baptismi Sacramento inferunt per apostasiam magna sit, esto minor, quam sit iniuria, quæ eidem Baptismo irrogatur à Turca, vel à Gentili, vitanda est, & non permittenda.

Ad quartum, patet ex dictis, non posse certò designari eos Hæreticorum, aliorumque infantes, qui inuincibili ignorantia falsitatis dogmatum suæ religionis laboraturi sint, & aliàs certum esse, quod ex illis aliqui tali inuincibili ignorantia non sint laboraturi, ac proindè baptizando infantes illos, semper exponitur periculo iniuriæ Sacramentum Baptismi; nam fieri potest, quod baptizentur illi, qui ignorantia inuincibili non sint laboraturi; Ex testimonio, verò Augustini, prout refertur à Verricello, aliud non habetur, nisi quod ritè baptizatus, si postea ab Hæreticis falsa dogmata edoceatur, & inuincibili ignorantia falsitatis talium dogmatum laboret, saluabitur. Non tamen ait Augustinus, quod liceat baptizare illum, qui ab hæreticis falsis dogmatibus imbuendus sit, & hæreticalium dogmatum ignorantia inuincibili laboraturus.

Dixi autem hæc non haberi in testimonio Augustini, ut refertur à Ver-

à Verricello, quia nec habetur in veris verbis Augustini, nam Augustini verba *loc. cit.* hæc sunt: *Dixit Apostolus (hæreticum hominem, post primum, & secundam correctionem denique, sciens quia subuersus est huiusmodi, & peccat, & est à se ipso damnatus) sed qui sententiam suam, quamuis falsam, atque peruersam, nulla pertinaci animositate defendunt; præsertim, quia non audacia sua presumptionis pepererunt, sed à seductis, & in errorem lapsis, parentibus acceperunt, querunt autem cum sollicitudine veritatem corrigi parati, cum inuenerint, nequaquam sunt inter hæreticos deputandi.*

Non habetur professio in his verbis, quod licitum sit Baptismum Infanti conferre, quem baptizans educandum præsciat ab hæreticis, & hæreticam religionem, esto ex ignorantia inuincibili professurum. Sed solum habetur, quod hæretici non sint, qui sententiam suam, quamuis falsam, atque peruersam nulla pertinaci voluntate defendunt, & querunt cum sollicitudine veritatem corrigi parati.

Ad sextum respondetur Fideles non teneri ad omnem infidelium peruersionem prohibendam, sed solum teneri ad prohibendam illam, quæ est cum detrimento fidei, & cum iniuria Sacramenti, talis autem non est peruersio Infantum, qui non sunt baptizati, nam si Infidelium filij non susceperint Baptismum, nullum Fidei detrimentum interuenit, nec vlla iniuria inferitur Sacramento Baptismi, si suis Parentibus restituantur, cum aliàs Christiani eos baptizare non teneantur ex causis, & motiuis, quæ

afferunt Authores, qui docent Christianos ad illorum Infantum Baptismum non teneri, de quo videri possunt Suarez *loc. cit. sect. 6.* & alij, quos ipse Verricellus allegat; sed iuxta sententiam aliorum dicentium, Christianos teneri ad infantes illos baptizandos, post collatum illis Baptismum, non possunt Christiani eos amplius Parentibus infidelibus restituere: & hæc ad argumenta Verricelli contententis, hæreticorum filios baptizari posse, etiam si ab ipsis hæreticis educandi sint, & eorum hæreticis dogmatibus imbuendi.

Deindè argumentum hoc ex Baptismo petum hæreticorum filijs à Ministris Catholicis collato, nullatenus urget contra rationem pro nostra assertione allatam; nam ratio pro nostra assertione in eo sita est, quod Infidelium filij, si baptizentur, & à Parentibus infidelibus non separantur, ab eis peruertendi sint, ac proindè iniuria inferenda sit per illorum apostasiam Sacramento Baptismi; vt autem argumentum ex Baptismo petum hæreticorum filijs à Ministris Catholicis collato, contra rationem hanc aliquid probet, probandum est, vel quod falsum sit, vt Infidelium filij post receptum Baptismum peruertantur à Parentibus, etiam si ab eis non separantur, eo quod hæreticorum filij à Catholicis baptizati, & ab hæreticis non separati ab eis non peruertantur, & si hoc velint, qui argumentum illud opponunt, falsum assumunt: nam falsum est, quod hæreticorum filij, etiam à Catholicis baptizati nõ peruertantur, cum ad annos discretionis perue-

uenerint, si ab eis non separentur, sed si non peruerterentur à Parentibus hæreticis, nil vrget argumentum illud contra nostram sententiam; nam nos asserimus filios Turcarum, & Gentilium baptizatos peruertere à Parentibus cum ad annos discretionis peruenierint, ac proinde contra id non facit, quod hæreticorum filij non peruertantur ab hæreticis. Vel conceditur, quod hæreticorum filij à Catholicis baptizati, si ab hæreticis non separentur, ab eis peruertantur, & tunc negari nequit, hoc esse magnum inconueniens, & per eorum peruersionem profanari Baptismi Sacramentum. Si verò ad illud recurrant, quod maior pars Infantium hæreticorum, etiam ex his, qui à Catholicis baptizantur decedant ante usum rationis, recurrunt argumenta superius allata. Hæc autem ratio est communis etiam alijs, qui non sunt filij hæreticorum; Vnde argumentum de filijs hæreticorum à Catholicis baptizatis, non vrget speciali ratione. Igitur argumentum istud ex Baptismo desumptum filiorum hæreticorum, qui à Catholicis baptizentur, vndiq; claudicat, & nullatenus vrget.

Expenduntur quæ de Baptismo Hæreticorum asserit Passerinus, & ex eis comprobatur Assertio nostra.

Passerinus *l. 6. cit.* duplex distinguit hæreticorum genus; Vnum, eorum, qui non errant circa ipsum Baptismum, quia videlicet credunt, Baptismum esse verum Sacramentum

à Christo Domino in salutem hominum institutum, vnde verè, & validdè baptizant, sed errant in alijs articulis fidei: Alterum verò eorum hæreticorum, qui errant in fide ipsius Baptismi, quia non credunt Baptismum esse à Christo Domino in salutem hominum institutum, ideoque si baptizant nulliter baptizant. Si de primis hæreticis, inquit Passerinus, sit sermo, si ipsi petant à Catholicis filios baptizari, etiam si educandi sint ab hæreticis, si sit aliqui consuetudo, potest tolerari, vt ait Cardinalis de Lugo *de fide disput. 21. num. 22.* quia periculum iniuriæ Sacramenti si adest, est inuitabile, quia si tales filij non baptizantur à Ministro Catholico, baptizantur ab Hæretico. Aliàs verò Infantem baptizare, non est de se malum, & in utilitatem veræ fidei potius cedit, quia in hoc tam Patres, quàm filij magis affecti redduntur Catholicæ veritati, & sperari potest, quod Patres non impediant, quin baptizatus possit Catholicam Fidem tenere, si velit, & quod ipse à Ministro Catholico baptizatus facilius ad eam amplectendam suaderi poterit. Si autem de alijs hæreticis loquamur, subdit Passerinus, qui errant circa ipsum Baptismum, & idèd si baptizant, nulliter baptizant; horum hæreticorum filios baptizare non licet, idque multis argumentis probat, quæ, vt mox dicemus retorqueantur contra; primum suum dictum, & probant, nec eorum hæreticorum filios baptizandos esse, qui non errant circa Baptismum; illa mox asseremus, cum egregiè nostram probent assertio-

nem. Priùs tamen exoendenda sunt, quæ ipse Passerinus affert, vt diximus, ad probandum, quod liceat baptizare filios hæreticorum, qui non errant circa Baptismum.

Et quidem perperam, & inutiliter ad rem præsentem duplex illud hæreticorum genus distinguit Passerinus, nam hæretici etiam illi, qui non errant in articulo Baptismi, errant in cæteris articulis, qui per fidem in ipso Baptismo receptam docentur, ac proinde religionem eidem Baptismo aduersam, & contrariam profitentur, & idè etiam si non errent in articulo Baptismi, profanant tamen Baptismum per alias hæreses Baptismo, & fidei per Baptismum receptæ contrarias, & recurrunt argumenta pro assertionem nostrā superius allata. Vnde quod hæretici illi non errent in articulo Baptismi, & validè baptizent, non probat, quod per alios errores, ac hæreses non irrogent iniuriam Baptismo, sed solum probat, quod maior iniuria irrogetur Baptismo ab his, qui errant etiam circa ipsum Baptismum; sed quod hæc sit maior iniuria, non tollit, quod alij hæretici, qui non errant in articulo Baptismi, sed errant circa reliqua omnia, quæ ad Fidem Catholicam pertinent, non irrogent iniuriam, eamq; grauissimam Sacramento Baptismi, Quin in eo quoque errant, quod putent Baptismum, fidemq; in ipso receptam, non obligare ad credendos eos articulos, quos Ecclesia Catholica docet.

Est autem planè futilis, & absurda ea Passerini ratiocinatio, qua dicit, quod periculum iniuriæ Sacramenti, si adest, est inévitable, quia

si tales filij non baptizentur à Ministro Catholico, baptizantur ab hæretico. Nam contra hoc est, quod licet periculum iniuriæ Sacramenti sit inévitable, quia si filius hæretici non baptizatur à Ministro Catholico, baptizatur ab hæretico, non idè iniuria irroganda est Sacramento à Ministro Catholico baptizando filium hæretici à Parentibus pervertendum; Sicut non idè, quod Caij mors inévitable sit, eo quod si non occidatur à Titio, occidetur à Sempronio, Caius occidi potest à Titio.

Nec minus futile est, quod ad idem addit Passerinus, quod aliàs infantem baptizare non sit de se malum; nam quamvis absolutè infantem baptizare, non sit de se malum, baptizare tamen infantem cum periculo futuræ perversionis illius, est de se, atque intrinsecè malum, vt suprà ostensum est. Cætera etiam, quæ idem Passerinus subdit, valdè futilia sunt, & incerta, immò & falsa, quod videlicet, filium hæretici baptizari à Catholico in utilitatem cedat veræ fidei, quia in hoc tam Patres, quàm filij magis affecti redduntur Catholicæ veritati, & sperari potest, quod Patres non impediunt, quin baptizatus possit Catholicam Fidem tenere, si velit, & quod ipse à Ministro Catholico baptizatus facilius ad eam amplectendam suaderi poterit, hæc, inquam, incerta sunt, immò & falsa, & ea facilitate, quæ asseruntur, negantur.

Sed & ex his, quæ ibidem subdit Passerinus, contra ipsum, hæc ipsa efficaciter confutantur. Nam quæ de illis hæreticis habet, qui errant in fide

Bap.

Baptismi; ut probet eorum filios baptizandos non esse à Catholicis, conuincunt, nec etiam illorum hæreticorum filios à Catholicis baptizandos esse, qui in fide Baptismi non errant. Ait ergo Passerinus, quod certum debet præponderare incerto, & maius damnum vitari, nec propterea vtilitate grauis damni periculum eligi debet. Est verò certum (subdimus cum ipso contra ipsum,) & moraliter indubitatum, quod infans à Parentibus infidelibus, seu hæreticis educabitur in infidelitate, seu hæresi, sic enim videmus, consuetum esse, ut filij errorem Patrum sequantur. Altera verò ex parte, vtilitas, quæ ex Baptismo provenire posset, in hoc casu, vel parua est, vel valde contingens. Potest enim esse spes salutis baptizati, si forsan moriatur in infantia, sed hoc valde contingens est, & incertum, & quod Layman. aduertit, scilicet, quod ex hominibus tertia pars decedat in infantia, & hoc est incertum, & est quid generale indefinitum, & indeterminatum, & è contra in hoc indiuiduo, in quo mortis periculum non apparet, periculum irreuerentiæ Sacramenti est certum, & spes illa generalis remota, & dubia. Si verò baptizatus in infantia non moriatur, nulla serè remanet spes vtilitatis considerabilis ex Baptismi collatione etiam alio incerto supposito, scilicet quod post infantiam, hæresis in eo sit futura, materialis tantum, & sine culpa ex inuincibili ignorantia, neque enim sperandum in hæretico, quod diù seruaturus sit baptismalem innocentiam, si diù viuat; qua amissa non remanet

sibi remedium salutis, nisi per veram contritionem, quod remedium sibi competit etiam sine Baptismo, si Baptismum habere non possit. Hæc Passerinus, & optimè in rem nostram; immò hæc eadem apprimè confirmant assertionem nostram principalem de Baptismo Turcarum, aliorumque infidelium filijs non conferendo, si periculum adsit eorum futuræ peruersionis, ut diximus, soluuntque argumenta, quæ contra eandem assertionem afferuntur.

Sed & vterius idem Author ad hæc eadem confirmanda, egregiam tradit doctrinam, inquires, quod per se, & regulariter loquendo non liceat baptizare filios Hæreticorum, aut Apostatarum, nisi separentur à cura Parentum. Id autem primò probat ex Concilio Toletano 4. *ap. 59.* quod refertur *cap. in Leorum 26. q. 1.* vbi præcipitur, quod filij Iudæorum baptizati separentur à consortio Parentum, ne inducantur ab eis in errorem, & præuicationem, & *cap. 61.* prout refertur in *cap. Sapè, eadem causa, & quest. prohibetur baptizatis infidelium consortium*, quia sæpè malorum consortia etiam bonos corrumpunt; Quamvis verò, obseruat Passerinus, non sit sermo ibi de Hæreticis, tamen canonizatur ibi necessitas, quam habent Baptizati, ut, ne præuaricentur in Fide, separentur à Parentum Infidelium cura, & consanguineorum consortio. Per se igitur non licet baptizare infantes, quos non licet à parentum cura segregare.

Secundò id probat ratione; quia illa Baptismi collatio non est licita per se, & ut in pluribus habet con-

iunctam irreuerentiam Sacramenti, prauaricationem, & apostasiam, aut hæresim huiusmodi in facie Ecclesiæ perseuerantes vsque ad mortem sine spe fructus. Vndè vt plurimum, & regulariter hæreticorum filij, etsi baptizati, si non separentur à Parentibus, perseuerant auersi à fide, & Ecclesiæ inimici. Nec obstat, quod ex inuincibili ignorantia, fides, quā in Baptismo recipiunt, possit in eis permanere, quia & hoc incertum est, & contingens, scilicet eos laborare ignorantia inuincibili, & regulariter euenit, quod cessante etiam ignorantia inuincibili, filij fidem paternam voluntariè sequantur, & ad veram fidem non redeant, sed illam contemnant, & tamen qui sunt Ecclesiæ membra, fidem Ecclesiæ, non hæresim sensibilibiter profiteri debent. Hæc benè Passerinus de Baptismo Hæreticorum filijs non conferendo, qui à Parentum custodia non sunt separandi.

**Soluuntur alia argumenta
contra nostram Assertionem
superius
allata.**

AD alia argumenta superius allata respondetur. Ad secundum argumentum principale in principio allatum de filijs nouorum Christianorū, de quibus suspicio esse potest, quod fidem Christianam simulent, & filios post Baptismum ad apostasiam inclinent, & tamen eorum filij à Catholicis baptizantur, absque eo quod separentur à Parentibus. Respondetur, quod suspicio illa de nouis Chri-

stianis, quod simulent fidem Christianam, est remota, & communis, non particularis de hac, vel illa persona, nam in particulari non potest ferri iudicium, nisi adsint indicia, & probationes, quæ sufficiant, de simulatione fidei, & de occulta, sed interna prioris religionis professione; & idè quo vsque hæc non adsint filij nouorum Christianorum bona fide baptizantur à Catholicis, & à Parentibus non separentur, nihil temerè iudicando de hac, vel illa persona, quia suspicio illa generalis non est sufficiens ad dirigendum actum moralem in particulari; si autem in particulari constaret de nouorum Christianorum occulta apostasia, idem iudicium esset ferendum, & eorum infantes baptizandi non essent, nisi ante, vel statim post Baptismum à Parentibus separentur.

Ad tertium de filijs infidelium, & Iudæorum, adultis, qui baptizantur, cum tamen à Parentibus non separentur, nam in eadem Vrbe cum Parentibus degunt; Respondetur, filios Iudæorum adultos, cum baptizantur, à Parentibus separari, & Romæ, & vbique, nam etsi in eadem Vrbe cum Parentibus permaneant, non tamen in eadem domo cohabitant, immò neque in eodem loco, nec in eadem regione, habent enim Iudæi in Vrbe, & in alijs Ciuitatibus locum, & conclaue speciale, in quo à Christianis segregati viuunt; eisdem præterea Iudæorum filijs adultis, cum baptizati fuerint interdicitur vsus, & conuersatio cum Iudæis, & si aliqua communicatio in ciuilibus eis permittatur. Sed cum Iudæorum filij

filij in adultâ ætate ad Christianam fidem conuertuntur, nullum ferè periculum est, quod à Iudæis Parentibus peruertantur, cum religionem Christianam propria voluntate, & postquam catechizati fuerunt, & in fide instructi; amplexi sint.

Ad quartum argumentum de infantibus Christianorum, qui ab improbis parentibus, cum ad ætatem adultam peruenerint, prauis moribus imbui possunt, ac proindè susceptum Baptismum proprijs peccatis contaminare, quod tamen non reputatur inconueniens, nec propter hoc negatur illis Baptismus. Respondetur, quod periculum illud infantium, cum ad ætatem adultam peruenerint, peccaminosa committendi; eo quod ab improbis parentibus prauis moribus imbuantur, est valdè generale, & commune omnibus, quod licet aliquantulum crescere possit, ex iniquis moribus, & exemplis parentum, tamen est valdè accidentarium, & nunquam inter Catholico-defunctis sufficientia media, & auxilia, quibus possit facilè superari: at verò periculum apostasiæ est proximum, & speciale, & multò maius, & constituens hominem in proxima, & speciali occasione apostatandi à fide suscepta. Est & aliud discrimen, quod peccata, & lapsus charitati contraria, etsi aduersentur iustitiæ, quæ datur per Baptismum, non tamen sunt directè contraria professioni, quæ fit in Baptismo, & ideo periculum apostatandi à fide multò magis repugnat condignæ administrationi, & receptioni Baptismi.

Soluitur alia obiectio, & retorquetur in obiccientem.

Illud etiam argumentum Author quidam recentior obiecit nobis, quod, quando vrgent duo mala, vnum certum, proximum, & grauissimum; Alterum minus graue, remotum, neque adco certum, tunc licet hoc secundum permittere, ex proximi prauitate cauendum, vt illud primum euitetur; sed in casu nostro vrget malum eiectionis à missione, seu amissionis Parochiæ, certum, quidem, ac proximum, vt supponitur, itemque grauissimum, vt constat, aliud verò peruersionis, seu apostasiæ infantis minus graue est, remotum planè, neque adco certum, ergò licebit missionario hoc secundum malum permittere ex prauitate parentum apud quos relinquitur infans, vel huius iam adulti malitia occasionandum, vt euitetur alterum malum amissionis Parochiæ, eiectionis à missione &c. Discussus videtur legitimus, maior certa, & vera comparatio, seu minor propositio, ex missionariorum namque eiectione consequentur per se ista mala; in primis quamplurium fidelium peruersio, ac præuaticatio, impossibilitas plusquam moralis redemptionis multorum ex infidelibus; nam *quomodo credent ei, quem non audierunt? aut quomodo audient sine predicante?* ad Rom. 10. & vnico verbo fidei propagatio impeditur in tali loco. Ex opposito peruersio, vel apostasia infantis tunc baptizandi planè est in-

cer-

certa, incertaque redditur exindè, quoniam pars plusquam dimidia natorum, moritur ante annos discretionis, prout ex relationibus insignium Medicorum. Præterea minus mala iam erit, cum sæpè veniat compensanda salute spirituali, ac æterna ipsius infantis in infantia decedentis, seu decessuri, vti plures eo tempore decedere ostendit experientia. Accedit, & maximè in casibus apostasie, ignorantie suscepti Baptismi, huius virtutis supernaturalis, aut ex eo subortæ obligationis, quod Adultus (vti supra in infantia baptizatus) simplex infidelitatis peccatum; cæteris Turcis commune re ipsa committeret, dum parentum sectam ab his seductus amplectitur, neque veram, aut formalem apostasiam incurreret, Turca effectus; prout omnibus Theologis compertum est, adeoque periculum huius mali, seu peccati apostasie frequentissimè non imminebit in casu nostro.

Confirmantur hæc ex his, quæ ipse Suarez oppositæ sententiæ propugnator docet cum pluribus Theologis lib. 3. de legibus cap. 30. vbi docet, licitum esse contrahere matrimonium cum Consanguinea, nulla præhabita dispensatione ad evitandam mortem imminentem. Et subdit Suarez, *Quod si fortasse illa occasione incurratur aliud periculum violandi aliquam legem naturalem, aut etiam moriendi, id est valdè remotum, & accidentarium, & ideo non attenditur in facienda irritatione actus.* Ergo pariter licita est collatio Baptismi imminente mortis periculo Missionario, in casu proposito, quandoqui-

dem hoc est proximum, & certum, illud autem peruersionis infantis remotum, nec ita certò futurum, nullatenus à Baptizante curandum. Iam verò malum alterum cooperationis ad peccatum parentum Baptismi filij ex non bono fine expetentium, in præsentem locum non habere, ex eo sit compertum, quia eodem fine tantum, licita est collatio Baptismi respectu ipsius infantis iam iam morituri, aut grauiter ægotantis, nec tamen licet vnquam peccato cooperari peccando. Hæc Author quidam recentior, quæ iisdem ipsius verbis retulimus.

Respondetur, quod etiam si mala in argumento recensita, quæque ex denegatione Baptismi filiorum Turcarum sequutura supponuntur, maiora essent, & grauiora, quàm peruersio eorundem filiorum, non ideo tamen liceret Missionarijs ad auertenda prædicta mala Baptismum conferre Turcarum filijs, qui apud parentes Turcas educandi essent. Nam pro nullo malo quantumuis graui auertendo licitum est crimen, aut peccatum committere: Peccatum autem, immò & sacrilegium, & quidem grauissimum Missionarij committerent, si Turcarum filijs apud parentes Turcas educandis Baptismum conferrent, vt constat ex dictis. Diximus autem non esse licitum prædictum Baptismum conferre, etiam si mala, quæ ex illius denegatione sequutura supponuntur, maiora essent, & grauiora, quàm peruersio filiorum Turcarum Baptizatorum. Nam reuera mala prædicta, maiora non sunt, nec grauiora peruersione dictorum filio-

filiorum. Peruersio enim dictorum filiorum inuoluit eorundem apostasiam à fide in Baptismo suscepta, cum ad annos discretionis peruenerint, & inde profanationem suscepti Baptismi; ac præterea inuoluit sacrilegium à Missionarijs commissum, quia conferrent Baptismum cum notitia moraliter certa profanationis Baptismi. Hæc porro mala, utpotè culpæ grauissimæ maiora sunt, & grauiora, quàm eiectione Missionariorum à missione, ac etiam illorum occisio. Nam hæc nullam culpam important ex parte Missionariorum. Immo si mala illa parienter à Missionarijs tollerentur propter Deum, quem per collationem Sacrilegi Baptismi offendere nolint, dictorum malorum tolerantia laudabilis est, & meritoria. Peruersio verò Christianorum in Regionibus Turcarum degentium, quæ ex absentia Missionariorum eiectionum futura supponitur, etsi graue malum sit, non ideo tamen ad illud impediendum licet Missionariis peccatum, & sacrilegium committere, ut de se patet. Diximus etiam prædicta mala præsupponi sequutura ex denegatione prædicti Baptismi, reuera tamen non est certum, quod sint sequutura, immò fortassis nunquam sequentur; nec vnquam auditum est Missionarios occisos, aut eiectionis fuisse ob denegationem dicti Baptismi, è contra verò profanatio dicti Baptismi est certa moraliter.

Sacrilegium autè & graue, moraliter certum est sequi, si Turcarum, aliorumq; infidelium infantes post ipsorum Baptismum apud parentes infideles relinquantur, & ab eis educantur;

moraliter enim certum est, quod ab eis in sua falsa religione educandi sint, & impijs dogmatibus imbuendi, quibus proinde, additis suæ sectæ superstitionibus Baptismi Sacramentum profanabitur, Vnde Sotus in 4. sent. dist. 5. quæst. unica ar. 10. conclus. 2. 5. Tertium autem efficacius est argumentum aduersus eos, qui filios Indorum infidelium baptizabant, eosque apud infideles relinquebant, his verbis inclamat. *Audiui ab illis, qui se mihi ipsos fecisse dixerunt, quod apud Indos multa infantium millia baptizata sunt, quos quidem ipsi baptizabant, apud parentes infideles relinquebant, omni Christianitatis auxilio destitutos, qui possent postea eos Religionem edocere, quo utique nescio quodnam aliud sacrilegium grauius commissi possint aduersus fidem.* Sed & Christianos Prædicatores idem Sotus redarguit, quod eo solo proposito si contingeret, eos ante usum rationis mori, salus fierent, eos baptizarent nihil de apostasia curantes, quæ maxime illis timeri debuisset.

Igitur certum est, peruersionem, & apostasiam infantis baptizati, & consequenter profanationem Sacramenti Baptismi esse malum grauissimum, & longè maius eiectione Missionariorum à missione, & amissione Parochiæ, immo & ipsa morte Missionarij ab infidelibus inferenda, adeo ut potius mala hæc omnia subeunda sint, quàm Baptismum conferre per apostasiam baptizati profanandum, hoc enim est intrinsecè malum, quod nec imminente morte licitum esse potest. Vnde nihil facit, quod ex Missionariorum eiectione consequutura sint immediate per se mala

mala illa, quæ sunt plurimorum fidelium peruersio, ac præuicatio, impossibilitas plusquam moralis redemptionis captiuorum è manibus Infidelium, & impeditio propagationis Fidei; nihil, inquam, facit, quod mala hæc ex Missionariorum eiectione fortassis consequutura sint: nam Turcæ, qui petunt filios suos baptizari, ad remouendum ab eis foetorem, sunt solum personæ priuatæ, ad quas non spectat Missionarios à missionibus eicere; sed admissio, quod infideles, qui proprios filios baptizari petunt Christianis renuentibus baptizare prædicta mala comminentur, & comminationes exequi possint, adhuc malis illis imminuentibus à tali Baptismo abstinere debent Christiani, ne Sacramentum, ut diximus per apostasiam, & professionem impiæ religionis, cum infantes ad ætatem adultam peruenerint profanetur, uti moraliter certum est, profanandum esse, si infantes illi post Baptismum à parentibus non separentur. Quare filios Turcarum, aliorumque infidelium baptizare cum hac notitia moraliter certa profanationis futuræ, est de se, atque intrinsecè malum, quod proinde nec pro salute totius Mundi fieri potest; & licet Deus velit hominum salutem, eam tamen non vult per profanationem suorum Sacramentorum, ac proinde non licet Baptismum profanandum conferre aliquibus, ut alij consequi possint salutem per assistentiam, & ministerium Missionariorum. Quæ ratio conuincit, etiamsi admitteretur, quod ab Aduersarijs adeo confidenter asseritur, ex tribus

videlicet infantium partibus; duas partes ante usum rationis decedere; nam adhuc hoc admitto, cum etiam iuxta Aduersarios, tertia pars infantium ante usum rationis non sit decessura, si Missionarij omnes filios, qui ab infidelibus offeruntur, baptizent, certum est, quod tertia pars illorum, quia peruenturi sunt ad ætatem adultam, Baptismum per apostasiam, & professionem impiæ religionis profanabunt; id autem nefas est, nec enim fas est, quod ut duæ partes infantium saluentur, Baptismi Sacramentum in alijs infantibus profanetur: neque hoc esset permittere malum ex prauitate aliorum ponendum, uti falsò inquit opponens, sed esset posituè operari malum, nam, esset exponere Sacramentum profanationi, & iniuriæ; unde sicut, qui sacrosancam Eucharistiam conficeret, cum notitia moraliter certa, quod esset impiorum pedibus proterenda, vel fortilegorum; seu veneficorum fortilegijs applicanda, non diceretur permittere malum ex aliorum prauitate ponendum, sed verè, ac posituè sacrilegium committeret, sic qui alicui infanti Baptismum conferret, cum notitia moraliter certa, quod ab eodem, cum ad ætatem adultam peruenerit, per apostasiam, & impietatem suæ sectæ sit profanandus, non permittit malum ex aliorum prauitate ponendum, sed verè, ac posituè malum operatur, & sacrilegium committit. Estque præterea malum hoc non remotum, ut vult Opponens, sed planè proximum, nam posito, quod infans baptizatus, non separetur à parentibus, sed ab eis educetur,

vti

vti supponitur, absque alio, certum est, quod impijs dogmatibus imbuetur, ac proinde quod per apostasiam Baptismi Sacramentum profanabit.

Est autem valde mirum, quod in argumento dicitur, nempe quod peruersio infantis sæpe veniat compensanda salutē spirituali, ac æterna ipsius infantis in infantia decedentis, seu decessuri, vti plures eo tempore decedere ostendit experientia. Est, inquam, id valde mirum, nam hic agitur de peruersione infantium non qualicumque, sed agitur de peruersione infantium per apostasiam à Baptismo recepto, cui dicimus cooperari baptizantem, quatenus baptizat infantem apostataturum à Baptismo, ac proinde Baptismum profanaturū per professionem suæ sectæ, quam ipsam professurum fore certum est, si post Baptismum ab infidelibus non separetur. Peccat igitur, & grauissimum sacrilegium committit Missionarius baptizans infantem à parentibus infidelibus non separandum, hoc autem peccatum compensari non potest per salutem etiam spiritualem alterius, etiamsi illa sequeretur in alijs infantibus, vti arguens supponit; quia peccatum per nullum bonum compensari potest, & hic locum habet, quod ait Apost. ad Rom. 3. *non sumus facienda mala, vt veniant bona.* Quare non potest Missionarius hoc sacrilegium committere, quod est conferre Baptismum profanandum per apostasiam baptizati, nam hoc sacrilegium nec per salutem totius Mundi compensari potest.

Ad illud verò quod pariter in argumento dicitur, peruersionem, seu

apostasiam infantis incertam reddi, eo quod pars plus quàm dimidia natorum moriatur ante annos discretionis prout ex relationibus insignium Missionariorum habetur. Respondetur, peruersionē, & apostasiā infantis baptizandi non esse incertā, nam vt suprā diximus, qui natus est, per se loquēdo victurus est, & ad ætatē adultā peruerturus, nativitas enim per se respicit vitam, non mortem; vnde per se est, quod infans natus viuatur, & ad ætatē adultam perueniat, per accidens vero est, si moriatur ante adultam ætatē; non est autem attendendum quod sequitur per accidens, sed attendendum est, quod per se natum est sequi. Cum igitur ad natiuitatem per se, & ex natura rei sequatur vita, eiusq; continuatio. Missionarius de Baptismo infantis expositulatus, supponere, & potius attēdere debet quod est per se, & putare debet, quod infans potius victurus sit, & ad ætatē adultam peruerturus, quam quod ante adultam ætatē sit moriturus, & hoc posito si puer baptizetur, & post Baptismum ab infidelibus non separetur, moralis certitudo adest, quod sit peruertendus, & à Fide per Baptismum accepta sit apostataturus, & proinde Baptismi Sacramentum profanaturus, nam certum est, quod à parentibus iuxta propriam sectam sit educandus. Igitur certum est, quod si baptizetur filius infidelium, & à parentibus infidelibus non separetur, cum ad ætatē adultam peruenierit, apostatabit, & susceptum Sacramentum profanabit. Et præterea si verum sit, quod in argumento dicitur, quod pars plus quam dimidia natorū moriatur

riatur ante annos discretionis, iam etiam secundum Aduersarios remanet alia pars natorum, qui non moriuntur ante annos discretionis. Igitur si omnes baptizandi sint, certum est, quod infantes illi baptizati, qui ad annos discretionis peruenturi sunt, peruerterentur, & apostatabunt, & receptum Baptismum profanabunt. Id autem admitti nequit, nam ut supra dictum est, nec pro salute totius Mundi profanandum est Sacramentum, aut iniuria afficiendum; nec pro salute aliquorum profanandum est Sacramentum in alijs, vel certo periculo profanationis exponendum. Id enim redundaret & in Dei iniuriam, qui Sacramentum instituit. Et quamuis Deus in salutem hominum Sacramenta instituerit, & velit omnes saluos fieri, hominumque salutem gratissimam habeat, nihilominus, ut Apostolus ad Romanos dicit, & ad propositum Concilium Toletanum, ut bene Passerinus obseruat, *Cuius vult miseretur, & quem vult indurat*, nec indiget hominum salute, nec gratum habet, quod Sacramenta ab ipso pro salute hominum instituta proijciantur, aut profanentur, & iniuria afficiantur.

Diximus, si verum sit, quod pars plusquam dimidia natorum moriatur ante annos discretionis; nam reuera id non videtur admittendum, Quod enim est per accidens, contingit ut in paucioribus, & quod est per se, contingit ut in pluribus; quod verò puer natus moriatur ante annos discretionis est per accidens; igitur secundum contingit ut in pluribus, & primum ut in paucioribus, unde non

versamur in dubio, sed in re certa, quod videlicet maior pars natorum perueniat ad annos discretionis, ac proinde certum est, quod infidelium filij, si baptizentur, & ab infidelibus non separentur, pro maiori parte à Fide apostatabunt cum ad ætatem adultam peruenerint. Sed etsi versaremur in dubio, adhuc standum esset pro Sacramento, & euitandus esset casus, quo Sacramento inferri posset iniuria etiam si interuenire posset salus infantis, nam, ut dictum est, licet Sacramenta instituta sint à Deo in salutem hominum, non ideo Deus præferendam voluit salutem fidelium reuerentiæ suis Sacramentis debite, nec ea profanari vult, ut homines salutem consequantur.

Ad aliud de ignorantia suscepti Baptismi, eiusque virtutis supernaturalis, & ex eo subortæ obligationis. Respondetur difficile, aut raro contingere posse ignorantiam huiusmodi in infideli baptizato, cum ad annos discretionis peruenient, cum degat inter parentes, quos suscepti Baptismi cum certiore facere credibile est.

Ignorantia verò necessitatis Baptismi ad salutem, & virtutis eius, & obligationis ex Baptismo suscepto exortæ, difficile, aut raro in infidelibus illis contingere potest, tum quia in omnem terram exiit sonus prædicantium necessitatem Baptismi, tum quia supponitur inter infideles prædictos adesse Missionarios Christianos, quos certum est, saltem Christianis ibi degentibus docere omnia, quæ ad Baptismum, & ad Fidem Christianam pertinent; cum igitur

igitur ignorantia illa difficile; aut raro contingat, non est attendenda, nam quæ difficile, aut raro contingunt moraliter non attenduntur, & operationes humanæ regulandæ sunt per ea; quæ regulariter contingunt, non per ea, quæ per accidens; aut raro cœriunt. Supponendo igitur, adesse in infidelibus illis baptizatis notitiam suscepti Baptismi, cum apostataturi sint, si post susceptum Baptismum à parentibus infidelibus non separentur, apostasia, & profanatio Sacramenti non erit materialis, sed formalis.

At vero admissio, quod in aliquo casu dari possit in aliquo infideli, qui Baptismum suscepit, ignorantia suscepti Baptismi, & ipsius necessitatis ad salutem, & obligationis ex suscepto Baptismo exortæ, adhuc apostasia illa materialis, est iniuriosa Sacramento Baptismi, & Fidei per illud susceptæ, & per apostasiam profanatur materialiter Sacramentum; hæc autem profanatio etiamsi materialis vitanda est à conferente Baptismum, non enim licet Baptismum illi conferre, quem baptizans præsciat Baptismum esto materialiter profanaturum, & graviter peccaret, qui hoc præsciens Baptismum conferret, sicut graviter peccaret, qui Hostiam ab amente, vel ebrio conculcandam consecraret. Nec etiam si contingere posset baptizati salus spiritualis potest baptizans exponere Sacramentum huiusmodi materiali profanationi, nam etsi non peccet, qui Sacramentum materialiter profanat, peccat tamen, qui Sacramentum materiali profanationi exponit.

Sed & quoad salutem infidelis baptizati, qui suscepti Baptismi, eiusque ad salutem necessitatis ignorantiam etiam inuincibilem haberet, dicendum est, adhuc posita ea inuincibili ignorantia, sperari non posse salutem illius, nisi obseruaret legem dumtaxat naturæ, & sectam propriam detestaretur, tunc enim Deus illum illuminaret, ut communiter Theologi docent; est autem valde difficile, quod infidelis inter infideles degens, infidelitatem detestetur, & solam naturæ legem obseruet, ac proinde valde difficilis est salus talis infidelis baptizati. Quare neque motiui salutis spiritualis illius mouere potest Missionarios Christianos ad Baptismum ei in infantia conferendum; cum salus illa sit valde difficilis, & aliàs Baptismus exponitur periculo profanationis, saltem materialis moraliter certæ, Sacramentum autem non potest profanationi nec etiam materiali exponi, nec pro salute spirituali alicuius, nam Sacramentum nunquam est profanandum.

Denique ad illud de matrimonio, quod additur in argumento. Respondetur, doctrinam illam Suarez rejici à Caietano, Soto, Medina, Nauarro, Valentia, Rutilio Benzonio relatis à Sanchez de *Matrimonio lib. 7. disp. 4. num. 2.*

Sed quidquid sit de illa doctrina, magna est disparitas, nam ibi nulla sit iniuria Sacramento, quod tunc non conficitur defectu veræ materię, quæ est legitimus contractus, qui nequit adesse inter consanguineos, & ideo non peccatur, Ecclesia id permittente ob periculum mortis, ut ad-

uertit P. Raimundus Lumbier *observat.* 8. §. 6. At in casu nostro interuenit iniuria ipsius Baptismi. Et nihil valet id quod replicatur in argumento de baptizante puerum moribundum; nam ideo baptizans infantem iam iam morituum, non cooperatur alicui peccato, quia tunc nullum adest futuræ apostasiæ, ac peruersionis periculum.

Argumentum igitur contra nostram sententiam allatum in ipsum Opponentem retorquetur hoc pacto. Duo debent attendi mala, quæ in re præsentī interuenire possunt. Vnum quidem grauissimum est enorme sacrilegium, quod Missionarius committeret, si filios Turcarum, aliorumque infidelium à parentibus infidelibus non separandos baptizaret, cum enim inter illos infantes, prout Opponens etiam admittit, certum sit aliquos adesse, qui ad annos discretionis peruenturi sunt, moraliter certum est, hos apostaturos à Fide, & Baptismi Sacramentum profanatos; enorme igitur sacrilegium committeret Missionarius eos baptizando, nam exponeret Sacramentum profanationi moraliter certæ. Id autem non est faciendum. Aliud verò malum quod in casu isto interuenire posset, esset priuatio missionis, & Parochiæ, & ideo plurimorum fidelium peruersio, ac impossibilitas plusquam moralis redemptionis captiuorum, & impeditio propagationis Fidei. Quicquid autem sit de recensitorum malorum certitudine non debet Missionarius ne quidem vnum sacrilegium patrare ad impediendas etiam miriades malorum, & peccatorum.

Explicatur magis hoc idem. Nam etsi aliqui esse possint inter infantes illos, qui decessuri sint antequam perueniant ad annos discretionis, inter istos tamen alij sunt, qui peruenturi sunt ad vsum rationis, vt ipsi met Aduersarij admittunt. De his autem moraliter certum est, quod si ad annos discretionis peruenierint, profanaturi sunt per apostasiam Sacramentum Baptismi. Nefas autem est dicere, quod pro salute aliquorum infantium profanationi moraliter certæ per apostasiam aliorum infantium, exponi possit Sacramentum Baptismi, sic enim Missionarius enorme sacrilegium committeret; peccatum autem nec pro salute totius Mundi committi potest.

Sed & quod aliqui infantes decessuri sint ante vsum rationis, non propterea dicendum est, quod Missionarij conferre possint Baptismum filiis infidelium, qui à parentibus infidelibus non sunt separandi: Nam humanæ operationes, cum regulandæ sint per prudentiam, & prudentia attendat, quod est per se, non quod est per accidens; cum per accidens sit, quod infantes aliqui ante vsum rationis decedant, Missionarius non debet supponere, quod infantes aliqui sint decessuri ante vsum rationis, sed supponere debet, quod ad vsum rationis sint peruenturi. Hoc autem supposito, conferre non debet baptismum infantibus à parentibus infidelibus non separandis; nam conferret Baptismum infantibus, de quibus per se loquendo putandum est, quod peruenturi sint ad vsum rationis, ac proinde quod à Fide Christiana

stiana apostatābunt, & Baptismi Sacramentū profanābunt, quod est Baptismum exponere futuræ profanationi moraliter certæ.

Hæc autem scire, & animaduertere tenentur Missionarij, nam scire, tenentur, quæ ad officium proprium pertinent, cum sint Ministri Sacramentorum. Et cum alijs certi moraliter sint, quod infantes illi, qui à parentibus infidelibus non sunt separandi, à fide in Baptismo suscepta apostatābunt, ac proinde Baptismi Sacramentum profanābunt, graviter peccant Baptismum prædictis infantibus conferendo.

Confirmantur autem à nobis dicta hoc argumento. Nam est certum sit, quod aliqui ex infantibus natis, morituri sint ante annos discretionis, non tamen est certum, quod hic, vel ille infans, qui baptizatur ante discretionis annos sit moriturus, neque id baptizanti certè constat, imo probabilius est, quod ante annos discretionis non sit moriturus, nam probabilius est, quod qui natus est vivat, & ad annos discretionis perveniat, quam quod moriatur, & ad annos discretionis non perveniat, quia probabilius est, quod sequatur id, quod ex natura natum est sequi, quam quod sequatur id, quod natum est sequi præter naturam, aut contra naturam, idque Baptizanti probè notum est. Igitur Baptizans cum probabilitate, & quidem maiori de vita infantis vsque ad annos discretionis, quàm de morte ante eisdem annos, exponit Baptismum probabili periculo iniuriæ, & profanationis; nam scit probabilius esse, quod in-

fans ille sit victurus vsque ad annos discretionis, quam quod ante illos sit decessurus, & simul scit, quod si infans ille vsque ad annos discretionis perveniat; educandus sit à parentibus infidelibus, ac Baptismi Sacramentum per apostasiam profanaturus; Igitur infantem illum baptizando exponit Baptismi Sacramentum probabili periculo iniuriæ, & profanationis, ac proinde graviter peccat.

Præterea duo pericula in re præfenti concurrunt, videlicet periculum damnationis infantis, si non baptizetur, quia mori potest ante annos discretionis, & periculum profanationis Baptismi, si infans baptizatus non moriatur ante annos discretionis; ex his duobus periculis videri magis debet periculum profanationis Baptismi, quam periculum damnationis infantis; nam sicut Dignitas, & reuerentia Sacramento debita, præferenda est saluti cuiuscunque hominis, ita & periculum iniuriæ Baptismo irrogandæ, præferendum est, periculo amittendæ salutis hominis; ac proinde ita procedendum est, ne ut ponatur in tuto salus alicuius hominis, exponatur periculo profanationis Baptismi Sacramentum, sed potius ponenda est in tuto reuerentia Sacramento debita, quod fiet non baptizando infantem illum, quam ponenda sit in tuto per Baptismum salus dicti infantis.

Aliæ recentiorum obiectiones refelluntur.

Alia quædam recentiores aliqui obijciunt, quæ licet ex his, quæ

quæ diximus, diluta maneat. Et tamen hic singillatim refellenda duximus, ut clarius appareat nihil validi contra nostram sententiam ab Aduersarijs asserri posse.

Primò igitur obijciunt, quod Sacramentum Baptismi transit ablutione peracta, vnde tempore vsus rationis non potest profanari, quia non est: Profanatur utique, inquit, si baptizans habeat malam intentionem, si fingat, & reddat irritum Sacramentum, si admittat ad eius participationem infideles, aut aliquod aliud huiusmodi malum Baptismo actuali immisceat. Et profanatur saltem quantum sit à baptizante, vnde non est eadem ratio in presenti, ac de fingentibus &c.

Remanet ergò post Baptismum eius effectus, id est, gratia, & character, quorum primum dicitur res, & non Sacramentum, secundum verò res, & Sacramentum, horum tamen profanatio non sequitur, nisi per peccatum mortale; per quod solum expellitur gratia, & character, qui manet, rectè dicitur profanari per peccatum, quia priuatur eo, quod significat, nempe gràtia; Vnde non minus, immò magis profanatur character per peccatum hæresis, quæ regulariter habet maiorem prauitatem, & eadem ratione in Christi ianis, & maxime Sacerdotibus.

Secundò. Quia si talis infans esset in euidenti periculo mortis, non solum liceret, sed etiam deberet baptizari.

Tertiò. Non est malum intrinsicè baptizare cum periculo peruersionis pueri, ergò licet. Consequentia

patet, quia præcisò dicto periculo baptizare est valde bonum, & finis baptizantis est destructio peccati originalis, infusio gratiæ, & regeneratio paruuli in filium adoptionis Dei, & ut aperiatur illi ianua Paradisi, & euitatio propriæ mortis, quæ cedit in damnum Ecclesiæ, & proximorum; ad quorum salutem ordinatur vita baptizantis: Antecedens autem sic probant. Bona orta ex Baptismo sunt certiora, quam illa peruersio, & hæc non est certa, ergò talis baptizatio, non est malum intrinsicè, ista consequentia patet, quia periculum mali, est malum, propter dictum malum, cuius est periculum, & sic tantum est malum, quantum certa est connexio eius in effectu cum ipso; si verò vitari possit, non debet propter illud relinqui bonum, aliàs nullum ferè bonum fieri posset, quia vndique pericula occurrunt. Antecedens autem probant, quoad primam partem de certitudine bonorum baptismalium, scilicet Baptismi nam destructio peccati originalis, infusio gratiæ, regeneratio, & consequenter salus illius paruuli; quoad præsentem iustitiam, est omnino certa, similiter certa est euitatio mortis, & destitutionis proximorum sequentium dictam mortem. Denique salus vltima paruuli erit certa, si moriatur ante usum rationis. Quoad secundam verò partem de incertitudine peruersionis probant primò, quia est futurum contingens liberum, non enim peccabit mortaliter, nisi ex propria libertate, & malitia; Secundò, plures Periti obseruarunt plusquam tertiam partem infantium perire ante usum

usum rationis, vt Layman, & Gobat testantur, & hoc habet locum, præsertim in Mahometanis, in quibus malè educantur Infantes inter plures vxores, vnde incurrunt plures morbos, & venena alicuius ex No- uercis volentibus bona Patris pro so- lis proprijs filiis: ibi etiam frequens est pestilentia, quam euitare ob su- perstitionem nolunt, adeò vt multi iudicent hoc opus iustitiæ Dei, in- pccnam luxuriz, & polygamiz legis ipsorum. Tertiò probant, quia per gratiam Baptismi multiplicantur au- xilia Dei, tam intrinseca, vt illumi- nationes, & inspirationes tempore suo, quàm extrinseca, vt admoni- tiones à Fidelibus, & maxime Mis- sionariis superuiuentibus; Vnde po- test contingere etiam, vt nonnullo tempore, etiam post usum rationis maneant in infidelitate negatiua, Deo protegente animam illam verè pupil- lam, & orphanam. Confirmant, quia illa peruersio per solum pecca- tum mortale contingere potest, vt dictum est; Alij autem, quæ dicun- tur profanationes, putà circumcisio, oblatio facta Maumetho, & quodli- bet aliud sacrilegium, vel sacrificium factum à parentibus circa dictos pue- ros nihil prorsus ledit, vt probat San- ctus Augustinus, animas eorum, & consequenter neque characterem spi- rituale in anima existentem.

Secunda ratio, si baptizatio hæc, de qua agimus, esset mala, esset, vel propter iniuriam parentibus illatam, & hoc non, quia parentes non solùm consentiunt, sed etiam instant, & extorquent. Vel propter profanatio- nem Baptismi, & hoc non, vt pro-

batum est, vel quia sit ad finem im- proprium, sed neque hoc, quia Bap- tizantes non habent finem paren- tum, vel quia baptizantes concur- runt ad peccatum parentum, qui di- cuntur peccare, quia putant Baptismum esse quoddam sacrilegium, sed neque hoc, quia Missionarij protestantur, & vlti- rius hæc ratio conuinceret hos paru- los, neque posse licitè baptizari consti- tutos in articulo mortis: Quod si pro- testatio Missionariorum eximit ipsos à tali complicatione, quando infantes morti sunt proximi, pariter eximet in isto casu, quia quoad istam exemptionem, par est utrobique ratio, vel de- nique quia infans non poterit cate- chizari, & neque hoc obstat, tum quia non est desperata catechizatio, tum quia datur aliquando excusatio à tali catechesi, sicuti multi Authores, cum quibus Bonacina *de Sacramentis disp. 2. q. 2. par. 6. num. 14.* docent, quod si Christianus possideat infan- tem infidelem, & eum faciat bap- tizari, ad euitandum malum commune Christianorum captiuorum in terris Infidelium (quod tamen erat malum corporale) quia occidentur à barba- ris, potest licitè ille dominus illum infantem baptizatum, sed non cate- chizatum, & cum tanta impossibili- tate Catechismi reddere parentibus infidelibus, quanta est in isto casu.

Tertiò probant. Licet baptizare infantes hæreticorum, etiamsi sint peruertendi per hæresim, vt multi dicunt apud Verricellum, & Go- bat, & Layman, qui protestantur de praxi in Germania his temporibus, vnde Passerinus consequenter loquens negat licere etiam in hæreti- cis,

cis, licet minus consequenter dicat consuetudinem dictam posse tolerari.

Quod autem S. Thomas videatur oppositum dicere, non tamen est, quia loquitur regulariter, & per se (quod etiam videtur admittere ipse Passerinus) & non attingit nostrum casum. Concedimus autem, inquiunt, si fiat cum iniuria parentum esse intrinsecè malum, sicuti est omnis iniustitia, & iniuria.

Quod autem dicitur Baptizantes esse causam apostasie, quia nisi baptizarent, illi infantes non incurrerent hoc periculum, non obstat; negatur enim assumptum, & ad summum possunt dici causa per accidens, & sine vilo influxu. Influxunt autem Parentes educantes malè propria voluntate, ut ipsi apostatent. Et argumentum probaret etiam de hereticis: immò etiam quod non possent reddi paruuli baptizati infidelibus propter commune bonum: Et similiter quod dicitur esse de iure Diuino, quod Baptismus detur prudenter, hic autem imprudenter dari. Respondetur enim, aiunt, causas explicatas baptizandi convincere dari prudenter, nec Sanctum datur canibus petentibus, sed infantibus, qui non sunt magis eanes, quam infantes Christianorum, qui etiam tenentur originali peccato, & sic Ecclesia petit tolli dictum peccatum.

Denique, neque obstat non verificari responsiones Patrinorum, qui dicunt; *Credo*, vel etiam significant se credituros, quia de facto Ecclesia credit, & celebratur Sacramentum, quo infunditur Fides, quæ permancet, donec actu libero expellatur, &

ad hoc allegant epistolam S. Augustini ad Bonifacium.

Addunt etiam Baptismum istum esse licitum, cum ista conditione, ut scilicet Missionarij se prius declarent, & protestentur, se non baptizatos ob finem parentum, & quod effectus Baptismi est regeneratio in Christo, ex quo infans redditur filius Ecclesie, & membrum, ac seruus Christi, cuiusque subditus, nec ipsi parentes poterunt licitè illum à Catechesi, & alijs Ecclesie Sacramentis impedire, quod si impedient, maiorem sibi constituent damnationem. Hæc aliqui recentiores, quæ tamen faciliè solvuntur.

Ad primū enim respondetur. Quod licet Baptismus, seu collatio Baptismi, quæ consistit in ablutione cum debita verborum forma, peracta pertransierit, & non adsit, cum puer baptizatus ad vsum rationis peruenerit, permanet tamen Baptismus in suis effectibus, qui sunt character, & fides, quæ in Baptismo infunditur, & character dicitur res, & Sacramentum simul, ut ipsemet Opponens obseruat.

Certum est autem, quod per apostasiam à fide, ipsa fides abijcitur, & character, qui permanet, profanatur, & polluitur. Vtrumque autem maximum est inconueniens; & cum baptizans sit moraliter certus, quod vtrumque inconueniens sequuturum sit, si puerum baptizet, qui apud Infideles educandus sit, grauiter peccat, huiusmodi Baptismum puero illi conferendo, peccatum enim graue est, Fidei Sacramentum ei conferre, quem certum est apostataturum esse à fide, & hoc est, quod ait S. Thomas

2. 2. q. 10. *ut cit.* vergere in præiudicium fidei, quod Baptismus filijs Iudeorum conferatur inuitis parentibus, si apud parentes educandi sint. Et præterea per apostasiam à fide profanatur, & polluitur Baptismus, seu character profanatione speciali, quæ ipsi Baptismo, eiusque characteri directe opponitur: profanatur enim, & polluitur character Christi per consortium ad characterem Diaboli, & per consortium circumcisionis, aliarumque superstitionum, quæ habentur in secta Mahometana, ut de se patet, & graue sacrilegium est, quod qui oblati sunt Christo, & vero Deo per Baptismus, Dæmoni offeratur per professionem falsæ Religionis. In hoc autem differt peccatum mortale infidelitatis eius, qui Baptismus suscepit ab alijs peccatis mortalibus eiusdem, quæ non sint infidelitatis, quod per alia peccata, quæ non sunt infidelitatis, non læditur fides, nec profanatur, nec polluitur character, sed amittitur gratia; per peccatum autem infidelitatis post Baptismus peractum, amittitur fides, & polluitur character baptismalis; & ideo est dispar ratio de peccato infidelitatis, & de alijs peccatis post Baptismus perpetratis. Et præterea graue peccatum est nullo interueniente iusto motiuo, cum infantem baptizare, quem parentes infideles ad salutem corporalem tantum baptizari petunt; nam hoc esset consentire illorum malitiæ, & Baptismus conferre, non ad eum finem, & effectum, ad quem est à Christo Domino institutus.

At mirum est, quod Opponents vult per peccatum quodlibet mortale

profanari Baptismus, eo quod priuet gratia, quam Sacramentum significat, & vult non profanari per infidelitatem, cum tamen & ipsa infidelitas sit mortale peccatum, quæ proinde etiam iuxta Opponentis principia profanat Sacramentum: uti tamen dictum est, sola apostasia, & infidelitas polluit, ac profanat speciali profanatione characterem Baptismi, cætera verò peccata non polluunt, nec profanant speciali, ac propria profanatione characterem Baptismi.

Ad secundum. Respondetur, quod puer constitutus in articulo mortis debet baptizari, quia in eo casu abest periculum peruersionis pueri, cum sit moriturus, & urget motiuum salutis spiritualis eiusdem pueri, quam æternum amitteret, si tunc non baptizaretur. Vnde cum in eo casu Baptismus non exponatur periculo profanationis, & adsit iusta causa illum conferendi, conferendus est.

Ad tertium. Respondetur negando antecedens, & ad probationem dicimus, periculum profanationis Baptismi esse moraliter certum, si puer post receptum Baptismus à Turcis educandus sit: nam certum est, quod puerum illum in secta Mahometana educabunt, & licet peruersio illa sequutura sit per actum liberi arbitrij ipsius pueri, & sit futurum contingens; est tamen moraliter certa, quia moraliter certum est, quod puer ille educandus sit in secta Mahometana, ac proinde quod per professionem sectæ Mahometanæ receptum Baptismus sit profanaturus. Vnde, quod bona spiritalia per Baptismus recepta sint certa, vim addit

nostro argumento, nam bona illa adeo certa profananda sunt per professionem scđæ Mahometanæ, per circumcisionem, & alias Mahumetanas superstitiones.

Ad ea verò, quæ adduntur ad probandam incertitudinem futuræ peruerſionis pueri baptizati, & apud parentes Turcas educandi patet solutio ex dictis: negandum est enim, quod maior pars puerorum ante vsum rationis decedat, cum omnes nati per se loquendo victuri sint, & consequenter per accidens sit, quod ante vsum rationis moriantur, quod enim contingit per accidens, contingit vt in paucioribus: sed & hoc admissio, cum aliqua saltem pars infantium victura sit, vt ipsi oppositores fatentur, in his infantibus profanabitur Baptismus; id autem non licet, etiam si maior pars infantium esset saluanda, vt diximus suprâ. Ea quæ adduntur de pestilentia, & de alijs, non indigent responsione, cum sint per accidens, & ratò contingant. Quod verò multiplicentur auxilia pro infantibus baptizatis, non probat abesse periculum peruerſionis, immò cum periculum peruerſionis sit moraliter certum, auget sacrilegium, eo quod etiam positis auxilijs, adhuc Baptismi Sacramentum profanandum est.

Ad confirmationem respondetur peruerſionem, per quam specialiter profanatur Sacramentum Baptismi, esse apostasiam, & infidelitatem ipsius pueri, vt iam dictum est. Sed & per circumcisionem, per oblationem pueri Mahumeto, ac per alias Mahumetanas superstitiones, idem Baptismi Sacramentum, eiusque cha-

ractem profanari certum est, & præsertim per circumcisionem: nam, cum filios suos post septennium Mahumethani circumcidant, interuenit in ea circumcissione, nedum peccatum circumcidentium, sed etiam ipsius pueri, qui cum iam ad vsum rationis peruenerit, consentit in suam circumcisionem, quæ de se habet profanare Sacramentum Baptismi, eiusque characterem. Quamuis nulla superstitio, aut mala fides puerum ad Baptismum offerentium, possit inualidum efficere Baptismum, & hoc vult Augustinus in laudata Epistola, ad Bonifacium.

Ex his patet ad secundam rationem, quæ obijcitur. Nam baptizatio prædicta est illicita, & intrinsecè mala propter profanationem Sacramenti. Baptismi certò moraliter futuram, vt dictum est; sed siuè post septennium, siuè ante septennium circumcidatur puer, profanatur certò Baptismus, eiusque character, si cum ea in eodem subiecto coniungatur. Iniuria enim Baptismi est, quod Baptismo insignitus circumcidatur, cum Baptismus circumcisionem excludat, idque eo magis, quod circumcisio illa, si fiat post septennium probatur, & voluta est à puero, qui iam peruenerit ad vsum rationis, si verò fiat ante septennium, probatur ab eodem, cum ad vsum rationis peruenerit. Et idem dicendum de alijs superstitionibus Mahumethanis, quæ ab ipsis sunt circa filios. Graue igitur sacrilegium committit Christianus, qui puerum circumcidendum, vel circumcissum baptizat, quia Baptismi Sacramentum exponit periculo

moraliter certo profanationis futuræ, immò istud profanationi moraliter certæ exponit.

Sed & in eo casu censetur consentire prauæ intentioni, & malitiæ parentum infidelium petentium pueri Baptismum ad meram salutem corporalem ipsius pueri: nam cum in eo casu non possit Christianus baptizans habere pro motiuo baptizandi puerum, salutem spiritualem ipsius pueri, quin potius certus est baptizans de iactura salutis spiritualis pueri, censetur consentire malitiæ, & prauæ intentioni parentum, ac proinde censetur conferre Baptismum ad effectum corporalem, ad quem non est à Christo Domino institutus, & hæc est profanatio actualis Baptismi. Quare duplex in eo casu sacrilegium committit, qui in eo casu puerum illum baptizat; vnum est, quia Sacramentum Baptismi exponit profanationi futuræ moraliter certæ; alterum verò est, quia actu profanat Sacramentum Baptismi, conferendo illud ad producendum effectum, ad quem producendum non est à Christo Domino institutus.

Quapropter conferre Baptismum filijs infidelium, quos ipsi ad salutem corporalem baptizari petunt, si apud infideles educandi sint, est intrinsecè malum, primò, propter periculum moraliter certum futuræ profanationis Baptismi; deinde est intrinsecè malum, propter profanationem, actulem eiusdem Baptismi, ut dictum est. Vnde non solum est malum propter periculum mali, sed est malum propter moralem, & moraliter certam connexionem cum

ipso malo, scilicet cum ipsa profanatione certò futura ipsius Baptismi: Et rursus est intrinsecè malum propter actualem profanationem Baptismi, iuxta ea, quæ dicta sunt.

Alia verò est ratio in casu, quo parètes filium suum in articulo mortis constitutum, ad salutem corporalem baptizari petunt. Nam in eo casu abest periculum peruerfionis pueri, cum certum sit ipsum esse moriturum, etiamsi parentes putent per Baptismum euasurum esse mortem, nullo modo profanatur, aut profanationis periculo exponitur Sacramentum Baptismi, & Christianus Minister iustam habet causam conferendi puero illi Sacramentum Baptismi, scilicet, ut consulat, ac in tuto ponat spiritualem pueri salutem, quam amitteret, si cum non baptizaret: vnde non censetur consentire prauæ intentioni parentum petentium illum baptizari ad salutem corporalem, sed censetur uti malitia ipsorum propter bonum ipsius pueri, iuxta ea, quæ dicemus infra.

Quoad protestationem verò, quæ iuxta opponentem facienda est à Ministro, dicendum est protestationem illam neutiquam suffragari Ministro, nec eum à reatu sacrilegij excusare, cum sit protestatio contraria facto: nam protestatio de non admittendo sacrilegio non suffragatur ei, qui actu vult committere sacrilegium, & se sacrilegium committere agnoscit. Qui autem puerum baptizat cum morali certitudine futuræ profanationis Baptismi, immò & cum actuali Baptismi profanatione ab eo volita, & cognita, ut contingit in præfenti,

iuxta ea, quæ dicta sunt, actu committit, & vult committere sacrilegium. Igitur ei suffragari nequit protestatio, qua protestetur se nolle committere sacrilegium. Nec tamen dicimus protestationem aliquam faciendam esse ab eo, qui ministrat Baptismum puero, quem parentes infideles ad salutem corporalem baptizari petunt, si puer in articulo mortis sit constitutus. In hoc enim casu non est necessaria protestatio, cum absque vlla protestatione Minister baptizans in eo casu censeatur abesse à culpa parentum: nam abest periculum peruersionis; cum enim puer ille in articulo mortis constitutus sit, ac proinde per mortem à parentibus separandus, ab eis perverti nequit, & cum Christianus Minister iustam habeat causam cum baptizandi, ut videlicet consulat spirituali saluti pueri, quam puer amitteret, nisi tunc baptizaretur, Minister Christianus non censetur consentire malitiæ, ac prauæ intentioni parentum, sed eam pennittere, eaque in bonum pueri uti, ut dicemus infra, ac proinde nulla indiget protestatione.

Ad aliud verò de Catechesi puero-
rum, dicimus, quod pueri baptizati ante usum rationis, catechizandi sunt, & in fide instruendi, cum ad usum rationis peruenerint: id autem cum fieri nequeat in pueris baptizatis, qui post receptum Baptismum apud infideles educandi remanent, talis Baptismus etiam propter hanc rationem est illicitus.

Nec verum est Bonacinam, aliosque Authores ab eo allegatos, asserere, quod filij infidelium captiuorum

baptizati ante usum rationis, reddi possint infidelibus, si graue aliquod malum Christianis ab Infidelibus imminet, sed solum Authores illi habent, quod reddi possint Infidelibus eorum filij, si non sint baptizati.

Ad tertium argumentum ex Baptismo filijs hæreticorum à Ministris Catholicis collato, patet ex dictis, eandem esse rationem de hoc Baptismo, si hæreticorum filij apud hæreticos educandi sint, ac de Baptismo Turcarum, aliorumque infidelium filijs collato, qui apud Turcas, & infideles sint educandi, sicut enim Baptismus profanatur per professionem Mahumetanam, ita & profanatur per professionem hæresum Fidei in ipso Baptismo collato contrariam.

Quoad S. Thomam, ex dictis patet, iuxta eius doctrinam baptizari non posse infidelium filios, ante usum rationis, qui à parentibus infidelibus separandi non sint. Nam Iudæorum filios ante usum rationis baptizari posse negat, si à parentibus non separantur, idque propter periculum peruersionis illorum: censet ergo S. Thomas periculum peruersionis adesse, si filij infidelium ante usum rationis baptizati non separantur à parentibus infidelibus, & hanc peruersionem vergere in præiudicium Fidei, idque admitti non posse.

Igitur iuxta doctrinam S. Thomæ baptizari nequeunt filij Turcarum, aliorumque infidelium, si apud parentes infideles educandi sint. Est autem hoc adeo animaduertendum, ut si dicatur, quod ad baptizandum Iudæos ante usum rationis non obstat, quod à parentibus non sint separan-
di,

di, poterunt utique baptizari inuitis parentibus, & apud ipsos remanere, quod nullus admittit.

Rursus etiam animaduertendum est, quod si educatio infantis baptizati apud parentes infideles, non ferret secum periculum peruersionis puerorum, cum ad annos discretionis peruenerint, eo quod maior pars infantium ante usum rationis decedat, S. Thomas vim non faceret in hoc, quod si non separentur à parentibus infidelibus, adesset periculum peruersionis, nam iuxta Aduersariorum opinionem, hoc periculum non accideret, nisi in minori parte dictorum infantium, & tamen Sanctus Thomas absolute dixit, adesse periculum peruersionis infantium, si post Baptismum apud parentes infideles educentur. Ergò S. Thomas nihili fecit hoc, quod aliqua pars infantium ante usum rationis decedat, bene aduertens infantes per se ad vitam ordinari, & victuros esse, & non curauit, quod est per accidens, scilicet, quod aliqua pars illorum ante usum rationis decedat, neque propter aliquos, qui saluari possunt, eo quod non sint peruertendi, quia morituri sunt ante usum rationis, censuit, profanari posse Baptismi Sacramentum in alijs, qui peruertendi sunt.

Ad aliud quod obijcitur, dicimus, rationem nostram in eo, ut diximus, sitam esse, quod posita morali certitudine futuræ peruersionis pueri, uti ponitur, si puer post receptum Baptismum apud parentes infideles educandus remaneat, grauiter peccet, & quidem peccato sacrilegij, qui pue-

rum baptizat, quem parentes infideles ad salutem corporalem baptizari petunt: quia baptizans certus moraliter est de futura profanatione Baptismi per apostasiam, & peruersionem pueri cum ad annos discretionis peruenerit; vnde conferendo in eo casu Baptismum, actionem præstat intrinsicè malam non solum propter periculum profanationis moraliter certum; nam quod est malum propter periculum certum moraliter alicuius mali, est intrinsicè malum, sed etiam collatio prædicti Baptismi est intrinsicè mala propter actuale profanationem Baptismi: censetur enim Baptizans in eo casu consentire, & cooperari prauæ parentum intentioni puerum ad salutem corporalem baptizari efflagitantium; nam cum puer, ut supponendum est, peruertendus sit à parentibus, & baptizans de hoc moraliter sit certus, habere nequit pro motiuo baptizandi puerum, salutem ipsius pueri, cum hæc futura non sit, sed potius futura sit iactura salutis ipsius pueri, non habet baptizans, vnde censeri possit non consentire prauæ intentioni parentum volentium profanationem baptismi, dum illum ad salutem corporalem pueri exposcunt, id enim locum dumtaxat haberet, quando per baptismum induceretur salus spiritalis pueri, uti contingit, quando puer esset moriturus, tunc enim, ut diximus, baptizans censeretur eam permittere, nec eam impedire teneretur; Cum ergò stante morali certitudine peruersionis pueri, baptizans habere nequeat pro motiuo baptizandi puerum, salutem spiritualem ipsius pue-

ri, censetur posituè consentire prauze intentioni parentum, qui baptismum pueri ad salutem corporalem exposcunt, eisdemque prauze intentioni cooperari. Vnde & baptizans hac eadem ratione actionem elicit intrinsecè malam, ratione actualis profanationis, qua Sacramentum baptismi actu profanat; adhibendo illum ad effectum corporalem, ad quem à Christo Domino non est institutus. Id enim est grauissimum sacrilegium, & abusus, & profanatio Sacramenti baptismi. Falsum etiam est, quod addit Opponens, nempe filios infidelium baptizatos ante vsuni rationis reddi posse infidelibus ob commune aliquod bonum, id enim fieri nequit, ob easdem rationes, nec vllus Author id aliquando dixit.

Ad illud de baptismo in casuposito imprudenter collato, sicut & ad illud de deficientia Patrinoꝝ in eodem baptismo, respondetur, & argumenta hæc efficacia esse ad probandam nostram sententiam, & ad oppositam redarguendam. Nam, quod docet Passerinus *in ser. 2. q. 187. art. 1. dub. 7. num. 109.* de baptismo collato hæreticoꝝ filijs, qui apud hæreticos remansuri sunt, dicendum est etiam de baptismo Turcarum filijs collato, qui apud Turcas educandi sunt: sic autem discurret Passerinus; Causa, cur filijs hæreticoꝝ, (& Turcarum) apud Hæreticos, & Turcas educandis conferendus non sit baptismus, ex natura baptismi, institutione, & religione petenda est; Quia cum sit Sacramentum Fidei, & externa fidei professio, & subiectio ad legem fidei, & obli-

gatio ad Ecclesiam per se, in subiecto petit fidem veram, si illius sit capax: Et si illius non sit capax, petit saltem, quod non sit in statu alieno à fide, & tali, in quo, vt plurimum, qui baptizantur nunquam sint credituri. Opus enim est, vt si baptizandus in propria fide non potest baptizari, & per se exterius non potest protestari fidem, & se ad fidem obligare, quod hoc saltem possint prudenter facere, vel qui illum offerunt baptismum, vel qui illi baptismum confert, vel Sancta Mater Ecclesia in cuius fide baptizantur infantes. Sed nullus est, qui pro tali infante prudenter perseuerantem fidem possit profiteri, & se ad leges fidei obligare, si ille mansurus sit sub cura hæreticoꝝ parentum. Ided præceptum Concilij Tolletani, quod filij Iudæoꝝ à parentibus separentur, non est Ecclesiasticum, sed est legis Diuinæ, & Ecclesiæ Ministri ex iure Diuino, & ex vi institutionis baptismi, tenentur baptizatos infantes separare à cura infidelium, & sub cura Sanctæ Ecclesiæ suscipere, aliter imprudentissimè, vel Ecclesia, vel quilibet alius per baptismum infantis promitteret obseruantiam legis fidei, & inter fideles aggregaret illum, quem moraliter est certum, spectato eo, quod ferè semper euenit, quod à fide alienus viuet in facie Ecclesiæ, & coram Ecclesia visibili: quidquid sit an per accidens hoc sit futurum ex ignorantia inuincibili baptizati. Igitur talem infantem baptizante, est per se intrinsecè malum, & est iniuria Sacramenti, & eius fini, & formæ, & institutioni contrarium.

Hinc

Hinc non potest hic applicari regula generalis illa, quod quando concurrat fauor Sacramenti, ne illi fiat iniuria, & fauor proximi, ne periclitetur eius salus, in dubio præferendus est fauor proximi, quia Sacramenta pro salute proximi sunt instituta, Sanchez de matrim. l. 2. disput. 36. num. 8. Henriq. l. 5. c. 9. 7. Filiuc. tr. 7. c. 5. num. 120. Pontius de matrim. l. 4. c. 25. num. 8. Diana p. 2. tr. 10. ref. 13. Nam hic locum non habet dubium. Nam certa est iniuria, quæ fit Sacramento, & per se, ut in pluribus, certa est Sacramenti iniuriosè collati inutilitas, & solæ remota, & valdè incerta utilitas salutis baptizati adest, & Deus quidem misericors est, & salutem hominum charissimam habet, & nihilominus, ut Apostolus ad Romanos dixit, & ad propositum considerauit Concilium Toletanum 4. *Cuius vult miseretur, & quem vult indurat*, nec indiget hominum salute, nec charum habet, quod Sacramenta à se pro Mundi salute instituta projiciantur, & dentur inuitis, eaque reuerenter, & deuotè non suscipientibus; Parentum verò est nomine filiorum Sacramenta Christi pro filiis recipere. Hæc Pasterinus, & benè, quæ etiam de baptismo Turcarum filijs non conferendo, qui apud parentes Turcas educandi sunt, rectè procedunt.

Ex his patet prædicti baptismi collationem, ex eo etiam capite intrinsicè malam esse, quod baptismus imprudenter eo pacto conferatur, & imprudentia quidem sacrilega, qua-

tenus ei confertur, qui susceptum Sacramentum est profanaturus, & huius notitiam moraliter certam habet Miniister baptizans, quod pròinde est Sanctum dare Canibus. Et præterea est intrinsicè mala dicti baptismi collatio, quia fit contra naturam, & institutionem ipsius baptismi, ut ostensum est.

Nec etiam valent duo, quæ alij obijciunt; Quod videlicet Apostoli ad exemplum Christi Domini quoscumque obuios baptizabant, non respicientes ad intentionem parentum. Deindè, quod Deus velit, omnes homines saluos fieri: Non inquam, hæc valent; Nam ad primum dicitur, quod nefas est putare, quod Christus Dominus, eiusque Apostoli infantes illos baptizauerint ad effectum illud, ad quem baptismus non est ab ipso Christo institutus, scilicet ad salutem corporalem, & quod non respicerent ad prauam parentum intentionem; Licet Christus posset, si velit, & gratiam conferre, & salutem corporalem inducere. Nec etiam putari potest Christum, eiusque Apostolos baptismum infantibus illis contulisse, qui apud Iudæos infideles educandi essent, ac baptismum profanaturi.

Ad secundum dicitur, quod Deus vult omnes homines saluos fieri per media ab ipso instituta, debito modo applicata, & reuerenter adhibita; non autem vult homines saluos fieri per Sacramenta profanata, & sacrilegè collata, aut recepta, ut contingeret, si baptismus prædictis infantibus in casu prædicto conferretur, nec ve-

id si aliqui Turcarum filij post receptum baptismum ante vltimum rationis decedant, vt hi salutem consequantur profanandum est Baptismi Sacramentum in alijs.

Ad vltimum de protestatione dicimus, eam in collatione baptismi, quando adest periculum peruersionis, nihil operari: In casu verò, quo non adsit periculum peruersionis protestationem non esse necessariam. Et per hæc etiam patet ad alia plura, quæ ab Aduersarijs obijci solent.

ASSERTIO SECVNDA.

Si nullum adsit periculum peruersionis, & iustum adsit motium Turcarum, aliorumque Infidelium filios baptizandi, licitum est illos baptizare, etiamsi Parentes infideles ob salutem dumtaxat corporalem, eos baptizari petant.

Probatur, & explicatur Assertio. Nam pluribus modis potest contingere, quod Missionarij baptizent Turcarum, aliorumque Infidelium filios, quos parentes ad salutem corporalem baptizari petunt. Vel enim simulant eos baptizare, verba quidem proferendo, eosque ablucendo, sed absque intentione, aut proposito eos baptizandi, & hoc pacto

grauiter delinquant, cum graue sacrilegium sit Sacramentum simulare, de quo Vasquez *disp. 209. num. 4.* Hinc Innocentius Tertius de *celebrat. Miss.* agens de Sacerdote, qui existens in peccato mortali non consecrabat, asserit, eum grauius fictione peccasse, subdens; *Falsa sunt abijcienda remedia, quæ ipsis sunt periculis grauiora.* Vel Missionarij filios Turcarum aliorumque Infidelium verè, & cum intentione baptizant, ad effectum tamen eis conferendi salutem corporalem, quia putant salutem corporalem per baptismum eis infallibiliter conferendam, & hac etiam ratione graue sacrilegium committunt, immò qualificatum fortilegium, nam effectum hunc Baptismus non habet ex institutione Christi, quæ sola in hac re debet attendi. Ac proindè sic baptizantes abutuntur Sacramento, eum eo ad corporalem effectum vtantur, ad quem à Deo non est institutum. Vel Missionarij Turcarum, aliorumque Infidelium filios baptizant ad salutem quidem corporalem, sed tanquam ad effectum, qui non infallibiliter, & cum certitudine ex Baptismo expectari debeat, sed ex fiducia in benignitate, ac liberalitate Dei, qui propter excellentiam, & dignitatem Sacramenti Baptismi velit etiam corporalem salutem conferre, & hoc modo Baptismum, ad salutem corporalem conferre, non erit illicitum, etiamsi parentes infideles putent ex Baptismo corporalem salutem infallibiliter sequuturam, dummodò adsit iusta causa pueros illos baptizandi, vt mox dice-

dicemus, & non adsit periculum peruerſionis pueri baptizandi, nam non est illicitum ex re, aut actione sacra expectare cum fiducia effectus bonos, etiam in ordine ad corpus; hac ratione S. Thomas 2. 2. *quæst.* 96. *ad primum* ait, quod etiam proferre Diuina verba, aut inuocare Diuinum nomen, si respectus habeatur solum ad Dei reuerentiam, à quo expectatur effectus, licitum erit; Et ad 3. ait, quod reliquæ si portentur ex fiducia Dei, & Sanctorum, quorum sunt reliquæ, non erit illicitum eas portare. Et Syluius in Comment. illius articuli, ait, non esse illicitam reliquiarum gestationem, dummodò ex illarum gestatione non expectetur sanitas, aut quid simile certitudine indubitata; Si quis enim, siuè reliquias, siuè verba Sacra gesserit, certò sibi habens persuasum, quod non possit lædi, vel quod non morietur sine confessione, quamdiù ea penès se habet, supersticiosus erit, propter intentionem, qua talibus utitur ad certum illum effectum, ad quem non valent, neque ex sua natura, neque ex ordinatione Diuina.

Denique Missionarij eo pacto se habere possunt in Baptismo filiorum Turcarum aliorumque Infidelium, quos parentes ad salutem corporalem baptizari petunt, vt verè illos baptizent, eisque verum Baptismi Sacramentum conferant, sed intendendo eorum salutem dumtaxat spirituales, aut cum salute spirituali salutem etiam corporalem secundariò, & ex fiducia in Deo, vt dictum est, impetrandam; & hoc licitum esse dicimus, si non adsit periculum

peruerſionis infantium, cum ad annos discretionis peruenerint, & iustum adsit motiuum eos baptizandi. Ratio est, quia positis his circumstantijs nihil obstat, quominus prædictis infantibus baptismus conferri possit, nam non adest periculum peruerſionis illorum, vt supponitur, & vt pariter supponitur, iustum adest motiuum eos baptizandi, ergò licitum est eos baptizare intendendo illorum salutem spirituales dumtaxat, vel etiam secundariò eorum salutem corporalem modo explicato; etiam si eorum parentes illos ad salutem corporalem dumtaxat baptizari petant; patet consequentia, nam non ideo, quod Missionarij infantes illos modo prædicto baptizent, consentiunt, aut cooperantur malitiæ, & peccato parentum petentium filios suos baptizari ad salutem corporalem; nam baptizans rectificat suam intentionem intendendo salutem dumtaxat spirituales illorum infantium, nec aliquid agit, aut operatur, quo prauæ parentum intentioni cooperetur, nec illius baptismi modo explicato ministratio est ex se inductio ad peccatum, nec causa peccati Infidelium baptismum ad salutem corporalem filiorum petentium, nec habet rationem scandalali actiui, eo quod res sancta sit conferre baptismum, & res sancta sanctè conferatur, atque vrgens, & grauis causa cogat ad conferendum baptismum, ac proindè ex parte baptizantis interuenit sola quædam peccati ex malitiæ petentium permissio, & ideo est omninò licitum baptismum ita ministrare: est autem ratio hæc quam adducimus à priori.

Confirmantur, & explicantur magis hactenus dicta.

NAm iusto & urgente existente motiuo licitum est cuilibet actionem facere de se bonam, etiamsi alius ea, ex mera sua prauitate, ac malitia sit abusus, aut ex ea peccandi occasionem sumpturus, & iusto existente motiuo, non tenetur quis impedire peccatum alterius per hoc medium, quod est abstinere ab actione bona, quam ex iusto motiuo exercet, nam est contra æquitatem abstinere ab actione bona, quæ ex iusto & urgente motiuo exercetur, & perquam nihil contribuitur abusui, quo ea alius abutitur, & aliàs ille met, qui bona illa actione abutitur, potest non abuti: hac ratione licitum est Sacerdoti ex iusta, & urgente causa, Sacrum celebrare, etiamsi sciat alium eo Sacro aliquo modo abusurum, vt si mulierem occasione audiendi Sacrum ad malum pelliciat: hac etiam ratione licitum est mulieri ex iusta, & urgenti causa, vti esset, audire die festo Sacrum, è domo procedere, etiamsi sciat aliquem ex eius aspectu peccaturum; eadem ratione licet ex iusta & urgente causa mutuù petere ab eo, qui paratus est illud sub usura dare; vnde & pari ratione licitum est, ex iusto & urgente motiuo Turcarum, aliorumque infidelium filios baptizare, etiamsi baptizans sciat eorum parentes, nonnisi ad salutem corporalem Baptismum filiorum petere, & expectare. Et sicut non peccat, qui ex iusta causa mu-

tuum petit ab eo, quem scit nonnisi sub usura mutuum darurum, ita nec peccat, qui Turcarum, aliorumque infidelium filios ex iusta causa baptizat, etiamsi sciat parentes eorum Baptismum filiorum non velle, nisi ad salutem corporalem.

Vtcrius (ex iusta causa) Turcarum, aliorumque infidelium filios baptizare intendendo eorum salutem spirituales, cum eorum parentes illos ad salutem corporalem baptizari petunt, non est cooperari peccato parentum, aut eorum prauæ intentioni consentire, sed est vti peccato alterius ad bonum, vt autem peccato alterius ad bonum, licitum est, inquit S. Thomas 2. 2. *quæst.* 78. *art.* 4. *in corpore*, nam & Deus vtitur hominù peccatis ad aliquod bonum; & hoc pacto docet ibi ad primum S. Thomas, quod ille, qui accipit pecuniam mutuò sub usuris, non consentit in peccatum vsurarij, sed vtitur eo, nec placet ei vsurarum acceptio, sed mutuatio quæ est bona.

Nec dici potest, quod Missionarius adhuc modo prædicto baptizans infantem, quem parentes ad salutem corporalem baptizari petunt, eis præbeat occasionem peccandi: nam sicut non præbet vsurario occasionem peccandi, qui ad suum commodum, pecuniam accipit sub usura, ita nec baptizans infantem ex iusta causa, ad spirituales salutem, occasionem præbet parentibus peccandi. Pro quo egregiam doctrinam tradit S. Thomas *art. cit.* in solutione secundi argumenti, quam hic verbis ipsius S. Doctoris refertur operæ pretium est. Ibi ergo sic ait S. Doctor. *Ad secundum dicen-*

dicendum, quod ille, qui accipit pecuniam mutuo sub vfuris, non dat occasionem vfurario vfuras accipiendi, sed mutuandi: ipse autem vfurarius sumit occasionem peccandi ex malitia cordis sui; vnde scandalum passuum ex parte sua est, non actuum ex parte petentis mutuum, nec tamen per huiusmodi scandalum debet alius à mutuo petendo desistere, si indigeat, quia huiusmodi passuum scandalum non provenit ex infirmitate, vel ignorantia, sed ex malitia.

His addenda sunt, quæ idem Sanctus Doctor habet in eadem 2. 2. quæst. 42. art. 7. nam ibi docet. Quod ea, quæ sunt de necessitate salutis prætermitti non possunt propter scandalum vitandum. In his autem spiritualibus bonis, quæ non sunt de necessitate salutis distinguendum est; quia scandalum, quod ex eis oritur, quandoque ex malitia procedit, cum scilicet aliquis vult impedire huiusmodi spiritualia bona scandala concitando, & hoc est scandalum Phariseorum, qui de doctrina Domini scandalizabantur, quod esse contemnendum Dominus dicit, Matth. 15. Quandoque verò scandalum procedit ex infirmitate, vel ignorantia, & huiusmodi est scandalum pusillorum, propter quod spiritualia bona, vel occultanda, vel etiam interdum dimittenda, ubi periculum imminet, quousque reddita ratione huiusmodi scandalum cesserit, si autem post redditam rationem huiusmodi scandalum duret, iam videtur ex malitia esse. Et sic propter ipsum non sunt huiusmodi spiritualia opera dimittenda. Hæc Sanctus Thomas.

Ignitur ad rem nostram, sicut ille, qui urgente necessitate, ac propter bonum proprium accipit pecuniam

mutuo sub vfuris, non peccat, nec dat occasionem vfurario vfuras accipiendi, sed mutuandi, ita qui iusto urgente motivo, & præciso periculo peruerfionis baptizat ad salutem spiritualem infantem, quem parentes baptizari petunt ad salutem corporalem, non peccat, nec dat occasionem parentibus peccandi, aut petendi, vel expectandi Baptismum infantis ad salutem illius corporalem, sed dat occasionem expectandi Baptismum infantis ad salutem spiritualem; & ideo baptizans non peccat; & sicut ipse vfurarius sumit occasionem peccandi ex malitia cordis sui, vnde scandalum passuum ex parte sua est, & non actuum ex parte petentis mutuum, ita ipse infidelis petens, & expectans Baptismum infantis ad salutem illius corporalem sumit occasionem peccandi ex malitia cordis sui, vnde scandalum passuum ex parte sua est, non actuum ex parte baptizantis, & sicut propter huiusmodi scandalum passuum vfurarij non debet alius à mutuo petendo abstinere, si indigeat, quia huiusmodi passuum scandalum non provenit ex infirmitate, vel ignorantia, sed ex malitia, ita baptizans vt subueniat saluti spirituali illius infantis non debet propter huiusmodi scandalum passuum abstinere à ministrando Baptismum, quia huiusmodi passuum scandalum non provenit ex infirmitate, vel ignorantia, sed ex malitia; at vnde cumque proveniat, cum Baptismus sit bonum ad salutem necessarium, prætermitti non potest, propter scandalum quodcumque passuum, vt constat ex doctrina Sancti Thomæ allata.

Eadem docet idem Sanctus Doctor *quæst. 13. de malo art. 4. ad 17.* ait enim, *Quod aliud est consentire alicui in malitia, aliud est uti malitia alicuius ad bonum. Ille enim alicui in malitia consentit, cui placet, ut ille malitiam exerceat, & ad hoc forte eum inducit, & hoc semper est peccatum. Vtitur autem malitia alicuius, qui hoc quod aliquis malum fecit, retorquet ad aliquod bonum, & sic etiam Deus utitur peccatis hominum, ex eis eliciens aliquod bonum, unde & homini licet uti peccato alterius, &c.*

Sic ergo ad rem nostram; qui ad salutem spiritualem Turcarum aliorumque infidelium filium baptizat, quem parentes ad salutem corporalem baptizari petunt, si non adsit periculum peruersionis, & adsit iustum motiuum eum baptizandi, non cooperatur, neque consentit malitiæ, & prauæ intentioni parentum, sed utitur malitia ipsorum ab bonum, scilicet ad salutem spiritualem infantis ipsius, eum ad salutem spiritualem baptizando, & adest vrgens motiuum, vtendi ad bonum eorum malitia, scilicet motiuum salutis spiritualis infantis. Hac ratione baptizare licet filium Turcarum aliorumque infidelium in articulo mortis constitutum, etiamsi parentes eum ad salutem corporalem baptizari petant, quia in eo casu non adest periculum peruersionis, & adest iustum motiuum infantem illum baptizandi, scilicet salus spiritualis illius.

Nec opus est, quod sic baptizans intentionem suam exterius manifestet, aut protestetur se baptizare infantem illum ad salutem dumtaxat

spiritualem, sicut opus non est, vt qui petit, & qui accipit pecuniam ab eo, qui pecuniam tradit sub vsura, protestetur, quod ipse intendat petere, & accipere mutuum, non verò intendat accipere mutuum sub vsura. & ratio pro vtroque casu est eadem, nam cum iustū adsit motiuum petendi & accipiendi mutuum, & iustū adsit motiuū baptizandi infantem, non tenetur, nec petens, & accipiens mutuum, nec baptizans eam protestationem præmittere, sed iusta extante causa, potest absque vlla protestatione, & ille accipere pecuniam ab eo qui eam tradit sub vsura, & hic baptizare infantem, quem parentes, esto ad salutem corporalem, baptizari petunt; immo in casu nostro, non expedit protestari: nam si fiat protestatio infideli nullo modo credenti Sacramenti valorem, exponitur Fidei mysterium periculo irrisionis, & forte infidelis potest grauiter indignari contra Ministrum Christianum; ac proinde videtur operari contra regulas prudentiæ, & offendiculum sed scandali motiuum præbere, qui huiusmodi protestationem viro incapaci, & Christianæ Fidei Ofori, sine prope minima spe profectus, facit; & monet nos Spiritus Sanctus Eccles. 32. *Vbi auditis non est, non effundas sermonem.* Licet igitur si non adsit periculum futuræ peruersionis infantis ipsum baptizare ex motiuo salutis spiritualis animæ, quam ex Baptismo consequuturus est infans ille, nulla præmissa protestatione, etiamsi parentes eum ad salutem corporalem baptizari petant, nam hoc, vt iam dictum est, non est cooperari, aut consen-

sentire malitiæ parentum, sed est uti eorum malitia ad bonum, ad quod non est necessaria protestatio, sed sufficit interna intentio: non adest verò periculum peruerſionis, quando infans est in articulo, vel euidenti periculo mortis, idque constat Ministro Christiano, etiamſi parentes infideles eum baptizari petant, putantes per Baptiſinum, ipſum eſſe mortem euſurum; rursus nec adest periculum futuræ peruerſionis pueri, si parentes ad remouendam, ut putant, infirmitatem, aut morbum aliquem à filio, aut ad eum præſeruandum à malis, petant à Ministris Christianis eum baptizari, relinquendo poſtmodum eundem infantem apud Christianos, & permittendo, ut Christianam Fidem profiteatur, curantes videlicet ſanitatem filij etiamſi ſectam propriam ſit dereliſſurus.

Secus dicendum eſt, ſi non adest iuſta cauſa, & vrgens motiuum infantem baptizandi, nam tunc dici nequit, quod baptizans infantem quem parentes ad ſalutem corporalem baptizari petunt, utatur malitia parentum in bonum infantis, & proinde non conſentiat, & non cooperetur eorum prauæ intentioni, id enim ſolum contingit, quando adeſſet cauſa, & motiuum infantem illum baptizandi, ac proinde cauſam habet, & motiuum tacendi, & permittendi peccatum parentum illius infantis, poſita enim iuſta cauſa baptizandi infantem, non tenetur Miniſter non permittere peccatum parentum, ſed ſi non adest iuſta cauſa tenetur non permittere peccatum parentum, & eis de-

bet contradicere ac repugnare; nam cum non habeat iuſtam cauſam tacendi, aut non obſtandi, ſi taceat, & non obſtet cenſetur conſentire in abuſum Sacramenti; immò & in eo caſu baptizans ipſe abutitur Sacramento, etiamſi non adeſſet periculum peruerſionis, & apoſtaſiæ futuræ, & grauiter peccaret, ſicut grauiter peccat mulier, quæ ſine neceſſitate exhibet ſe aſpectui eius, quem ſcit erga ſe, malè aſſectum eſſe, ac proinde ſi mulier abſq; neceſſitate de domo exeat, in eo caſu peccat, etiamſi de domo exire non ſit actio de ſe malæ; ſic etiam peccaret, qui neceſſitate non vrgente pecuniam mutuò peteret ab aliquo, quem ſcit uſuram exacturum, etiamſi mutuum non ſit de ſe malum.

Aliæ hæcenus dictorum elucidationes.

Diximus Miniſtrum Christianum baptizare poſſe Turcarum, aliorumque infidelium filios, ſi non adest periculum peruerſionis, & iuſtum adest motiuum eos baptizandi; nam poſito iuſto motiuo, quo moueatur ad eos baptizandum, habet Miniſter vnde rectificare poſſit ſuam intentionem, itaut non cenſeatur conſentire malitiæ parentum, qua filios ſuos ad ſalutem corporalè baptizari petunt, ſed utatur eorum malitia ad bonum eorundem filiorum, nam ſic præſtat actionem bonam, & ex iuſto motiuo eam præſtandi, eique proinde non imputatur ad culpam, ſi ſux illi propriæ actioni coniungatur extrinſeca malitia parentum infidelium

lium, hanc enim non tenetur impedire, cum iustum adest motuum præstandi illam actionem; tunc enim effectus aliquis agentis imputatur, cum potest, & tenetur cum impedire, vt communiter dicitur à Theologis. Hac ratione, qui graui urgente necessitate petit mutuo pecuniam ab aliquo, qui non nisi sub vfura traditurus est, non consentit, nec cooperatur peccato illius, quia licitum est mutuum petere, & accipere pecuniam, cum hoc de se malum non sit, & aliàs iustum adest motuum, scilicet vrgens necessitas mutuo petendi pecuniam, ex quo proinde non tenetur abstinere à petitione, & acceptione pecuniæ mutue, & consequenter mutuo petenti, & accipienti pecuniam non imputatur ad culpam, quod pecuniam mutuans, eam tradat sub vfura.

E contra verò si quis absque vlla necessitate mutuo peteret, & acciperet pecuniam ab eo, qui non nisi sub vfura pecuniam est traditurus, grauius peccaret, & ei ad culpam imputaretur peccatum tradentis pecuniam sub vfura, quia non interueniente iusto motuo petendi mutuo pecuniam, dici nequit, quod non teneatur ad impediendum peccatum vfurarij. Cum ergo teneatur ad peccatum istud impediendum, ac proinde si non impediat, abstinendo à petitione mutui, ei peccatum vfurarij imputatur ad culpam. Idque adeo certum est, vt iuxta doctrinam S. Thomæ tam ad petendum quam ad accipiendum in mutuo pecuniam ab eo, qui paratus est eam dare, sed cum lucro, requiratur ex parte petentis, seu accipientis aliqua ne-

cessitas, nam S. Thomas 2. 2. qu. 88. art. 4. docet licitum esse accipere mutuum ab eo, qui vfuram exercet, sed addit hoc licere *propter aliquod bonum, quod est subuenire sue necessitati, vel alterius*. Idque ex eo etiam patet, quod quilibet ex præcepto charitatis tenetur diligere proximum, vt quantum in se est, & absque suo vel alterius incommodo potest, non det ei vllam occasionem peccandi, seu scandalum etiam passuum incurrendi, *univique enim Deus mandavit de proximo suo*, Ecclesiastici 17. denique lege charitatis obligatur à proximo auertere damnum spirituale.

Nec verò contra hoc facit, quod vfurarius, qui paratus est dare ad vfuram peccet, & damnum spirituale incurrat; nam hoc satis est, vt qui necessitatem habet, non teneatur abstinere à petendo mutuum, sed vt possit peccato alterius, non est autem satis, vt absque vlla necessitate liceat mutuum petere, quia petendo datur occasio noui peccati, hic & nunc committendi. Quamvis enim vfurarius semper sit paratus peccare, quod tamen hic, & nunc peccet, peccatumque committat, accidit ex occasione ipsi oblata: non solum autem peccat, qui directe est alteri causa peccati, sed etiam qui scienter, & absque vlla necessitate iusta proponit alteri materiam, vnde sumit occasionem peccandi præsertim cum nouit cum esse dispositum ad tale peccatum committendum. Vnde si mulier credens, aliquem esse dispositum ad eam concupiscendam, scienter, & absque vlla necessitate, vel debita utilitate se-

præsentaret eius conspectui, absque dubio peccaret.

Et ex his patet, quod qui absque vlla necessitate, seu debita utilitate, petit ab usurario mutuum, velut propter ebrietates, pompas ludos, aliasque causas illicitas, vel superfluas, aut impertinentes à peccato non excusari. Ita sentiunt Durandus in 3. sent. dist. 37. quæst. 4. Richardus in 4. dist. 15. artic. 5. ad 2. Gabriel eadem dist. quæst. 11. dub. 14. Sylvester verbo *usura* 7. quæst. 1. Bannes in 2. 2. sent. Et *Thomas artic. Valentia disp. 5. q. 2. 1. puncto 4.* Syluius in 2. 2. quæst. 78. ar. 4. alique. Et quamvis de peccati huius qualitate vna omnium mens non sit, verius tamen videtur esse ex genere suo peccatum mortale, quia repugnat charitati proximi.

Quæ autem necessitas requiratur ad licitè petendum ab usurario mutuum non conveniunt Doctores, plerique existimant non requiri extremam vel grauem, sed sufficere notabilem aliquam utilitatem, quæ ad decentiam status, vel personæ multum pertineat, dicunt autem notabilem, quia pro leuibus commodis temporalibus, dare proximo, etiam si ad peccandum parato peccati hic, & nunc committendi occasionem, sine qua peccatum non committeret, vt minimum continet aliquam salutis ipsius negligentiam.

Ita igitur & in casu nostro, si non adsit iustum motiuum baptizandi filios Turcarum, aliorumque infidelium, qui proprios filios ad salutem corporalem à Ministris Christianis baptizari petunt, peccarent Ministri Christiani eos baptizando, etiam si

nullum adsit periculum futuræ peruerſionis eorundem filiorum, quia si non adsit iustum motiuum eos baptizandi non habet Minister vnde suam intentionem rectificare possit, ita vt non censeatur consentire malitiæ, & prauæ intentioni parentum, ac proinde tenetur peccatum parentum impedire, & consequenter tenetur eorum filios in eo casu non baptizare. Vnde si eos baptizet ei imputatur ad culpam parentum dictorum filiorum peccatum. Quare si per impossibile non interueniret spiritalis filiorum salus, quæ tamen semper interuenit, peccaret Minister Christianus baptizando Turcarum, aliorumque infidelium filios, quos parentes ad salutem corporalem baptizari petunt, etiam si non adesset periculum futuræ peruerſionis illorum.

Quid cum Christianis agendum, si proprios filios ad salutem corporalem baptizari petant, & asserturalia validissima ratio pro sententia nostra.

EX dictis patet peccare Ministrum Catholicum, si baptizet filium etiam Christianorum, quem parentes Christiani ad salutem corporalem, quam certò ex Baptismo sequuturam putant, baptizari petant, etiam si velint verum Baptismum conferri, & non adsit periculum futuræ peruerſionis pueri, nam nullum adest motiuum iustum, nullaque causa Baptismum eo modo conferendi.

Pec-

Peccatum enim, & quidem non leue, immò Sacrilegium est, conferre, aut petere Baptismum ad remouendum factorem, aut ad alium corporalem morbum fugandum, id enim non est ex bona affectione, & orthodoxo proposito, seu tanquam lauerum animam sanctificans, ut par est, Baptismi Sacramentum conferre, & petere. Sacramentum enim peti, & conferri debet, non tanquam corporalis medicina, id quod ipsi Baptismo non competit, nisi ex miraculo, aut speciali priuilegio, ut patet in Baptismo Constantini; Et hoc quoque auget, & addit nouam malitiam, cum nefas sit sine urgente necessitate miracula, aut eiusmodi prodigia expectare, aut exposcere; Et quidem magna irreuerentia est, id quod à Deo principaliter, immò vnice institutum est ad spirituales effectus producendos, abuti ad temporalem effectum, ut ipsum naturæ lumen liquidò ostendit. Hinc S. Thomas 3. p. q. 69. art. 3. ait *conueniens fuisse, ut per Baptismum non auferrentur penalitates presentis uitæ, ne homines ad Baptismum accederent, propter impassibilitatem presentis uitæ, & non propter gloriam uitæ æternæ, unde Apostolus dicit prima Corinth. 1. Si in hac uitâ tantum sperantes sumus in Christo, miserabiles sumus omnibus hominibus.*

Igitur si Christianus Pater, eo modo offerat filium suum adhuc infantem ad Baptismum propter salutem corporalem, non est licitum, eum baptizare, nisi prius Minister instruat Patrem, & nitatur eum ab ea præpostera intentione remouere; Quod si adhuc persistat in eo prauo

proposito, baptizandus est omnino puer, hic enim abest apostasiæ periculum, & aliàs salus Pueri, arque inconuenientia grauissima, quæ consequi solent non baptizato uero ex Christianis orto, & inter Christianos educando, excusant ab omni culpa. Ministrum permittentem peccatum. Patris, qui solus peccat, nec ullo modo consentit Minister, qui quoad potuit obstitit. Et quidem Minister nullo modo cooperatur, sed in hoc ultimo casu præstat id, quod debet; In alio etiam casu, quo Pater Turca, aut alius infidelis filium baptizari petat ad eius mortem euitandam, si filius sit in euidenti periculo mortis, cum non adsit periculum perueisionis illius, baptizari potest, nulla, ut dictum est, præmissa protestatione, cum adsit iusta causa eum baptizandi, scilicet spiritualis pueri salus, efficit enim rem bonam, & sanctam baptizando puerum cum recta intentione. Et in neutro casu nullo modo influit in culpam abusus Baptismi contractam à præpostera intentione ipsius petentis, non quidem influit positivè, nam totus influxus positivus se tenet ex parte petentis, neque negativè moraliter, quia influxus hic non datur, ubi non est obligatio impediendi, quæ non adest, cum adest iusta causa non impediendi, uti adest in casu posito. Ex quibus colligitur, si Turca petat filium baptizari ob temporalem finem, spondens post Baptismum, eum tradere sub omnimoda potestate Ministri Catholici, esse baptizandum, urget enim salus pueri, quæ sufficit ad excusandum Ministrum ab omni reatu peccati.

At si absolute Baptismus petatur ad salutem corporalem, non est licitum illum ad hunc effectum conferre, quia Baptismum ad salutem corporalem conferre, de genere suo malum est, quod proinde nunquam est licitum. Quo circa in Synodo celebrata sub Luca Patriarcha Constantinopolitano, ut refert Cardinalis Baronius *Tom. 12. ad Annum 1148.* non admissi fuerunt Agareni, qui in suis Regionibus baptizati erant à Christianis, sed Baptismum ab eis petierant non bona affectione, & orthodoxo proposito, sed propter corporalem medicinam. Persuasum enim erat Agarenis, fore ut sui liberi à Dæmone vexati essent, & tanquam canes malè oluissent, nisi Baptismum Christianorū assequuti essent, quambrem non ut omnium animarū sordium mundatorem, diuinæque lucis, & sanctificationis præbitorem Baptismum postulabant, sed tanquam veneficium, & incantationem. Quare Concilium illud censuit, non esse licitum Baptismum conferre ad salutem corporalem.

Quapropter absolute loquendo non licet Baptismi Sacramentum conferre ad salutem corporis efflagitatum, quia id esset abuti Sacramento, & consentire, immò & cooperari malitiæ Sacramentum Baptismi ad salutem corporalem efflagitantium. Si tamen adsint circumstantiæ, ob quas baptizans non censeatur abuti Sacramento Baptismi, nec malitiæ illud ad salutem corporalem efflagitantium consentire, & cooperari, uti contingeret, si iustum adesset motium Baptismum conferendi, & aliàs

non adsit periculū peruerſionis Pueri, licet in eo casu Baptismum conferre, quia tunc baptizans non abuteretur Sacramento, neque consentiret malitiæ Sacramentum ad salutem corporalem efflagitantium, sed vteretur illorum malitiæ in bonum ipsius Pueri, quod licitum esse ostendimus supra. Extra tamen hanc circumstantiam non licet Baptismum conferre, cum Parentes ad salutem corporalem Baptismum conferri petunt, nam præciso motiuo iusto baptizandi, cuiusmodi est salus ipsius Infantis baptizans censeretur baptizare ob motiuum salutis corporalis Infantis, quod esset intrinsecè malum, utpotè abusus Sacramenti, ac proinde illicitum.

Ex his autem elicitur, & alia valèdissima ratio pro sententia nostra; nam si adsit periculum futuræ peruerſionis pueri, non adest iustum motiuum illum baptizandi, cum non interueniat salus spiritualis ipsius Pueri, ac proinde non adsit motiuum, vnde dici possit, quod baptizans non abutatur Sacramento. Extante igitur periculo salutis spiritualis pueri, baptizans puerum abuteretur Sacramento, quia baptizaret illum ad salutem corporalem. Id autem est intrinsecè malum, nam abuti Sacramento est malum intrinsecè, quod proinde in nullo casu, nec ob mortis metum potest esse licitum.

Hac ratione, absolute petere, vel accipere pecuniam ab eo, qui eam sub usura traditurus est, illicitum est, & intrinsecè malum, quia esset consentire, & cooperari peccato Usurarij, sed si iustum adsit motiuum pe-

Ee tendi

tendi pecuniam ab eo, qui eam sub
 usura traditurus est, licet eam petere
 ab eo, qui eam sub usura est traditu-
 rus, quia tunc non est consentire in
 peccatum Usurarij, sed est uti pecca-
 to illius in proprium bonum, quod
 est licitum, ut supra diximus cum
 S. Thoma. Ita ergo absolutè, nullo-
 que iusto extante motivo illicitum est,
 Infancem baptizare, quem Parentes
 ad salutem corporalem baptizari pe-
 tunt, nam esset consentire in eorum
 peccatum, eique cooperari, ac proin-
 dè intrinsicè malum; Nec in eo casu
 sufficeret protestatio, qua baptizans
 protestaretur, se non baptizare prop-
 ter salutem corporalem, nam illa es-
 set protestatio contraria facto, quia
 cum non adsit in eo casu motivum,
 ex quo baptizans conferri posset non
 consentire malitiæ Parentum, facto
 ipso consentit, & cooperatur illorum
 malitiæ, & prave intentioni, si ta-
 men interueniat motivum salutis pue-
 ri, uti contingeret in Baptismo con-
 ferendo filijs Christianorum, adhiberi
 potest protestatio à Ministro Baptismi
 Parentibus Christianis facienda, si Pa-
 rentes Christiani proprium filium ad
 salutem corporalem baptizari petant,
 ad instructionem eorundem Paren-
 tum, ut diximus supra, in eo enim
 casu, cum adsit motivum consulendi
 per Baptismum salutem spirituali ipsius

Pueri, protestatio non adhibetur
 ad rectificandam intentio-
 nem, sed ad instructio-
 nem Paren-
 tum.

Soluitur alia obiectio con-
 tra primam Assertio-
 nem, & hætenus
 dicta confir-
 mantur.

Illud etiam contra primam Asser-
 tionem aliqui obijciunt. Quod
 est malum propter periculum, non
 est intrinsicè malum, nam non ha-
 bet in se malitiam, sed ab extrinseco,
 scilicet à periculo, at Baptismum in-
 fanti conferre cum periculo futuræ
 illius peruerfionis est malum prop-
 ter periculum. Ergo huiusmodi Bap-
 tismum conferre non est intrinsicè
 malum. Prohibitio autem actionis,
 quæ non est intrinsicè mala, non
 obligat cum periculo vitæ. Ergo Mis-
 sionarij Christiani poterunt licitè bap-
 tizare Infancem cum periculo futuræ
 illius peruerfionis, si ex denegatione
 Baptismi mors eis immineat ab Infi-
 delibus.

Respondetur; quod quando in
 operatione aliqua adest mali pericu-
 lum, tunc operatio illa est intrinsicè
 mala, Si moraliter certum sit, quod
 malum illud, cuius cum periculo po-
 nitur operatio, sit sequuturum, ut
 contingit in casu præfenti; nam cum
 confertur Baptismus infanti apud Pa-
 rentes infideles permanfuro, & ab eis
 educando, periculum futuræ apostasia,
 & profanationis Sacramenti Bap-
 tismi est moraliter certum; sicut &
 moraliter certum est, quod apostasia,
 & profanatio illa sequatur, cum sup-
 ponatur, infancem apud Parentes in-
 fideles permanfurum; ac proindè col-
 latio Baptismi cum tali periculo præ-
 stita

stita est intrinsecè mala, quia fit cum periculo moraliter certo profanationis Baptismi, immò & cum certitudine morali futuræ profanationis baptismi; actio enim, quæ fit eù certitudine mali profanationis Sacramenti est intrinsecè mala; & quamvis mali periculum sit extrinsecum operationi; est tamen intrinseca operationi relatio ad tale periculum, & idè actio illa est intrinsecè mala. Hac ratione intrinsecè mala est operatio, qua quis exponit se periculo moraliter certo peccandi, vt cum quis alloquitur Mulierem; cum qua in omni alloquutione peccat, nam exponit se occasione moraliter certæ peccandi; & sicut nec metu mortis licitum est se coniungere in occasionem moraliter certam peccandi, ita nec metu mortis licitum est, operationem præstare cum periculo moraliter certo peccandi coniunctam. Huiusmodi autem esset collatio Baptismi pueri, qui apud infideles permanens esset, & ab eis educandus; nam cum in eo casu moraliter certum sit, quod puer ille, cum ad annos discretionis peruenit, apostaturus sit à fide, ac proindè Baptismi Sacramentum profanaturus, Christianus puerum illum baptizans, operationem præstaret cum periculo moraliter certo peccandi coniunctam, immò & cum actuali peccato, nam peccatum est elicere operationem, ad quam moraliter certum sit, quod sit sequiturum peccatum alterius. Vndè sicut actionem intrinsecè malam præstaret, grauissimumque peccatum committeret, qui Sacrosanctum Eucharistiæ Sacramentum in loco aliquo exponeret, vbi certus moraliter esset, quod

à Sacrilegis proterendum esset, & conculcandum; Ita & actionem intrinsecè malam præstaret, grauissimumque peccatum committeret, qui Sanctum Baptismi Sacramentum ei conferret, de quo certus moraliter esset, quod illud per apostasiam à fide esset profanaturus. Vndè cum dicitur prædictam collationem Baptismi esse malam propter periculum, intelligitur in hoc sensu, id est, quatenus collatio illius Baptismi, est expositio profanationi ipsius Baptismi, id autem, quod est exponere Baptismum profanationi, est intrinsecè malum.

Nec dicatur, quod periculum peruersionis pueri sit incertum, eo quod incertum sit, quod puer ille peruenturus sit ad annos discretionis, ideoque dici non possit, quod conferre prædictum Baptismum sit ipsum exponere periculo moraliter certo profanationis. Nam contra hoc est, quod, vt supra diximus, omni, qui nascitur, per se loquendo debetur vita, vndè omnis qui nascitur per se loquendo peruenturus est ad annos discretionis, & per accidens est, quod ad annos discretionis non perueniat, & cum in operationibus attendi debeat, id, quod est per se, & non id, quod est per accidens, supponendū est, quod puer ille peruenturus sit ad annos discretionis, & posito, quod ad annos discretionis peruenturus sit, conferre Baptismum puero, qui supponitur ad annos discretionis peruenturus, est exponere Baptismi Sacramentum profanationi moraliter certæ, quia est conferre Baptismum, exponendo illum periculo apostasiæ eiusdem pueri baptizati, vndè connexio morali-

ter infallibilis, quam habet collatio Baptismi cum peruersione moraliter certò futura illius pueri, ac proinde cum profanatione Sacramenti, efficit collationem Baptismi intrinsecè malam. Sed etiam dato, quod aliquis puer peruertendus non sit ad annos discretionis, & hac ratione peruertendus non sit à Parentibus, & Baptismi Sacramentum non sit profanaturus, certum tamen est, quod non omnes pueri decessuri sint antequam ad annos discretionis peruertant, sed certum est, quod plures ad annos discretionis peruertant, si ergo omnes filij Turcarum, & Infidelium, quos Parentes infideles petunt ad salutem corporalem baptizari, baptizandi sunt, moraliter certum est, quod aliqui ex illis peruertendi sunt à Parentibus infidelibus, si apud illos post receptum Baptismum remaneant, & Baptismi Sacramentum per apostasiam profanatur: Cum autem id permitti non possit, nec permitti potest, quod filij Turcarum, & Infidelium, quos Parentes ad salutem corporalem baptizari petunt, baptizentur. Tanti autem interest impedire profanationem Sacramenti, ut si in vno tantum Puerò profanandum esset Sacramentum Baptismi, & in reliquis pueris profanandum non esset, negandus esset Baptismus reliquis pueris, ne Baptismus profanaretur in vno: nam Deus Sacramenta instituit in salutem hominum, salua debita reuerentia illorum.

Sed vltèrius animaduertendum, quod conferre Baptismum Puerò, de quo certum est, quod peruertendus sit à Parentibus infidelibus, non so-

lùm est intrinsecè malum propter periculum moraliter certum apostasie pueri, ac profanationis Sacramenti, sed etiam est intrinsecè malum propter abusum Sacramenti: Nam qui puerum baptizat, quem Parentes infideles ad salutem corporalem baptizari petunt, abutitur Sacramento, & cooperatur, & consentit malitiæ, & prauæ intentioni Parentum, si non habeat iustum motiùm baptizandi puerum, ex quo dici possit, quod non consentiat malitiæ Parentum, sed ea utatur in bonum ipsius Pueri, ut diximus supra. Motiùm autem iustum, ex quo baptizans censeatur non consentire malitiæ Parentum, sed censeatur ea uti in bonum ipsius pueri, non est nisi salus spiritualis eiusdem Pueri. In casu autem presenti, non interuenit motiùm salutis spiritualis Pueri, nam supponitur, ut moraliter certum, quod Puer sit peruertendus. Cum igitur non interueniat motiùm salutis spiritualis Pueri, relinquitur, quod baptizans in eo casu Baptismum Puerò conferat absque eo, quo posito censeretur non consentire, neque cooperari malitiæ, ac prauæ intentioni Parentum, & consequenter eo pacto baptizans abutitur Sacramento Baptismi, & consentit prauæ Parentum intentioni, & cooperatur abusui, quo Parentes abutuntur Sacramento Baptismi, dum illud exigunt ad salutem corporalem ipsius Pueri.

Nec dici potest, quod in casu presenti interuenire possit motiùm salutis spiritualis ipsius Pueri, quo baptizans moueatur ad baptizandum puerum, quia videlicet puer ille post recep-

receptum Baptismum decedere potest, antequam ad annos discretionis perueniat, & sic æternam salutem consequi. Nam contra hoc est, quod incertum est, quod puer ille decessurus sit antequam ad annos discretionis perueniat, immò supponendum est, quod ad annos illos peruenturus sit, ut constat ex dictis. Ad hoc autem, ut censeri possit, quod baptizans non consentiat, neque cooperetur malitiz Parentum, sed illa in bonum ipsius pueri utatur, non sat est, quod salus pueri sit incerta, sed requiritur, quod sit omninò certa, sicut ad hoc, ut quis non censeatur consentire malitiz usurarii, cum ab eo petit, & accipit mutuum pecuniam sub usura, non sufficit necessitas incerta ipsius petentis, & accipientis pecuniam, sed requiritur, quod eius necessitas certa sit, & indubitata, nam necessitas incerta, non est necessitas, ex qua excusari possit intentio ipsius mutuam pecuniam petentis ab Usurario, & salus incerta ipsius Pueri baptizandi, non est sufficiens, ut excusari possit baptizans à consensu in prauam intentionem Parentum infidelium, cū huic incertæ saluti ipsius Pueri opponi possit damnatio moraliter certa eiusdem pueri, cum supponi debeat ipsum ad annos discretionis peruenturum, & à fide apostataturum.



Expenditur Authoritas S. Augustini in epistola vigesima tertia ad Bonifacium, & quænam ibi sit S. Doctoris mens demonstratur.

O Bijciunt Aduersarij etiam Authoritatem S. Augustini in epistola vigesima tertia ad Bonifacium, ubi S. Doctor sic ait: *Nec illud te moueat, quod quidam non ex fide ad Baptismum percipiendum paruulos ferunt, ut gratia spiritali ad uitam regenerentur æternam: sed quod eos parente, hoc remedio temporalem retinere, vel recipere sanitatem. Non enim propterea illi non regenerantur, quia non ab istis hac intentione offeruntur.* Ex his Augustini verbis haberi putant Aduersarij, licitum esse filios infidelium ad sanitatem temporalem conferuandam, vel percipiendam baptizare, etiam si à parentibus infidelibus educandi sint. Id enim supponi videtur apud S. Augustinum loco citato, sed falluntur.

Animaduertendum est enim, quod S. Augustinus interrogatus à Bonifacio Episcopo; An praua voluntas Parentum noceat paruulis baptizatis, quibus tamen prodest, cum baptizantur ipsorum parentum fides. Respondet Sanctus Augustinus posse paruulis prodesse spiritalem Parentum voluntatem propter Sanctam compagem Corporis Christi, non autem nocere malam voluntatem, quia anima, quæ peccauerit, ipsa morietur Ezech. 18. Postea volens Sanctus Doctor occurrere tacitæ obiectioni,

&

& simul magis confirmare validitatem Baptismi paruulis collati, licet cum praua intentione offerentium eos ad Baptismum, dicit illa verba. *Nec te moueat.* Quare vnicum propositum Augustini in hac epistola est, demonstrare, Baptismum paruulis prodesse ad vitam æternam, non obstante praua intentione offerentium. Id, quod magis apparet ex eo, quod postea subdit Augustinus dicens: *Illud autem nolo te fallat, ut existimes, reatus vinculum ex Adam tractum, aliter non posse dirumpi, nisi paruuli ad percipiendam Christi gratiam à Parentibus offerantur.* Immò illa verba: *Nec te moueat,* confirmant nostram sententiam; nam si dignè petitur Baptismus solum pro temporali remedio, nullam id faceret difficultatem, quam Augustinus cogatur soluere, ut defendat valorem Baptismi; etiam cum praua offerentium paruulos intentione. Patet igitur Sanctum Augustinum solum velle, quòd Baptismus, etsi à Parentibus mala fide, & ad salutem corporalem filiorum petitus, validus sit, & eisdem filiis ad salutem spiritualem eundem Baptismum prodesse, nec eis malam obesse Parentum fidem, non autem vult Sanctus Doctor, quòd licitum sit Baptismum ad salutem corporalem conferre.

Pro completa sententiæ positæ intelligentia, animaduertendum est, quod cum diximus non posse baptizari Infidelium filios, quos Parentes ob salutem corporalem baptizari petunt, si à Parentibus infidelibus non separantur, eosdem verò baptizari posse, si à Parentibus infidelibus se-

parentur; hoc non est eo pacto intelligendum, ut ad effectum conferendi prædictis Infantibus Baptismum, liceat, si adsit facultas, eos à Parentibus eisdem inuitis separare, eisque sic separatis Baptismum conferre: Nam & huiusmodi Baptismus illicitus esset ex eo capite, quod fieret iniuria Parentibus, sub quorum cura, & potestate viuunt infantes illi, qua ratione Sanctus Thomas docet, non esse baptizandos Iudæorum filios ante usum rationis inuitis Parentibus; sed cum diximus, infidelium filios ob salutem corporalem à Parentibus ad Baptismum oblatos, baptizari posse, si à Parentibus infidelibus separantur, hoc intelligendum est, licere, si dictorum infantium à proprijs Parentibus separatio absque iniuria eorumdem Parentum contingat, vti contingeret, si infantes illi morituri essent, etiã si Parentes decepti, putarent illos ex collatione Baptismi non esse morituros; Id etiam contingeret, si Parentes infideles ad remouendum scætozem, vel aliud malum à filiorum corporibus, eos Christianis baptizandos traderent, eisque in Religione Christiana educandos relinquerent permittendo, quod in fide Christiana educarentur; Idem etiam contingeret, si Parentes essent Christianorum Captiui, tunc enim absque Parentum iniuria, eorum filij, possent ab ipsis separari, sicut & à filiis Parentes, & Parentes essent de separatione, ac Baptismo filiorum irrationabiliter inuiti; Quare infidelium filij baptizari possunt, si ante, vel post receptum Baptismum iustè à Parentibus separantur, & separatio à

Parent-

Parentibus absque illorum iniuriâ contingat, ita ut infantes illi, vel per mortem, vel iusto aliquo titulo à Parentibus separari possint, ac de facto separentur.

De filijs autem Hæreticorum, dicendum est, eos, & ante, & post susceptum Baptismum, posse per Ecclesiæ Ministros à Parentibus Hæreticis separari, ne illos, cum ad annos discretionis peruenierint, hæreticis dog-

matibus pervertant; nam Ecclesia potestatem habet in Hæreticos, ut potè Baptizatos, eosque cogere potest ad profitendam Catholicam fidem, & in eadem proprios filios educandos; Undè respectu filiorum hæreticorum non requiritur aliud iustum motium eos à Parentibus Hæreticis separandi, sed ad hoc sat est motium, ut eorum filij in fide Catholica educentur, & ab hæreticis non pervertantur.

QVAESTIO QVINTA.

Vtrum liceat alicui occidere aliquem
se defendendo.



Quoniam omnino hominis cædem, & occisionem illicitam esse dixerunt Valdenses, ut refert Alphonsus de Caliro in summa de Hæreticis, *verb. Occidere.*

Sed & Lactantius lib. 6. Divinarum Institutionum cap. 20. idem instillatissime docuit, post plura sic concludens: Itaque in hoc Dei præcepto (Non occides) nullam prorsus exceptionem fieri oportet, quia occidere hominem sit semper nefas, quem Deus Sanctum animal esse voluit.

Alij verò specialius differentes, nec inuasorem actualement ad huc propriam vitam defendendo occidere licitum esse dixerunt, ita Augustinus Triumphus in lib. de potestate Ecclesiastica quæst. 52. art. 3. inquit: Puto quod culpa sit hominem occidere, ne ipse occi-

datur, quacumque inevitabili necessitate hoc fiat. Existimant autem sententiam hanc esse S. Augustini Primo de libero arbitrio, Tostatus in cap. 5. Matth. 9. 109. Riccardus de S. Victore opusculi de Charitate, Almainus in eadem materia, Erasmus in annotationibus novi Testamenti in illa verba Christi D. Matth. 5. Ego autem dico Vobis non resistere malo, & in illud Luc. 22. Converte gladium tuum &c. & ex Iuristis Accursius, & Gloss. super l. vim vi ff. de Iustitia, & Iure; Idem nouissime affirmat Aegydius Gabrielis Tertij Ordinis S. Francisci in opusculo inscripto: Specimina Moralia par. 1. Moralis Tutoris §. 15.

E contrà verò alij, & actualement Inuasorem occidere, & quemcumque alium, à quo mors aliquo modo imminet præuenire ipsum occidendo licitum esse dixerunt, de quibus infra.

ASSERTIO VNICA.

Licet alicui alium occidere, se defendendo.

ITA communiter Theologi, ac Iuristæ, vndè Salonijs Tom. 1. de Iustitiæ, & Iure seu controuersijs in 22. Diui Thomæ quest. 64. art. 7. controu. 1. conclus. 2. ait oppositam sententiam esse forsan temerariam, cum omnium fere Doctorum placitis repugnet. Gerson Tom. 1. par. 1. pag. 830. eam sententiam dicit multum duram, & difficilem, & communem opinionem Doctorum esse in oppositum. Dominicus Soto de Iustitiæ, & Iure lib. 5. quest. 1. art. 8. ait, quod asserere non esse licitum in sui defensionem Inuasorem occidere, est non solum peruertere ius naturale, verum & Christi iugum, quod suauis est, & leue, acerbum facere atque importabile.

Eadem habet Gregorius Sayrus lib. 7. cap. 10. num. 14. & 15. vbi sic habet: Ius naturale dicitur, licitum esse unicuique conseruare vitam propriam, omni modo licito, & necessario, etiam si alter occidendus sit; aliàs ius naturale vinculum esset iniquitatis, & melior esset hominum malorum, quam bonorum conditio, & daretur occasio iniquis inuadendi bonos, dum essent certi ab illis non esse occidendos, sicut 1. Machab. 2. Pagani videntes Iudeos ob reuerentiam Sabbathi nolle pugnare, ac se defendere in Sabbathis, occidebant eos, aggredientes eos in Sabbathis, quod videntes Duces, & Sacerdotes in toto Concilio decreuerunt, etiam in Sabbathis pugnare, ac se defendere. Immo verò imminuta omnino esset lex naturæ, si non tribuisset ius

tanto malo obuiandi. Et confirmatur, quia cum vnus iniuriam ab alio patitur, ita ut vnus eorum necessario mori debeat, dicitur ius naturale, ut potius inferens, quam patiens iniuriam occidatur, & certè durum nimis, & intolerabile esset, ut quis vitam, rem aded pretiosam propter malitiam alterius me inuadentis, ego vitam omittere deberem, ut ipse viueret. Hæc Sayrus.

Habetur autem Assertio nostra in vtroque Iure. In Ciuili L. 1. ff. de vi, & vi armata. L. ut vim ff. de Iust., & Iure, vbi dicit: Iure hoc euenit, ut quod quisque ob tutelam corporis sui fecerit, iure fecisse existimetur. L. iniuriarum ff. de iniurijs l. sed et si ff. ad Legem Aquiliam, vbi apertissime habetur: Qui alium ferro se petentem occiderit, non videtur iniuria occidisse. Et in L. Itaque ff. ad eandem Legem Aquiliam habetur: Itaque si seruum tuum Latronem insidiantem mihi occidero, securus ero, nam aduersus periculum naturalis ratio permittit se defendere. Et L. qui cum maior §. si libertas, & l. 1. §. cum arietes ff. si Quadrupes pauperiem fecisse dicatur, & L. 3. ff. de Iustitiæ, & Iure idem habetur. Et ratio harum legum est; quia qui vitur iure suo nemini infert iniuriam, qui autem occiderit Inuasorem à quo aliter se liberare non potest, vitur iure, quod habet à natura conseruandi vitam propriam, & vim vi repellendi.

In iure etiam Canonico dist. 1. Can. 7. dicitur, quod Ius naturale est commune omnium Nationum, eo quod ubique insinètu naturæ, non constitutione aliqua habetur, ut depositæ rei, vel commodatæ pecunie restitutio, violentia per vim repulso. Et Innocen-

tius

tius III. tit. de homicidio cap. significasti 2. Quamuis, inquit, vim vi repellere omnes leges, & omnia Iura permittant, quia tamen id debet fieri cum moderamine inculpatæ tutelæ, non ad sumendam vindictam, sed ad iniuriam propulsandam &c.

His per omnia consentit Alexander III. cap. Si verò alicuius tit. de sent. excomm. ubi dicit: Si verò Clericum sibi vim inferentem, vi quis repellas, vel ledas, non debes propter hoc ad Sedem Apostolicam transmitti, si incontinenti vim vi repellas. Cum vim vi repellere omnes leges, omniaque Iura permittant.

Confirmatur ex Constitutione Clementis V. in Concilio Viennensi Si furiosus, ubi dicitur: Si furiosus, aut infans, seu dormiens hominem mutilet, vel occidat, nullam ex hoc irregularitatem incurrit: Et idem de illo censemus, qui mortem aliter vitare non valens, suum occidit, vel mutilat Inuasorem. Ut enim bene adnotat Covarruvias Tom. 1. Relect. 3. par. 5. unico pag. 622. Huius Canonis ea est ratio, quod ad irregularitatem contrahendam propter homicidium privatum, necessaria sit culpa homicidij, saltem aliqua. Is verò, qui ad necessariam vitæ defensionem aliquem occiderit, nullam culpam homicidij contrahit, ergo nec irregularis erit, quippe qui privatum homicidium absque aliqua culpa commiserit. Supponitur ergo in eo Canone nullam committi culpam occidendo aliquem, ad necessariam vitæ defensionem.

Igitur secundum Iura vim vi repellere licet, idque iuxta proportionem vis, quæ infertur, nam si vis,

quæ infertur, sit ad necem inuasi, si inuasus aliter vim illam repellere nequit, nisi vi pariter, quæ sit ad necem Inuasoris, poterit utique vim illam repellere vi, seu actione occidente Inuasorem.

Hoc ipsum disertè docet S. Thomas 2. 2. quæst. 64. art. 6. ubi his ipsis terminis quærit: Virum liceat alicui occidere aliquem se defendendo, & affirmativè respondet his verbis: Respondendo dicendum, quod nihil prohibet unius actus esse duos effectus, quorum alter solum sit in intentione, alius verò sit præter intentionem. Morales autem actus recipiunt speciem secundum id, quod intenditur, non autem ab eo, quod est præter intentionem, cum sit per accidens. Ex actu ergo alicuius se ipsum defendentis, duplex effectus sequi potest, unus quidem conservatio propriæ vitæ, alius autem occisio Inuadentis. Actus ergo huiusmodi, ex hoc, quod intenditur conservatio propriæ vitæ, non habet rationem illiciti, cum hoc sit cuiuslibet naturale, quod se conservet in esse, quantum potest. Potest tamen aliquis actus ex bona intentione proveniens illicitus reddi, si non sit proportionatus fini; Et ideo si aliquis ad defendendam propriam vitam utatur maiori violentia, quam oportet erit illicitum; Si verò moderate violentiam repellat, erit licita defensio; Nam secundum Iura vim vi repellere licet, cum moderamine inculpatæ tutelæ. Nec est necessarium ad salutem, ut homo actum moderate tutelæ prætermittat ad evadendam occisionem alterius, quia plus tenetur homo vitæ suæ providere, quam vitæ alienæ. Sed quia occidere hominem non licet nisi publica auctoritate propter bonum commu-

ne, illicitum est, quod homo intendat occidere hominem, ut se defendat, nisi ei, qui habet publicam auctoritatem: qui intendens hominem occidere ad sui defensionem, refert hoc ad publicum bonum; ut patet in Milite pugnante contra hostes, & in Ministro Iudicis pugnante contra Latrones; quamvis etiam & isti peccent, si priuata libidine moueantur.

Hæc S. Thomas, quæ integrè huc transferre placuit, quod in illis bene perpenſis habeamus, quicquid in re præſenti rectius dici poſeſt.

Verùm quia S. Doctor in relatis verbis multa de more paucis complectitur, eaque ad quæſtionem, de qua hic agitur, neceſſaria; Singula expendenda ſunt, ut veritas eluceſcat, Ut autem viſ, & efficacia diſcurſus Doctoris Sancti magis appareat, poſeſt ipſius ratio, ſub hac forma proponi.

Licitum eſt inuaſo actum elicere, qui habeat uti effectum intentum, conſeruationem ſui, & uti effectum non intentum occiſionem inuadentis; Ergo licitum eſt inuaſo defendendo ſe inuadentem occidere. Conſequentia patet, nam elicere actum, cuius effectus etiam non intentus ſit occiſio inuadentis, eſt elicere actum occidentem inuadentem, ſeu eſt realiter Inuadentem occidere; ac proinde ſi licitum eſt inuaſo elicere actum, cuius effectus, etſi non intentus ſit inuadentem occidere, licitum erit inuaſo, ſe defendendo inuadentem occidere. Antecedens autem probatur, præſupponendo, nil prohibere, vnius actus eſſe duos effectus, quorum alter ſolùm ſit in intentione, alius verò ſit præter intentionem; ac

proinde nil prohibere, eiſdem actus duplicem hunc effectum eſſe, ſcilicet conſeruationem vitæ elicientis actum illum, uti effectum ab eo intentum, & occiſionem Inuadentis; uti effectum non intentum ab inuaſo. Tunc ſic; Actus, qui habet pro effectum intento conſeruationem ſui, & pro effectum non inrento occiſionem Inuadentis, non eſt illicitus, ſed licitus; Nam huiusmodi actus recipit ſpeciem ab eo, quod intenditur non autem ab eo, quod eſt præter intentionem, cum autem effectus, qui per actum illum intenditur ſit bonus, ſcilicet conſeruatio ipſius inuaſi, actus ille moraliter bonus erit, nam occiſio inuadentis, cum ſit effectus non intentus per illum actum nullam malitiam reſundit in actum, ac proinde actus ille, etſi habeat pro effectum etiam occiſionem inuadentis, non erit moraliter malus, ſed bonus, eo quod effectus per actum illum intentus ſit bonus; quod enim eſt præter intentionem, non dat ſpeciem, cum ſit per accidens.

Cum autem dicitur, occiſionem Inuadentis eſſe effectum non intentum ab Inuaſo, ſeu præter intentionem inuaſi, non eſt ſenſus, quod inuaſoris occiſio, non ſit præcognita, aut præuiſa ab inuaſo, & ipſo inſcio, ſeu non aduertente contingat, ſed ſenſus eſt, quod licet ab inuaſo defendente ſe ipſum ab Inuaſore, eiſdem Inuaſoris occiſio à ſe perpetranda præcognoſcatur, & ipſo inuaſo aduertente contingat, eam tamen occiſionem inuaſus non vult, aut intendit, ſed ſolùm vult, & intendit defenſionem ſui, licet ad hanc ſequatur mors,

& occisio Inuasoris, & idèd inuasoris occisio contingit præter intentionem inuasi.

Est autem ratio hæc à priori, in eo enim consistit, quod vnus quisque ius habeat conseruandi se ipsum, quantum potest, & consequenter ius habeat se contra quemcumque iniustum Inuasorem defendendi, etiam si defendendo se ipsum contingat præter intentionem Inuasoris occisio, dummodò defensio sit moderata: cum enim inuasor sit iniustus, vt potè persona priuata, & vt talis ex odio priuato, & non publica autoritate inuadat, inuasus non tenetur desistere à sui defensione, etiam si ad eam sequatur occisio Inuadentis, vt à defensione inuadentis occisiva abstinere teneretur si inuadens autoritate publica inuaderet, quia tunc esset resistere Iustitiæ, & Reipublicæ iustè procedenti, quod non licet.

Nec potest dici, quod inuasoris occisio sit volita, saltem indirectè ab inuasore, quatenus vult defensionem, seu conseruationem sui, ad quam sequitur occisio inuasoris, nam tunc effectus aliquis dicitur indirectè volitus ab aliquo, quando hic tenetur desistere ab actu, ad quem sequitur effectus ille, Inuasus autem non tenetur desistere à defensione sui, ad quã sequitur occisio inuasoris: Nec enim, ait S. Thomas, est necessarium ad salutem, vt homo actum moderata tutela prætermittat ad euandam occisionem alterius; quia plus tenetur homo vitæ suæ providere, quam vitæ alienæ, & idèd actus ille, quo quis moderatè se defendendo inuasorem occidit, non est illicitus, etiam si ad actum illum

sequatur inuasoris occisio; solùm autem erit illicita defensio sui, si ad defendendam propriam vitam vtatur maiori violentia, quam oporteat; Si verò moderatè violentiam repellat, erit licita defensio, nam secundum Iura vim vi repellere licet cum moderamine inculpatæ tutelæ.

Sed quia hominem occidere non licet, nisi publica autoritate propter bonum commune, illieitum est, ait Sanctus Thomas, quod homo intendat occidere hominem, vt se ipsum defendat, nisi ei, qui habet publicam autoritatem, qui intendens hominem occidere ad sui defensionem, refert hoc ad publicum bonum, vt patet in Milite pugnante contra hostes, & in Ministro Iudicis pugnante contra Latrones: quamuis etiam & isti peccent, si priuata libidine moueantur.

Secundò probatur Assertio. Nam vt ait Dominicus Soto de Iustitia, & Iure lib. 3. quæst. 1. art. 8. dicere, quod homo non possit se ipsum ab Inuasore vitæ propriæ defendere cum Inuasoris morte, & quod Inuasus teneatur premittere sui ipsius occisionem esset non solum naturale Ius peruertere, verum & Christi iugum, quod suauè est, & leue, acerbum facere, atque importabile. Quæ enim Iustitia esset in lege, qua subditos cogeret, vt vitam, quam mortales tantum æstimant, cuiusque temeritati, & audacia darent? Si me Tyrannus ad malum vrgeret, vitam pro virtute deberem ponere: sed tamen, quod cuiusque volenti me occidere id permittere cogar intolerabilis res esset. Immo non solum vitam non cogor illi dare, verum etiam neque honorem, neque bona mea. Est verbi gratia impurus homo, & peruiex,

qui iurat, nisi dederit ei pondus auri paraturum sese grave aliquod scelus, utrum propterea ego stringor petitionem suam illi concedere? *Minimè gentium.* Hæc Soto.

Eadem fere habent Molina *disp. 13. num. 2.* & Cardinalis de Lugo *Tom. 1. de Iustitia, & Iure disp. 10. sect. 6.* inquit enim, quod irrationabile, importabile, ac communi bono contrarium esset permittere se occidi ab iniusto inuasore, & ab eius occisione abstinere; tunc enim pessimi quique Iustos inuaderent, ut eos spoliarent, ac occiderent, scientes se non posse licite ab eis in talibus circumstantiis interfici. Vnde rursus maius malum ipsis etiam iniquis accresceret ex licentia, & occasione, libetius committendi grauiora scelera: quare Charitas ipsa dicat obuiandum esse in radice his grauioribus periculis spiritualibus iniquorum, quod aliter fieri non potest, nisi sciant licite posse ab iniuste inuasus interfici ob tutelam, & defensionem propriam.

Qualis debeat esse intentio illius, qui se ab iniusto Inuasore defendit.

PRO maiori autem dictorum intelligentia, inquirendum est de intentione, quam debeat habere inuasus, cum se ab inuadente defendit. Est enim quæstio inter Theologos, an inuasus, cum se ab inuadente defendit, possit absque peccato directe intendere inuadentis occisionem, veluti medium ordinatum ad conseruan-

dam propriam vitam. Quamuis enim intentio principaliter sit in ordine ad finem, est tamen etiam in ordine ad media, ita ut quis velit finem, & media per se, directe, & formaliter, vnde locus est quæstioni; An liceat inuasor intendere occisionem inuasoris tanquam medium ordinatum, ad conseruationem sui, vel etiam, an inuasus possit ex proposito eligere occisionem Inuasoris uti medium ad conseruandam propriam vitam, nam & eligere, est intendere, hoc est ex proposito aliquid velle.

Et affirmatiue respondent S. Antoninus *1. par. tit. 3. cap. 10. & 3. par. tit. 4. cap. 4.* Siluester *verbo homicidium q. 5. Nauarr. in summa cap. 15. num. 3.* Soto *de Iustitia, & Iure lib. 5. q. 5. art. 8. num. 4.* Rodriquez *1. p. c. 136.* Dicastillus *de Iustitia, & Iure lib. 2. tract. 1. dubit. 4. & alij*, qui volunt inuasum non posse velle occisionem inuadentis uti finem, & obiectum suæ voluntatis, quia sic esset homicida, sed volunt inuasum posse velle occisionem inuadentis tantum ut medium, quia cum inuasus non possit aliter se ab inuadente eripere, ac propriam vitam tueri, nisi occidendo inuadentem, sicut potest velle sui defensionem, ita quoque potest velle, & occisionem illius, quæ tunc illi necessaria est tanquam medium ad se defendendum, cum ex Aristotile 9. Ethic. ad efficacem voluntatem finis sequatur electio medij ad illum necessarij.

Quod etiam hoc modo explicant. Quia id, quod honestè sit ratione cuius finis honestè, honestè etiam intenditur propter eundem finem. In-

sentio enim, & voluntas suam habent honestatem ex re volita, & ex ratione volendi, quæ est finis. Cum autem actus executionis occidendi ad repellendum iniustum aggressorem honestus sit, sequitur, voluntatem circa talem actum similiter esse honestam, quandoquidem obiectum, & circumstantiæ omnes, nullam malitiam includunt, nec moraliter distinguuntur a recto transigendi aggressorem, & illius mors, aut occisio. Quapropter si voluntas esse potest honesta circa actum transigendi, aut percutiendi, pari ratione honestum esse videtur velle aggressorem occidere, qui sine occisione repelli non potest.

Confirmant. Quia, omne quod licitum est facere, licitum est intendere, & velle: Sed licitum est occidere inuadentem defendendo se cum moderamine inculpate tutelæ, ergo, & licitum erit velle occisionem inuadentis, & illam intendere.

At Cardinalis Caietanus in *Commentario articuli 7. quæstionis 64. 2. 2. D. Thomas*, Michael Salon in *eodem art. controuers. 2. conclus. 2.* Dominicus Bannes in *Comment. eiusdem articuli dubit. 5.* Aragon, in *eundem art. ad 3. concl. D. Thomas Abulensis super cap. 5. Matthæi q. 109.* Henric. *Quodlib. 5. q. 15.* Cordub. *lib. 1. q. 88.* Victoria in *Relect. de homicidio num. 16.* Balthasar Gomesius de *potestate in se ipso lib. 2. cap. 1. num. 17.* Franciscus Syluius in *eodem artic. quæsit. 5.* sentiunt nullo modo licere inuaso intendere, aut velle occisionem inuadentis, necdum uti finem, sed neque uti medium ad conseruationem vitæ ipsius

inuasi ordinatum. Et hæc est veritas sententia, ac tenenda: Estque expressa D. Thomæ in *art. 7. cit.* adeo ut mirum sit, aliquos ex eius discipulis oppositum docuisse.

In eo enim articulo S. Thomas ait licere alicui defendendo se inuadentem occidere, quia actus, quo quis se defendendo, inuadentem occidit, potest non intendere occisionem inuadentis, nihil enim prohibet inquit S. Doctor, vnus actus esse duos effectus, quorum alter solum sit in intentione, alius verò sit præter intentionem. Et rursus, quia occidere hominem non licet, nisi publica auctoritate propter bonum commune, illicitum est, quod homo intendat occidere hominem, ut seipsum defendat, nisi ei qui habet publicam auctoritatem: qui intendens hominem occidere ad sui defensionem, refert hoc ad publicum bonum, ut patet in Milite pugnante contra hostes, & in Ministro Iudicis pugnante contra Latrones: quamuis etiam, & illi peccent, si priuata libidine moueantur. Hæc S. Thomas, quibus nil clarius in re præsentī dicere potuit.

Probatum autem hoc ipsum ratione allata à D. Thomæ: Nam persona priuata publicæ auctoritatis experta nullam habet potestatem in aliam priuatam personam, seu in alium hominem etiam malefactorem. Vnde idem S. Thomas *eodem quæsit. art. 3.* ait, quod occidere malefactorem licitum est, in quantum ordinatur ad salutem totius Communitatis, & ideo ad illum solum pertinet, cui committitur cura Communitatis conseruandæ, sicut ad Medicum pertinet præcedere membrum

brum putridum, quando ei commissa fuerit cura salutis totius corporis. Cura autem communis boni commissa est Principibus habentibus publicam potestatem, & ideo eis solum licet malefactores occidere, non autem priuatis personis.

Eatenus igitur licet Principi, aut Magistratui malefactores occidere, quatenus malefactorum occisio ordinatur ad salutem, seu bonum totius Communitatis; Est ergo inordinatio contra debitum naturale, quod aliquis ordinat occisionem, seu mortem alterius ad bonum proprium, & priuatum; id autem contingeret, si quis ab alio inuasus inuadentem occideret, intendendo eius occisionem, seu cum intentione eum occidendi, & volendo eius mortem: ut medium ad conseruationem vite propriæ ordinatum, id enim esset ordinare alterius mortem ad bonum priuatum, in eo sistendo, hoc est, non referendo illud ad bonum commune, quod non licet, sed & occidere hominem referendo illius occisionem ad bonum commune, non licet nisi publica auctoritate, qua non pollet homo priuatus, & ideo illicitum est, inquit S. Thomas, quod homo intendat occidere hominem, vt se ipsum defendat, nisi ei, qui habet publicam auctoritatem, qui intendens hominem occidere ad sui defensionem, refert hoc ad publicum bonum, vt patet in Milite pugnante contra hostes, & in Ministro ludicis pugnante contra Latrones, quamuis etiam & isti peccent, si priuata libidine moueantur.

Nec refert si dicatur, quod inuadentis occisio non intendatur, ut si-

nis, sed ut medium ad sui defensionem, seu conseruationem ordinatum: Nam qui vult occisionem tanquam medium, vult occisionem formaliter, ac directe intenditque illam, sed intendere occisionem inuasoris non licet priuatæ personæ, vt seipsum defendat iuxta D. Thomam, ergo neque vt medium, licet eam intendere, aut velle.

Et hanc esse mentem D. Thomæ, ex eo etiam patet, quod S. Doctor in eo art. 7. sic ait: *illicitum est, quod aliquis intendat occidere hominem, et seipsum defendat, nisi ei, qui habet publicam auctoritatem*, hominem autem alium hominem occidere, vt se ipsum defendat, est velle, & intendere occisionem hominis, ut medium ordinatum ad sui defensionem; Sed S. Thomas dicit illicitum esse, quod aliquis intendat occidere hominem, vt se ipsum defendat, ergo vult illicitum esse, quod aliquis intendat, & velit occisionem hominis, ut medium ordinatum ad defensionem sui.

Et confirmatur. Nam S. Thomas in eodem art. dicit, quod illicitum est, quod homo intendat occidere hominem, vt seipsum defendat, nisi ei, qui habet publicam auctoritatem, certum est autem, quod intendere occisionem hominis, ut finem non licet, nec etiam homini habenti publicam auctoritatem; debet enim occisio hominis ordinari ad bonum commune, vt licita sit, & honesta, nec proinde debet occisio hominis intendi, vt finis in ea sistendo. Cum ergo S. Thomas ait, quod esse licitum homini priuato intendere occisionem alterius, non est contra sancti Doctoris sensum.

sus est, non esse licitum alicui intendere occisionem alterius hominis, ut medium ad sui defensionem, nam quod nulli sit licitum eam intendere, uti finem nullus dubitat, & res est extra controuersiam.

Cum autem dicimus, non esse licitum inuaso directe intendere inuadentis occisionem, nec etiam ut medium ad sui defensionem ordinatum, non ideo relinquitur, licitum esse inuaso inuadentis occisionem indirecte intendere. Certum est enim ex dictis non esse licitum inuaso intendere inuadentis occisionem ullo modo, nec etiam indirecte; nam hic locum non habet uolitio indirecta occisionis; quia ponimus in animo inuasoris non debere esse, nisi intentionem se defendendi, nullo autem modo inuadentis occisionem. Unde non assentimur Cardinali Caietano in *eodem comment.* qui etsi dicat nullo modo licere inuaso velle occisionem inuadentis, neque ut finem, neque ut medium, ait tamen licere inuaso velle inuasi occisionem, ut effectum subsequutum. Id enim est contra id, quod docet S. Thomas *art. 7. citato*; Nam ibi S. Thomas appellat occisionem effectum per accidens, & præter intentionem defendentis se ipsum; quapropter effectus ille non potest dici uolitus nec etiam indirecte ab homine se defendente. Potest quidem, sed illicitè, is, qui se defendit, velle occisionem inuadentis, ut effectum ex sua defensione subsequutum, & tunc indirecte uellet occisionem inuadentis, sed licitè solum potest uelle defensionem sui, occisionem uero inuadentis, etsi ab ipso inuaso præ-

uideatur futura, potius eam debet nolle, quamuis sequaturam sciat; Nec uerò fit, quod effectus is non contingat præter intentionem agentis, & per accidens, ex eo quod præuideatur futurus; nam potest agens ipsum non intendere, & sic posita etiam illius præuisione potest effectus contingere præter intentionem agentis, Quapropter effectus ille, qui est occisio, nulla ratione potest dici moralis, & voluntarius ipsi defendenti se. Et ratio est manifesta. Quia effectus ille, non est directe voluntarius, ut patet; Neque indirecte, quia non tenetur inuasus omittere defensionem sui moderatam, quam occisio inuadentis consequitur, quia plus tenetur prouidere uitæ propriæ, quam alienæ, ut ait S. Thomas.

Exemplum quod affert Caietanus est optimum, probans tamen contra eundem Caietanum, quod occisio inuadentis non possit, nec uti effectus intendi ab inuaso. Est autem illud de Medico, qui intendit sanitatem infirmi, per potionem, vel incisionem venæ, ex quibus consequitur debilitatio infirmi. Tunc enim constat, quod Medicus non intendit directe, vel indirecte debilitare infirmum, neque accipit pro medio debilitationem, sed solum permittit illam. Sic etiam Deus concurrit ad aliquam operationem, quatenus bona est, ut cum concurrit ad entitatem actus, qui tamen est peccatum, quatenus est à libero arbitrio, contra legem operante; & tamen nullo modo intendit Deus peccatum, neque directe, neque indirecte, neque est causa peccati, sed permittit peccatum. Ita

omnino se habet, qui se cum moderamine inculpatae tutelae defendendo inuadentem occidit. Nam actio illa se defendendi simul est defensio sui, & occisio inuadentis, aliter tamen, & aliter, nam est defensio sui physice, & moraliter, quia per actionem illam intenditur sui defensio, actiones autem humanae, ut diximus supra, desumunt speciem moralem ab eo, quod intenditur, est autem eadem actio occisio inuadentis tantum physice, quia occisio illa non intenditur, quod enim non intenditur non constituit speciem in moralibus.

Quare mors aggressoris non est proprie medium ad sui defensionem, sed est effectus ex ea consequens, sicut enim, quando Medicus vult aegrotum curare, vel per potionem, vel per venae sectionem, quamuis noverit ex ea potione, aut sectione sequi posse debilitatem infirmi, non tamen assumit illam debilitatem tanquam medium ad curationem, imò neque illam verè intendit, cum mallet curare aegrotum absque eiusmodi debilitate, si posset, sed solum eam permittit, vel negligit, iudicans non idcirco sibi abstinendum ab exercitio suae artis; Ita qui inuaditur, quamuis videat, quod non possit se tueri à morte, nisi inuasorem occidat, non propterea assumit mortem inuasoris, tanquam medium ad sui defensionem, sed solum eam non euitat rationabiliter existimans, quod non teneatur abstinere ab illa sua defensione (moderata) etiamsi mors alterius inde sit sequutura.

Vnde optimè Bannes adnotat, quod nusquam D. Thomas dicit,

quod occisio hominis sit medium licitum personae privatae ad conseruationem vitae, sed inquit, quod ipsa defensio est medium ad conseruationem vitae, & quod ipsa occisio est effectus per accidens consequutus, & praeter intentionem.

De illis autem, qui dicunt, licitum esse velle occisionem, & eam intendere tanquam effectum necessario consequutum ex defensione vitae, ait idem Bannes, quod neque isti attingunt veritatem, & mentem D. Thomae, nam ipse appellat occisionem effectum per accidens, & praeter intentionem defendentis seipsum. Quapropter effectus ille nulla ratione potest dici moralis, & voluntarius ipsi defendenti se. Et ratio, inquit Bannes, est manifesta. Quia ille effectus non est directe voluntarius, ut patet, neque indirecte, quia non tenetur homo euitare illum effectum, dum se cum moderatione defendit, ergo nullo modo est voluntarius. Item falluntur in eo, quod dicunt, esse effectum necessario consequutum ex defensione vitae. Etenim si dum ego defendo vitam meam ipse aggressor separet se, non sequitur mors illius. At verò si persistat adhuc, & ego me non possum aliter defendere, tunc necessarium est ex suppositione, consequitur occisio aggressoris non ex ipsa defensione, ut est operatio defendentis volita, & moralis. Et propterea proprie respectu illius defensionis, dicitur effectus per accidens, & praeter intentionem operantis. Haec Bannes.

Quare causa physica occisionis illius est quidem ipse, qui se defendit,
non

non tamen est causa moralis, quia, si defendens se rectè in sui defensionem velit procedere, non debet occisionem intendere, sed solum defensionem sui; eius autem, quod non intenditur, sed præter intentionem agentis, & consequenter per accidens contingit, agens non est causa moralis, sed tantum physica, quatenus physicè tantum effectus ille ab agente procedit. Vndè quamuis vnus, & idem sit actus, quo inuasus se ipsum defendat, & quo inuadentem occidit, moraliter, seu in genere moris est defensio, non verò occisio, sed tantum physicè dicendum est occisio obrationem dictam.

Respondet Cardinalis de Lugo cum alijs Authoribus oppositam sententiam sequentibus esse disparem rationem de debilitate ægroti, & de occisione inuasoris: nam debilitatio ægroti non conducit ad sanitatem, sed euacuatio humoris noxi, quæ quia fieri non potest, quin simul debilitetur infirmus, permittitur ea debilitatio, non intenditur, nec eligitur. At verò mors aggressoris non est solum connexa cum alio medio, quod intenditur, sed ipsa per se, & vt mors est utilis, & necessaria iudicatur ad suam defensionem: hæc ergo mors intenditur, sicut qui abscindit manum putridam propter sanitatem intendit ipsam abscissionem manus. Hæc de Lugo, addens in hoc non posse esse controuersiam de re, sed de nomine.

Verum hæc responsio ex dictis corruit. Nam occisio, seu mors inuadentis dici nequit medium necessarium, & ex natura sua ordinatum,

aut ordinabile ad meram conseruationem vitæ personæ inuasæ; cum enim vita personæ inuasæ sit quoddam bonum priuatum, non est proindè bonum tale, vt pro eo solum conseruando debeat alia persona priuari suo proprio bono, quod est vita propria; Solum enim à natura institutum est, vt pro conseruando dumtaxat bono maiori destrui possit bonum minus, vt pro conseruatione totius destruat pars, & pro conseruatione corporis destruat membrum, & pro conseruatione boni vniuersalis destruat bonum particulare. Non ergo æquum est, vt alius priuetur à me propria vita, vt ego meam vitam conseruem, cum ab hac natura abhorreat, ac proindè mors, & occisio inuadentis, non est medium ex se, & ex natura sua ordinatum, aut ordinabile ad conseruationem vitæ hominis priuati, & consequenter non potest persona priuata, absque peccato intendere occisionem inuasoris, vti medium ad conseruationem propriæ vitæ ordinatum. Vndè relinquitur, quod si inuasus intendat, & assumat occisionem inuasoris, vti medium ad conseruandam propriam vitam, contra æquitatem operetur, & ex malitia sua assumat, vt medium ad conseruandam propriam vitam, quod ad eam conseruandam non potest esse medium; Quod si mors inuasoris iudicatur utilis ad conseruandam propriam vitam, est iudicium peruersum, & iniquum; Vndè licet inuasus possit, physicè si velit assumere ipsius inuasoris occisionem, vti med. ū ad conseruandam propriam vitam, ac proindè intendere occisionem inuasoris,

id tamen non potest licitè, & operando iuxta æquitatem, sed licitè potest solum intendere conseruationem propriæ vitæ mediante defensione sui ipsius in conflictu, quem habet cum. Aduersario, nullo verò pacto potest licitè intendere illius occisionem, quantumuis præuisam futuram, quæ proindè habebit rationem meri effectus præuisi ex defensione secuturi, sed non intenti, aut voliti. Hinc patet exemplum allatum ex sumptione medicinæ, vel ex sectione venæ optimè in rem præsentem quadrare: Nam sicut debilitatio illa assumi nequit uti medium ad sanandum infirmum, & si sit coniuncta cum sumptione medicinæ, & sectione venæ, ita nec ad conseruandum propriam vitam assumi potest, ut mediū occisio inuasoris, etsi hæc sit coniuncta cum defensione inuali; & sicut Medicus intendere debet dationem medicinæ, non quatenus annexam habet debilitatem, sed quatenus habet remouere humores noxios, ita & inuasus intendere debet actionem sui defensionem, non quatenus habet pro effectu occisionem inuasoris, sed quatenus habet pro effectu defensionem, & conseruationem sui ipsius.

Quod diximus, non posse licitè ab aliqua persona priuata. nulla publica auctoritate fugiente intendi, aut volitā esse mortē alicuius, nec etiam per ordinem ad bonum commune seruandum, intelligendum est de morte alicuius per occisionem ab ipsa priuata persona faciendam, quod nempe nulli priuatæ personæ liceat intendere, aut velle mortem alicuius, quæ ab ipsa priuata persona inferenda sit; nam

sicut priuata persona nullam habet auctoritatem occidendi aliquem, nec etiam ex motiuo seruandi bonum commune, ita nec licitè potest intendere, aut velle mortem, seu occisionem malefactoris ab ipsa priuata persona faciendam, nec etiam ex motiuo seruandi bonum commune. Et multò minus potest persona priuata intendere, aut velle mortem alterius illi à se inferendam ex motiuo conseruandi propriam vitam ab illo inuasam, ex ratione iam allata, quod nulla persona priuata facultatem, vel auctoritatem habeat vitam alteri adimedi, nec etiam ob defensionem vitæ propriæ, sed solum facultatem habet seipsum defendendi esto ad eam defensionem sequatur præter intentionem occisio inuadentis. Quare inuasus pro defensione passiva, & conseruatione propriæ vitæ potest eam actionem elicere, qua formaliter sit defensio sui, & materialiter tantum sit occisio alterius. Cæterum quamuis priuata persona non possit, nec etiam ob bonum commune seruandum licitè velle, aut optare mortem alicuius à se ipso, aut ab alia priuata persona formaliter, & ex intentione inferendam, potest tamen directè velle, & optare mortem ob publicum bonum ei à Iudice, seu Magistratu, vel à Deo inferendam, si aduertat nonnisi per mortem illius bonum commune conseruari posse.

Alia ad rem hanc aptè explicandam affert exempla Dominicus Bannes. Primum est tale. Infirmatur quis vehementer infirmitate stomachi, vel oppilatione ventris, ad cuius remedium necessè est meracis, & optimi vini magnam quantitatem sumere;

vnde

vnde rursus necesse est naturaliter, quod infirmus inebrietur. Tunc nihilominus secundum communem sententiam licita est illa medicina, non obstante ebrietate: quoniam ebrietas illa in eo casu est effectus per accidens, & præter intentionem accipientis medicinam per se ordinatam ad salutem. At verò si illa medicina immediatè dirigeretur ad ebrietatem, non esset licitum illam sumere, etiam si ex ebrietate rursus sequeretur conseruatio vitæ. Ratio est: quia *non sunt facienda mala, ut inde veniant bona*: sicut etiam non sunt relinquenda bona, quamuis præter intentionem operantis sequantur mala iuxta illud commune prouerbiū. *Potius scandalum nasci permittitur, quàm veritas relinquatur*. Aliud exemplum est. Si ad conseruandam vitam necessaria esset naturaliter expulsio superflui seminis, nihilominus non esset licitum vti medicina excitatiua pollutionis, quia tunc assumeretur medium, quod secundum se illicitum est; At verò si esset aliqua medicina, quæ immediatè ordinaretur ad confortandum partes vegetatiuas, vel ad purgandum hominem, vnde consequeretur physicè effusio seminis, licitum esset sumere talem medicinam, quia illa effusio seminis est effectus per accidens, & præter intentionem accipientis medicinam, nisi homo consentiat, vel desideret ipsam pollutionem, sicut potest etiam peccare se defendendo, qui gaudet de morte Aggressoris.

Duo verò documenta vniuersalia affert idem Bannes, ad dijudicandum, quinam dicantur effectus per acci-

dens, & in quo casu teneatur homo relinquere actionem aliàs bonam, ne inde consequatur malum, vel ad dijudicandum in quo casu, sit ei licitum prosequi bonam actionem, etiam si inde sequatur aliquod malum. Primum documentum est. Quando actio bona secundum se, ex qua sequitur aliquis effectus secundum se, illicitus, vel nocens alteri: Est tamen mihi necessaria ad conseruationem eius, ad quod habeo ius: erit mihi licitum in illa bona actione perseuerare: dummodò effectus ille per accidens consequutus, non sit noxius notabiliter bonis communibus: & multò magis erit licitum persistere in illa actione, quando ipsa est promotiua boni communis. Hoc documentum verificatur in actione defensionis propriæ vitæ, ad quam sequitur occisio aggressoris, & in sumptione medicinæ, ad quam sequitur per accidens ebrietas, vel emissio seminis. Verificatur etiam in bello iusto, quando Milites pugnantes contra hostes, & Ciuitatem occiderint pariter innocentes per accidens, & præter intentionem. Sic enim expedit communi bono, quod milites non desistant ab impugnatione Ciuitatis ob innocentium periculum.

Secundum documentum est. Quando actio illa, quæ bona est, aut certe non est mala secundum se non est tamen mihi necessaria, sed potius parum utilis, & si cessem ab illa, parum, aut nihil nocimenti mihi accidit: Et ex alia parte sequitur aliquod nocumentum notabile proximo: teneor cessare ab illa actione, vel ex charitate, vel ex iustitia, verbi gratia: Si quis recrean-

236 Raymundi Cardinalis Capisucchi

di animi gratia velit iaculari ad scopum, ad quam actionem ille ius habet, tamen si dum vult iaculari videat hominem transeuntem, & nihilominus iaculetur, & occidat hominem, non potest dici occisio illa effectus per accidens, & præter intentionem iaculantis, sed est illi indirectè volita illa occisio. Et ratio est, quia ille tenebatur cessare ab illa actione, ex qua cessatione parum, aut nihil damni reporratur, quamvis alias haberet ius, & potestatem iaculandi.

Quare ad rem nostram; occisio inuasoris est merè casualis respectu inuasi se defendentis, quia est præter eius intentionem, licet sit præuisa, & præcognita; nam est præuisa, non volita, & est præuisa, vt fortuita, non vt intenta, seu volita, nec est procurata, licet sit procurata defensio, ad quam sequitur occisio illa. Hac ratione pollutio sequuta ex equitatione dicitur casualis, & fortuita respectu equitantis, si vt potest, & debet eam non intendat, nec velit, etiamsi sit ab eo præuisa. Et idem dicendum de Parocho ex officio, vel de Sacerdote ex necessitate audiente confessionem Mulieris, si ad eam confessionem polluat, sed pollutionem non velit.

Pro huius maiori intelligentia animaduertendum est, ex communi, & recepta Theologorum doctrina, quod effectus aliquis duplici modo dici potest casualis respectu agentis, vno modo cum effectus nedum contingit præter intentionem agentis, sed nec est ab eo præuisus, nec præcognitus; Alio modo effectus aliquis dicitur casualis respectu agentis, cum effectus

ille quonq; modo accidit præter intentionem agentis, vt sit præcognitus, & præuisus, adhuc tamen contingat præter intentionem agentis, quia ab agente non intenditur, & hoc secundo modo inuasoris occisio est casualis respectu inuasi ab eo se defendentis; nec ex eo, quod occisio illa præuisa sit ab inuaso se defendente, est propterea inuaso voluntaria, nec etiam indirectè. Nam illud est indirectè volitum ab aliquo, quod ab eo potuit, & debuit impediri, & tamen non est impeditum. Quia autem non tenetur impedire effectum, aliquem etsi ab eo præuisum, non dicitur indirectè velle illum, nec illi imputatur ad culpam; nam in moralibus, vt aliquid alicui imputetur ad culpam, non sat est, quod operans potuerit illud vitare, sed exigitur, vt etiam teneretur illud vitare, & præterea exigitur, vt operans non det operam rei illicitæ, adhibeatque omnem diligentiam, & circumspectionem, quæ prudenter adhibenda est, ne effectus ille si malus est, sequatur. Hæc autem omnia concurrunt in re præsentī, nam iniuste inuasus dat operam rei licitæ, nam dar operam defensionī sui ipsius, non intendit occisionem inuasoris; & adhibet omnem diligentiam, ne mors inuasoris sequatur, nam defendit se cum moderamine inculpatæ tutelæ; quæ consistit, vt curet prius, si potest alijs modis mortem suam, & inuasoris euitare, si autem non possit propriam mortem euitare nisi occidendo occisorem, potest illum absque peccato occidere, quia non tenetur abstinere à moderata sui defensione, etiamsi

ad istam sequatur mors inuasoris; quia, ut diximus, unusquisque plus tenetur providere vitæ suæ, quam vitæ alienæ, & nullus interuenit consensus de morte inuasoris. Hinc rectè Bannes, ait, quod in defensione cum moderamine inculpatae tutelæ, idem actus materialiter est defensio, & est occisio, & quod causa physica occisionis passiuæ inuasoris est ipse defendens, qui tamen non est causa moralis occisionis, nisi fortè ex vindicta, & odio occidat aggressorem, cum se defendit, etiam cum moderamine inculpatae tutelæ.

Debet igitur inuasus suam rectificare intentionem hoc pacto. Primò debet intendere solum defensionem sui, & propriæ vitæ conseruationem, ita ut liceat præuideat, quod se defendendo inuadentem occidere possit, eam tamen occisionem, nec intendar, nec velit, nec probet, sed inuitus permittat, & toleret materialiter, ita ut in hoc moraliter non agat, sed patiatur, & eam occisionem nolit euenire, sed quia conseruatio vitæ propriæ aliter contingere non potest, non desistit à defensione sui, ad quam sequi potest illa occisio, vnde occisio illa est inuoluntaria simpliciter. Sciat insuper, se non teneri ad desistendum à moderata defensione sui, etiamsi præuideat ex ea sequi posse mortem inuadentis, idque ob rationem sæpius allatam, quod ipse plus teneatur providere vitæ propriæ, quàm vitæ alienæ.

Obijcies, omne, quod licitum est facere, licitum est intendere, & velic; Vnde cum licitum sit occidere inuasorem defendendo se cum mo-

deramine inculpatae tutelæ, videtur licitum, & velle occisionem illius, & intendere illam. Respondetur, quod eum dicitur licitum esse defendendo se occidere inuasorem, sensus est, quod liceat actionem sui defensionem elicere, quæ materialiter, sit etiam occisio inuasoris, sed quod liceat actionem elicere, quæ pro effectu formaliter, sed ab eliciente intento habeat defensionem sui, & pro effectu materialiter, sed non intento habeat occisionem, sed mortem inuadentis. Hinc actus voluntatis, quo licitè intenditur huiusmodi actio, est actus, quo intenditur sola defensio, aliàs omnes effectus præter intentionem agentis contingentes deberent esse voliti ab agente; vnde ex eo, quod licitum sit defendendo se inuasorem modo prædicto, hoc est materialiter occidere, deduci non potest, nisi quod liceat velle inuasorem occidere materialiter, id est præter intentionem, id autem non est intendere inuasoris occisionem, sed potius eam non intendere.

Obijci etiam posset, quod licitum sit optare malum temporale, aut mortem iniusti persecutoris, ac etiam ipsius inuadentis, ut ab iniusta vexatione desistat, ergò & licitum erit intendere mortem iniusti inuasoris, dum illum, defendendo se, occidit: Sed facile responderetur licitum esse optare mortem iniusti persecutoris, aut inuasoris, non tamen, ut inferendam ab ipso optante, sed à Deo, vel à Republica; hæc autem ratione mors inuasoris non intenditur ab inuaso, ut medium ad conseruationem sui, quia non eligitur ab ipso optante, ac proin-

dè nec intenditur, sed optatur, ut medium eligendum à Deo, vel à Republica ad remouendum malum.

Quia verò vnus, & idem actus est; quo inuasus defendit se ipsum ab inuadente, & quo inuadentem occidit, debet inuasus, cum se ab inuadente defendit, esse ita dispositus, ut intendat actum illum elicere, non quatenus esse potest occisio inuadentis, sed quatenus est defensio sui, seu debet actum illum elicere, quatenus habet pro effectu defensionem sui, non quatenus habet pro effectu occisionem inuadentis, etsi occisionem inuadentis sequuturam prouideat.

Rursus obijciunt Aduersarij, quod in praxi difficile appareat, quod aliquis vulnus lethale infligat alicui, & non intendat, nec velit illi tale vulnus infligere, ac proinde non velit eius occisionem, & mortem.

Respondetur; quod sicut inuasus seipsum defendens, non debet, ut iam diximus, intendere, aut velle inuasoris mortem, ita nec debet intentionem habere infligendi vulnus lethale, sed solum intendere debet propriam defensionem, & hoc in praxi haud erit difficile, si uti potest, ex duobus illis actionis defensionis effectibus, qui sunt sui defensio, & inuasoris occisio, cum tantum intendat, scilicet sui defensionem, quæ sicut est distincta ob occisione, & morte inuasoris, & sine hac dari potest, ita & sine hac potest intendi: Hac ratio. ne Colonus, qui terram fodit ad eam colendam, etiamsi sciat, se in eo loco facile inuenire posse thesaurum, commodè intendere potest, & vel- le solam terræ culturam, ita ut

inuentio thesauri sit effectus per accidens, & præter eius intentionem; etiamsi ab eo sit probabiliter, vel etiã certò præuisa, iuxta ea, quæ superius diximus. Idque in casu defensionis propriæ magis apparet, quo quis seipsum defendens, & ictus in sui defensionem in inuasorem vibrans, non est certus, quod ictus vibratus, sit lethalis, & quod inuasi mors ex eo sequutura sit, de hoc enim certus esse nequit, nisi sequuta inuasoris morte; nam tempore antecedenti, cum ictum vibrat, & si re ipsa lethalis sit, hoc tamen ictum vibranti certum esse nequit, ac proinde tempore illo mortem inuasoris antecedenti, capax est inuasus ad non habendam intentionem occidendi inuasorem, & in ipsum lethales ictus vibrandi: nam incertitudo illa futuræ mortis inuasoris, & lethalitatis ictus, iuuat ad hoc, quod inuasus defendens se, possit non habere intentionem ipsum occidendi, & aliàs hæc intentio non est necessarîo coniuncta cum intentione se defendendi; Quapropter cum eo tempore, quo ictus exit è manibus inuasi erga inuasorem, nondum sit inflictum vulnus lethale, nec mors sit illata, nec certus sit inuasus, quod per ictum illum inuasoris mors sit ponenda, benè potest habere intentionem solum se defendendi, non verò intentionem occidendi inuasorem. Inflicto verò lethali vulnere, & iam sequuta morte inuasoris ita rectificare potest inuasus suam mentem, ut non probet eius mortem, eiusque occisionem, sed probet tantum suam defensionem, & de illa gaudeat, de morte verò inuasi dolat;

leat; & actionem per quam seipsum ab inuasore defendit, probet, quæ defensio sui fuit, non qua fuit occisio inuasoris. Ea enim actio, & fuit sui defensio, & inuasoris occisio, & bene potest probari, vt defensio, non verò, vt est occisio. Nec inaudizum est in Scholis, quod eadem actio ex diuerso respectu possit esse bona, & mala, & approbari secundum vnâ rationem, & secundum aliam rationem improbari: Sic eadem crucifixio Christi, vt erat à ludæis ipsum crucifigentibus impia erat, & grauissimum peccatum, ac Deicidium, ac detestanda; sed vt recipiebatur in Christo, & ab eo acceptabatur bona erat, & probanda. Et idem dicitur de actione, qua Martyres à Gentilibus cruciabantur; Sic igitur in casu nostro, potest optimè, qui inuasorem defendendo se occidit, gaudere de actione illa qua inuasorem occidit, non qua occisio fuit, sed qua fuit sui defensio.

Et ex his patet, quinam sit sensus nostræ assertionis, cum dicimus, quod liceat alicui defendendo se aliquem occidere, est enim sensus, quod liceat alicui eam actionem elicere, qua se defendat, etiam si ad eam actionem sequatur mors inuasoris per accidens, & præter intentionem se defendentis, & quod mors illa ei non imputetur ad culpam, eo quod liceat se ab iniulto inuasore defendere, & quod ab ea defensione eum moderamine inculpatæ tutelæ prællita, non tenetur abstinere ad seruandam vitam alterius, vt dictum est.

Diximus autem, quod liceat alicui defendendo se aliquem occidere,

hac enim loquendi formula vtitur Sanctus Thomas in titulo articuli, nam quæstionem excitat sub his verbis; *Utrum alicui liceat aliquem occidere defendendo se*; & respondet affirmatiuè; nam quæstio, & resolutio sub his verbis cōcepta, rem melius explicat, casualitatē videlicet, & fortuitarē mortis inuasoris, quàm si diceretur, quod liceat in defensionem propriæ vitæ inuasorem occidere; Cum enim dicitur, quod liceat alicui defendendo se aliquem occidere, per hæc significatur, quod occisio illa accadat, dum aliquis se defendit, seu defendendo se, ac proindè sit fortuita: si verò quis dicat, quod liceat in sui defensionem aliquem occidere, videtur sensus esse, quod liceat eligere, & ordinare occisionem inuasoris, vt medium in sui defensionem, & conseruationem, id enim significare videtur propositio illa *in*, vel *ad*; quod fieri non posse suprâ ostendimus.

Nec obstat, quod S. Thomas in argumento, sed contra articuli sexti, *quæstionis 64. cit.* ex allata Exodi auctoritate, concludat, quod occidere aliquem pro defensione vitæ licitum sit, nam Sanctus Doctor non semper in argumento, sed contra quæstionem soluit, nec ijs formulis vtitur, quibus quæstio soluenda est. Id enim præstat in corpore articuli. At aliquando in argumento, sed contra proposuit argumentum contrarium alijs argumentis, quæ primò proposuit, deindè quæstionem in corpore soluit. Quare cum in prioribus argumentis auctoritatem S. Augustini proposuisset, in qua S. Augustinus asseruit, quod non liceat pro conseruanda vita ag-

gref-

gressorem occidere, proposuit in argumento sed contra Exodi auctoritatem, in qua haberi videtur, quod liceat pro conseruanda vita aggressorem occidere: sed quæstionem postea soluit in corpore, & in solutionibus argumentorum. Ad auctoritates allatas ex S. Augustino. respondet S. Augustinum in eis velle, non esse licitum aggressorem ex intentione occidere, seu aggressoris occisionem intendere, & hanc intentionem designari per illam præpositionem *Pro* in verbis Augustini, cum ait, non licere pro his, quæ contemnenda sunt aggressorem occidere, quod scilicet non liceat intendere aggressoris occisionem. At verò in argumento, sed contra, ex illa auctoritate Exodi arguit, licitum esse defensione vitæ aggressorem occidere, non vt sententiam suam Sanctus Doctor ijs verbis exprimat, quibus explicanda erat, & postmodum explicat, sed vitur verbis contrarijs verbis contentis in primis argumentis, vt quæstionem hinc inde argumentis vallatam proponat, eadem postea in corpore, & in solutionibus argumentorum, vt par est, solutus.

Itaque iuxta S. Thomam cum dicitur, licitum esse pro defensione, aut conseruatione propriæ vitæ aggressorem occidere, sensus est, quod liceat ordinare, seu referre, ac eligere occisionem aggressoris, vt medium ordinatum ad conseruationem, vel defensionem propriæ vitæ, quod est occisionem illam intendere, & hoc esse licitum negat S. Thomas idque etiam S. Augustinum negare dicit. Quare in præsentī quæstione, non est ea for-

mula vsurpanda, qua dicatur, licitum esse pro conseruatione, aut pro defensione propriæ vitæ aggressorem occidere, sed ea formula vsurpanda est, qua dicatur, quod licitum sit alicui, se defendendo aggressorem occidere.

Ex intentione licitum est stando in Iure Diuino solum, & naturali occidere hominem noxium Reipublicæ, quia homo est membrum Communitatis. Et idè sicut licitum est abscindere membrum corruptum, & nocens toti corpori, ita est licitum iure Diuino, & naturali hominem perniciosum, & boni communis corruptorē interficere, & est notū lumine naturæ, quod maius bonum debet præferri minori bono, & priuato bono publicum bonum.

Tale autē homicidiū de iure naturali, & Diuino est solum cōmissū Reipublicæ, aut publicis Magistratibus, & Principibus, qui habent curam Reipublicæ, vt patet ex Paulo ad Rom. 13. *Non sine causa gladium portat, vindex est enim.*

At ex intentione occidere hominem semper est prohibitum homini priuato, nunquam enim id licet. Non enim est commissā cura publici boni defendendi, nisi publicis personis, ergo nulli priuato sua auctoritate licet ex intentione occidere, & multò minus licet homini priuato ex intentione occidere intuitu boni priuati, vt ad defendendam vitam alicuius, vel etiam sui ipsius.

Omne aliud homicidium ex intentione est prohibitum in præcepto, *Non occides*, seu publicæ, seu priuatæ personæ, præterquam in casu præmisso,

misso, quando vita alicuius propter peccatum eius est penicioſa Reipublicæ. Nam de homicidio non ex intentione, quale contingit, cum quis defendit ſeipſum, vel Rempubicam, eſt alia quæſtio, & ex motu naturali cognosci poteſt.

Hinc nemo poteſt interficere ſeipſum, cum enim nemo ſit Iudex ſui ipſius, neque habeat authoritatem ſupra ſe ipſum, nulli licebit ſe interficere, etiamſi dignus non eſſet, & pernicioſus Reipublicæ.

Rurſus animaduertendum, quod deſenſio ſui nedum conſiſtit in repellendo ictuſ Aduerſarij inuadentis, ſed etiam in inſligendo. oppoſitos, ictuſ inuadenti, ipſumque contrarijs ictuſ impetendo: ſi enim inuadens deſiſtere uoluit ab impetendo, licitum eſt inuaſo ipſum ictuſ directe impetere, directe, inquam, non quia directe intendere poſſit occiſionem inuadentis, iam enim diximus, quod occiſio inuadentis. nec directe, nec indirecte poteſt licite intendi; ſed dicimus, quod inuaſus poteſt licite ictuſ directe impetere inuadentem, hoc eſt, quod licite poſſit inuadentem petere ictuſ directe phyſicè in corpus ipſius tendentibus, ſeu quod licite poſſit elicere actum externum, quo ſimul, & ſemel ſe defendat, & inuadentem directe imperat; Neque enim, dum inuaſus iam uidet veriſimile periculum vitæ ſibi imminere expectare tenetur, quod priùs ſibi ab Aggreſſore vulnus inſligatur, ſed tuta conſcientia impetere poteſt Aggreſſorem deſiſtere nolentem; ita tamen, vt in hoc ipſo actu, quo Aggreſſorem directe impetit, non intendat ipſum

impetere, ſed ſolùm ſe defendere; idque inſuper faciat cum moderamine inculpatae tutelæ.

Vnde non eſt quæſtio de occiſione indirecta, qualis eſt, cum quis defendendo ſe ipſum, & inuadentis ictuſ reiſciendo, inuadens ex ſeipſo in enſem inuaſi irruens, occidatur; tunc enim inuaſus, inuadentem directe non occideret, ſed inuaſus ſeipſum occideret, temerè in enſem inuaſi irruens. In hac enim occiſione nulla eſt difficultas, quod nulla interueniat culpa inuaſi, & de hac occiſione nulla vnquam mota eſt quæſtio inter Doctores.

Difficultas igitur eſt de occiſione directa, An uidelicet alicui liceat occidere directe inuaſorem defendendo propriam vitam, hoc eſt, an liceat per actum directe tendentem ad occiſionem aliquem occidere, vibrando directe enſem, eiufque ictuſ in inuaſorem, defendendo, propriam vitam.

De hac igitur directa occiſione loquendo, dicimus licitum eſſe directe occidere inuaſorem defendendo propriam vitam, non quidem intendendo inuaſoris occiſionem, ſed ſolùm ſui deſenſionem, itaut etiamſi inuaſus impetat directe inuaſorem per ictuſ ad eius necem tendentem,

& præuideat inuaſorem per talem ictuſ forte occidendum, non intendat tamen illius occiſionem, ſed ſui deſenſionem.

* * *

In quo consistat moderamen inculpatæ tutelæ.

Moderamen inculpatæ tutelæ in eo consistit, quod quis tantum faciat, quantum præcisè est necessarium in defensione, & conseruatione propriæ vitæ, & non plus; ita vt in vi, seu violentia non sit excessus, & non plus faciat cum se defendit, quam sit necessarium ad euertendum malum, quod sibi intentatur. Vnde S. Thomas ait, quòd si aliquis ad defendendam propriam vitam, vtatur maiori violentia, quam oportet, erit illicitum; quia tunc non esset propriæ vim vi repellere, sed potius vim inferre, quod non licet. Vbi notandum, quod S. Thomas non dicit, esse illicitum maiore defensione vi, quam oporteat ad se defendendum, sed ait, esse illicitum vi maiori violentia, quam oporteat: si quis enim se defendat non impetendo inuasorem, (ex quo possit esse periculum vulnerandi, vel occidendi ipsum) sed obijciendo aliquod obstaculum parietis, ostij, vel armorum, aut rei cuiusvis alterius, quo hostiles ictus, vel arceat, vel auertat, parum refert sit ne maior defensio, quam oporteat, dummodò non adhibeatur maior vis, quam sit necessaria; supponit enim licitum esse adhibere vim, quia vim vi repellere licet: sed ait vim, seu violentiam non debere esse maiorem, quam oporteat ad defensionem propriæ vitæ, itaut si ad defensionem propriæ vitæ, sit necessarium impedire ictum aggressoris etiam per insi-

ctionem oppositorum ictuum in ipsum etiam lethaliū, si hoc fieri potest infligendo illi vnum vulnus, non infligat illi plura vulnera, vel si id fieri potest per vulnus non adeò graue, non fiat per vulnus nimis graue.

Præterea secundum aliquos requiritur aliqua paritas in armis, vel saltem, quod non sit inter arma inuadentis, & inuasi disparitas notabilis, qualis esset si inuadens percuteret pugno, & inuasus se defenderet pugione, vel si inuadens aggrediretur gladio, aut pugione, & inuasus defenderet se archibugio. Vterius requiritur, quod defensio fiat in actuali conflictu, & aggressionem, & quod occisio sit ad defensionem.

At Cardinalis de Lugo *de iustitia, & iure tom. 1. d. spur. 10. sect. 6. num. 151.* cum Molina ait, regulam seruandam tam in externo, quam in foro interno, sumendam non esse ex potentioribus, vel non potentioribus armis inuasi, & inuasoris, vel ex usu armorum ad occidendum inuasorem, qui sine armis aggreditur; sed sumendam esse ex necessitate; potest enim aliquis armis indigere, vt se defendat ab aliquo potentiori inermi, & quis dicat, puerum, vel scominam non posse ferro vt ad defendendum se à viro, qui eos manibus velit suffocare.

Quinam iniusti Aggressoris nomine intelligendus sit.

Explicandum est præterea quinam veniant nomine iniusti ag-

gressoris, cum dicitur licitum esse iniustum aggressorem, se defendendo, occidere. Et dicendum est iniusti aggressoris nomine venire quicumque personam iniuste aggredientem, siue priuatam, siue publicam, siue subditum, siue Superiorem, seu Principem, siue filium, siue parentem, siue Clericum, seu Religiosum, siue Sæcularem, siue cuiuscumque gradus, & conditionis existentem, qui priuatè, aut ex odio priuato, & non publica autoritate, ac proinde iniuste inuadat, nisi fortè cum ageretur de occisione Superioris, seu Principis, ex cuius occisione magnum aliquod damnum sequuturum esset in Republica; nam si damnum illud certum non esset, etiamsi timeretur damnum, non videtur quod propter damnum non certum, sed dubium, aut probabile Reipublicæ, debeat innocens iniustam mortem subire.

De Aggressore iniusto materialiter.

SVnt in his difficultates aliquæ breuiter expediendæ, & primò, difficultas occurrit de inuadente iniuste materialiter, id est, de illo, qui absque sufficienti notitiâ, vel libertate alium inuadit, qualis esset amens, vel ebrius, aut puer, aut qui inuincibili ignorantia laborans, putat se teneri ad alium occidendum. Ex eo autem dicitur inuasor iniustus materialiter, quia licet ipse non peccet inuadendo, insert tamen realiter damnum indebitum, vel saltem modo indebito, ac proinde si non inferat iniustum formale, insert iniustum

materiale. De hoc igitur est difficultas, an talem inuasorem possit inuasus defendendo se occidere. Et affirmatiue respondendum est, nam quicumque ius habet conseruandi propriam vitam contra quemcumque iniustum inuasorem, ac proinde etiamsi inuasor non peccet inuadendo, quia tamen iniuste inuadit, inuasus ius habet seipsum contra ipsum defendendi.

Cardinalis de Lugo excipit casum quando constat ebrium, vel phreneticum esse in statu peccati mortalis, à quo post phrenesim, vel ebrietatem poterit resurgere; è contrà verò moraliter credas te esse in statu gratiæ; quia tunc verè non potest proximus sibi consulere, & subuenire in illa extrema necessitate, & periculo certo æternæ damnationis, nisi tu vitam propriam exponas pro eius remedio. Hic tamen casus, inquit, de Lugo, rarissimus erit, quod constat illum esse in statu peccati, ob quod in æternum damnandus sit.

Sed adhuc in huiusmodi euentis licet citè posse inuasum contra tales inuasores, propriam vitam, cum modamine inculpatæ tutelæ, vsque ad necem inuadentis defendere, sentit Franciscus Amicus *rom. 5. disp. 36. sect. 2. num. 89.* & rationem reddit, quia non est mihi certum, an talis inuasor sit aliàs vitam æternam consecuturus, etiamsi tunc non occidatur: nec est mihi certum an ego sim in gratia Dei; cum his autem dubijs certam mortem oppetere non teneor. Adde ebrium inuasorem fuisse in culpa, qui se in huiusmodi angustias coniecit. Vnde sibi imputare debet.

Nec de amente ad tempus certum est, illum ad seipsum reuersurum ante mortem, etiamsi nunc illam euadat. Ceterum si mihi certum foret moraliter, & me moriturum in gratia, & inuasorem aliquando vitam æternam consecuturum, omninò lege charitatis obligarer, permittere me occidi potius, quam occidere; non tamen peccarem contra Iustitiam secus faciendo, nec tenerer ad damna resarcienda. Hæc Anicæ,

De inuaso, qui alicui inuadendi occasionem dedit.

Secunda difficultas occurrit de inuadente alium, qui sua culpa inuaditur, seu qui causam occasionemque dedit, vt inuaderetur, an videlicet talem inuadens dicendus sit iniustus inuasor, seu aggressor; ita vt is, qui sua culpa inuaditur, possit se defendere etiam cum occisione inuasoris: & affirmatiuè respondetur. Ratio est, quia is, qui sua culpa inuaditur potest se tueri etiam occidendo inuasorem, quando non est aliud remedium euadendi; Quamuis autem ille, qui sua culpa inuaditur peccet faciendo id, quod agit, iniuste tamen inuadietur, cum inuasor non habeat ius ipsum occidendi, ergò inuasus potest se tueri etiam occidendo inuasorem. Ita Bannes 2. 2. q. 64. art. 7. Syluius *ibidem* *questio* 2. Petrus Nauarra *lib.* 2. *cap.* 3. *num.* 362. & alij communiter contra S. Antoninum in 3. *par. tit.* 5. *c.* 8. §. 1. & alios asserentes, quod licitum sit se defendendo occidere inuasorem, præterquam quando is, qui inuadiur

dedit culpabilem causam aggressori, qualem dat adulter Marito in adulterio deprehensus, & ille, qui alterum laceffiuit conuicijs, vt se aggredieretur. Affertur pro eadem sententia etiam Martinus Nauarrus in suo *Manuali* c. 15. *num.* 7. Sed Syluius in *secunda secunda* q. 64. art. 7. *quasi* 2. obseruat, quod Nauarrus ibi dicit, eiusmodi adulterum, esse homicidam quoad irregularitatem. Ceterum, si quis ita per suam culpam daret causam aggressionis, vt iuste posset inuadi, peccaret se defendendo, & occidendo, quia non licet occidere iustum aggressorem. Verum nunquam dicitur iustus aggressor, qui nomine priuato aggreditur; & adulter ex iniuria, quam facit Marito per adulterium non amittit ius uaturale de defendenda propria vita, neque Maritus ex iniuria illa sibi illata acquirit ius inuasorem interficiendi.

Et confirmatur, nam ius conseruandi propriam vitam non fundatur in eo, quod quis non sua culpa inuadatur, sed in eo, quod quisque ius habet conseruandi suam vitam contra quemcumque, qui non inuadit publica authoritate, ergò siue ipse inuasus dederit, vel non dederit causam, dum priuata authoritate inuaditur, semper ius habet à natura se contra talem inuasorem defendendi. Obseruat tamen Bannes, quod si adulter, vel laceffitor præuidit pericula mortis futuræ ex actione propria, peccat certè peccato homicidij in corde suo, quando tale periculum præuidens, nihilominus statuit se in illo constituere. At verò postea in ipso periculo positus non amittit ius se

se defendendi, immò tunc illi est maior ratio se defendendi; donec doleat de peccato, quod non est ita facile in illo conflictu, & perturbatione animi.

Idem ius conferuandi vitam habent Malefactores contra eos, qui priuata autoritate ipsos inuadunt, qui proinde aggressores iniusti dicendi sunt; vnde potest publicus malefactor defendendo suam vitam aggressorem occidere ante latam sententiam, & publicam potestatem occidendi factam; nam iure vitam suam possidet, proinde iure potest illam, contra quemcumque iniustum aggressorem tueri.

Quænam fuerit S. Augustini de Inuasoris occisione sententia.

Plures propter aliqua loca, quæ mox adducemus putarunt Sanctum Augustinum negasse esse licitum occidere inuasorem etiam cum moderamine inculpatae tutelæ, quorum nonnulli S. Augustini autoritate moti eandem sententiam subscribere, vel saltem probabilem existimarunt. Hi sunt Augustinus Triumphus Augustinianus in *lib. de potestate Ecclesiastica quæst. 52. art. 3.* Tostatus in *c. 5. Matih. 9. 109.* Vasquez *cap. 2. de rebus. dub. 6. num. 18.* Augustinum eam sententiam sequutum fuisse affirmat, quam, inquit, quidam ex Canonistis amplectuntur, Molina *disput. 3. num. 3.* ait, *vehemens suspicio est Augustinum eius fuisse sententia.* Idem pro errore Sancto Augustino tribuit Adamus *cap. 3. pag. 585.*

Loca verò S. Augustini, quæ sententiâ hanc videntur exprimere, sunt sequentia: Primus locus est *lib. 1. de libero arbitrio cap. 5.* vbi disputat, *possitne citra culpam interfici hostis irruens, vel insidiator ficiarius, siue pro vita, siue pro libertate, siue pro pudicitia,* & postquam dixit, lege Romana grassatores posse impunè occidi, dum vitam alteri stricto mucrone auferre tentant, ait: *Legem quidem non reprehendo, quæ tales permittit interfici, sed quo pacto istos defendam, qui interficiunt, non inuenio.*

Et rursus in eodem cap. sic ait. *Legem quidem satis video esse munitam contra huiusmodi accusationem, quæ in eo populo, quem regit, minoribus malefactis, ne maiora committerentur, dedit licentiam; multò enim mitius est, eum, qui aliena vita insidiatur, quam eum, qui suam tuetur, occidi.* Ibi autem quærit: *Verum homines, quibus ciuiles leges inuasoris occisionem permittunt, aliqua vehementiore, ac secretissima lege teneantur tales non occidere.*

Rursus eodem cap. hæc ait S. Doctor. *Quomodo apud Diuinam prouidentiam à peccato liberi sunt, qui pro his rebus, quas condemnari oportet humanis ead. polluti sunt?* Eas autem res dicit esse contemnendas, quas homines iniusti amittere possunt. Horum autem præcipuum est vita corporalis, ergo iuxta Augustinum pro conferuanda vita corporali, nulli licitum est, hominem occidere.

Præterea *epist. 154. ad Publicolam,* sic ait. *De occidendis hominibus, ab eis quisquam occidatur, non mihi placet consilium, nisi forè sit miles, aut publica functione teneatur, ut non pro se hoc*

246 Raymundi Cardinalis Capisucchi

hoc faciat, sed pro alijs accepta legitima potestate, si eius congruat persona.

Dicendum tamen est S. Augustinum communem, & veram sententiam perpetuò docuisse, quod scilicet inuaso liceat inuasorem se defendendo cum moderamine inculpatæ tutelæ occidere, & ab hac sententia nunquam recessisse. Ita clarè ostendit Henricus Norius Augustinianus in *iudicijs Augustinianis* §. 9. ex his, quæ Sanctus Augustinus habet *tom. 4 quest. 84. in Exodum*. Ibi enim S. Doctor docet, quod in dubio, An fur me velit occidere possum iuxta legem Diuinam citra peccatum homicidij illum occidere, potiori iure eundem potero interficere, si certam mihi mortem stricto mucrone intontet: nec enim fas est dicere, Deum permisisse peccatum, & veluti lata lege non improbasse; etenim licet lex illa lata esset ad firmandam ciuilem Rempubli- cam Hebræorum, patet tamen Diuinam voluntatem permisisse homicidium, vti permisit mundani Legislatores, & sicut occidens inuasorem non agit contra voluntatem Legislatoris ciuilis, ita neque contra Legislatoris Dei voluntatem agere dicendus est. Hæc Norius.

Ibi autem ad illa Exodi verba: *Si effringens fur domum, siue suffodiens fuerit inuentus, & accepto vulnere mortuus fuerit, percussor non erit reus sanguinis, quod si orto Sole hoc feceris, homicidium perpetravit, & ipse morietur*. Ibi enim S. Augustinus disparitatem assignat, cur nocturnus fur citra homicidium interfici possit, non verò diurnus, ita inquires. *Intelligitur ergo nunc non pertinere ad homicidium si fur*

nocturnus occiditur, si autem diurnus pertinere &c. poterat quippe discerni, quod ad furandum, non ad occidendum venisset, & ideo non deberet occidi. Hoc & in legibus antiquis secularibus (ff. ad l. Aquil. l. 4.) Quibus tamen ista est antiquior, inuenitur, nempe occidi nocturnum furem quoquo modo, diurnum autem si se cum zelo defenderis, iam enim plus est quàm fur. Hæc Sanctus Augustinus.

Ex quibus constat illum in ea esse sententia, vt censeat licitum esse alij cui defendendo propriam vitam inuasorem iniustum occidere, siquidem & furem nocturnum occidere licitum esse dicit in dubio, an fur me velit occidere.

Ad loca verò eiusdem Augustini à principio allata, in quibus videtur oppositum sentire, variæ ab Authoribus adhibentur expositiones. Nam aliqui volunt S. Augustinum solùm velle non esse licitum præuenire vòlentem occidere ipsum occidendo. Quæ intelligentia videtur congruere authoritati allatæ ex epistola ad Publicolam: nam Publicola quæ fuit ab August. Primò; *Vtrum quis iussu possit interficere malos, ne ipsi alios occiderent?* Et respondet, quod non, nisi sit miles, vel potestas, qui faciat non pro se, sed pro vtilitate aliorum, &c. occidere autem malos, ne ipsi alios occidant, est malos præuenire occidendo.

Alij volunt quod S. Augustinus loquatur de eo, qui absque moderamine inculpatæ tutelæ inuasorem occidit.

Alij dicunt Augustinum loqui de illis, qui ex liuore, odio, aut vindicta inuadentem occidunt.

Norius

Norius verò loco citato ait eam Aggressoris occisionem ab Augustino improbari, quæ à libidine dominante deriuetur, eo quod cum aggressus aggressorem occidit, non ratio, sed cupiditas, & libido illi dominatur.

Et quod in libro illo primo de libero arbitrio loquutus fuerit vti Philosophus supra omnia corporea animum hominis ad veri sui boni cognitionem erigens.

Eo etiam pacto Norius Augustini sententiam explicat, ut quando aggressoris occisionem peccatum appellauit, intellexerit moralem defectum actionis, in quem incidit, qui relicto actu longè perfectiori, imperfectiorem eligit, vnde ex insipientia operari dicitur; at qui se permittit occidi, nec curat, cum possit neco hostis vitam redimere, excellentiorem quouis infortunio animum se habere monstrat, haud in bonis repurans vitam, quam amittere paratus est, & non habere paratior, &c.

Illud etiam addit idem Norius, quod S. Augustinus ex Sacris litteris, quas cum scriberet librum primum de libero arbitrio parum se calluisse testatur, postea peritiorem in eisdem effectum, oppositam sententiam ex eisdem Sacris litteris tradidisse.

At S. Thomas 2.2. *quæst.* 64. art. 6. ubi firmavit licere alicui occidere aliquem se defendendo, cum quò illa loca S. Augustini sibi obieciſſet sic respondet. *Ad primum dicendum, quod auctoritas S. Augustini (primo loco allata) intelligenda est in eo casu, quo quis intendit occidere hominem, ut seipsum à morte liberet; in quo etiam*

casu intelligitur auctoritas inducenda ex libro de libero arbitrio; unde signanter dicitur. Pro his rebus, in quibus designatur intentio, & per hoc patet responsio ad secundum.

Verùm hæc expositio non arridet Lusio Turriano Societatis IESV, nec Henrico de Noris Augustiniano, qui dicunt expositionem D. Thomæ in Augustinum non quadrare. Afferemus, & soluemus vtriusque argumenta. Turrianus igitur *10m. 2. in 2.2 D. Thomæ disp. 27. dub. 1.* Obijcit, quod Augustinus planè dicat, leges, quæ contendunt facultatem occidendi, solum permittere minora mala ad vitanda maiora. Secundò, quod Augustinus dicat se non videre, quomodo illi inculpati sunt (scilicet occisores inuadentium) licet leges sint inculpatæ. Quod absolute verum non esset, inquit Turrianus, si Augustinus putaret, posse priuatum hominem se defendere per occisionem inuadentis sine peccato, etiamsi solum intendat defendens propriæ vitæ conseruationem. Tertiò, quod Augustinus dicat, se non inuenire, quomodo hos homicidas possit defendere. Et tamen si de intentione loqueretur Augustinus facile posset dicere, illos excusari, quando solum intendant conseruationem propriæ vitæ. Denique epistola illa 154. solum excipit eos, qui autoritate publica occidunt alios, ut patet ex illis verbis. *Nisi forte miles, aut publica functione teneatur.* Hæc Turrianus.

Verùm hæc non obſtare expositio-
ni allatæ à D. Thom. euidentis est. Nam quod Augustin. loquatur de illis, qui occidunt inuadentes ex intentione occi-
dendi,

dendi, ut propriam vitam conseruent, id est de illis, qui pro conseruanda vita propria inuasores occidunt, ac proinde loquatur de illis, qui volunt occisionem, & mortem inuasoris, ut propriam vitam conseruent, patet ex verbis ipsius Augustini, ut optimè obseruat S. Thomas; nam Augustinus ait. *Quomodo apud Diuinam prouidentiam à peccato liberi sunt, qui pro his rebus, quas contemni oportet humana eade polluti sunt.* Inter res verò contemnendas recenset, & vitam; signanter enim dicitur (inquit S. Thomas.) *Pro his rebus,* nam in hoc designatur intentio. Vnde sensus D. Augustini est hic, quod apud Diuinam prouidentiam à peccato liberi non sint illi, qui pro vita conseruanda homines occidunt, seu qui occidunt homines, ut vitam conseruent, ac proinde volunt, & intendunt occisionem hominum, ut propriam vitam conseruent. Id enim crimen est, nam, ut dictum est supra, non licet homini priuato intendere, aut assumere uti medium ad conseruandam vitam occisionem, seu mortem alterius. Est igitur euidentius, quod Augustinus eos apud Diuinam prouidentiam non excusari dicat, qui occidunt alios, ut se conseruent; & est euidentius id non licere. Nam aliquem occidere alios, ut se conseruet, est velle occisionem alterius, ut conseruet seipsum, & ideo non licet. Hoc posito nil obstant, quæ opponit Turrianus; nam Augustinus bene dicit legem permittentem occisionem inuasoris ad conseruandam vitam inuasi dare licentiam minoribus malefactoribus, ne maiora committantur. Quia videlicet lex per-

mittit vnicuique defendere seipsum, & permittit etiam, ut qui inuaditur, occidat inuasorem, ut seipsum conseruet, ac proinde permittit uti minus malum, hoc, quod est inuasum velle, & intendere occidere inuasorem. Quia minus malum est, inquit, Augustinus, cum, qui alienæ vitæ insidiatur, quam cum, qui suam tuetur, occidi, etiam cum intentione occidendi; vnde ex hac parte, quatenus videlicet lex permittit minus malum ad euitandum maius malum, dicit Augustinus, se legem non reprehendere. Sed tamen addit, se non inuenire quomodo defendat illos, qui interficiunt, id est, qui interficiunt eo pacto, quo iam Augustinus se declarat, ut scilicet pro conseruanda vita occidant, id est, velint, & intendant inuasoris occisionem.

Et hæc esse mentem Augustini, patet etiam ex his, quæ habet in epistola illa 154. ad Publicolam. Ibi enim ait. *De occidendis hominibus, ne ab eis quisquam occidatur, non mihi placet consilium, nisi fortè sit miles, aut publica functione teneatur, ut non pro se hoc faciat, sed pro alijs, accepta legitima potestate, si eius congruat persona.* In his enim verbis primò notandum est, quod ait; *De occidendis hominibus, ne ab eis quisquam occidatur, non mihi placet consilium.* Hoc enim idem est, ac dicere, non mihi placet consilium, quod quis alium occidat, ut conseruet propriam vitam. Quod rursus idem est, ac dicere, non mihi placet consilium, quod quis velit, & intendat alium occidere, & de facto occidat, ut propriam vitam conseruet. Idem non licet ob rationes superius allatas.

Se-

Secundò notanda sunt alia illa verba. *Nisi forte sit miles, aut publica functione teneatur, ut non pro se faciat*; ut enim rectè obseruat S. Thomas art. illo 7. ei, qui habet publicam auctoritatem licitum est intèdere occisionem alterius, ut seipsum defendat, nam qui habet publicam auctoritatem intendens hominem occidere ad sui defensionem, refert hoc ad publicum bonum, ut patet, inquit S. Thomas, in milite pugnante contra hostes, & in Ministro Iudicis pugnante contra latrones. Illud ergo ait S. Augustinus quoad occisionem alterius non licere homini priuato, quod licere aut militi, aut personæ, quæ publica fuctione teneatur. Quod autem licet militi, aut personæ publicæ functione gaudenti, est, quod intendat occidere hominem in sui defensionem, nam hoc refert ad publicum bonum, ac proinde cum persona priuata, ut talis non possit occisionem alterius referre ad publicum bonum, hoc ipsum, quod est intendere occisionem alterius, non est ei licitum. Quod ergo negat, & improbat Augustinus in persona priuata est, quod velit, & intendat occisionem alterius, ut propriam vitam conseruet. Id autem non contingit in sententia vera, & communi, qua diximus licitum esse defendendo se inuasorem occidere, nam iuxta veram sententiam, non licet intendere, nec uti medium, occisionem alterius ad conseruandam propriam vitam, sed solum licet intendere defensionem sui, etiamsi ad hanc sequatur præter intentionem defendentis, occisio inuasoris, & hæc sequutura præuideatur.

Quod autem ciuilibus legibus permitti dicit Augustinus, scilicet, ut aggrediens ab aggresso occidatur etiamsi forte animo, & intentione occidendi occidatur, quia interiora cordis leges ciuiles non attendunt, hoc ipsum bene dicit Augustinus secretissima Dei lege prohiberi, nam Dei lex prohibet, quod quis aliquem occidat animo & intentione occidendi.

Et hic est verus processus discursus Augustini; qui autem aliter illum discurrere putant, præpòterè Augustinum intelligunt.

Ex his patet quantum à veritate distent Authores illi qui asserunt, licitum esse velle, atque intendere occisionem inuasoris, ut medium ordinatum ad defensionem inuasi; id enim non licet, ut constat ex rationibus superius allatis, & improbat manifestè à S. Augustino.

At verò Henricus Noris §. citato, ubi retulit expositionem Angelici Doctoris, subdit illius sententiam vix posse in praxim reduci, eo quod insurgente ira, animoque in sui defensionem subito erecto, illa intentio haberi non possit. Mox addit explicationem Sancti Thomæ non esse ad mentem Augustini, nam Augustinus occisionem aggressoris inde esse malum probat, quia oritur ex cupiditate seruandi vitam, quæ non debet amari, sed contemni. *Quomodo enim, inquit, apud eam (Diuinam prouidentiam) sunt isti à peccato liberi; qui pro ijs rebus, quas contemni oportet, humana cade polluti sunt?* Et antea. *Non enim lex eos cogit occidere, sed relinquit in potestate; liberum eis itaque est nomen*

nam necare, pro ijs rebus, quas inuiri possunt amittere, & ob hoc amari non debent. At S. Thomas vult (inquit Noris) ex instinctu naturæ amare vnumquemq; suam vitam, quantum potest, ex quo amore sequatur defensio ad illam conseruandam, etiam cum morte insidiantis. Inter illa verò, quæ contemni debent, ibidem vitam reponit Augustinus, eo vtens dilemmate, de vita animæ, dum corpus interimitur. *Si auferri potest contemnenda est, si non potest nihil metuendum.* Et Angelicus Doctor, illam intentionem ex ira contra hostem infici malitia opinatur; at Augustinus nimia concupiscencia, & immoderato amore erga se occisionem illam vitari existimauit. Hæc Norius.

Verùm quod Angelici Doctoris allata positio, pugnet cum positione Augustini, vt adeo confidenter pronunciat Norisius, non video. Nec enim ista duo inter se pugnant, scilicet. Quod occidens inimicum pro conseruatione propriæ vitæ peccet, quia hoc facit ex libidine, & immoderato amore vitæ, quam deberet contemnere, vt vult Augustinus; & quod occidens aggressorem pro conseruatione propriæ vitæ peccet, si occidat ex intentione occidendi, quia, videlicet intendat occidere, & non ita actionem occisuiam eliciat, vt intendat solum sui defensionem, etsi per accidens, & præter intentionem sequatur aggressoris occisio, etiam præuisa. Hæc duo, inquam, inter se non pugnant, immo rectè coherent. Nam quod aggressus ex immoderato amore propriæ vitæ moueatur ad occidendum aggressorem, non excludit, im-

mo compatitur hoc, quod scilicet idem aggressus ex intentione occidendi, velit aggressorem occidere. Quis enim dicat, hæc duo inter se pugnare? Immo duo hæc nedum sunt compatibilia in eodem homine, sed sunt omninò, ac necessarò connexa: nam qui ex intentione occidendi aggressorem ipsum occidit ad conseruandam propriam vitam, ex immoderato amore propriæ vitæ id facit, nam qui non fertur immoderato amore erga propriam vitam, cum inuaditur ab aliquo, & se ab eo defendit, conuentus est defensione sui, & defensionem sui tantum intendit, non verò occisionem inuadentis. Qui verò immoderato amore fertur erga propriam vitam educitur, vt occisionem aggressoris intendat, eamque velit vt propriam vitam defendat. Cum ergo S. Augustinus supponat occidentem aggressorem ex immoderato amore propriæ vitæ illum occidere, in hoc ipso inuoluit intentionem occidendi: posita verò intentione occidendi, actio illa, probanda non fuit à S. Augustino: nam intentio occidendi aliquem in priuata persona propter bonum priuatum, est intrinsecè mala, & illicita, vt contineant argumenta superius allata; nec ad ea, nisi verba inutilia ab Aduersarijs afferri animaduerti. Inficitur ergo occisio illa inuasoris ex immoderato amore propriæ vitæ, & ex intentione occidendi, nec ista duo pugnant inter se, vt putat Norisius, sed benè simul compatiuntur; immò connexa sunt, vt ostendimus. Et hanc esse mentem Augustini constat ex his quæ habet in laudata epistola ad Publicolam; nam in ea habet, se occisionem

nem alterius, ne quis occidatur solum in eis probare, qui sunt publicæ personæ, quæ scilicet nomine Reipublicæ, & autoritate à Republica habita occidunt, uti sunt milites, & Magistratus, hi enim possunt intendere privatz personæ occisionem, cum id ordinare possint in commune bonum Reipublicæ ex facultate sibi à Republica concessa, quæ utique intendere potest occisionem privatz personæ propter bonum commune, vnde quæ publicis personis convenire dicit Augustinus, id privatis personis negat. Igitur privatis personis negat Augustinus occisionem cum intentione occidendi peractam, nam occisionem alterius defendendo se, ac præter intentionem præstitam, licitam esse dicit loco citato in Exodum.

Rursus nec diversa sunt, aut inter se pugnancia, ut Norisius putat, quod S. Augustinus doceat, aggressum aggressorem occidere ex immoderato amore suæ vitæ, & S. Thomas doceat, aggressum ex instinctu naturæ se defendere, quatenus ex instinctu naturæ se ipsam, propriamque vitam unusquisque diligit. Nam aliud est, quod quis ex instinctu naturæ se diligit, propriamque vitam ab aggressore defendat, & in hoc non peccat, idque vult S. Thomas; aliud verò est, quod quis ex immoderato amore suæ vitæ aggressorem occidat, quem amorem immoderatum tunc adesse arguitur, cum quis ex intentione occidendi, aggressorem occidit, & in hoc peccari, ait Augustinus, idque S. Thomas non negat. Itaque cum quis immoderato amore vitam pro-

priam diligit, intendit aggressoris occisionem, & idè illum occidendo peccat: qui verò non immoderato amore propriam vitam diligit, sed solum instinctu naturæ in eam fertur, non intendit aggressoris occisionem, sed solum suæ vitæ defensionem, idè non peccat, etiamsi defendendo se, aggressorem occidat. Quare cum eo loco S. Augustinus aggressoris occisionem damnat, eam damnat aggressoris occisionem, quæ fiat ex intentione occidendi aggressorem.

Vndè loca omnia S. Augustini optimè inter se consonant, ita ut opus non sit ad alias expositiones recurrere, quæ Sancti Doctoris mentem non attingunt.

Et mirum est, quod Authores præfati confidenter, & veluti extripode definiant, expositionem, quæ Angelicus Doctor, Sanctum Augustinum explicat, non esse ad mentem Augustini, quasi ipsi peritiores sint, ac feliciores, quàm Angelicus Doctor in penetranda mente Augustini, cum tamen Angelicus Doctor Augustini lingua, & calamus appellatus sit, quod nonnisi Augustinum in suis operibus, ac præsertim in summa redoleat.

Ad illud verò, quod ait idem Norisius sententiam de non intendenda inuasoris occisione vix posse in praxim reduci, quod surgente ira, animoque in sui defensionem, illa intentio haberi non possit. Respondetur negando intentionem illam in casu haberi non posse, potest enim facile haberi, si inuasus velit, uti potest solam defensionem sui intendere,

etiam cum Aduersarium vulnerat. Sed & eadem, & maior difficultas occurrit in sententia, quæ, asserit occisionem iniuasoris intendendam esse vti medium ad sui defensionem, videtur enim difficile, quod qui actualiter cum Aduersario confliat distinguere possit inter medium, & finem; Vnde facilius est, si cum hoste eongrediens ita suam voluntatem disponat, vt decernat solum se defendere, & solum defensionem suam intendat, non verò Aduersarij occisionem, etiam si futuram illam præuideat. Eadem difficultas etiam esse posset de moderamine inculpatæ tutele, seu de moderata defensione, qua vti debet ille, qui cum Aduersario decertat, videtur enim difficile in actuali consilio mensurare istud, eisque modum præscribere, ne se defendens maiori vi utatur, quam oportet, & tamen, certum est, iniuasum se ab iniuasore defendentem in sui defensione, moderata defensione vti debere. Non est igitur vera difficultas ea, quæ obijcitur aduersus expositionem D. Thomæ, eum argumentum à difficultate petiit, omnes teneantur soluere in difficultate, quæ occurrit in adhibenda moderata defensione.

De Authoritatibus Sanctorum Ambrosij, Anselmi, & Basilij, quos profe afferunt Aduersarij.

Obiiciunt secundò, Aduersarij S. Ambrosium lib. 3. offic. c. 4.

vbi de Christiano dicit, quod etiam si in Latronem armatum incidat ferientem, referre non possit, & in cap. 22. Lucæ, vbi ait: *Lex referre vetat, & ideo fortasse Petro duos gladios offerenti, sat est, dicit (Christus) quasi licuerit usque ad Euangelium.*

Respondetur cum Syluio in Commentario art. 6. questionis 64. in 2. 2. quod Ambrosius priori loco docet iniuriam non esse iniuria propulsandam, neque nobis licere repercutere eum, qui nos percussit, quando id non est ad nostri defensionem necessarium, vt si is qui percussit percute, re cesset, velle enim talem repercutere, manifestè pertinet non ad necessariam defensionem, sed ad priuatam vltionem. Vnde S. Ambrosius non, utitur verbo defensionis, aut æquiualentem, sed referendi. Referre autem in sui notione, non defensionem significat, sed potius vltionem, quamuis & pro defensione interdum sumatur. Posteriori loco Ambrosius docet maiorem perfectionem in Evangelio consili: Cum enim in lege non prohibeatur iusta defensio, Evangelici tamen Consilij est ab ea abstinendo ferre patienter iniurias. Hanc responsionem iuuat, quod postquam Ambrosius ea dixit, quæ obijciuntur subiungit, *Vt sit in lege aequitatis eruditio, in Evangelio bonitatis perfectio.*

Obijciunt tertio, S. Anselmum, qui super verba illa Apostoli ad Rom. 12. *Non Vosmetipsos defendentes Charissimi*, ita scribit: *Si quis vos aggressus fuerit, non percutientes eum, sed finite iram persecutoris in vobis impleri.*

Re.

Respondetur in verbis Apostoli non defensionem propriè dictam, sed ultionem prohiberi, eamque prohibebet, sicut cum dicit, nulli malum pro malo reddentes, ac etiam cum addit, non Vosmetipsum defendentes, seu vt in Græco est, *Vliscentes*, quomodo verbum defendendi sumitur etiam Iudith. 1. v. 2. Iudith. 2. v. 1. Iudith. 2. v. 2. De illo enim, qui publica potestate fungitur c. 13. scribit, quod Dei Minister est vindex in iram ei, qui malum egit. Cum ergo dicit, Sed date locum ira, Diuinæ scilicet, sensus est, ultionem Diuino iudicio relinquit, Dominus enim dicit, mihi vindicta, hoc est ad me spectat officium vliscendi iniurias; Ego reddam, officium illud exequens, siuè per me, siuè per meos Ministros, quando mihi videbitur. Et idem vult Christus Dominus cum Matth. 5. dicit, *Ego autem dico vobis non resistere malo*; vult enim, vt illatas iniurias patienter feramus, nec velimus priuata autoritate vlisci, & malum pro malo reddere. Hoc modo & Anselmum loco citato esse intelligendum manifestum est; postea enim subdit hæc verba, *Non Vosmetipsum defendentes*, proinde valere, ac si Apostolus dicat, *Quid opus est vos ipsos vestras ultum ire iniurias? Quin potius, quod in vos peccatur, quasi fratribus, & proximis ex corde remittite.*

Obijciunt quarto. S. Basilium 10. 2. in *Ethica*, seu *moralis Regula* 49. cap. 2. cuius titulus est. *Quod nullo modo debet Christianus cum aliquo pugnare, aut seipsum defendere, sed aduersum omnes, si fieri possit ex mandato Domini pacem seruare.*

Et in ipso cap. 2. in corpore, sic ait. *Audistis, quod dictum est, oculum pro oculo, & dentem pro dente; Ego autem dico vobis non resistere malo, sed si quis te percusserit in dexteram maxillam, prabe illi, & alteram, & quæ sequuntur; Charitatem habete in vobis, sed & pacem habete inter vos.* Nulli malum pro malo reddentes, providentes bonæ coram omnibus hominibus, si fieri potest, quod in vobis est, cum omnibus hominibus pacem habentes. *Non Vosmetipsum defendentes.* Charissimi, sed date locum ira, seruum autem Domini non oportet litigare, sed mansuetum esse err. ga omnes.

Respondetur S. Basilium intelligendum esse sicut & Anselmum; quod videlicet velit, nos illatas iniurias patienter ferre, nec alijs iniurijs eas vlisci. Quod patet etiam ex his, quæ subdit cap. 3. cuius titulus est, *Quod neque etiam cum iniuria alter afficiatur, volentem illum vlisci debemus.* Idque in corpore eiusdem cap. suadet exemplo Christi, qui Petro, qui exempto gladio percussit seruum Principis Sacerdotum dixit, *Conuertere gladium tuum in locum suum &c.*

Vel etiam dici potest Basilium loqui in sensu, quo S. Thomas 2. 2. q. 40. art. 1. ad 2. ex Augustino lib. 1. de *Sermone Domini in Monte* cap. 34. & 35. dicit intelligenda esse verba illa Christi Domini Matth. 5. *Ego autem dico vobis non resistere malo.* Quod videlicet hæc pertineant ad præparationem animi, vt scilicet homo sit paratus non resistere malo, vel non se defendere, si opus fuerit. Vnde quod sequitur, *Si quis te percusserit in dex.*

dexteram maxillam, prae illi & alteram, conformiter est accipiendum, ut significetur eo nos animo esse debere, ut parati sumus ad alteram iniuriam recipiendam si inferatur, potius, quam ad vindicandam priorem.

Possent obijci auctoritates aliorum Patrum, sed loquuntur de vindicta, ut Cyprianus *lib. 1. Epist. 1.* & Cyrillus Alexandr. *lib. 11. in Ioannem cap. 35.*


Illud Matth. 26. ubi Dominus Petro volentise, & ipsum defendere dicit (*omnes qui acceperint gladium gladio peribunt.*) Et illud ad Rom. 12. *Non vos defendentes Charissimi.* Intelligendum est, quod Petrus reprehenditur primò, quia defensio illa habebat potius speciem vindictae, quam defensionis; non enim erat probabile tantam turbam tali modo posse repelli. Secundò; quia erat contra Domini voluntatem, cuius responsum debebat expectare. Tertiò. Quia Dominus non habebat opus tali defensore, nec decebat eum tali modo defendi. Quartò. Quia erat contra Patris ordinationem, qui volebat, ut filius eorum vini iniquam non defugeret. Videatur Augustinus *tract. 112. in Ioannem.*

Illud verò ad Rom. 12. *defendere,* ubi accipitur pro *relicui,* ut patet ex Græco. Simili modo Iudith. *cap. 1. & 15.* accipitur.

Reliquæ Aduersariorum obiectiones solvuntur.

Objiciunt etiam, quod inuasore occidendo infringatur Dei lex, *Non occides,* in qua hic, & nunc non apparet clara exceptio.

Respondetur, quod cum aliquis defendendo se aliquem occidit, nullatenus infringit legem Diuinam de non occidendo; Nam præceptum Diuinum de non occidendo prohibet occisionem, quæ moraliter sit occisio, ad hoc autem requiritur, ut intendatur occisio ab occidente, nam si occisio non intendatur ab aliquo, si occisio sequatur actualiter, & si præuisa ab eo, qui non tenebatur abstinere ab actu, ad quem sequitur occisio, actus ille non est occisio moraliter, sed tantum physicè; nam actus huiusmodi sumunt speciem moralem ab eo, quod per se intenditur. Ut autem dictum est supra, qui defendendo se alium occidit, si solum intendat, uti potest, defensionem sui, cum non teneatur abstinere ab actu propriæ defensionis, ad euitandam mortem alterius, quia plus tenetur providere vitæ suæ, quam vitæ alienæ, actus ille, quo se defendit, quoque solam defensionem sui intendit, moraliter est solum defensio sui, quæ est actus licitus, licet physicè sit etiam occisio, quatenus eiusdem actus effectus intentus est defensio agentis, & effectus præter eius intentionem est occisio passiva, seu mors inuadentis. Non ergo huiusmodi occisio infringit legem, aut præceptum Diuinum de



de non occidendo, nam huiusmodi actus non habet malitiam occisionis, ac proinde non prohibetur per legem Diuinam. Et hæc est vera, & germana solutio argumenti allati, desumpta ex visceribus, ut ita dicamus ipsius rei, & ex doctrina D. Thomæ, qua, ut vidimus ostendit licitum esse alicui defendendo se aliquem occidere.

Obijciunt præterea, secundum ordinem Charitatis debemus præferre salutem proximi spirituales nostræ corporali; Cum autem aggressor, si occidatur, amittat salutem spiritualem, & quidem irreparabiliter, videtur quod inuasus potius debeat permittere se occidi, ne alter damnetur.

Respondetur ex doctrina apud omnes recepta, quod ordo Charitatis, secundum quem debemus salutem proximi spirituales præferre vitæ nostræ corporali, non obligat, nisi in casu necessitatis, quando scilicet vita nostra corporalis necessaria est proximo ad salutem ipsius spirituales; ita ut nisi vitam propriam periculo exponamus, proximus non possit consequi, vel tuam salutem suam spirituales; Aggressor autem non est in aliqua simili necessitate, sed ipse spontè, & ex mera malitia se conijcit in periculum, è quo etiam se potest eripere, si cesset inuadere, & vulnerare, absque eo quod inuasus permittat se occidi. Deinde is, qui inuaditur, non est certus de sua salute spirituali, casu quo permetteret se nunc occidi.

Eadem habet Cardin. Caietanus in *Comment. dicti artic. 7.* his verbis. *Ad*

hoc dicitur, quod licet magna charitatis esset, ut is, cuius vita non est necessaria aliena salutis spirituali, priuari separaretur vita præsentis, ut inuasor haberet spatium penitentie, & sic se dederet, ad hoc tamen non tenetur, quoniam ponere vitam pro anima proximi, non est actus charitatis, ad quem de necessitate tenemur, nisi in casu, quo tenemur eius salutis providere; Constat autem, quod hic non est casus talis, quoniam iste in nullo est necessitatis, sed iniquæ voluntatis articulo constitutus. Quia igitur defensori incumbit cura providendi salutis propriæ vitæ; nec tenetur providere vitæ corporali, aut spirituali inuasoris, consequens est, ut cum ordinata dilectione charitatis amet magis salutem spiritualem proximi, quam vitam propriam, & tamen hunc actum tutelæ non prætermittat, cum consequente damno utriusque vitæ alterius: Quia ad hunc effectum non tenetur, nisi in casu, quia non est sibi commissæ cura de illo, sed de corpore proprio. Et sic ratio, quæ super cura suæ corporalis vitæ fundatur, stat solida, & tantò plus, quanto satis à remotis, hoc est per accidens effectus illius defensionis. Potest enim in instanti penitere, & est alterius ordinis ab effectibus corporalibus, qui etiam per accidens sunt à defensione illa. Hæc Cardinalis Caietanus.

Eadem habet *Soto de Iustitia, & Iure lib. 5. q. 1. artic. 8.* ubi eadem argumento respondit his verbis: *Ad argumentum ergo, conceditur ordine Charitatis magis esse diligendum salutem spiritualem proximi, quam*

nostram corporalem, hæc autem Charitatis lex solum obligat, ut quoties ad eiusmodi spiritualem salutem mea fuerit temporalis simpliciter necessitas, debeam illam periculo offerre. Exempli gratia. Laborat Civitas aliqua, vel persona, ignorantia vincibili, quam ego solus possum tollere, deberem certe ordine charitatis, cum periculo vite veritatem detegere; Item si mihi incumbit ex officio; Nam tempore pestis tenetur Prælati, & tempore belli Princeps non deferere Populum, quia hoc secundo casu non sola Charitas, verum & Iustitia concurret; Vbi autem vita mea non est necessaria, sed ipsi sciant se male agere, & possunt cessare, & sua culpa non cessant, ego non teneor: sed ad perfectionem Charitatis quandoque id pertineret. Et hoc expressè docet S. Thomas *art. cit. in solut. ad 3. & quæst. 25. eadem 2. 2. art. 8.* ait, quod licet dilectio inimici in præparatione animi sit necessaria, quando necessitas occurrerit, tamen extra talem necessitatem diligere inimicum non est nisi de perfectione Charitatis. Ad propositum ergo ut descendamus; Qui me vi armata priuatim adurit sua culpa id facit, quare mea vita non est illi necessaria, & idè non teneor illi succumbere. Aliàs occasio porrigeretur nefandis hominibus iustos inuadendi, nempe dum certi essent ab illis, se non esse occidendos: simili enim audacia Machabæorum hostes Sabbathæ eos adoriebantur, arbitantes eos tunc non posse pugnare. Quare ut legitur *1. Machab. 2.* decreuerunt, diebus etiam illis sanctis sese armis defendere.

Haud ergo est consequens. Teneor diligere salutem proximi spiritualem præ mea corporali, ergo teneor illam extra casum necessitatis plus seruare. Vnicuique namque mandata est cura sue vite, suorumque bonorum, non autem alienorum, etiam si pretiosiora sint. Sicut seruare Pater tenetur magis filium suum, quam exterum, longè meliorem. Hæc Soto.

Tandem Ægydius Gabrielis obijcit, quod nullus Christianus est, qui sic occidat, quem conscientia non torqueat, & idè confiteatur occasionem suam, & nullus est, qui audeat mori sine tali confessione, si saltem est timoratus. Ex quo colligitur, inquit, non esse euidens in Christianismo, quod liceat sic occidere.

Respondetur esse adè euidens, quod liceat alicui defendendo se aliud occidere, ut cum id sit conforme omni iuri etiam naturali, idque vniuersimodè affirmetur à Theologis cum D. Thoma, & cum omnibus Iuristis, oppositum ab aliquibus iudicetur temerarium, ut supra vidimus.

Ad motium igitur propositum. Respondetur, quod quando quis est certus, quod defendendo se cum moderamine inculpate tutelæ inuasorem occidit, cum hac ratione non peccauerit, non debet id uti peccatum confiteri; Quia tamen aliquando quis dubitat, an se defenderit cum moderamine inculpate tutelæ, vel etiam certus est, se moderamen inculpate tutelæ non adhibuisse, idè id in Confessione exprimit, quia prout sic non est immunis à culpa.

Ex dictis constat sententiam assertentem licitum esse alicui defendendo

do se inuasorem directè occidere, non esse solum multorum modernorum, vt ait Aegydius Gabrielis, sed esse generaliter omnium Theologorum, cum suo Principe Diuo Thoma, & omnium Iuristarum, & pro ea stare omnia iura, & ius ipsum naturale: Nec pro sententia opposita stare D. Augustinum, aut alios Patres, sed

Augustinum pro communi sententia stare, & alios Patres nulatenus à communi sententia recedere, vt iam ostensum est. Quare inmerito opinio negans licitum esse alicui defendendo se inuasorem directè occidere, inter opiniones tutiores ab eodem Aegydio recensetur.

QVAESTIO SEXTA.

Vtrum liceat alicui futurum Aggressorem præuenire illum occidendo.



Puturi Aggressoris nomine ille hic intelligendus est, qui dispositus est, ac expeditus ad aggrediendum, et si de facto non aggreditur. Nam de illo, qui supponitur, quod certò aggreditur, cum verificari nequeat, quod non aggreditur, cum contradictoria verificari nequeant, nugatoriè quæreretur, vtrū liceret illum præuenire. Igitur futuri aggressoris nomine, ille intelligitur, qui dispositus est, ac expeditus ad aggrediendum, & in proposito aggrediendi permanet. Hic enim verè dicitur aggressor futurus. Nam futurum non solum est, quod erit, sed etiam, vt communiter dicitur à Philosophis, ac Theologis, futurum est, id, quod habet determinationem in suis causis ad hoc, vt sit in aliquo determinato tempore, aut duratione

subsequente illud instans, pro quo dicitur esse futurum, vidè futurum distinguitur à re præsentī in hoc, quod hæc dicit existentiam de præsentī, illud verò connotat negationem prædictæ existentie in seipso habitæ in eo instanti, in quo dicitur esse futurum. A re verò præcisè possibili secernitur in hoc, quod possibile, vt tale, non est determinatum ad hoc, vt sit in seipso in aliquo certo, & determinato tempore; Dicitur est autem illud etiam dici futurum, quod habet determinationem in suis causis ad hoc, vt sit in aliquo determinato tempore &c. Non verò solum id, quod erit in aliquo determinato tempore: quia ad rationem futuri satis est, & requiritur illud prius. Vndè Aristotiles 2. de Generat. Text. 64. dixit, quod *futurus quis incidere, non incedet*. Et S. Thomas p. 1. q. 19. art. 7. ad secundum, inquit: *Multa sunt in virtute, & scientia, & voluntate*

esse Divina, quæ non continentur sub ordine causarum inferiorum, sicut resuscitatio Lazari, unde aliquis respiciens ad causas inferiores dicere poterat, Lazarus non resurget, respiciens vero ad causam primam Divinam, poterat dicere Lazarus resurget. Et utrumque horum Deus vult, scilicet, quod aliquid quandoque sit futurum secundum causam inferiorem, quod tamen non est futurum secundum causam superiorem, vel contra: Idem dicit de veritate q. 12. art. 10. ad 7. ubi explicans testimonium illud, quod est Aristotelis nuper adductum, inquit: Aliquod potest dici esse futurum, non solum ex hoc, quod ita erit, sed quia ita ordinatum est in causis, ut sic sit futurum. Sic enim Medicus dicit, iste sanabitur, & iste morietur; & si aliter contingat, non falsum dixit, sic enim tunc futurum eras ex ordine causarum, quod tamen possibile est impediri, & tunc quod futurum erat, consequenter non erit futurum. Unde Philosophus dicit in 2. de generatione, quod futurum quis incedere, non incedit. In re nostra igitur futurum Aggressor, de quo quaerimus, utrum liceat illum prævenire, dicitur ille, qui exterius, & interius dispositus est ad aggrediendum.

Est autem quaestio inter Doctores, utrum liceat prævenire inimicum, illumque priusquam aggrediatur occidere.

In qua re aliqui volunt licitum esse inimicum prævenire, ipsumque occidere, quando ille aliquid egerit, vel agat, quod censeri possit aggressio, vel aggressionis inchoatio. Cuius plura adduntur exempla.

Primum est. Si quis in Oppidulo,

vel domo aliqua conclusus, unde nullum pateat effugium, sed necessè sit ei transire per manus inimici ipsam expectantis, ut interficiat.

Secundum est, si vxor in eodem cubiculo conclusa deprehendat pugionem sub cervicali, certoque sciat, quod per eum sit à Marito interficienda.

Tertium. Si Dominus vocet famulo, qui te sint absque vilo dubio interfecuri, nisi tu ipse illum priusquam aduenerint, interficias.

Quartum. Si quis falsis criminibus apud Iudicem agat in mortem alterius, neque aliàs sit spes effugij quam per mortem talis accusatori, aut falsorum Testium.

In primo casu licitum esse inimicum prævenire, ipsumque occidere tradunt Dominicus Soto lib. 5. de Iustitia, & iure quest. 1. art. 8. & nonnulli alij.

Itè in secundo casu licitum esse affirmat Nauarrus in *Manuali* c. 25. n. 3. Bannes in 2. 2. q. 64. art. 7. dub. 4. Tolet. in *Summa* lib. 5. cap. 6. Lopez par. 1. cap. 62. Petrus Navarra lib. 2. cap. 3. num. 349. Molina de *Iustitia*, & iure disp. 12. & speculatiue hanc sententiam probabilem putat Lessius dub. 8. num. 47. & valde probabilem Bonacina disput. 2. de restitu. q. ult. sect. 1. punct. 9. num. 7. eamque amplectuntur alij recentiores. & alij quos congerit Diana par. 5. tract. de homicidio resolut. 7. Eamdemque sententiam nonnullis argumentis probat Cardinalis de Lugo tom. 1. de *Iustitia*, & iure disp. 10. sect. 7. num. 165. & sequen. quamvis in fine addat; quod in praxi vix potest occurrere casus, in quo

quo sit necessarium, & licitum, calumniatorem occidere.

At in quæstione, vtrum liceat inimicum præuenire tria dicit Cardialis. de Lugo *sect. cit. num.* 156.

Primum, non esse licitam præuentionem, quando ille alius nondum decreuit te occidere, scis tamen, quod cras decernet, vel ex certa reuelatione, vel coniecturis humano modo certis, quia scis cras habiturum notitiam de offensa aliqua à te illi irrogata, v. g. de tuo adulterio, & attempta eius natura, & ingenio, certum moraliter est, quod volet se vindicare, nec eius manus poteris effugere. In his casibus, inquit de Lugo, non licet præuenire, quia verè adhuc est innocens, nec coepit de hoc cogitare: Vnde non nisi tyrannicè fecerunt aliqui Principes, qui leguntur tentasse occidere infantes, quos ex oraculis, vel prædictionibus nouerāt Regnum usurpaturos: Offensa enim futura, dum causa nullo modo posita est, non dat ius se defendendi ab eo, qui nihil adhuc contra se machinatur.

Secundum, quod de Lugo ait, est. Certum videri, non requiri, quod ille iam incæperit te lædere; nam defensio inquit, non est in ordine ad offensam factam, sed ad impediendam futuram, ne fiat: Quare si iam præparauit armā, vel quid aliud fecerit ad exequendum decretum te occidendi, iam incepit te inuadere, & potes te defendere. Sic Rex certò sciens, alium Regem adornasse classem, vel præparare exercitum, vt eum inuadat, potest præuenire, vt eius causam impediat, quia iam aduersarius incepit offendere, dum con-

tra eum necessaria disposuit, vt lædat.

Tertium. Quod si ad defensionem cum detrimento aduersarij sufficit (vt videtur sufficere) quod decreuit te occidere, idque aliquibus amicis confidenter manifestauit, sufficeret etiam decretum merè internum habere, & si tibi ex Dei reuelatione, vel alia via constaret; quia per illam manifestationem amico factam non sit inuasor, sed solùm est manifestatio inuasionis, vel decreti inuadendi, ergò non magis inuaderis in vno casu, quàm in alio. Re tamen vera in vtroque inuaderis aliquo modo, quia iam in se se incepit mouere ad lædendum: primus enim, & præcipuus motus est, quo voluntas se ipsam mouet, & profert sententiam contra te, quia iam posuit primum principium, & imperium totius exequutionis subsequenti, quod est principium totius belli iniuncti, quod tibi inferendum est.

Et addit. Quod licet ad poenā à Iudice, vel à lege humana infligendam non sufficiat delictum internum, quia Iudex humanus attendit solùm, ad regulam humanam, & visibilem, & ideo non potest de merè internis iudicare, cauè punire, quia sunt extrà sphæram suæ iurisdictionis, & sui finis; ad defensionem tamen procurandam, sufficit voluntas efficax Aduersarij de te occidendo: quia ius, quod iure naturæ habes ad te defendendum, non est ad puniendum; nam licet ille alius non peccet, quia amens est, potes te iure naturali defendere; sed ordinatur omninò ad defensionem tuam: Defendere autem non.

est propriè loquendo aduersus eum, qui te lædit (hæc enim prout sic erit vindicta) sed aduersus eum, qui te lædere vult. Solùm ergo respicit voluntatem lædendi, vt possis te defendere, & impedire effectum: siuè ergò voluntas illa interna manifestetur per signum externum, siuè per reuelationem Dei, iam datur totum id contra quod ius naturale te armat ad defensionem tuam, nempe voluntas efficax te lædendi. Nec refert, quod non dicendus sit inuasor externus: defensio enim, & ius ad ipsam non magis oritur ex actu externo, quàm ex interno inuasionis, cum vterque actus constituat te in æquali periculo, à quo non nisi per tale medium elugere non poteris.

Hinc infert, quid dicendum sit, quando scis aliquem petere tuam vitam, & conuenisse cum alijs, vt te ex insidijs occidat, quas aliter effugere non poteris, nisi illum, qui per assassinos te vult delere, interfici cures. Et post relatam Bannelij sententiam affirmantem ait, id etiam Lessium affirmare, quando periculum sit iam præsens, vt si actu mandet, vel suadeat famulo, vel sicario, vt te occidat; Parum enim refert, inquit de Lugo, quod per se, vel per alium inuaderet: & hanc sententiam ipse non reprobatur. Si verò periculum esset longinquum, vt si coniurauit in tuam necem, iamque cum sicarijs egit, vt opportunitatem quærant te occidendi, ait, Lessium non probare eam doctrinam in praxi propter periculum abusus, & quia perarum est, vt non semper suppetat alia ratio mortis euadendæ. Addit tamen de Lugo,

casum illum etsi rarum, non tamen metaphysicum esse, & se non credere naturale ius homines absque remedio reliquisse aduersus iniquissimos aggressores. Et concludit, Molinam vniuersaliter docere, fas esse interficere eum, qui nos interficere deereuit, quando aliter non patet via, graue periculum euadendi, quod nobis ex illo decreto imminet. Per quod Cardinalis de Lugo videtur inclinare in eandem sententiam.

Pro quæstionis resolutione sit.

ASSERTIO VNICA.

In nullo ex prædictis casibus, aut consimilibus, immò nunquam, licitum est alicui inimicum præuenire, quantumuis ille aliquid egerit, aut agat in ordine ad aggressionem, si actu, & physice personam alterius in actuali conflictu non aggrediatur, seu non inuadat.

Ratio est. Quia quicquid aliquis agat, aut egerit ad alium inuadendum, nisi actu illum aggrediatur, & inuadat in actuali conflictu non est verè, & propriè inuasor, seu aggressor, nec actiones illæ sunt veræ inuisiones, aut aggressiones, immò nulla ex illis actionibus est aggressionis inchoatio. Aggressio enim, seu inuasio tunc contingit, cum quis actu,

actu, & physice agit in personam alicuius, ipsique vim physice infert, & inchoatio aggressionis est huiusmodi actionum inchoatio; iura verò non permittunt, quod aliquis alium vi repellat, nisi cum ille per vim physicam actu agit, vel agere incipit in alterius personam, cum illa actu confligendo, eamque actualiter per seipsum, vel armis impetendo, Et hoc pacto Doctores communiter intelligunt illud, quod iure naturæ vim vi repellere liceat, in actuali scilicet conflictu, & constat cap. signifiasti 2. de homicidio, ubi dicitur, *quammis vim vi repellere omnes leges, & iura permittant; idque debere fieri cum moderamine inculpate tutela, non ad sumendam vindictam, sed ad iniuriam propulsandam.* Certum est autem, quod vis alicui non infertur, nisi cum agitur physice in eius personam, & iniuriam non propulsari, nisi quando actu infertur.

Et cap. si verò de sent. excomm. dicitur: *Si Clericum vim sibi inferentem vi quis repellat, vel ledat, non debet propter hoc ad Sedem Apostolicam transmitti, si incontinenti vim vi repellat. Cum vim vi repellere omnes leges omniaque iura permittant.* Vbi etiam dicitur secundum iura licitum esse vim vi repellere, si incontinenti vim vi quis repellat, quod quidem non fit, nisi cum actu, & physice infertur vis in personam alicuius. Unde supponitur uti necessarium ad licitam defensionem, ut vis sit illata; certum est autem, quod vis non infertur, nisi cum inuaditur physice persona. Unde re vera actio, qua quis agit in eum, qui adhuc personaliter non læsit, nec lædere incepit, non est defensio, sed

aggressio, hæc autem non est licita.

De quarto casu, in quo iuxta Authores prædictos licitum est occidere illum, qui falsis criminibus apud Iudicem agit in morte alterius, si non sit alia spes effugij nisi per mortem accusatoris, aut falsorum Testium, notandum est opinionem istam damnatam fuisse in decreto Alexandri Septimi Summi Pontificis 24. Septembris 1665. nam inter propositiones in eo decreto damnatas, decima octava hæc est (*Lices interficere falsum ac usatorem, falsos testes, ac etiam iudicem à quo iniqua certò imminet sententia, si alia via non potest innocens damnum evitare*) Hæc autem propositio est illa, quam in quarto casu docent prædicti Authores.

Immo in damnatione huius propositionis videntur aliquo pacto damnatæ reliquæ propositiones de præuentione inimici in reliquis casibus recensitis, & in quocumque alio casu. Nam & falsus accusator, & falsi testes, iam aliquid egerunt aduersus accusatum, illum falsò accusando, & contra eum testificando apud Iudicem, & Iudex ipse aliquid contra accusatum egisse supponitur, processura scilicet, & alia necessaria ad sententiam ferendam, quæ propter hoc imminere dicitur; & tamen damnata est opinio, quæ asserit licitum esse tales accusatores, & testes, talemque Iudicem occidere, etiam antequam iniquam sententiam ferat, & accusatum morti tradat, ergò iuxta hæc non est licitum inimicum præuenire, & occidere, etiam si aliquid egerit in ordine ad aggressionem alterius.

Nec ea, quæ pro contraria sententia

262 Raymundi Cardinalis Capisucchi

tia assertio Cardinalis de Lugo sunt aliquis momenti. Nam quod ait; certum videri, non requiri, quod ille iam inceperit te lædere, eo quod defensio non sit in ordine ad offensam factam, sed ad impediendam futuram, ne fiat, & hinc si iam præparauit arma, vel quid aliud fecit ad exequendum decretum te occidendi, iam incepit te inuadere, & potes te defendere, est falsum: nam dicendum est potius, oppositum certum esse. Nam ut quis ab alio se defendat, debet vim pati ab illo, ut constat ex dictis, ac proindè requiritur, quod ille iam inceperit te lædere; Non enim potest quis pati vim ab aliquo, nisi ille incipiat eum lædere. Nec verum est defensionem esse in ordine ad impediendam offensam futuram; nam ex ipsis terminis patet, id falsum esse; defensio enim dicitur per ordinem ad offensionem, & cum defensio sit in actu, & consistat in actu secundo, respicit ut correlatiuum offensionem actualem, & præsentem, & in actu secundo positam, aliàs defendens seipsum non defenderet se ab offendente, sed à præparante se ad offendendum, & actio illa non esset defensio, sed aggressio. Quare licet defensio non sit in ordine ad offensam factam, & completam, est tamen in ordine ad offensam inceptam; offensio autem non dicitur incepta, nisi cum persona in se, aut in suis bonis offenditur, ac proindè falsum est, quod qui præparauit arma, vel quid aliud fecit ad exequendum decretum te occidendi, iam inceperit te inuadere, & posse te ab illo defendere.

Explicatur magis hoc ipsum, &

confirmatur assertio nostra contra Cardinalem de Lugo. Nam defensio est ad repellendam offensionem, quæ actu, & præsentialiter fiat, non ad impediendam offensionem futuram; nullus enim dicitur se defendere ab eo, à quo nondum offenditur, sed offendendus est; Hallucinatio autem Cardinalis de Lugo contingit ex eo, quod non distinguat nisi offensionem factam, & futuram, cum præter has offensiones ponenda sit offensio, quæ incepit, & continuatur in aliquem; hæc enim est offensa illa, à qua quis defendit seipsum, ita ut si sit à persona priuata, possit offensus se ab ea defendere, etiam cum offendens occisione, si hac via, & non alia necem sibi intentatam possit euadere. Nec iuste quis potest dici illum in persona, aut in eius bonis offendere, qui cum in his nondum læsit, & si lædere decreuerit, & necessaria ad læsionem præparauerit; vnde nō distinguit de Lugo læsionem, & offensam futuram à præsentem; tamen hæc distinguenda sint, & uti distincta attendenda; Quis enim dicit præparationem ad læsionem, esse læsionem, si præparans se ad lædendum nondum læsit, & adhuc posita præparatione ad lædendum potest mutare sententiam, & non lædere? Quare sicut contra æquitatem est, ut is lædatur, qui nondum læsit, ita contra æquitatem est, ut is offendatur, & lædatur, qui decreuit lædere, & præparauit necessaria ad læsionem, si nondum realiter læsit. Potest quidem is, quem aliquis offendere decreuit, & contra quem inimicus præparauit necessaria ad offendendum, præparare seipsum ad de-

fens-

ferentem, seque munire, ne ab aduersario offensus; sed non potest aduersarium nondum offendentem offendere. Sic falso addit de Lugo, quod Rex certò sciens alium Regem adornasse classem, vel præparare exercitum, vt eum inuadat, possit præuenire, vt eius causam impediat, quia iam aduersarius incepit offendere, dum contra eum necessaria, disposuit, vt lædat; falso, inquam, hæc addit de Lugo, nam si Rex ille nondum à Rege aduersario sit læsus in se, vel in suis bonis, aut in suis subditis, neque aliqua iniuria sit affectus, non potest illum præuenire lædendo, cum ille nondum læserit, sed nec lædere experit. Hinc Theologi communiter docent, causam iustam ad bellandum vnam tantum esse, scilicet iniuriam illatam, nec refartam, & ratio est, quia bellum iustum offensionum est ad iustam vindictam, ad satisfactionem de hostibus capiendâ: sed iusta vindicta esse non potest, vbi vel nulla præce. sit iniuria, vel si præcessit, est sufficienter reparata. Vnde Augustinus *quæst. 10. super Iosue*, ait, *Iuxta belia solent desinere, quando electi sunt iniurias, si ge. is, vel Ciuitas plectenda est, que vel vindicare neglexerit, quod à suis improbe factum est, vel reddere, quod per iniuriam ablatum est.*

Sub causa verò iniuriæ variæ causæ continentur. Prima est, recuperatio eius, quod debetur Principi. Secunda, si Rex aliquis graui iniuria affecerit Legatos alterius. Tertia, si præbeat auxilium bellantibus iniuste contra ipsum. Quarta, si tue-

ne iniuste puniantur. Quinta, si violauerit pactum magni momenti. Sexta, si Tributarij negent iustum tributum. Septima, si subditi, rebellent, vel ad hæresim declinent. Octaua, si Rex, aut Princeps gerat bellum ad opem illis ferendam, qui cum vel iniuste opprimantur, vel causam iustam tueantur, opem eius implorarunt. Nona, si ad impediendum, ne innocentes Idolis immolentur, & occidantur. Decima, si infideles impediant Euangelij prædicationem. Vndecima, si negent transitum innoxium; Vnde Augustinus *quæst. 44. super Numeros*, ait (*Notandum est, quemadmodum iusta bella gerebantur, innoxius enim transitus negabatur, qui iure humane societatis æquissimo patere debebat*) Addunt aliqui duodecimam, si gentes aliquæ negent peregrinationem, habitationem, nauigationem, piscationem gemmarum, aut commercia; putant enim ista esse omnibus iure gentium communia; Verum hoc non ab omnibus conceditur. Postquam enim iure gentium facta fuit rerum diuisio, non videtur iniustum, si vna Respublica neget alteri mercatum, habitationem, aut vsum rerum sui loci, modò non sint necessaria.

Sic ergò non dicitur offensus Rex aliquis, si alius Rex nulla eum iniuria affecerit; Certum est autem, quod decernere bellum, & præparare necessaria ad illud, nondum sit Regem illum iniuria afficere. Quare bene potest Rex, aduersus quem alius classem adomauit, aut exercitum præparauit, aliam classem adornare, aut exercitum præparare, vt se

ab illo, cum inuasent, defendat. At non licet ipsum inuadendo præuenire, nam prout sic non seruaretur æquitas, & proportio, & esset offensio, non defensio. Vnde nec priuato licet inimicum occidendo præuenire, aut ei damnum inferre, si ille tantum decreuit aliquem occidere, idque alteri vel per reuelationem, vel alia via constet, si nondum læsit, aut lædere incepit physicè, & actu per personam alterius, aut eius bona.

Quod vero addit de Lugo in casu, quo quis coniurauerit in tuam necem, iamque cum sicarijs egit, ut opportunitatem quærant te occidendi, se non credere, quod naturale ius homines absque remedio reliquerit aduersus iniquissimos aggressores, nullatenus urget; nam remedium, quod naturale ius in eo casu hominibus præscripsit, est quod caueant ab inimico, seque circumspicere custodiant, ac muniant, vel fugiant, aut alio se transferant, & quod si actu inuadantur, licitè possint se ab illis defendere, etiam cum illorum occisione, si hac via, & non alia possint mortem euadere, idque agant cum moderamine inculpatæ tutelæ, ut dictum est supra, & per huc patet ad alia, quæ pro se assertit Cardinalis de Lugo.

In vno dumtaxat casu videtur Aduersarius posse præueniri, & est cum aduersarius arcum tetendit, & in alium dirigit, ut iam ictus imminet, tunc aduersarius videtur præueniri posse, & occidi, ne alius occidatur, ut enim ait Cardinalis Toletus in Summa, ridiculum est dicere, quod ut quis licitè se defendat expectare,

debeat, ut alius arcum remittat, tunc enim non posset amplius se defendere; immò tunc non est propriè aduersarium præuenire, sed illum iam agredientem occidere; iam enim aduersarius est in actu secundo offendendi, ac proinde potest alius contra ipsum se defendere, ipsum contrario ictu appetendo, si aliàs ille non possit se tueri, vel alia via mortem euadere.

Verùm & hoc, difficultate non caret apud aliquos Theologos. Nam negant, archibutum, vel arcum in aliquem dirigentem, physicè cum eo actualiter configere, cum non adsit contactus physicus actualis, quo illum immediatè per seipsum, vel per arma contingat, & non sit certum, quod is, qui in alium archibutum, vel arcum direxit, habeat intentionem eum impetendi, & occidendi, cum fieri possit, ut ea directione simulet, se alium occidere velle, & solum arcum dirigat ad eum perterritificandum; Vnde negant licere homini sic inuaso præuenire aduersarium eo pacto inuadentem. Quod si contingat eo pacto inuasum sic occidi, erit per accidens; nam ea occisio non sequitur necessariò, & infallibiliter ad eam actionem, qua quis arcum in alium direxit, cum etiam ea posita, potuerit non sequi occisio. Id autem non contingit cum quis actualiter cum alio configit, & uterque mutuis ictibus impetitur, nam in hoc casu inuasus, si se non defendat cum inuasoris occisione, infallibiliter occidetur. Et cum præceptum de occidendo strictissimum sit, occidendi licentia præsumi non potest, nisi in casu

casu ineuitabilis, & maximæ necessitatis, qualis non apparet in casu posito, ad quem proinde non debet extendi. Et licet occideas alium, qui in eum archibusum direxit, secundum leges ciuiles non sit reus homicidij, apud Deum tamen, & in foro conscientie reus homicidij videtur, cum non sit illi permissum occidere, nisi actualiter ipsum ictibus impetentem. Sed tamen iuxta priorem sententiam, dici posset, quod qui archibusum in alium dirigit, iam eum physicè, & actu aggreditur, sicut qui dirigit ictum pugionis in aliquem, dicitur illum inuadere per directionem ictus præcisè, etiam antequam ictus ad illum perueniat, sic & qui archibusum in alium dirigit, eum per directionem illam inuadit etiam antecedenter ad explosionem, & ictum. Et quia licet se defendere ab actuali inuasore in actuali conflictu, etiam cum illius occisione, licebit eo modo inuaso inuadentem propriam vitam defendendo occidere.

Ad hæc tamen iuxta posteriorem sententiam dici potest eum, qui archibusum etiam cum glâde in alium dirigit, nondum verè illum physicè actu inuadere, per eam arcus, aut archibusi directionem, nec eam archibusi directionem dici posse actualem

utriusque conflictum, nec certum esse, quod ictus ad eum, in quem dirigitur peruenturus sit. Præterquamquod is, in quem archibusum dirigitur, potest pluribus modis declinare ictum, uti esset mouere se in utramque partem, ut ictus ad ipsum non perueniat, vel cum ille archibusum iam explosurus est, prostercendo se humi, & sic ictum fugere, vel etiam fugam arripiendo, vel inclinando se, ne ictus ad ipsum perueniat &c. Vnde est dispar casus, cum duo manibus, vel pugionibus, aut ensibus confligunt, cum enim quis ense, aut pugionem in alium dirigit, ut eum vulneret, est constitutus in necessitate, seu infallibilitate ictum manifestum recipiendi, nec potest semper ictum declinare, ac proinde nisi eo pacto inuadentem occidat, non potest propriam vitam conseruare. Quare absolute secunda sententia relata, qua dicitur inuasum per archibusi in ipsum directionem non posse tali modo inuadentem præuenire, ipsumque occidere, videtur probabilior, ac tutior.

Extra hunc casum omnes aliæ præparationes ad inuadendum, cum sint remotæ, non sufficiunt, ut possit quis aduersarium occidere.



QVAESTIO SEPTIMA.

Utrum iustè ad mortem damnatis liceat se contra Iudices, aut exequutores defendere.

ASSERTIO VNICA.

Iustè ad mortem damnatis non licet se contra Iudices, aut exequutores defendere.



IUST. S. Thomas 2. 2. q. 69. art. 4. Licetum est enim Iudici eos resistentes impugnare, etiam per exequutores.

Vnde relinquitur, quod ex parte illorum sit bellum iniustum, ac proinde indubitanter peccant resistendo.

Præterea, qui potestati resistit, Dei ordinationi resistit, & ipse sibi damnationem acquirit, ait Apostolus *Rom. 13.* sed iustè condemnatus se defendendo potestati resistit, quantum ad hoc, in quo est Diuinitus instituta ad vindictam malefactorum, laudem verò bonorum, ergò peccat se defendendo.

Nec dicatur, quod naturæ inclinatio est ad resistendum corruptentibus non solum in hominibus, & animalibus, sed etiã in insensibilibus. Id autem ad quod natura inclinatur semper est licitum, quasi de iure naturali existens. Nam respondetur cum Diuo Thoma *art. cit. ad 1.* quod idè homini data est ratio, ut ea, ad quæ

natura inclinatur, non passim, sed secundum rationis ordinem exequatur. Et idè non quælibet defensio sui est licita, sed solum, quæ sit cum debito moderamine.

Potest tamen iustè ad mortem damnatus fugere; non enim, qui ad mortem damnatur, regulariter damnatur ad manendum in carcere vsque ad executionem sententiæ. Nam ut ait *art. cit.* S. Thomas ad 2. nullus ita condemnatur, quod ipse sibi inferat (nec etiã indirectè) mortem, sed quod ipse mortem patiatur. Et idè non tenetur facere id vnde mors sequatur, quod est manere in loco, vnde ducitur ad mortem; Tenetur tamen non resistere agenti, quin patiatur, quod iustum est eum pati; sicut etiã si aliquis condemnatus sit, ut fame moriatur, non peccat si cibum sibi occulte ministratum sumat, quia non sumere esset seipsum occidere; Indirectè videlicet; Cum enim regulariter, qui ad mortem damnatur, non damnetur, ut faciat actum, quo seipsum indirectè occidat, idè, inquit S. Thomas, quod nullus ita condemnatur, ut ipse sibi inferat mortem, hoc est indirectè. Certum est enim, quod manere in loco, vnde quis ducendus est ad mortem, nō est seipsum directè occidere; sicut nec est seipsum directè occidere abstinere à cibo sibi oblato. Aliàs verò certum est posse ali-

aliquem condemnari, ut maneat in loco, unde ducendus est ad mortem, & ut abstineat à cibo sibi oblato. Solum enim damnari nequit, ut seipsum directè occidat. Unde cum S. Doctor ait ad mortem condemnatum posse fugere, nec teneri ad manendum in loco, unde ducitur ad mortem, id est intelligendum, nisi hoc specialiter iniungatur, & nisi sententia mortis contineat expresse mandatum, quo reus iubeatur manere in carcere; tunc enim damnatus tenetur obedire; Si enim reus per sententiam Iudicis potest ipsa vita privari, cur non etiam aliquo actu, quo alioquin potuisset eam servare? Nam non conservare vitam, non ita pugnat cum inclinatione naturali, ut vel non liceat aliqui prætermittere conservationem suæ vitæ, à fuga abstinendo, vel hoc ipsum nequeat per Iudicem statui.

Potest præterea reus iuste ad mortem damnatus absque peccato vincula, & carceres rumpere, ut fugiat. Nam id faciendo utitur iure, quod habet ad fugiendum, & nulli facit iniuriam. Non enim carceres, aut compedes sunt iniuriæ capaces. Ipsis autem Iustitiæ Ministris nihil (ut supponitur) facit. Neque id facere est resistere Iustitiæ Ministris, aut cum ipsis pugnare, nam sicut fugere è carcere, non est illis resistere, aut cum ipsis pugnare, ita nec vincula, & carceres rumpere, est illis resistere, aut cum eis pugnare, sed est se à continentia carceris, & vinculorum absolvere.

Hæc autem omnia multò magis, absque peccato facere potest iniuste

ad mortem damnatus, cum hic ius fortius habeat ad fugiendum, quàm habeat iuste damnatus.

Nec contra id, quod diximus de fuga licita de carceribus reo iuste ad mortem damnato, facit, quod si reus fugiat, erit causa damni Custodibus, qui propterea punientur; Nam ut Caietanus, Bannes, & alij respondent, damnum, quod Custodibus sequitur ex fuga eius, qui in carcere detinebatur, per accidens, sed præter intentionem fugientis sequitur: & propterea cum ipse utatur iure suo, detque operam rei licitæ non ei imputatur, nec debet à tali actu abstinere, ut evitet damnum alterius, sed sibi imputent Custodes, quod & tempus, & locum fugæ non impediuerint. Supponendum est autem nullum intercessisse pactum rei de fuga: non capienda, si enim intercessisset, deberet illud servare. Et similiter si quis iuste morti adiudicandus, eam deprecaretur, ipsique tandem mutaretur pœna mortis in perpetuum carcerem, non videtur, quod liceret ei fugere, quia tacite videtur renunciare iuri, quod habere posset ad fugiendum, per hoc, quod peroptat pœnam carceris loco supplicij mortis. Si verò ad permanentiam perpetuam in carcere damnetur, extra casum permutationis pœnæ mortis in perpetuum carcerem, dicendum est, quod reus adhuc posset fugere; nam secundum communem modum intelligendi, reus non condemnatur, ut spontè maneat in carcere, sed ut in eo detineatur; Si tamen iudex non solum damnetur quempiam ad carcerem, sed etiam mandaret, ut

in eo maneret, verius videtur, quod obligaretur ad manendum, si eius crimina talem poenam commerueriscent.

Contra verò id, quod diximus iuste ad mortem damnato, licitum esse carceres, & compedes effringere non facit, quod iuste condemnatus non possit resistere Iustitiæ. Nam respondetur cum Syluio *loc. citato quaestio 2.* non esse licitum resistere Iudici, Iustitiæque Ministris, ita vt personis ipsorum aliqua vis inferatur, licere tamen tum vincula, tum carceres, quæ sunt res inanimatæ, atque adedò violentiæ seu iniuriæ incapaces, rompere, si reus non possit aliter sibi consulere. Neque Iudex debet exultimare, sibi ipsi vim inferri. nam vis illata creaturis irrationalibus non sic redundat in Authorem, vel Dominum illarum, vt ipse dici possit passus fuisse vim, seu quod vis fuerit ei illata. Si enim Prælati Ecclesiastici quæpiam coniiciat in vincula, ipse autem ea per vim frangat, & fugiat, effractor iste non erit excommunicatus. At si Iudici vim inferret, in excommunicationem incideret. Similiter si damnatus ad bestias, cum eis pugnaret, easque occideret, nulla censeretur vis illata Iudici, vt nec si damnatus ad ignem, cum extingueret. Cæterum sicut leuitas materiæ in alijs peccatorum generibus excusat à mortali, sic & in proposito, & propterea si reus vim exiguum inferat Custodi, vt si dormienti manus alliget, si obstitentem fugæ à se excutiat, in terramque prosterнат, sine læsione, non peccat mortaliter.

Quæ autè diximus de reis iuste ad

mortem damnatus intelligenda sunt, non solum de reis ad mortem damnatis, qui detinentur in carcere in ordine ad Iudicem, aliosque Iustitiæ Ministros, sed eadem intelligenda sunt de reis ad mortem damnatis extra carcerem manentibus, qui sunt, contumaces, & diffidati, & in ordine non solum ad Iudicem, & alios Iustitiæ Ministros, sed etiam in ordine ad alias personas priuatas, quæ eos aggrediuntur, vt poenam contra dictos reos, statutam exequantur: ac proinde dicimus contumacibus extra carcerem degentibus non licere se à Iudice, & alijs Ministris Iustitiæ defendere eos occidendo, aut vulnerando, sed neque id eisdem licere in personas priuatas, quæ eos insequuntur, & aggrediuntur, vt illos capiant, & Iudici sistant, vel vt eos in executionem impositæ poenæ vitæ priuent. Ratio est, quod posita iusta sententiæ de morte alicuius, nullus ex prædictis est iniustus aggressor, nam omnes illi auctoritate publica, & à Republica collata, reum illum ad mortem iam damnatum aggrediuntur, ac proinde reus ille, etiam extra carceres sit, & personæ, quæ eum aggrediuntur, priuatæ personæ sint, non potest se defendendo illos occidere, vulnerare, aut notabiliter lædere; Hæc enim licita sunt, & præstari possunt solum aduersus iniustos aggressores, vt dictum est supra.

Porro Sanctum Thomam in hac etiam sententiæ esse, colligitur ex his quæ docet *artic. 4. quaestionis 64. & art. 6. quaestionis 69. citatis*, nam articulo illo 4. solum iniustos aggressores licitum esse alicui defendendo se occidere,

dere, docet; quales esse addit priuatas personas publica autoritate non fungentes; priuatas autem personas publica fungentes autoritate, quales dicit esse milites aduersus hostes, vel Iustitiæ Ministros aduersus Latrones pugnantes, non esse alicui licitum occidere docet; eo quod aduersus hostes, & latrones ex publica pugnerit autoritate, idque ad publicum referat bonum; Priuatæ autem personæ, quæ capitales bannitos aggrediuntur, ut eos capiant, vel occidant, æquiparantur Iustitiæ Ministris, quia collata eis à Republica potestate id præstant, idque referunt ad publicum bonum; Vnde sicut non licet priuatis personis Iustitiæ Ministros eos aggredientes vulnerare, aut occidere, ita nec bannitis licet priuatas personas eos aggredientes vulnerare, aut occidere, etiam si priuatæ illæ personæ eos ex odio, vel vindicta aggrediantur; nam id solum probat, quod personæ aggredientes peccent, inquit S. Thomas, non verò quod illicitè aggrediantur, ac proinde non licet inuasit eas occidere. Et hanc esse Sancti Doctoris mentem suadent etiam rationes, quas idem S. Doctor affert *art. 6. c. questionis 69.* nam ibi docet, non esse potestati resistendum ex illo Apostoli, *Qui potestati resistit, Dei ordinationi resistit*; Cum autem priuatæ personæ facultatem habeant à publica potestate capitales bannitos capiendi, ac occidendi, si eas isti vulnerent, aut occidant, potestati resistunt, ac proinde Dei ordinationi, quod non licet. Rursus alia ratio in eodem articulo à S. Doctore adducta idem probat, nam si contumax ad

mortem damnatus; resistat personæ priuatæ ipsum aggredienti; licitum esset iudici, eum sic resistentem, & occidentem maiori pœna punire, maioremque pœnam imponere; Vnde argumentum desumitur, quod ille non possit vulnerare, aut interficere aggredientem.

Hanc autem sententiam communem esse inter Doctores affirmant Layman. *op. moral. Tom. 1. lib. 3. de Iustitia tract. 3. par. 2. cap. 2. num. 3.* Anton. de Ballis *varior. tractat. lib. 3. casu 1. num. 119.* & Farinac. in *Prax. Crim. quæst. 103. num. 129.* qui & longam Authorum seriem eam sententiam tenentium affert.

Libet autem argumenta hic afferre, quibus tres Authores præfati hanc sententiam propugnant, ut eorum auctoritate, ac ratione sententia hæc firmata maneat.

Igitur Layman. hoc argumento communem sententiam firmat. Nam si aggressor, velut publicæ Iustitiæ Minister ius habet occidendi proscriptum (quod supponimus, & omnes fatentur) consequens est, quod proscriptus ei iniuriam inferat, & publicæ potestati resistat, si se defendendo aggressorem mutilet, vel occidat. Non enim est permissi defendendi facultas, ubi offendendi est data libertas, aiunt Doctores in *l. 1. Cod. quando liceat. ni. uq; sine iudice se vindicare.* Confirmat primò. Nam alioquin fateri cogemur, licitum esse reo publicos liatores, vel Carnificem à quibus ad carcerem, vel supplicium ducitur propriæ vitæ saluandæ causa occidere, quod nemò inquam dixit. Confirmat secundò. Alioquin fieri

cogemur dari posse bellum ex utraque parte pet se, ac formaliter iustum seclusa ignorantia: quod omnes negant. His addit quod *L. 1. §. 2. Cod. facultas unicuique concedatur occidendi eos*, qui itinera insidijs aggressionis obsederint: Et milites desertores capiendi, sin autem resistent occidendi. Hæc Layman.

Farinacius verò eo utitur argumento ad eandem sententiam firmandam, quod occidens bannitum reputatur Minister Iustitiæ, & sicut bannito non est permessa defensio aduersus Ministrum Iustitiæ volentem ipsum occidere, ita nec etiam aduersus priuatum.

Id autem multò magis procedere dicit, quando statutum daret licentiam occidendi bannitos, vel cum præmio homines ad illos occidendos inuitaret, & multo magis si ad profligandum, & persequendum, prout faciunt nostræ Constitutiones in certis casibus, cogeret, & compelleret &c. Immo addit, quod si isto casu bannitus aggressorem occiderit, puniri deberet ordinaria pœna *legis Corneliæ de Sicar. &c.*

At Ballius loco citato, etsi loquatur de bannito resistente ijs, qui cum capiunt, eius tamen argumenta probant bannitum resistere non posse quibuscumque personis quæ illum, nedum ex officio Ministri, quod gerunt, capiunt, & occidunt, verum etiam de quibuscumque alijs personis, quæ bannitum capturæ sunt, aut occisuræ, etiamsi Ministri officium non gerant. Eius autem argumenta præcipua pro hac re hic afferemus. Primum igitur ex præcipuis ar-

gumentis, quæ Ballius affert illud est. Quod ubi aliquid permittitur, resistere illi actui est prohibitum, & idem ubicumque offensio est iure permessa, prohibitum erit huic actui resistere, ut omnes Doctores vniuersim admittunt in *L. ut vim.*

Aliud Balli, præcipuum argumentum desumitur ex *textu in l. 4. §. fin. ad L. Aquil.* ubi furem diurnum, ita demum lex permittit occidere, si seculo defendit, & ita ibi, quia lex permittit actum offensionis, id est, apprehensionis ipsius furis, idcirco defensionem denegat: sic ergo ubi offensio est licita, defensio denegata videtur, vnde sequitur, quod si statutum permittit bannitum occidi, defensionem denegare videtur.

Tandem id ipsum probat ex *textu 2. in l. C. quando sic sine lud.* ubi iure permittitur Prouincialibus facultatē apprehendendi, & resistentibus occidendi, & sic probat, quod defensio est prohibita, ubi offensio est permessa. Ex quibus concludit Ballius, quod hæc sententia sit verissima, quam tenuerunt in *d. L. ut vim* Bar. Paul. Dec. & alij. Nell. de bannitis in 2. par. 2. tempor. quæst. 49. Et communiter testatur Claud. num. 23. quem refert Iul. Clar. in §. homic. vers. in hoc etiam, com. dicit Io: Bolognet. ibi num. 15.

Oppositam sententiam tenuere Baldus, & Mar. Salomon. qui ambo afferunt rationes pro, & contra, & concludunt pro affirmatiua; Marian. Soccin. Zabarell. Duent. Canerius locis relatis à Farinac. d. quæst. 115. num. 114. vers. contrarium.

Horum argumenta refert, & soluit Ballius *loc. cit.* & nos ea hic afferemus,

mus, & cum eo soluemus.

Obijciunt igitur primò. Quod defensio est de iure gentium, & naturalis, ut dicunt Doctores in *l. ut vim*, & in *l. 1. cum Arietes si quas. paup. sec. di. cta iura autē sunt immutabilia §. pæn. inst. de iur. nat.* Igitur defensio tolli non potest per dispositiones Iuris civilis permittentes bannitos occidi posse; comprobatur hoc in *Clem. pastoralis §. ceterum de re iudic.* ubi expressè dicitur neque ab Imperatore defensio tolli potest, & text. loquitur de iudiciali defensione, multò fortius in defensione de iure naturali competente, vim vi repellendo, quæ ipsa natura comparatur *d. l. 1. §. cum arietes*, & diximus supra.

Secundò arguunt ex text. in *l. 1. §. vim vi in fine ff. de vi*, & *vi arma. & l. pæn. §. qui cum aliter ad l. Aquil.* ubi vim vi repellere licet, hocque omni iure, ubi quis aliter tueri non potest; idem dicitur in *cap. significasti 2. de homic.*

Tertiò. Statutum permittens occisionem banniti, non loquitur de eius defensione prohibita; igitur non prohibere videtur, nam verba statutorum strictè sunt accipienda, & ab eis non recedendum *l. quod constitutum de milit. testa. l. Constitutionibus in fin. ad mun. & nullam admittunt extensionem, C. fin. de in iur. & præsertim cum sint poenalia, cap. odia, & cap. in pænis de reg. iur. in 6.*

Quartò. Vbi illicita est offensio, permittitur defensio *d. l. ut vim*, & ibi omnes communiter, nam hic est offensio illicita, quia iure Divino scriptum est, *Non occides*: Igitur statutum in contrarium non valet, & per con-

sequens, qui occidit, illicitè facit; *cap. ult. de consuet. lex quæ sine peccato servari non potest, servanda non est cap. ult. de præscript.* Eatenus lex valet, quatenus est honesta *cap. erit 4. dist.* Si ergo hoc statutum inducit homines ad peccandum non valet. Et licet lex, siuè statutum impunitatem permittat, negari non potest, quod occidens, non sit delinquens, Bald. in *l. 1. & 2. ff. ne quis cum quis in ius voca. & in l. decuriones Cod. ex quibus cau. infam. irrog.* idem vult Bar. in *l. 1. ff. de his quib. ut indign.* & quamvis aliqua sine pœna fieri possint, non tamen carent vitio, aut dedecore *cap. nec vi 13. diffn.*

Quintò hanc partem tenet Scipio Gentilis in annot. ad Torquatum. Tassum de Hierarchy liberata stantia prima. Mouetur, quia defensio est legis naturæ, & autoritatē Livij, ex dicto *cap. Saniori*, ibi, iustum est bellum quibus necessarium, & pia arma, quibus nulla nisi in armis relinquitur spes, confidens in opinione Alciati, qui reiecta opinione Legistarum vult, quod ex utraque parte bellum est iustum, ut ibi per eum.

Sed has rationes communi sententiæ non ob stare bene ostendit Ballius loco citato. Non obstat, inquit, prima ratio, in contrarium adducta, nec & secunda, quod defensio non potest tolli, quia procederet ante condemnationem, hic iam est condemnatus per Statutum, ideo non potest se defendere, ne delicta remaneant impunita. *L. Si ita vulneratus, in fin. ad leg. Aquil.* & licet defensio non tollatur, intellige sine causa, sed ut delicta puniantur, & Statuta non sint elu-

clausoria, tolluntur; nam iura, quæ permittunt defensiones, loquuntur, vbi offensio est illicita, secus vbi permilla, quia à contrario prohibetur defensio, & omnes sic concludunt in *l. ut vim.*

Non obstat quod Statutum non loquitur de defensione, ideo non extendendum, quia in casu isto non fit offensio, immò necessariò ex verbis Statuti colligitur, quatenus enim permittit offensionem, tollit necessariò defensionem.

Non obstat quartum, quod Statutum sit illicitum contra præceptum, *Non occides*, & per consequens, quod offensio sit illicita, aduersus quam potest fieri defensio per *not. in dicta l. ut vim*, quia offensio est facta, & permilla legis autoritate, nam ius naturale potest per leges humanas distinguì, & declarari, vt volunt omnes in *L. ult. C. Si contra ius vel util. publ.* & in *cap. Que in Ecclesiarum*, & quod dicitur, *Non occides*, intelligitur sine legis permisso, *cap. Reos in fine qu. 5.*

Vel aliter dicas, quod tale Statutum non militat, nec corrigit ius naturale, vel Diuinum: sed adimplet voluntatem Diuinam, exequitur, & coadiuuat ordinatum de iure Diuino, quo iure est Statutum, ne malefici patiantur viuere super terram. *cap. 22. Exodi*; & idem Dominus iubet cocuntem cum bestiis, adulteros, & blasphemos lapidari, absque misericordia, & morte mulctari ex eodem *cap. 28.* & *Deuter. cap. 17.* ex eodem 32. & fuit reputatum ad iustitiam ei, qui transfixit gladio cocuntem cum Madianita *num. 23.* præceptum est igitur, vt interficiantur malefici, & ad

hoc sunt potestates ordinatæ, tamquam Ministri, & vtores Dei: *cap. Non solum, cap. Qui malos, 23. qu. 5.* Quibus præcepit Dominus omnem animam esse subiectam, aliàs morte moriatur, *cap. 2. de maior. & obed.* Ergo meritò Statutum licitum contra maleficos: vera est igitur conclusio, Bannitum non posse se defendere: vbi à Statuto, seu lege permittitur offensio.

Non obstat quinta ratio, quia loquitur in bello generali; nos loquimur in particulari, & vbi est expressa lex permittens homicidium Banniti, & illi legi particulari resisti non potest secundum communem opinionem Doctorum.

Ioannes de Lignano in tractatu de bello *quest. 86.* & Nellus de Bann. in 2. par. 2. tempor. *quest. 49.* Distingunt in hac re asserentes, quod si Statutum permittat bannitum occidere, hoc casu censi sublatam defensionem; secus si Statutum diceret, Bannitum impunè offendi, tunc non esse denegatam defensionem, & rationem diuersitatis dicunt esse, quia primo casu actus occidendi est licitus, ideo defensio denegatur. In secundò casu est impunitus, non licitus, quasi quod tolleratur, non permittitur, & laudatur, & hoc longè minus est, quam facere homicidium licitum.

Sed hæc distinctio, inquit Ballius sustineri nequit, nam effectus verborum Statuti est inspiciendus, quia verba accipiuntur secundum subiectam materiam, *L. Si uno ff. loca, cum sim. l. cap. intelligentia de verb. signific.* Cum ergo mens Statuti sit, vt bannitus tanquam hostis occidi possit, parui refert,

refert, quomodo eius verba concipiuntur: quia cum utroque modo permittat actum, qui aliàs sui natura erat illicitus, dicendum est, quod eundem actum fecerit licitum; & ita Statutum non tollerat, sed inducit id, quod ante non erat, ergo actus est licitus, aliàs sequeretur absurdum; quod lex induceret, quæ sunt illicita eum tamen illicita à lege puniantur. *L. 1. §. 2. in fin. leg. 1. c.* Hæc & alia plura pro hac re apud Laudatū Balliū.

Nos verò addimus, quod ex illo principio: *Defensio sui est de iure natura*, nullum contra nostram sententiam defumi potest argumentum. Animaduertendum est enim aliud esse quod aliquid sit de iure naturæ, & aliud esse, quod aliquid sit de inclinatione naturæ, aliqua enim sunt de inclinatione naturæ, quæ non sunt de iure naturæ; nam ius naturæ est illud, quod ratio naturalis immediatè dicitur, ac proinde iustum est, ac æquum: non autem omne, quod est de inclinatione naturæ dicitur à ratione naturali, immò ratio naturalis plura corrigit in homine, quæ sunt de illius inclinatione physica, & naturali; sic igitur hoc, quod est, iuste damnatum se defendere, & resistere Iustitiæ Ministris, aut alijs publica auctoritate pollentibus, est quidem de inclinatione naturæ, quia natura inclinat naturaliter ad repellendum nocivum; sed hoc ipsum non est de iure naturæ, quia non dicitur à recta ratione, immo recta ratio dicitur, ut reus damnatus obediat legibus, & Iudici eisque non resistat; nam cum reus iam iudicatus est, & damnatus, iam non est capax defensionis, & ideo defen-

sio sui ipsius, tunc non est de iure naturæ, licet aliquando & ip aliquo, vel iniuste damnato, vel in damnando iuste, ante condemnationem defensio sit de iure naturæ, & ideo S. Thomas loco supra citato docet, quod non valet dicere, quod naturæ inclinatio sit ad resistendum corruptentibus, non solum in hominibus, & animalibus, sed etiam in insensibilibus; & id ad quod natura inclinat semper est licitum, quasi de iure naturali existens. Nam ideo inquit S. Doctor: *Homini data est ratio, ut ea, ad quæ natura inclinat, ne passim, sed secundum rationis ordinem exequatur*, & ideo non quolibet defensio sui est licita, sed solum, quæ sit cum debito moderamine, quare in re præsentimale intelligitur, & applicatur ab. Aduersarijs principium illud: *Defensio sui est de iure natura*, confundendo id, quod est de inclinatione naturæ, cum eo quod est de iure naturæ, unde lex non corrigit ius naturæ, sed ratio naturalis corrigit inclinationem naturalem in his in quibus est corrigenda.

Quamvis ergo in casu de quo agimus, defendere se, & resistere sit de inclinatione naturæ, non tamen est de iure naturæ: nam in eo statu, & in illis circumstantijs, æquum non est resistere: erecta autem ratio non dicitur, nec dicitur potest, quod hic, & nunc æquum non est, unde proscriptus non potest licitè resistere. Quare axioma illud, *Defensio sui est de iure natura*, non est ita admittendum, ut absolute, & in omnibus casibus admittendum sit, sed distinguendi sunt casus, & circumstantiæ; aliàs:

M m nimis

mis probaret; nā probaret, quod iustè damnatus etiam ad mortem, dum actualiter ad eam ducitur, possit resistere Ministris, eos occidēdo, si hoc pacto possit vitā seruare, quod non licet.

Quapropter, vt ea, quæ sunt de inclinatione naturæ, sint etiam de iure naturæ, ac proinde licita, immò debita, exigitur, vt sint conformia rectæ rationi, & nonnisi iuxta dictamen rectæ rationis procedant: & sic, vt defensio sui, sit de iure naturæ, ac proinde licita, exigitur, vt sit conformis rectæ rationi, & nonnisi iuxta dictamē rectæ rationis procedat, aliās erit illegitima, & irrationabilis. At recta ratio dicat, vt homo non se defendat aduersus eum, qui supra ipsum legitimam habet potestatem, cuiusmodi sunt Præsides, eorumque Ministri; vnde est contra ius naturæ, & contra Ius Diuinum eis resistere, iuxta illud Apostoli: *Qui potestati resistit Dei ordinationi resistit*. Rursus recta ratio dicat, vt homo aduersus eum, qui supra ipsum legitimam potestatem non habet, se ipsum defendat, sed cum moderamine, ita vt se defendendo non adhibeat maiorem vim, quàm oporteat, vt diximus supra, ac præterea recta ratio dicat, vt cum quis aduersus iniustum aggressorem se defendit illius occisionem non intendat, etiamsi hæc sequutura sit, eamque se defendens sequuturam prævideat, vt constat ex dictis.

Nec verò in præsentī locum habent, quæ de iniusti aggressoris occisione diximus supra, quod nempe liceat iniustum aggressorem occidere, intendendo tamen solam sui defensionem, non verò aggressoris oc-

cisionem, hæc, inquam, in præsentī locum non habent: nam cum in præsentī non sit quæstio de iniusto aggressore, sed de aggressore iusto, ac de illo, qui publica polleat auctoritate in malefactorem, non potest malefactor iam ad mortem damnatus seipsum aduersus eum defendere actione, quæ coniunctam habere possit illius occisionem, aut læsionem, etiamsi eius occisionem, aut læsionem non intenderet: nam cum sit iustè damnatus ad mortem, non licet ei vllō modo iustum aggressorem occidere, idest, nec per actionem defensiuam, ad quam præter eius intentionem sequi possit aggressoris occisio, aut læsio; nam non tenetur iustè damnatus ad mortem conseruare suam vitam aduersus iustum aggressorem, ac proinde non licet ei actionem præstare, quæ sit iniusti aggressoris occisiva: eatenus enim diximus, licitum esse alicui occidere iniustum aggressorem se defendendo, quatenus est iniustus aggressor, idest, persona nulla publica auctoritate in ipsum pollens, cuius vitæ proinde debeat inuasus propriam vitam præferre: at si aggressor non sit iniustus, nec priuata persona, sed sit persona publica, & publica pollens auctoritate, non tenetur inuasus propriam vitam præferre vitæ illius, ac proinde non habet vnde licitè ipsum occidere, vel lædere possit se defendendo.

Potest tamen ad mortem proscriptus, fugere persecutores, & quantum potest eos declinare, ne ab ipsis capiatur, vel se domi claudere, & alia impedimenta apponere, & rursus cum

cum inuaditur ictus inuadentium repellere, & inuadentibus resistere, citra tamen omnem lisionem, & occisionem inuadentium.

Nec facit contrapræceptum, Non occides, qui ex Principis edicto occidit ad mortem proscriptos, sicut nec Respublica, aut Princeps, qui malefactores occidi mandat contra illud præceptum facit; nam de occidendis malefactoribus impositum est præceptum à Deo, nam idem, qui Exodi 20. dixerat: *Non occides*, cap. 22. ait, *Maleficos non patieris viuere*, & Leuit. 20. *Adulteros*, cap. 24. *Blasphemos*, Deut. 19. *Homicidas*, c. 17. *Filios contumaces* iussit morte puniri, generaliter cap. illo 21. pronunciat. *Quando peccauerit homo, quod morte plektendum est, & adiudicatus morti, appensus fuerit in patibulo, non permanebit cadauer eius in ligno; sed &*

Dauid Psalm. 100. generatim ait. *In matutino interficebam omnes peccatores terre, ut disperderem de Ciuitate Domini omnes operantes iniquitatem.* Et Apost. ad Rom. 13. *Si malum feceris, time, non enim sine causa gladium portat, Dei enim minister est, vindex in ira ei, qui malum agit.* Sic ergo cum Princeps, aut Respublica possit malefactores occidere, facultatem eos occidendi alijs committere potest, & hi sunt eorum Ministri, & alij; vnde qui proscriptos occidit, simpliciter quidem est priuata persona, sed in eo fictio, seu casu habet authoritatem publicam cõcessam à Principe, qui si est supremus potest huiusmodi proscriptiones facere, quando satis constet de crimine, neque vel malum impendens, alia via impediri potest, vel peccator, quem omninò expedit de medio tolli, aliter nõ potest haberi

QVAESTIO OCTAUA.

Vtrum iniuste ad mortem damnato liceat se per vim defendere cum occisione Iudicis, qui sententiam iniustam tulit, si alia via nequeat mortem euadere.



QVAESTIO est, de damnato iniuste, vel quia damnatus sit sine processu, vel quia in cõdemnatione Iuris ordo non sit seruatus, vel quia, condemnatus sit contra allegata, & probata, nam de innocente secun-

dum allegata, & probata reo inuenito, & condemnato est alia difficultas de qua sequenti quæstione.

In præsentī autem quæstione affirmatiuam sententiam sustinet Molina de Iustitia, & Iure tr. 3. disp. 12. num. 3. Cardinalis de Lugo tom. 2. disp. 40. sect. 4. num. 38. Vasquez in 1. 2. D. Thom. tom. 2. disp. 174. cap. 1.

M m 2

num. 3.

num. 3. ubi ait. Certum esse, quod iniuste damnatus ad mortem, si ei constet de iniusta sententia, aut quia poena inflata per sententiam culpam excedat, aut quia culpa non fuit sufficienter probata, potest se ipsum armis defendere ab iniquo Iudice, etiam eum occidendo, & ab iniquis Ministris, eo quod per iniquam sententiā ipsum iniuste aggrediantur; iniuriam autem imminuentem iniustæ mortis, quisque propulsare potest, etiam occidendo inuasorem. Quod autem aliquis aggrediatur aliquem armis, vel iniqua sententia perinde est, Hæc Vasquez.

ASSERTIO VNICA.

Iniuste ad mortem damnato non licet se defendere, cum occisione Iudicis, qui sententiam iniustam tulit, etiamsi hac via, & non alia possit mortem euadere.

IN hanc sententiam venire omnes illos Authores necesse est, qui asserunt, non esse licitum alicui inimicum præuenire, quamuis ille aliquid agat, aut egerit in ordine ad aggressionem, quam sententiam veram, ac omnino tenendam diximus. Eadem enim argumenta pro vtraque sententia militant; nam Iudex, qui sententiam iniustam aduersus aliquem pronunciat, dici nequit inuasor, seu aggressor illius, nec sententiam aduersus aliquem pronunciare, est illum inuadere, aut aggredi inuasionem, &

aggressionem illa, cui secundum iura resistitur cum vi permittitur, nam iura resistuntur cum vi permittunt aduersus aggredientem aliquem per physicam vim in ipsam personam directam, ita ut inferatur physica violentia personæ ab alia persona, per operationes, aut ictus actualiter tendentes in eius necem in actuali conflictu; id autem non verificatur, cum Iudex sententiam, quantumvis iniustam in aliquem pronunciat, quantumvis enim Iudex iniustam sententiam aduersus aliquem pronunciet, ipsumque ad mortem deducendum in carcere detineat, non ideo cum illo personaliter, & actu configit; & sententiam in aliquem pronunciare, non est physicè in illum agere, sed moraliter, & detinere in carcere non est configere.

Ratio autem quare licitum sit solum in actuali personali conflictu se ipsum defendendo aduersarium occidere, illa est, quia tunc solum alicui licet se defendere, cum occisione inuasoris, cum ille ad necem inuaditur, & ita ad necem inuaditur, ut inuasus constitutus sit in extremo periculo, & mortem euadere, nequeat, nisi aggressorem occidat; hæc autem locum non habent, nisi cum quis actualiter, & personaliter ab Aduersario inuaditur in actuali congressu; nam in casu iniustæ sententiæ à Iudice latæ, non adest hoc extremum periculum, tunc enim ille non est propriè inuasus, & Iudex semper mutare potest iudicium, & reuocare sententiā; Rursus condemnatus potest ante sententiæ executionem alijs vijs se ipsum defendere, nempe iterum, atque

que iterum proponendo iudici suas rationes, suamque innocentiam, ex quibus iudex moueri potest ad sententiam reuocandam ; Vnde per iniustam sententiam condemnatus non impetitur, aut vrgetur physicè ad mortem, sicut vrgetur, qui personaliter inuaditur in congressu actuali ab Aduersario, tunc enim nulla alia via euadendi, aut se defendendi occurrit, nisi defensio cum occisione inuaforis.

Et cum lex, seu præceptum de non occidendo strictissimum sit, & vix excipi possit in casu iustæ defensionis sui ipsius, non est admittenda alia exceptio, & quæ adimititur ad nulum alium casum præter dictum extendi debet.

Sed & si iudex, aut Princeps tyrannicè, & sine processu aliquem ad mortem damnauerit, eumque ad supplicium ducendum in carcere detineat; non posset sic damnatus, & detentus in carcere Iudicem, aut Principem occidere, etiamsi hac via, & non alia possit mortem euadere, idque ex eisdem rationibus, quas modò pro alio casu de iniuste per processum condemnato adduximus, nam illæ pro sententia negante in utroque casu militant.

Videtur tamen, quod in hoc secundo casu possit ille proripere se de manibus lictorum, etiam cum illorum occisione quando ad mortem pertrahitur, eisque supponitur nota iniustitia iudicis, aut Principis; nam perinde est, ac si ille à Latronibus inuasus duceretur ad mortem, in quo casu certum est, latronibus etiam cū illorum occisione resisti posse, si ea via, & non alia, mors possit effugi,

& lictoribus notum sit, illum ad mortem sine processu damnatum fuisse.

Aliter autem dicendum est, cum quis per processum, & per sententiã in figura iudicij damnatus est ad mortem, & ad supplicium ducitur, non posse videlicet istum de manibus satellitum cum eorum occisione, aut notabili detrimento se proripere, etiamsi ipsis quoque satellitibus nota sit iniustitia sententiæ; cum enim notitia illa, sit notitia priuata, & non iudicialis, non potest condemnatus eis tanquam Ministris iniustis eum inuadentibus per vim, & cum eorum læsione resistere, notitia verò iudicialis non potest in eis præsupponi, & ideo nullatenus eis per vim, cum eorum notabili læsione resisti potest.

Obijci posset contra dicta S. Thomam 2. 2. quæst. 69. art. 4. vbi ait, quod si aliquis condemnetur iniuste, tale iudicium simile est violentiæ latronum, secundum illud Ezech. 22. *Principes eius in medio illius, quasi lupi rapientes prædam ad effundendum sanguinem*, & ideo subdit S. Doctor, *sicut licet resistere latronibus, ita licet resistere in tali casu malis Principibus, nisi forte propter scandalum vitandum, cum ex hoc aliqua grauis turbatio timeretur.*

Respondetur, quod S. Doctor non ait, in casu iniusti iudicij licitum esse resistere malis Principibus, aut Iudicibus cum eorum occisione, sed absolute quod liceat malis Principibus, aut Iudicibus resistere: resistere autem quis potest pluribus modis etiã citra occisionem, aut notabilem læsionem iudicis. Potest enim iniuste dam-

damnatus absque peccato iudici iniusto non obedire, fugere de carcere, si possit, etiam cum carceris fractione, reficiendo tamen postea damnum, si sit notabile. Potest etiam aliquam vim inferre Ministris, & Custodibus, non tamen cum eorum notabili læsione. Potest suas rationes iterum, atque iterum iudici proponere, suamque innocentiam ostendere. Potest ad superiorem iudicem recurrere, & alia huiusmodi peragere, quæ resistantiam importent sine occisione, aut læsione notabili.

De hac ergo resistantia citra occisionem, & læsionē loquitur S. Thomas, cum ait, quod in casu iniustæ condemnationis liceat resistere malis Principibus, & de eadem resistantia loquuntur, quos pro sententia assente resisti posse iudici iniusto, qui sententiam iniustam tulit plena manu congerit, & sequitur Farinac. *Prax. crim. tom. primo par. 2. tit. de Carceribus & Carceratis quest. 32. & tom. 2. num. 93.* ubi sic ait, Iudici iniuste exequenti, eius Officialibus, & Executoribus, posse de facto resisti admittunt omnes: num. vero 104. in fine ex Luca de Penna dat regulam, quod in omni casu, quo dictum est posse resisti officiali excedenti, intelligendum sit de resistantia legitima, non autem effrenata per Text. in cap. *Ad hæc* 16. quest. prima, quod etiam scripsisse ait, Par. de Put. de Synā, verb. resistantia c. 2. num. 3. & tom. 2. par. 2. tit. de homicidio quest. 124. num. 101. sic ait *Limita primo propositam regulam (scilicet, quod licet illatam iniuriam nullo modo armis repellere liceat, inferendam tamen, si aliter quis ne infera-*

tur effugere nequeat, & manibus, & sustibus comprimere non est illicitum) non procedere aduersus Magistratum, qui licet iniuste aliquid faciat, non potest illi à priuatis resisti, quia cum iure publico utatur, iniuriam facere non dicitur, & propterea non est locus propulsationi iniuriæ, quia Iuris executio iniuriam non habet, &c.

Et quoad S. Thomam, notanda sunt eius verba loco citato, non enim ait, iudicium iniustum par esse, aut æquiparari violentiæ latronum, sed ait iudicium iniustum simile esse violentiæ latronum, similitudo autem proportionem, non æqualitatem significat. Vnde ex his verbis, non licet inferre, quod si licet latronibus resistere cum eorum occisione, liceat etiam resistere iudici cum occisione illius. Immo cum S. Doctor subdit (*sicut licet resistere latronibus, ita licet resistere in tali casu malis Principibus*) indicat resistantiam malis Principibus faciendam, non debere esse eiusdem rationis cum resistantia, quæ fit latronibus, sed ad illam inferiorem. Quamuis enim vocula *sicut* aliquando significet æqualitatem, aliquando tamen significat solum similitudinē, vt Matth. 5. *Estote perfecti sicut & Pater vester celestis perfectus est.* Ioann. 13. *vt diligaris inuicem, sicut dilexi vos.* Act. 3. & 7. *Prophetam suscitabit vobis Deus, de fratribus vestris tanquam me, siue (vt Deuter. 18. habetur) sicut me, hoc est, similem mei, vt ex istius c. 18. vers. 18. patet.* Iuxta hæc S. Thomas par. prima qu. 60. art. 4. ad 2. explicans illud, quod quis naturaliter diligit alium, sicut seipsum, sic ait, (*Ad secundum di-*

cedendum, quod ly sicut non designat æqualitatem, sed similitudinem. Cum enim dilectio naturalis super unitatem naturalem fundetur, illud, quod est minus unum cum eo, naturaliter minus diligit. Vnde naturaliter plus diligit, quod est unum numero, quam quod est unum specie, vel genere. Sed naturale est, quod similitudinem dilectionem habeat ad alterum, sicut ad seipsum, quantum ad hoc, quod sicut seipsum diligit in quantum vult sibi bonum, ita alium diligit in quantum vult eius bonum (Et 2. 2. quæst. 26. art. 4. ex hoc ipso, quod dicitur Leuit. 19. & Matth. 22. (Diliges proximum tuum sicut teipsum) deducit proximum non esse diligendum æqualiter cum seipso, & plus diligendum esse seipsum, quam proximum. Cum enim in eo articulo quæstionem proponat, *utrum homo ex charitate magis debeat diligere seipsum, quam proximum*, & aliqua argumenta proponat, quibus probari videtur, quod homo ex charitate non magis debeat diligere seipsum, quam proximum, quæstionem resoluit dicendo, quod homo ex charitate magis debet diligere seipsum, quam proximum. Et in argumento, sed contra sic ait (Sed contra est, quod dicitur Leuit. 19. & Matth. 22. Diliges proximum tuum, sicut teipsum. Ex quo videtur, quod dilectio hominis ad seipsum est sicut exemplar dilectionis, quæ habetur ad alterum, sed exemplar potius est quam exemplarum, ergo homo ex charitate magis debet diligere seipsum, quam proximum.) Sic & in eodem sensu accepisse Diuum Thomam particulam sicut dicendum est, cum ait, *Malis Principibus resistendum esse sicut Latronibus*, quod videlicet ly sicut, desi-

gnet similitudinem, non æqualitatem, nam hoc modo accepisse ibi particulam sicut constat ex his, quæ ex eodem Diuo Thomæ adduximus supra ad probandum, quod solum in æquali & physico duorum consensu liceat iniurioso defendendi se iniudentem occidere, ac proinde; cum ait Sanctus Thomas, *Resistendum esse malis Principibus, sicut resistitur Latronibus*, non est sensus, quod eodem modo, quo resistitur latronibus resisti possit malis Principibus; sed quod sicut latronibus resisti potest cum eorum occisione, ita aliquo pacto resisti possit malis Principibus; & cum resistentia, quæ fit latronibus, sit velut exemplar resistentiæ, quæ potest fieri malis Principibus, & exemplar potius sit, quam exemplarum, ex hoc deducitur, quod iuxta eundem S. Doctorem maior resistentia faciendi sit latronibus, quam malis Principibus, quibus proinde minori resistentia resisti debet, ac proinde infra occisionem, ac notabilem læsionem. Vnde non dixit S. Thomas, quod licet resistere malis Principibus, eo modo, quo resistitur latronibus, sed dixit, quod licet resistere malis Principibus, sicut licet resistere latronibus, qui modus loquendi designat proportionem inter utramque resistentiam, non æqualitatem.

Obijcies S. Thomam art. 4. cit. ex qu. 69. 2. 2. dicentem, quod liceat in tali casu resistere malis Principibus, nisi forte propter scandalum vitandū, cum ex hoc aliqua grauis turbatio timeretur. Et grauis turbatio oriri non possit, nisi in casu occisionis, aut læsionis notabilis iudicis, aut Principis, ac proinde cum D. Thomas ait. Li-

citum esse resistere malis Principibus, loquitur de resistentia cum occisione, aut graui lésione Principis.

Respondetur, quod etiam ex resistentia sine occisione, & graui lésione Principis, aut iudicis potest oriri grauis turbatio Reipublicæ, & ideo obiectio nullius est momenti.

Modus autem, quo proportionem seruata inter malos Principes, & Latrones, resistendum est malis Principibus citra eorum occisionem, est ille, quod iniuste damnatis à malis Principibus liceat eisdem exprobrare illorum iniustitiam, & iniquitatem ob latam contra ipsos iniquam sententiã & aduersus eos exclamare, ac de illorum manibus, violenter etiam, si possint se proripere, citra tamen eorumdem occisionem, & lésionem, & fugam etiam arripere, si possint, quod quidem licet etiam à iuste ad mortem damnatis præstari possit, vt diximus, potiori iure præstari potest ab iniuste damnatis, ob id, quod retinent fugiendi etiam post condemnationem; iniuste verò dñatis fugere licet etiam ob iniustitiam, quam pariuntur.

Potest etiam dici, cum S. Thomas dicit, licere ad mortem damnatis, resistere malis Principibus, sicut resistitur latronibus, S. Doctorem loqui de Principibus, qui absque forma iudicij, & more latronum innocentem ad mortem damnant; tunc enim eis resisti potest, ac si essent latrones, occidendo eorum liçtores, & satellites, dum alligare, & adducere curant innocentem ad mortem, id enim est resistere malis Principibus, ac si essent latrones, etiamsi mali Principes non occidantur, sed solum occidantur eo-

rum liçtores, si damnationis iniquitas notoria sit, & certa apud omnes alios.

Si autem quis ad iniustam mortem à Tyranno damnatur, licet potest Tyrannum occidere, non quia illum iniuste ad mortem damnauit, sed quia Tyrannus est, ea communi ratione, quia cuilibet licet occidere Tyrannum. In hoc tamen supponenda est communis Doctorum doctrina; quod is, qui solo regimine est Tyrannus, siue qui in toto titulo regnum, aut principatum obtinet, sed tyrannicè dominatur, non licet alicui priuato illum occidere, quia huiusmodi Tyrannus habet legitimum ius, manetque Superior: non licet autem inferioribus occidere Superiores, sed debent eis tamen disculis, piorumque persecutoribus obedire ad Rom. 13. & 1. Petri 2. Vnde in Concilio Constantiensis sess. 15. damnatus fuit articulus dicens: *Quemlibet Tyrannum posse occidi per quem unquam Cassellum, uel subdolum cum tamen Tyrannum, qui nullum habens ius ad regnum, illud per vim inuadit, seu occupat, licet personis prauis inteficere, quamdiu Respublica in eum non consensit; modò hæc adsint. Primum, quod constet eum nullum ius habere. Secundum, quod non eadem, aut maiora mala timeantur eo occiso, quam tollerato. Tertium, quod non sit aliquis superior, qui possit adiri, ad obuiandum isti malo. Ratio est, quia licet vim vi repellere. Cum ergo Respublica vim ab illo Tyranno patiatur, licet unicuique istius Reipublicæ parti eam vim repellere, Tyrannum occide-*
do,

do, quando non suppetit alius modus. Immo videntur etiam isti, qui non sunt istius Reipublicæ partes posse eundem Tyrannum occidere, iure defensionis: Licet enim occidere inuaforem innocentis, quando ipse non potest aliter defendi; nec verò id est præuenire futurum inuaforem, sed est actuale inuaforem.

Reipublicæ, ipsam defendendo, occidere. Nam Tyrannus actu, & physice Rempublicam inuadit, eo ipso, quod in eius dominio tyrannico se conseruat; vnde est continuus aggressor Reipublicæ, & continuò permanet in ea aggressione, ita communiter Doctores in hac materia.

QVAESTIO NONA.

Vtrum innocens ad mortem damnatus per sententiam secundum allegata, & probata iustam, possit absque peccato iudicem, qui cuiusmodi sententiam tulit occidere, aut ei damnum inferre, si non possit aliter mortem euadere.



Affirmantem sententiam tenuisse Franciscum Victoriam. refert Salonijs in 2. 2. D. Thome q. 69. art. 4. controu. 1.

Eandem sententiam tenet Dominicus Bannes, in *Commentario dicti articuli. concl. 2.* & eandem probabilem censet Ioannes Cardinalis de Lugo *sect. 2. de iustitia, & iure disp. 40. tom. 4. num. 38. & seq.* ubi hanc sententiam sequentibus probat argumentis. Primò, quia Iudex solum inuadit tunc licite ex præsumptione; ergò qui scit veritatem, potest ei re-

sistere, sicut quando Iudex errat in persona malefactoris, & vult occidere Petrum loco Ioannis, potest Petrus se defendere. Secundò, qui inuaditur à furioso potest eum occidere, licet furiosus non peccet, ergò qui inuaditur à Iudice ignorante veritatem, & idè non peccante, potest etiam ab ipso se defendere. Tertiò Princeps, qui inuaditur ab alio Principe putante se habere iustam causam belli, licite se defendit, si sciat reuera se non esse dignum tali inuasionem. Item milites obediens suo Principi, & putantes se habere iustam causam belli, licite occiduntur ab aduersarijs scientibus

Nn tibus

tibus bellum non esse iustum, ergò similiter reus in nostro casu poterit se defendere tam contra Ministros iustitiæ, quàm contra Iudicem existimantes se habere bellum iustum contra reum; si tamen reus scit secundum veritatem se esse innocentem.

Hanc tamen sententiam cum duabus limitationibus admitti posse dicit. Prima est, quod fiat resistentia sine graui scandalo, quod quidem in hac materia facilius posset dari, quam in alijs. Secunda, quod reus quantumuis innocens non resistat eo modo, quando primò comprehenditur à Iudice, & eius Ministris; nam licet Iudex non possit punire innocentem, potest tamen comprehendere innocentem interuenientibus indicijs, & sicut culpa se habet ad poenam, ita indicia culpæ ad comprehensionem: Ergò resistens comprehensioni resisteret Iudici procedenti iuste materialiter, & formaliter, atque idèd iniuste resisteret.

ASSERTIO VNICA.

Innocens dānatus ad mortem per sententiam secundum allegata, & probata iustā, non potest per vim se defendere, nec absque peccato Iudicem occidere, quamuis non possit aliter mortem euadere.

ITÀ Salonijs loco citato, Soto lib. 5. de iustitia, & iure qu. 6. art. 4.

Serra in 2. 2. q. 69. art. 4. dub. 1. & Doctores communiter.

Ratio est, quia iniuste condemnato non solum apud omnes id prohibetur in utroque foro, verum etiam non licet ei non redire ad carcerem, si præstito iuramento se rediturum à Custode carceris fuerit ad tempus relaxatus, Couarru. lib. 1. variar. cap. 2. num. 10. & hoc non alio fundamento, nisi quia iustitiæ, vt virtuti, & iuri publico iusta exequi mandati, priuatus resisteret, iniuste leges communes, & iustitiam conculcans se, fouendo in delictis, & impediendo punitionem eorum iudicibus ritè, & rectè de istis cognoscentibus.

Quæ ratio militat etiam in iniuste condemnato, quoad rei veritatem, licet iuste quoad allegata, & probata, nam cum iustitia, seu iniustitia respiciant leges, per quas dignoscuntur, & iudices per quos operantur, & reos in quos exercentur, & non aliud, quàm ex allegatis, & probatis, quæ sunt media iudicij hominum, cognoscantur: Totum hoc factum iudicandi metiri debet in ordine ad malitiam, aut bonitatem actus, ex iuridico, & rationabili iudicio. quod ex allegatis, & probatis fieri debet: nam Iudex est minister legis, & ius publicum habet pro se, ita vt hos tramites, nec per iudicium, vt priuata persona factum, ex alias visis, & cognitis declinare possit, nec allegata, & probata deferere, vt personæ priuatæ partes faciat, cum in casu præsentis iam partes Iudicis assumpserit.

Hinc deducitur hanc veritatem resultantem ex allegatis, & probatis, dici

iudici formalem, quæ constringit iudicem: licet materialiter, & in rei veritate, quoad ipsum iudicem, vt priuatam personam aliter se habeat, nam ius publicum deferens probationi veritatis, hoc vnicum medium scilicet allegare, & probare inuenit, quo prælationem iudici imposuit notitiæ suæ priuatæ in vtroque foro: & cum Minister legis sit, hanc legem sibi iustè impositam, & prælationem notitiæ suæ obseruare debet; præcipuè cum in iudicando, vt publicus Minister se gerat, non verò vt priuata persona, quæ vt talis notitiam propriam habet.

Cum igitur innocens damnatus formaliter ex allegatis, & probatis, reperiatur nocens, & iustè condemnatus, licet aliàs Iudici, vt priuato contrarium constet, executionem, modis prudentibus allatis à Theologis (Soto *lib. 5. de iustitia, & iure q. 6. art. 4.* Vasquez *tom. 2. disp. 174. cap. 1. Salon. 10. 1. fol. 430.*) Et Canonistis (Couarr. *vbi supra*, Bosio, *in practica titulo de homicidio an. 25.* Paris de Syndicato, *verb. carceratus, & verb. resistentia*, Felyn. *in cap. consanguinei de re iudicata*, Hippolyto *in l. 1. §. si quis ultro, ff. de quæst.*, Bartol. *in l. à Diuo Pio, §. sententiam Roma, ff. de re iudicata*) præscriptis, & non iuuantibus, omittere non poterit, vt præter relatos supra pro omnibus tenet D. Thomas Ecclesiæ lumen *q. 69. art. 4.* & Couarr. *vbi supra num. 13.*

Et licet communiter quæstio sit solum de Iudice innocentis, qui aliter rem se habere nesciens iuxta allegata, & probata eum condemnat, & executionem mandat; idem est in

sciente rem se aliter habere, cum differentia tamen Consiliorum à Theologis, & Canonistis tali Iudici impositorum in locis supra allegatis, vel de differendo quantum potest, vel de condonando, si est iudex absolutus, & merum mixtumque imperium habeat, vel aliàs iuxta Doctores, de quo in præsentī non est quæstio.

Innocentia in rei veritate, de qua conscius est Iudex, vt priuata persona solum operatur, vt prudentibus medijs executionem fugere tentet: nõ tamen, vt his non iuuantibus, impedire possit; quia vt Minister legis solum ex allegatis, & probatis executionem dimanantem tanquam merus executor operatur. Quoad reum similiter innocentia ad aliud non se extendit, nisi vt modis omnibus hanc manifestet, tentando dilationes, fugiendo carceres sine scandalo, & custodum, vel Reipublicæ nimio præiudicio; non tamen cum fractione carceris violenta, & scandalosa, cum Reipublicæ, & Custodum nimio damno; quia tam Custodes, quam Respublica habent respectiue sicuti Iudex fundatam intentionem contra innocentem ex allegatis, & probatis reum inuentum, Couarr. *vbi supra num. 14.* Paris de Syndicato, *verb. Carceratus, & verbo Resistentia.*

Dixi sine nimio damno, vel scandalo: quia cum aliquo damno, obligatione tamen reficiendi carceris præiudicium, & Custodum, fugere poterit, vt permittunt innocentia impellente supra memorati Doctores, sed cum nimio, id est impossibilem faciente restitutionem, vel scandalo turbante iudiciorum ordinem, adhuc

innocētia impellente facere non poterit; quia est priuatum bonū, & quid extraneum, vel non subiectum Iudici, innocentia extra iudicium, & contra processum cognita priuato modo.

His sic firmatis minimè obstant rationes, quas præfatus Cardinalis de Lugo in dicto num. 39. pro contraria sententia licitè resistantiam reo concedenti in hoc casu adducit.

Non prima scilicet: Quod Iudex contra reum innocentem, vt nocentem inuentum ex allegatis, & probatis, solum procedit ex præsumptione; Cumque reus ex veritate innocentie lux, resistat, & veritas præsumptioni præualeat, licitè resistet, sicut quando Iudex insequendo malefactorem, qui verè est Petrus, & errando vellet occidere Paulum, iste licitè poterit resistere.

Hæc inquam ratio non obstat, quia deficit in fundamento: supponit enim solam præsumptionem, & non veritatem ex allegatis resultare, quod in iure falsum est, cum apud ius, Iudicem, & ius publicum Reipublicæ veritas formalis, & non præsumptio sit, vt per se patet. Quamuis enim ex allegatis, & probatis non resultet certitudo physica, aut metaphysica de admissio delicto, resultat tamen certitudo moralis. Nec verò ad iudicium ferendum de delicto requiritur certitudo physica, sed sat est certitudo moralis, & moraliter habitam de humanis actibus, difficile est haberi certitudinem physicam: falsò ergò supponit Cardinalis de Lugo, cum supponit, quod iudicium, quo Iudex innocentem secundum allegata,

& probata nocentem inuentum damnat, procedat ex præsumptione; Exemplum autem ab ipso allatum est longè distans ab applicatione casus; Quia Iudex subito ex aliquorum informatione extraiudicialiter ductus, insequens Petrum, vt reum, cum Paulus sit, erroneè procedit, & non ex allegatis, & probatis, & ideo potest ei Paulus resistere; si verò Iudex ex allegatis, & probatis iudicet Paulum esse Petrum, etsi reuerà Petrus non sit, idem dicendum erit, ac de innocente secundum allegata, & probata ad mortem damnato, quod scilicet in eo casu, non possit Paulus Iudicem occidere, idque ex eisdem rationibus, quibus firmauimus innocentem secundum allegata, & probata damnatum, non posse Iudicem occidere.

Alia ratio Cardinalis de Lugo de paritate resistantiæ furioso legitime facta ab illo, quem occidere tentat, etiam occidendo ipsum, licet furiosus non peccet: arguendo eo modo posse fieri Iudici licet non peccet, quia ignorat veritatem, non subsistit: quia furiosus nullo mentis, & rationis actu procedit, sed solum animali motu, vt cuiusvis animalis vsu rationis carentis, & si aliter quis ab eius impulsu euadere non potest, occidere licitè poterit: Iudex autem cum ex allegatis, & probatis procedat, ratione iuris vtitur politicè, & prudenter: & non ignorantia, vel veritatis nescientia, vt supponitur; quia aliter scientia rei vnus nisi ex allegatis, & probatis iuridicè non fit, & quod ex ipsis operatur dicitur iustum, quare discretissimè, & benè Lessius pro hoc

hoc sensu allegauit Diuum Thomam q. 69. art. 4. qui dicit sententiæ iustæ non posse resisti, quia iusta est, quæ ex allegatis, & probatis resultat, & malè carpitur à Cardinali de Lugo, quia allegat pro hac sententia Diuum Thomam.

Alia tertia ratio de Principe iustè se defendente à bello moto contra eum ab alio Principe, quia scit sine ratione moueri, nihil obstat: quia uterque Princeps suis hinc inde rationibus mouetur ad existimandam iustitiam belli, & defensionis; Inuadens iudicat se ius habere ad inuadendum, inuasus ius naturale habere ad se defendendum putat, quin sciat aliud in Principe inuadente adesse nisi probabilitatem quoad se belli iusti: In nostro autem casu Iudex ex allegatis, & probatis habet ius publicum pro se, non probabilitatem, & veritatem formalem ex probationibus resultantem, & reus solum habet pro se veritatem materialem, quæ in hoc casu non subuertit iudicium, quia ex modis à iure dispositis non appareret, & haberetur à Iudice, quasi, ut non existens, ut communiter solet dici, *Quod non est in Processu, non est in Mundo.*

Quarta ratio de militibus Principis occisis iniustè ab illis, Principis inuadentis iniustè, & scientibus bellum esse iniustum, quasi parificans, reum innocentem posse similiter occidere Iudicem habentem (quasi ita dicamus) bellum iustum ob allegata, & probata contra eum: Non adaptatur, ob iam dicta de exstimata iustitia belli quoad Principem inuadentem ob ignorantiam veritatis, vel ob

aliorum consilium, vel iniuriam discussionem non ità exactè factam, & specialia iura belli, ut ait Bosius, ubi *suprà in prædicatione de homicidio n. 10.* per *Tex. in l. 2. §. in bello, ff. de re militari.*

Et recognoscat Cardinalis de Lugo d. num. 40. hanc rationem non ob stare nostræ sententiæ, quia reus nulli alteri nisi iuri publico ex allegatis, & probatis exequi mandanti obedire potest, nec ex impulsu innocentis resistere valet: cum hæc quoad iudicium, & processum non sit, & quod non est in processu, non est subiectum Iudici, qui iudicium de processu facere tenetur.

Nec dux illæ limitationes, quibus sententiam hanc probabilem reddi ait Cardinalis de Lugo, illam vere, probabilem relinquunt: non prima, qua dicit, resistentiam faciendam esse sine graui scandalo: nam si propter scandalum innocens secundum allegata, & probata damnatus abstinere debet ab occisione Iudicis, multò magis ab ea abstinere debet, ex eo quod Iudex iustè contra eum processit; nam hoc est fortius motiuum, & à priori, cum non liceat illum occidere, qui nec iniustè egit nec peccatum admisit. Et præterea semper aderit scandalum, si iustè secundum allegata & probata damnatus Iudicem occidat, nam reflecti oportet, scandalum non ex alio oriri, nisi quia populus videret Iudici ex allegatis, & probatis iudicanti resisti: ergo si propter scandalum abstinendum est ab occisione Iudicis, semper erit ab ea abstinendum: si ergo in hoc casu resistentia non est legitima per Cardina-

dinalē de Lugo, & cum hac limitatione placet ipsi sententia resistentiā firmans, non inuenio in quo casu probabilis ipsi videatur sententia, permittens resistentiā liberē, in casu innocentiae, cum solum in his terminis sit contraria nostrae; nam in nullo casu desinet esse scandalum, ob resistentiā, quia supponimus ex allegatis, & probatis procedere Iudicem, ex quo cum resistentiā rei provenit scandalum, & hoc existente, faciliter (ut asserit de Lugo) resisti Iudici non potest. Ergo in nullo casu est contra nostram sententiā, nec contrariam fundat, nec probabilis, quae ipsi placet verificatur ex ipsius discursu, licet ad illam inclinet aliquo modo sibi practice contrarius.

Uterius aliam limitationem istius probabilitatis adducit: quod scilicet reus non eo modo faciat resistentiā quando primò comprehenditur à Iudice: nam licet Iudex non possit punire innocentem, potest tamen interuenientibus indicijs eum comprehendere; & tunc procedet Iudex materialiter, & formaliter iuste.

Nam non apparet differentia resistentiā, quam facilius concedit executioni, quam comprehensioni rei, dicendo in secundo casu non eo modo debere fieri.

Quia sicuti se habent indicia in Iudice, quoad comprehensionem rei, ita se habent allegata, & probata quoad executionem sententiā; & si indicia mouent ad capturam legitimam, est, quia sunt iuri consona, ita ut resistere innocens non possit. Ergo cum etiam iuri consonum sit, ut ex allegatis, & probatis detur, & exe-

cutioni mandetur sententia, nulla differentia est resistentiā in casu executionis ad casum comprehensionis: ergo similiter non poterit in executione resisti; cum per Cardinalem de Lugo in casu comprehensionis, quia iuridice Iudex procedit, non possit ei resisti: nam & in casu executionis etiam iuridice ex allegatis operatur.

Quid autem facere debeat Iudex, qui scit aliquem esse innocentem, docet S. Thomas in *secunda secunde, questione 64. articulo 6. ad 3. ibi enim* ait, quod Iudex si scit aliquem innocentem esse, qui falsis testibus conuincitur, debet diligentius examinare testes, ut inueniat occasionem liberandi innoxium, sicut Daniel fecit. Si autem hoc non potest, non peccat, secundum allegata sententiā ferens: quia ipse non occidit innocentem, sed illi, qui asserunt eum nocentem. Minister autem Iudicis condemnantis innocentem, si sententia intollerabilem errorem contineat, non debet obedire: alias excusarentur carnifices, qui Martyres occiderunt. Si verò non contineat manifestam iniustitiam non peccat preceptum exequendo, quia ipse non habet discutere Superioris sententiā, nec ipse occidit innocentem, sed Iudex, cui ministerium exhibet.

Ex his omnibus confirmari potest nostra sententia. Posito enim, ut poni debet, quod sententia contra innocentem secundum allegata, & probata reum inuentum lata sit iusta, & quod Iudex in ea ferenda non peccet, immò ad eam ferendam teneatur, licitum est Iudici innocentem condemnatum resistentiā impugnare,

re, ac proinde ex parte condemnati resistentis est bellum iniustum, unde indubitanter peccat. Nec enim dari potest bellum citra ignorantiam, & deceptionem ex utraq; parte iustum: daretur autem iuxta oppositam sententiam; nam iuxta illam innocens secundum allegata, & probata reus inuentus, & condemnatus, posset iuste pugnare contra Iudicem, utpote conficius propriæ innocentie; ex alia parte Iudex absque ignorantia iuste impugnaret condemnatum illum resistentem. Iudex enim priuata notitia siue cognoscat hominem illum esse innocentem, siue non cognoscat, & si quoad informationē decipi possit à testibus, in ferenda tamen sententia nulla deceptione, aut ignorantia laborat: scit enim se iuste iudicare, & sententiam à se latam iustā esse; quia scit, se iudicare secundum allegata, & probata, ergo daretur bellum ex utraque parte citra ignorantiam, ac deceptionem iustum, quod tamen dari nequit, ut de se constat, & omnes admittunt.

Hac ratione D. Thomas 2. 2. ar. 4. probat iuste condemnato ad mortem non licere se defendere, & nomine iuste condemnati intelligit S. Doctor etiam illum, qui secundum allegata, & probata iuste condemnatur: tum quia loquitur de sententia, cui si condemnatus resisteret, posset eum Iudex licite impugnare; certum est autem, quod si innocens secundum allegata, & probata reus inuentus Iudici resisteret, licite posset à Iudice impugnari: tum quia de illo iuste condemnato loquitur S. Doctor, cum ait, cum non possit Iudici resistere, qui

contraponitur iniuste cōdemnato per iudicium, quod sit simile violentiæ latronum; Iudicium autem, quo quis licet innocens secundum allegata, & probata, nocens inuentus condemnatur, non est simile violentiæ latronum, immò & iustitiæ, & æquitati conforme; ac proinde cum S. Thomas ait, posse ab iniuste damnato resisti Iudici, aut Principi condemnanti, loquitur de iniuste omnibus modis; tale autem non est iudicium, quo innocens secundum allegata, & probata nocens inuentus damnatur.

Confirmatur vltcrius, quia secundum iura solum vim vi repellere licet, Iudex autem secundum allegata, & probata aliquem condemnans, non infert ei vim, cum sententia iusta sit, & in ea ferenda Iudex non peccat, immò peccaret, si eam non ferret. Ergo innocens sic damnatus non habet ius ad vi cum repellendum: quia non habet ius aduersus innocentem, qualis est Iudex in eo casu, unde innocens secundum allegata, & probata nocens inuentus, & ideo condemnatus adhibendo vim, ex qua sequi possit Iudicis mors, dat operam rei illicitæ; ac proinde si ex ea vi sequatur mors, & occisio Iudicis incurrit homicidij reatum, etiamsi non intenderetur, nisi conseruatio propriæ vitæ; ut enim docent communiter Theologi cum D. Thomas 2. 2. q. 64. ar. 8. contingit, ut quod non est actus, & per se volitum, vel intentum, sit per accidens volitum, vel intentum, secundum quod causa per accidens dicitur remouere prohibens: unde ille, qui non remouet ea, ex quibus sequitur homicidium, si debeat remouere,

mouere, erit illi quodammodo homicidium voluntarium: præsertim cum dat operam rei illicitæ, quam vitare debet: est autem illicitum aduersus innocentem, qualis est Iudex iudicans secundum allegata & probata, eam adhibere vim, ex qua sequi possit illius occisio; unde si hæc sequatur vim illam adhibens reus erit homicidij. Hoc autem non contingit, cum quis iniuste ab aliquo inuaditur: nam cum ille iniuste inuadat, inuasus habet ius defendendo se adhibendi eam etiam vim, ex qua sequi possit inuasoris mors, nam dat operam rei licitæ, nempe defensionis propriæ, dummodo adhibeat moderamen inculpatæ tutelæ, & non intendat, nisi defensionem sui, ab hac enim non tenetur abstinere, ut dicitur. Cum est suprà immò Iudex condemnans ad mortem secundum allegata, & probata nocentem repertum, non offendit innocentem, ut de se patet; ergo innocens ille non potest licite, se ab illo per vim defendere: nam ius per vim se defendendi ab aliquo locum non habet, nisi quando quis ab illo offenditur.

Dixi innocentem secundum allegata, & probata à Iudice condemnatum dare operam rei illicitæ, si aduersus Iudicem adhibeat vim, ex qua sequi possit mors, & occisio Iudicis: nam aliqualem vim adhibere citra mortem, aut graue damnum Iudicis, & ministrorum licitum esse innocenti eo pacto damnato, si per eam possit mortem euadere, iam diximus supra.

Contra hæc obijcit Bannes. Pri-

mò. Quod sententia lata contra innocentem secundum allegata, & probata reum inuentum nulla est in foro conscientie, neque confert verum ius accusatori, aut Iudici, ut habet communis opinio, ergo per se loquendo potest condemnatus ille se defendere, nisi obstat circumstantia boni, vel mali publici.

Secundò, si per sententiam ille innocens esset damnatus poena pecuniaria, poterit adhibere omnem industriam, ne soluat pecunias, & abscondere bona sua, ergo in casu, ubi agitur de periculo vitæ, poterit se defendere.

Tertiò, sententia excommunicationis, quæ fertur secundum allegata, & probata, fundatur tamen in falsa præsumptione, non obligat in foro conscientie & sic excommunicatus: potest se gerere, ut non excommunicatus, secluso scandalo. Eadem autem ratio est in casu posito.

Ex his Bannes infert, quod innocens secundum allegata & probata nocens repertus possit in sui defensionem Iudicem occidere secluso scandalo. Et in solutionibus argumentorum tria addit. Primum sententiam, qua innocens damnatur secundum allegata, & probata esse iustam, quatenus fundatur in falsa præsumptione; sed secundum rem esse iniustam.

Secundum quod Iudex si potest sine scandalo sententiam non exequi, non possit, nec teneatur illam exequi, tunc enim, inquit, daretur bellum iniustum ex parte Iudicis.

Tertium: Quod innocens ille damnatus si resistat punietur; quia præsu-

præsumitur culpa saltem scandalis, sed absolute possit resistere, quia, ut habetur in regulis Iuris, in 6. *Licet possit aliquis puniri sine culpa, non tamen sine causa.*

At hæc nullius esse momenti patet ex dictis; unde ad primum responderetur, sententiam latam contra innocentem secundum allegata, & probata reum inuentum, nullam dici in foro conscientie, quatenus non afficit, nec ligat in conscientia innocentem illum sic damnatum, nec supponit, aut inducit in eum aliquam culpam: at ex hoc non aliud probatur, nisi quod innocens ille damnatus possit omnes vias intentare, citra sanguinem tamen, & mortem, aut graue damnum Iudicis, & ministrorum, ut mortem euadat; unde potest licite se defendere, vel fugiendo si possit, etiam frangendo carceres violenter sine nimio damno, vel scandalo, ut dictum est supra; vel enitendo cum aliqua etiam vi, sine sanguine tamen, vel vulnere, vel graui percussione, è manibus ministrorum habentium illum apprehensum se proripere: non tamen ex eo, quod sententia illa non afficiat innocentem in foro conscientie, sequitur quod ipse possit licite se defendere cum occisione Iudicis, aut ministrorum: quia licet sententia illa vocari possit nulla in foro conscientie, immò & iniusta materialiter, formaliter tamen, & ut fertur est iustissima; utpote lata secundum ordinem Iuris, à quo sumendum est, an Iudex iuste procedat, & iudicet: immò si aliter seeretur, esset iniusta, & errasset Iudex; & ita obligat subditum, ne per vim illi resistat: nam solum iniu-

stum aggressorem vi repellere licet; in hoc autem casu nec Iudex, nec illius ministri sunt iniusti aggressores.

Addit tamen Salonijs posse innocentem per vim, & sanguinem se defendere, quando videret certo Iudici constare ipsius innocentiam, nec Iudicem uti aliqua ex illis vijs licitis ad eum liberandum, vel saltem non condemnandum; & illam defensionem posse fieri citra scandalum: quia tunc reuera iniquè Iudex ille ageret, & à Iudice inique procedente potest subditus per vim se tueri, citra scandalum. Hæc tamen non videntur admittenda; cum nec in eo casu Iudex actu, & physice congregiatur cum illo innocente; & contra idem recurrunt argumenta, quibus supra probauimus non esse licitum Iudicem occidere, à quo iniuste aliquis sit damnatus.

Idè etià Salonijs addit, quod in dubijs nõ est obediendum cum propria iactura, & dāno: & ideo in dubio esse Iudicem admonendum de causis, ob quas prudenter dubitatur de iustitia sententie ab ipso late, ut maturius consideret, & re diligentius inspecta, vel illam sententiam reuocet, vel eius iustitiam manifestet; quod si noluerit reuocare, & sententia maneret prudenter dubia, potest sic condemnatus citra scandalum, sicut si esset iniuste condemnatus, per vim se defendere; quia in dubijs, quæ sunt in damnum rei, potior est semper ratio ipsius rei, qui damnum inique pati potest, quam Iudicis. Hæc Salonijs. Sed contra hoc idem faciunt eadem argumenta, quibus iam probauimus in actuali, & physico dumtaxat con-

flitu (qui non contingit in presenti) licitum esse defendendo se aggressorem occidere, aut lædere.

Ad secundum argumentum Bannesij dicitur, quod sicut innocens damnatus ad pœnam pecuniariam potest adhibere omnem industriam, nè soluat pecunias: ita & innocens secundum allegata, & probata nocens repertus, ad mortem damnatus, potest adhibere omnem industriam, vt sententia executioni non mandetur: non idè tamen potest iudicem licitè occidere.

Ad confirmationem pariter dicitur, quod si ante sententiæ executionem constaret iuridicè de innocentia illius, qui secundum allegata, & probata reus inuentus, ad mortem damnatus est, sententia non esset executioni mandanda; sed non idè Iudex, qui innocentem secundum allegata, & probata reum inuentum ad mortem damnauit, licitè occidi potest ab innocente, quando de illius innocentia iuridicè non constat.

Ad tertium responderetur; Quod nec excommunicatio secundum allegata, & probata in aliquem lata, dicenda est fundari in falsa præsumptione, quia fundatur in veritate iuridica, sicut diximus de sententia, qua innocens secundum allegata, & probata reus inuentus damnatur. Et argumentum nil aliud probat, nisi quod sicut excommunicatio, qua innocens secundum allegata, & probata, repertus nocens, excommunicatur, non obligat excommunicatum illum in conscientia, ad gerendum se, vt excommunicatum: sed potest, si non adsit scandalum, gere-

re se vt non excommunicatum: ita innocens secundum allegata, & probata nocens inuentus, ad mortem damnatus possit se gerere, ac si non esset inuentus nocens, & vt non damnatus, quantum ad sui defensionem, citra sanguinem tamen, & mortem, aut graue damnum Iudicis, & Ministrorum, vt iam dictum est.

Certum igitur ex his relinquitur, non licere innocenti reo secundum allegata, & probata, reperto, ac damnato Iudicem, à quo secundum allegata, & probata damnatus est, occidere: Id autem nedum speciales rationes adductæ probant, sed etiam ea communis ratio aliàs adducta conuincit. Quod Iudex innocentem secundum allegata, & probata reum inuentum, condemnans, non est iniustus aggressor, immò non est aggressor, actualiter scilicet, & physice, & per physicum congressum, seu conflictum, reum istum aggrediens; nam ab huiusmodi tantum aggressionem inuaso licitum est, ac permisum defendendo se aggressorem occidere: nam solus eiusmodi aggressor constitutus est in necessitate moraliter inuitabili defendendi se per actua-lem, ac physicum conflictum, & manus conferendi; & consequenter solus eiusmodi aggressor constituit ipsū in morali necessitate vi vim repellendi. In alijs autem casibus, cum non contingat congressus physicus, & manualis duorum inuicem congre-dientium, & manus conferentium, non adest ea necessitas: nam in alijs casibus non est aded infallibilis mors aggressi; cum sententia mortis à Iudice lata reuocari possit à Iudice, qui

eam tulit, vel à supremo Iudice, si Iudex ille non sit supremus: & in casu, de quo hic agitur, Iudex adhibitis diligentijs, vt diximus, manifestare

possit innocentiam eius, qui secundum allegata, & probata reus appareret.

QVAESTIO DECIMA.

Vtrum iniuste Aggressor teneatur se ab iniusto Aggressore defendere.

Diximus, iniuste aggresso licere, seipsum ab iniusto aggressore, etiam cum illius occisione defendere. Hic autem ulterius quaerimus, vtrum iniuste aggressus nedum licite possit se ab iniusto aggressore defendere, sed etiam ad se ab iniusto aggressore defendendum teneatur: itaut si se ab iniusto aggressore non defendat, grauiter delinquat, vel possit absque peccato se ipsum iniusto aggressori perimendum permittere.

Quod peccet, qui se non defendit, si potest, ac proinde quod vnusquisque ad sui defensionem teneatur, affirmant Ioannes de Lignano in *tractat. de bello cap. 83.* Paulus de Castro l. *prima §. ius gentium num. 9. ff. de iustitia, & iure*, Hyppolitus de Marsilijs in l. *vnus §. cognisum num. 36. ff. de quaestionibus*, Petrus à Plaza in *epitome delictorum cap. 23. num. 1. col. 6. vers. & fortissimum*, Abulensis in *cap. 11. Iosue quasi. 11.* & quamuis Authores isti (vno excepto Abulensi, qui aperte asserit teneri inuasum sub reatu culpae lethalis interficere inua-

forem, si possit, quando non potest aliter vitam suam conseruare) non asserant expresse teneri vnumquemque ad sui defensionem, etiam cum occisione aggressoris, si aliter mortem euadere nequeat: id ipsum tamen videntur sentire, cum sentiant nemini licitum esse sui occisionem permittere, & vnumquemque ad propriam vitam defendendam teneri, posito quod vita propria seruari nequeat, nisi cum occisione aggressoris.

ASSERTIO VNICA.

Iniuste aggressus non teneatur se ab iniusto aggressore defendere, sed licite potest se iniusto aggressori perimendum permittere.

ITa communiter Theologi, ac Iuristi, Dominicus Soto de *iustitia, & iure libro 5. quasi. 1. art. 8.* Cardinalis Caietanus, & Aragonius in *secundam secundae quasi. 64. artic. 7.* Syluius *ibidem quasi. 1.* & Salonijs

controuers. 1. conclus. 1. Victoria in Relect. de Homicidio num. 24. Bannes in 2. 2. q. 33. art. 3. dub. 4. in responsione ad confirmationem tertij argumenti. Syluester in Summa, verbo Bellum 2. quasi. 3. Ludouicus Melsia in Pragmat. Taxa panis concl. 6. n. 835. Simancas in Cathol. instit. tit. 18. n. 3. Couarruu. 2. par. de Sponsalibus cap. 8. §. 12. n. 17. Petrus Nauarra in tract. de relictis. lib. 2. cap. 3. nu. 39. & 62. Molina tom. 4. de iustitia, & iure disp. 14.

Ratio est, quia omisio propriæ defensionis esse potest moraliter perfectior, & laudabilior, ac magis apud Deum meritoria, etiam ex præscripto ipsius Dei, quam sit ipsa defensio; Ergo iniuste aggressus non tenetur se ab iniusto aggressore defendere: Consequentia est optima, nam nemo tenetur ad actum, cuius omisio sit moraliter perfectior, & laudabilior, ac magis meritoria, quam sit actus omisus. Antecedens autem probatur. Nam potest iniuste aggressus omittere defensionem sui ex charitate erga Deum; tunc autem omisio propriæ defensionis ex hoc motiuo consequens, est moraliter perfectior, ac laudabilior, magisque apud Deum meritoria, quam sit ipsa defensio, ex auctoritate ipsius Christi Domini Ioannis 15. dicentis: *Maiores hanc dilectione nemo habet, ut animum suum ponat quis pro amicis suis.* Amicorum autem nomine in hac auctoritate, cum dicitur. *Vt animam suam ponat quis pro amicis suis,* intelliguntur omnes homines, siue amici, siue inimici, ut bene obseruat Cornel. à Lapide in Commentario dicti capiti 15. Ioannis

ad laudata verba sic enim ait. *Amici hic enim vocantur non qui diligunt, sed qui diliguntur, quales possunt etiam esse inimici, maior dilectio esse nequit, quam sit illius, qui vitam ponit, & mortem oppone pro amicis, id est pro ijs, quos diligit, & loco amicorum habet, etiam si ipsi reuera eius non sint amici, sed hostes, & inimici, &c.*

Nec refert sententiam illam potissimum esse intelligendam de vita nostri corporis exponenda pro salute proximi spirituali. Potest enim etiam generaliter accipi, ut obseruat Syluius loco citato, de salute proximorum etiam temporalis, quomodò priorem accepit Chrysostom. libr. 2. de Sacerdotio.

Cum igitur ex duobus illis, quæ sunt ponere vitam propriam pro vita corporali alterius, laudabilius, ac perfectius, magisque apud Deum meritorium sit, vitam corporalem ponere pro vita corporali alterius; idque contingat, cum iniuste aggressus à sui defensione abstinet, teneri non potest aggressus ad sui defensionem, ita ut peccet, si se non defendat: nam peccatum esse non potest, id quod est laudabilius, perfectius, ac magis meritorium.

Sed ut vis huius rationis funditus percipiarur, & radix huius rei profundius attingatur. Animaduertendum est, quod si spectetur præcisè vita corporalis aggressi, & vita corporalis aggredientis, & nullum aliud motiuum aggressum ad sui defensionem omittendam moueat, quàm conseruatio præcisè vitæ corporalis aggredientis, non licet aggresso ex hoc motiuo præcisè, à sui defensione

abstinere, sed grauiter delinqueret sui defensionem omitteudo: nam cum paria bona sint, vita corporalis aggressi, & vita corporalis aggredientis, & nullum aliud præter hæc interueniat, non est maior ratio, ob quam aggressus ponere debeat vitam suam corporalem pro vita corporali aggressoris, & aggressoris vita poni non debeat, pro vita corporali aggressi. Quare cum nullum bonum, aut commodum, nec etiam spirituale, resulter in aggresso ex omissione propriæ defensionis ob motiuum præcisum seruandi vitam corporalem aggredientis, aggressus ex motiuo isto propriam defensionem omitteat, diligeret proximum suum plusquam seipsum, præferendo scilicet vitam proximi vitæ propriæ. Id autem est contra Diuinum præceptum, quo præcipitur, vt quisque diligat proximum suum, sicut seipsum, id est inf a se ipsum, vt diximus supra. Et ideo S. Augustinus lib. de mendacio cap. 3. ait: *Si quis exponat vitam corporalem propriam pro vita corporali alterius, iam non diligit proximum, sicut seipsum, sed plus quam seipsum, quod doctrina regulam excedit.* Et in hoc sensu puto Authores in principio allegatos, negasse licitum esse alicui sui defensionem omittere.

Præterea est contra naturalem inclinationem, quod quis, ex solo motiuo seruandi vitam alterius, propriam vitam contemnat, eamque pro isto tradat: immò est contra charitatem; nam charitas dicitur, vt propria vita non prodigatur, prodigeretur autem, si quis passim alio non existente motiuo; nisi seruandi vitam aggressoris,

propriam vitam traderet, seque ab alio occidi permetteret; motiuum enim seruandi vitam aggressoris, non est rationabile, & sufficiens, vt quis licite propriam vitam exponat; ac proinde sic eam exponete, esset eam prodigere, quod non licet: cum homo non habeat dominium sui corporis: nec ex aliquo loco Sacræ Scripturæ habetur, quod Deus probet vitæ alicuius hominis expositionem, ex hoc præciso motiuo, vt conseruet vitam alterius; ac proinde non potest homo de propria vita, eo pacto disponere, & ita id apertè docent Bannes, Valentia, & alij communiter, & nos cum ipsis in controuers. de elemosyna quæst. 1. §. 7. idem diximus.

Sic igitur motiuum præcisum seruandi vitam corporalem aggressoris, si in eo sitatur, & viterius non ordinetur, non est æquum, ac tale, ob quod licite, & absque peccato quis abstinere possit à sui defensione. Unde inquirendum est, an aliud aliquod motiuum occurrere possit, ad quod licite ordinari possit omisio illa propriæ defensionis, ea intermedia intentione, ne aggressor vitam corporalem amittat. Et dicendum tale motiuum utique occurrere. Et est ipse, Deus propter se, ac super omnia dilectus, ad quem tanquam ad finem vltimum referre potest aggressus omisionem illam propriæ defensionis, & suæ occisionis permissionem. Nam cum Deus ipse manifeste declarauerit, quod tradere vitam suam corporalem pro vita corporali alterius, sit opus egregiæ dilectionis ergà proximum, immò talis, vt illa dilectione maiorem nemo habeat, consequen-

quenter edixit per hoc Deus, id ipsum ordinari posse in ipsum Deum, esseque actum egregiæ charitatis erga ipsum Deum: nam cum diligitur proximus ex charitate, diligitur propter Deum; ac proinde dilectio illa, qua quis proximum ita diligit propter Deum, ut pro seruanda illius vita corporali, propriam vitam corporalem tradat, resoluitur, ac terminatur in Deum propter se, & super omnia dilectum.

Ex his autem demonstratur Assertio posita. Nam totum hoc, quod est iniuste aggressum à propriæ vitæ corporalis defensione abstinere, ne iniustus aggressor vitam suam corporalem amittat, ordinari potest in Deum; & si ordinetur in Deum, est opus egregiæ charitatis erga proximum, ac etiam erga ipsum Deum. Deus enim talem esse omissionem illam declarauit. Cum igitur licitum sit, immò egregiè, ac perfectissimæ charitatis opus id præstare, utique licitum erit, ac laudabilius, quod iniuste aggressus hoc perfectum opus præstet, & præstat, cum à propriæ vitæ corporalis defensione abstinet, seque iniusto aggressori perimendum permittit, ne iniustus aggressor vitam corporalem amittat, referendo hæc omnia in ipsum Deum, tanquam in vltimum finem, propter se, & super omnia dilectum.

Sed & in hoc ipso, quod quis velit propriam vitam corporalem pro alterius vita corporali ex dilectione Dei exponere, inuoluitur exercitium Fidei, Spei, & Charitatis, aliarumque virtutum, quæ ad actum illum concurrunt, propter quod licitum est

vitam propriam exponere, ex præscripto pariter Diuino declarante illud esse perfectissimum actum charitatis, quem profectò actus aliarum virtutum comitantur; Vndè propter charitatis, aliarumque virtutum exercitium declarauit Deus, licitum esse alicui propriam vitam corporalem exponere pro vita corporali alterius, ut indè homo vitam propriam sic exponens perfectiorem gradum in ordine spirituali assequatur, & in ipsum Deum ipse homo, & omnes eius actus ordinati remaneant: fuit autem necessaria ea Dei dispositio, ac declaratio; quia cum homo non sit Dominus, sed custos proprii corporis, non potest de isto etiam in ordine ad spiritualia bona consequenda disponere absque speciali Dei declaratione, ac beneplacito, quo id licitum esse, sibi que gratum declararet. Quare quod quis possit licitè vitam corporalem exponere pro vita corporali alterius facit, non ut Dominus, sed ut à Domino Deo potestatem habes præferendi opus virtutis suæ corporali vitæ: Quo modo depositarius rem alienam apud se depositam potest alienare, si Dominus hoc ei permitteret, ut Syluius bene obseruat 2. 2. q. 66. art. 1. *questio 7. concl. 6. in fine.*

Idem obseruat Molina *disp. 14.* ubi sic ait: *Pro vita corporali proximas est periculo exponere propriam vitam corporalem; etenim licet domini non simus vita nostra, sed Custodes, atque administratores, Deus tamen, qui illam nobis concessit, quique dominium illius retinet, facultatem illius nobis non denegauit ad tam egregium virtutis actum*

in ipsius obsequium, in tantumque virtutis, ac meriti nostrum bonum.

Iniuste igitur aggressus propriam sui defensionem omittendo ad seruandam aggressoris vitam, si hoc ipsum præstet ex dilectione Dei, & ad exercitium charitatis, aliarumque virtutum, opus præstat licitum, laudabile perfectissimæ charitatis, & summè meritorium, vndè S. Thomas 2. 2. q. 124. art. 3. ait, quod tolerare mortem non est laudabile secundum se, sed solum secundum quod ordinatur ad aliquod bonum, quod consistit in actu virtutis, puta ad Fidem, & ad dilectionem Dei, &c.

Hac ratione licitum est, si duo in extrema necessitate constituti sint, alterum alteri cedere panem, quem vnicum, & vni tantum sufficientem habet. Pariter quis potest in fuga hostium alteri concedere equum, vt fugiat, etiam si ipse pedibus effugere non possit. Rursus grassante peste potest sanus ministrare infectis, etiam si putet se inficiendum. Potest etiam quis in naufragio cedere tabulam, quam posset occupare, & saluari.

Soluitur præcipua obiectio contra nostram assertionem, & confirmatur eadem assertio.

Objicies. Quod vnusquisque de iure naturæ teneatur se ab iniusto aggressore defendere; nam & hoc recta ratio dicat, & vnusquisque de iure naturæ tenetur magis conseruare propriam vitam, quàm alienam,

ergo iniuste aggressus grauiter delinquet propriam defensionem omittendo, vt iniusti aggressoris vitam conseruet; ac proinde falsum est, quod in assertionem posita dictum est, iniuste aggressum ad sui defensionem non teneri.

De iure quoque Diuino tenetur vnusquisque se ipsum magis diligere, quàm proximum: nam est Diuinum præceptum, quod quisque proximum suum diligat, sicut se ipsum, id est infra seipsum, vt dictum est suprâ; Si autem iniuste aggressus propriæ vitæ defensionem omitteret, vt iniusti aggressoris vitam conseruet, iam non diligeret proximum sicut seipsum, sed plus quam seipsum, ergo &c.

Præterea ordo charitatis postulat, vt corpus proprium, propriaque vita corporalis præferatur corpori, & vitæ corporali alterius; Vndè iuxta ordinem charitatis vita propria corporalis præferri debet vitæ corporali alienæ, igitur non licet iniuste aggresso vitam alienam propriæ præferre, vt præferret, si à propria defensione abstineret, vt iniusti aggressoris vitam conseruaret.

Respondetur ex his, quæ diximus supra, vnumquemque de iure naturæ teneri se ab iniusto aggressore defendere, magisque propriam vitam, quàm alienam conseruare, idque esse rectæ rationi conforme, si spectentur præcisè vita corporalis aggressi, & vita corporalis aggressoris: nam cum vita corporalis aggressi, & vita corporalis aggressoris, sint bona naturalia æqualis valoris, & in vita corporali aggressoris nihil appareat di-

dignius vita corporali aggressi, contra dictamen rectæ rationis esset, quod spectatis vita, & vita, vna alteri præferretur: cum non sit maior ratio prælationis vnius, quàm alterius; nec Deus facultatem alicui concessit, aut indulgit, vt præcisè pro vita corporali alterius, in ea sitendo propriam vitam corporalem iacturæ periculo exponat; Et idèd peccaret, qui spectata præcisè vita corporali alterius, & pro ea præcisè seruanda, atque in hoc sitendo sui defensionem omitteret: teneretur enim tunc se defendere, ac proindè defensionis omissio culpabilis esset. At si iniuste aggressus non spectet præcisè vitam corporalem aggressoris, nec in conseruatione vitæ aggressoris sistat, sed spectet id, quod Deus, vt supremus dominus naturæ disposuit, quod scilicet homini liceat propter ipsum Deum summè dilectum exponere propriam vitam corporalem pro conseruatione vitæ corporalis aggressoris, eam conseruationem intendendo, at in ea non sitendo, sed tantum hoc in Deum, vt super omnia dilectum referendo: si hoc, inquam, spectetur, licet alicui à sui defensione abstinere, propriamque defensionem omittere: talem enim omissionem probauit Deus, vt actum egregiæ charitatis, & dilectionis, cum dixit, *Maiorem hac dilectione nemo habet, vt animam suam ponat quis pro amicis suis.* Tunc enim aliquid infinite dignius apparet vita propria corporali, ob quod periculo iacturæ exponi possit vita propria corporalis, scilicet ipse Deus, pro cuius amore, propriam vitam corporalem exponit, & exercitium charitatis, ac dile-

ctionis erga Deum: nam & dilectio illa proximi, qua illum ita diligit, vt eius vitam propriam præferat, tendit vltimatè in Deum. Vnde omissio illa propriæ defensionis, prout sic non est culpabilis; quia posito motiuo prædicto placendi Deo talem omissionem probanti, non tenetur homo ad propriam defensionem: omissio autem tunc est culpabilis, quando omittens posset elicere actum omissum, & ad illum tenetur.

Est tamen omissio hæc propriæ defensionis, omittendi voluntaria, quia omittens, eam omissionem vult per specialem suæ voluntatis actum, & licitum est ei talem omissionem velle: quia Deus eam omissionem, vt ad perfectissimam charitatem spectantem probauit, & commendauit, indulgitque, vt in Dei obsequium, ac dilectionem posset homo propriam vitam non custodire, & idem accidit in martyribus.

Quare si spectentur tantum vita, & vita inuasoris, & inuasi, inuasus nedum potest inuasorem, seipsum defendendo, occidere: sed tenetur se defendere etiam cum occisione inuasoris: nam cum paria sint vita vtriusque, inuasus tenetur plus providere vitæ suæ, quam vitæ alienæ; vnde si non habeat sufficiens motiuum, vnde moueatur, aut moueri possit ad postponendam vitam propriam vitæ alienæ, tenebitur propriam vitam defendere: & cum hanc defendere non possit, nisi cum occisione inuasoris, tenetur illam defendere, etiam cum occisione inuasoris, non intendendo tamen nisi sui defensionem. Et quia inuasus non tenetur permittere se occidi

cidi ab inuasore, etiam ex motiuo exercendæ charitatis ergà ipsum, seruândo eius vitam corporalem, quamuis id possit, si velit; ita si nolit sumere hoc motiuum, & velit spectare tantum vitam suam, & vitam inuasoris, hac deliberatione posita, nedum potest, sed tenetur defendere se, etiamsi ad hanc defensionem sequatur mors inuasoris, non intendendo tamen, vt dictum est, nisi defensionem sui.

Cæterum, si aggressus ea quidem intentione sui defensionem omittat, vt aggressoris vitam conseruet, & in hoc ultimatè non sistat, sed hoc ipsum in nobilissimum finem referat, scilicet in Deum propter se, & super omnia dilectum, quia scilicet per hoc quod præferendo vitam aggressoris vitæ propriæ Deum super omnia diligit, nam hoc pacto se ab homine diligi declarauit ipse Deus, cum dixit. *Maiores hac dilectione nemo habet, ut animam suam ponat quis pro amicis suis.* Hinc est, quod ex hoc motiuo vitæ propriæ defensionem omittens ad conseruandam aggressoris vitam, nedum non delinquit, sed actum perfectissimæ Charitatis præstat, vt dictum est supra. Quare non repugnat, nec contradictionem aliquam implicat, quod quis ex diuerso motiuo teneatur, & non teneatur ad sui defensionem. Tenetur enim ad sui defensionem, si spectet præcisè vitam corporalem aggressoris, & ad sui defensionem non tenetur, si spectet Deum propter quem sui defensionem omittit.

Ad aliud de ordine Charitatis iuxta quem diligendum est ab vnoquo,

que prius corpus; & vita propria, deinde corpus, & vita proximi. Respondetur pariter hunc ordinem non perueri per hoc, quod quis propriam vitam exponat pro alterius vita, si hoc faciat propter Deum summè dilectum, & propter alia motiua, & bona spiritualia illius, qui vitam suam exponit, vt dictum est supra: nam qui sic suam vitam exponit, non diligit nec magis, nec prius vitam proximi, quam seipsum, & propriam vitam, sed diligit magis, & prius Deum, quam seipsum: nam propter Deum super omnia dilectum vitam propriam pro alterius vita exponit; & quamuis ordo ille charitatis, quo quis debet diligere prius vitam propriam, quam vitam alterius, sit etiam per respectum ad Deum, tamen & alium ordinem perfectioris gradus charitatis ipse Deus instituit, per respectum etiam ad ipsum Deum, erga quem exerceri possit perfectior actus charitatis, ille scilicet, quo quis propter Deum vitam suam pro vita proximi exponit; ideo integro manente ordine illo, quo quis debet prius, ac magis diligere seipsum, & propriam vitam corporalem, quam proximum, & vitam eius pariter corporalem, dari potuit, & institui à Deo altior gradus, & ordo charitatis; ille scilicet, quo quis diligit magis, & prius, non quidem vitam proximi, quam suam, sed Deum ipsum speciali modo, plus quam seipsum: quamuis enim homo teneatur diligere Deum plus quam seipsum, quatenus Deus est bonum commune omnium, quia beatitudo est in Deo, sicut in communi, & fontali principio omnium, qui beatitu-

dinem participare possunt, ut ait Sanctus Thomas 2.2. *questi. 26. artic. 3.* Attamen Deum plus quam seipsum diligere non tenetur homo, per hoc medium, quod est propriam vitam corporalem pro seruanda proximi vita propter ipsum Deum exponere; ad hoc enim noluit Deus hominem obligari, sed uti opus supererogationis, & perfectissimæ Charitatis declarauit, ab his, qui voluerint præstandum. Vnde S. Thomas 2.2. *q. 26. art. 5. ad 3. ait. Non est de necessitate Charitatis, quod homo proprium corpus exponat pro salute proximi (corporali) nisi in casu quo tenetur eius saluti promittere, sed quod aliquis sponte ad hoc se offerat, pertinet ad perfectionem Charitatis.*

Sic ergo, sicut opus maioris perfectionis & supererogationis non destruit, nec tollit opus bonum ordinarium, neque cum eo pugnat, ita cum ordine illo Charitatis iuxta quæ, magis, ac prius diligere debet quis seipsum, & propriam vitam, quam vitam proximi, non pugnat ordo alius maioris perfectionis, iuxta quem aliquis vitam quidem propriam pro seruanda vita proximi contemnit, & iacturæ periculo exponit, sed hoc præteret propter Deum super omnia dilectum, vel propter bona spiritualia ex hoc in ipsum hominem propriam vitam exponentem resultantia; hoc enim, ut dictum est, non est, nec prius, nec magis diligere proximum, quam seipsum, sed est Deum prius, & plus quam seipsum diligere, ac etiam est diligere in seipso magis bonum spirituale, quam corporale, ut dictum est. Hac etiam ratione Consi-

lia Euangelica non repugnant cum præceptis, & integris manentibus præceptis, dari potuerunt consilia.

Igitur propriam defensionem omittere pro iniusti aggressoris vita ex Charitatis motiuo seruanda, nodum est licitum, & laudabile, sed est actus eximie Charitatis. Idemque perfectior est, si fiat pro salute spirituali eiusdem aggressoris, ne scilicet aggressor in æternum pereat, inferatque illi damnum animæ irreparabile, uti ei inferretur, si cum in eo itatu occideret, & ipse aggressus sit in statu gratiæ, quamuis enim aggressus ex hoc motiuo à defensione sui abstinere non teneatur, liceatque ei adhuc se ab aggressore etiam cum illius occisione defendere, quia aggressor ex sua malitia coniecit se in itatum illum, cum hoc tamen bene stat, quod aggressus possit, si velit ex motiuo vitandæ illius æternæ damnationis, ab eo occidendo abstinere, etiamsi ab eius occisione abstinendo propriam mortem incurrat, nam licitum est præferre vitam spirituales alterius vitæ nostræ corporali, hoc ipsum propter Deum super omnia dilectum agendo.

Rursus propriæ defensionis omisso, adhuc perfectior est, si fiat in testimonium Fidei Dininæ, ut contingebat in Martyribus, qui à propria defensione abstinerebant, etiamsi possent se defendere, idque ut Deo iactimonium eius Fidei se sacrificarent; hic tamen casus diuersus est à casu præsentis questionis; nam præsentis questionis casus est, cum iniuste aggressus propriam defensionem omittit, ut vitam corporalem aggressoris

foris ex motu Charitatis præseruet: Martyres autem à propria defensione abstinere, non ut vitam Tyrannorum, eorumque satellitum præseruarent, sed ut ipsi Martyres pro Deo vitam profunderent, & sic Fidei Diuinæ testimonium perhiberent; id autem non animaduertunt Authores, qui nobiscum sentiunt affiendo pro nostra sententia confirmanda Martyrum exempla, qui cum possent se defendere à sui defensione abstinere: id enim non facit ad rem præsentem, nam hic solum quæstio est de aggressis illis, qui ad seruandam iniusti aggressoris vitam à sui defensione abstinere, ut dictum est.

Limitationes, cum quibus intelligenda est Assertio nostra.

Diximus, iniuste aggressum non tunc ad sui defensionem, sed licite posse sui defensionem ommittere, scque iniusto aggressori perimendum permittere. Quia tamen id non nisi cum aliquibus limitationibus accipiendum est, sequentes limitationes subiiciemus, cum quibus prædicta Assertio intelligenda est.

Prima limitatio est, quod ommittere propriam defensionem licitum non sit, si detur casus, quod aggressus persona sit, cuius vita multum Reipublicæ vel in spiritualibus, vel in temporalibus referat, ex cuius proinde iactura, magnum detrimentum in Rempublicam resultet, tunc iste aggressus non posset licite à defensione sui abstinere, etiam si hæc non

contingeret, nisi cum occisione aggressoris, sed tenetur sub reatu culpæ lethalis defendere se, etiam cum occisione aggressoris, si posset, ut vitam suam conseruaret. Nam ageretur de communi maximo bono, in cuius præiudicium non potest aliquis sine culpa lethali non conseruare eo modo licito suam vitam. Neque ad id censenda est facta ei facultas à Deo, cuius quoad dominum est vita ipsius, nihil impediens damno aggressoris, in quod ipse culpa sua incidit.

Secunda limitatio est omissionem propriæ defensionis licitam non esse in casu, quo ex aggressi morte sequeretur maximum detrimentum familiæ, ut uxori, ac filiis, quos alere tenetur. Quamuis enim cedere posset iuri suo, permittendo se ab aggressore interfici ex motu excedæ Charitatis, & ne aggressor damnum mortis temporalis, & æternæ incurreret, non tamen posset cedere iuri suorum, quibus vita ipsius est necessaria, & quibus alimenta, educationem, ac protectionem debet, quæ à vita ipsius pendent.

Tertia limitatio est, si e contra detur casus, quod aggressor sit talis, ut eius vita multum Reipublicæ intersit, vel talis sit, ut ex illius morte sequatur maximum detrimentum familiæ, tunc aggressus tenetur potius mortem pati, quam in sui defensionem talem aggressorem, licet iniustum, interficere. Ratio, est, quoniam iure naturæ, & lege Claritatis tenetur præferre commune bonum suæ propriæ vitæ.

Nec valet dicere, quod aggressus possit occidere aggressorem, cuius

vita Reipublicæ interest, non intendendo eius occisionem, sed solum sui defensionem. Non valet, inquam, hoc dicere, nam quando aggrediens est persona, cuius vita interest Reipublicæ, non potest ab aggressore occidi, nec per actionem, qua intendat solam sui defensionem, si actio illa sit occisiva aggressoris, & prouideatur ab aggressore futuram esse occisionem aggredientis per actionem defensionem sui, etiam si aggredientis occisionem non intendat; nam in hoc casu, cum interueniat præiudicium publici boni, aggressus tenetur abstinere à defensione propria.

Excipiendum est tamen, si aggressus sit in statu peccati, tunc enim non tenetur pati mortem, immò se defendere cum occisione aggressoris, si alia via nequeat mortem euadere, etiam si aggressor sit talis, ut eius vita multum Reipublicæ intersit, vel ex eius morte sequatur maximum detrimentum familie: nam pro nullo bono huius Mundi, cum id sit inferius bonum, & temporale, qualecumque illud sit, potest homo exponere propriam vitam spiritualem, & salutem æternam, ut exponeret, si se in eo statu occidi permetteret. Quare ex præcepto Charitatis debet præferre salutem æternam propriam saluti corporali aliorum. *Quid enim prodest homini si uniuersum Mundum lucretur, anima verò sua detrimentum patitur?* Matt. 16.

Confirmatur. Quia id esset velle carere gratia, seu Charitate in perpetuum, qua nec ad tempus carere possumus velle; cum hoc fieri nequeat absque peccato, & semper teneamur

dare operam, ne à gratia, seu Charitate excidamus.

Neque oppositum honestari potest ex eo, quod bonum totius præponendum sit bono partis; nam bonum partis, quod postponendum est bono totius Reipublicæ intelligi debet externum, & temporale, non autem bonum partis spirituale, & æternum.

Rursus, bonum totius propter quod, periculo exponendum est, bonum partis, intelligitur illud, à quo bonum partis dependet, & ad quod tanquam ad finem ordinatur. Salus autem Reipublicæ non est eiusmodi bonum respectu gratiæ, & Charitatis.

Hæ rationes nedum probant, quod existens in peccato mortali, teneatur se defendere ab aggressore, qui sit persona publica, cuius vita multum Reipublicæ intersit, vel talis, ut ex eius morte sequatur maximum damnum familie, etiam cum illius occisione, si non possit aliter euadere, sed etiam à fortiori probant, quod eodem modo teneatur se defendere ab aggressore, qui sit persona priuata, & talis, ut ex eius morte nullum sequatur damnum familie: quamuis enim liceat alicui exponere vitam suam corporalem pro bono spirituali proximi, immò & pro vita proximi corporali ex motiuo exercendi charitatē, & alias virtutes, ut iam diximus, nō tamen licet exponere vitam suam spiritualem, & salutem animæ æternam pro vita corporali, aut etiam spirituali alterius; quia secundum ordinem charitatis, debemus salutem nostram spiritualem præferre saluti corporali, & spirituali proximi. Quare si aggressus sit in statu peccati, teneatur

tur se defendere ab aggressore, etiam cum illius occisione, qualiscunque sit persona illa, quæ aggreditur, ne periculo se exponat æternæ damnationis. Et quamvis posset elicere, actum contritionis, cum hunc difficile sit haberi, non tenetur se huic periculo exponere pro seruanda vita aggressoris, cum nõ teneatur ad eam seruandam ex rationibus allatis.

Excipiendus est etiam casus, quod tam aggressus, quàm aggressor essent personæ tales, ut ex eorum morte magnum detrimentum sequeretur in Republica, vel familia, vel etiam tam aggressor, quàm aggressus essent in statu peccati; Tunc enim neutri licet abstinere à sui defensione, etiam cum alterius occisione, sed unusquisque tenetur se defendere, etiam cum alterius occisione, quando aliter mortem non possit euadere, nam non esset maior ratio de vno, quam de altero.

Id autem intelligendum est, posito, quod aggrediens desistere nolit ab offensione aggressi: nam si aggressor desistat ab offensione aggressi, etiam aggressus tenetur ab offensione aggressoris desistere; Aggrediens tamen peccat, cum quia iniuste alium aggreditur, tum quia inuaditur alius, cuius vita interest Reipublicæ, tum quia exponit propriam vitam occisionis periculo, cum tamen eius etiam vita Reipublicæ intersit, aggressus autem etsi non peccet defendendo seipsum à tali aggrediente, immò teneatur se defendere, quatenus eius etiam vita Reipublicæ interest, peccat tamen quandoque defendendo se cum occisione aggredientis, cuius

etiam vita interest Reipublicæ.

Pro quo obseruandum est, quod si aggressi vita sit notabiliter magis necessaria ad bonum commune Reipublicæ, quam vita aggredientis, tunc aggressus tenetur defendere propriam vitam etiam cum occisione aggredientis; Si verò vita aggredientis sit notabiliter magis necessaria ad bonum Reipublicæ, quàm vita aggressi, tunc aggresso non licet se defendere cum occisione vitæ aggredientis. Si autem tam aggressi, quàm aggredientis vita sit æqualiter, sed seorsum necessaria ad bonum commune Reipublicæ, ita ut ex singulorum morte sequatur magnum, sed æquale Reipublicæ damnum, tunc aggresso licebit se ab aggressore defendere etiam cum occisione aggressoris, quia non est maior ratio, ob quam aggressus debeat præferre vitam aggredientis vitæ propriæ. Si autem vtriusque vita sit simul, & in solidum, ut ita dicamus, necessaria ad conseruandum bonum commune Reipublicæ, etiam tunc iniuste aggresso licebit se ab iniusto aggressore defendere, etiam cum occisione illius, quia neque in hoc casu maior apparet ratio, ob quam aggressus debeat præferre vitam aggredientis vitæ propriæ, & aliàs iniuste inuaditur, & præterea cæteris paribus teneatur magis ad conseruationem propriæ vitæ, quam ad conseruationem vitæ alterius.

Quidam, ut quæstione præcedenti diximus Nauarro in *manuali*. c. 55. num. 7. tribuunt, cum existimasse, sua culpa aggressum non posse interficere aggressorem, ut se ab eo defendat, atque ad eò illum, qui in adulterio à ma-

à marito adulteræ repertus est, non posse interficere maritum adulteræ illum aggredientem, vt se ab eo defendat, sed teneri potius mortem ab illo pati. Verùm quidquid sit de mente Nauarri, id communiter improbat, & nos suprà improbauimus, & nunc iterum improbamus: quia maritus non habet ius ad interficiendos adulteros deprehensos, sed solum ciuilibus legibus permittitur, vt eos occidere possint propter doloris magnitudinem, quem tunc perferre molestissimum est, vt habetur in *l. Gracchus, C. ad legem Iuliam de adulterio, & l. marito, ff. eodem tit.* Sed his non obstantibus certissimum est talem peccare contra præceptum, *Non occides*; & in foro conscientie homicidam iudicari, ita S. Thomas in *4. sent. d. 27. q. 2. ad primum*. Palud. & alij in *eadem dec.* Syluester in *verb. Homicidium, q. 2.* Felyn. in *c. si verò 1. de sent. excom.* Panorm. in *c. veniens de sponsal.* Nauarr. in *manual. Confess. c. 15. num. 4.* & post plures latè Covarru. de *mor. 2. par. 9. 7. à num. 15.* & hæc est communis doctrina, & patet 33. q. 2. *c. Inter hæc*, vbi ex Nicolao Papa dicitur, quod Sancta Dei Ecclesia mundanis non constringitur legibus: gladium non habet, nisi spiritualem, quo non occidit, sed viuificat, Vndè cum maritus peccet adulterum aggrediendo, iniuriamque illi facere intentet, quem ita interficere aggreditur, consequens est, vt adulter ille ius habeat ad se defendendum à tali marito, atque adeò, vt si aliter euadere non possit, nisi illum interficiendo, licitè possit se defendendo illum interficere: ac proindè falsum

est, quod adulter à marito adulteræ aggressus teneatur abstinere à defensione sui, sequè marito aggredienti occidendum permittere.

Iuxta hæc dicendum est, & furi, qui ad furandum fuit ingressus, fas esse interficere illum se defendendo, qui ea de causa vult talem furem interficere, quando aliter eam mortem euadere nequit.

Idem dicendum de eo, qui à principio fuit iniustus aggressor, & volendo postea desistere, idque significat aggressor, qui cum interficere conatur; aggressus non vult à pugna desistere. Tunc enim si aliter mortem euadere non potest, nisi interficiendo illum, non peccat se ab illo cum eius occisione defendendo, dummodo id faciat cum moderamine inculpate tutelæ.

Aliter dicendum de Milite, qui videns bellum iniustum esse ex parte sua, & iustum ex parte contraria, ad illud tamen processit, & iniuste scienter pugnare cepit, sed postmodum, reflectens ad iniusticiam belli pugnare desistit, aut tergà vertit. De hoc enim dicendum cum Cardinali de Lugo *tom. 1. de iustitia, & iure disp. 10. sect. 6. nu. 145.* quod miles ille, licet niutato animo nolit amplius offendere, sed se defendere, non videtur posse se defendere cum damno aduersarij, quia iuste occiditur ab aduersario ob delictum præteritum verum, & occiditur autoritate publica, quæ miles aduersarius habet ad eum perimendum. Vndè sicut reus iuste damnatus non potest satellites occidere, vt prænam iuste infligendam effugiat, sic Miles post delictum iniuste pu-

græ non potest se defendere aduersarium occidendo, à quo iuste punitur auctoritate publica ob delictum commissum. Alioquin daretur bellum iustum ex vtraque parte absque vlla ignorantia.

Idem cum eodem de Lugo dicendum est de Milite, qui propter ignorantiam iniustitiæ suæ causæ bona fide pugnauerat, postea quando aduertit ad suam iniustitiam, fugit, aut pugnare desistit, hunc videlicet Militem, non posse dum fugit, aut pugnare desistit, occidere aduersarium, qui eum ad necem persequitur: nam miles persequens iuste bellans, legitime procedit, & vitur publica auctoritate ad puniendum delictum reuerà à Milite illo aduersario commissum, licet ille propter ignorantiam excusatus fuerit, & ideo miles persequens in causa illa legitime procedit, ac proinde miles aggressus non poterit illi resistere cum eius damno.

De Militibus verò in bello ex parte ipsorum iusto pugnantibus, dicendum est, quod possunt occidere milites aduersos, etiamsi isti inuincibiliter ignorent bellum ex parte illorum esse iniustum; tum quia Militibus iuste pugnantibus, non est nota ignorantia inuincibilis iniustitiæ belli aduersorum Militum, tum quia milites iuste pugnantes procedunt legitime, & auctoritate publica contra eos, qui licet ignorent inuincibiliter iniustitiam belli, reuerà tamen iniustum bellum contra eos gerunt, vnde illi habent ius contra eos se defendendi, etiamsi aduersarii non peccent ex ignorantia inuincibili. Milites autem inuincibiliter ignorantes bellum ex

parte ipsorum esse iniustum, nedum licite possunt se tueri ab aduersa Militibus etiam cum eorum occasione, sed etiam ad id tenentur, posito quod pugnent, & à contrarijs Militibus ad necem inuadantur. In hoc enim casu datur bellum iustum ex vtraque parte, interueniente in altera parte ignorantia inuincibili, quo casu dari bellum iustum ex vtraque parte non est inconueniens; quia id non est vtramque partem habere ius in idem, nam hoc est impossibile, sed est nullam ex partibus in gerendo bellum peccare, quatenus vna pars reuerà ius habet ad gerendum bellum, altera verò licet ius non habeat ad bellum gerendum, putat tamen ex ignorantia inuincibili se ius ad illud gerendum habere.

Præterea licitum est militibus bellare, ac militare concurrentibus tribus conditionibus, quæ iuxta D. Thomam 2. 2. q. 40. art. 1. ad iustum bellum requiruntur; & sunt auctoritas Principis bellum indicientis, causa iusta, & intentio recta. Idque etiam probatur ea generali ratione, quod liceat vim vi repellere, ac proinde liceat auctoritate publica contra iniustos inuasores rerum, vel personarum bellum gerere, eosque occidere.

Si verò Milites dubitent de iustitia belli, si sint subiecti Principi, qui bellum indicit, possunt inscribi militiæ, & inscripti tenentur militare, nec est necesse, quod causam examinent. Quia in dubio præsumendum est pro Principe. Si autem non solum de iustitia belli dubitent, sed etiam dubitent, vtrum eis militare liceat in eo bello, stante tali dubio non possunt mi-

militare propter conscientiam dubiam, sed huiusmodi dubium debent deponere, & apud se resolvere, quod possint, vel non possint militare. Milites verò non subditi, quamdiù dubitant de iustitia belli, non possunt militare; quia nullam habent necessitatem obtemperandi, ideoque nulli faciunt iniuriam, non militando: militando autem exponerent se periculo faciendi iniuriam alteri Principi. Ut ergò militare possint, vel debent inquirere veritatem, vel propter Principis, & Consiliariorum probitatem, & prudentiam cogitare, quod bellum non mouerent, nisi esset causa sufficiens.

Si autem bellum sit iniustum, & iniustitia constet Militibus, siue sint subditi, siue non sint subditi Principi, qui iniustum bellum gerit, non possunt se militibus adscribere. Quod si postquam sunt militibus adscripti, vel etiam dum sunt in acie parati ad præliandum, innotescat eis iniustitia belli, non licet eis præliari, sed tenentur abstinere à prælio, etiamsi eis imminet mors à Principe iniustum bellum gerente illis infligenda, quia præliari in bello iniusto, perinde est, ac latrocinari, & grassari; Vnde sicut non liceret militibus illis latrocinari, & grassari, etiam imminente mortis periculo sibi à Duce statutæ, ita nec eis licet præliari in bello iniusto, dum eis de belli iniustitia constat.

De infania Martini Lutheri, qui dixit, non esse resistendum Turcis aduersus Christianos bel-
lantibus.

Martinus Lutherus impius ille à Sacrosancta Catholica Fide Apostatata, eo deuenit insaniz, ut negauerit licitum esse fidelibus pugnare aduersus Turcas; quia id inquit, est repugnare Deo iuste visitanti, ac punienti peccata, & iniquitates nostras per illos. Sed profectò uti insanissimi capitis delirium exhibenda est hæc Lutheri assertio; Nam cum bellum sit licitum Christianis Principibus, etiam aduersus alios Principes Christianos ex causa iusta, quæ profectò est, cum Princeps aliquis Christianus proprijs bonis ab alio Principe iniuste spoliatur, aut cum vnus Princeps subditos alterius Principis iniuste vexat, vel cruciat: multò magis bellum est licitum Christianis aduersus Turcas, cum hi continuo continentur Christianis Vrbes, & Regna eripere, inuentosque Christianos in miseram seruitutem redigunt, & crudeliter cruciant, ac templa Christianorum spoliant, & euerrunt. Vnde meritò Leo X. Romanus Pontifex in Bulla contra Lutherum edita inter alios Lutheri articulos, etiam istum damnauit (*Præliari aduersus Turcas est repugnare Deo &c.*) Quin & ipse Lutherus, parum sibi, ut in alijs erroribus constans, ita & in hoc consentiens, de sermone illorum, qui dicebant, non esse resistendum Turcis,

ait

ait (*Hic sermo sediciosus est, qui neque ferri, neque permitti debet*) & iterum (*Turcis resistere tenemur ob multas causas*) nec quod Lutherus ait, vim aliquam habet, Deum scilicet punire iniquitates nostras, & ideò. Turcis non esse resistendum. Nam & per incendia, pestem, aliosque morbos iustè castigat Deus peccata nostra; nec tamen villus sanæ mentis negauerit,

licere vti remedijs contrarijs; sicut enim Deus vult per huiusmodi peccata nostra punire, ita etiam vult nos adhibere remedia, sic vult nos ob iniquitates nostras, vel ad augenda nostra merita bellis affligi, sed non ideò prohibet, armis nos ipsos defendere, & imminentes hostes propulsare.

QVAESTIO VNDECIMA.

Vtrum liceat alicui propria bona temporalia defendendo, eorum raptorem occidere.



Egant Authores illi, qui, vt vidimus, negant licetè defendendo se aliquem occidere.

Alij volût, tunc solùm licere, quando admiscetur periculum personæ. Ita Couarruias in *Clement. si furiosus par.* 3. §. unico.

ASSERTIO VNICA.

Licet alicui propria bona defendendo eorum raptorem occidere.

HÆc est communis sententia, quam tenent Cardinalis Caietanus, Salon, Syluius in 2. 2. *D. Thomas*, Syluester verb. *excommunicatio* 6.

§. sciendum 4. cas 9. verbo *homicidium* 1. q. 4. Soto de iust. & iur. lib. 5. q. 1. art. 8. Medina cap. de reb. restit. q. 4. Martinus Nauarrus in *summa* cap. 1 §. num. 2. & 3. Valquez de restitui. cap. 2. §. 1. dub. 8. Nauarra à num. 404. Amicus de iust. & iur. disp. 36. sect. 8. Sayrus lib. 7. de homicidio cap. 10. dub. 9. Lessius de iustit. & iure lib. 2. cap. 9. dubit. 11. Molina disp. 16. Valentia in 2. 2. disp. 5. q. 8. pun. 4. Cardinalis de Lugo. disp. 10. sect. 9. & alij passim.

Hæc tamen sententia etsi communis non videtur probanda, nisi cum sequentibus limitationibus. Prima est, tunc posse licetè furẽm occidi, quando res ab eo ablata non possit aliter, quàm per eius necem recuperari, vel certè non nisi difficilè, & de hoc Dominus certus sit moraliter. Si cut enim pro defensione vitæ nefas

Qq est

est occidere aggressorem, nisi quando aliter euadere quis nequit periculum; sic longè maiori ratione nefas est defendendo bona temporalia, quæ aliter liberari possunt, eorum raptorem occidere. Hinc si fur possit comprehendi, ac detineri, non debet occidi. Ideò Exodi 22. dicitur (*si effringens fur domum, siue suffodiens fuerit inuentus, & accepto vulnere mortuus fuerit, percussor non eris reus sanguinis. Quod si orto Sole hoc fecerit, homicidium perpetravit, & ipse morietur*) quia nempe noctis tempore per furem ablata difficilè recuperari possunt, sicut & difficilè est noctu furem comprehendere, ac detinere.

Est tamen, & in hac re moderamen inculpatæ tutelæ adhibendum: Vnde fur prius monendus est, ac terrendus, vt restituat ablata, aut ab inuasiōe desistat, & tunc si non desistat, aut repugnet, licitè potest occidi, vnde illud Exodi, quod fur, qui noctu inuentus fuerit effringens, aut suffodiens domum, occidi possit, intelligendum est, si prius monitus nolit à suffossione domus desistere, aut bona ablata restituere. Quia tamen adhuc supponimus difficilè bona per furem nocturnum ablata, citrà eius mortem recuperare, & è contra vix accidere possit casus, in quo bona temporalia à fure diurno citrà eius mortem recuperari non possint, quod non ita est de fure nocturno; hæc est ratio, quare per leges licitum sit furem nocturnum interficere, vt rectè adnotat Sayrus *lib. 7. cap. 10.* quia scilicet præsumunt leges, non posse communiter citrà eius occisionem bona recuperari, non autem liceat oc-

cidere furem diurnum, quia rationaliter præsumunt posse aliter res recuperari furem capiendo, aut alia via iusta; & propterea, quia occisio die facta non omninò necessaria, nec inculpatum habere moderamen intelligitur, ideò leges aliter de fure diurno, ac nocturno statuerunt, vt patet ex loco allato Exodi 22. Si tamen quis aliter res suas recuperare non posset, quàm occidendo furem diurnum, & id certitudine morali cognoscat, occidendo illum, in foro animæ à peccato excusatur. In qua tamen re vniuersusque sibi consulere debet. Nam etiam pro vita defendenda occiderit, nisi id aliqua ratione probet, non erit à iudicio exteriori immunis.

Consonat his *l. furem* iuncta glossa ibi *ff. ad l. Corn. de sicarijs*, quæ solùm permittit occidere furem nocturnum, quando sine periculo non potest ei parcere. Quod Glossa exponit de periculo, siue propriæ personæ, siue amittendi res proprias.

Consonat item *l. sed & si, ff. ad leg. Aquil.* quæ ait, *si quis cum furem apprehendere posset, maluit occidere, magis est, ut iniuriam fecisse videatur.*

Consentaneè ad hæc intelligenda est *l. 4. tit. 23. libr. 8. noue Collect.* quæ dum mortis pœnam statuit interficientibus data opera, excipit casum, quo quis latronem occidat, qui suffodiat domum illius, aut furetur, & se retineri non permittit, vel furto ablata restituere nolit.

Et quamuis D. Augustinus in Exodum ad verba illa *cap. 22. & refertur cap. si perfodiens* de homicidio, ea sic intelligat, quod fur diurnus occidi non possit, quia poterat discerni, quod

quod ad furandum, non ad occidendum venisset, idque de nocturno discerni non potest, communis tamen Doctorum illius loci intelligentia est ea, quam attulimus, eamque supponit, & amplectitur D. Thomas 2. 2. q. 64. art. 7. ubi in argumento sed contra, supponit verba Exodi laudata ita intelligenda, vt licitum sit pro defensione domus furem occidere, nam ad ea verba subsumit, & concludit, *sed multò magis licitum est defendere propriam vitam, quam propriam domum, ergò etiamsi aliquis occidat aliquem pro defensione vite sue, non erit reus homicidij.*

Secunda limitatio sententiæ communis est, non pro quacumque licere occidere furem: iniquum enim esset pro vno nummo argenteo, aut etiam aureo hominem perimere. Vndè à Sanctissimo D. N. Innocentio XI. in decreto 2. Martij 1679. damnata fuit propositio 31. quæ est hæc (*Regulariter occidere possum furem pro conservatione vnus aurei*) vt ergò furis occisio licita sit, debet esse ob furtum rei magni valoris, ita vt notabile damnum inde domino sequatur ex illius amissione, & multò magis si res ablata sit ei, cui est ablata, ad suæ, suorumque vitæ sustentationem necessaria.

Tertia limitatio est, vt occisio non fiat ex interuallo, sed ex incontinenti; censetur autem quis ex incontinenti furem percutere, si adhuc cepta inuasio, & defensio continetur, velut si fur cum bonis ablatis aufugiat, vt si fugiat cum suo equo, potes illum fugientem, telo, vel sagitta occidere, si admonitus, & perterrefactus non de-

sistat, antequam in tutum se recipiat; toto enim illo tempore est in flagranti delicto, & ideo non modo, quando raperet, verùm etiam quando fugit, nisi alia via bona recuperari possint, licet latronem insequi, & à longè, si potest antequam rem occultet occidere. Ita cum Sylvestro, & Soro tenent Molina, Lessius, & Amicus, ac alij recentiores communiter, si periculum sit, ne bona occultet, vel consumat. Non potest autem occidi postquam in domum se recepit, vel ad alia negotia diuertit: tunc enim delinquit esse inuasor, & iam cessauit vis, & solum est iniquus detentor; vndè adhibenda sunt alia media per iuridicam actionem; natura autem, & iura non permittunt, vt iniquum detentorem, qui rem occultauit, & domi iam est pacificus, vel ad alia diuertit, quis occidere possit, ne occasio iurgijs, & riis præbeat. Satis igitur est, quod interficere possit fugientem, antequam rem occultare possit.

Vndè non videtur adminēda opinio Molinæ, qui etsi dicat occisionem furis non esse licitam, nisi cum sit ex incontinenti, & incontinenti res ablata recuperari possit; Addit tamen dari non posse regulam certam ad dignoscendum, quando dici possit occisionem, & recuperationem ex incontinenti fieri, sed id arbitrio prudentis viri pensandum esse, spectata qualitate rei, de qua quis expulsus est, qualitate loci, potentia, & qualitate expellantis, & expulsi, alijsque circumstantijs. Hinc addit, quod si facile possit inuasor expelli, recuperatio censetur ex incontinenti facta, si fiat antequam expulsus ad alia diuer-

tat: si verò non possit facilè expelli, adhuc dicetur ex ineontinenti, & non ex intervallo facta recuperatio, licet tantum tempus intercesserit, quantum requirebatur ad conuocandam copiam hominum necessariam ad illum potentiozem inuasorem expellendum, ad quod aliquando duo menses non sufficiunt, immò aliquando, nec decem annorum spatium sufficiet. Non inquam admittenda videtur hæc opinio; nam si agatur de fure, qui bonum aliquod abstulerit, non potest dici occiso, & recuperatio fieri ex ineontinenti, nisi statim post rei ablationem contingat, antequam fur in tutum se recipiat. Si verò sit sermo de aliquo Principe inuadente, & auferente iniuste Ciuitatem, aut ditionem alterius Principis, licitum est etiam post aliquod tempus, vsque dum expoliatus milites cogat ipsū inuadere: sed hic est alius casus à præsentī, de quo agimus, scilicet de fure priuato, & de furto à priuato factos: nā si sit Princeps, qui possit bellum indicere, & aduersariū suū armis ad restitutionē cogere, potest id vtique vi, & armis præstare; Si autē sit persona priuata, non potest in auferentē sua bona per vim agere, nisi in actuali inuasionē id faciat; postquam enim raptor in tutum se recepit, ad alia remedia iuridica recurrendum est; quod si neque per hæc possit sibi succurrere, patenter ferat; aliās liceret etiam priuatis occidere, non solum pro retinendis, sed etiam pro recuperandis bonis externis olim ablatis, quod non est admittendum; vnde multa licent autoritate publica, qualis in bello interuenit, quæ non licent personæ priuatæ.

Et multò minus admittenda videtur sententia Gabrielis Vasquez de re. *statut. cap. 3.* quam probat etiam Cardinalis de Lugo de *iust. & iur. disp. 10. sect. 9.* qui dicunt, probabile sibi videri, quod quando remedium non suppetit recuperandi rem suam per vires iuridicas, potes eam, si in specie existat, recuperare per vim. Sicut enim, inquit, fugientem latronem, dum aliud non est remedium, licitum est configere, & vim inferre, ne iacturam rei notabilis facias; cur non poteris, cum domi quietus es possidens rem tuam, illi inferre vim? Hæc enim, subdunt, non est vindicta, sed tueri tuum ius, & te defendere à violentia, quam actu pateris. Si enim licet propellere iniuriam, qua quis actu rem tuam aufert, & eam in domum suam transportat; cur id non licebit, quando rem tuam recuperare contendis, & ille impedit? nam licet nunc non sit inuasor personæ, est adhuc inuasor rei, quam continuato adhuc peccato furri violenter detinet; inuasor enim est, quamdiū iniuriam infert; ergo vt inuasor potest occidi.

Hæc inquam opinio non videtur admittenda. Nam sicut iura non permittunt, quod quis pro defensione propriæ vitæ inuasorem occidat extra inuasionem, & conflictum actualem, vt supra ostendimus, ita nec permittunt, vt pro defensione aliorum bonorum temporalium, quis furem occidat extra actualem illorum inuasionem, & inuasionis continuationem; postquam enim fur in tutum se recepit, & inuasio non continuatur, non vrget vi dominum bonorum illorum: ac proinde non potest tunc fur ille

per

per vim repelli, nam vi quis repelli non potest, nisi cum adhibet vim: & idè secundum iura puniuntur, qui non incontinenti, sed ex intervallo rem suam à possessore per vim propria autoritate auferunt. Nec valet, quod Vasquez, ac de Lugo respondent, quando Doctores communiter dicunt, quod domi possidentem occidere non possum, idè id dicere, quia communiter aliud est remedium, inimò semper autoritate Iudicis recuperari potest: sed tamen quando omnia sunt perturbata liceret occidere, sicut & liceret occidere, quando nulla prorsus remaneret spes bona propria recuperandi. Non inquam, id valet, quia licet omnia essent perturbata, & nulla superesset spes bona sublata recuperandi, non licet alicui furem extra actualem cōflictum, & inuasionem rerum suarum occidere ex ratione adducta: & si non possit recuperare, potius debet patienter ferre, quam furem tunc occidere: nam iniuste illū occideret extra actualem inuasionem, cum id priuatæ personæ non sit concessum.

Assertio nostra sic limitata probatur primò autoritate inducta Exodi 22. (*Si effringens fur domum, siue suffodiens furtim inuenitur, & accepto vulnere mortuus fuerit, percussor non erit reus sanguinis*) igitur pro defensione facultatum, seu bonorum temporalium licet furem occidere. Nec obstant verba sequentia, scilicet, (*quod si orto Sole hoc fecerit, homicidium perpetrauit, & ipse morietur*) nam vt dictum est, hæc subduntur, quia in die supponitur alia via posse bona sublata recuperari, quàm per occasionem

furis: sed si etiam in die alia via non possent ablata bona recuperari, posset & in die fur occidi incontinenti tamen, vt dictum est.

Probatur secundò ex *cap. olim 1. de restit. spoliat.* & ex *cap. 2. de homicidio*, in quibus id licitum esse supponitur: nam licet in eo *cap. 2.* dicatur, *occidisse, te quoque liberando*, vnde aliqui volunt, non sufficere necessitatem liberandi tua, nisi necessè etiam sit, te ipsum liberare: Veriùs tamen est, verba illa non intelligi copulatiuè, sed disiunctiuè, vt sensus sit, *si interfecisti te liberando non peccasti, vel si interfecisti tua liberando, nec etiam peccasti*, quemadmodum interpretatus est Petrus Nauarra *lib. 2. cap. 3. num. 406.* & alij communiter, & quomodo eadem phrasis accipitur in *cap. Verum, tit. de iureiurando*, vbi Cælestinus Tertius à iuramēto absoluit eos, qui pro vita, & rebus seruandis iniuri iurauerant. Vel dicatur, quod sensus coniunctiuus est duplex, alius copulatus, vt quando prædicatum non conuenit, nisi omnibus subiectis coniunctim acceptis, vt (Petrus, & Paulus, & Ioannes sunt tres) prædicatum hoc non conuenit nisi omnibus simul copulatis acceptis: alius copulatiuus, vt quando prædicatum conuenit omnibus, & singulis singillatim acceptis, vt Petrus, & Paulus, & Ioannes sunt homo, de singulis singillatim hoc prædicatum verificatur. In hoc posteriori sensu sumitur coniunctio copulatiua in *cir. cap.* alioquin nunquam liceret contra iniustum inuasorem cum ipsius morte se defendere, nisi propter tutelam vitæ: & bonorum simul. Quia verò in euentu, de quo ibi

310 Raymundi Cardinalis Capisucchi

ibi Pontifex fuerat consultus, defendendo res externas, simul necesse erat defendere propriam personam, eo modo fuit loquutus, alioquin, vt dictum est, nec sufficeret sola necessitas liberandi te, nisi adesset necessitas etiā liberandi tua bona. Si autem sola necessitas liberandi te, est quæ attenditur, frustrā additum est, *inque*, cum defensionis bonorum nullo modo excuset.

Tertiò probatur. Quia plus excedit vita spiritualis aggressoris vitam temporalem tuam, quam eius vitam, temporalis bona externa tua, sed potes defendere vitam corporalem propriam cum dispendio salutis æternæ aggressoris, ergò à fortiori poteris defendere facultates tuas cum dispendio vitæ corporalis eiusdem aggressoris.

Quartò probatur à priori. Quia principium illud vniuersaliter est verum, quod vim vi repellere licet, vnde ad hanc etiam materiam illud applicat Pontifex in *cap. dilecto, de sententia excommunicationis* in 6. his verbis: *Cum omnes leges, omnia iura vim vi repellere cunctisque sese defensare permittant, licuit ipsi Decano (si prædictus Balthus eum bonis suis mundanis iniuriōse spoliare, vel ea violenter occupare præsumpsit) contra illius violentiam iniuriamque se tueri.*

Si dicas licere se tueri atque corporalibus, sed infra mortem furis, sed inuadentis.

Respondetur illam restrictionem nusquam exprimi, quāuis requiratur, vt is, qui bona sua tuetur, non aliud ex intentione agat, quā quod illa sua bona defendat, idque seruato

moderamine. Eandem doctrinam insinuat S. Thomas 2. 2. q. 64. art. 7. ad 1. docens enim pro rebus huiusmodi, non licere aliquem interficere ex intentione, satis significat licere interficere per modum iustæ, & moderatæ defensionis, modo data opera non hoc agatur, vt quis furem interficiat, sed vt sua bona defendat; similiter enim dicit non posse interfici inuasorem intendendo ipsius mortem, vt quis seipsum liberet: cum tamen doceat occidere inuasorem seruato moderamine inculpatæ tutelæ, nullam esse culpam.

Quintò probatur. Quia bona temporalia sunt ad vitam necessaria; ergò sicut licet vitam tueri, ita etiam hæc, quæ vitæ sunt necessaria, non solum præcisè, vt viuamus, sed etiam, vt conuenienter, & honestè viuamus.

Sextò probatur. Nam alioqui daretur occasio furibus, & latronibus viros probos spoliandi, nihil enim ab illis esset tutum, si defensio necessaria non posset opponi: concessa autem defensione, etiam concessa censetur occisio, sine qua sæpè non potest esse defensio.

Ex quibus constat etiam contra Pannonitanum *cap. Suscepimus* de homicidio, licitum hoc esse non solum Laicis, sed etiam Clericis, qualis erat ille Decanus, de quo in *cap. dilecto*, vt dictum est; & idè permittitur illi vniuersalis regula (*cunctisque sese defensare permittant*) & ratio est: Quia facultas hæc de iure naturali competit, neque vnquam iure Ecclesiastico reuocata est, vt docent alij omnes communiter in locis suprà citatis.

Soluunt-

Soluuntur Argumenta
contra positam Af-
sertionem.

Contra positam Asertionem
objici potest primò, quod *cap.*
22. Exodi reputatur homicida, qui
furem diurnum occidit.

Respondetur ex dictis, furi diurni occisorem propterea censeretur homicidij in foro externo, in quo procedit ista lex iudicialis Exodi 22. partim quia fur diurnus, qui non aliud agit, quam furem, ordinariè potest repelli absque occisione, siue aduocando vicinos in auxilium, siue aliter; partim quia res, quas aufert possunt in iudicio repeti, & recuperari, ac proinde ipsum occidens, ordinariè non seruat moderamen inculpatæ tutelæ; furis autem nocturni occisor declaratur euadere pœnam homicidij, non solum, quia fur præsumitur venire tam ad occidendum, quam ad furandum (incerta enim est eius vis, & intentio) sed etiam quia nec tam securè potest repelli, quam diurnus, nec tam distinctè agnosci, ut rem ab eo ablatam dominus possit in iudicio repetere. Vnde noctu ablata ferè sunt irrecuperabilia. Cæterum quod ad forum conscientie attinet, & diurni, & nocturni furis interfectior reus erit homicidij, si moderamen excesserit, innocens autem, si seruauerit.

Secundò objicitur Alexander Tertius *cap. Suscepimus, rit. de homicidia*, ubi eos peccasse ait, qui pro conseruandis rebus transitorijs fures occiderent.

Respondetur, illos, de quibus agit ibi Pontifex excessisse moderamen inculpatæ tutelæ: nam fures boni illorum non asportauerant, sed spoliauerant dumtaxat; post spoliationem verò, ab ipsis, qui spoliati fuerant erant ligati, & detenti. Hos autem fures, cum ipsi se soluere niterentur, vnus, qui apud eos remanserat occidit, metuens ne ab eis occideretur, cum tamen facillè potuisset mortem, quam ab eis timebat, euadere fugiendo.

Tertio S. Augustinus *lib. 1. de lib. arb. cap. 5.* dicit, eos non esse immunes à peccato, qui pro his rebus, quas contemni oportet humana cæde polluti sunt.

Respondetur primò, Augustinum loqui in casu, quo pro defensione bonorum temporalium, intenditur mors inuasoris, quod non licet, ut supra diximus, cum de propriæ personæ defensione ageremus. Respondetur secundò Augustinum non asseruisse illie loqui, sed disputatiue: neque hoc agere, ut ostendat, esse peccatum occidere inuasorem seruato moderamine, sed ut inuestiget modum ac rationem, qua possit à peccato excusari. Paulò enim ante dixerat. *Quapropter legem non reprehendo, quæ tales permittit interfici, sed quo pacto illos defendam, qui interficiunt, non inuenio.*

Quartò secundum ordinem Charitatis tenemur vitam proximi diligere, plus quam bona fortunæ nobis propria, ergo, &c.

Respondetur, quod ille ordo Charitatis, secundum quem debemus velle pati iacturam nostrorum bonorum

rum ad vitam proximi seruandam, non obligat, nisi quando proximus est in vrgentissima necessitate perdendi vitam. Quod in proposito locum nō habet; cum cessando ab iniuria possit vitam suam solus conseruare: rursus vita proximi corporalis præferenda est bonis externis, quando proximus extremē illis indiget, non autem quando eis non indiget, sed sua nequitia vult ea occupare.

Quæres vtrum quis nedum licitè possit bona temporalia defendendo illorum inuasorem occidere, sed etiā ad id teneatur.

Respondetur non teneri, sed licitè, & absque vllō peccato, posse bonorū temporalium defensionem omittere,

ac illa inuasori diripienda permittere ad seruandam vitam inuasoris propter Deum, & ad exercitium Charitatis: nam sicut potest quis licitè propriæ vitæ defensionem omittere, seque illius inuasori perimendum permittere, ad seruandā propter Deum vitam inuasoris: ita & ad seruandam propter Deum vitam latronis potest quis licitè bonorum temporalium defensionem omittere, & ea latroni diripienda permittere: cum longè minus bonum sint bona temporalia, quam vita corporalis, & homo sit dominus bonorum temporalium, ac proinde de illis disponere possit, alijsque illa tradere.

QVAESTIO DVODECIMA.

Vtrum alicui liceat, honorem, famam, aut pudicitiam defendendo aliquem occidere.



Honoris nomine hic non intelligitur re. stificatio de excellentia alicuius, quæ fit per externa signa, cuiusmodi sunt inclinationes, obuiationes, & alia huiusmodi, in quibus honor consistit, vt ait S. Thomas 2. 2. quæst. 103. art. 1. sed honoris nomine hic intelligitur honorabilitas, & æstimabilitas illa intrinseca, quam quilibet homo habet in seipso ex propria conditione, vt creatura nobilis, & rationalis, ob quam vnus-

quisque honore aliquo, & æstimat. tione dignus est: & est status, seu conditio honorificabilis: & præter hanc æstimabilitatem, datur alia in aliquibus personis ex virtute, vel dignitate excellenti resultans. Honorabilitas autem, seu æstimabilitas consuevit appellari honor, eo quod honore digna sit, & honorem, seu venerationem mereatur. Pro eodem etiam accipitur aliquando honor, & fama, quæ à Iuristis definitur, quod sit illæ dignitatis status, legibus, & moribus comprobatus:

Vnde fama quoque (bona) hic non

non accipitur pro famæ, seu inculpatæ vitæ existimatione, quæ de aliquo habetur, quæ potissimum consistit in opinione virtutis, & sapientiæ actionibusque illarum: sed sumitur hic fama pro existimabilitate, seu pro fundamento, quo innititur bona illa existimatio de aliquo, & est ipsa bonitas, & ineulpata vita alieuius.

Iniuria verò in triplici statu considerari potest. Primò enim iniuria considerari potest antequam actu inferatur, sed postquam eius illatio iam decreta est ab inimico, eamque inferre est paratus. Secundo considerari potest, quando proximè intentatur, sed nondum est illata. Tertio, considerari potest postquam iam est illata. Primus casus est, cum quis v.g. decernit aliquem fuste, vel alapa percutere. Secundus casus est cum quis fuste, vel alapa nititur aliquem percutere. Tertius, cum quis aliquem fuste vel alapa iam percussit.

Iidem casus distinguendi sunt quoad calumniam. Potest enim calumnia considerari; antequam sit illata, sed iam inferri decreta est. Secundò, cum ferri intentatur. Tertio, eum iam est illata.

Quoad iniuriam decretam, sed nondum illatam, aut intentatam, nullus est, qui asserat, ad eam auertendam posse aliquem occidi. Id enim esset aduersarium præuenire, quod certum est non licere; eum iniuriam nodum illatam nec intentatam auertere non liceat per occisionem Aduersarij, qui tantùm decreuit eam inferre: cum non sit decretum de inferenda morte, de quo aliqui dubitant, vt supra diximus, sed tan-

tùm de inferenda iniuria, quam proinde iniquum esset per mortem aduersarij auertere: sed cum neque liceat præuenire eum occisione inimicæ, qui alium occidere decreuit, vt supra diximus, multò minus licet præuenire eum occisione inimicæ, qui tantùm decreuit iniuriam inferre. Et idem dicendum de illo, qui calumniari decreuit, quod nempe non liceat eum occidendo præuenire.

Hinc non est audiendus Franciscus Amicus, qui tom. 5. sui cursus Theologici disp. 36. sect. 7. num. 118. ex obligatione, quam, vt ipse inquit, Religiosus habet defendendi honorem, & famam, quæ ex virtute, & sapientia nascitur, ita concludit. *Vnde licebit Clerico, vel Religioso calumniatorem grauius crimina de se, vel de sua Religione spargere minantem occidere, quando alius defendendi modus non suppetat, uti suppetere non videtur, si calumniator sit paratus, ea, vel ipsi Religioso, vel eius Religioni publicè, ac coram grauissimis viris impingere, nisi occidatur. Nam si tali casu licitum est (inquit Amicus) Religioso, ne ipse occidatur inuasorem prius occidere, si fuga non possit, quia ante se hostem habet, mortem euadere, licitum quoque eidem erit, ad uitandam grauissimam, sui, suæque Religionis infamiam, si alius modus non suppetat, calumniatorem occidere; nam quo iure licitum est seculari tali casu calumniatorem occidere, eodem iure licitum videtur Clerico, ac Religioso, cum in hoc Religiosus, & secularis sint omnino pares: nec minus ius in talem honorem habet Clericus, & Religiosus quàm secularis*

lares in suum, immo maius, quanto maior est possessio sapientia, & virtutis, ex qua hic honor Clerico, & Religioso propugnatur, quam sit valor, & dexteritas armorum, ex qua honor secularis nascitur. Id ipsum confirmat, quod cum licitum sit Clericis, ac Religiosis furem facultatum occidere, si alius modus eas defendendi non supersit: multò magis, inquit, id licitum videtur in tutelam famæ, & honoris ex virtute, & sapientia Consurgentis.

Hæc Amicus, qui licet hæc apud alios Authores scripta non legisset, fateatur, & solùm disputandi gratia, hæc se proponere dicat, maturo iudicio penes prudentem Lectorem relicto; in eam tamen opinionem inclinât, dum eam argumentis munire studet, quæ insoluta relinquit.

At meritiò doctrina hæc à Sacra Cõgregatione Indicis damnata fuit, proscripto Tomo quinto eiusdem Authoris: & iterum damnata fuit in Decreto S. Romanæ, & vniuersalis Inquisitionis 24. Septembris 1665. vbi damnatur hæc propositio, quæ est decimaseptima. *Est licitum Religioso vel Clerico, calumniatorem grauius crimina de se, vel de sua Religione spargere minantem occidere, quando alius modus defendendi non suppetit, uti suppetere non videtur, si calumniator sit paratus, vel ipsi Religioso, vel eius Religioni publicè, & coram grauissimis viris prædicta impingere, nisi occidatur.*

Est autem opinio hæc execranda, cum ob comminatum solùm calumniam, vel detractionem, occisionem comminantis licitam esse velit; nam nec post decretam alicuius occisionẽ, (quod maius est comminatione ca-

lumnia) licitum est, vt diximus, occisionem decernentem occidere: idque nec Religioso licitum est, cum nulli liceat extra casum actualis inuasionis aduersarium occidendo præuenire, vt supra firmauimus. Est autem alia ratio de occisione inuasoris, quæ contingit, cum quis ab eo se actualiter defendit, & nisi inuasorem occidat, non potest mortem euadere, vel cum aliter bona sua recuperare nequit, nisi cum morte latronis: nam in casu comminationis calumniae, nõ agitur de actuali inuasionem ad mortem, vel de bonis temporalibus iam ablatis, sed de futura calumnia; vnde valde iniquum esset pro futura calumnia, quæ fortassis etiã non continget, mortem inferre minanti calumniam: eo magis, quod calumnia alijs modis vitari potest, quàm per mortem comminantis. Idque Clericis, ac Religiosis multò minus licet, qui famam propriam non seculari, aut militari modo tueri debent; & ratione status, quem elegerunt, & in quo se Deo consecrarunt, renuntiarunt mûdanis honoribus, profitenturq; Christi, cuius vestigijs insistant, humilitatis, & mansuetudinis se imitatores esse potius, quàm mundanorum honorum sectatores.

His ergo communiter ab omnibus reiectis, ad duas quæstiones præsens difficultas deuoluitur. Prima est de iniuria personali, quæ iam physicè, & actu in alicuius personam intentatur: seu quæ est in fieri, vt si quis virum nobilem, & honoratum fuisse, vel alapa percutere nitatur. Vtrum videlicet viro illi nobili fas sit occidere inuasorem, qui eum fuisse, vel alapa

alapa percutere nititur, vt ignominiam inferat, si aliter vitari hæc iniuria non possit. Altera quæstio est de iniuria alicui iam irrogata, vt si vir nobilis fuit, vel alapa iam percussus, ad abstergendam iniuriam, qua est affectus possit incontinenti repercutere, vel occidere Aduersarium.

Quoad primam quætionem plures, grauesque Doctores affirmant, fas esse viro nobili eum occidere, qui ei iniuriam aliquam realem, ac personalem actu, & realiter inferre conatur. Ita Syluester in *Summa verbo Bellum*, 2. quæst. 2. & verbo *Homicid.* 2. qu. 2. dicto 5. Soto de *Iustitia & Iure* qu. 1. art. 8. circa finem. Nauarr. in *Summa* cap. 15. num. 4. & 9. Toletus lib. 5. cap. 6. 5. Secundus casus, Valentia 2. 2. disp. 5. qu. 8. de homicidio par. 4. 5. Porro ex hac doctr. seq. Rebell. lib. 3. de obligat. ex delicto, qu. 12. Petrus Nauarra lib. 2. cap. 3. num. 369. Lessius de *Iustitia & Iure* lib. 2. cap. 9. dubit. 12. Vasquez de reffit. cap. 5. §. 1. dub. 9. Cardinalis de Lugo lib. 1. de *Iustitia & Iure* disp. 10 sect. 10. Franciscus Amicus tom. 5. de *Iustitia & Iure* disp. 36. sect. 7. & alij.

In secunda verò quætionem. Virum videlicet vir nobilis, qui vulnus, alapam, conuitium, aut aliam iniuriã accepit, qua eius honor grauiter ledatur, possit licitè incontinenti repercutere Aduersarium, vel occidere ad tuendum honorem, quem amittet, si iniuria accepta, aduersarium illæsum abire sinat; affirmant id licere Nauarrus in *Manuali* cap. 15. num. 3. in fine Nauarra lib. 2. cap. 3. num. 380. Victoria Relect. de *Iure belli* n. 5. Henricus de *Iregularit.* cap. 10. vbi plu-

res refert pro eadem sententia, quam etiam tenet Fernandez in *exam. morali.* par. 1. cap. 9. §. 1. num. 16. & alij, quos refert, & sequitur Diana tom. 1. par. 2. tract. 1. miscell. resol. 15. & par. 5. tr. 4. resol. 11. Lessius verò, & alij dicunt esse speculatiuè probabilem, non tamen in praxi propter magna inconuenientia, quæ in Republica sequerentur: sed vt rectè obseruat Cardinalis de Lugo, si hæc inconuenientia per se ex illa sententia sequuntur, nec speculatiuè erit probabilis ad probabilitatem enim speculatiuam rei moralis, oportet, quod materia sit talis, vt in circumstantijs humanis non afferat inconuenientia, quæ eam reddant illicitam; si autem ex se talia incommoda afferat, eo ipso est intrinsecè illicita etiam speculatiuè loquendo. Præter etiam quod distinctio illa de probabilitate speculatiua, & practica inanis videtur, nam quod non est probabile practicè, nec speculatiuè probabile censeri debet.

ASSERTIO PRIMA.

Non licet alicui honorem, aut famam propriam, defendendo, actualiter illum dehonorantē, conuitiantem, iniuriantem, vel calumniantem occidere.

CAsus est, cū quis alapa, vel fuisse virum nobilem percutere intētat, ita vt percussio sit aliquo modo in actu, & vt sic dicamus in fieri, & pa-

riter si quis actus, & presente aliquo ipsum contumelijs afficiat, & conuictijs dehonoret: vel etiam ei actus, & presentialiter detrahat, falsa ei crimina imponendo: In casu isto, dicimus non licere sic dehonoriato, & conuictato, suum honorem defendendo dehonoriante, & conuictiantem occidere; ita ut quamuis liceat illi honorem suum contrarijs verbis defendere, & contra se dehonoriante, & conuictiantem clamare: non potest tamen honorem suum defendendo se dehonoriante, & conuictiantem occidere.

Affertio ista est contra Authores relatos, sed docet eam in primis Tannerus tom. 3. in 2. disp. 4. quest. 8. dub. 4. num. 74. ubi sic ait. *Non etiam placet, quod absolute dicit Lessius c. 9. dub. 12. num. 77. citans Sotum, Nauarrum, Siluestrum, &c. fas esse viro honorato occidere iniuriam, qui fustem, vel alapam nititur impingere, ut ignominiam inferat, si aliter vitari hac iniuria nequit; tum quia fieri potest, ut si res in occulto agatur ea re honor parum laedatur. Tum quia etiam lesus ita honor via Iuris, aut alijs modis recuperari potest.*

Respondit Cardinalis de Lugo, quod apud homines non censetur sufficienter reintegrari ille honor per Iuris remedia.

Sed contra est, quod apud homines probos, & prudentes sufficienter reintegratur honor per Iuris remedia, de improbis autem, & mundanis, qui de rebus iuxta mundanas leges diiudicant non curandum praesertim à Christiano. Vnde Couarruias tom. 1. in Clem. si furiosus par. 3.

§. vnic. 4. in fine, in eamdem sententiam inclinat: nam eam defensionem per ea, quae tradidit Alexander lib. 7. conf. 119. appellat immoderatam, & inhumanam, barbaris potius, quam viris ratione praeditis, & Religione Christiana institutis conuenientem: quibus ipse Couarruias haec addit. *Et sanè (praeter ipsum) ego considero iniquam esse hanc commutationem, saltem non omnino equam, quod ob tutelam honoris proprii vitam quis adimat alteri, praesertim ob honorem ad mores probos minimè pertinentem, nec Republica vilem, aut Religioni Catholica commodum.*

Et certè honor ille, qui tanti aestimatur ab hominibus mundanis, & politicis, non est verus honor, sed honoris imago; nam verus honor, seu vera honorabilitas laedi non potest, aut auferri. Quare etsi liceat furem occidere, qui ab inuasionibus bonorum temporalium, non vult desistere, eaque eripere tentat: non tamen licet eum occidere, qui iniuriam inferre tentat.

Vir igitur nobilis, & quisquis alius, cui aliquis alapam impingere nititur, potest contraniti, ne iniuria illa afficiatur: si autem Aduersarius ipsum conetur occidere, potest ipse defendendo propriam vitam illum occidere: sed tunc non occidit defendendo honorem, sed defendendo vitam, vel personam suam.

Rationes istae probant, nec etiam licitum esse alicui propriam famam defendendo, conuictiatorem, vel detractorem occidere. Nam & iniqua commutatio est, ob tutelam famae vitam proximo adimere, cum id neque

que sit Reipublicæ utile, nec Christianæ Religioni commodum.

Occurritur euasioni Francisci Amici, & Assertio nostra confirmatur.

Respondet Amicus loco citato, quod ipse inuasor sibi imputet, qui inuasum coegit, ut se ad sui honoris iustam defensionem interficeret. Cæterum sat est, ut id utile sit ipsi innocenti, qui licite potest suum honorem uti, & reliqua sua bona contra iniustum aggressorem tueri. Quamquam hoc etiam mediare redundet in bonum Reipublicæ. Hæc Amicus.

Sed contra est, quod is cuius honorem, & famam conuitiator, ac detractor, per conuitia, ac detractiōnem eripere conatur, dici non potest, quod propterea cogatur ad proprium honorem, propriamque famam per occisionem, seu cum occisione conuitiantis, vel detrahentis defendendum: quia potest per viam iuris, alijsque modis, ut mox dicemus honorem, & famam recuperare: Vnde honoris, vel famæ ablatio, non est malum, seu damnum irreparabile; sicut è contra mors alicui illata est malum, ac damnum irreparabile; & idè qui læditur in honore, vel fama, non læditur irreparabiliter, sicut irreparabiliter læditur, qui occiditur. Vnde non licet læso famam, & honorem defendere, cum occisione læsoris: quia non licet remouere malum reparabile, cum damno, ac malo

irreparabili, cuiusmodi est occisio læsoris. Et idè est dispar ratio de inuasore vitæ corporalis; nam hic inferre nititur malum irreparabile, scilicet mortem: & propterea inuasus potest propriam vitam tueri cum alio malo irreparabili inuasoris, scilicet cum illius morte, modo suprà explicato: vnde in eo casu non est iniqua commutatio. Et idem dicendum de inuasore honorum temporalium, ablatio enim bonorum temporalium per furem facta est malum irreparabile, si fur aufugiat, & secum ablata bona deferat; idè conceditur, ut bonorum ablatorum dominus possit bona sua defendendo furē occidere. Quare famæ inuasor non coegit inuasum ad illum occidendum, cum illum conuitijs, & calumnijs affecit, cum inuasus alijs medijs, quam per occisionem possit honorem, & famam suam tueri, ut dictum est.

Hinc occisio illa dici nequit utilis ipsi innocenti, & inuasor: nam etsi videatur innocens apud Mundanos famam, & honorem recuperare, non tamen verè recuperat, cum ad eam recuperandam illicitis medijs utatur, & grauiter delinquat ex ratione iam dicta: vnde damnum infert animæ suæ per peccatum. Nec id etiam mediatè redundat in bonum Reipublicæ: nam non redundat in Reipublicæ bonum, quod aliquis honorem suum, ac famam recuperet per medium illicitum: cuiusmodi est occisio inuasoris famæ; imò id redundat in perniciem Reipublicæ: nam hoc modo aperitur via ad priuatas cædes patrandas, ex prætextu tuendi proprium honorem, & famam.

Qua.

Quapropter cum quis in honore, vel fama læditur, non constituitur in talibus angustiis, ut nisi læso rem occidat, non possit honorem, aut famam recuperare, nisi per occisionem læsoris. Inuasus verò quoad vitam corporalem in ijs angustiis est positus, ut, nisi occidat inuadentem, ipse ab eo sit occidendus: & ideo sic inuasus licet, seipsum defendendo, inuasorem occidere, non autem licet in fama inuasus, seipsum defendendo, famam inuasorem occidere. Id autem ex dicendis magis contabit.

Soluitur argumētum eiusdem Amici, & afferuntur aliæ rationes pro nostra sententia.

Illud pro se assert Amicus, quod honor præsertim ab Illustribus, & honestis Viris pluris æstimatur, quàm reliqua bona fortunæ: æquiparatur enim in hominum æstimatione vitæ. Vndè solent communiter Doctores periculum famæ æquiparare periculo vitæ: quin multi honorem præferunt vitæ. At licitum est in defensionem propriarum facultatum inuasorem occidere. Ergò multò magis in defensionem honoris.

Respon detur, quod honor, & fama sumpta, ut in præsentī sumenda esse diximus pro æstimabilitate, & existimabilitate intrinseca, quam aliquis habet, esse quidem bona præstantiora vita corporali; Id tamen tantum probat, quod quis illa præferre possit propriæ vitæ, & pro illo-

rum bonorum acquisitione, vel conseruatione exponere possit propriam vitam, nisi aliundè in aliquo casu id repugnet; Cum enim vera æstimabilitas oriatur ex vera virtute, & liceat præferre bonum virtutis bono vitæ corporalis, ut ait S. Thomas in 3. sentent. loco supra citato, licebit alicui pro acquirenda, vel conseruanda fama, vel honore vitam corporalem propriam periculo exponere. At id non probat, quod quis licitè conseruare, vel recuperare possit propriam famam, & honorem cum alterius hominis occisione, etiamsi homo ille illius honorem, & famam læserit. Nam id fortassè licitum esset, quando quis verum honorem amisisset, & illum recuperaret, læso rem sui honoris occidendo: & aliàs nullus alius modus adellet, quo amissum honorem recuperaret: & idem dicendum de fama, quæ per detractionem supponitur amissa: quod scilicet si recuperari possit, & recuperetur cum occisione detractoris, & nullus alius modus adsit recuperandi famam, liceret eam defendere cum occisione detractoris.

Secus verò dicendum est, si honor non sit ablatas, & in eo casu, quo esset ablatas, non recuperetur per occisionem illius inuasoris, vel si recuperetur, alius etiam adsit modus eum recuperandi; & pariter quoad bonam famam amissam dicendum est, occisionem infamantis esse illicitam, si per occisionem infamantis non recuperetur amissa fama, vel alijs modis recuperari possit. Et ita planè contingit in præsentī. Nam si de honore loquamur; Certum est, quod verus

honor non amittitur per contumelias, aut iniurias, vel conuicia, quæ quis in aliquem proferat: nam cum verus honor, prout in præfenti accipitur, consistat in æstimabilitate intrinseca, quæ ad virtutem consequitur, sicut non potest ab aliquo auferri virtus per conuicia, & per contumelias, ita nec potest per hæc auferri æstimabilitas. Et ob eandem rationem honor hoc modo sumptus reddi non potest per occisionem iniuriantis, posito quod esset ablatus: nam sicut quis non potest alteri conferre virtutem, ita nec potest alteri conferre intrinsecam æstimabilitatem; & multo minus æstimabilitas hæc alicui confertur per occisionem iniuriantis: nam per eius occisionem homo nullam virtutem acquirit, aut recuperat, vt de se patet: sed accipiendo honorem, etiam pro actuali honoratione, & obsequio, non ideo iniuria affectus honorem hoc modo acceptum recuperat, quia iniuriantem, & conuiciantem occidat: nam non propterea occidens honorabitur, aut honorabilis habebitur à viris probis, & virtuosis; immò propter homicidium perpetratum honore indignus reputabitur ab illis, esto quod ab improbis honoretur. Tandem dato, & non concessio, quod qui iniuria afficitur possit honorem suum recuperare per occisionem iniuria afficientis, cum honorem suum alijs modis recuperare possit, vt diximus, & latius infra dicemus, non licet ad honorem recuperandum vti malo proximi irreparabili, vt iam dictum est. Id enim pertinet ad moderamen inculpate tutelæ, quod etiam in defensione ho-

noris obseruandum est, quod scilicet non defendatur honor cum occisione inuadentis, quando alijs modis honor possit recuperari.

Et idem dicendum quoad famæ detractorem: quod videlicet, bona fama, quæ in præfenti consistit in existimabilitate intrinseca alicuius hominis, tolli non potest per detractorem aliorum; sed si auferretur, non potest reddi per occisionem detrahentis; nam non ideo, quod infamatus infamantem, ac detrahentem occidat, recuperat bonam famam apud reliquos homines: immò, vt bene aduertit Syluius 2. 2. q. 64. art. 7. *quæstio 9. conclus. 2.* per occisionem infamantis non recuperabitur honor (& idem dicendum de fama) quia ex istiusmodi occisione non habetur, quod ea, quæ fuerunt dicta, sint falsò, aut iniuste dicta; sed solum, quod occisor iniquo animo ea tulerit; Sæpè autem iniquo animo feruntur etiam illa, quæ verè, ac iuste dicuntur. Quia putare possunt hominem, infamatum occidisse infamantem, ne vera crimina ei in posterum posset obijcere; Vnde potius amissam famam recuperare infamatus, si infamans suum dictum retractaret; hæc autem retractatio impossibilis redditur per infamantis occisionem: & cum alijs procurari posset etiam à iudice retractatio, contra proprium honorem agit infamatus, qui occidendo infamantem, istius retractationem impossibilem reddit.

Cum igitur famam, si est amissa, quis non recuperet, cum detractorem occidit, iam non habet occisio illarationem defensionis propriæ famæ

vndè relinquitur, quod habeat rationem puri homicidij, quod est illicitum.

Et quidem ita dicendum videtur, tùm ob rationes allatas, tùm etiam ne oppositæ doctrinæ prætextu via homicidij, ac cædibus aperiatur.

At verò si detur casus, vt actualis honor, ac fama sint omninè necessaria, vt Caius v. g. honestè alijs conuiuat, poterit proprium honorem defendendo ipse Caius, ne cum graui nota vitam ducat, occidere eius honoris inuasorem, qui actu nititur illum eripere, non intendendo tamen illius occisionem, sed honoris proprii defensionem, iuxtà ea; quæ diximus suprà de occisione inuasoris vitæ, aut bonorū temporalium, si nequeat alia ratione ipsum tueri, alijsque modis recuperare (qui tamen casus est rarissimus, & vix dabilis) tunc enim est mera, ac proinde licita defensio alieuius boni, quod pluris, quàm bona fortunæ à prudentibus, & cordatis viris æstimatur. Idquè tantùm euincere videtur argumentum P. Amici, qui tamen aliud intendit eo probare.

Vbi aduertendum ex Toletò *lib. 5. cap. 6. num. 15.* id non licere omnibus, nisi Nobilibus, & Personis, quæ suum tutari honorem maximè obligantur. Vndè nullus Clericus, aut Monachus potest in casu proximè proposito occidere, sed tenetur fugere, aut talem iniuriam pati.

Alia argumenta pro nostra sententia profert idem Syluius ibidem: præcipua, præter iam allatum, sunt hæc.

Primum est huiusmodi: Vel enim is, qui est infamatus idoneo testimonio docere potest se iniuste diffamari,

vel non potest: si priùs absque iactura vitæ alterius recuperabit suum honorem, si voluerit; si posterius exponet seipsum maiori periculo; poterit enim istius homicidij ratione trahi in iudicium, vbi si non possit probare, quod propter iniustam diffamationem illud commiserit, reus homicidij iudicabitur, ac nihilominus remanebit infamis.

Aliud argumentum est. Honor, qui æstimatur ab hominibus frequenter non est verus honor, sed honoris imago, & vt verus sit, ille non asportatur ab infamatore, sicut opes asportantur à fure: Ad quid ergo pro ipsius recuperatione occidetur infamator?

Deindè etiam sic arguit. In sui; suorumque defensione tantùm licet vim vi repellere; fraus autem, calumnia, & detractio non sunt vis: ergò non sunt etiam repellendæ per vim, sed per viam iudicij.

Tandèm sic concludit. Ex his sequitur, quo loco sit habendum, quod quidam scribunt, virum nobilem, qui à plebeo inuaditur, quamuis posset fuga se ab illo liberare, non tene-ri fugere, sed posse talem aggressorem interficere; & si inuadatur fuste, vel alapa posse gladio ferire ad ignominiam euitandam: & si aggressor inflicto vulnere fugiat, posse percussum repercutere, & insequi, ac tanta vulnera inferre, quanta putentur ad honorem recuperandum necessaria. Horum enim nihil censemus admit-tendum; partim ob rationes antedictas; partim ne portam aperiamus odijs, vindictis, & cædibus; partim denique, quia vel fugientem, vel percutere cessantem repercutere, non ad
ne-

necessariam defensionem pertinet, sed magis ad priuatam vindictam contra illud: *Mihi vindicta, & ego retribuam*; dicit Dominus, ad Rom. 12. & contra istud, *Nulli malum pro malo reddentes*, ibidem. Hæc Syluius.

Refellitur aliud Amici assertum, & hætenus dicta magis elucidantur.

Valdè mirum est, quod Amicus ad probandam suam sententiam asserentem, non esse licitum alicui occidere illum, qui occulta detractione denigrat, aut denigraturus est illius famam, sicut nec etiam licitum esse alicui eum occidere, qui percussit, mirum est, inquam, quod ad hanc suam veramque sententiam probandam eo utatur argumento, quod ad recuperandum honorem, alia supersint media, ut si aggressor, vel detractor capiatur, & publica autoritate cogatur condignam satisfactionem dare: & tamen idem Amicus vult hoc argumentum non probare, quod illicitum sit illum occidere, qui actu, & actualiter conuictus, aut detrahit, quia, inquit, est dispar ratio de contumelioso, qui in præsentia verbis contumeliosis innocentem aggreditur: nam huic non suppetit aliud medium impediendi iniustam inuasionem, ne innocentis famæ, & honori contumeliosis verbis maculam inurat. Nec dicatur, subdit Amicus, adhuc superesse medium, quia postquam me contumelijs affecit, curare possum istum capi, & publica au-

thoritate cogi ad condignam satisfactionem exhibendam; uti de occulto detractore, dictum est; nam contra est, inquit, quod non teneor expectare, ut mihi per contumeliosa verba, vel facta honorem lædat, illum occidere, sicut antequam aggressor mihi membrum mutilet, vel vitam auferat, præuenire possum illum occidendo. At verò occultum detractorem præuenire non possum, cum prius per dignos testes de illius detractione constare debeat. Hæc Amicus.

Verum allatum argumentum de utroque casu probare certum est, scilicet, non esse licitum occidere occultum detractorem, nec eum, qui iam percussit; & rursus idem argumentum probare non esse licitum occidere actualiter, ac præsentialiter detrahentem, aut conuictum, ac etiam actualiter percutientem, sed percussorem intentantem. Horum inquam, occisionem illicitam esse argumento illo probatur, quo diximus. Ad recuperandum honorem alia media supersint, ut si aggressor, vel detractor capiatur, & publica autoritate cogatur condignam satisfactionem dare. Hoc enim argumentum probat, nec licitum esse, actuale, ac præsentem detractorem, nec futurum percussorem occidere: nam quoad occulte, & præsentialiter detrahentem, dicendum est, quod etiam si actu, ac præsentialiter detrahat, famamque alicuius denigret, adhuc postquam detrahit, possit per viam iuris cogi ad retractanda, quæ contra famam alterius effudit, si adsint digni testes contestes; Undè non est periculum in mora, ita ut fama detracta non sit repa-

rabilis, nisi detrahentem infamatus occidat: sicut in congressu manuum, quo quis contra propriam vitam corporalem ab aliquo inuaditur: In hoc enim secundo casu est periculum in mora, ut nisi aggressor occidatur, occidatur aggressus: Vnde aggressus positus est in angustiis incurrendi damnum irreparabile, scilicet mortem. Si verò detractor non detraxit nisi coram illo, cuius famam detrahere voluit, is, cui detraxit, nihil famæ propriæ amisit, sed perinde est, ac si eum solitarie, ac nullo præsentis conuiuiatus fuisset. Quare cum damnum, si quod per detractionem illatum, alia via, quam per occisionem detrahentis reparari possit, stat vis argumenti allati, etiam pro isto casu, quod non sit ille occidendus, qui aliquis famæ detrahit, si damnum ab eo illatum possit alijs modis, ut verè potest, reparari; Tunc enim recurrit aliud argumentum superius allatum, quod esset iniqua commutatio pro damno reparabili compensando inferre damnum irreparabile, scilicet mortem; Vnde cum argumentum illud cogat ad asserendum, non esse licitum occidere illum, qui iam percussit, & alapam inflixit, cogit etiam, ad asserendum, non esse licitum, illum occidere, qui percussurus est, aut actualiter percutit, aut alapam infligit, aut infligere intentat. Nam nec etiam, qui percussurus est, aut qui actu percutit, ad reparandum honorem læsi occidendus est, cum etiam postquam percussit, & alapam inflixit, cogi possit per viam iuris ad condignam satisfactionem exhibendam, & ad poenam luendam. Nec est ca-

dem ratio de illo, qui alium aggreditur, ut ei vitam adimat, ac de illo, qui alapam intentat; nam ille, qui contra suam vitam corporalem inuaditur, nisi defendat se ipsum, etiam cum occisione inuasoris, occidetur, & damnum irreparabile incurret, scilicet mortem; is verò, cui alapa intentatur, non incurret damnum irreparabile, si non occidat intentantem alapam, & ideo huic non licet alapam intentantem occidere. Et idem dicendum de actualiter conuiuiante, quod scilicet si conuiuietur, conuiuitio non licet cum occidere, ut damnum per conuiitia illatum refarciat, nam potest damnum, quod ei inferatur per conuiitia, alijs modis, quam per occisionem reparari. Et non est intelligibile, quod ait Amicus, quod scilicet præueniendus sit, qui detractor, aut conuiuiaturus est: nam vnde colligi potest, quod aliquis detractor sit, aut conuiuiaturus, si adhuc non detraxit, aut conuiuiatus est? Ad enim colligi nequit ex eo, quod quis elamet aduersus aliquem, aut etiam iratum in vultu se ostendat. Hæc enim non arguunt ipsum esse detracturum, aut conuiuiaturum. Quare magna iniquitas esset, cum occidere, qui adhuc non detraxit, nec est conuiuiatus, ob solam suspicionem, quod sit detractor, aut conuiuiaturus, nullo rationabili de hoc existente fundamento: sed etsi constaret eum esse detracturum, aut conuiuiaturum, non liceret eum per occisionem præuenire ob disparitatem damnorum hinc inde succedentium, ut dictum est; & rursus, quia non licet occidendo præuenire futurum aggressorem vitam, vnde

dè multò minus licebit occidendo præuenire futurum detractorem, aut conuitiatorem.

Diximus autem, non licere alicui propriam famam, aut honorem defendendo, illorum inuasorem occidere, qualis est actualis conuitiator, aut detractor, aut qui aliquem alapa, vel fuste percutere intentat. Nec diximus, non licere alicui pro famæ, aut honoris defensione, illorum inuasorem occidere; nam posterior hic modus loquendi designaret, quod non licet alicui intendere occisionem inuasoris honoris &c. nam hoc absurdius esset, & à nobis suprà iam improbatum est, etiam cum de vitæ propriæ corporalis defensione ageremus; Vnde solum remanet quæstio, vtrum defendendo proprium honorem, aut famam, liceat illorum inuasorem occidere, id est, vtrum liceat eam sui honoris defensionem præstare, quæ sit inuasoris occisiva, esto actionem illam eliciens non intendat nisi honoris sui defensionem, & inuasoris occisio præter illius intentionem contingat: sicut in eodem sensu eandem quæstionem de propriæ vitæ defensione excitari diximus. Et in hoc sensu intelligendo quæstionem, vti reuerà intelligenda est, quod in eodem sensu admisimus, licitum esse in defensione propriæ vitæ ab iniusto aggressore, quod scilicet liceat iniuste aggresso propriam vitam defendendo aggressorem occidere, id est, quod liceat eam actionem sui defensionem elicere, ad quam præter eius intentionem sequatur occisio inuasoris; hoc ipsum negamus licitum esse in defensione honoris, & famæ; Idq;

ob rationem allatam, nam etsi proprium honorem defendens non intenderet nisi honorem suum defendere, si tamen præuidet ex ea defensione inuadentis mortem sequuturam, tenetur ab ea defensione abstinere; & ratio est, quia amissio proprii honoris, est minus malum, quam amissio vitæ inuadentis, & rursus amissio proprii honoris, est malum reparabile; mors autem inuadentis honorem, est malum irreparabile, quod non contingit in defensione propriæ vitæ: nam in eo casu malum imminens inuaso ab inuasore est irreparabile, scilicet propria mors; nec teneor abstinere à defensione meæ vitæ, ob seruandam vitam inuasoris, quia vnusquisque magis tenetur ad conseruationem propriæ vitæ, quam ad conseruationem vitæ alterius, vt ait S. Thomas; at homo non tenetur magis ad cōseruationem proprii honoris, quàm ad conseruationem vitæ alterius, sed magis tenetur ad conseruationem vitæ alterius, quàm ad conseruationem honoris proprii, ob rationem allatam: ac proinde in discrimine, seu periculo amittendi honorem proprium pro conseruatione vitæ alterius, non licet præferre honorem proprium alterius vitæ. Idquè multò magis vrget contra modum, quo Authores oppositæ sententiæ illam tuentur: nam volunt, quod si quis contumelijs ab aliquo afficiatur, aut infametur, aut percussio per alapam, aut fustem intenteretur, possit statim, ac directe illum occidere; quod quidem dici nequit, nam id esset dare directe operam occisioni, non defensionem, quod nullatenus, & in nullo casu licet.

Igitur, vt inuasoris occifio licita fit, requiritur, vt fit cum defenfione; feu potius requiritur, quod actio, qua inuasor occiditur fit defenfio inuafi, ita tamen, vt defenfio fui intendatur, non verò inuafis occifio, fed hæc in actione illa materialiter fe habeat, & præter fe defendentis intentionem, etiamfi à fe defendente præuideatur, vt diximus fuprà; non poteft autem contingere defenfio, fine mutuo vtriusque partis congressu, & conflictu, ita vt cafus fit, quod vnus offendat, & alter fe defendat per actionem fui defenfuiam, per actionem fcilicet, quæ à fui defenfione exordiat, & ex intentione agentis non tendat, nifi ad fui defenfionem, licet per accidens, & præter intentionem agentis poffit habere pro effectu etiam occifionem, & mortem inuadentis; Is ergò, qui conuiitijs, aut detractionibus inuaditur, vt licitè iuxta aduerfariorum fententiã inuasorem occideret, elicere deberet actionem fui defenfuiam, quæ proinde cum à fui defenfione exordiat, exordiri non debet ab occifione inuadentis, nam tunc non effet defenfio inuafi, fed mera occifio inuasoris, quæ non eft licita: quòd propter iuxta fententiã, quam confutamus inuafus in cafu pofito non fe defenderet, fed folùm occideret inuasorem, & actio illa non haberet rationem aliquam defenfionis, fed haberet rationem meræ occifionis. Et idem à fortiori probat, nec præueniri poffe futurum inuasorem illum occidendo, nec occidi poffe illum, qui iniuriòse aliquem percuffit: nam cum in nullo ex his cafibus adfit actualis, & mutuus conflictus,

non adest defenfio illius, qui offendendus eft, vel qui iam eft offenfus; Vndè tam occifio futuri inuasoris, quàm occifio eius, qui iam offendit, eft purum, & merum homicidium, quod eft illicitum. In cafu autem, de quo in hac prima nofta assertione agimus, de illo, qui actualiter contumelijs, aut detractionibus impetitur ab aliquo, non contingit ex parte inuafi, & offenfis actio aliqua fui defenfui, nifi fortè offenfus contrarijs verbis iniurias, ac detractiones refelleret: fed etfi offendentem percuteret ad fui defenfionem, fi præuideat ex tali percuffione poffe fequi inuadentis homicidium, tenetur ab ea percuffione abftinere, etiamfi illam occifionem non intenderet: quia præuideret inuafio inferri à fe damnum irreparabile, vt fe eriperet à damno reparabili, fcilicet honoris, & famæ læfione, quæ eft iniqua compensatio, vt iam dictum eft. Vndè quomodocumque confideretur occifio inuadentis, non eft inuafis defenfio, fed merum homicidium, quod proinde eft illicitum.

ASSERTIO SECVNDA.

Vir Nobilis, qui alapam, conuiitium, aut aliam iniuriam accepit, non poteft licitè incontinenti repercutere aduerfarium, vel ipfum occidere ad proprium honorem defendendum.

ITa contra Authores fuprà relatos docent communiter Doctores So-

10 libr. 5. de *Iustitia*, & *iur. quæst.* 1. art. 8. *Carterius in præct.* 5. *homicid.* 6. num. 110. *Molina disp.* 17. nu. 8. *Vasquez dub.* 9. num. 37. *Rodriguez in summ. tom.* 1. cap. 135. num. 11. *Turrianus disp.* 27. dub. 3. *Bannes*, *Salon*, *Malderus*, & alij, quos citat, & sequitur *Cardinalis de Lugo tom.* 1. de *iustitia*, & *iur. disp.* 10. *sect.* 10. num. 190. ubi obseruat meritò *Vasquez* dixisse, contrariam sententiam gentilitatem sapere, & à Christiana lege alienam esse, ita ut ipsimet mundani, qui pactione coacti ad recuperandum honorem offensi, repercutiunt, vel occidunt, stimulante tamen conscientia, videant, & fateantur se grauiter peccare, licet mundanis honoris legibus aliud facere non possint.

Ratio autem à priori huius sententiæ hæc est. Quia occisio, vel percussio priuata non licet nisi in casu defensionis rei, quam aliter amittes, & eo modo conseruabis, alioquin non erit defensio, sed vindicta, quæ auctoritate priuata semper est illicita, ut etiam Authores oppositæ sententiæ fatentur: In casu autem præfenti occisio illa non conducit ad conseruandum honorem; honor enim iuxta illos iam destructus est per iniuriam illatam, sed deseruit ad acquirendum alium honorem, quem apud homines acquiris ob fortitudinem, qua te vindicasti: quare non potest præscindere à ratione vindictæ, quia non aliter conducit ad honorem acquirendum, nisi quatenus honorificum est apud homines te vindicare: Nec conseruat, aut recuperat honorem; nam hunc ipsi volunt esse ablatum, quia

illa erat nota existimationis, quam offensor debebat exhibere, quam quidem non exhibet offensor percussus, immò nec amplius exhibere poterit, si occidatur: nec verò illum percutis, vel occidis, ut reddat honorem, & notam bonæ existimationis de re, quam debebat dare, & iniuste abstulit, sed ut acquiras alium honorem apud ceteros, quo compenses iacturam illius honoris, quem ab offensore non habuisti: Ergò illa occisio non est propriè defensio, nec eo titulo licita reddi potest, sed semper remanet sub ratione vindictæ, sub qua sola utilis est ad acquirendum honorem æquiualentem, quo videaris retinere tantundem honoris, quantum antea habebas, dum pro honore, ut creditur, amisso, alium honorem apud homines de nouo acquiris.

Dixi honorem iuxta opinionem illorum, qui aduersarium repercutiunt, vel occidunt, esse ablatum, nam reuera, ut antea diximus, honor verus non est ablatum, sed solum mundanus, & apud mundanos, cum quis iniuria afficitur; At supposito, quod ut illi volunt, sit ablatum, vrget ratio allata: nam honor ille, si ablatum est, non potest amplius recuperari.

Hanc eandem secundam assertionem probant argumenta, quæ pro prima Assertionem adduximus. Probant enim hæc omnia argumenta, nedum non licere incontinenter honoris, & famæ læforem occidere. Sed id multò minus licere ex interuallo, & post aliquod tempus; immò grauius peccant, qui non ex incontinenti, sed post aliquod tempus occidunt, vel occidere mandant eum, qui famam,

nam, aut honorem læsit, quam qui eundem cum actu detrahit, aut statim postquam detraxit, occidunt: nam qui post intervallum occidit, vel occidi mandant, minori passione tenentur, ac maiori malitia, & peruiaciori vindictæ animo in eum, qui honorem læsit, feruntur. Ex quo patet, quam grauius delinquant Principes illi, qui retento ad plures annos in aliquem odio, quem eorum honorem læsisse putant, eum occidi mandant, tantumque crimen, tantamque iniquitatem quasi aquam bibunt, nil curantes de restitutione Parentibus occisi, qui graue damnum ob eam occisionem patiuntur faciendam.

ASSERTIO TERTIA.

Licet Mulieri propriam defendere pudicitiam, etiam cum occisione aggressoris, immò ad illam etiam cum occisione aggressoris defendendam tenetur, si sibi timeat consensum in peccatum, & delectationem veneream, & aliter aggressorem repellere nequeat, secus verò si consensum in peccatum, & delectationem veneream non timeat.

Prima pars huius Assertionis communis est inter Doctores, Caietanus 2. 2. q. 64. art. 7. ex his au-

tem, Mercadus cap. 5. Syluester in Summa, verbo homicidium 2. quæst. 5. Nauarrus cap. 15. num. 5. Petrus à Nauarra lib. 2. de restit. cap. 3. num. 593. Rodriquez par. 1. cap. 136. num. 14. Molina tom. 4. de iust. & iure tract. 3. disp. 18. num. 10. Syluius in 2. 2. q. 64. art. 7. quæst. 9. conclus. 1. de Lugo de iustitia, & iure tom. 1. disp. 10. sect. 10. num. 195. & alij. Ratio est, quia sic occidens vim vi repellit in re magni momenti, cum pudicitia secundum se maius bonum sit, quàm multæ opes, & bona temporalia: ergò si licet hominè bona temporalia defendendo aggressorem occidere: & mulieri licebit suam pudicitiam defendendo aggressorem occidere, cum pudicitia sit bonum excellentius, quàm bona temporalia: idque eo magis, quod mulier non habet dominium sui corporis, vnde si licet alicui propriam vitam corporalem defendendo aggressorem occidere, licebit & mulieri propriam pudicitiam defendere cum occisione aggressoris.

Dicimus autem, licitum esse mulieri propriam pudicitiam, & castitatem defendendo, aggressorem occidere, vt per hæc significemus, vti etiam diximus cum de propriæ vitæ defensione ageremus, quod mulieris intentio esse debeat, se defendendi, non verò aggressorem occidendi, ita vt aggressoris mors præter intentionem se defendentis contingat. Et in hac ipsa castitatis defensione mulier vti debet moderamine inculpæ tutele; vnde prius debet fugere, si potest, vt per fugam, se de manibus ini-

qui

qui aggressoris eripiat: vel si non potest, debet clamare, contraniti, resistere, percutere aggressorem, & si hæc non sint satis, potest etiam occidere (ea tamen cautela, ut non intendat nisi caluitatis suæ defensionem) etiam si prævideat ex defensione illa aggressoris mortem sequi posse.

Secunda verò pars Assertionis, quod scilicet mulier teneatur propriam pudicitiam defendere etiam cum occisione aggressoris, si timeat sibi consensum in peccatum, & delectationem veneream, & aliter aggressorem repellere nequeat, communis etiam esse debet inter Doctores: quia mulier tenetur præferre propriam vitam spiritualem, & suam spiritualem salutem vitæ corporali, immò & spiritali alterius; nec licet ei ad seruandam vitam corporalem, vel spiritualem alterius peccatum admittere, & propriæ salutis spiritualis iacturam facere, vti faceret, si ad seruandam vitam aggressoris, abstinere ab eius occisione, & consensum præberet peccato, ac delectationi venereæ: ergo tenetur propriam pudicitiam defendere etiam cum occisione aggressoris, si aliter ipsum à se repellere nequeat: aggressor autem sibi imputet propriæ vitæ spiritualis, & corporalis iacturam, cum ipse ex sua malitia se in eas angustias contulerit, ut mulierem cogere ad eam defensionem præstandam.

Cum autem dicimus mulierem teneri ad propriam pudicitiam defendendam etiam cum occisione aggressoris, non est sensus, quod mulier teneatur velle, & intendere aggressoris occisionem, sed quod teneatur

velle, & intendere suæ pudicitie defensionem, etiam si ad eam defensionem, sequatur occisio aggressoris, & aggressoris occisionem prævideat futuram: ita ut non teneatur ab ea defensione desistere, etiam si prævideat, ex ea defensione sequituram esse, mortem aggressoris.

Tertia verò pars Assertionis, scilicet, quod mulier non teneatur pudicitiam suam defendere cum occisione aggressoris, si consensum in peccatum, & delectationem veneream non timeat, probatur, & explicatur, quia si talem consensum sibi non timeat, & firmum propositum habeat non consentiendi delectationi venereæ, seu peccato, seque in adiutorio Dei confidens delectationi venereæ non consensuram putat, licitum ei erit post resistentiam, citra occisionem, adhibitam, abstinere ab occisione aggressoris, & se illi prostituendam permittere, ne ille vitam amittat. ac præterea æteram salutis iacturam faciat, Et hæc est sententia Molina loco citato, quæ mihi probatur, ibi enim asserit Molina: *Posse puellam relinendo, ac se omnino continendo à consensu in culpam leualem non interficere oppressorem, etiam si interficere illum posset, idque laudabilius esse, ne miser ille cum corporali vita amitteret æternam, sempiternisque cruciatibus adigeretur, dummodo ea mulier vires in se sentires ad resistendum peccato.*

Nec obstat, quod mulier non sit domina proprii corporis, ac proinde non possit illud in eo casu prostitutioni inuulsoris permittere, ob quam rationem illicitum est stuprum etiam ex parte puellæ, quamvis ipsa consentiat,

sentiat, ut dicemus quæstione sequenti. Hoc, inquam, non obstat, nam hoc, quod est puellam non esse dominam proprii corporis solum probat puellam non posse absque rationabili motivo de suo corpore disponere, illudque prostituendum, & violandum alteri, sine præcedenti resistantia, & volentem, ac lubentem, & in proprium peccatum consentientem, permittere: qua ratione stuprum committit puella, quæ consentiens, & non iniuriam se alteri corrumpendam exhibet, & in peccatum, ac delectationem veneream consentit. At non probat, quod peccet puella, cum post resistantiam adhibitam certa, quod venereæ delectationi non consentiet, abstinere ab occisione aggressoris, qui eam est violaturus, ex motivo charitatis erga eundem, ac proinde ex motivo charitatis erga Deum. Ad hoc enim censendum est concessam fuisse facultatem à Deo, cum facultatem concessit, homini, ut propriam vitam exponeret pro vita corporali alterius, ac proinde facultatem concessit, ut iniuriam ab iniuriosorum occisione abstinere possit, etiamsi alia via propriam vitam tueri nequeat. Cum enim vita corporalis sit magis bonum, quam physica integritas virginalis, & cum Deus, qui est Dominus vite hominum indulserit, ut quis à propriæ vite defensione abstinere possit, sequæ alteri perimendum possit permittere, ne ille perimatur, & salutis æternæ iacturam faciat, idque eximie charitatis actum declaraverit, idem dicendum est Deum disposuisse de integritate virginali, ac de pudicitia, videlicet,

licitum esse puellæ post sufficientem resistantiam adhibitam eius aggressori, se illi prostituendam permittere ab illius occisione abstinendo ex motivo prædicto, dummodò non adit consensus in actum, & delectationem veneream. Hoc enim posito, puella non tenetur defendere se ipsam cum occisione aggressoris, sed potest à tali defensione abstinere; nam adest rationabilis causa eam omittendi; quare omissio defensionis cum occisione aggressoris tunc non est puellæ culpabilis: quia omissio tunc est culpabilis, cum omittens potest, & tenetur præstare actum omisum, quod non contingit in presenti.

Si autem puella putet se delectationi venereæ consenturam, vel de hoc timet, uti rationabiliter timeri potest propter vehementiam delectationis venereæ, tunc puella tenetur ad propriæ pudiciæ defensionem, etiam cum occisione iniuriosorum, plus enim tenetur ad propriæ salutis spiritualis conservationem, quam ad conservationem vitæ corporalis, immodò etiam spiritualis alterius.

Igitur mulier tenetur aggressori pudiciæ resistere, non tamen ei resistere tenetur cum illius occisione, si absit periculum consensus in delectationem veneream, et si ei liceat aggressorem occidere, si alio modo eum à se repellere non possit.



Soluuntur argumenta contra tertiam Assertionem, & eadem Assertio alijs rationibus confirmatur.

Contra tertiam hanc Assertionem obijcies primò . Quod concurrente simul peccato proprio, & alieno, potius permittendum est alienum peccatum, quam sponte assentiendum proprio: sed in casu, quo puella v. g. ab iniusto aggressore inuaderetur, concurreret simul peccatum illius libidinis v. g. & peccatum homicidij, si puella oppressorem occideret; ergo videtur, quod potius teneatur permittere sibi ab illo vim inferri, quam illum occidere.

Respondetur concessa maiori, negando suppositum minoris. Supponitur enim, quod puella ob pudicitie tutelam oppressorem occidens debito seruato moderamine, peccatum committat, quod vtique est falsum. In euentu enim illicitæ læsionis, & ablationis seu vitæ, seu bonorū temporalium, seu pudicitie vtriusque fori leges occisionem iniusti aggressoris permittunt, & quod quis, se defendendo, aggressorem iniustum occidere possit.

Obijcies secundò, ex duobus malis minus est eligendum: sed in casu, quo aut subeunda esset pudicitie iactura, aut oppressor interimendus, minus malum videtur esse, pudicitie iacturam pati, quam oppressorem occidere, atque æternæ damnationis poenam illi parare, præfertim cum inuitè patienti pudicitie iactura non

imputetur ad culpam, sed potius ad meriti, ac coronæ cumulum, iuxta illud Sanctæ Lucie ad Tyrannum, *Si me inuitam iusseris violari, castitas mihi duplicabitur ad coronam*. Ergo non licet puellæ oppressorem interimere suam pudicitiam defendendo.

Respondetur, quod quando etiam admittendum esset principium illud: *Ex duobus malis minus est eligendum*, adhuc argumentum ex principio illo desumptum, nihil probaret. Nam qui castitatem suam ab aggressore defendit, etiam cum aggressoris occisione, seu qui castitatem suam defendendo aggressorem occidit, non eligit minus malum, immò nullum eligit malum, sed potius eligit bonū; nam elicit actionem moraliter bonam, & meritoriam, scilicet defensionem suæ castitatis, & hanc solam intendit, non aggressoris occisionem, quæ proinde præter eius intentionem sequitur, etiamsi eam sequuturam præuideat, & hæc defensio, est ei licita.

Dixi autem id verum esse, si principium illud admittendum esset: *Ex duobus malis minus est eligendum*; nam si principium illud accipiat in moralibus, est falsum, ac detestandum. Malum enim morale, & peccatum, etiamsi minus alio non est eligendum aut patrandum.

Si autem puella ita violenter opprimeretur ab aggressore, vt nullatenus resistere pollet, non peccaret, si ipsa peccato non consentiret, nec in eo actu delectaretur; nam tunc ad nihil aliud teneret, quam ad remouendum consensum, ac delectationem, quæ quidem facilius remouebitur si

T t puella

puella corpus suum non tradat por-
ruptori, etiam cum spe, ac proposito
non consentiendi, ac non delectandi,
sed faciat, quantum potest, ut non
violetur; & hac ratione dixit S. Lu-
cia ad Tyrannum ei violationem cō-
minanti. *Si inuitam sufferis violari,
castitas tibi duplicabitur ad coronam.*
Vnde aliud est quod puella sponte se
periculo consensus, & delectationis
exponat, aliud verò, quod tali pericu-
lo ab alio inuita exponatur: nam si
sponte se tali periculo exponat, vti
contingeret, si puella sponte hanc re-
sistentiam, ac defensionem omitteret,
facilius consensus, ac delectatio con-
tingere posset. Difficilius autem si cō-
tra suam voluntatē, & inuita periculo
illī exponeretur ab alio; & ideo si
violenter opprimeretur, facilius absti-
nere posset à consensu, ac delecta-
tione.

Quanta verò, & qualis debeat esse
resistentia puellæ, ne consentire cen-
seatur, explicat Cardinalis de Lugo,
*tom. 1. de Iustitia, & Iure disput. 10.
señ. 10. num. 197.* vbi ait: in primis
certum esse, quod non debet vllō
modo cooperari componendo se ad
turpem congressum. Certum etiam
dicit, quod debet etiam viro per vio-
lentiam seminante ipsa non semina-
re: quia licet aliqui putent, si ipsa
semel consentit copulæ turpi, non
posse postea pœnitentia ductam viro
seminare, non recipere eius semen,
quia peius est, & maius contra natu-
ram non perficere copulam iam in-
choatam, quàm illam perficere, quo-
rum sententiam probabilem reputat
Thomas Sanchez *lib. 9. de Matrimo-
nio disp. 19. num. 7.* quamvis ipse pro-

babilius putet, posse, & debere po-
stea sœminam pœnitentia ductam se-
men non recipere. Quando tamen
ipsa non consedit, sed vir per vio-
lentiam copulam inchoauit, omnes
fatentur sœminam posse, & debere
semen viri non recipere; quia illa ef-
fusus seminis extra vas nullo modo
sœminæ imputatur, cum ipsa nullo
modo cooperata fuerit, ut constat ex
doctrina eiusdem Sanchez ibi: vnde
rursus eredo, inquit de Lugo, debere
sœminam vi oppressam motu cor-
poris, manibus, & pedibus, alioque
modo congressum turpem impedire;
quia si tenetur semen viri non recipere,
ergo non potest quiescere consistere,
& merè passiuè se habere, nam sine
subtractione positiva corporis, aut
aliquo corporis motu non posset im-
pedire seminis receptionem; tenetur
ergo se omni motu vili, & necessa-
riò mouere, & agitare, ut congressum
turpem impediatur. Ratio autem vi-
detur esse, quod illa quies, & non re-
sistentia sit cooperatio, qualis esse
potest ad congressum turpem: nulla
enim alia cooperatio requiritur ex
parte sœminæ ad eiusmodi actum,
nisi quod immota sit, & non resistat
positiuè viro: si ergo sœmina tene-
tur nullo modo cooperari, cōsequens
est, ut teneatur corporis agitatione,
& motu, ac reliquis modis, quibus
potest congressū, & copulam impe-
dire. Hæcenus Card. de Lugo. Cui
tamen non consentimus in eo, quod
subdit, nempe puellam non debere
clamare, & vociferari, ut alijs occur-
rentibus oppressor violentus fugiat,
vel impediatur; quando ex clamori-
bus timet sibi graue damnum infu-
miz,

mio, mortis, aut nimis verecundie; in hoc inquam Cardinali de Lugo nõ consentimus, quando sibi timet consensum in peccatum; nam puella potius debet pati mortem, & multò magis aliud quodcumque damnum, quam peccatum admittere, aut se peccandi periculo exponere: exponeret autem se periculo peccandi, si aliàs non clamando, oppressorem non fugaret, & pro viribus non impediret violentiam, & iniquam sui oppressionem, & quoad infamiam nulla videtur puellæ infamia interuenire, si illa non consentiat, & non consentire deprehendatur, vt non consentire deprehenderetur, si ipsa clamaret. Immo illi honor, & existimatio ex hoc proueniret, quod nempe iniquo oppressori consentire noluerit; sed potius infamia ei proueniret, si non clamaret, & non posset alia via oppressorem remouere: nam tunc censeretur, quod consensisset violationi proprii corporis: si autem aliqua infamia contra illam interuenire possit, quod scilicet manifestetur per eius clamorẽ, quod ab oppressore cõtacta sit, & eius pudicitia inuasio intentata, id vera non est infamia, sed gloria, quod tentata resisterit.

Soluitur specialis obiectio contra id, quod dictum est de obligatione Mulieris propriam castitatem, & pudicitiam ab iniquo aggressore defendendi per resistentiã citrà aggressoris occisio-

nem, si absit periculum consensus in peccatum, & delectationem veneream.

Contra id, quod diximus mulierem vel puellam teneri ad suæ castitatis defensionem, citrà aggressoris occisionem, obijci potest; quod homo non tenetur ad defensionem propriæ vitæ, vt superius dictum est, sed licitè potest se iniquo aggressori absque vlla resistentia perimendum permittere. Rursus quod non teneatur quis propriam famam à detractore, etiam per viam Iuris, aut alijs modis licitis defendere, sed licitè potest famæ restitutionem detractori condonare, vt docent communiter Doctores: ergo nec mulier vel puella tenebitur castitatem suam ab inuasore defendere, sed poterit absque vlla resistentia se iniquo oppressori violandam permittere, si absit periculum consensus in delectationem veneream: nam non videtur maior ratio, quare homo non tenetur ad vitæ, & famæ defensionem, & tenetur ad defensionem castitatis.

Respondetur concedendo antecedens, & negando consequentiam. Nam est dispar ratio de uita corporali ac fama, & de castitate, seu pudicitia: nam quoad vitam corporalem, etsi homo non sit dominus sui corporis, & propriæ vitæ, Deus tamen, qui est vitæ, ac mortis dominus indulget, vt possit in testimonium egregiæ charitatis hominis erga Deum, vitam suam pro vita corporali proximi exponere: ac proinde à propriæ

vitz defensione abstinere, vt supra diximus; & ideo omiffio defenfionis vitz corporalis. cedere potest in honorem, & gloriam Dei: & idem dicendum de fama, quod videlicet omiffio defenfionis propriæ famæ cedere potest in honorem, & gloriam Dei, quatenus illius iacturam Deo quis offert, cum in Sacra pagina commendatur, qui contumelias iniurias, dehonorationes, ac detractio- nes patienter ferunt; & præterea homo est dominus suæ famæ. Quamvis enim Cardinalis Caietanus velit, hominem non esse dominum propriæ famæ, communis tamen Doctorum sententia oppositum docet; quia homo est dominus eorum, quæ proprio labore, & industria acquirit, & conseruat: fama verò est huiusmodi bonum, quia per scientiæ, & virtutum exercitium fama comparatur; Vnde quando infamia non tangit nisi solum infamatum, valida est eius condonatio ab infamato facta, immò licita, & meritoria. Nam quando infamia non tangit, nisi solum infamatum, ad eum solum pertinet, vt ad proprium dominum de talis famæ restitutione disponere, non secus ac ad dominum spectat liberè dispo- nere de damno rei familiaris iniuste sibi illato, quando tale damnum non tan- git, nisi solum dominum rei familia- ris, cum non minus homo sit perfe- ctus dominus suæ famæ, ac suarum facultatum. Idque infamatus etiam potest, cum infamia ita tangit alios, vt reliqui infamati bonum famæ non aliunde participabant, quàm ab ipso infamato: quia quando ij, ad quos mea infamia redundat, non aliunde quàm

ex me bonam famam participant, non habent ius ad talem famam, nisi de- penderet à iure, quod ego ipse in- eamdem, vt in meam propriam ha- beo: at ius, quod ego in meam famam habeo, est independens à iure, quod participant habent, cum non nisi ex me, & dependenter ex mea fama il- lam participant; ergo validè possum independenter ab ipsis de mea fama disponere: scilicet, quia liberè dispo- nere possum de bono, quod indepen- denter ab alijs possideo, esto alij de- penderet à me illud participant, vt cõstat de reliquis bonis fortunæ, quæ parens independenter à filijs possi- det, de quibus liberè disponere potest, esto filij ea dependenter à parente participant. Ratio est: quia quando ius meum est independens ab alio, validè eo vti possum absque consen- su alterius, cum in eo iure vtendo nul- lam iniuriam inferam alteri.

Quando verò infamia redundat in alios, qui aliunde, quàm ab ipso in- famato suam famam possident, non potest infamatus illam validè condo- nare, quin semper infamator maneat obligatus ad illam restituendam: nam non potest quis validè condonare, si- cut nec donare, quod suum non est: sed fama aliorum non est sua: ergo non potest infamatus validè illam condonare, si aliunde, quàm ab ipso illam possident. Hinc etiam si Reli- giosus condonet famam sibi sublatā, semper infamator manet obligatus ad illam, & Religioso, & Religioni re-stituendam: Religioso, quia non est dominus suæ famæ, sed Religio, cui suum ius cessit; Religioni, quia in- famia Religiosi redundat in totam. Reli-

Religionem, quæ suam famam non possidet virtute vnius, vel alterius Religiosi, sed virtute, & præclaris gestis multorum, quæ obscuratur ex infamia vnius. Eodem pacto persona publica in publico officio manens nequit infamiam sibi irrogatam validè condonare, nam fama personæ publicæ, non tam est ipsius, quam Reipublicæ, cui sicut per officium obligatur persona, ira & cætera omnia, quæ ad publicum officium exercendum necessaria sunt: At fama necessaria est ad publicum officium exercendum, igitur nequit famæ restitutionem validè condonare, quin maneat infamator obligatus ad illam restituendam Reipublicæ, quam læsit lædendo famam personæ publicæ; Ita benè Franciscus Amicus *rom. 5. de iustit. & iure disp. 37. sect. 12. cum Petro Navar. lib. 2. cap. 4. num. 192.* & alij communiter.

Loquendo igitur de fama, quam quis ex proprio iure habet, quæque aliorum famæ non est alligata, illius homo est Dominus: vnde validè, ac licitè potest de illa disponere. At mulier non est domina proprii corporis, & virginis integritatis: ac proinde tenetur hanc ab iniquo aggressore defendere ei resistendo, citra

occisionem tamen iniqui aggressoris: nam si resistere possit aggressori, illudque sine illius occisione removere, ad huiusmodi resistantiam puella tenetur, etiamsi abesse posset in puella consensus in delectationem veneream, nam in hoc casu non adesset rationabile illud motuum non occidendi aggressorem, ex moriuo charitatis: supponitur enim aggressorem remoueri posse per resistantiam citra illius occisionem, factam. In hoc inquam casu puella resistere tenetur alijs modis supradictis iniquo aggressori, nec se potest illi violandam permittere. Tunc enim solum censendum est concessam ei à Deo fuisse facultatem non resistendi aggressori, quando aggressorem à se repellere non possit, nisi cum illius occisione, & aliàs putat se delectationi venereæ, ac peccato non consensuram, ut dictum est suprà. At si aggressorem à se removere possit sine illius occisione tenetur ei resistere, nec se illi potest violandam permittere; nam in hoc casu non censetur ei concessa facultas non resistendi, & à propria defensione abstinendi; cum non agatur de seruanda vita aggressoris, & illius salute spiritali.



QVAESTIO TERTIADECIMA.

Vtrum rectè definiatur stuprum à Sancto Thoma, quod sit illicita virginum defloratio sub cura parentum existentium.



Videtur, quod minus rectè definiatur stuprum à Sancto Thoma 2. 2. *quæst.* 154. *art.* 6. quod sit illicita virginum defloratio sub cura parentum existentium. Nam particula illa, *sub cura parentum existentium*, non videtur apponenda in definitione stupri: nam ut sit stuprum non est necesse, puellam, quæ corrumpitur, esse sub custodia parentum, vel tutorum, sed sufficit eam esse integram, quoad signaculum virginale: Si quis enim virginem grandæviam sub nullius cura existentem violaret, sine dubio stuprum committeret, eo quod virginem defloraret illicitè.

Hæc olim obijciebat Martinus de Magistris contra præfatam stupri definitionem traditam à D. Thoma, ut refert Cardinalis Caietanus in *Commentario articuli sexti cit.* Eadem obijcit, & Franciscus Sylvius ibidem, & cum prematur authoritate D. Thomæ, cum explicare conatur, inquit, non referre, quod B. Thomas, & alij quidam describant stuprum esse illicitam deflorationem virginis sub cura parentum existentis. Illa enim ultima pars descriptionis, non additur tanquam restrictio ad significan-

dum, tùm demum esse stuprum, quâdo virgo, quæ corrumpitur, sub cura parentum existit; sed tanquam explicatio, ut significetur id, quo virgines naturaliter indigent ad signaculum virginale custodiendum, usque ad statum matrimonij, in quo solo licitum est, illud per copulam violare. Hæc Sylvius.

Præterea, in præfata definitione addendum videtur, quod stuprum contingat cum virgo defloratur iniurta: nam cum quis corrumpit virginem consentientem nullam facit ei iniuriam: Quod si etiam Parens, aut Tutores consenserint, neque ipsis ulla fit iniuria. In stupro autem non est speciale peccatum, nisi sit specialis iniuria.

ASSERTIO VNICA.

Rectè definitur stuprum à Sancto Thoma, quod sit illicita virginum defloratio sub cura parentum existentium.

PRobatur, eadem afferendo, quæ assert S. Thomas *loco cit.* Nam ubi circa materiam alicuius vitij occurrat aliqua specialis deformitas, ibi de-

debet poni determinata species illius vitij; Luxuria autem est peccatum, circa venerea existens. In virgine autem sub custodia patris existente quædam deformitas specialis occurrat, si corrumpatur, tunc ex parte puellæ, quæ ex hoc, quod violatur, nulla pactione coniugali præcedente, impeditur à legitimo matrimonio consequendo, & ponitur in via meretricandi, à quo retrahebatur, ne signaculum virginittis amitteretur: tunc etiam ex parte patris, qui de eius custodia sollicitudinem gerit secundum illud Ecclesiæ, 42. *Super filiam luxuriosam confirma custodiam, ne faciat se in opprobrium venire inimicis*. Et ideo manifestum est, quod stuprum, quod importat illicitam virginum deflorationem sub cura parentum existentium, est determinata luxuriæ species.

Confirmatur, & explicatur magis hoc idem, ostendendo particulam illam, *sub cura parentum existentium*, necessariò ponendam esse in diffinitione stupri; Nam stupri malitia consistit in eo, quod violetur virgo, quæ non est in statu matrimonij, sed virgo, quæ non est in statu matrimonij necessariò existit sub cura parentum, ergò malitia stupri consistit in eo, quod violetur virgo existens sub cura parentum; Consequentia est optima; maior de se patet, & minor probatur. Vt enim ait idem Sanctus Doctor in eodem articulo ad primum; quavis virgo sit soluta, à vinculo matrimonij, non tamen est soluta à patris potestate; & ut optime observat Cardinalis Caietanus in Commentario illius articuli

in responsione ad dubium quintum, licet signaculum virginale possit fortè esse sine paterna custodia, non potest tamen esse sine indigentia naturali, quantum in se est, paternæ custodiæ. Ac per hoc non potest absolui ab ordine paternæ custodiæ.

Si autem instetur, inquit, Caietanus, quod ista conditionalis est vera, *Si signaculum virginale esset sine paterna custodia*, adhuc illius illicita violatio esset stuprum. Respondetur, quod intelligendo per paternam custodiam ordinem ad paternam custodiam, cum ab hoc non possit signaculum virginale absolui, ista conditionalis est falsa, quoniam destruit seipsam; nam si signaculum virginale esset sine ordine ad paternam custodiam, non esset signaculum virginale, sed esset sicut virginittas naturalis masculorum. Sicut etiam ista conditionalis est falsa, *si pater esset sine filio, esset pater*; In quo semina discriminatur à masculo, quod hic non habet signaculum aliquod suæ virginittatis, quod sit paternæ custodiæ naturaliter commendatum usque ad coniugium; vnde filij ante coniugium post pubertatis annos absque ulla custodia communiter discurrunt, repugnante natura, si oppositum fieret.

Benè autem ad idem in eodem articulo prænotuerat Caietanus, quod naturale luxuriæ genus in stupri speciem trahitur per naturale signaculum virginittatis mulieri attributum sub naturali custodia parentum: ita quod naturali signaculo non per accidens, sed naturaliter debetur paterna custodia propter infirmitatem mulierem

brem in conseruando proprium decus. Propter quod dicitur Eccles. 7. *cap. Filie tibi sunt, custodi corpus earum*: & quoniam hæc naturali ordine connexa sunt, vt scilicet custodia paterna signaculo adsit virgineo, & de contra: quoniam secundum naturæ ordinem sub mariti cura, & iure mulier deinceps esse debet, quæ in adiutorium ad generandum procul dubio creata est: idè defloratio virginis extra coniugium offendit quidem duo, scilicet, signaculum virginittatis, & paternam custodiam, alterum in fœmina, alterum in parente, sed quoniam naturalis est connexio inter ista, idè non ex altero tantum: sed ex utroque simul differentia propria stupri desumenda est. Et cum vnum eorum dicitur, alterum cointelligendum est. Paterna namque custodia non cuiuscumque, sed signaculi virginalis est. Nam sicut naturali ordine, patris est alere filiam, & provide- re illi vsque ad nuptias inclusuè: ita eiusdem est custodire filiam bene habilem ad matrimonium. Minus autem habilis est mulier corrupta, quantum in se est ad matrimonij copulam, vt patet, si sciretur, ipsam esse corruptam, quoniam non inueniret fuz conditionis virum. Et sic cum stuprum contra paternam dicitur custodiam, cointelligitur etiam contra signaculum custoditum. Et similiter, quia signaculum huiusmodi habilem seruans mulierem ad matrimonium naturalitèr eger paternam custodia, & sub illo naturali ordine est, seu esse debet, idè contra signaculum virgineum agens, iniuriam paternæ facere cointelligitur custodiæ. Est

siquidem signaculum illud ita patris quoad conseruationem, sicut mulier est mariti quoad vsum veneru. Vndè sicut adulterium est læsio mulieris sub custodia mariti existentis, ita stuprum est violatio virginis existentis sub cura parentum. Et sicut adulterium inuoluit necessariò præter iniuriam illatam mulieri, iniuriam illatam etiam marito, ita & stuprum inuoluit nedum iniuriam illatam virgini, sed etiam iniuriam illatam parentibus.

Importat igitur stuprum, vt ait S. Thomas, illicitam deflorationem virginum sub cura parentum existentium, parentum scilicet carnalium, vel tutorum, aut aliorum eorum loco succedentium. Et in hoc distinguitur stuprum à sacrilegio, altera luxuriz specie, nam sacrilegium, vt idem S. Thomas ait *art. 10.* importat illicitam deflorationem virginum sub custodia patris spiritualis existentium, & eam deflorationem vocat stuprum spirituale, non quia non violetur physicè, ac materialiter integritas virginalis, sed dicitur stuprum spirituale, quia defloratio illa relationem habet ad parentes spirituales, sub quorum cura existit Virgo Deo per votum dicata, quibus etiam iniuriam irrogat, qui Virginem Deo desponsatam deflorat. Vndè Cardinalis Caietanus in Commentario illius articuli obseruat, quod violatio verecæ Virginis Deo sacratæ est propriè non solum sacrilegium ratione voti, in quo Deo dicata est, sed etiam stuprum ratione signaculi virginalis sub cura non carnalis, sed spiritualis patris, Prælati Ecclesiastici, qui loco

carnalis patris succedit, habentis sub spirituali cura etiam carnalem custodiam virginis: ita quod est verè, & propriè stuprum, & grauius, quàm stuprum purè carnale, quantò custodia spiritualis, cui fit iniuria, est maiori veneratione digna, quàm custodia purè carnalis. Et propterea dicitur à D. Thoma stuprum spirituale, ita quod ly *spirituale*, non est conditio diminuens, sed augens rationem stupri à dignitate superaddita.

Sic ergò stuprum est defloratio virginis ante matrimonium: & quia virgo ante matrimonium naturaliter exigit esse sub custodia parentum; hinc stuprum definiri debet, quod sit *defloratio virginum sub cura parentum existentium*. Et quamuis contingat aliquando virginem nullos habere parentes, aut tutores, id est per accidens; nam virgo ratione signaculi virginei iure naturali exigit custodiam parentum, vel aliorum; ac proinde violatio virginis, ante matrimonium, est natura sua iniuriatiua parentum, scù custodum virginis, præter iniuriam, quæ fit ipsi virgini; vnde in definitione stupri necessariò ponendum est, quod sit defloratio virginum sub custodia parentum existentium.

Hoc autem patet etiam ex eo, quod non quæcumque defloratio virginis, quæ fiat ante matrimoniū, aliàs si defloratio virginis de se, ac intrinsecè mala esset, talis etiam esset, defloratio virginis, quæ fit in matrimonio. Igitur defloratio virginis secundum se indifferens est ad licitam, & illicitam deflorationem; eatenus autem virginis defloratio est

illicita, quatenus fiat ante matrimonium: & quia, vt dictum est, virgo ante matrimonium est, & exigit naturaliter esse sub custodia parentum, idè defloratio virginis ante matrimonium est iniuriosa, nedum virgini ipsi, sed etiam parentibus: ac proinde in definitione stupri non potest non apponi particula illa *sub custodia parentum existentium*, vt per hoc defloratio virginis illicita, quæ constituit stuprum, distinguatur à defloratione virginis licita, quæ contingit in matrimonio. Et rursus, vt per eandem particulam distinguatur stuprum carnale à stupro spirituali, quod est sacrilegium. vt eum, violatur virgo Deo consecrata per votum solenne religionis: hæc enim est defloratio virginis non sub custodia parentum existentis, sed est defloratio virginis Deo dicatæ, & sub custodia Patris spiritualis, & Prælati Ecclesiastici existentis. Hæc si attendisset Syluius mentem D. Thomæ assequutus fuisset; nec dixisset ultimam partem descriptionis stupri, scilicet *virginum sub cura parentum existentium*, à Diuo Thoma non addi tanquam restrictionem ad significandum, tunc esse stuprum, quando virgo, quæ corumpitur, sub cura parentum existit. Constat enim ex dictis hanc prorsus esse mentem Sancti Doctoris.

Contra dicta obijci posset, quod differentia illa assignata, nempe quod virgo violata impeditur à legitimo matrimonio, non videtur habere locum in puella spontanea, de voluntate parentum sic acquirente dotem: talis enim ex stupro fit habilior ad matrimonium, nec patri fit iniuria,

V u quia

quia scienti, & volenti non fit iniuria. In muliere quoque virgine grandæva, putà quinquaginta annorum, quæ amplius non est habilis generationi, nec est sub custodia alicuius, locum non videtur habere ratio stupri.

Respondetur cum Caierano *lococic.*, quod mulier ex stupro acquires dotem, redditur quidem habilior ad matrimonium quoad bona fortunæ, sed redditur inhabilior quoad bona naturæ tam corporis, quam animæ. Stuprum autem penès damnum naturalis boni attenditur, & non penès bona exteriora. Consensus quoque tam suus, quam paternus etsi stupratoris iniuriam attenuet, non tamen tollit: tum quia huiusmodi consensus non est omnino voluntarius, sed mixtus, sicut proijcientis merces in mare propter necessitatem maiorem: tum præcipuè, & propriè, quia consensus in his, quorum non sumus pro libito Domini, non tollit, quin scienti, & consentienti fiat iniuria, ita ut, cum dicitur, *scienti, & volenti non fit iniuria, & nullum patitur iniustum volens*, intelligatur in his tantum, quorum homo est dominus secundum libitum suæ voluntatis, vti sunt bona fortunæ, & non in his, quæ & si nostra sint, non tamen possumus, ut volumus de illis ordinare, ut patet in naturalibus; nam licet manus tua, sit tua, non tamen propterea potest de consensu tuo à te tolli sine iniuria tua. Eset enim mutilationis suæ reus, qui hoc facinus patraret. Et similiter vxor tua, non potest de consensu tuo sine tua iniuria cognosci ab altero. Eset enim adulterij reus concumbens, etiam te

volente cum ea. Et ratio dicta est, quia non sumus secundum nostræ voluntatis libertatem talium domini, sed ab altiori principio sunt hæc nostra quoad aliquid, seruato certo ordine, contra quem si fiat, iniuriæ locus restat. Et quia signaculum virginittatis, nec mulieris, nec patris subest libertati ad libitum, sed à natura tributum, verique est seruandum vsque ad nuptias: ideòque neutrius iniuria euitatur ex viriusque consensu contra naturale debitum, quo vterque commendatum hoc decus seruare debet. Ad aliud de muliere grandæva, dicitur, quod quamdiù virgo est, semper quantum est de habilitate naturalis decoris apta est coniugio, & ideò semper ex violatione redderetur inhabilis coniugio. Quod autem sub nullius custodia sit, quamvis de facto sit possibile, quia tamen hoc est per accidens, non tollit, quin talis defloratio esset stuprum: quoniam moralis species attenditur secundum id, quod communiter inueniri natum est. Constat autem, quod communiter in humano genere virgines sub parentum, vel alicuius loco parentum custodia sunt, & esse debent: & ideò virginum defloratio absolutè, & per se stuprum est, ad quam speciem deflorationes, quæ per accidens aliter contingunt, reducendæ sunt. Hæc Cardinalis Caietanus. Cum quo vltcrius notandum, quod stuprum sumit speciem propriam ex adiuncta supra illicitum concubirum iniuria paternæ custodiæ, non respectu cuiuscumque, sed signaculi virginalis, ut sic: ita quod paternæ custodia potest dupliciter sumi.

mi. Vno modo, vt respicit filiam, vt custoditam, suæ sit virgo, suæ non, & sic non constituit stupri speciem. Et propterea cognoscens filiam alicuius iam stupratam in dōmo parentum, non committit stuprum, sed simplicem fornicationem tantò grauiorem, quantò offendit etiam patrem, sub cuius custodia est antequam nuptias. Alio modo, vt respicit filiam secundum virginal signaculum, & sic constituit stupri speciem.

Et per hæc patet solutio ad ea; quæ primo loco contra stupri allatam ex Diuo Thoma definitionem in principio obieiebantur.

Ad aliud verò de particula illa, *ipsa virgine inuita*, respondetur, particulam hanc addendam non esse in definitione stupri, etiamsi aliqui id velint, & nos eandem particulam in definitione stupri ab Hermanno Busenbaum in sua Medulla Theologiæ moralis allata, cum illud opus Anno 1676. correximus, reliquerimus: nam oppositam sententiam omninò tenendam putamus, quod scilicet ad rationem stupri, satis sit violatio integritatis virginalis, etiamsi virgo ipsa violationi cōsentiât, ac etiâ cōsentiât eius parentes. Nā iuxta probabiliorē sententiam stuprum etiam sine raptu, & violentia est species luxuriæ ab alijs distincta, vt rectè docent Gratianus 36. *quest. 1. cap. Lex*, Magister Sent. in 4. *dist. 41.* eamque sequuti S. Thomas, ac S. Bonaventura in 4. S. Antoninus *par. 2. tit. 5. cap. 6.* Angelus, Syluester, & Fumus, verbo *Luxuria*, dum species luxuriæ recensent: hi enim vnanimiter stuprum à fornicatione, raptu, cæterisque libi-

dinibus discernunt tanquam ea, quæ specie differant: eosque sequuntur Hesselinus in *Decalog.* Nauarrus *cap. 16. num. 3.* Molanus *præf. Theolog. tract. 2. cap. 17.* Toletus *lib. 5. cap. 10. & 11.* Caietanus *loco supra citato*, Bannes *q. 64. art. 5. fin.* Azorius *p. 3. lib. 3. cap. 11.* Bonacina *quæst. 4. de matrimonio punct. 17.* Sayrus *lib. 8. Theaur. cap. 4.* Syluius in 2. 2. *qu. 154. art. 6. & alij.* Ratio est, quia communis æstimatio est, eum, qui cognoscit virginem etiam consentientem peculiarem deformitatem committere, ultra fornicationem.

Confirmatur. Per stuprum puellæ amittunt eam corporis integritatem, quæ tanquam naturale donum illi erat data, vt vel vsque ad matrimonium conseruarent, vel aliquin vsque ad mortem, & cuius amittendæ metu virgines naturaliter abstererentur à fornicatione. Quare hac integritate semel amissa, tum à legitimo, & vtili matrimonio ad piscendo impediuntur, per se loquendo, tum in periculo, & via meretricandi constituuntur: & hæc omnia simul sumpta non immeritò videntur specialem deformitatem cōtinere, quam non continet simplex fornicatio.

Nec refert, quod vel puella cōsenserit in stuprū, vel fortassis etiâ cōsenserint eius parentes, quibus propterea nulla fit propriè dicta iniustitia: nā et si eis non fiat iniustitia, grauis tamen eis irrogatur iniuria, quandoquidem illis inuitis, violetur integritas, cuius habebant custodiam. Sicut iniuria fiet custodi alicuius horti, si illo inuito frangerentur eius sepes, atque ita hortus exponeretur periculo spolia-

tionis, quamvis consentiret propriarius horri existentis sub tutela istius custodis. Sed neque puellæ, neque parentibus licet consentire in stuprum: & si consentiant, nihilominus tam stuprator, quam puella peccant contra naturalem rerum ordinem, secundum quem, illa corporis integritas, quæ est in virgine, debet inuiolata seruari vsque ad matrimonium: ac proinde sicut verum est adulterium, quando vxor de consensu mariti, & suo commiscetur alteri, quia peccat contra fidem coniugalem: ita videtur esse verum stuprum, quando virgo tametsi de suo, & parentum consensu violatur extra matrimonium: quia non solum fornicatur,

sed etiam integritatis virginalis iacturam patitur contra legem à natura constitutam.

Præterea, non est necessè, quod species luxuriæ, cum sint contra temperantiam, distinguantur per diuersos modos iniustitiæ, vt patet in fornicatione, mollicitie, alijsque peccatis contra naturam: & propterea siue stuprum contineat iniustitiam, siue non, potest esse species luxuriæ diuersa à cæteris. Vnde sententia hæc, quæ dicit, stuprum esse specialem luxuriæ speciem ab omnibus alijs distinctam, & tutior, & verior est: atque ita quoad mortalem æstimationem, & prædicè tenendam esse monet Filiucci *Tract. 30. cap. 3.*

QVÆSTIO QVARTADECIMA.

Vtrum absque peccato mortali possit quis de vita alicuius tristari, & de illius morte naturali gaudere, illam inefficaci affectu petere, & desiderare; non ex displicentia personæ, sed ob aliquod temporale emolumentum.

Et vtrum licitum sit absoluto desiderio cupere mortem patris: non quidem, vt malum patris, sed vt bonum cupientis, quia nimirum ei obuentura est pinguis hæreditas.

Præterea. Vtrum licitum sit filio gaudere de parricidio parentis à se in ebrietate perpetrato propter ingentes diuitias inde ex hæreditate consequuturas.

HAs tres quæstiones simul examinamus propter connexionem, & dependentiam, quam inter se habent.

Quoad primam quæstionem. Possit quempiam absque peccato mortali desiderare alicui mortem naturalem præcisè ob commodum temporale.

Do-

Docet Zacharias Pasqualigus in suis decisionibus *decis.* 474. ibi enim hæc habet (*licet desiderare mortem alicuius ob commodum temporale, loquendo de desiderio inefficaci, & de morte naturali; ita tamen, ut nihil fiat in ordine ad ipsam causandam*)

Idem sentit Angelus Maria Vericelli in suis quæstionibus moralibus *tract.* 5. *quæst.* 6. *num.* 64. ubi sic ait (*Desiderare mortem propinqui, non ex odio, neque quia ipsi malum, sed ob hereditatem, n. n. est peccatum mortale*)

Castropalaus verò oninium apertissimè eandem sententiam profert *tom.* 1. *tract.* 6. *disp.* 6. *punct.* 1. *num.* 11. nam ibi sic ait (*Credo, sicum debita moderatione facias, te posse absque peccato mortali de vita alicuius tristiari, & de illius morte naturali gaudere, illamque inefficaci affectu petere, & desiderare: non quidem ex displicentia personæ, sed ob aliquod temporale emolumentum inde sequiturum &c. quia non gaudes de illa, quatenus proximo mala est, sed quatenus est causa tui emolumenti, & secundum hanc rationem bona esse videtur, & appetibilis.*)

Eandem opinionem referunt, & non improbant Diana 3. *par.* *tract.* 6. *Miscellan. resolut.* 84. & Marcus Serra in 2. 2. *tom.* 2. *q.* 76. *art.* 1.

Præter hos duo Authores laruati in eandem sententiâ Sanctum Thomam Doctorem Angelicum pettrahere conantur. Primus est, Amadeus Guimenius in Opusculo, quod inscripsit; *Opusculum, singularia universa Theologia moralis complectens, adversus quorundam expostulationes contra nonnullas Iesuitarum opiniones morales.* Ibi Proposit. III. quæ est:

Licetum est desiderare alteri mortem, & de illa gaudere, non quatenus illi mala, sed quatenus tibi bona, v. g. ut ei in bonis succedas: Ita confidenter subdit; (Hæc sententia est expressè D. Thoma 2. 2. quæst. 76. art. 1. & in 3. sent. dist. 30. q. 1. art. 1. ad 3.)

Alius est Vvilelmus Sandæus, qui in opusculo, quod ipse scripsit *Refutatio accusatoris anonymi, damnatas ab Innocentio XI. Propositiones adscribentis Ordinum Religiosorum Theologis, ac præcipuè Societatis Iesu.*

Ibi *pag.* 20. afferens propositionem XIII. damnatam ab Innocentio XI. nempe illam, (*Si cum debita moderatione facias, potes absque peccato mortali de vita alicuius tristiari, & de illius morte naturali gaudere, illam inefficaci affectu petere, & desiderare, non quidem ex displicentia personæ, sed ob aliquod temporale emolumentum*)

Quæ est ipsissima propositio à Castropalao asserta, subdit autem Vvilelmus Castropalao nō aliud sibi voluisse, quam quod voluit D. Tho. 2. 2. *q.* 76. *art.* 1. & in 3. *sentent.* d. 30. *q.* 1. ad 4. cuius verba refert, ut sic, vel D. Thomæ doctrinam damnatam velit, vel propositionem illam damnandam non fuisse ostendat, quæ Angelicum Doctorem patronum habet. Cum tamen Angelicus Doctor longè distet à sententiâ Castropalai in decreto Sacræ Congregationis damnata, ut mox videbimus.

Quoad secundam verò quæstionem affirmant aliqui immunitatem esse à culpa graui, illum, qui parentibus suis exoptat mortem ob bonum aliquod temporale; ipsi inde sequuturum; nempe, ut quamprimum in hæc-

hæreditatem succedat, vel ut libere-
tur à dura eorum custodia: quia, in-
quiunt, huiusmodi desiderium de
morte parentum, tunc non tam est
desiderium de malo illorum, quàm
de bono indè sequuturo: ac proindè
non habet malitiain peccati, cum il-
lam habere non possit, nisi finis illius
malus sit, cum tota species actus inef-
ficacis ex fine desumatur. Sic tenet
Castropalaus *tom. 1. tract. 6. disp. 4.
de Charitate punct. 1. num. 11.* qui
& confirmat dictam rationem hoc
pacto: *Quia tibi licitum est hæredi-
tatem optare, honorem appetere, ad
actus virtutis præstandos. Item carere
molestia, infirmitate, inopia, alijsque
malis, ut liberius Deo servire possis. Co-
gnoscis autem, hæc omnia consequi te
non posse, nisi Deus è vita præsentis pro-
ximum tollat, poteris ergo ex supradic-
to sine & ob illius consequitionem pro-
ximi mortem desiderare, & de illa suc-
cedente gaudere, quia non gaudes de illa,
quatenus proximo mala est, ibi sislendo
(hoc esset malum) sed gaudes de illa,
quatenus est causa tui emolumenti, &
secundum hanc rationem bona esse vi-
detur, & appetibilis. Hæc Palaus,
qui & citat pro se Emman. Sâ, verbo
Charitas num. 8. Azorium *par. 1. lib.
3. cap. 12. quest. 2.* & Ioannem San-
chez *disp. 2. select. num. 9.* Bona-
cina verò contrarius sibi videtur,
nam *tom. 2. disp. 4. circa 4. præceptum
Decalogi quest. unica punct. 3. num. 3.*
sic ait. Secundò sequitur illum gravi-
ter peccare, qui aliquid malum anime,
vel corporis parentibus exoptat, exem-
pli gratia, cupiendo illis mortem, ut
quamprimùm in hæreditatem succedat:
*Disp. 2. verò 3. quest. 4. punct. ult.**

num. 7. oppositam sententiam tue-
tur ijs clavis verbis: *Ex dictis,
sequitur primò eum graviter peccare
contra charitatem, qui alicui malum
exoptat, ex dissilicentia persona, & non
ob bonum ipsius, vel aliter;* & paulò
post ait. *Secus si gaudeat de malo, vel
tristetur de bono ex bono motivo, actus
enim inefficax specificatur à motivo, ab
eoque bonitatem, & malitiam sumit.*
Ob id à mortali excusatur, qui de sani-
tate alicuius tristatur, quia ex recta va-
letudine occasionem sumit peccandi. Et
post pauca. *Idem dicendum videtur
de matre, quæ mortem filiabus exoptat,
quia occasione ipsarum malè secum agi-
tur à marito, aut iniurijs afficitur: non
enim propriè detestatur filias, ex displi-
centia ipsarum, sed in detestationem pro-
prij mali.* Et *ibid. num. 11.* repetit
non esse peccatum velle alteri ma-
lum ex honesto fine.

Eandem sententiam tenet Tam-
burinus *lib. 5. cap. 1. §. 3. num. 29.*
& 33. ibi enim dicit opinionem Ca-
stropalaj esse satis probabilem.

Eandem sententiam amplectitur
Leander *par. 8. tract. 1. disp. 2. q. 4.*
nam hanc dicit esse non minus pro-
babilem, quam oppositam: & quod
mirabilis est, dicit, quod quia illa
opinio fauorabilior est pœnitentibus,
illa in casu occurrenti, ne in peccatù
ex fragilitate ruant, est eis consulenda,
ideoque dico, inquit, quod si quis
absolutè desideraret in hunc modum.
*Exopto, & cupio mortem patris mei non
ut malum patris mei est, sed ut bonum
meum, seu ut causam mei boni, nimi-
rùm, quia ex ipsius morte, ego eius hæ-
reditatem adibo, tunc sic exoptans mini-
mè peccet mortaliter: quia tale deside-*

rium

rium est de bono sine, non de malo.

Tertia quæstio consecraria est ad secundam; itaut opinantes licitum esse filio gaudere de morte naturali patris ob hæreditatem ex eius morte acquisitam; consequenter ad hæc licitum etiam dicant filio gaudere de parricidio à se in ebrietate commissio ob hæreditatem ex tali homicidio consequutam: nam in utroque casu est filium gaudere de morte patris absque illius culpa sequuta, si homicidium in ebrietate perpetratum non fuit à filio præsumptum.

ASSERTIO PRIMA.

Non potest quispiam absque peccato mortali de vita alicuius tristiari, & de illius morte naturali gaudere, illam inefficaci affectu petere, & desiderare, etiamsi non ex displicentia personæ, sed ob aliquod temporale emolumentum de vita alicuius tristetur, & de illius morte naturali gaudeat, illamque inefficaci affectu petat, & desideret.

Assertio hæc est contra Auctores iam relatos, est tamen communis inter Doctores; nam eam tenent Nauarrus in *manuali* cap. 14. num. 5. Topleus *lib. 5. cap. 1.* Trul-

lenc. *lib. 4. cap. 1. dub. 2. num. 3.* Bonacina, Sylvester, Grassius, Reginaldus, Bassius, Rocafull, & Fagundes, quos refert, & sequitur Raymundus Lumbier in *suis observationibus Theologicis moralibus observat. 7. §. 4. num. 192.* & modò ab omnibus tenenda est, nam eius contradictoria damnata est ab Innocentio XI. in decreto anni 1679. In eo enim damnata est propositio illa, quæ est tertia decima, videlicet, *si cum debita moderatione facias, potes absque peccato mortali de vita alicuius tristiari, & de illius morte naturali gaudere, illam inefficaci affectu petere, & desiderare, non quidem ex displicentia personæ, sed ob aliquod temporale emolumentum.*

Mirabilis autem, sed absurda, & prorsus intolerabilis est glossa, quam ad huius propositionis damnationem adhibet Cassianus à S. Elia in suis decisionibus Theologicis—legalibus *decis. 65. §. 1.* Ibi enim propositionem hanc ab Innocentio XI. damnatam dicit generaliter, prout scilicet ea propositio non veitur aliqua distinctione circa emolumentum temporale, & sic indistinctè, siue pro exiguo, siue pro copioso emolumento, docet licere sine peccato mortali gaudere de morte, tristiari de vita alicuius &c. Ob aliquod emolumentum temporale, unde ista doctrina, inquit Cassianus, sic generaliter tradita, manifestè ostenditur falsa, & scandalosa, quia pater quis ipsi inherendo sibi licitum facere quoad culpam mortalem, si cum moderatione, videlicet si sine odio, ac sine displicentia personæ faciat, tristiari de vita alicuius, gaudere de illius naturali morte, illamque petere, & desiderare affi-

affectum inefficaci, ob temporale emolumentum, quantumvis tenue unius v. g. quadrantis, aut oboli, etiamsi pradiues sit ipse, qui sic tristatur, gaudet, petit, ac inefficaciter cupit, ut dicitur in eadem propositione, nam quadrantis, seu oboli adeptio est temporale emolumentum. Et addit, si quis habeat velleitatem circa mortem naturalem proximi ob temporale emolumentum, qualecumque istud sit, esse lethalem culpam, tunc fieri contra damnationem propositionis propterèa damnatæ, quia generalem importat significationem, per quam comprehendit qualecumque temporale emolumentum, siuè notabile, siuè modicum: sed si sit modicum, nullatenus à mortali excusabit prædictum affectum inefficacem, nec oppositum fas est hodiè docere, cum sit damnatum, ut potè euidenter scandalosum. Hæc ille. Vult ergò Author hic in damnatione illius propositionis damnari solum desiderium mortis alicuius ob temporale bonum, quamvis in hac comprehendatur bonum etiam exiguum, & modicum: sed disputandum Doëtoribus relinqui, ut expressè ait, an sit, vel non sit lethale peccatum, desiderare mortem alicui ob temporale bonum non exiguum, sed magni momenti.

Sed hæc intelligentia admitti nullo modo potest, quia dissona est, & propositioni damnatæ nullatenus cõformis. Nam ex eo, quod in propositione damnata generaliter affirmetur, licitum esse alicui mortem alicuius optare ob temporale emolumentum in ipsum optantem ex eadem morte sequuturum, nec aliqua limi-

tatio, aut restrictio apponatur, vnde significetur in ea propositione sermonem esse de emolumento exiguo, ac proindè propositio sit generaliter intelligenda de quocumque temporali emolumento, siuè illud sit exiguum, siuè magnum, ex hoc, inquam, non arguitur, ut vult Cassianus, quod propositio illa damnata sit solum quoad eam partem, qua intelligi potest de temporali emolumento exiguo, & quod altera pars, scilicet de oprante alterius mortem ob magnum emolumentum temporale non sit damnata, sed Theologorum disputationi relicta; nam ex hoc ipso potius oppositum deducendum est, nam propositio, etiam iuxta Cassianum, damnata est in sua generalitate, scilicet non prout arctata ad desiderium mortis ob emolumentum exiguum, vel magnum; sed prout comprehendit vtrumque emolumentum, scilicet exiguum, & magnum; igitur quoad vtrumque damnatam esse propositionem illam dicendum est: ac proindè relictam non esse Theologorum disputationi quæstionem de desiderio mortis alterius ob emolumentum magnum: nam hac ratione non fuisset propositio illa damnata in sua generalitate; Cum ergò propositio illa damnata sit in sua generalitate, & ut iacet, & propositio generaliter, & absque limitatione ad desiderium alterius mortis ob emolumentum temporale exiguum non arctetur, in sua generalitate damnatam esse, dicendum est, prout scilicet comprehendit desiderium mortis alterius ob emolumentum temporale, siuè exiguum, siuè magnum.

Hoc

Hoc autem posito probatur Assertio nostra ratione. Nam optare mortem naturalem alicui, eamque inefficaci affectu petere ob emolumentum temporale adhuc magnum, & magni momenti, est actus intrinsecè malus, specialemque ad rectam rationem, difformitatem continens; & contra æquitatem, ac iustitiam, & contra dilectionem proximo debitam; Ergò non licet alicui mortem naturalem alteri optare, eamque inefficaci affectu petere, ob emolumentum temporale indè sibi sequuturum, etiamsi emolumentum temporale magni sit momenti. Antecedens in quo est difficultas probatur: Nam contra rectam rationem, & contra æquitatem, ac iustitiam est, & contra dilectionem proximo debitam, quod ille, qui iustè possidet sua bona, & suas opes, illis priuetur, & præcipuè mediante malo omnium grauissimo, scilicet morte: at qui optat alterius mortem naturalem, eamque affectu, etiam inefficaci petir, ob emolumentum temporale, etiam magni momenti, sibi ex eius morte obuenturum, vult, & petit quod alter priuetur bonis, quæ iustè possidet, idque mediante malo omnium grauissimo, scilicet mediante morte: Ergò iste habet actum intrinsecè malum specialem difformitatem habentem ad rectam rationem, specialemque difsonantiam ad æquitatem, & iustitiam, & ad dilectionem proximo debitam.

Confirmatur, & explicatur magis. Nam ex eo, quod Titius suas opes, & bona temporalia iustè possideat, nullum iniustum committit ad-

uersus Caium, nec aliquo modo laedit Caium: Ergò Caius non potest absque iniquitate optare mortem Titij, eamque desiderio adhuc inefficaci petere ob emolumentum temporale sibi ex ea morte obuenturum; nam hoc pacto optaret bonam temporalem alterius, & sibi pro præsentis statu non debitum. Id autem iniustum est, & iniquum, ac proinde illicitum. Et idem dicendum de gaudio, quod quis habeat de morte naturali alterius ob emolumentum temporale ex ea consequutum.

Explicatur vterius hoc idem. Nam iniquum, & contra omnem æquitatem est mortem alicuius optare, propter bona ex eius morte sibi proventura, si bona, quæ ille possidet, iustè possideat, hoc enim est rem proximi cui concupiscere, quod per nonnum præceptum Decalogi prohibetur: quamvis enim post illius mortem ea bona ad te iustè peruentura, sint: quamdiù tamen ille viuit, iustè ea bona possidet; ac proinde sicut dum viuit non potes illum suis bonis priuare, ita non potes eius mortem etiam naturalem optare, vt bona illa ad te perueniant; nam ille ius habet bona illa possidendi quamdiù viuit; Ergò contra omnem æquitatem est, mortem alicui exoptare ob emolumentum aliquod temporale indè prouenturum: sicut ex eadem ratione contra omnem æquitatem est, de alicuius morte ob aliquod temporale emolumentum gaudere, eamque affectu etiam inefficaci petere, ac de illius vita tristari.

Confirmatur, & explicatur magis hoc ipsum; nam habet quidem

vnusquisque ius ad defendendum se-
ipsum, & sua bona contra quoscum-
que inuasores, etiam cum eorum
occisione, si alia via se, aut sua bo-
naueri posse non videat; at in casu
præsenti Titius, qui iuste sua bona
possidet, non est inuasor bonorum
Caij, etiamsi bona illa post mortem
Titij peruentura sint ad Caium: er-
gò Caius non potest Titium lædere,
ex eo quod bona illa possideat, nec
proinde potest Titij mortem exopta-
re, vt ea bona ad se perueiant: id
enim esset exoptare læsionem Titij,
vt Caius hæreditatem acquireret.

Nec dicatur, quod desiderium,
& gaudium non sint de morte Titij,
quatenus mors ei mala est, sed qua-
tenus causa est emolumenti ipsius
Caij. Nam hæc sunt verba inutilia,
& difficultatem non solvunt. Eadem
enim ratione posset à peccato excu-
sari assassinus, qui diceret, se mor-
tem viatoribus inferre, non quate-
nus mors est illis mala, sed quatenus
est causa emolumenti indè sibi pro-
venientis. Quare desiderium, &
gaudium de alterius morte, ac tristi-
tia de illius vita honestari non pos-
sunt ex fine illo intento, qui est lu-
crum boni temporalis personæ pri-
uatæ: Nam desiderium illud, quo
quis alteri exoptat mortem ob emo-
lumentum temporale fertur directè
in malum alterius; id autem est con-
tra charitatem, & amorem, qui pro-
ximo debetur: nec honestatur ex eo,
quod ab optante refertur ad conse-
quutionem emolumenti sui tempo-
ralis; nam id non tollit, quod optet
malum alterius: sicut qui aliena au-
ferre exoptat, vt pauperi elemosy-

nam eroget, non idè excusatur à
peccato, quod aliena erit propter
bonum finem optet auferre; vnde
nec excusabitur, qui mortem alicui
exoptat, vt indè hæreditatem acqui-
rat: & præterea acquisitio hæredita-
tis, non est aliquis actus moralis, à
quo possit honestari desiderium mor-
tis alterius, sed est physica acquisitio
rei temporalis.

Secundò probatur assertio, nam si
licitum esset desiderare alicuius mor-
tem ob emolumentum temporale in-
de proventurum, liceret etiam ex eo-
dem motiuo alterius mortem à Deo
petere: licitum est enim à Deo pete-
re, quodcumque licitum est deside-
rare, & sic etiam licitum esset filio
petere à Deo mortem patris, vt hæ-
reditatem obtineat. At quis ad hæc
non horreat? Et tamen Authores il-
lius opinionis confidenter affirmant,
posse mortem alterius ob temporale
emolumentum inefficaci affectu peti.
Quid est enim mortem illam ineffica-
ci affectu petere, nisi eam absolutè
petere, non tamen eam procurare? Ac
proinde iuxta illos Authores lice-
bit filio absolutè petere à Deo mor-
tem patris ob hæreditatem ex eius
morte sibi proventuram, quod im-
pium, & humanis auribus horrendum
est.

At nedom ea generali ratione illi-
cium est mortem alicuius ob emo-
lumentum expetere, quia illicitum est
expetere alterius malum quodcumq;
ob emolumentum; sed & ea speciali
ratione id est illicitum, quia illicitum
est malorum summum, quod est mors
alicui ob lucrum, & emolumentum
temporale percipere. Nam si ini-

quum

quum est, vt diximus, malum aliquod etiam citra mortem alicui ob emolumentum optare, iniquissimum erit, ob emolumentum alicui exoptare mortem, quæ malorum est maximum.

Vergetur autem efficacissimè ineludibile hoc argumentum contra oppositum delirium. Nam si spectetur mors ex vna parte, & carentia illius emolumenti, quæ tollitur in aliquo per mortem alterius ex alia, mors est incomparabiliter maius malum, quam sit carentia illius emolumenti, quæ tolleretur per alterius mortem, cum omne malum, sit incomparabiliter minus, quam mors, vt de se patet: ergo iniquissimum est, quod ad remouendam carentiam à se alicuius temporalis emolumenti, velit quis, & exoptet mortem etiam naturalem alterius: nam iniquissimum est, quod quis ad remouendum à se minus malum, velit in alio maximum malum; quod etiam constat comparando bonum vitæ, quo priuat mors, & bonum diuitiarum; aut alterius temporalis emolumenti, cuius carentia supponitur in optante; nam vita est incomparabiliter maius bonum, quam diuitiæ, ita vt magis æstimanda sit vita, quam diuitiæ, & ad conseruandam vitam vnusquisque diuitias contemnat: immò & ad vitam propriam conseruandam, diuitias etiam proprias contemnere teneatur: ergo iniquissimum est, quod quis ob acquirendas diuitias velit, & exoptet priuationem vitæ in altero: præsertim, quod carentia diuitiarum in casu posito est carentia boni sibi pro eo tempore

indebiti: nam cum ille alius iuste suas diuitias, quamdiu viuit, possideat; diuitiæ illæ nulli alij pro eo tempore, quo eorum possessor viuit, debitæ sunt; ergo multò magis augetur iniquitas in exoptante mortem illius, qui eas iuste possidet: nam est exoptatio mortis alterius ob acquirendū bonum sibi pro eo tempore indebitum: ac proinde exoptaretur mors alterius, non ad remouendum à se malum; nam carentia boni indebiti non est malum, vt enim docet Sanctus Thomas p. 1. q. 88. art. 3. in corp. *Malum importat remotionem boni: non autem qualibet remotio boni, malum dicitur.* Potest enim accipi remotio boni & priuatiue, & negatiue. Remotio igitur boni negatiue accepta, mali rationem non habet, alioquin sequeretur, quod qualibet res esset mala; ex hoc, quod non habet bonum alterius rei, &c. Sed remotio boni priuatiue accepta malum dicitur: quia videlicet est remotio boni debiti, seu ad quod ordinem dicit; nulli autem debentur diuitiæ alterius, quamdiu alter viuit, & ea iuste possidet: unde velle mortem alteri ad remouendum ab illo diuitias, vt eas optans per illius mortem acquirat, est velle malum illius sub ratione mali: nec optaretur mors illius, vt ordinata ad bonum tunc mihi debitum, nec ad malum aliquod à me remouendum: ac proinde ex nullo capite desiderium illud mortis alterius honestari posset.

Confirmatur. Nam tenemur impendere diuitias ad conseruandam vitam alterius: ergo mors alterius non potest licitè ordinari ad acquisitionem diuitiarum, cum potius diuitiæ or-

dinari debeant ad seruandam vitam alterius, esset enim iniquum, & iniustum desiderium, quo quis vellet aliquem priuari vita, vt ipse diuitias acquireret.

Hinc Ludouicus Montelinus *prima secunde quæst. 74. art. 7. in fine*, sic ait. *Quid si quis delectetur non de morte violentia, sed de morte naturali alicuius propter propriam utilitatem? Respondetur, non auderem istum à peccato excusare, supposito, quod obiectum delectantis esset mors alterius, quia mors est graue malum, & contra charitatem erga proximum videtur esse, delectari de morte alterius propter bonum temporale, secus si delectetur de illa propter bona æterna, &c.*

Libet autem hæc omnia ulterius vrgeri ex amore erga proximū: quia ex præcepto Charitatis tenemur pluris æstimare vitam proximi, quæ inter temporalia est bonum maximum, quàm diuitias nostras, quæ inter ipsa temporalia, sunt bonum infimum, & videtur grauis inordinatio, & valdè ordini Charitatis opposita, desiderari à me tam graue malū proximo, quale est omnium maximum, vitæ amissio, ex motiuo mei conimodi in acquirenda hæreditate, in quo non videtur posse hoc desiderium repurgari à labe auaritiæ, quæ iuxta Apostolum est omnium malorum radix; siquidem cum tanto malo proximi mei discescere cupio.

Vt autem huius argumenti vis magis pereipiatur, animaduertendum est, quod licet quidem alicui propria bona temporalia defendendo illorum inuasorem occidere, vt dictum est su-

pra; nec tenetur quis à suorum bonorum defensione abstinere pro seruanda inuasoris vita; tenetur tamen homo non optare alterius mortem ob emolumentum temporale, aut propter diuitias, quæ ex istius morte sibi obuenire possunt. Ratio enim disparitatis est, quod cum fur mea bona temporalia inuadit, ea inuadit, in quorum iusta possessione ego maneo, & ideo iniustum patior, quando illa mihi auferuntur à fure; ac proinde licitè possum ea defendendo actua-lem furem occidere: nec teneor ab ea defensione pro seruanda furis vita, abstinere.

Ceterum cum Titius non possideat bona temporalia, ac diuitias Caij, nec à Caio inuadantur bona Titij, nullum iniustum patitur Titius ex hoc quod non possideat bona Caij: Caius enim ea iustè possidet, vt supponitur: ergo contra æquitatem ageret Titius, si Caij mortem etiam naturalem optaret, vt ad se Caij bona peruenirent: nam ad summum difficultas esse potest de huiusmodi desiderio, quando Titius iniustum aliquod pateretur, ex eo quod ipse non possideret bona, quæ Caius possidet; cum ergo nullum iniustum patiatur Titius ex eo, quod non possideat pro eo tempore bona Caij iniquè ageret, si Caij mortem optaret, vt bona Caij ad eum peruenirent. Et cum ex alia parte Titius non inuadatur à Caio in bonis, quæ iustè possidet, nullum rationabile motiuum habet Titius optandi mortem Caij, vt eius bona possideat.

Immo cum proximi vitam præfer-

re debeamus diuitijs, ac bonis temporalibus, quæ actu, & iustè possidemus: nam ad succurendum proximi vitæ, debemus proprias exponere diuitias: ita vt in animo præparati esse debeamus ad proprias, & possessas à nobis diuitias ad seruandâ vitam proximi profundere; cum multò magis vitâ proximi præferre debeamus diuitijs, ac bonis temporalibus, quæ nec possidemus, nec ad eas pro eo tempore possidendas ius aliquod habemus: ac proindè non debemus pro ijs possidendis mortem proximi etiâ naturalem optare.

Idemque dicendum de filio respectu patris: nam cum filius non habeat ius ad possidendam hæreditatem viuentis patre, nullum iniustum patitur, ex eo quod pater bona temporalia, quæ hæreditatem constituunt, possideat: ac proindè filius non habet rationabile morium, oprandi propter hoc mortem ipsius patris; sed quando etiam Caius iniustè possideret bona Titij, & pater iniustè retineret portionem, quæ contingeret filio, non ideo liceret Titio optare mortem Caij, vt Caij bona ei obuenirent: nec licitum esset filio ob eam portionem obtinendam optare mortem patris: nam mors alterius est longè maius malum, quam sit in me priuatio bonorum temporalium, & ideo contra æquitatem esset; vt pro acquirendis bonis temporalibus, etiâ mihi debitis, alteri, & præsertim meo Patri, tantum malum optarem, quale est mors, & priuatio vitæ.

* * *

ASSERTIO SECUNDA.

Non licet absoluto desiderio cupere mortem patris ob pinguem hæreditatem obuenturam.

HÆC etiam Assertio communis est inter Doctores: est enim cōsecutaria ad primam Assertionem, vnde rationibus, quibus prima probata fuit, probatur & hæc secunda, & quidem à fortiori; nam si cuiilibet nefas sit alterius mortem ob hæreditatem, vel emolumentum optare, multò magis nefas est filio ob hæreditatem optare mortem patris; communi enim eius actus malitiæ adderetur impietas; nam desiderium mortis ob hæreditatem, quod respectiue ad proximum est valdè inordinatum, respectiue ad patrem est impium: nempe contra virtutem pietatis, & contra quantum præceptum, & mutat speciem.

Præterquam quod, vt in probationibus primæ Assertionis dictum est, si licet ob hæreditatem optare mortem patris, licebit eam ob hæreditatem à Deo petere: nam licet à Deo petere, quod licitum est optare; impium autem est dicere, quod liceat filio mortem patris ob hæreditatem à Deo petere, & humanæ aures hæc audire horrent.

Est autem post Innocentij Vndecimi decretum hæc etiam secunda assertio ab omnibus tenenda: nam opposita damnata est in laudato decreto,

creto, & est quartadecima, scilicet illa. *Licitum est absoluto desiderio cupere mortem patris: non quidem, ut malum patris, sed ut bonum cupientis: quia nimirum ei obueniura est pinguis hereditas.*

ASSERTIO TERTIA.

Non licet filio gaudere de parricidio parentis à se in ebrietate perpetrato propter ingentes diuitias inde ex hereditate consequutas.

HÆC pariter Assertio est communis inter Doctores, & sequitur manifestè ex dictis pro prima, & secunda assertione: nam si complacentia de morte etiam naturali patris ex fine incundæ hereditatis, est graue peccatum, etiam si mors alterius, ac patris absque optantis malitia contigerit; peccatum quoque graue erit gaudium, & complacentia de parricidio à filio etsi absque peccato, in ebrietate commissio; sic enim gaudet, & sibi complacet de maximo malo, scilicet de morte sui patris. Hæc etiam assertio ab omnibus tenenda est, nam propositio ei opposita damnata est in Decreto laudato Innocentij XI. & est quintadecima inter damnatas.

ASSERTIO QVARTA.

Licitum est optare quod aliquis peccator patitur aliquam ægritudinē,

aut aliquod impedimentum, vel ut ipse melior efficiatur, vel ut saltem ab aliorum nocumento cesset.

IN his ipsis verbis D. Thomas in locis mox citandis, unde constat quàm diuersa sit sententia Diui Thomæ à recentè dānata opinione.

Igitur S. Thomas in 3. sent. dist. 30. quæst. 1. art. 1. docet, inimicum diligendum esse, in his, quæ pertinent ad naturam suam, & ad gratiam habendā. Et contra hoc opponit quarto loco argumentum huiusmodi. *Illos quibus optamus, & de quorum malis gaudemus, non diligimus, sed licet optare mala inimicis, & de eorum malis gaudere: unde in Scriptura sacra frequenter ponuntur imprecationes contra inimicos, & in consolationem fidelium inducitur hostium destructio, ergo non tenemur inimicos diligere.* Respondet S. Doctor, ostendens qua ratione, & in ordine ad qualia bona optari possint mala inimico, sic inquit.

Ad quantum dicendum, quod Caritas attendit ad quedam bona per se, scilicet ad bona gratiæ, ad quedam autem per accidens, in quantum ad illam ordinantur. Bona autem temporalia, quæ per accidens caritas attendit, & ex consequenti, possent se inuicem in diuersis impedire: quia prosperitas unius inducit aduersitatem alterius; unde quia Caritas ordinem habet, & plus debeat quisque se diligere, quàm alium, & propinquos quàm extraneos, & amicos, quàm inimicos, & bonum commu-

ne multorum, quàm bonum priuatum
vnius, potest aliquis salua Charitate,
optare malum temporale alicui, & gau-
dere si contingat, non in quantum est
malum illius, sed in quantum est impe-
dimentum malorum alterius, quem plus
tenetur diligere, vel Communitati, aut
Ecclesie: similiter de malo etiam eius,
qui in malum temporale incidit, secun-
dum quod per malum pena, impedi-
tur frequenter malum culpa eius; sed
bona gratia mutuò se non impediunt,
quia spiritalia bona à pluribus integrè
possideri possunt. Et ideo quantum ad
hoc nullus salua Charitate potest ma-
lum alteri optare, vel de malo gaudere,
nisi in quantum in malo culpa, vel
damnationis alicuius reuocet bonum Di-
uina Iustitie, quod plus tenetur dili-
gere, quàm aliquem hominem: sed hoc
non est per se de malo gaudere, sed de
bono, quod diuersum est à malo. Hæc
Sanctus Thomas,

In quibus animaduertendum est,
Sanctum Doctorem loqui de malo,
quod possit optari inimico, & inimi-
co vexanti, aut impediendi bonum
alterius; nam supponit, quæstionem
esse non posse de amico, seu de illo,
qui alium, nec vexat, nec illius bo-
num impedit: certum est enim, & ex-
tra omnem cōtrouersiam, quod ami-
co, aut personæ nullatenus aliam ve-
xanti, nec bonum publicum, vel
priuatum impediendi, malum aliquod
optari non possit. Igitur non alia
ratione docet S. Doctor, quod ma-
lum temporale possit alteri optari,
nisi quatenus per illud impediri pos-
sunt alia mala temporalia sui ipsius,
vel aliorum, quos aliquis plus tene-
tur diligere quàm inimicum, vel spi-

ritualia ipsius inimici, cui malum
temporale optatur: nam ad mala im-
pedienda iuste malum optatur. Sed
non ait S. Thomas, quod ad acqui-
rendum aliquod bonum temporale,
vbi sunt diuitiæ, & hæreditas pinguis
possit quis alteri malum temporale
optare; esset enim contra æquitatem,
ac rectam rationem ei malum opta-
re, à quo nulla iniuria, læsio, aut
vexatio procedit: immò nec etiam
vllum malum imminet, vbi contin-
geret, si quis alicui, à quo non lædi-
tur, nec vexatur malum temporale,
& mortem optaret, vt ex eius morte
pinguis hæreditas sibi obueniret. Nō
est autem contra æquitatem, nec
contra rectam rationem, vt quis al-
teri malum temporale alicui optet,
vel ad remouendam vexationem,
qua iniuste ab illo vexatur, vel ad
impediendum malum Communita-
tis, aut Ecclesie, vel etiam ad im-
pediendum malum culpæ eius, cui
malum optatur: hæc enim rationem
malum temporale ordinatur ad ali-
quod bonum, & bonum debitum,
quod ab alio iniuste impeditur.

Nec in alio sensu loquuntur Au-
thores, quos Guimenius, & San-
dæus in allegatis opusculis pro se al-
legant, videlicet Caietanus in *Summa*
verbo *Maledictio*, Ioannes de la
Cruz in *Directorio* par. 1. tract. de ha-
micidio, dub. 3. Conradus 1. par. Re-
spons. casuum quæst. 392. Zanardus,
22. *Directorij* cap. 6. de maledictio Gal-
ler, in *Margarita casuum conscientie*,
verbo *Desiderare*.

In eodē sensu loquitur S. Thomas
2. 2. quæst. 76. art. 1. in corp. vbi ait.
Si aliquis imperet, vel optet malum al-
terius

rius, in quantum est malum, quasi ipsum malum intendens sic maledicere, nec eris maledictio per se loquendo, sed per accidens: quia principalis intentio dicentis, non fertur ad malum aliquod dici imperando, vel optando sub ratione duplicis boni. Quandoque quidem sub ratione iusti, & sic Iudex licite maledicit illum, cui praecepit iustum panam inferri. Et sic Ecclesia maledicit anathematizando. Sicut etiam Propheta in Scripturis quandoque imprecatur mala peccatoribus, quasi conformantes voluntatem suam Divinae Iustitiae: licet huiusmodi imprecationes possint etiam per modum praeiudicationis intelligi. Quandoque vero dicitur aliquod malum sub ratione, velis; puta cum aliquis optat aliquem peccatorem pati aliquam egritudinem, aut aliquod impedimentum, vel ut ipse melior efficiatur, vel ut saltem ab aliorum nocumento cesset.

Et ad tertium sic ait. Ad tertium dicendum, quod optare alicui malum sub ratione boni, non contrariatur affectui, quo quis simpliciter alicui optat bonum, sed magis habet conformitatem ad ipsum.

Et secunda secunda quaest. 83. art. 8 ad 1. sic ait. Ad primum dicendum, quod imprecationes, quae in Sacra Scriptura ponuntur, quadrupliciter possunt intelligi: Primo modo, secundum quod Propheta solent in figura imprecantis futura predicere, ut Augustinus dicit in libro de Sermonibus Domini in monte. Secundo, prout quadam temporalia mala peccatoribus quandoque à Deo in correctionem immittuntur. Tertiò quia intelliguntur petere non contra ipsos homines, sed contra regnum peccati, ut scilicet correctione hominum, peccata

destruantur. Quarto conformando voluntatem suam Divinae Iustitiae circa damnationem perseverantium in peccato.

Et ad tertium ibidem sic ait. Ad tertium dicendum, quod licitum est impugnare inimicos, ut compescantur à peccatis: quod cedit in bonum eorum, & aliorum. Et sic etiam licet orando petere aliqua temporalia mala inimicorum, ut corrigantur, & sic oratio, & operatio non erunt contraria.

Quare D. Thomas in eo perpetuum est, ut doceat licitum esse optare malum alicui sub ratione boni, ipsius videlicet, cui malum optatur, ut contingit, quando peccatori optatur egritudo, ut à peccatis abtineat, & melior efficiatur, vel ut ab aliorum nocumento cesset; vel etiam propter bonum commune Reipublicae. Nusquam autem docet, licitum esse optare malum alicui propter merum commodum, & utile ipsius optantis, ut contingeret, si quis alteri mortem naturalem optaret, ut ex eius morte pinguis hereditas sibi obveniret: id enim esset velle absolute malum alteri, ut malum, & sub ratione mali. Quod enim ex eius morte mihi bonum hereditatis obveniat, non reddit honestum, & licitum desiderium, quo ego ei mortem exopto: nam hoc bonum, non est bonum illi, sed mihi; & mihi est bonum pro eo tempore, quo ille vivit, indebitum, ita ut ille in possidendo, aut retinendo bonum illud nullatenus peccet, ac proinde desiderium mortis illius est iniquum, & illicitum; unde Salon. ad art. 2. quaest. 76. cit. sic ait. Aduerse quod optare alicui malum, licitum est, quando ille cui malum

optatur

optatur existit in culpa, nam si nulla sit in eo iniquitas, non licet desiderare illi malum ob propriam utilitatem, & sic non licet desiderare mortem patris ob hereditatem.

Uterior hætenus dictorum explicatio :

VT autem licitè malum temporale alteri optari possit, est ulterius attendenda proportio inter malum optatum, & malum, quod per optatum malum remoueri supponitur, itaut pro minori malo remouendo non optetur maius malum. Hinc S. Thomas non dixit, quod liceat optare mortem peccatoris, vt ipse melior efficiatur, vel vt ab aliorum nocumento cesset, sed dixit propter hæc optari posse peccatori ægritudinem, aut aliquod impedimentum: nam quamuis bonum spirituale proximi præferendum sit bono eiusdem corporali, non idè tamen ad inducendum bonum spirituale in proximum, cuiusmodi est cessatio à peccatis, optandum est proximo summum, & irreparabile malum corporis, cuiusmodi est mors, si mors absolutè, & nullo alio superaddito optetur: nam hac ratione non seruaretur debita proportio inter malum remouendum, & malum optatum; quia cessatio præcisè à peccando, est quidem spirituale proximi bonum, sed cessatio à peccato non est optanda præcisè per mortem: nam si peccator moriatur in peccatis, cessabit quidem a peccando, sed salutem æternam non consequetur; vt ergo quis peccatori per aliquod ma-

lum temporale salutem spiritualem exoptet, non debet ei mortem temporalem optare; nam prout sic optaretur ei aliquod malum, per quod cessaret quidem à peccando, sed poneretur in itatu, in quo non posset propriam salutem procurare. Peccatori ergo, vt à peccando cesset potest optari ægritudo, aut aliud impedimentum, ac etiam mors; ita tamen, vt non optetur præcisè mors, seu vitæ priuatio, sed optetur mors in statu gratiæ sequuta, vt sic ille salutem æternam consequatur. Rursus licitum est propter bonum commune optare absolutè mortem naturalem alicuius, nam bonum commune præferendum est priuato: hac ratione licitum est optare mortem Tyranni, aut alterius, qui grauiter Rempublicam opprimit: ita vt obiectum illius desiderij sit remotio mali à Republica, qualis esset remotio oppressori Reipublicæ: licebit etiam mortem naturalem illi oprare, qui iniuste notabilem partem bonorum alicui Reipublicæ retineat, si post eius mortem bona illa ad Rempublicam reditura sint: quia & hoc est præferre commune bonum bono priuato, & eandem prælationem optare; sed si aliquis cuius diuitias proprias, & propria bona iustè possideat, & post eius mortem ad Rempublicam peruentura sint, vel quia ipse ita disposuit, aut quia ea ratione illi à Republica, vel Principe concessa sunt, vt post eius mortem ad Rempublicam, vel ad Principem perueniant, non idè licebit illius mortem optare, vt diuitiæ, & bona illa ad Rempublicam, vel Principem perueniant: nam quæ-

uis in hoc inuoluatur bonum commune Reipublicæ, scilicet acquisitio bonorum illorum, hoc tamen nouū bonum, non est Reipublicæ debitum illo viuente, cui bona illa concessa sunt, ac proindè nullum iniustum patitur Respublica, ex eo quod persona priuata uiuat, & bona illa possideat: nec per illorum bonorum possessionē læditur à persona illa Respublica, nec pati dicitur aliquod malum: ac proindè si quis mortem illi priuato optaret, vt Respublica bonorum illius potiretur, grauiter, & contra æquitatem peccaret: nam illius mortem optaret, non ad remouendum aliquod malum à Republica, in quo tantum casu licitum est mortem priuati pro Republica optare; sed optaret illi mortem propter bonum acquirendum ab alio, qui iuste illud possidet, & ad quod Respublica pro eo tempore, quo illud persona illa possidet, non habet ius possidendi, quamuis habeat ius ad illud, sequuta eius morte possidendum; vnde Respublica in eo casu habet se velut priuata persona cui accrescunt opes ex morte alterius personæ.

Vt igitur licitè alicui malum temporale possit optari; duo necessariò requiruntur. Primum est, quod optetur mali remotio spiritualis, vel temporalis in eo, cui optatur malum, vel in alio: ita vt si malum contingeret, & cui optatur, remouendum sit ab eo, vel ab alio aliquod malum temporale, vel spirituale: ita vt si in optante carentia boni, propter quod inducendum optatur malum, non sit reuera malum in optante, eo quod sit carentia boni indebiti, nullum

malum temporale, siue graue, siue mediocre alteri optari possit: & hac ratione nedum illicitum est optare mortem alicui propter hæreditatem, aut alia bona temporalia acquirenda; sed neque propter eadem licitum est optare alteri ægritudinem, aut aliud quod aliud malum: quia cōtra æquitatem, ac rectam rationem esset, vt quis alteri, à quo non læditur, nec iniustum patitur, aut malum accepit, malum aliquod temporale optet, siue malum temporale sit graue, siue mediocre. Secundò requiritur proportio debita inter malum, quod optatur, & malum per malum optatum ab aliquo remouendum: nullum autem horum interuenit, cum quis mortem alicui optat propter hæreditatem, aut aliud temporale emolumentum ex eius morte sequuturum; nam non interuenit remotio mali ab optante, cui per alterius mortem contingeret hæreditas, aut aliud temporale emolumentum: nam optans nullum patitur malum, aut iniustum ex hoc, quod alter opes, & bona illa possideat, iuste enim illa possidet, vt supponitur: pro quo recolantur ea, quæ superius dicta sunt; nec etiam interuenit proportio inter malum optatum, & malum remouendū (quod tamen, vt diximus non est malum) nam mors est summum malorum, cum sit priuatio maximi boni, scilicet vitæ, & est malum irreparabile; quod verò quis actu non possideat bona temporalia, quæ sibi ob alterius mortem obuentura sunt, non est malum, & si esset malum, est malum incomparabiliter inferius ad mortem; vnde pro remouenda carentia illorum bonorum

norum

norum temporalium à Titio, quæ sibi per mortem Caij obuentura essent, non potest Titius mortem exoptare Caio.

Sed posset esse quæstio. Vtrum quis possit iniusto persecutori mortem optare, vt desistat ab iniusta eius persecutione, ob quam illi, si prosequatur, certo imminet mors; & videtur, quod sic; nam in eo casu, adesset remotio veri mali, & proportio inter malum optatum, & malum remotum; nam pro remouenda à me morte optarem persecutentis mortem. Dicendum tamen est, quod nec in eo casu liceret mihi persecutoris mortem optare: nam alijs vijs, & medijs possum illius persecutione declinare, scilicet vel per viam Iuris, vel alijs modis me ab iniusta persecutione defendendo. Et idèd sicut alijs modis contingere potest liberatio mei ab iniusto persecutore, quam per eius mortem etiam naturalem, non cogor, nec sum in ijs angustijs positus, vt meam liberationem optem per solam persecutoris mortem naturalem; præter quam quod in eo casu pro me liberando à morte futura, optarem persecutori mortem actuale, vnde non esset æqua commutatio, nec debita adesset proportio inter malum optatum, & malum imminens, & optaretur mors certa persecutoris ad liberandum alium à morte incertâ; vnde nunquam dici potest certa mors, quam aliquis alteri procurat cū iniuste persequendo.

Et sicut non licet alicui pro sua defensione adhuc in actuali conflictu cum aggressore, mortem aggressoris intendere, sed solum sui defensionem;

esto ad eam defensionem sequutura sit mors aggressoris, & sequutura præuideatur; idque ob eam rationem, quod priuata persona ius non habet in vitam alterius, sed solum in suam defensionem: ita ex eadem ratione non licet alicui naturalem mortem persecutoris exoptare propter bonum suum priuatum, scilicet ad propriam vitam ab eius persecutione liberandam, sed potest licitè is, qui eam patitur persecutionem defensionem sui optare, vel optare persecutori ægritudinem, vel aliud impedimentum, per quod ab iniusta illa persecutione desistat.

Quando verò Sancti, vel Prophetæ mortem alicui imprecati sunt, id fecisse putandum est, vel ex Diuino instinctu, vel conformando voluntatem suam Diuinæ Iustitiæ, vel intelligendæ sunt per modum prænuntiationi, vt ait S. Thomas *loc. citato* ex 2. 2.

Postremò difficultas esse posset; vtrum ad vitanda mala temporalia, ægritudinem, internam afflictionem paupertatem, &c. liceat mortem sibi exoptare, & dicendum quidquid aliqui in oppositum dicant, quod sit graue peccatum, quia homo non est dominus vitæ suæ: deinde timiditatis, aut pusillanimitatis vitium est velle carere magno bono temporali, quod est vita, & mori ob vitanda aliqua mala minoris momenti. Ita Nauarrus in *Manual. cap. 15. num. 15. Abulensis quæst. 4. in cap. 19. lib. 3. Reg. & alij.*

Et S. Thomas 2. 2. quæst. 125. ar. 2. ad secundū ait, quod ille, qui se periculis mortis exponit, vt fugiat ser-

uitatem, vel aliquid laboriosum à timore vincitur, quod est fortitudini contrarium; vnde Philosophus dicit in 3. *Ethic. Quod mori fugientem inopiam, vel captiorem, vel aliquod triste, non est fortis, sed magis timidi: Mollitius est enim fugere laboriosa. Vnde velle pati mortem potius; quam sustinere mala, morte minora, non est virtutis, sed vitij.*

Et mulrò magis vitium est mortem sibi optare propter mala minima, vt faciunt mulierculæ, & præsertim vetulæ, quæ ob res minimas vo-

ciferantur, & optant sibi mortem, nisi eas excusare velimus (& ita vt plurimum est) ex defectu aduertentiz, & deliberationis.

Ad ea verò, quæ in contrarium afferbantur in principio solutio patet ex dictis.

Quæri etiam hic posset, vtrum tristari, vel dolere liceat de alterius bono, vel prosperitate, sed de hac quæstione egimus in nostris Controversijs Controu. X. videri possunt, quæ de hac re ibi diximus.



RAYMUNDI CARDINALIS CAPISVCCHI DISSERTATIO HISTORICO-THEOLOGICA

De Hæreticis Prædestinarianis, & illorum
erroribus.



HÆRETICOS
Prædestinarios
præteritis sæculis
extitisse, plures, &
graues Authores,
præsertim antiqui,

vt videbimus, affirmant. Negant ve-
rò pauci recentiores, & aded confiden-
ter, vt historiam de Hæreticis
Prædestinarianis inter aniles fabulas
reponendam velint. Placuit rem ad
examen vocare, & vtriusque senten-
tiæ argumentis diligenter expensis
absque vilo partium studio, quæstio-
nem resolvere, vt veritas omnino
eluceat.

ARTICVLVS PRIMVS.

Vtrum hæresis Prædesti-
nariana in quinto sæcu-
lo extiterit.

Primus ex recentioribus, qui
hæresim Prædestinarianam à

statu existentie in quinto sæculo re-
pulerit, est Cornelius Iansenius Ipre-
sis Episcopus, tom. 1. in scripto *Augu-
stinus, &c. lib. 8. cap. 23. ubi post
plura S. Quamobrem, sic ait. Vi suspi-
cionem meam liberè dicam, & Lecto-
ribus dijudicandam offeram, existimo
equidem nūquam in rerum natura fuisse
hæresim Prædestinarianam, vel hære-
ticos Prædestinarios: sed è contrario
doctrinam Catholicam, quam S. Augu-
stinus, & Prosper docuerunt, sub no-
mine istius hæresis calumniosè a Massi-
liensibus traductam esse. Itaque hære-
tici illi Prædestinariani, non fuerunt
alii, quam Sanctus Augustinus, Pro-
sper, Hilarius. & quosque eorum doctri-
nam sequebantur, quos eo nomine indi-
cârunt Semipelagianii, atque inter hæ-
reticos, nominibus eorum non expressis
collocarunt, quibus credula posteritas,
quosdam tanquam hæreticos Prædesti-
narios auersata est, &c. Hanc Ian-
senij imaginationem sequitur Vile-
rius Caluinita, eamque latè propa-
gant*

gnant Manguinus in opere, quod inscripfit, *De Prædestinatio fabule confutatione*, cui subscribunt Cabefutius in *notitiis Conciliorum*, &c. ad finem Concilij Arauxicani II. & Contensonius tom. 5. *Theologia mentis, & cordis, dissert.* 3. *Appendice unica* §. 1. & 2.

Affirmant autem eam hæresim extitisse in quinto sæculo quamplures recentiores, & in primis P. Suarez, tom. de *Gratia, Prolog.* 5. cap. 5. num. 1. Binius, in *annotationibus ad Concilium Arelatense* 11. Sirmondus, in *Historia Prædestinatio*, Cellotius, lib. 2. *Historia Gotschalchi*, cap. 4. Labbe, tom. 5. *Concil.* pag. 1042. Norisius, in *Historia Pelagiana* lib. 2. c. 13. §. *Et hac quidem sententia*, loc. à Sancto Thoma, par. 1. tom. 2. *disput.* 7. art. 1. num. 2. & Natalis Alexander, *Sæculo* 5. pars 1. art. 11. & par. 2. *dissert.* 5. *conclus.* 4.

Paragraphus Primus.

Sententia affirmatiua
eligitur, & probatur.

Affirmatiua sententia tot attestationibus, & priscorum Authorum testimonijs munitur, ut de eius veritate non videatur superesse locus dubitandi: ideo sententia hæc pro conclusione statuitur.

Probatur asserendo Scriptores quinti sæculi, qui testantur in eo quinto sæculo hæresim Prædestinatio extitisse. Hi verò sunt, Prosper Tiro, in *Chronico* ad annum 23. *Honorij.*

Faustus Regiensis, in præfatione suorum librorum, de *libero arbitrio*, ad Leontium Arelatensem Episcopum. Author Prædestinati editus à P. Sirmondo; Arnobius Iunior, in *expositione Psalterij*. Gennadius Masiliensis, in *Catalogi Augustiniani, de hæresibus Appendice*, Sanctus Fulgentius Ruspensis Episcopus, *epist.* ad Constantium Præbyterum citata ab Adriano I. & in epistola ad omnes Episcopos Hispaniæ, & lib. 2. de *veritate Prædestinationis, & Gratia*, Ennodius Ticinensis, *epist.* ad Constantium.

Respondent aduersarij Neoterici præfatis Scriptoribus non esse fidentum, quia erant Semipelagiani, quorum intererat hæresim prædestinatio discipulis Diui Augustini affigere ad retrahendum fideles à sequela Augustiniana Doctrinæ in materia Prædestinationis, & gratiæ.

At multipliciter impugnatur ista responsio. Primò, quia Sanctus Fulgentius Semipelagianus non fuit, sed totus Augustinianus, Ennodius etiam Ticinensis est Sanctus, & eius memoria recolitur 16. Kal. Augusti. Cuius virtutum merita celebrata per Summos Pontifices Nicolaum I. in epistola ad Michaellem Augustum, Ioannem VII. in epistola ad Bertarium Abbatem, & Gregorium VII. in dictatu, nec suspicari permittunt, quod Semipelagianis adhæserit, & multò minus, quod fideles Augustini discipulos de Prædestinatio hæresi calumniatus fuerit. Nec Prosper Tiro Semipelagianus fuit; nimis enim levis est coniectura, qua moueatur Aduersarij ad asserendum ipsum Semipe-

mipelagianum fuisse, nempe quia, Cassianum laudauit. Cassianus enim laudari potest de moribus, quia vitæ Cenobiticæ instaurator, & propagator fuit. Laudari; & potest ex parte de operibus ab ipso conscriptis *de Institutis Renunciatis, & de Collationibus Patrum*, quas Sanctus Thomas Aquinas assidue volebat; quis autem inde inferat, Sanctum Thomam Semipelagianum fuisse? Itaque Prosper Tiro sic habet. *Prædestinatorum heresis, quæ ab Augustini libris male intellectis accepisse dicitur initium, his temporibus exorta est.* Quæ verba nullatenus possunt applicari fidelibus D. Augustini discipulis, qui errores Prædestinatorum confutabant ex doctrina Sanctissimi Præceptoris. Principuus enim error illorum hæreticorum erat, quod electio Dei ad gloriam antecedens præuisionem meritorum, & Gratia victrix ad quodlibet bonum opus requisita arbitrij libertatem euerterent. Quod constantissime negabāt fideles Diui Augustini discipuli instructi doctrina eiusdem in libris *de Gratia, & libero arbitrio*, ubi ipsemet fatetur *cap. 20.* satis se disputasse aduersus eos, qui gratiam Dei vehementer oppugnant, qua voluntas humana non tollitur, sed ex mala mutatur in bonam. Et Sanctus Prosper *opusculo contra Collatorem, cap. 38.* clarè dixit, quod opitulationes Diuinæ Gratiae stabilimēta sunt voluntatis humanæ; & ita nimis impudenter attribueretur heresis Prædestinatioana vel D. Augustino, vel fidelibus ipsius discipulis: hæreticales enim errores attribuendi sunt, non ijs, qui illos ex professo confu-

tant, sed ijs, qui illos defendunt.

Secundò impugnatur eadem responsio. Quia si præcitati Scriptores hæresim Prædestinatioanam attribuisent per calumniam fidelibus D. Augustini discipulis, incredibile est, quod horum aliquis inter tot illius sæculi Scriptores talem, ac tantam temeritatem non detexisset, non increpasset, aut saltem de calumnia coqueſtus non fuisset. Arqui nullus inuenitur, nullusque Scriptor quinti sæculi producitur, qui nec etiam de huiusmodi querimonia mentionem faciat. Euidens ergo signum est, quod hæresis Prædestinatioana non attribuebatur fidelibus D. Augustini discipulis, sed alijs erroneis, qui Sancti Præceptoris doctrinam in materia Prædestinationis, & Gratiae non capientes, eaque malè vtentes, ex illa falsa dogmata Prædestinatorum deducebant, & propugnabant.

Tertiò impugnatur. Quia si superiori sæculo tot Lutherani, & Calvinistæ errores Prædestinatorum obuijs manibus exceperunt, ex eadem radice libertatem arbitrij impudentissime negantes. Quid mirum, aut quid repugnantiz in eo inuenitur, quod etiam in quinto sæculo aliqui infidi Professores doctrinæ D. Augustini in errores Prædestinatorum inciderint? His ergo conuenienter, & absque iniuria hæresis Prædestinatioana ab allegatis Scriptoribus quinti sæculi, præsertim à Sanctis attributa fuit, non autem per calumniam discipulis D. Augustini, qui palam Prædestinatorum errores detestabantur.

Quartò tandem impugnatur. Quia
quant-

quamplures Authores antiqui post quintum sæculum hæresim prædestinatianam commemorant, ut Adrianus I. epistola ad Egilam teste Baronio tom. 9. ad annum 795. Segeber-tus in *Chrenico* ad annum 414. Vincentius Bellouacensis, & Philippus Bergomatenfis citati à Ludouico Bail tom. 2. *Conciliorum* pag. 153. Alphonsus à Castro, verbo *Prædestinatio*. Sanderus de *visibili Monarchia* lib. 8. pag. 367. ad annum 526. Bernardus Luxemburg. verbo *Prædestinati*. Cardinalis Baronius ad annum 490. Bruschius, verbo *Prædestinatio*. Cardinalis Bellarminus de *Scriptoribus*, in verbo *Arnobius Afer*. Atqui nec suspicari potest hos grauissimos Authores attribuisse hæresim prædestinatianam fidelibus D. Augustini discipulis, quandoquidem eiusdem Sancti Patris doctrinam prosequabantur. Igitur nec Authores quinti sæculi, quos retulimus eam hæresim per calumniam attribuerunt Sæctoribus Augustinianæ doctrinæ, sed ijs, qui reuerà Prædestinatio-norū errores propugnabant.

Sed obijciunt recentiores aduersarij. Si in quinto sæculo extitissent hæretici Prædestinatiani, de eis mentionem fecissent, eorumque errores ex professo impugnassent Augustinianæ doctrinæ Sæctores, ut Prosper, Hilarius, & alij. Nullus autem ex his inuenitur, qui de istis hæreticis mentionem fecerit, aut eorum errores ex professo impugnauerit; signum ergo est, istos hæreticos non extitisse in rerum natura, sed eorum nomine per improprium appellatos fuisse à Semipelagianis fideles discipulos Diui Augustini.

Hæc obiectio præcipuum Lanse-nianæ persuasionis fundamentum exponens retorquetur in aduersarios. Quia si fideles Augustini discipuli eo nomine per improprium à Semipelagianis appellati fuissent, ita quod isti dicti fuissent hæretici Prædestinatiani. Quomodo fieri potuit, quod nullus eorum de tali, ac tanta iniuria conquestus fuerit, & non curauerit hoc infame nomen à Catholicis Doctoribus repellere? Et tamen id à nemine factum inuenitur, cum nullibi reperiat in eorum libris expressum hoc nomen, *Hæresis Prædestinatio-naria*. Quemadmodum igitur ex taciturnitate fidelium discipulorum D. Augustini, nec etiam aduersarij inferunt hæresim prædestinatianam non fuisse calumniosè attributam fidelibus D. Augustini discipulis, ita nec ex eorundem taciturnitate possunt aduersarij inferre, quod verè non extiterit hæresis prædestinatio-naria.

Respondetur nunc ad obiectionem Catholicos Doctores quinti Sæculi non fecisse mentionem de hac hæresi, nec eam impugnasse sub expresso nomine hæresis prædestinatianæ, impugnasse tamen validissimè errores, quos illa continebat, ut clarè patebit in sequenti §.

Paragraphus Secundus.

Recensentur Prædestinatio-norum errores.

Prædestinatio-norum errores non omnino vniiformiter enumerantur à Fausto Reienti, & à Gennadio Mas-

Massiliensi . Ideoque prout ab utroque recensentur non pigebit referre .

Fauftus Reienfis in epistola ad Lucidum Presbyterum , quæ habetur apud Labbe *tom. 5. Concil. pag. 1042.* illos hoc ordine recenset . Primus est . Humanæ obedientiæ labor Diuinæ Gratiæ non est adiungendus . Secundus . Post primi hominis lapsum ex toto arbitrium voluntatis remansit extinctum . Tertius . Christus Dominus mortem non pro omnium salute suscepit . Quartus . Præscientia Dei hominem violenter compellit ad mortem , cum Dei voluntate pereant , qui pereunt . Quintus . Post acceptum legitimè Baptismum in Adam moritur quicumque deliquerit . Sextus . Alij sunt deputati ad mortem , alij ad vitam prædestinati . Septimus . Ab Adam vsque ad Christum nulli ex gentibus per primam Dei gratiam fuerunt saluati , eo quod liberum arbitrium in primo Parente perdidit .

Gennadius Massiliensis loco supra allegato , errores Prædestinationum refert hoc tenore verborum . Primus . Deus non omnes homines ad hoc creauit , vt omnes saluentur , sed vt multitudine hominum ornetur Mundus . Secundus . Etsi generali prædicatione dicat Christus , Venite ad me omnes , qui laboratis , & onerati estis , & ego reficiam vos , non tamen omnes ea voluntate vocat , vt sequantur vocationem . Tertius non omnes , qui Deo inspirante obediunt vocationi , dicuntur accipere exequendi in bono opere persequerantiam , sed post multos labores , & iustitiæ fructus , si non sint de saluandorum nu-

mero , subtrahendas eis vires agendi , ne perdurent in bono . Quartus . Illi , qui prædestinati sunt ad vitam æternam , etiam si in perfidia , vel in omni genere peccati longo tempore voluntentur , accepturi sunt occasionem , qua & credant in Deum , & secundum Dei præceptum viuant , vt possideant societatem iustorum . Quintus . Quod Deus personas hominum accipiat . Sextus . Quod alios etiam inuitos post multa mala opera attrahat ad salutem . Alios post bona opera rejiciat , & compellat in malum , quo pereant in æternum .

Nunc igitur ostendamus præfatos errores confutatos fuisse à Catholicis Doctoribus quinti Sæculi .

Primus enim ex relatis à Fausto confutatus fuit à Sancto Augustino *lib. de dono perseverantia cap. 14. & 15.* vbi clarè ostendit Diuinæ prædestinationi nostrum laborem esse iungendum . Reliquos à Fausto relatos confutauit S. Prosper , nempe secundum in libro Responsionum ad Capitula obiectionum Gallorum *cap. 6.* Tertium errorem libro Responsionum ad Capitula obiectionum Vincentianarum *cap. 1.* Quartum errorem in Responsione ad Capitula Gallorum *cap. 1. & 9.* Quintum errorem ibidem *cap. 2.* Sextum errorem confutauit ibidem *cap. 13.* Septimus coincidit cum secundo .

Idemque constat de Prædestinationum erroribus , prout referuntur à Gennadio . Nam primus refellitur à Diuo Prospero in Responsione ad Capitula Gallorum *cap. 13.* Secundus ibidem *cap. 5.* Tertius ibidem *cap. 12.* & in Responsione ad obie-

ctiones Vincentianas *cap. 10.* Quartus reijcitur ab Augustino *lib. de dono perseverantia cap. 13.* Quintus ab eodem Augustino in epistola ad Sixtum, & à Prospero in Responsione ad Capitula Gallorum *cap. 4.* Sextus denique refutatur à D. Prospero in Responsione ad obiectiones Vincentianas *cap. 14.*

Dices, hinc argumentum aduersariorum resumere vires. Siquidem patet per prædicta, quod errores Prædestinationum attribuebantur fidelibus D. Augustini discipulis: Id enim continebant obiectiones Gallorum, & Vincentianæ, quibus coactus fuit D. Prosper occurrere ad repellendam calumniam. Indeque sequitur, quod non extiterint alij, qui dictis erroribus assensum positiuè præbuerint, & subindè hæresis Prædestinatarum remanet in statu ideali.

Respondetur, hæc duo simul optimè coherere, nempe quod Semipelagianij arguendo contra sententiam Diui Augustini in materia prædestinationis, & gratiæ, ex illa inferrent Prædestinationum errores, à quibus Augustinianæ sententiæ fideles Sectatores abhorrentes, illationem penitus negarent. Et tamen quod essent alij, qui ex praua intelligentia sententiæ D. Augustini illationi Semipelagianorum succumberet, ideoque assensum positiuè præberent illatis erroribus, vt & modo contingit in Lutheranis, & Calvinistis. Nunc igitur recentiores Aduersarij non probant, sed supponunt istos posteriores non extitisse in rerum natura; sed id probare deberent, ad conuincendum, quod hæresis prædestinatarum fuerit solum per calumniam attri-

buta fidelibus D. Augustini discipulis. Sed ipsi aliter procedunt, nam probant, quod hæresis Prædestinatarum fuerit attributa per calumniam Sectatoribus D. Augustini; & ex hoc inferunt, quod non fuerint alij, qui positiuè Prædestinationum erroribus adhæserint. Cuius illationis prauitas exindè constat: quia simili processu probaretur, nec esse nunc, qui Prædestinationum erroribus positiuè adhæreant, quod patet esse falsum in Lutheranis, & Calvinistis. Itaque pro maiori claritate dicendum, quod errores Prædestinationum fuerint à Semipelagianis attributi fidelibus Sectatoribus D. Augustini argutiue, non positiue, quia illos reijciebāt, & confutabant. Alijs verò imperitis positiuè attributi fuerunt, quia illos asserebant, & propugnabant: et isti dicti sunt Hæretici Prædestinatiani per allegatos Scriptores quinti Sæculi, quibus standum est, dum nulla positiua probatio ex alijs Scriptorebus quinti Sæculi ab aduersarijs producit in contrarium.

Paragraphus Tertius.

Inuestigatur quinam fuerint Hæretici Prædestinatiani Quinti Sæculi.

AD maiorem dictorum euidentiā, operæ pretium est, inuestigare quinam fuerint indiuidualiter isti hæretici prædestinatiani. Si enim inueniantur aliqui specialiter ita nuncupati, vel quibus Prædesti-

nationorum errores singulariter attributi fuerint, tolletur omne dubium de existentia hæresis Prædestinarianæ.

Nonnullos Monachos Adrumentinos hæresim prædestinarianam primitus excitasse, affirmat P. Sirmondus *cap. 1. lib. 1. de historia eiusdem hæresis*, & Magister Ioannes à S. Thoma loco *superius allegato*. Nec omnino improbabiler: eum Augustinus testetur in *epist. 46. ad Valentinum Adrumentini Monasterij Abbatem*, sibi fuisse relatum, Monasterium illud nonnulla dissensione turbatum: eo quod Monachi sic Grariam prædicarent, ut negarent hominis esse liberum arbitrium. Quod quidem erat potissimum Caput Hæresis Prædestinarianæ.

Probabilior tamen est, hanc hæresim in præfato Monasterio non viguisse, quamvis per falsam relationem id fuerit Augustino testatum, & ita sentit Norisius in *historia Pelagianæ lib. 2. cap. 15. §. Sirmondus in libello de hæresi*. Natalis Alexander *Sæculo 5. dissert. 5. conclus. 1.*

Id autem melius suaderi non potest, quàm dilucidando statum contentionis inter Adrumentinos Monachos exortæ in disputatione de Gratia, & libero arbitrio: Aliqui enim ex ipsis pugnant pro necessitate gratiæ victricis, Alij pro libero arbitrio. Pro sedanda contentione missi fuerunt ad Augustinum duo Monachi Cresconius, & Felix, qui ex imperitiis non benè ipsum informarunt de statu controuersię: narrarunt enim, quod aliqui, inter quos Florus eminebat, sic defendebant necessita-

tem gratiæ victricis, ut negarent liberum arbitrium. Alij verò sic liberum arbitrium propugnabant, ut gratiæ victricis necessitatem excluderent. Augustinus autem comperta, referentium imperitiis, ipsorum narrationi acquiescere noluit. Sed rogauit Valentinum Abbatem Monasterij, ut ad se mitteret Florum, ab eo accuratius percepturus, in quo puncto verteretur Monachorum dissidium. Floro igitur audito, Augustinus comperijt Monachorum controuersiam in eo sitam esse. Quod aliqui defendebant necessitatem Gratiae victricis ad singula pietatis opera. Alij verò existimantes ex admissione ralis gratiæ liberum arbitrium interire, ut istud defenderent, Gratiae victricis necessitatem reiiciebant. Ex quo patet, quod nullus in eo Monasterio libertatem arbitrij posituè negabat; & subindè nullus ibi erat Hæreticus Prædestinarianus. Sed nonnulli doctrinam Augustini auersantes erant Semipelagiani, ut fatetur P. Norisius loco allegato, asserens apud illos (Adrumentinos Monachos) Semipelagianismum exortum fuisse. Quod & clarè patet, cum ex Augustino *lib. 2. retractationum cap. 66. ut infra ponderabitur*. Tum ex D. Prospero epistola ad Augustinum, ubi Monachos Adrumentinos, pro quorum instructione Sanctus Augustinus scripsit librum de Prædestinatione, & gratia, eodem errore, ac Massilienses infectos fuisse narrat. Massilienses autem Semipelagianos fuisse, fatetur omnes.

In huius historiæ comprobationem non alium testem producemus,

nisi ipsummet Augustinum in epistola 46. ad Valentinum Aduumentini Monasterij Abbatem: vbi narrat sibi fuisse relatum à Cresconio, & Felice Monasterium fuisse turbatum, eo quod quidam Monachi sic Gratiam prædicabant, vt negarent hominis esse liberum arbitrium: & in eadem epistola rogat Abbatem, vt ad se mitteret Florum, accuratius ab eo percepturus statum cōtrouersiz, quæ Monasterium turbabat. Ait enim, *ibi, melius facietis, quod multum rogo, si ipsum, (nempe Florum) à quodiducunt, se fuisse turbatos ad me mittere non grauimini, aut enim non intelligit librum meum, aut fortè ipse non intelligitur.* Et quod illi Monachi ad Augustinum missi non fideliter ipsi retulerint contentionis caput, habetur ex epistola eiusdem Valentini Abbatis ad Augustinum; sic enim scribit. *Serui tui Flori hæc fides est Pater, non sicut fratres illi (nempe Cresconius, & Felix) sunt loquuti; in præsentiarum audierunt ab eo dictum. Non iuxta merita nostra dari donum pietatis, sed per gratiam Redemptoris. Quod denique Augustinus comperent in eo Monasterio nullum fuisse, qui admiffa Gratiz victricis necessitate, liberum hominis negaret arbitrium: Colligitur ex eadem epistola 46. Augustini ad Valentinum Abbatem, vbi inquit. *Proinde librum, vel epistolam nostram* (hæc erat epistola Augustini ad Sixtum Romanæ Ecclesiæ Presbyterum, in qua mirè defenditur Gratiz victricis necessitas aduersus quicumque liberi arbitrij merita præcedentia, ex illa enim Aduumentini Monachi occasionem turbationis de-*

sumpserunt) *quam secum ad nos suadidisti auulerunt secundum hanc fidem intelligere, vt neque negetis Dei gratiam: neque liberum arbitrium sic defendatis, vt à Dei gratia separetis, tanquam sine illa, vel cogitare aliquid, vel agere secundum Deum vlla ratione possimus, quod omnino non possumus.* Sanè, si aliqui fuissent in eo Monasterio, qui admittentes Gratiz victricis necessitatem, liberum hominis negassent arbitrium, addere debuisset Augustinus, *Vt neque negetis liberum arbitrium.* Quod cum non addiderit, signum est, neminem in eo Monasterio liberum arbitrium negasse. Ideoque error, in quo nonnulli Monachi versabantur, tantum in eo consistebat, quod Gratiz præuenientis necessitatem ad quodcumque pietatis opus pernegabant, quod nemo ignorat ad Semipelagianismum pertinere.

Vtcrius id ipsum suaderi potest ex eodem Augustino lib. 2. retractationum cap. 66. vbi inquit. *Propter eos, qui cum defenditur Dei Gratia putantes negari liberum arbitrium, sic ipsi defendunt liberum arbitrium, vt negent Dei gratiam, afferentes eam secundum merita nostra dari, scripsi librum, cui titulus est, De Gratia, & Libero arbitrio. Ad eos autem scripsi Monachos Aduumentinos in quorum Monasterio de hac re caperas esse contentio. Ex quibus verbis colligitur, quod error, qui versabatur in illo Monasterio in eo consistebat, quod aliqui putantes ex gratia victrice libertatem euerti, sic libertatem arbitrij defendebant, vt Gratiz victricis necessitatem reijcerent. Quod totum pertinet ad Semipelagianismum ab Augustino confu-*

futatum in præfato libro de Gratia, & libero arbitrio. Procul ergo erat ab illo Monasterio error Prædestinarianorum, qui admittentes Gratiz victricis necessitatem, liberum hominis arbitrium pernegabant. Quamvis aliter ex falsa relatione fuerit Augustino suppositum.

Sed obijcies, Augustinus in epistola 46. toties allegata non solum dicit sibi fuisse relatum, quod in Monasterio Adrumentino, aliqui admittentes Gratiz victricis necessitatem, negabant hominis esse liberum arbitrium, sed etiam assertiuè dixit, aliquos ibi in hoc errore fuisse, quod falsæ relationi non videtur adscribendum. Igitur in illo Monasterio error Prædestinarianorum de interitu libertatis ex positione gratiz victricis exortus fuit. Verba enim Augustini sic habent, ibi: *Sed quoniam sunt quidam, qui sic gratiam Dei defendunt, ut negent hominis liberum arbitrium, aut quando gratia defenditur, negari existiment liberum arbitrium; Hinc aliquid scribere ad vestram charitatem Valensine Frater, & cæteris, qui simul Deo seruitis compellente mutua charitate curavi.* Ecce S. Augustinus assertiuè profert aliquos ibi fuisse, qui defendentes Dei gratiam, negabant liberum hominis arbitrium, quod utique pertinet ad errorem Prædestinarianorum.

Respondetur propter hanc auctoritatem sententiam Patris Sirmondi non esse omninò improbabilem, ut diximus in initio. Ex ipsa tamen non conuincitur intentum. Tum quia propositio D. Augustini est disiunctiua, ad cuius veritatem sufficit,

ut vna pars sit vera. Tum etiam, quia ipsa disiunctio hæsitacionem Augustini demonstrat circa errorem, qui versabatur in Monasterio, utique causatam ex relatione Cresconij, & Felicis, quam deindè fallacem fuisse cognouit; ideoque non monuit in illa epistola Monachos, qui defendebant Dei gratiam, ut non negarent liberum arbitrium: sed monuit alios, qui putantes ex gratia victrice liberum arbitrium euerti, sic defendebant liberum arbitrium, ut negarent necessitatem Gratiz victricis, ut suprà ponderauimus.

Vindicato Monasterio Adrumentino ab erroribus Prædestinarianorum, operosius requirendum est, an alij fuerint in quinto Sæculo expressè nominati tanquam Sectatores dictorum errorum.

Equidem reor post non modicam diligentiam in peruoluendis antiquorum libris, non alium à me fuisse reperiunt expressè nominatum tanquàm hæreseos Prædestinarianæ Sectatorem in quinto Sæculo, præterquam Lucidum Presbyterum.

Quod autem Lucidus Presbyter Prædestinarianis erroribus adhæserit est adèd manifestum, ut nonnisi ingenti impudentia videatur id posse negari. Extat enim Concilium Arelatense III. In quo damnatis Prædestinarianorum erroribus, Fausto Riensi demandata fuit à Patribus illius Concilij cura inducendi Lucidum Presbyterum ad illos retractandos. Ideoque Faustus in executionem mandati scripsit Lucido Presbytero epistolam sequentis tenoris.

Domino deumtissimo, & mihi speciali

ciali affectu venerando, & suscipiendo
Fratri Lucido Presbytero. Faustus.

Grandis charitas parum cauti fratris
errorem per Dei adiutorium, & gratiam
magis velle curare, quam, sicut Summi
Antistites meditantur, à bonitate sus-
pendere. Quid possum de hoc sensu si-
cut vis cum unanimitate tua per litte-
ras loqui, cum te praesens multa, &
blanda, & humili allocutione nunquam
potuerim ad viam unitatis attrahere.
Loquentes ergo de Gratia Dei, & obe-
dientia hominis id omni modo statuere
debeamus, ut neque proni in sinistram,
neque importuni in dexteram, regiam
magis gradiamur viam. Illud autem
venerationem tuam dixisse miratus sum,
quod nullus unquam sub religiosa pro-
fessione contra Catholicam Fidem, vel
scripserit, vel predicauerit, cum pluri-
mi multiplices, & prophanos Authores
suorum etiam Scriptorum monumentis
crediderunt inferendos, qui tamen
Christiano nomine gloriabantur. Bre-
uiter ergo dicam quantum cum absente
loqui possum, quid sentire cum Catho-
lica Ecclesia debeat, id est.

1. Ut cum gratia Domini opera-
tionem Baptizati famuli semper adiun-
gat, & eum, qui praedestinationem clau-
so labore hominum asserit, cum Pelagij
dogmate detesteris.

2. Anathema ergo illi, qui inter
reliquas Pelagij impietates hominem sine
peccato nasci, & per solum laborem
posse saluari damnamus praesumptione,
contenderit, & qui eum sine gratia Dei
liberari posse crediderit.

3. Item anathema illi, qui homi-
nem cum fidei confessione solemniter
baptizatum, & asserentem Catholicam
fidem, & postmodum per diuersa oble-

taimenta prolapsus in Adam, & per
originale peccatum periisse asseruerit.

4. Item Anathema illi, qui per
Dei praesentiam in mortem deprimi ho-
minem dixerit.

5. Item Anathema illi, qui dixe-
rit illum, qui periit, non accepisse, ut
saluus esse possit, id est de baptizato, vel
de illius aetatis pagano, qui credere po-
tuit, & noluit.

6. Item Anathema illi, qui dixe-
rit, quod vas contumeliae non possit as-
surgere, ut sit vas in honorem.

7. Item Anathema illi, qui dixe-
rit, quod Christus non pro omnibus mor-
tuis sit, nec omnes homines saluos esse
velit.

Post pauca subdit. Nos autem per
illuminationem Christi veraciter, &
confidenter asserimus, & eum qui periit
per culpam, saluum esse potuisse per gra-
tiam, si Gratia ipsius famulatu laboris
obedientiam non negasset; & eum,
qui per gratiam ad bonae consumationis
metas seruitio obsequente peruenit, ca-
dere per desidiam, & perire potuisse
per culpam. Nos ergo per medium
Christo Duce gradientes post Gratiam,
sine qua nihil sumus, laborem laboriosa
seruitutis asserimus: sed omnimodo ar-
rogantiam, & praesumptionem laboris
excludimus, ut totis viribus desudan-
tes, ne gratia in nobis euacuetur, quid-
quid de manu Domini susceperimus do-
num pronunciemus esse, non pretium,
scientes laboris ipsius fructum, officij rem
esse non meritum, cum Euangelista dicen-
tes: Serui inutiles sumus.

Denique concludit. Huius autem
Epistola exemplar mecum retineo in
Conuentu Sanctorum Antistitum pro-
ferendum. Quam si suscipiendam puta-
uerit

ueris Fraternitas tua, aut subscriptam manu propria mox remittat, aut sequentibus scriptis omnino se improbasse respondet. Quod si eam subscriptam (ut dixi) transmittere nolueris, aperit adhuc te in errore persistere ipso silentio comprobabis: ac proinde necessitatem mihi facies ad personam tuam publicis Conuentibus exponendam. Et ideo secundum hac, qua à me sunt dicta rescribe, utrum ea remotis circumscriptionibus, aut cognoscas, aut respuas.

Relecta, & subscripta fuit hæc epistola non solum à Fausto, sed etiam à decem Episcopis Concilij Arelatensis. Qui sunt. Auxianus, Paulus, Eutropius, Pragmatius, Patiens, Euphronius, Megetius, Claudius, Leucadius, & Iulianus.

Hac epistola recepta, Lucidus suos errores retractauit, non solum addendo epistolæ Fausti suam subscriptionem, sed etiam respondendo per aliam epistolam præfatis Episcopis directam, hoc tenore verborum.

Dominis Beatissimis in Christo Reuerendis Patribus Leontio, Euphronio, Frentino, Vincentio, Mamerio, Patienti, Vitiano, Auxanio, Fausto, Megetio, Paulo, Grosco, Eutropio, Basilio, Leontio, Claudio, Leucadio, Pragmatio, Marcello, Præceptato, Iuliano, Amicali, Ioanni, Opilioni, Licinio, Vincentio, Theoplasto Episcopis. Lucidus.

Correctio vestra salus publica, & sententia vestra medicina est. Unde & ego summum remedium duco, ut præteritos errores accusando excusam, & satisfactura mea confessione diluam.

Proinde iuxta prædicandi recentia Statuta Concilij, damno vobiscum sensum illum, qui dicit.

1. *Humana obedientia laborem Divina Gratie non esse iungendum.*

2. *Qui dicit, post primi hominis lapsum ex toto arbitrium voluntatis extititum.*

3. *Qui dicit, quod Christus, & Salvator noster mortem, non pro omnium salute suscepit.*

4. *Qui dicit, quod præscientia Dei hominem compellat ad mortem, vel quod cum Dei voluntate pereant, qui perirent.*

5. *Qui dicit, quod post acceptum legitime Baptismum in Adam moriatur, quicumque deliquerit.*

6. *Qui dicit, ab Adam usque ad Christum nullos ex Gentibus per primam Dei gratiam, id est per legem naturæ in aduentu Christi fuisse salvatos, eo quod liberum arbitrium in primo Parente perdidissent.*

7. *Qui dicit, Patriarchas, & Prophetas, vel Summos quescunque Sanctos etiam ante Redemptionis tempora intra Paradisum deguisse. Hac omnia quasi impia, & sacrilegia repleta condemnatio.*

9. *Ista autem assero Gratiæ Dei, ut annisum hominis, & conatum gratia semper adiungam, & libertatem voluntatis humanæ non extititum, sed attenuatam, & infirmam esse pronunciam, & periclitari eum, qui saluus est, & eum, qui perijt, potuisse saluari.*

10. *Christum etiam Dominum, & Salvatorem nostrum, quantum pertinet ad divitias bonitatis suæ, pretium meritis pro omnibus obtulisse, & quia nullum perire velit, qui est Salvator omnium maxime fidelium, divit in omnibus, qui invocant illum.*

11. *Asserere etiam per rationem, &*

ordinem seculorum; alios lege Grazia; alios lege Moyfi, alios lege naturæ, quam Deus in corde hominum scripsit, in spe aduentus Christi fuisse saluatores: tamen ab initio Mundi ab originali nexu, nisi intercessione Sacri Sanguinis, non absolutos.

12. *Profiteor etiam aternos ignes, & infernales flammæ fallis, capitalibus preparatas: quia perseverantes humanas culpas merito sequitur Diuina sententia, quam in se incurrunt, qui hæc in toto corde non crediderint. Orate pro me Domini Sancti, & Apostolici Patres.*

Concilium Arelatense III. celebratum Anno Domini 475. contra Hæreticos Prædestinatianos, ut habetur in titulo eiusdem Concilij, cum epistola Synodica Fausti ad Lucidum, necnon retractatoria Lucidi ad Patres Concilij, habetur apud Labbe tom. 5. Concil. à pag. 1042.

Ex his autem clarè conuincitur, quod hæresis prædestinatiana non est fabulosum inuentum, & quod non fuit solum per iniuriam attributa fidelibus D. Augustini Sectatoribus, ac si veniret in consequentiam ex vera sententia Sancti Patris in materia Prædestinationis, & Gratiz. Quia tunc non tantum Lucido de mandato Concilij intimata fuisset retractatio illorum Dogmatum, sed & omnibus Augustini discipulis. Imò nullatenus talis retractatio exigetur. Quia iniustum esset exigere retractationem aliquorum dogmatum ab iis, qui talia dogmata auersantur. Si ergo signanter à Lucido exigebatur retractatio dogmatum prædestinatianorum, & ipse confessus est, &

non negauit, quod illis erroribus detinebatur, quos, ut effugeret damnationem Concilij, retractauit ad Faustum admonitionem, pro manifesto relinquitur, quod in hæresim Prædestinatianorum inciderat. Qua ergo fronte negari potest hanc hæresim in quinto Sæculo extitisse?

Paragraphus Quartus.

Reijciuntur Aduersariorum excogitata ad auctoritatem Concilij Arelatensis conuellendam.

MAlè torquentur ex prædictis Aduersarij, & præsertim Mauguinus tom. 2. cap. 7. & ex ipso Contensonius ubi supra allegatus: & ne cogantur fateri veritatem, dicunt, Concilium Arelatense III. nunquam fuisse celebratum, sed esse merè supposititium. Id probare contendunt.

Primò. Quia nullus Catholicus Orthodoxus, nullus posteriorum seculorum Pater, nullus alicuius nominis Theologus, præter suspectissimæ fidei Hincmarum, & Faustum Semipelagianarum partium caput, Concilij præfati vel tenuissimam egere memoriam.

Secundò. Quia nulla extant huius Concilij acta ab Ecclesia recepta, & inter vera Concilia recensita.

Tertiò. Quia non conuenit inter Assertores illius Concilij de tempore, quo fuit celebratum. Nam Hincmarus iussu Cælestini celebratum narrat anno 432. Faustus, & alij sub Leon-

Leotio ann. 475. Baronius ann. 490. Binius anno 524. Habertus sub Auxonio anno 545. Quæ testium discordia recens commentum, inquirunt, non obscurè demonstrat.

Deinde admissio, quod Arelatis eoactus fuerit ille Conuentus Episcoporum, attamen dicunt, quod non fuerit verè Concilium, sed Semipelagianorum Conuenticulum directum à Faustio Semipelagianorum Coriphæo: Ideoque mirum non est, quod in illo Conuentu conficta Prædestinationarianorum hæresis damnata fuerit, ad detrahendum sententiæ Diui Augustini: hac enim arte fingendi polebat Faustus, quem Salsidorus *lib. de uiris illustribus, cap. 14.* virum profundæ calliditatis appellat, & Cardinalis Baronius versipellem vulpeculam.

Denique, quod nulla fides adhibenda sit epistolæ Faustii ad Lucidum pluribus argumentis probare conantur. Primum, quia illa epistola tanquam annexa opusculis Faustii ad Leontium damnata fuit in Concilio Romano sub Gelasio Papa, ut habetur, *cap. Sancta Romana, dist. 16.* Ibi enim sine distinctione damnantur opuscula Faustii, consequenter etiam epistola iisdem opusculis affixa.

Secundo. Quia etiam subscriptiones Episcoporum commentitiæ sunt additæ dictæ epistolæ: quandoquidem ut notat Canisius *tom. 5. Antiquarum Lectionum* in vetusto Codice manuscripto reperto in Monasterio Sancti Galli, non decem Patres Orthodoxi, sed solus Faustus inuenitur subscriptus, quod etiam in Hincmari Codice notauit Pater Sirmondus.

Tertio. Quia illa epistola, etiam si fuisset subscripta ab illis Episcopis, attamen suspecta redditur ex defectu subscriptionis Leontij, qui utpote Arelatensis Archiepiscopus Concilio præsidere debuisset: ideoque primo loco debuisset subscribere, quod in nullo Codice factum deprehenditur.

Quarto. Quia etiam si subscriptiones Episcoporum sustinerentur, quia tamen non fuerunt factæ in ipso Concilio, sed in alio priuato congressu eorundem Episcoporum pro dedicanda Basilica, nullum robur accipiunt ab eodem Concilio: ideoque epistola Faustii Synodica reputanda non est.

Quinto. Quia qualitercumque admissa celebratione præfati Concilij, cum Prouinciale Concilium fuerit, nulla gaudet infallibilitate. Imo ad ipsum non pertinebat definitio controuersiarum Fidei. Harum enim causarum resolutio, utpote de numero maiorum ad Apostolicam Sedem referenda est, ex *cap. Maruer, de Baptismo, & eius effectu.*

Sexto tandem. Quia tam in epistola Faustii ad Lucidum, quam in retractatoria Lucidi ad Patres Concilij notantur errores Catholice doctrinæ dissoni, de quibus in sequenti §.

Verum huiusmodi nebulæ faciliè dissipantur, splendore veritatis clarius affulgente.

Quamobrem ad ea, quæ afferuntur ad probandam supposititiam esse Concilij Arelatensis III. celebrationem. Respondetur ad primum cum Cellotio *libro 11. cap. 15. Historia Gotescalchi*, dicendo illud esse argumentum negatiuum, quod nihil

concludit. Addere libet cum Narali Alexandro vbi supra, certum esse Leontium Arelatensem Gallicanas Synodos quotannis celebrasse ex Hilarij Pontificis mandato, quod habetur in epistola Hilarij ad Episcopos Prouinciatarum Viennensis, Lugdunensis, vtriusque Narbonensis, & Alpium Penninarum. Ibi. *Per annos itaque singulos ex Prouincijs, quibus potuerit congregari, habeatur Episcopale Concilium, ut ut opportunis locis, atque temporibus secundum dispositionem Fratris, & Coepiscopi nostri Leontij, cui sollicitudinem in congregandis Fratribus delegauimus, Metropolitanas per litteras eius admonitis celebretur.* Et tamen de Concilijs quotannis celebratis instante Leontio Arelateri Archiepiscopo non habetur memoria, præterquam de isto Arelatensi, & sequenti Lugdunensi: non ergo mirum quod succedentiũ sæculorum Patres non meminerint illius Concilij, quia nempe in scrinijs delitescbat obliuioni traditum. In posterioribus verò sæculis, rei veritate comperta, Concilium illud celebratum fuisse, testatur Baronius 10, 6. ad annum 490. Sirmondus in *Concilijs Gallicanis*, Binius, tom. 2. *Conc. par.* 1. Labbe tom. 3. pag. 1041. Quibus proculdubio maior fides deberur, quam Mauguino, qui nullo probationis subsidio fultus inuerecundè negat, quidquid sibi non arridet. Ad dicitur etiam ex Norisio lib. 2. *Historia Pelagiana cap. 15. versus finem*: neminem sibi persuadere posse tantos dolos de Fausto, qui coram vniuersis Galliarum Episcopis tantorum mendaciorum architectum se sistere non

extimuerit. Quo animo Leontio Metropolitæ doctissimo Sedis Apostolicæ Delegato pro congregandis Gallicanis Synodis imponere ausus fuerit Arelatensis Synodi celebrationem, quasi de remotissimis Asiæ rebus perscriberet, non verò de ijs, quæ in nobilissima Vrbe nudiustertius gesta fuerant? Post hæc argumentũ retorqueo, & quidem insolubiler in Authorem. Fatetur Mauguinnus Faustum epistolam ad Lucidum cõscripsisse de mandato confictio Concilij, eamque epistolam publici Iurii factam fuisse non negabit: aliàs enim Faustus frustra pro intento deterrendi fideles à sequela Diui Augustini, quod ipsi affingit, elaborasset. Det igitur Catholicum aliquem orrhorum illius sæculi, det Patrem, det Theologum, qui Fausti calliditatem & confictionem in illa epistola denudauerit. Et quod maius est, det Episcopum, qui de falsificatione suæ subscriptionis à Fausto epistolæ appositæ conquestus fuerit. Profectò neminem istorum dabit: & inde tamen non inferet epistolam Fausti non fuisse conscripam de mandato confictio Concilij. Pariter ergo negare non poterit sine rubore frontis celebratũ fuisse reuera Concilium illud Arelatense, quamuts nullus alius illius, aut posterioris sæculi Pater de eo mentionem fecerit, præter Faustum. Eo præsertim, quod omnium præfatorum taciturnitas circa Fausti epistolam, pro consensu de celebratione Concilij haberi potest: nam qui tacet, quando loqui deberet, proculdubio consentire viderur.

Ad secundum respondetur, quod plu-

plurium Conciliorum acta desiderantur: quia vel fuerunt deperdita, vel adhuc latent in scrinijs; & tamen nemo negat Concilia fuisse celebrata, dum id constat per alia monumenta, sicuti de celebratione Arelaten. Cōcilij cōstat ex epistola Fausti ad Lucidū, & ad Leontiū, quæ habetur in præfationi opusculorum Fausti, quod ita incipit. *Quod pro sollicitudine Pastoralis Beati Papa Leonis in condemnando Prædestinationis errore Cōcilio Summorum Antistitum congregatis, uniuersæ Galliarum Ecclesiæ præstiteris, &c.* Habetur hæc præfatio apud Labbè vbi supra. Neque pro eleuanda auctoritate competente Concilij Provincialibus satis est, quod non fuerint approbata per Sedem Apostolicam: ad eam enim eleuandam exigetur, quod à Sede Apostolica essent reprobata, vt de innumeris Concilij Provincialibus constat. Cum igitur Concilium Arelatense, etsi Provinciale à Sede Apostolica reprobatum non fuerit, remanet in suo robore.

Ad tertium respondetur. Quod Chronologiam concordare circa plura facta præsertim antiqua, est res difficillima: & quod Authores in ea supputanda non omnino conueniant circa aliquod factum, nullatenus conuincit illud non euenisse. Discordant enim graues Authores etiam circa annum, quo Christus passus est. Quo non obstante nec etiam Ethnici negabunt Christum passum fuisse: quâvis ergo discrepent Authores in anno præciso, quo celebratum fuit Concilium Arelatense, perperam indè inferunt Concilium illud esse supposititium.

Ad secundum caput, quo Concilium Arelatense proscribitur tanquā Semipelagianorum Conuenticulum. Respondetur cum Norisio vbi supra, quod sine testibus hæc iniuria doctissimis & sapientissimis Patribus iniuritur, quos ferme omnes magnæ famæ Antistites fuisse testatur Baronius ad annum 490. pag. 447. Ideoque non sine temeritate crederetur, quod passi fuerint se cuiuscumque fraudibus circumueniri. Profectò nullus cordati sensus susterre poterit, quod Leontius Archiepiscopus Arelaten-sis, & Sedis Apostolicæ Delegatus pro congregandis Gallicanis Concilij vti Semipelagianus, vel Semipelagiani Concilij promotus petulanti criminatione traducatur.

Nec obstat quod Faustus dictus fuerit profundæ calliditatis vir, versipellis vulpecula. Hæc enim attributa non adaptantur, nisi ei, qui dum malè agit odit lucem, hoc est; qui suos dolos, & fraudes abscondere studiosè laborat. Nunc autem Faustus si vera essent, quæ ipsi Maugui-nus imponit, tantum abest, quod appellandus esset callida vulpecula, quin potius stolidi iumenti appellationem meruisset. Quando quidè sua crimina nulla tergiuersatione excusanda toti Mundo propalasset, ob quæ tamquā mendax & falsarius debita pœna puniri debuisset. Quamobrem vt epistolæ Fausti, & subinde attestationsi de celebratione Concilij Arelaten-sis omnimoda fides concilietur, non est necesse, vt Fausti virtutes (quidquid sit de doctrina in eius opusculis contenta) attollantur ad sydera, satis enim est ad intentum, quod habe-

retur, ut callida vulpecula, cum quo nullatenus cohæret, quod sua crimina impudenter prodiderit.

Hic tamen omittendum non est, quod Fausti mores (quidquid sit de præfatorum opusculorum doctrina) ita commendabiles fuerunt apud antiquitatem, ut Sanctus habitus fuerit. Et quidem Baronius ad annum 490. tom. 6. existimavit Faustum imprudenter Sanctum inscribi. Sed in Appendice ad tom. 10. se retractat per hæc verba. *At verò ex postea cognitis & adductis, rursus ad iudicium ipsum reuocandum, haud existimamus indignum, cum tamen de eius scriptis immòtè maneant sententia Patrum. Quod enim usque ad hæc tempora nostra eundem Faustum continuit inter Sanctos Martyrologium Gallicanum, à quo ipsum Molanus potius expunxit: quod etiam, ut accepimus Ecclesia Regiensis in Gallia; ubi ipse sedet Antistes semper eum ut Sanctum coluerit, celebrant eius natalem decima septima Ianuarij, ibique in eius memoriam antiquius erecta Basilica eius nominis titulo insignita, hætenus eius cultus à fidelibus frequenter. Quodque tot sæculis Christiano Orbe spectante, Ecclesia Romana tacente, nemine penitus (quod sciatur) contradicente ista eidem Fausto exhibita intelligantur: opinari non prohibemur de eodem Fausto accipere potuisse (quod de multis viris Sanctis asseritur) quod delinquens errauerit, cum questio illa fuerit autoritate Sedis Apostolica definita, & eius opinio aliorum Patrum sententia condemnata, ipse suum errorem fuerit scriptis contrarijs desectis, quæ potuerint, ut alia quamplurima perisse, vel ipsum*

ante suorum scriptorum factam ab Ecclesia damnationem diem obisse (incertus est enim eius obitus annus) habentem in animo in his sequi, quod sequendum doceret Ecclesia. Ita quidem ipsum compositum animo fuisse, alijsque innotuisse, inde facile potest intelligi, quod semper, (ut indicant acta Conciliorum Arelanensis, & Lugdunensis superius recitata) communicationem habuit cum sanctissimis orthodoxis Galliarum Episcopis. Maneant igitur Fausto integra iura sua, nec ex nostris scriptis sentiat præiudicium: neque privato iudicio nouitati liceat conuellere antiquitatem. Ideo Bollandus titulo Sancti ipsum insigniuit tom. 2. ad diem 16. Ianuarij, agens ibi de S. Fausto Episcopo Reicensi, sequutus auctoritatem Claudij Roberti in Gallia Christiana, Suafanij in supplemento Martyrologij Gallicani, Petri de Natalibus lib. 2. cap. 91. Vincentij Barralis Salerni in Chronologia Herinensi, & aliorum. Quamobrem, qui Faustum mores ita sugillant, ut ipsum tanquam mendacem, falsarium, atque calumniatorem infimulent, potius increpandi videntur, quam audiendi.

Postremo capite, quo epistola Fausti pluribus titulis dilaceratur, minus nihilo concluditur.

Primum enim, quod ibi asseritur contra talem epistolam, nempe quod damnata fuerit in Synodo Romana, sine vlla hesitatione negatur. Opuscula enim Faustum damnata fuerunt, utpotè, quia in eis Semipelagianos errores inferuit, arrepta occasione ex mandato, quod habuit à Leontio impugnandi latius errores Prædestina-

tatio-

tianorum, cuius mandati fines excessit. Quæ quidem opuscula nullatenus subscripta fuerunt à Patribus Concilij: quia fuerunt composita à Fausto non modico tēpore post Concilij dissolutionem; sicuti & magnitudo voluminis exigebat. Sola igitur epistola subscripta fuit à Patribus Concilij, & solitariè sumpta nullatenus damnata, cum nihil erroris contineat: & ideo eam tanquam Catholicam laudauit etiam Pater Ioannes Maria Brasichellenfis Magister Sacri Palatii in Indice expurgatorio Romano in tom. 4. *Biblioth. Patrum*, & Eminentissimus Baronius hanc epistolam reiectis opusculis suo operi atrexit ad annum 490. tom. 6. pag. mihi 446. ut de reliquis *Fausti scriptis* (inquit) *pretiosum a vili seernat*. Quod ergo pretiosum censetur à Baronio, damnatum reputabimus à Gelasio? Non tamen negamus Faustum callidè se gessisse in eo, quod suam epistolam Patrum subscriptione munitam suis opusculis affixit, ut aliquam auctoritatem eisdem conciliaret: sed ex hoc non sequitur, quod epistola longè ante conscripta, & subscripta ab Episcopis, nondum dissoluto Atelatenfi Concilio, sit pars eorumdem Conciliorum: quia & cuilibet ea legenti constare potest, quod nullam habeat relationē ad opuscula, nec ipsa de se sit opusculum, & propterea, dum damnantur opuscula, indamnata epistola remanet.

Ad secundum respondetur. Codicem epistolæ Fausti repertum à Canisio in Monasterio S. Galli non esse regulam cæterorum; si in illo non reperiuntur subscriptiones Patrum

Concilij, reperiuntur in alijs, ut testatur idem Canisius, & leguntur apud Labbe ubi supra, & apud Baronium loco mox relato. Addimus cum Norisio, potuisse contingere, quod Faustus epistolam à se solo subscriptam miserit ad Lucidum, & ex tūc exemplaria transumpta fuerunt, ex quibus Codex allegatus à Canisio processerit. Postea verò, habita Lucidi retractione, ut ipsius celebrior euaderet emendatio, curauit, ut in illorum Patrum conuentu vnà cum illis memoratæ epistolæ subscriberet in alio folio utique exaratæ, in quo Faustus secundo loco apparet subscriptus, & ex huius exemplari transumpti sunt Codices, qui communiter habentur.

Ad tertium respondetur. Quod epistola non est Concilium, sed solum quædam Concilij appendix. Ideoque ad illius auctoritatem roborandam, non erat necessè quod omnes subscriberent. Subscriberunt forte, qui simul aderant, alijs prætermisissis tanquam non necessarijs. Ad contestandam enim Lucidi retractionem sufficiebat aliquorum Episcoporum præsentia, & non requirebatur subscriptio. Addimus, quod Leontius Concilij Præses, erat veluti Iudex, cui contestanda erat sincera Lucidi retractatio, quæ primò innotuit per illam epistolam quatenus ab ipso Lucido subscripta fuit. Ad ludicem autem retractionis chyrographum subscribere minimè spectat.

Ad quartum respondetur. Quod, ut subscriptiones decem Episcoporum habeant vigorem attestandi veritatem,

tem, non est necessè, quod roborentur à Concilio. Siquidem etiam extra Concilium in ore duorum, vel trium stat omne verbum. Nihil ergo interest pro authentica comprobatione contentorum in epistola Faustii, quod illa fuerit subscripta in Aula Concilij, vel alibi post Concilium. Siquidem, ut sibi vendicat fidem, satis est, quod decem Episcopi illi subscripserint, quocumque tempore, vel quocumque loco id contigerit. Et nihilominus negari nequit illam epistolam esse Synodicam, nam de mandato Concilij scripta fuit, & uti mandato conformis recognita fuit à Patribus ipsiusmet Concilij.

Ad quintum respondetur, eà ratione tantum probari, quod non sit infallibile infallibilitate Fidei, quod hæresis Prædestinariana extiterit. Cæterum si in aliquo legitimo Concilio Prouinciali damnentur aliqui errores quis negare potest, esse moraliter certum illos errores apud aliquos viguisse? Id solum deduci contendimus ex celebratione Concilij Arelatensis, & nihil aliud. Ideoque non facit ad rem, de qua agimus, quod definitiones Conciliorum Prouincialium infallibilitate non gaudeant, quod libenter fatemur.

Ad illud, quod additur de maioribus causis non resoluendis in Conciliis Prouincialibus, sed referendis ad Sedem Apostolicam. Respondetur cum Cardinali Bellarmino, *tom. 2. lib. 2. cap. 10.* quod omnis regula suas patitur exceptiones. Nunc igitur quod Concilia Prouincialia, iudicare non possint de rebus Fidei, potest dupliciter intelligi. Primò de rebus Fidei

secundum se, & in abstracto, ut cum quæritur. An hoc, vel illud dicere sit hæreticū. Altero modo in cōcreto, seu in ordine ad aliquem hominem de hæresi accusatū, seu denūciatū, ut cum quæritur. An hic homo inciderit in hæresim ab Ecclesia damnatā. Quamuis ergò Concilia Prouincialia non possint iudicare de rebus Fidei primo modo, quia dogmata Fidei constituere pertinet ad Sedem Apostolicam; Tamen bene possunt iudicare, an aliquis inciderit in hæresim manifestam, quemadmodum ad hunc finem collectum fuit Concilium Aqueleense tempore Ambrosij, ubi definitum fuit Palladium quemdam verum esse Arij discipulum, & ita etiam Concilium Arelatense potuit definire, quod Lucidus esset Hæreticus Prædestinarianus.

Præterea possunt etiam Concilia Prouincialia censere de rebus fidei secundum se, quando res est facilis, & in qua ferè omnes Doctores conveniunt, quomodo Concilium Antiochenum olim indicavit de hæresi Pauli Samosetani apud Eusebium, *lib. 7. Historiæ cap. 24.* conuenerunt enim vndique Episcopi non tamquam ad rem dubiam, sed tamquam ad manifestum lupum de ouili Christi eiciendum. Et ita etiam Concilium Arelatense iudicavit de hæresi prædestinariana, non tamquam de re dubia, & obscura, sed tamquam de certa, & satis perua, sicuti valde modica discussione opus est, ut dignoscatur esse contra fidem, hanc propositionem, videlicet. *In homine post peccatum liberū arbitrium remansit extinctum, &c.*

Vterius additur. Posse etiam Con-

Concilia Prouincialia definire dogmata verè dubia, & eorum decreta esse firma, si id faciant ex commissione Apostolica, vt fecerunt Patres Concilij Arauxicani II. Toletani I. tempore Leonis I. & Synodi Complutensis tempore Sixti IV. &c. Vel saltem si decisionem suam mittant ad Romanum Pontificem, & ab eo confirmationem accipiant, quo modo constat factum esse in Concilijs Mileuitano, & Chartaginensi ex Augustino *epist.* 90. 91. 92. & 93. Imò vt addit idem Bellarminus credibile est nullum Concilium Prouinciale definisse aliquid de fide sine approbatione Apostolicæ Sedis, & propterea credibile est, quod & definitiones Concilij Arelatenfis fuerint approbatæ ab Apostolica Sede.

Quod autem Concilia Prouincialia non expresse confirmata faciant argumentum adeò probabile, vt temerarium sit ei non acquiescere, planum est: Primò, quia in septima Synodo *act.* 3. & in octaua Synodo *act.* ultimo *Can. 1.* honorantur Synodi locales, & suscipiuntur, nec fit mentio ibi confirmatorum, vel non confirmatorum. Secundò. Quia si aliquot Sancti Patres casu in eandem sententiam conuenientes faciunt argumentum probabile, quantò magis triginta, vel quadraginta Episcopi simul conuenientes, & inuocato Spiritu sancto aliquid communi consensu statuunt sub correctione tamen, & iudicio supremo, & infallibili Sedis Apostolicæ, ad quam solam Diuino immutabili priuilegio spectat de controuersijs fidei iudicare. Videatur Cano de locis *lib. 5. cap. 4. conclus. 6.*

vbi id confirmat ex Innocent. *cap. de quibus dist. 20.* & etiam confirmari potest, ex *cap. Ad abolendam extra de hæreticis.*

Ad vltimum, quo epistola Fausti ad Lucidum, & Lucidi ad Patres Concilij de erroribus infamantur responditur in *§. sequenti.* Hic autem addendum est Concilium Lugdunenfe celebratum eodem anno, quo celebratum est Concilium Arelatenfe, anno scilicet 475. in quo idem iudicium latum est de Prædestinatio- rum erroribus, vt refert P. Labbe *tom. 5. Concilior. pag. 1045.* Pro itorum autem maiori intelligentia, sunt duæ incidentes digressiones.

Prima Digressio incidens.

De Propositione illa,

Ad solam Sedem Apostolicam Diuino immutabili priuilegio spectat de controuersijs Fidei iudicare.

Diximus ad solam Sedem Apostolicam diuino immutabili priuilegio spectare de controuersijs Fidei iudicare. Id autem qua ratione verum sit, explicandum est.

Igitur pro intelligentia obseruandum, quod nomine Sedis Apostolicæ intelligendus est Papa, & quidem Papa, vel solitariè sumptus in sua Romana Curia præcluso Concilio, quod vel sua præsentia fouet, vel per Legatos à se instructos dirigit, vel tan-

sandem sua approbatione confirmat; Tunc enim Constitutiones Concilij possunt denominari à Papa, & illius nomine promulgari. Fagnanus *ad cap. Anigonus. de pactis à num. 35.* Non autem per Sedem Apostolicam potest intelligi Concilium etiam legitime congregatum præfata Papæ præsentia & directione & instructione, & confirmatione. Qua ratione sanctiones tunc à Concilio constitutas non debere promulgari nomine Papæ, quia non intelliguntur ab ipso originatæ, bene dicit Abbas *ad idem cap. Anigonus. notab. ult. & ad cap. x. de Sponsal. num. 5.*

Præterea obseruandum, quod iudicium de controuersijs fidei potest dupliciter haberi. Primò, ita quod iudicium sit omninò infallibile, cui fallum subesse non possit, ideoque non sit inreformabile. Secundò, ita quod iudicium fallibile sit, falsitati-que subiectum, & propterea reformari queat, & reuocari.

His præmissis de præfata propositione: *Ad solam Sedem Apostolicam Diuino immutabili privilegio spectat de controuersijs fidei iudicare*, in aliquo sensu falsè esse reor, & censuræ graui subiiciendam in aliò verò sensu propositionem illam verissimam esse, & Catholicam, ab omni censura prorsus immunem.

Prima pars huius asserti explicatur, & simul probatur. Nam potest illa propositio facere hunc sensum. Ad solam Sedem Apostolicam, hoc est, ad solum Papam solitariè sumptū, & nullo modo ad Papam cumulatue cum Concilio, vel ad totum Concilium perfectum, & integrum, vt

potè constantem ex capite, & membris pertinet de iure Diuino iudicare de controuersijs Fidei. In hoc sensu dicta propositio nedum est falsa, sed etiam insipiens, itaò temeraria, & hæretica. Tunc enim inferretur, quod Papa solum solitariè sumptus, hoc est sine Concilio, non posset errare, adiuncto verò Concilio posset errare, quo nihil absurdius. Nullum tamen Authorem in hanc dementiā incidisse puto, vt in dicto sensu propositionem illam protulerit.

Deindè potest dicta propositio habere alium sensum, nempe istum, Ad solam Sedem Apostolicam, hoc est, ad solum Papam, siue solitariè sumptum, siue cumulatue cum Concilio modis suprà explicatis de iure Diuino spectat, iudicare de controuersijs Fidei, subintelligendo pro exceptionis expositione, & verificatione, hanc vniuersalem negatiuam, videlicet. Nullo modo id pertinet ad Concilium generale legitime congregatum, destitutum tamen præsentia, & instructione Papæ, & antecederet ad illius approbationem, & multò minus ad Concilia Prouincialia, & Diocesana sub præsentia Metropolitanorum, vel Episcoporum. Et prosequè dicta propositio, quatenus implicat illam vniuersalem negatiuam est absolute falsa, & graui censura digna; falsum quippè est, & à nemine Theologorum admissum, quod iudicare de controuersijs Fidei, non pertineat aliquo modo ad Concilia generalia legitime congregata, etiam si destituta præsentia, & instructione Papæ: secus huiusmodi Concilia sæpè sæpius prædicto modo celebrata proprios limi-

limites excessissent, formando decreta definitiua in materia Fidei, vti præsertim factum fuit in Concilio Tridentino, vbi licet præsiderent Legati Papæ, non tamen fuerunt ab ipso antecederet instrudi, vt obseruat Cardinalis Bellarminus de *Concil. auctorit. lib. 2. cap. 11. §. nota duo*, & idem obseruauerat Melchior Canus de *locis Theol. lib. 5. cap. 5. §. At contra vari*, cui omninò credendum est, cum Concilio interfuerit.

Quamuis igitur definitionibus Conciliorum generalium prædicto modo celebratorum ante obtentam approbationem, seu confirmationem Apostolicam non competat infallibilitas, cui falsum subesse non possit: ideoque in eo statu inter fidei dogmata adscribendæ non sint; Attamen negari non potest, quod consentientibus præsertim omnibus Patribus in Concilio adunatis tanta probabilitate gaudeant, vt qui ab illis dissentirent, temeritatis notam incurrerent. Id enim admittit, & probat Bellarminus etiam de definitionibus emanatis à Concilio Prouinciali *loci cit. cap. 10. §. finali*, subindè à fortiori id erit concedendum definitionibus emanatis à Concilio generali.

Cotterum Concilij Prouincialibus, & Dicecesanis non est tanta facultas sine circumscriptione concedenda obstante *cap. Maiores de Baptismo*, alijsque iuribus, quæ latè congerit Gonzalez Tellez in *3. lib. Decretalium tit. 42. cap. 3. num. 1.* Ibi enim maiores causas, & præsertim articulos Fidei contingentes referendas esse ad Petri Sedem decernitur. Et ita controuersia Fidei, quæ defini-

tur in *dicto cap. Maiores* ad Innocentium III. relata fuit ab Archiepiscopo Arelatensi. Nihilominus, quod etiam Concilia Prouincialia, & Dicecesana procedere possint ad controuersias Fidei dirimendas in duobus casibus docet Bellarminus, *vbi suprà cap. 10.* Primus casus est, quando res est facilis, & in qua omnes ferè Doctores conueniunt, vt factum fuit in Concilio Antiocheno apud Eusebium *lib. 7. Historia cap. 24.* Secundus casus est, quando interuenit specialis commissio Sedis Apostolicæ, tunc enim certissimum est, Concilia particularia procedere posse, & debere ad decidenda dogmata etiam difficilia, & obscura, vt fecerunt Patres Concilij Arauxicani II. Toletani I. & Synodi Complutensis tempore Sixti IV. Tertius casus addi posset, vt si facilis recursus ad Sedem Apostolicam haberi non posset, & periculum esset in mora, vt si noua, & expressa hæresis fuscitaretur apud Indos, negari enim non posse videtur, quod ad impediendâ illius dilatacionem, quàm citissimè refellenda esset definitione Conciliorum Prouincialium, siuè Dicecesanorum, confirmanda postmodum à Sede Apostolica, *Argum. ex cap. vbi non est, de dispensatione impuberum.*

Definitio autem in dictis casibus edita à Concilio Prouinciali, siuè Dicecesano, infallibilitate non gaudet: ideoque falsum ei pro eo statu citrà approbationem Sedis Apostolicæ, subesse potest; sicut & multoties in similibus Conciliorum definitionibus falsitatis vitium irrepsisse compertum est. Quapropter per Sanctam

Sedem prouidè statutum est, vt acta huiusmodi Conciliorum Prouincialium, antequam per promulgationem robur habeant obligandi, ad ipsam remittantur, ab eadem examinanda, corrigenda, vel approbanda. Fagnan. *ad cap. firmiter de Summa Trinitate, & Fide Cathol. num. 48.* vbi quod Sanctus Carolus ita seruauit in suis Concilijs Mediolanensibus; & quod ita seruatum fuit multoties, nedum in posterioribus seculis, sed etiam in antiquis, signanter à Gallis, refert Thomassinus. in suo opere de antiqua, & noua Ecclesie disciplina *par. 4. lib. 2. cap. 82.*

Propositio igitur, de qua agimus, intellecta in sensu exceptiuo explicato, ita quod neget etiam in dictis casibus facultatem Concilij Prouincialibus, vel Dioecesanis definiendi res Fidei, est sine dubio falsa, & etiam temeraria censi potest. Imò videtur aduersari Sacris Canonibus, nam *cap. Ad abolendam extrà de heret. excommunicantur omnes illi, qui iudicantur hæretici ab Ecclesia Romana, vel à Concilio Prouinciali, vel à Dioecesano.*

Secunda verò pars nostri principalis asserti explicatur, & simul probatur. Potest enim dicta propositio habere hunc sensum congruum, & legitimum videlicet. Ad solam Sedem Apostolicam, id est, ad solum Papam, & solitarie sumptum sine Concilio, & extrà Concilium, & cumulatim in Concilijs, modis suprà explicatis, Diuino immutabili priuilegio pertinet iudicare de controuersijs Fidei, iudicio infallibili, & irreformabili. In hoc sensu dicta propo-

positio verissima est, & planè Catholica: ex eaque sequitur, quod neque Concilium generale sine personali Pontificis præsidentia, aut ipsius instructione per Legatos transmissa, & præuie ad confirmationem Apostolicam, habere possit infallibilitatem in definiendis controuersijs Fidei: ac subinde neque Prouinciale, neque Dioecesanum eam infallibilitatem habere possunt. Omnia enim ista Concilia errare possunt, sicut & de facto multoties errarunt, vt patet per Bellarminum de Concilijs *lib. 1. cap. 5.* indeque clare infertur, quod in Fidei definitionibus, non Papa Concilio, sed Concilium Papæ subijci-

gitur. Igitur Propositio illa. *Ad solam Sedem Apostolicam*, id est, ad solum Papam Diuino immutabili priuilegio spectat, de controuersijs Fidei iudicare, in hoc ultimo sensu à nobis explicato accepta, verissima est, nec in mentem sani Theologi venire potest, quod sit aliqua censura digna; Primò, quia Summo Pontifici defert priuilegium infallibilitatis in definiendo extrà Concilium. Secundò. Quia hoc priuilegium illi defertur, siue in Concilio, siue extrà Concilium priuatiue quoad alios. Tertiò. Quia negatur Episcopis in propria Sede, vel adunatis in Concilio Prouinciali. Quartò denique. Quia denegatur Episcopis adunatis etiam in Concilio generali legitime congregato, sed sine Papæ præsentia, & instructione per Legatos transmissa, & præuie ad ipsius confirmationem. Et hoc pacto, propositio illa. *Ad solam Sedem Apostolicam Diuino immutabili priuile-*

gio spectat de controuersis Fidei indicare, admittenda est, nec vlla censura notari potest, itaut nec etiam falsa, nec temeraria, nisi per summam iniuriam dici possit; nam cum temeritas in proposito consistat in singularitate doctrinæ communi Theologorum, sententiæ oppositæ, nota temeritatis applicari non potest prædictæ propositioni, quæ sub secundo, & tertio titulo ab omnibus Theologis nemine excepto defenditur, & sub primo, & quarto titulo, exceptis paucis, à reliquis Theologis sustinetur, vel tanquam de Fide, vel tanquam conclusio ex principijs Fidei euidenter illata.

Secunda Digressio incidens.

An Summus Pontifex independentè à processibus, Informationibus, & Consultorum consultationibus ex sola suprema potestate Pontificia, qua pollet, possit res Fidei definire.

AD quæstionem respondendum est affirmatiue, scilicet Summum Pontificem independentè à processibus, informationibus, & Doctorum consultationibus, ex sola suprema potestate Pontificia, qua pollet, posse res Fidei definire.

Primo quidè ex illis verbis Matth. 16. *Ego dico tibi, quia tu es Petrus, & super hanc petram ædificabo Ecclesiam meam, & tibi dabo clauēs Regni Cæ-*

lorum. Et Ioann. 21. *Pasce oues meas.* Et Lucæ 22. *Ego rogavi pro te Petre, ut non deficiat fides tua, & tu aliquando cōuersus confirma fratres tuos.* Cum enim in his locis concedatur Petro, & Successoribus summa, & suprema potestas in Ecclesia, ad determinandum ea, quæ pertinent ad Fidem, & mores, priuatiuè, & independentè ab omni alia diligentia humana, non videtur limitanda, & coarctanda solum, & dumtaxat ad ea, quæ determinauerit medijs processibus, informationibus, & consultationibus Doctorum. Præsertim, quia dictiones *Tu, Tibi, Te*, sæpius repetitæ in dictis locis sunt *personalissima*, & *demonstratiua ad oculum*, vt per Stephanum Gratianum in *Decisionibus Marchi decis. 51. num. 28.* Rota *decis. 101. num. 3.* & 8. *par. 5. recent.* habet Barbosa in *tract. de dictionibus dist. 411.* Vndè possumus dicere, quod supponunt priuatiuè, & denotant solitudinem, ac proindè, quod ex illis eliciatur posse Papam se solo, vt dicta potestate, seclusa omni diligentia per alios exhibenda.

Secundò. Quia ex illis locis inferunt Theologi posse Papam determinare negotia Fidei, & morum sine consultatione Cardinalium, aut Episcoporum; pari ergò ratione colligi potest, posse id facere sine consultatione, aut consilio cuiuscumque alterius.

Tertiò. Quia id videtur colligi ex aliquibus epithetis, seu cognominibus Summi Pontificis. Vocatur enim *Papa*, idest, Pater Patrum, *Glossa*, verbo *Papa* in *principio Clementin.* quia scilicet est omnino independent in suo

*munere à filijs. Dicitur Pastor ouilis Domini, similiter ad denotandum, quod nullatenus ab ouibus dependeat, sicut nec Pastor ab illis aliquid accipit. Sol quoque vocatur, quia est solus in potestate, & quia non accipit lumen, nisi à solo Deo, sicut Sol non accipit illud ab alijs astris, sed solum etiam à Deo. Vnde ad intentum Hugo de Sâcto Victore *serm. 64. de SS. Petro, & Paulo*, inquit: *Petrus Soli comparatur, quia cura Pastoralis soli Petro data est. Et Pius V. in Constitutione Regnans, ait, Christus Sanctam Ecclesiam vni soli Petro tradidit gubernandam.**

Quartò. Quia si Pontifex non posset id facere, nisi dependenter à præfata diligentia, sequeretur potestatem ipsius non esse absolutam, sed solum conditionatam, utpote dependentem à dicta conditione, quod valde derogat summæ ipsius authoritatis: nam authoritas, seu facultas conditionata est imperfecta in suo genere, cum conditione non subsistente, ipsa maneat suspensa, expectans euentum conditionis, *l. cadere diem, ff. de verbor. signific. Menoch. consil. 63. à num. 18. Surdus consil. 186. num. 32.*

Quintò. Quia tota Ecclesia supponit Papam habere in huiusmodi rebus eam potestatem, quam habuit Christus, siquidem est ipsius Generalissimus Vicarius, *cap. inter corporalia, cap. quanto, cap. licet de translat. Episcop.* adeò quod Papæ, & Christi dicatur esse vnum Tribunal, & Consistorium, ut notant Doctores *in cap. 1. & 3. de translat. Episcop.* & Papæ iudicium cæleste arbitrium appella-

tur *in l. 1. in fine, cap. de Summa Trinit. & Fide Cathol.* Et quidquid facit, ab ore Dei dicitur procedere, ut post plures Doctores ratiocinatur Rota *in Forosempronensi, & Eugubina, seu nullius Emphyteusis 16. Iunij 1636. coram Coccino.* Queinadmodum ergò Christus potuit, & potest res Fidei determinare, nulla diligentia supposita, sic & Papa.

Sextò. Quia si non posset id facere, nisi dependenter à dictis informationibus, processibus, & consultationibus, cum illæ sint fallibiles, & possit in illis contingere error, seu mendacium ex ignorantia, seu malitia hominum, utique non essemus certi verbi gratia de Beatitudine Canonizatorum, præsertim si aliquis sciret miracula, & historias ipsorum esse falsa, aut non fuisse bene comprobata. Ut ergò huiusmodi scrupulis obuietur, credi debet authoritatem à Deo concessam Papæ esse independentem à prædictis diligentis, ita ut, ipsis etiam non subsistentibus, iudicium ipsius circa res fidei sit infallibile.

Septimò denique. Quia propter similes rationes aliqui Theologi fatentur, quod si Papa definiat aliquid de fide, omissa diligentia, quæ communiter fieri solet, nihilominus protegente Deo suam Ecclesiam, Papa non definit, vel si definiat, verum pronuntiabit. Quod tenet expressè Ludouicus Caspensis Cæsaraugustanus in cursu Theologico *tom. 2. tract. 15. disp. 2. sect. 6. num. 68.* hoc autem applicari æqua lance potest ad canonizationem Sanctorum: cum in ipsa Papa definiat, dicit enini diffinimus, & de-

& declaramus N. Sanctum, vel Beatum esse.

Nec dici potest Papæ autoritatem non esse illi concessam ad vsum imprudentem, & temerarium, qualis esset diffinire aliquid sine præuia diligentia, & consultatione; non enim esset vsus temerarius, aut imprudens, quando id faceret Papa, ex aliqua prudenti ratione suum animum mouente, vel ex inspiratione Dei, aut postulato eius auxilio, media oratione.

Ex his consequitur, veritates Fidei Ecclesiæ propositas à Summo Pontifice ex Cathedra loquente, nullo modo dependere, quoad credibilitatem ab aliqua fidelium acceptatione, ita ut statim, ac proponuntur, quilibet Fidelis obligetur ex fide assentiri: Nam eo ipso, quod eo modo Ecclesiæ proponuntur à Summo Pontifice, iam constat à Deo esse reuelatas, ac proinde Diuina Fide credendas. Quia propter Inquisitionem Hispanicam in suo decreto edito anno 1683. inter alias propositiones, quas censura notauit, Propositionem hanc: *Papa in decidendis articulis, qui pertinent ad Fidem, non est infallibilis, absque consensu Ecclesiæ.* Dixit erroneam esse, & hæresi proximam. Et istam:

Concilium est supra Papam, erroneam dixit, & Schismaticam.



Paragraphus Quintus.

Defenditur à calumnijs aduersariorum Catholica doctrina epistolarum Fausti, & Lucidi.

L Abesectare contendunt Aduersarij iuniores doctrinam expretellam in præfatis epistolis, ac si vndique Semipelagianorum erroribus scaterent. Signanter Contentonius, vbi suprâ respondendo ad quintam obiectionem ait, epistolam Fausti ad Lucidum purum putum Semipelagianismum spirare. Lucidum autem in sua epistola ad Patres Concilij nefariam Fausti doctrinam adorare, & de mysterijs prædestinationis, & gratiæ à Catholicis abscondere, ad Semipelagianos consonè edisserere: ita protulit Contentonius nimis Mauguino fidens, modestius vtiq; loquuturus, si aduertisset apud Baronium epistolam Fausti ad Lucidum appellari prætiosam.

Ego verò ingenuè fateor, quod post accuratam perferutationem Anathematismatum contentorum in dictis epistolis, nihil prorsus deprehendi, quod non sit apprimè consonum Sacris Ecclesiæ definitionibus ab omnibus Catholicis venerandis; Quod, vt liquidò constet, aliquorum obiectiones afferre cogimur ad illas diluendas.

Prima obiectio est ad tertiū Anathematismatum Epistolæ Fausti, vbi dicitur. *Anathema illi, qui hominem cum fidei confessione solemniter bapti-*

ratum, & asserentem Catholicam Fidem, & postmodum, per diuersa oblectamenta prolapsus in Adam, & originale peccatum, perijisse, asseruit. Quo Anathematismo, vel damnatur error eorum, qui dicunt in Baptismo peccatum originale non remitti. Vel opinio D. Augustini, quæ docet peccatum originale esse causam, vel motiuum reprobationis in omnibus, etiam in ijs, quibus est remissum. Primum non damnatur, quia in eo Lueidus non errabat. Damnatur ergo secundum, ac propterea sententia Catholica D. Augustini Anathemate configitur, quod saltem est temerarium.

Secunda obiectio est ad illa verba eiusdem epistolæ post anathematismos, vbi dicitur. *Eum, qui perijt per culpam: saluum esse potuisse per gratiam, si gratia ipsius famulatus laboris obedientiam non negasset.* Hæc enim verba gratiam nobis famulari designant, quo non obscure indicatur Semipelagianorum error, qui, vt Sanctus Augustinus sensit, gratiam veluti pedissequam faciebant bonis liberi arbitrij conatibus. Igitur ab errore Semipelagianorum epistola Fausti liberari non potest.

Tertia obiectio est ad sextum Anathematismum Epistolæ Lucidi, vbi damnatur, qui dicit. *Ab Adam vsque ad Christum nullos ex gentibus per primam Dei gratiam, idest per legem naturæ in aduentum Christi fuisse saluatos, eo quod liberum arbitrium in primo homine perdidit.* Quibus verbis Pelagianorum error involuitur, nam prima Dei gratia asseritur esse lex naturæ præcisè sumpta, vt impiè censet Pelagius.

Quarta denique obiectio est ad plures alias propositiones damnatas per epistolam Lucidi, quæ quidem propositiones possunt exponi in bono, & malo sensu; in bono autem sensu acceptæ sunt conformes doctrinæ Dni Augustini. Cum igitur Faustus, vt potè Semipelagianus doctrinam Augustini detestaretur, suspicari quis potest, quod Lucidus induxerit ad damnandas illas propositiones in sensu Catholico D. Augustini, ex quo eadem propositiones graui censuræ redderentur obnoxie.

Harum obiectioinum futilitas optimè constabit sola eorundem Anathematismorum ponderatione in sequentibus responsionibus.

Ad primam ergo obiectioem, respondetur eam esse penitus insubsistentem. Anathematismus enim, cui applicatur, nullatenus imperit Doctrinam S. Augustini de peccato originali, quod sit causa reprobationis omnium reproborum, & eorum quibus peccatū originale fuit remissum. Quandoquidem propositio illo anathemate confixa nō loquitur de causa, vel motiuo reprobationis ordine intentionis, in quo sententia Augustini defendi potest, sed loquitur de causa damnationis in executione. Loquitur enim de actu pereuntibus. Perire autem est damnari, & eo quis perit, ex quo damnatur. Et eo quis damnatur, de quo æternum puniatur. Cum igitur peccatum originale in ijs, quibus est remissum nullatenus puniri possit, aliàs non esset remissum, sequitur esse omninò impossibile, quod ille, cui originale est remissum, in originali peccato pereat, seu

seu puniatur, vel damnetur propter peccatum originale, & qui oppositum adstruit tenetur etiam asserere, quod peccatum originale in reprobis non remittatur per Baptismum, quæ est hæresis Caluini damnata per Concilium Tridentinum *Sess. 5. Can. 5.* In hoc igitur sensu Calvinistico propositio anathemate confixa intelligenda est, quia sic verba sonant. Ideoque obiectio penitus exufflatur. Quomodo autem cohereat cum eo, quod ille, cui peccatum originale est remissum, attamen ordine intentionis reprobari potuerit à Deo ex motiuo peccati originalis, ut de facto sentit Augustinus, & cum eo docti Theologi, non pertinet ad præsens discutere. Videri potest P. Lemos *tom. 2. Panoplia Gratia tract. 4. cap. 11. & seq. Godoj par. 1. tom. 2. tract. 8. disp. 69. §. 6. Gonettus eadem par. 1. q. 23. disp. 5. art. 3. Norisius in vin dicijs Augustinianis §. 10.* qui dictam coherentiam exponunt, & egregie defendunt.

Ad secundam respondetur. Obiectionem illam omnino insubistentem esse, & nullo prorsus fundamento niti: immò contra eam clamare verba ipsa Fauſti, & Lucidi in illorum Epistolis contenta, nam ex simplici Fauſti, & Lucidi Epistolarum inspectione planè oppositum eius, quod opponitur, apparet. Animaduertendum igitur à Patribus Concilij Arelatenſis negotium illud Fauſto demandatum fuisse, ut Lucidum ab erroribus præfatis reuocaret, ipsumque de Catholica veritate intrueret. Id autem præstitit Fauſtus per laudatam epistolam, quam, antequam ad

Lucidum transmitteretur, Patres Concilij perlegisse, ac probasse dicendum est; sicut & eandem subscripserunt. Quomodo ergò fieri potuit, ut in ea epistola, qua Fauſtus Lucidum ab erroribus reuocare iussus erat, in alios errores induceret, uti cum induxisset, Semipelagianorum, si verus esset sensus, quem obijciens vult esse verborum Fauſti? Et quomodo fieri potuit, ut Patres Concilij errorem in illius verbis non aduertissent, aut non improbassent? Ipsum igitur factum contra insulsam obiectionem clamat, eamque irrationabilem denunciat. Sed & ipsa verba tam Fauſti, quam Lucidi in eorum epistolis contenta contra obijcientem clamant oppositum planè ipsos pronunciaſſe, eius, quod obijciens prætendit. Nam Fauſtus in sua ad Lucidum Epistola antequam verba illa proferat, quæ obijciens opponit, scilicet (*Nos autem per illuminationem Christi & gratiam, & confidenter asserimus, & cum, qui perijt per culpam, saluum esse potuisse per gratiam, si gratia ipsius famulatus, laboris obedientiam non negasset*) ante, inquam, hæc verba, alia illa præmiserat Fauſtus, nempe illa. (*Breuitè dicam quid sentire cum Catholica Ecclesia debeat, id est, primò, ut cum gratia Domini operationem Baptizati famuli semper adiungat, & cum, qui prædeterminationem clauso labore hominum asserit, cum Pelagij dogmate detesteris*) & postmodum hæc addit. *Nos ergà per mediũ Christo Duce, gradiemur post gratiam, sine qua nihil sumus, laborem laboriosa seruituti asserimus, sed omnimodo arrogantiam, & presumptionem laboris excludimus, ut totis vir-*

vibus defudantes, ne gratia in nobis euacuetur, quia quia de manu Domini suscepimus, donum pronunciamus esse, non praeitum, scientes laboris ipsius fructum officii rem esse non meriti, cum Evangelistae dicentes, Servi inuiles sumus.) Hæc Faustus. Quibus concinit Lucidus errores suos damnans, inter quos illum damnat, quo dixerat. *Humane obedientia laborem Diuinæ gratiæ non esse iungendum.* Deinde sic ait. *Affero gratiam Dei, et annisum hominis, & conatum, gratia semper adiungam.)*

Ex his animaduertat obiciens expositionem ab eo verbis Fausti datam esse omnino præposteram, & absurdam, ac voluntariam, immo repugnantem ipsi Textui, & verbis epistolæ. Nam ante obiecta verba alia illa pronunciat Faustus dicens, *secum gratia Domini operationem baptizati famuli semper adiungat.)* En Faustus Lucidum instruens, dicit, cum Catholica Ecclesia sentiendo, adiungendam esse cum gratia Domini operationem baptizati famuli. Certe, qui dicit adiungendam esse cum gratia Domini operationem baptizati famuli, non facit gratiam pedissequam liberi arbitrij, sed facit liberum arbitrium pedissequum gratiæ: nam qui adiungit cum gratia operationem, supponit gratiam antecedere, & præire; quod enim alicui, vel cum aliquo adiungitur, non præcedit id, cui adiungitur, sed illud subsequitur, ut ex ipsis terminis patet. Sed clarissime idem affirmat Faustus in verbis posterioribus, cum subdit: *(Nos ergo per medium Christo duce, gradientes post gratiam &c.)* En Faustus apertissi-

mè dicit, nos gradientes esse debere post gratiam. Igitur Faustus non facit gratiam pedissequam liberi arbitrij, sed liberum arbitrium facit pedissequum gratiæ, cum dicat gradientes esse post gratiam; Quid clarius dici potuit, ut ostenderet gratiam non sequi liberum arbitrium, sed liberum arbitrium sequi gratiam? Iuxta hæc Lucidus, ut ostenderet se suos errores damnare ad Faustii instructionem, in sua epistola illum errorem damnat, quo dixerat, Humane obedientiæ laborem Diuinæ gratiæ iungendum; oppositum ergo Lucidus amplectitur, scilicet, humane obedientiæ laborem esse Diuinæ gratiæ adiungendum; ergo iuxta Faustii instructionem, Lucidus profitetur liberum arbitrium debere obedire gratiæ, & laborem obedientiæ, gratiæ iungendum esse: quod profecto est profiteri, quod liberum arbitrium sequatur gratiam, & non gratia liberum arbitrium. Et hoc idem important alia eiusdem Lucidi verba, quæ sequuntur, scilicet illa (*Affero gratiam Dei, ut annisum hominis, & conatum, gratia semper adiungam*) ut enim diximus, quod adiungitur alteri, non præcedit id, cui adiungitur, sed illud subsequitur; Cum ergo Lucidus asserat annisum hominis, & conatum, esse gratiæ adiungendum, non vult gratiam, esse pedissequam arbitrij, sed vult arbitrium esse pedissequum gratiæ; & id supponitur à Lucido contineri in Epistola ad ipsum à Faustio transmissa, nam iuxta illam Lucidus suos retrahat errores. Sed & in ipsis Lucidi verbis ab obiciente allatis, hæc veritas apparet: nam di-

cit Faustus, *cum qui perijt per culpam, saluum esse potuisse per gratiam*, si gratia ipsius famulatus laboris obedientiam non negasset. Certum est enim, quod qui dicit, gratiæ famulatus non negandum esse obedientiæ laborem, dicit per laborem obediendum esse famulatus gratiæ, ac proinde asserit, famulatum gratiæ præire, & præcedere: nam huiusmodi obedientiam laboris non esse negandam dicit, qui enim obedit, non antecedit, sed subsequitur. Fieri autem non potuit, ut Faustus in eadem epistola, immò in eadem pagina sibi contradiceret, & simul contradiçtoria scriberet, quod scilicet gratia præiret labori hominis, & eadem gratia laborem hominis subsequeretur: id enim ignoranter dictum fuisset, vel inconsideratè, quorum nullum certum est in Fausto fuisse. Quare nomine famulatus gratiæ Faustus intelligit non seruitutem gratiæ, ut perperam affirmat obijcens, sed nomine famulatus gratiæ, intelligit adiutorium, & auxilium, seu opem ipsius gratiæ, ut aliquando, & eleganter sumitur verbum *famulus*; Vndè Claudianus de bello Ger. ait:

A Magno Stilicone caue, qui semper in quos.

Fortuna famulante premit.

Fortuna famulante, id est, fortuna adiuuante, ut explicat Passaratus in suo Calepino. in verbo *famulus*. Patet igitur nullius esse momenti obiectionem illam, nulloque fundamento niti, & sensum Fausti verbis ab opponente datum eiusdem Fausti verbis omninò repugnare.

Ad tertiam obiectionem, respon-

detur: Quod cum ibi prima gratia lex naturæ vocatur, non intelligi debet lex naturæ solitariè sumpta, sed spectata cum gratia, quæ ex futuro Christi aduentu in eam redundabat; quod denotatur per illa verba statim adiecta, scilicet *In Aduentum Christi*, quæ cum prioribus coniungenda sunt sine interiectione virgulæ, quo pacto redditur sensus perspicuus ad nostrum intentum. Quod omninò consonum est sensui Lucidi paulò post affirmantis num. 11. *Per rationem, & ordinem sæculorum, alios lege gratia, alios lege Moyse, alios lege natura, quomodo Deus in cordibus hominum scripsit in spe aduentus Christi fuisse saluos, tamen ab initio Adund: ab originali nexu, nisi intercessione sacri sanguinis non absolutos.* Neque prætermittendum est, quod præfata obiectio est ineptissima. Quandoquidè ibi Pelagianorum errorem adnotat, ubi prorsus excluditur, Pelagius enim idè primam gratiam constituit in lege, atque doctrina: quia vires liberi arbitrij adè extollit, ut putet sine alia gratia interiori superaddita, illas esse sufficentes ad actus salutes. Propositio autem, cui obiectio applicatur, idè ponit nullos ex gentibus ante Christum per legem naturæ fuisse saluos, quia liberum arbitrium in primo homine perdiderunt, hoc est quia per peccatum originale liberum arbitrium ad quodcumque bonum est insufficiens. Cum hoc enim coherere non potest, quod liberum arbitrium, per solam legem, & doctrinam sufficiens sit ad actus proficuos ad salutem.

Ad quartam obiectionem respondeo, quod etiam propositiones Euan-

gelicæ in prauo sensu intellectæ pos-
sunt esse hæreticæ, sicut quod dixit
Christus Ioannis 10. *Pater maior me
est*, si intelligatur de Christo quoad
Diuinitatē hæreticum, & Arianū est.
Sic etiā aliqua propositio, quæ appar-
eat quodāmodo erronea, in aliquo sen-
su exposita potest esse Catholica. Si-
cuti ista, *Christus non semper fuit*, in-
dicat hæresim Arij, & tamen, si ex-
ponatur quoad humanitatem, est
Catholica. Itaque mirū non est,
quod propositiones damnatæ per epi-
istolā Lucidi possint explicari in recto,
& in prauo sensu, quod est verissimum.

Prima enim propositio, qua di-
citur, *laborem humanum non esse gra-
tie iungendum*, si sic intelligatur,
quod labor humanus ex viribus na-
turæ profectus nihil valeat ad gratiā
promerendam, scū tali labore pe-
tendo, quærendo, pulsando nullatenus
posse hominem se præparare, &
disponere ad primam gratiam, Dog-
ma Catholicum est, & oppositum est
Semipelagianum in Synodo Arauxi-
cana II. *Canone 6.* damnatum.
Si verò sic intelligatur, quod gratia
accepta, non debeamus illi liberè
cooperari laborando per actus saluta-
res, & meritorios procedentes à li-
bero arbitrio adiuto per gratiam, hæ-
retica est, & damnata per Concilium
Tridentinum *Sess. 6. cap. 5. & Can. 4.*
& ab Apostolo reprobata 2. *ad Cor.*
cap. 6. ibi: *Hortamur vos ne in vacuum
gratiam Dei recipiatis, &c.*

Secunda propositio, qua dicitur,
*post primum hominis lapsum ex toto ar-
bitrium extinctum*, sic intellecta, vt ad
bonum supernaturale faciendum sine
gratia penitus extinctum sit, Catho-

lica est, vtpotè coincidens cum eo,
quod scripsit Augustinus in *Epistola*
107. ad Vitalicum, inquit, *Liberum
arbitrium ad diligendum Deum primi
peccati granditate perdidimus*. Verū
sic intellecta, vt liberum arbitrium,
etiam excitatum, & adiutum per gra-
tiam, nihil cooperetur assentiendo
Deo vocanti, & excitanti; nec possit
dissentire, sed merè passiuè se habeat,
sitque res de solo titulo, vel titulus
sine re. Est hæretica, & damnata per
Tridentinum *Sess. 6. Can. 4. & 5.*

Tertia propositio, qua dicitur,
*Christum non esse mortuum pro omni-
bus*, sic intellecta, quod omnes mor-
tis Christi fructum non recipiant,
scilicet illi, qui sine fide, & sine rege-
nerationis lauaero decedunt, verissi-
ma est, & Catholica, expressa per
Tridentinum *Sess. 6. cap. 3.* & firma-
ta à D. Prospero in *responsione ad 92
obiectionem Gallorum, & ad primam
Vincentianam*. Eo verò sensu intel-
lecta, quod Christus non pro omni-
bus mortuus sit, quia sanguinem
suum nō pro omnibus fuderit, neque
pro omnibus salutis remedia præpa-
rauerit, exposuerit, vel obtulerit, im-
pia est, & detestabilis.

Quarta propositio, qua dicitur,
*Præscientiam Dei violenter homines
compellere ad mortem, & cum eius vo-
luntate perire, qui pereunt*, si sic intel-
ligatur, quod Deus compellat impios
ad pœnam æternam subeundam, sup-
posita culpa nunquam deleta per pœ-
nitentiam, ideoque voluntate Dei
æternū puniri Catholica est, & à
Christo asserta Matthæi 25. *Ite male-
dicti in ignem æternum, qui parati
estis Diabolo, & Angelis eius*. At intel-
le-

lecta in eo sensu, quo Deus, ut homines puniat, cogat illos in peccata rueret, & quod ideo peccent, quia Deus vult illos damnare, est Dogma peruersum contra illud *Osee cap. 13. Perditio tua ex te*, ideoque damnatum in Tridentino *Sess. 6. Can. 17.*

Quinta propositio, qua dicitur. *Post acceptum legitimè Baptismum in Adam mortui quicumque deliquerit*, eo sensu exposita, quod in renatis remaneat concupiscentia, & fomes ad peccatum inclinans, deleta originali culpa, ex qua deriuat, Catholica est, ab Augustino sæpius repetita. Cæterum sic intellecta, quod post Baptismum permaneat in renatis, aliquid peccati originalis, quodque ipsa concupiscentia permanens verè peccatum sit, est hæresis damnata in Tridentino *Sess. 5. Can. 5.*

Sexta tandem propositio, qua dicitur, *aliquos esse deputatos ad mortem, & alios ad vitam prædestinatos*, eo sensu intellecta, ut alij ad æternam damnationem deputati sint, ordine quidè intensionis ob peccatum originale præuisi; alij vero ad vitam ita prædestinati, ut eorum electio sit ex Diuina misericordia, ideoque antecedenter ad merita præuisa, sententia est D. Augustini ex Sacris literarum fontibus haurita. Eo verò sensu exposita, quod Deus reprobos ad peccatum propellat, & ex primæua intentione conditi fuerint, non ut vitam consequerentur æternam, sed ut sempiternis cruciatibus torquerentur, est hæretica, scandalosa, & blasphemica.

Sed vnde constet, inquit Adversarij, quod Lucidus illas propositiones propugnaret in prauo sensu, &

subindè, quod Faustus illum induxerit ad eas retractandas in prauo sensu? Respondeo id non minus constare, quàm quod Sol luceat; constat enim, quia Lucidus Prædestinatus erat, quorum hæresis consistebat in prauo sensu illarum Propositionum. Constat, quia si Lucidus præfatas Propositiones propugnasset in recto sensu, & ad mentem Augustini, qui sensus à Fausto non reputaretur Catholicus, non ipse solus Lucidus inducendus erat ad retractationem illarum propositionum, sed quotquot erant fideles D. Augustini discipuli, qui pariter illas Propositiones in recto sensu defendebant. Constat, quia de mandato Patrum Concilij, qui quidem erant doctissimi, atque Sanctissimi, Lucidus illas propositiones reuocauit, & nullus sanæ mentis sibi persuadere potest, quod tot, ac tales Episcopi essent adeò exarcati, ut crederent propositiones ad mentem Augustini expositas esse hæreticas, ideoque retractandas, & configendas. Constat denique, quia Fausti epistola propositiones in sensu Catholico defendit, & in prauo sensu confutat, ideoque ad eas in sensu confutato retractandas Lucidum compellit. Nec mirum, quia licet Faustus Semipelagianus esset, attamen exarando epistolam, non se gessit uti Semipelagianus, quinimò, ut Professor Augustinianæ doctrinæ. Sed etsi dixerimus Faustum, quando scripsit epistolam, nondum fuisse Semipelagianorum erroribus infectum, eiusque peruersionem incepisse, quando scripsit opuscula, quæ poterit nobis aduersari? Nulla quip-

pè est repugnantia in eo, quod talis peruersio contigerit in momento. Vt autem supra obseruauimus Epistola non modico tempore ante opuscula exarata fuit.

Paragraphus Vltimus.

Alia quædam argumenta contra existentiam Hæresis Prædestinatianæ proponuntur, & diluuntur.

VT magis magisque clarescat veritas nostræ Assertionis, quædam alia leuiora argumenta proponenda sunt, & diluenda.

Primum argumentum est. Quia si verè Prædestinatiana hæresis extitisset, in aliquo generali Concilio fuisset proscripta, quod tamen nunquam contigit, quin immò in nullo generali Concilio facta fuit mentio de hæresi Prædestinatiana.

Respondetur, alias etiam hæreses indubiè extitisse, quæ non fuerunt proscriptæ in aliquo generali Concilio. Hæresis Manichæorum indubiè extitit, & in nullo generali Concilio proscribitur, neque de ea sub tali nomine fit mentio. Idem contigit de hæresi Pelagiana, & Semipelagiana, & Melchior Canus *lib. 5. de locis cap. 4. conclus. 4.* obseruat, quod nec etiam Hæreses Priscillianæ, nec Eluidij in aliquo Concilio generali damnatæ fuerunt, sed prima in Concilio Tolerano 1. & posterior in Concilio Telenfi, quæ fuerunt Prouincialia, &

idem etiam obseruat de hæresi Pelagiana damnata in Concilijs Prouincialibus Mileuitano, & Carthaginensi, sicut etiam hæresis Semipelagiana damnata fuit in Concilio Arauxicano 2. quod etiam fuit Prouinciale. Ideò argumentum nihil concludit.

Arguitur secundò. Quod hæresis Prædestinatiana non extiterit, expressè dixit S. Prudentius Trecentis Episcopus in libro contra Ioannem Eriogenam *cap. 4.* ibi: *Tertiam verè hæresim, quam Pelagianis contrariam asseris, quæ ita donum gratiæ prædicetur, ut libertas arbitrij funditus auferatur, nec legimus, nec audiuimus.* Concinit S. Remigius, vel quisquis fuerit Author libri Ecclesiæ Lugdunensis contra eundem Ioannem Eriogenam, nam *cap. 4.* ita fatur. *Secunda hæresis, quam dicit esse gratiæ solus, quæ sit, vel fuerit in Ecclesia, quæ ita prædicauerit, sola Dei gratia hominem saluari, ut liberum hominis negaret, vel destrueret arbitrium, nobis minime compertum est.* Illa autem hæresis, quæ dicitur ab his testibus supposititia, non est alia, quàm Prædestinatiana, vt patet.

Respondetur, quod isti Authores scripserunt in octauo Seculo. Nos autem pro existentia hæresis Prædestinatianæ, quam plures testes attulimus, qui fuerunt Hæreticis Prædestinatianis quinti Sæculi coætanei, quibus de iure magis standum est, quam cæteris, qui post quatuorcentum annos circiter, deinceps scripserunt.

Denique arguitur. Existentia hæresis Prædestinatianæ probatur in so-

lo Lucido Presbytero, non enim alius nominatur, qui in quinto sæculo illam hæresin professus fuerit. Vnus autem error non sufficit ad sectam constituendam, sicut nec vna hirundo facit Ver.

Respondetur, quod semel admisso Lucidum fuisse hæreticum Prædestinarianum, & idcirco coactum retractare talem hæresim per Concilium Arelatense, indubiè fatendum est, quod plures Aseclas, seu Sodales haberet, qui eandem hæresim sectarentur, & propugnarent. Non enim credibile est Concilium fuisse coactum pro reducendo ad veram fidem vno tantum errore. Et Lucidus ipse testando in sua Epistola ad Patres Concilij, quod sui erroris correctio ad publicam salutem pertinebat, utique denotate videtur, quod plures per detestationem eiusdem erroris salutem consequuti fuerint. Vnius enim emendatio potius ad priuatam, quam ad publicam salutem referenda est. Id ipsum confirmatur ex testibus allegatis pro nostra conclusione: dum enim expressam mentionem faciunt huius hæresis in quinto Sæculo, eam pluribus adscribunt, pleno ore eam appellantes hæresim Prædestinarianorum. Et in octavo Sæculo licet vnus tantum sit nominatus hæreticus Prædestinarianus nēpē Gotteschalcus, de quo in sequenti articulo, attamen affirmatur tunc viguisse Prædestinarianorum sectam. Sic enim loquitur Rabanus Maurus in Epistola ad Eberardū Comitem, vbi ipsum rogat, *ut si quis maneret apud ipsum docens, quæ contraria sunt Fidei (predicando nimirum Prædestinarianorum*

errores) prohibeat eum, ut cesset ab hac secta. Quamvis igitur in quinto sæculo vnus tantum sit expressè nominatus eiusdem hæresis sectator, non indè sequitur, quod non tot socios erroris haberit, quot condendæ sectæ pares fuerint. Ideoque in hac parte non consensio Norisio, qui loco supra allegato §. *Iam illius controuersia*, putat Sectatores illius hæresis vix suffecisse ad numerum componendum. Et hæc sufficiant de hoc articulo.

ARTICVLVS SECVNDVS.

Vtrum Hæresis Prædestinariana resuscitata fuerit in nono sæculo per Gotteschalcum.

Implicatio est ista controuersia, quam præcedens. Etenim in ea ferè omnes antiqui Scriptores præsertim illius temporis pro reali existentia hæresis prædestinantiæ testimonium ferunt, & mirum est, quod nonnulli recentiores Iansenij suspicionibus acti, antiquorum auctoritate contempta, in contrariam vertantur sententiam. Ceterum in præsentī cōtrouersia antiqui Authores Gotteschaleo coactanci, immò, & Concilia quædam Prouincialia dissensisse videntur circa Gotteschalei doctrinam, quibusdam illam laudantibus tanquam Catholicam, & Augustinianam, alijs autem eandem reprobantibus tanquam hæreticam Prædestinarianam.

Quod

Quod igitur doctrina Gotteschalci esset Catholica, & Augustiniana existimauit Ecclesia Lugdunensis in libro de tribus Epistolis Sancto Remigio attributo. Sanctus Prudentius Episcopus Tricassinus in libro de Prædestinatione contra Ioannem Scotum Erigenam. Ratramnus Monachus in duobus libris de Prædestinatione Dei, & Lupus Ferrariensis Abbas in libro de tribus quæstionibus ad Regem Carolum Caluum misso. Quos allegatos libros edidit Mauguinus in primo Tomo de Prædestinationis Fabulæ confutatione. Et istis antiquis Patribus subscribit Cornelius Iansenius tom. 1. *in scripto Augustinus &c. lib. 8. cap. 23. §. nihil arbitror.* Quem sequitur Mauguinus tom. 2. *de Prædestinatio fabula confutatione per totum, & Contensonius in Theologia mentis, & cordis tom. 3. dissertat. 3. Appendice unica §. 3. putantes Concilium Valentinum Gotteschalco fauisse.*

Cæterum Gotteschalci doctrinam tanquam hæreticam Prædestinarianam damnarunt Rabanus Maurus Archiepiscopus Moguntinus, Hincmarus Archiepiscopus Remensis, Amolo Archiepiscopus Lugdunensis locis infra referendis, & sine dubio Synodus Moguntina, & Carisiaca. Ideoque, quod Gotteschalchus hæresim Prædestinarianam resuscitauerit in nono sæculo, in quo ipse vivebat, recentiores plerique affirmant, vt Binius in notis ad Concilium Moguntinum, & Carisiacum, Labbe tom. 8. *Concil. pag. 53. Cellostius in libro, quem inscripsit Historia Gotteschalci Prædestinariani, Lu-*

cas Achtros, Ioannes Mabillonius in actis Sanctorum Ordinis Sancti Benedicti par. 2. in præmio art. 2. num. 148. Natalis Alexander Sæculo nono par. 2. dissert. 5. Quorum sententia, vtpotè validioribus, imò inconcussis fundamentis innixa à nobis pro conclusione statuitur.

Paragraphus Primus.

Firmatur apertissimis testimonijs vera sententia asserens Gotteschalcum in nono sæculo Hæresim Prædestinarianam resuscitasse.

PRobatur primò nostra conclusio authoritate Rabani Mauri Archiepiscopi Moguntini, qua nulla maior hac in re desiderari potest; quâdoquidè Rabanus Vertex Theologorum habebatur, teste Baronio ad annum 487. tom. 10. Hic ergò præclarus Antistes certior factus de Gotteschalci erroribus à Nottingo Episcopo opusculum composuit de Prædestinatione, vt præfatos errores confutaret, in cuius opusculi præfatione sic loquitur ad Nottingum. *Nuper quando ad Serenissimum Imperatorem Ludouicum in transitu expeditionis hostilis in Pago Logana venisti, & ibidem mecum locutus de hæresi, quam quidam de prædestinatione Dei iniquè contendunt errantes, & alios in errorem mittentes, sermonem habuisti, conuenit inter nos, vt è Diuinis, & Orthodoxis Patrum sententijs, aliquod opuscu-*
lum

lum conficerem, ad convincendum errorem eorum, qui de Deo bono, & iustitiam nequiter sentiunt, ut dicant, eius prædestinationem facere, ut nec homo ad vitam prædestinatus possit in mortem incidere, nec ad mortem prædestinatus possit ullo modo se ad vitam recuperare. Ecce propriissimus error hæresis prædestinationis, qua ponitur, quod Prædestinatus ad mortem, nullam habeat potentiâ perueniendi ad Gloriam, & prædestinatus ad vitam nullam potentiam retineat ruendi in damnationem, & hanc hæresim propugnabat Gottschalcus, testis Rabano.

Aliud quoque expressius testimonium proferri potest ex eodem Rabano in Epistola ad Eberardum Comitem, ubi inquit. *Quia divulgatum in istis partibus constat, quendam incolam nomine Gottschalcum apud vos manere, qui dogmatizat, quod Prædestinatio Dei omnem hominem ita cōstringat, ut etiam si quis velit saluus fieri, frustra, & in casum laboret, si non est prædestinatus ad vitam, quasi Deus prædestinatione sua cogat homines interire, qui Author est salutis nostræ, non perditionis.* Vbi clarè denotatur hunc incolam, nempe Gottschalcum hominis reprobationem adstruxisse taliter urgentem in damnationem, ut nullam relinqueret in homine potentiam ad æternam salutem. Ex quo de hæresi Prædestinatarum luculentissimè convincebatur.

Probatum secundò, conclusio ex actis contra Gottschalcum in celebri Synodo Moguntina, cui Rabanus præsedebat, habitaque fuit anno Domini 844. ut refert P. Labbe tom. 8.

Concil. pag. 52. Ex illis enim constat, quod in ea Synodo errores Gottschalci examinati fuerunt, ipseque præsens auditus, à Rabano conuictus, prauaque ipsius Dogmata confutata, cumque per hæc non resipisceret, remissus fuit ad Hincmarum Remensem Archiepiscopum, amplius ab eo coercendus, & puniendus, præstito prius iuramento de nunquam redeundo in Germaniæ Regnum. Omnia ista constant apud Labbe loco allegato pag. 53. ubi de eisdem attestatationem Annalium Francorum editorum à Pithæo, & Triterij in Chronico Hirsaugiensis, & Hincmari in Epistola ad Nicolaum I. Pontificem. Et pag. 58. additur etiam attestatio Annalium Bertinianorum ad annum Christi 859. Quibus adijcienda est ex Natali Alexandro, ubi suprà pag. 254. attestatio Auentini in Annalibus Boiorum lib. 4. & Sigeberti in Chronico ad annum 849. ac denique confirmantur ex epistola Synodica, Rabani ad Hincmarum legenda apud Labbe, ubi suprà pag. 53.

Mirum est, quod ex testimonijs adeò perspicuis contrarij Authores non fateantur se remanere conuictos. Effugia quærent, sed facilem exitum non inueniunt. Dicit enim ad hæc Mauguinus cap. 5. *sue dissertationis*, quod Rabanus non poterat esse legitimus Gottschalci iudex, & unica, Cod. ne quis in sua causa iudicet, & cap. inter quærelas 23. qu. 4. Addit cap. 6. quod Conuentus ille Episcoporum apud Moguntiam non fuit Concilium, sed Regium Placitum. Ac tandem dicit, quod Gottschalcus ab hac Synodo potius repulsus fuit,

fuit, quam iudicatus iuxta Annales Fuldenfes, & Flodoardum *lib. 3. hiftoria Ecclefie Remenfis cap. 21*. patetque ex epiftola Synodica Rabani ad Hincmarum.

Hæc tamen pro nihilo funt habenda: nam gratis permiffio, quod in illa Synodo, qualifcumque ea fuerit, Rabanus incompetenti iurifdictione contra Gottefchalcum egerit, attamen, quod non verè Gottefchalcus iudicatus fuerit Hæreticus Prædeftinatus, eminens Rabani fapientia, cæterorumque Epifcoporum præftantia, quemquam sentire non patitur. Indè autè manifèftè deducitur Gottefchalcum reuerà infectum fuiſſe hærefi Prædeftiniana, & non id per impoſturam ei attributum fuiſſe à Rabano, totaque Synodo Moguntina.

Sed non eſſe dubitandum de competenti iurifdictione, qua Synodus Moguntina errore Gottefchalei præſcripſit, eumque damnauit, manifèſtum relinquitur, ex eo, quod ipſemet Gottefchalcus coram Synodo comparuit, eique ſuum librum utique examinandum obtulit: ideoque, ſi non ex alio capite, ſaltem ex ſpontanea ipſiusmet præſentia, et ſubiectione Synodus ius acquiſiuit, ad eum condemnandum, vel abſolendum.

Motiva verò, quæ in contrarium afferuntur à Mauguino ſunt penitus inſubſiſtentia. Quia licet Rabanus aduerſus Gottefchalcum opusculum confeſciſſet, & Gottefchalcus aduerſus Rabanum libellum ſcripſiſſet, attamen, quia cauſa, de qua agebatur pertinebat ad Fidem, non poterat conſiderari, vt

propria Rabani, ſed vt Eccleſiæ communis. Multas quidem contentiones habuit S. Alexander Patriarcha Alexandrinus cum Arrianis: d tamen non obſtitit, quin optimò iure illi hæretici Anathemate conſixi fuerint in Synodo Alexandria, Præſide eodem S. Alexandro.

Nec nouum, imò valdè conſuetum erat priſcis temporibus, quod Epifcopi Prouinciarum ad Regis placitum conuocarentur pro tractandis negotijs Regni, eaque occasione ſimul adunati Antiliſites Synodos Prouinciales celebrarent pro cauſis Eccleſiaſticis definiendis, vt reſert Thomaffinus in opere Gallico, de antiqua, & noua Eccleſiæ diſciplina. *tom. 2. par. 3. lib. 2. cap. 53. & tom. 3. par. 4. lib. 2. cap. 76.*

Quod denique dicitur, Gottefchalcum à Synodo Moguntina repulſum fuiſſe, non damnatum, aduerſatur apertiffimè narrationi geſtorum, quæ Rabanus fideliter deſcripſit in Epiftola Synodica ad Hincmarum. Ibi namque habetur expreſſè, decretum fuiſſe in illa Synodo Gottefchalcum cum pernicioſa ſua doctrina damnatum mittere ad Hincmarum: non ergò prætermiſſa, ſed præmiſſa damnatione repulſus, ſed verius remiſſus ad Hincmarum, ab eo condigna promeritis pœna plectendus, ſi damnatis erroribus pertinaciter adhæſiſſet.

Probatur tertio, eadem conſuſio ex actis contra Gottefchalcum in Synodo Carifiaca, quæ celebrata fuit anno Domini 849. In ea enim Hincmaro Præſide coram duodecim Epifcopis, duobus Corepiſcopis, & pluribus Abbatibus comparuit Gottefchal-

schalcus, iterumque auditus fuit, & eius scripta examinata: & tunc iudicio præfatorum Antistitum de Hæresi Prædestiniana conuictus, & coactus sua scripta igni tradere, tandem damnatus fuit propter hæresim, & alia crimina ad publicam fustigationem, & ad perpetuum carcerem, vitæ potè obstinatè in suo errore perseuerans. Omnia prædicta constant ex epistola Hincmari ad Amolonem Archiepiscopum Lugdunensem, quæ habetur apud Cellotium.

Sententia verò lata in dicta Synodo contra Gotteschalco habetur apud Labbe, ubi supra pag. 57.

Ecce igitur alia Synodus, per quæ Gotteschalcus declaratus fuit, ut hæreticus Prædestinarianus. Siuè autem talis Conuentus dicatur Placitum Regium, siuè verum Prouinciale Concilium, & siuè exceßerint dicti Concilij Patres, siuè non exceßerint in pœna Gotteschalco imposita, parum refert ad nostrum intentum, dummodò in eo conueniatur, quod rationabiliter, non autem per inscientiam, vel per malignitatem hæresis Prædestiniana Gotteschalco attributa fuerit. Quod si quis oppositum audacter assereret, esset ipse damnandus; quia ut miserabilem Monachum liberaret ab errore, tot præstantissimos Episcopos in damnationem Gotteschalci consentientes graui calumnia non vereretur afficere.

Veritas tamen est, quod nec illi Conuentui Carisiaco Synodi præcellentia defuit, non obstante quod ad Regis placitum coactus fuerit, propter supradicta. Et Antistites præfati nullatenus exceßerunt in punitione Got-

teschalci obstinati Hæretici: tantum enim abest, quod pœna in eum statuta scuitiam redolet, quin potius mitis censenda sit. Quia si monetarum tonsoribus grauior pœna debetur, quàm perpetui carceris, cur non etià grauiori supplicio mulcandi sunt Sacrorum Dogmatum corruptores, præsertim lumini rebelles, & obstinati?

Paragraphus Secundus.

Dicta Gotteschalci referuntur, & ex terminis ipsorum conformiter ad mentem Gotteschalci sensus Hæreticus eruitur.

EX actis Conciliorum Moguntinæ, & Carisiaci luculenter quidem apparet Gotteschalco, ut Hæreticum Prædestinarianum habitum, & damnatum fuisse: nihilominus quia Concilia Prouincialia non sunt indefectibilia, sed in definitionibus Fidei errare possunt, & multò magis in quæstionibus facti, & Mauguinus, & cum eo Contensonius prætendunt, quod dicta Concilia errauerint, attribuendo Gotteschalco per incongruam, vel extortam interperationem propositionum eiusdem perniciosam hæresim, à qua sensus ipsius longè distaret, sicut & senserunt nonnulli Patres Gotteschalco coetanei, quos in principio articuli allegauimus, operæ prætium est Gotteschalci dicta, quasi corpus delicti, palam exponere, ut ex

eorum inspectione innotescat, an iure, vel iniuria ipsi attribuat, quod fuerit Prædestinantiæ hæreseos defensor, & instaurator.

Habemus autem huiusmodi dicta recensita in epistola Hincmari ad Nicolaum I. Pontificem Maximum, hoc tenore verborum.

Dicit (nempe Gottschalcus) quod & veteres Prædestinantes dixerunt, quoniam sicut Deus quosdam ad vitam æternam, ita quosdam prædestinat ad mortem æternam.

Dicit, quod veteres Prædestinantes dixerunt, quoniam non vult Deus omnes homines saluos fieri, sed tantum eos, qui saluantur. Omnes autem saluari, quoscumque ipse saluari voluerit, ac per hoc quoscumque non saluantur penitus non esse voluntatis ipsius, ut saluentur. Quoniam si non omnes saluantur, quos vult Deus saluos fieri, non omnia quacumque voluit fecit, & si vult, quod non potest, non omnipotens, sed infirmus est.

Dicit, quod & veteres Prædestinantes dixerunt, quod non pro totius Mundi redemptione Dominus, & Saluator noster IESVS CHRISTVS sic crucifixus, & mortuus, sed tantum pro his, qui saluantur.

Dicit quoque modo dispari traditione, sed pari errore, quod & veteres Prædestinantes dixerunt, exponens sententiam Apostoli Petri, cum qui emittit eos negantes, Baptismi inquit Sacramento eos emittit, non tamen pro eis crucem subiit, neque mortem pertulit, neque sanguinem fudit.

Hæc Hincmari Epistola habetur apud Flodoardum lib. 3. c. 14. & ex ipso refertur à Binio apud Labbe tom

8. Concil. pag. 54. eamque reuerà scriptam fuisse ab Hincmaro Summo Pontifici Nicolao, nemo negare audeat. Nihil autem in ea Hincmarum Gottschalco calumniosè affigere, eà eo inferri potest, quod paratum se esse scribat ad eum Romam mittendum, ut ipse Summus Pontifex per se doctrinæ illius periculum faceret; ex quo Hincmari fallacia, si fuisset in dolo, coram toto Mundo discooperiri poterat, quod suæ famæ intererat omnino vitare.

Quamobrem Gottschalci fautores, ut ipsum ab hæresi liberent, eo dirigunt suæ intentionis conatum, ut dictis propositionibus sanum sensum accommodent; in eoque expressas fuisse à Gottschalco sustineant. Et sanè primum dictum immune esse ab omni censura reputant; quia eo modo loquendi usus est etiam D. Augustinus libr. de Civitate Dei cap. 24. inquit: *Quid igitur dabit eis, quos prædestinavit ad vitam, qui hæc etiam dedit eis, quos prædestinavit ad mortem?* Et Sanctus Fulgentius etiam lib. ad Monimum cap. 13. ait: *Potuit, sicut voluit prædestinare quosdam ad gloriam, quosdam ad penam.* Itaque horum Sanctorum Patrum vestigia secutus Gottschalcus Prædestinationem ad mortem adstruxit, id est, ad penam, non autem ad culpam. Et ita dictum illud est expers omnis censuræ ex Mauguino in tota sua disertatione, præsertim cap. 11. & ex Contensonio loco suprà allegato.

Et quidem in hoc puncto versabatur eardo controuersie inter fautores Gottschalci, eiusque censores. Isti namque putabant, non posse dici

Catholice, quod Deus prædestinet aliquos ad mortem, ex hoc enim deduci existimabant, quod etiam Deus prædestinaret ad culpam; & idcirco unicam solum prædestinationem, scilicet ad vitam adstruendam esse censabant. Illi verò Gottschalci fautores acriter urgebant Prædestinationem impiorum ad mortem admittendam esse, quia illam admisit Augustinus, quin inde inferri possit, quod Deus prædestinet etiam ad culpam, quod est blasphemia. Ideoque geminam prædestinationem in Deo constituendam esse putabant, aliam scilicet ad vitam, aliam ad mortem.

Pro tollenda æquivocatione, quæ in hac materia inuoluitur, eamque obscurat, vnum oportet aduerteire, quod à nostris Authoribus præmittitur, & multum confert nedum ad Gottschalci damnationem firmandam, sed etiam ad fundamenta aduersariorum penitus destruenda. Illud autem est, quod prædestinatio dupliciter sumi potest. Nempè adzquatè, & inadzquatè. Adzquatè sumitur, quatenus attingit directiue, & influxiue, tam finem, quam media conducentia ad finis consecutionem: vtramque enim attingentiam includi in prædestinatione, patet ex eius definitione, qua dicitur, quod est præparatio gratiæ in præsentem, & gloriæ in futuro. Inadzquatè verò prædestinatio sumitur, quatenus prædisè attingit finem, non attingendo influxiue, & causatiue media per se conducentia ad finem, licet illa præiuncta supponat. Hoc ergo animad-

10. Dicimus ad fautores Gottschal-

ci, quod Sancti Patres allati constituentes prædestinationem ad mortem, seu ad interitum, locuti sunt procul dubio, de prædestinatione sumpta inadzquatè in sensu explicato, quo pacto importat quidem decretum de æterna punitione tanquam de fine, non autem differt influxum causatiuum mediorum per se conducentium ad talem finem, quæ sunt demerita, & peccata: nullatenus autem locuti sunt de prædestinatione adzquatè sumpta, quia semper negarunt, quod Deus per decretum reprobatiuum in peccata influeret, seu ad illa promoueret, tanquam media conducentia in damnationem; sic enim eodem modo constituerent in Deo prædestinationem ad vitam, & prædestinationem ad mortem: ex quo utique sequitur, quod sicut humana salus reducit in Deum tanquam in primam radicem saluationis, ita etiam humana interitus reduceretur in Deum, tanquam in primam radicem perditionis, cōtra illud *Osee cap. 13. Perditio tua Israel: tantummodo in me auxilium tuum*: & quod sicuti Deus est Author meritorum, ita esset Author peccatorum, contra illud *Iacobi 1. Deus tentator malorum est*. Quas blasphemias Sanctis Patribus attribueri iniquissimum esset.

Cæterum Gottschaleus, dum præsui prædestinationem ad mortem, sicuti prædestinationem ad vitam, ex terminis sui dicti, satis aperte indicauit, quod prædestinationem adzquatè sumebat. Nam dictio (*sicuti*) iuxta Gottschalci sensum in re præsentem omnimodam similitudinem importat, quam aliquando importare cer-

tum est. vt diximus. suprà, & docet Barboſa *tract. de diſtinctionibus diſt. 366. num. 1.* Hoc autem pacto Gotteſchalcum particulam *sicuti* ſumpſiſſe conſtat ex epiſtola Synodica Rabani ad Hincmarum infrà referenda, in qua narrat, quod Gotteſchalcus ponebat prædeſtinationē Dei eſſe ſicut in bono & malo. Propter hūc intolerabilem errorem, idem Rabanus, Hincmarus, & Amolo, & ceteri Patres Synodi Moguntinæ, & Caroliacæ ipſum vrgebant, vt talem prauam doctrinam de duplici prædeſtinatione, vtique ſimili, & conformi abiuraret; ſciebant enim id pertinere ad Hæreſim Prædeſtinationam damnatam in Concilio Arauxicano II. Can. 25. ibi: *Aliquos verò ad malum Diuina poteſtate prædeſtinatos eſſe, non ſolum non credimus, ſed etiam ſi ſunt, qui tantum malum credere velint, cum omni deteſtatione illis Anathema dicimus.* Hoc ergò tantum malum crediderunt Prædeſtinationi antiquiores, qui primam radicem perditionis refundebant in Diuinam voluntatem, vt patet ex epiſtola Fauſti ad Lucidum, & ex libello retractatorio Lucidi in præcedenti Articulo propoſitis, & examinatis. Eandemque hæreſim ab orco reuocauit Gotteſchalcus, vti verba ex ipſo ab Hincmaro relata ſonant. Qua de re omnis admiratio ceſſat, ex quo noſtris etiam temporibus Lutherani, & Caluiſtæ in eundem errorem prolabantur, quos damnat Concilium Tridentinum ſeſſi. 6. Can. 6. ibi: *Si quis dixerit, &c. Mala opera, ita ut bona Deum operari, non permiſſuē ſolum, ſed etiam propriē, & per ſe, adeo ut ſit proprium eius opus,*

non minus prodiſio Iuda, quam vacatio Pauli Anathema ſit.

Conſultò autem, ac data opera, particula, *sicuti*, ea in re vſus eſt Gotteſchalcus, vt videl. cet. ambigua particula vtens, quæ ſenſum Catholicum, & ſenſum ab eodem Gotteſchalco intentum habere poterat, ambiguis verbis Hæreticorum more, ſuum celaret errorem, qui erat ille, quod eodem modo Deus homines prædeſtinaret ad Gloriam, & ad poenam, ita ut ſicut Deus prædeſtinando homines ad Gloriam, illos etiam ordinat ad merita, tanquam media, per quæ Gloriam ſunt conſecuturi, ita etiam homines prædeſtinando ad poenam, illos pariter inducat ad peccata, per quæ damnationem incurrerent. Sicut etiam in vtraque prædeſtinatione errabat adſtruendo, quòd ex prædeſtinatione ad vitam, nulla in Electis relinqueretur libertas, qua poſſent damnationem ſubire, & ex prædeſtinatione ad mortem, nulla in reprobis relinqueretur libertas, qua poſſent conſequi ſalutem. Et quia Gotteſchalcus in ea re mentem ſuam nunquam aperire voluit, nec aliqua diſtinctione vſus eſt, qua ſuum dictum in rectum ſenſum traduceret, & alios errores doceret, qui ſupponebant, vel ſequebantur errores illos circa prædeſtinationem, & reprobationem hominū, euident eſt Gotteſchalcum in his erraſſe.

Dixi, quòd errabat Gotteſchalcus in vtraque prædeſtinatione conſtituenda: quia putabat in eo, qui eſt prædeſtinatus ad vitam, nullam remanere potentiam ruendi in damnationem, & in eo, qui eſt prædeſtinatus

tus ad mortem nullam remanere potentiam ad salutem consequendam. Quod enim Gottschalkus ita reuera sentiret deducitur ex epistolis Rabani ad Nottingum Episcopum, & ad Eberardum Comitem, quarum verba retulimus in prima probatione conclusionis §. 1. Potestque amplius confirmari ex epistola Synodica eiusdem Rabani scripta ad Hincmarum, ubi inter alia, hæc habet. *Notum sit dilectioni vestre, quod quidam Girouagus Monachus nomine Gottschalkus de Italia venit ad nos Moguntiam nouas superstitiones, & noxiam doctrinam de Prædestinatione Dei introducens, & populos in errorem trahens, dicens, quod prædestinatio Dei, sicut in bono, sit ita & in malo, & tales sunt in hoc Mundo quidam, qui propter prædestinationem Dei, que eos cogat in mortem ire, non possint ab errore. & peccato se erigere, quasi Deus eos fecisset ab initio incorrigibiles esse, & pœna obnoxios in meritum ire.*

Idemque probatur ex epistola Amolonis Archiepiscopi Lugdunensis ad ipsum Gottschalcum scripta, & primum edita à P. Sirmondo, extatque in Bibliotheca Maxima Patrum edita Lugduni. Hic ergo Archiepiscopus visis scriptis Gottschalci post suam damnationem elaboratis, & recepta ab eodem Gottschalco epistola, ad eundem respondit hoc tenore verborum: *Perlata est ad nos quedam scriptura tua, in qua apertissime, & prolixo sermone, atque etiam, ut tibi visum est, etiam testimonio scripturarum, siue Sanctorum Patrum quid sentiret, siue doceret, multipliciter*

*executus es. Nunc quoque accepimus alia scripta tua non parua, que ad Episcopos, vel contra Episcopos, qui in Concilio damnationi tue assenserunt scripsisse, vel protulisse videris. In quibus quansid mentione præiisti de vnicuiusque questione, id est, de prædestinatione Diuina quid teneas diligenter explicare curasti. Ita factum est, ut ex utraque scriptura tua, siue quam per alios, siue quam te mittente accepimus, plenissime cognoscere videamur, in quibus questionum periculis fluctues, vel, quod nimis dolendum est, naufragetur sensus tuus. Quid autem sibi maxime displiceret exponit quarto loco, in quo: *Quarid loco dissiliet nobis valde, quam dure, & indisciplinate, & immaniter de Diuina Prædestinatione sentis, & loqueris in damnatione reproborum, ut omnes illi, qui ad sinistram ponendi sunt in die iudicii, & cum Diabolo, & Angelis eius pro malis meritis suis aeterno igne damnandi, ita sint diuinitus ad interitum prædestinati, ut eorum nullus pro suis potuerit aliquando, nullus possit saluus esse, &c.* Præterea subdit: *Quinto loco non minus detestamur, et horrimus, quod ita exarsisti aduersus eos, qui aeterno incendio sunt digni, ut dixeris eos tam irrevocabilitate, et incommutabiliter perditioni esse prædestinatos, sicut Deus ipse incommutabilis, et inconvertibilis est, et Episcopos ad quos scribis, quasi misericorditer adhortaris, ut hoc prædicent populis, ut quia iam præfinitam damnationem euadere non possunt, saltem aliquantulum Deo suppliceant, et humillentur, ut statuatis eis, vel modicum mitiget, vel leuiget pœnas, &c.* Ecce quomodo Gottschalcus explicabat*

cabat suam perniciosam sententiam de prædestinatione Dei ad interitum, nimirum ita, quod nullam in reprobis relinqueret potentiam ad consequendam salutem.

Respondet ad hoc Mauguinus cap. 22. suæ dissertationis: Præfata scripta, quæ peruenierunt ad Amolonem, non esse genuina Gottschalci, sed ipsi attributa fraudulentæ Hincmari: cuius fraudulentæ suppositionis potiorẽ rationem non affert, nisi quia Gottschalcus in carcere constitutus, non habebat commoditatem scribendi.

Sed in refellendis istis euanidis diuinationibus non est immorandum. Sanè credendum est epistolam Amolonis Gottschalco redditam fuisse: nam si liberè dicitur, quod non habebat commoditatem scribendi, non tamen prætenditur, quod ei deficeret etiam lux necessaria ad legendum. Dato autem, quod epistola Amolonis sibi scriptam perlegerit, statim utique percepisset ad se non spectare, si verum est, quod Mauguinus diuinat, nempe quod nunquam Gottschalcus ad Amolonem scripserit de carcere. Ideoque de tali fraude conquestus fuisset, & multò magis de erroribus, qui per Amolonis epistolam sibi attribuebantur, si eorum prauitas, ut prætenditur ex aduerso, suæ sententiæ non erat conformis. Cum igitur nullum appareat vestigium huius quærelæ, Mauguini latratus aduersus Hincmarum cessare debent.

Denique idem probari potest auctoritate Hincmari in epistola 25. ad Egilonem Archiepiscopum Senonẽ-

sem, in qua Gottschalci errorem circa prædestinationem, & reprobationem ita describit: *Liberi arbitrii opera, siue bona, siue mala in his valere ad meritum, sed siue a truitam, siue ad mortem cuncta Dei prædestinationem agere ab ista praua doctrina euincatur, à qua & reprobis tollitur meritum damnationis, & iustis meritum auferitur salutis, ac per hoc nec illi iusti damnantur, qui iusti esse non possunt, nec isti iuste remanentur, quia aliud quam iusti esse non possunt.*

Respondet. Aduersarij spicula in Hincmarum iterum, atque iterum intorquendo. Dicunt enim nullam fidem ei dandam esse. Quia teste Baronio, & Spondano fuit obtricator Pontificis, litterarum Apostolicarum falsificator, in Sedem Romanam sæpè contumax. Conciliabulorum incentor, Innocentium Episcoporum iniustus persecutor, septimi Concilij Generalis contemptor, instigator Regis, & aliquorum Episcoporum Gallicanorum aduersus Apostolicæ Sedis iura.

Sed ista crimina Hincmaro attributa commentitia esse, ostendit Cellotius in apparatu ad Historiam Gottschalci *sess. 5. & 6.* eisque opponit præclaras laudes Hincmaro datas à Summis Pontificibus Leone IV. Benedicto III. Nicolao I. quæ videri possunt. Interim audiat Baronijs quamquam in multis Hincmaro infensus, qui dicit ad annum 845. quod eius initia laudabilia fuerunt, & ad hæc spectant acta in Gottschalcum, quæ idem Baronijs narrans ad annum 848. faterur diu, multumque decertandum Hincmaro fuisse ad-

uersus Belliam hanc. Et tamen aduersarij, vt hanc belliam ab hæreticali lapsu eripiant, Hincmarum flagellant. Sed nihil proficit hæ iniquitas; quandoquidem Hincmari sinceritas in recensendis erroribus Gotteschalci, consensione Rabani, & Amolonis egregiè comprobatur.

Possit tamen pro defensione Gotteschalci aliter responderi autoritatibus allegatis tam Hincmari, quam Rabani, & Amolonis, dicendo, quod quando ille docebat, quod prædestinatus ad vitam, non potest damnari, & prædestinatus ad mortem, non potest saluus esse, id intelligebat in sensu composito, non autem in sensu diuiso, per quam distinctionem vitatur omnis error ex communi sententia Theologorum.

Cæteram, quod hæc responsio nullatenus subsistat, multipliciter ostenditur. Primo, quia non est credibile, quod sapientissimi Archiepiscopi Rabanus, Amolo, & Hincmarus, post tot collationes cum Gotteschalco habitas de sua doctrina, mentem ipsius non fuerint plenè affecuti. Si ergo in hac parte illam damnarunt tanquam erroneam, & hæreticam, proculdubio putandum est, id contrigisse, quia sibi perspectum erat, quod dum ille negabat in prædestinatis ad vitam, potentiam ad perditionem, & in prædestinatis ad mortem, potentiam ad consequendam salutem, id intelligebat de potentia nedùm in sensu composito, sed etiam in sensu diuiso.

Secundo. Quia propositiones Gotteschalco attributz, & damnatz per dictos Antistites ex terminis negât in

Prædestinatis ad vitam omnem potentiam ad interitum, & in prædestinatis ad mortem, omnem potentiam ad vitam; hoc enim sonant illa verba Rabani ad explicandam Gotteschalci sententiam, *quod prædestinatus ad mortem, nullo modo possit se ad vitam reuertere, & quod si velit saluus fieri frustra, & in cassum labores, & quod Deus prædestinatione sua cogat homines interire.* Et quod dixit Amolo, quod Reprobi sint ita diuinitus ad interitum prædestinati, vt eorû nullus prorsus potuerit aliquando saluus esse. Et quod dixit Hincmarus, quod ex prædestinatione, quam ponebat Gotteschalcus, tollebatur à Reprobis meritum damnationis, & iustis meritum auterebatur salutis. & per hoc reprobi non iustè damnantur, quia iusti esse non possunt, & iusti non iustè remunerantur, quia aliud quam iusti esse non possunt; Hæc enim omnia, denotant, ex prædestinatione Diuina tolli libertatem ad meritum, vel demeritum, consequenter imponi necessitatem absolutam, quæ non stat cum potentia ad oppositum etiam in sensu diuiso.

Tertiò. Quia hæc propositio absolute prolata, *liberum hominis arbitrium à Deo motum, & excitatum non potest dissentire si velit*, est hæretica, vtpotè damnata per Concilium Tridentinum sess. 6. Cap. 4. Ergo etiam istæ absolute prolatae sunt hæreticæ, vel saltem erroneæ. *Homo iustus, qui est à Deo prædestinatus ad mortem, non potest usque in finem perseuerare, si velit, et sic saluari, et peccator, qui est prædestinatus ad vitam, non potest usque ad mortem Deo vocanti dissentire, si velit,*

lit, et sic damnari. Non enim potest assignari ratio, cur illa prior sit damnata, & non istæ posteriores, quæ sanè cum illis, quas Gottschalcus effutiebat, apprimè conueniunt. Ideoque benè dixit Amolo, quod Gottschalcus durè, indisciplinatè, & immaniter de Diuina prædestinatione sentiebat.

Quartò denique. Reijcitur eadem responsio obseruando latum discrimen, quod reperitur, inter propositiones à Gottschalco expressas, & aliam Diuo Augustino obiectam, nempe hanc, *Si qui obeditis, si præsciti estis, obedire cessabitis.* Hanc ergò propositionem versans S. Doctor *lib. de dono perseuerantiae cap. 22.* ait, hoc verissimum esse, sed improbissimum, importunissimum, incongruentissimum, non falso eloquio, sed non salubriter valetudini humanæ infirmitatis appositum; nam, vt paulò ante præmiserat, aduersus quorundam imprudentiam, qui dum vera prædicent, se excusatos putant: *Dolosi, vel imperiei, medici est etiam vile medicamentum sic alligare, ut non prosit, aut obset.* Optimè quidem ista protulit Augustinus de illa propositione, *si qui obeditis, si præsciti estis, obedire cessabitis*, quia per talem propositionem denotatur, quod cum præscientiæ reprobatiua Iudæ, exempli gratia, non compatiatur actus consecutiui salutis, quod est verissimum. At propositiones Gottschalci, non solum denotant, quod cum præscientiæ reprobatiua alicuius non compatiatur actus consecutiui salutis, sed etiam enunciant, quod cum illa non compatiatur potentia conse-

quendi salutem, quæ potentia non nisi per impositionem absolutæ necessitatis ad interitum auferri potest; consequenter propositiones Gottschalci supra relatæ non solum imprudenter, sed etiam erroneè, vel hæreticè prædicantur.

Mitto, quod Gottschalci doctrina de inconsequentia manifestissimè redargui potest. Quandoquidem aiebat ex vna parte, quod reprobis non poterat vitare damnationem ad pœnam quoad substantiam statutam à Deo: ex alia verò parte sentiebat, quod posset vitare gradualem intensiorem pœnæ intelligendæ; idcirco enim Episcopos hortabatur, vt Populis prædicarent, vt quia iam præfinitam damnationem euadere non possunt, saltem aliquantulum Deo supplicent, & humilientur, vt statutas eis, vel modicum mitiget, vel leuiget pœnas, vt patet ex epistola Amolonis superius allegata. Si ergò supponebat à Deo statutas pœnas non solum quoad substantiam, sed etiam quoad grauitatis intensiorem, & tamen existimabat statutam grauitatem per humiliationem, & supplicationem posse mitigari, & diminui, nonnisi inconsequenter autumabat, quod reprobis sanctè, & piè viuendo non possent pariter statutam damnationem quoad substantiam effugere.

Reliqua Gottschalci dicta ab Hinemaro relatata adeò patenter sensum hæreticalem produunt, vt non sit opus in eius manifestatione laborare contra interpretationes, quas afferunt aduersarij ad illa præseruanda ab errore.

Paragraphus Tertius.

Afferuntur quatuor Capitula Carisiaca, quibus errores Gotteshalci reprobantur.

Quatuor annis post lara in Gotteshaleum damnationis sententiam celebrata fuit alia Synodus Carisaca anno videlicet 843. ut notat Labbe tom. 7. Concil. pag. 56. in margine. In ea autem edita fuerunt pro reprobandis Gotteshalci erroribus quatuor capitula, quae sunt tenoris sequentis,

Primum Capitulum. Deus omnipotens hominem sine peccato rectum cum libero arbitrio condidit, et in Paradiso posuit, quem in sanctitate iustitia permanere voluit. Homo libero arbitrio male utens peccauit, et cecidit, et factus est massa perditionis humani generis. Deus autem bonus, et iustus elegit ex eadem massa perditionis secundum praescientiam suam, quos per gratiam praedestinavit ad vitam, et vitam illis praedestinavit aeternam: Caeteros autem, quos iustitia iudicio in massa reliquit, perituros praesciuit, sed non, ut perirent, praedestinavit; penam autem illis, quia iustus est, praedestinavit aeternam: ac per hoc unam tantum praedestinationem tantummodo dicimus, quae aut ad donum pertinet gratia, aut ad retributionem iustitia.

Intentum huius Capituli est statuere discrimen, quod intercedit in praedestinatione, prout pertinet ad electos, & prout pertinet ad reprobos, quod in praecedenti Paragrapho

late explicauimus. Hic verò illud addendum est, quod Patres Carisiaci iuxta Augustini doctrinam exposuerunt praedestinationem electorum ad Gloriam, nimirum definientes illam, ut potè ex gratia, & à miseria peccati originalis, antecedere prauiſionem meritorum. Et reprobationem etiam eorum, qui damnantur videntur explicuisse conformiter ad sententiam S. Augustini ponentis, quod in intentione facta fuerit respectu omnium propter peccatum originale prauiſum, & ante prauiſionem peccatorum actualium, quamuis in executione respectu eorum, quibus prauidebatur peccatum originale remittendum, poena damnationis decreta fuerit à Deo, non propter originale, sed propter actualia peccata prauiſa, de qua sententia late disputat Theologi prima parte quasi. 231. artic. 3. Quod autem concluditur in eodem Capitulo, unam tantum praedestinationem esse ponendam, refertur ad illud, quod supra exposuimus in praecedenti Paragrapho: id enim definitur ad vitandum errorem Gotteshalci, qui ponendo, quod reprobi praedestinentur à Deo ad interitum, id intelligebat de praedestinatione ad æquatè sumpta, per quod dabatur intelligi, quod etiam praedestinantur ad culpam. Ad hanc igitur blasphemiam effugiendam, unam solum praedestinationem ad vitam admittere maluerunt. Catholicè tamen admittentes circa reprobos praedestinationem ad poenam, quod est praedestinationem inadæquatè sumere in sensu superius explicato.

Secundum Capitulum. *Liberts.*

tem arbitrij in primo homine perdidimus, quam per Christum Dominum nostrum accipimus, et habemus liberum arbitrium ad bonum praeventum, et adiutum Gratia, et habemus liberum arbitrium ad malum desertum gratia. Liberum autem habemus arbitrium, quia Gratia liberatum, et gratia de corruptio sanatum.

Intentum huius Capituli est libertatem arbitrij statuere, siue ad bonum, siue ad malum contra Prædestinationes, qui credebant per Diuinam Prædestinationem, siue ad vitam, siue ad mortem ad bonè, vel malè operandum necessitatem inferri. Quod autem dicitur in isto Capitulo, quod in primo homine libertatem arbitrij perdidimus intelligendum est de libertate, scilicet potestate ad efficienda opera bona proficua ad salutem. Etenim huiusmodi potestas, amissa gratia per peccatum remansit extincta iuxta Catholicam sententiã contra Semipelagianos. Quam definiuit Concilium Arauxicanum II. Can. 7. Quod verò additur nos habere liberum arbitrium ad malum desertum gratia, non sic debet intelligi, quod amissa Gratia non habeamus libertatem, vel potestatem nisi ad malum, siquidem hæc propositio continetur inter damnatas in peculiari Bula Pij V. & Gregorij XIII. contra Michaelen Baium, ubi inter alias propositiones istæ damnantur. Prima: *Liberum arbitrium sine Gratia, & Dei adiutorio non nisi ad peccandum valet.* Secunda: *Pelagianus est error dicere, quod liberum arbitrium valeat ad vllum peccatum vitandum.* Tertia: *Cum Pelagius sapit, qui boni aliquid na-*

turalis, hoc est, quod ex natura solis viribus arcum habet agnoscit. Quarta: *Non nisi Pelagiano errore admitti potest usus aliquis liberi arbitrij bonus, siue non malus, & Gratia Christi iniuriam facit, qui ita sentit, & docet.* Cum ergo præfata propositio in Capitulo expressa non sit exclusiua, non coincidit cum propositionibus Baji damnatis, quæ per particulam exclusiuam conceptæ fuerunt, vt patet. Quamobrem per hoc, quod asseritur nos habere liberum arbitrium ad malum desertum Gratia, non negatur, quod etiam habeamus, absque speciali adiutorio Dei liberum arbitrium ad bonum aliquod morale ordinis naturæ. Nec mirandum est, quod huiusmodi opera bona ordinis naturæ fuerint prætermissa ab ista Synodo Carliaca; quia etiam prætermissa, fuerunt à Synodo Arauxicana II. dum Canone 22. definiuit, quod *Nemo habet à suo nisi mendacium, & peccatum, vt nimirum innoueret, quod licet homo ex sui arbitrij libertate, possit facere aliqua bona opera moralia ordinis naturæ sine speciali Dei auxilio; attamen quia illa nullatenus conferunt à iustificationis gratiam obtinendam, quasi nullius momenti essent, non merentur in consideratione haberi.* Postrema autem verba Capituli desumpta sunt ex illo Ioannis 8. Vbi veritas dixit, *si vos filius liberauerit, tunc verè liberi eritis &c.*

Tertium Capitulum. *Deus omnipotens omnes homines sine exceptione vult saluos fieri, licet non omnes saluentur. Quod autem quidam saluantur, saluati sunt donum. Quod autem quidam perierunt, perierunt est meritum.*

Intentum huius Capituli est mani-
festum ex terminis, & error Præde-
stinationarum in eo damnatus: iam
olim ab Apostolo confixus fuerat
primæ ad Timoth. 2. ibi: *Qui omnes
homines vult saluos fieri, & ad agni-
tionem veritatis venire, &c.*

Quartum Capitulum. *Christus Te-
sus Dominus noster, sicut nullus homo
est, fuit, vel erit, cuius natura in illo
assumpta non fuerit, ita nullus est, fuit,
vel erit homi pro quo passus non fuerit,
ille non omnes passionis eius mysterio
redimantur: Quod verò omnes passionis
eius mysterio non redimantur, non respiciet
ad magnitudinem, & præter copiositatem,
sed ad infidelium, & ad non credentium
ea fide, quæ per dilectionem operatur,
respiciet pariter. Quia poculum huma-
na salutis, quod confectum est in infi-
mitate nostra, & virtute Diuina, labi-
s quidem in se, ut omnibus prosit, sed si
non bibitur, non medetur.*

Intentum etiam huius Capituli
clarissimum est, vnde in illius expli-
cationem nihil addendum censemus.

Paragraphus Quartus.

Afferuntur Canones Sy-
nodi Valentinae nonni-
hil dissentientes à Capi-
tulis Carisiacis, conue-
nientes tamen cum eis-
dem in condemnatio-
nem Gotteschalci.

Capitula Carisica tot habuerunt
obrectatores, quot Hincmarus
semulos: Hinc inde plura opuscu-
la edita fuerunt ad illa defendenda;

vel refellenda, non pauca fragmenta
dictorum opusculorum affert Nata-
lis Alexander *Sæculo 9. pars 2. dissert.
5. & 6. &c.* quæ ad 9. vbi bene concili-
at dissidentium dicta, ita quod nul-
lus aduersariorum faueat erroribus
Gotteschalci; & concertantium lis
non tam videatur fuisse de re, quam
de modo loquendi. Ideo ab eorum
relatione duximus super sedendum.

Sed non possumus dissimulare,
confixionem dictorum Capitulorum,
quæ facta fuit in Concilio Valentino
celebrato anno Domini 855. in quo
sex Canones conditi fuerunt, in quar-
to verò Canone sic habetur. *Porro
Capitula quatuor, quæ à Concilio Fra-
trum nostrorum (nempe Carisiaco)
minus prospere suscepta sunt propter
inutilitatem, vel etiam noxietatem, &
errorem contrarium veritati &c. à pho-
auditu fidelium penitus explodimus, &
ut talia, & similia cauantur per om-
nia auctoritate Spiritus sancti interdi-
cimus.*

Eccè, quod Capitula Carisica
abolita fuerunt per Concilium Va-
lentinum, quod potius auctorita-
tis censeri debet, quam Carisiacum,
nam ad illud conuenerunt Episcopi
ethium Prouinciarum, scilicet Vien-
nensis, Lugdunensis, & Arelatonsis.
Ad Carisiacum autem patet Episco-
pi, ita quod Conciliolum potius
appellari mereatur, quam Conci-
lium. Vltra quod Concilium Valen-
tinum fuit confirmatum auctoritate
Apostolica per Nicolaum I. testis
S. Prudentio in Annalibus ab Hinc-
maro citatis *epist. 24.* & referuntur
in annalibus Bertiniani ad annum
859.

Ut omninò conuellatur hæc oppositio, per quam Aduersarij videntur canere triumphum, operæ pretium est Canones Concilij Valentini afferre, eosque conferre cum Capitulis Carisiacis.

Præsumus ergò Canon sic habet. *No-uitates vocum, & præsumptiuas gar- rulitates, unde potius inter fratres contentio, & scandalorum sones excitari potest, quàm edificatio vllò timoris Dei succrescere cum studio omni deuitari tui- bilis, &c.*

In isto Canone nil continetur, quod ad rem nostram proprius pertineat.

Secundus Canon. *Deas ab æterno præsumit bonos, omninò per gratiam suam bonos futuros, et per eandem gratiam æterna præmia accipiuros. Malos præsumit per propriam malitiam malos futuros, et per suam iustitiam æterna retributione damnandos. Nec prorsus ulli mala præscientiam Dei imposuisse ne- cessitatem, ut aliud esse non posset, sed quod ille futurus erat ex propria voluntate, ille sicut Deus, qui nouit omnia antequam fiant, præscire ex sua omnipotenti, et incommutabili Maiestate, nec ex præiudicio eius aliquem, sed ex merito propriæ iniquitatis condemnari. Nec ipsos malos idcirco perire, quia boni esse non potuerunt, sed quia boni esse noluerunt, supque vicio in massa damnationis, vel merito originali, vel etiam actuali permauerunt.*

Iste Canon coincidit omninò cum sensu primi Capituli Carisiaci, vsque ad posteriora verba, ac per hoc vnum tantum &c. & solum ab eo discrepat, quia disertius confodit errorem Got-teschalci, quatenus à Rabano, Amo-

lone, & Hincmaro expositus fuit.

Tertius Canon. *Fidenter sciatur, Prædestinationem electorum ad vitam, & prædestinationem impiorum ad mortem. In electione tamen saluandorum misericordiam Dei præcedere meritum bonum, in damnatione autem periturorum meritum malum præcedere iustum Dei iudicium. Prædestinatione autem Deum earantum statuisse, quæ ipsa eam gratuita misericordia, vel iusto iudicio statutus erat, secundum Scripturam dicentem. Qui fecit, quæ futura sunt. In malis vero ipsorum malitiam præscivisse, quia ex ipsis est, non prædestinasse, quia ex illis non est. Pœnam sanè malum eorum meritum sequentem, qui Deum, qui omnia prospicit præscivisse, et prædestinasse, quia iustus est, apud quem est, ut Sanctus Augustinus ait, de omnibus omninò rebus tam fixa sententia, quàm certa præscientia. Vnde aliquos ad malum esse prædestinatos Divina potestate, videlicet, ut quasi aliud esse non possint, non solum non credimus, sed etiam si sunt, qui tantum malum credere velint, cum omni detestatione sicut Arianica Synodus illis Anathema dicimus.*

Iste Canon discrepat quidem in prioribus verbis à posterioribus Capituli primi Carisiaci, sed per subsequentia ita illa priora explicantur, ut excludatur omnis discrepantia à sensu intento per Capitulum Carisiacum. Istud enim Capitulum constituendo vnam solum prædestinationem ad vitam nihil aliud intendit, quam negare aliam prædestinationem ad mortem, ex qua inferretur peccandi necessitas, & peccatum ipsum tanquàm medium conducent ad finem dam-

nationis; seu intendit negare respectu damnationis prædestinationem adequatè sumptam, & ut includentem suo modo quidquid clauditur in prædestinatione ad æternam salutem, ut latè exposuimus in secundo Paragrapho. Et quia prædestinatio ad æternam salutem claudit in se causalitatem omnium eorum, quæ circa prædestinatum contingunt, quia omnia in electis cooperantur in bonum. Ideò ad vitandam confusilem intelligentiam loquendæ de prædestinatione Reproborum, ad mortem, est enim intollerabilis error, seu potiùs blasphemia, quod ex tali prædestinatione capsetur peccatum, Capitulo Carisiaco placuit potiùs dicere, quod Deus poenam reprobis prædestinet, quam quod reprobos prædestinet ad mortem æternam. His autem causalitatibus à prædestinatione seclufis, sicuti secluduntur per explicationem contentam in Canone Valentino, proculdubio Capitulum Carisiacum admitteret, quod reprobi prædestinentur ad interitum, sicuti expressè admisit, quod Deus reprobis prædestinet poenam. E contra verò si Patres Valemini intellexissent, quod in nomine prædestinationis ad mortem importaretur causalitas omnium eorum, quæ conducunt ad finem damnationis, proculdubio negassent geminam prædestinationem, & convenissent cum Patribus Carisiacis in constitutenda una tantum prædestinatione electorum ad vitam. Et ita manifestum relinquitur, quod dissidium ortum inter Patres Carisiacos, & Valentinos circa positionem unius tantum, vel geminæ prædestinationis

redigebatur ad quæstionem de nomine; Nam Patres Carisiaci ideò negarunt prædestinationem reprobis ad mortem, quia intelligebant, quod nomine prædestinationis semper importatur influxus in media, quæ conducunt ad finem. Patres autem Valentini prædestinationem reprobis ad mortem admisserunt, quia concepiebant nomen prædestinationis à præfato influxu posse præscindere; Quæ sanè quæstio facilè solvi poterat tollendo æquivocationem latentem in hoc nomine *Prædestinatio*, conformiter ad superius dicta in secundo Paragrapho.

Quemadmodum autem Concilii Valentini in re non discordavit à Carisiaco, ita cum eodem convenit in refutando errore Gottschalci, quod egregiè præstitit per explicationem contentam in Canone. Propterea enim dicitur *Deum in malis præscire malitiam, et non illam prædestinare, quia ex ipso non est*. Ideoque neminem ad malum esse prædestinatum, quod erat præcipuum caput erroris Gottschalci, uti constat per supradicta.

Quartus Canon. *Item de Redemptione Sanguinis Christi propter minimum errorem, qui de hac causa exortus est, ita ut, quidam sicut eorum scripta indicant, etiam pro illis impijs, qui à Mundi exordio usque ad Passionem Domini in sua impietate mortui æterna damnatione puniti sunt, effusum eum deserviant, contra illud Prophetisum, Ex mors mea ò Adversus, ero morsus tuus inferne, illud nobis simpliciter, ac fidenter, tenendum, et docendum placet innotà Evangelicam, et Apostolicam veri-*

ratem, quod pro illis hoc datum praerium tenemus, de quibus ipse Dominus vester dicit, sicut Moyses exaltauit serpentem in deserto, ita exaltari oportet filium hominis, ut omnis, qui credit in ipsum non pereat, sed habeat vitam eternam.

Porro Capitula quatuor, quae à Concilio Fratrum nostrorum minus prospere suscepta sunt propter inuersionem, vel etiam noxietatem, & errorem contrarium veritati, sed & alia nouemdecim syllogismis conclusa, & licet iactetur nulla seculari literatura nitentia, in quibus commentum diaboli potius, quam argumentum aliquod Fidei deprehenditur à pio auditu fidelium penitus explodimus, & ut ista, & similia canuantur per omnia auctoritate Spiritus sancti interdiciamus.

Prima pars huius Canonis, ne de errore notetur, ita debet exponi, ut nullatenus militet contra quartum Capitulum Carisiacum. Pro quo aduertendum est ex communi Theologorum sententia dupliciter intelligi posse Christum Dominum sanguine fuisse in hominum redemptionem. Primum quoad sufficientiam, secundò quoad efficaciam. Quoad sufficientiam sanguinem effudit in hominum redemptionem, nedum quia pretiù sanguinis fuit sufficientissimum, imò superabundans ad homines redimendos, sed etiam, quia sincero affectu, & voluntate illum obtulit, ut homines redimeret, si per ipsos non steterit. Quoad efficaciam vero sanguinem effudit in hominum redemptionem, quatenus efficaciter, & absolute voluit, ut per sui pretiosi sanguinis effusionem homines de facto

redimerentur, percipiendo fructum redemptionis. Patres Carisiaci dum dixerunt in quarto Capitulo, quod Christus pro omnibus hominibus vniuersim passus fuit, licet non omnes Passionis eius mysterio redimantur, manifestè declararunt, quòd loquebantur de Passione, quoad sufficientiam volita, & oblata pro redemptione, & salute omnium hominum, quod necessariò fatendum est, ad vitandam censuram latam ab Innocentio X. & Alexandro VII. contra quintam propositionem Iansenij, quae talis erat: *Semipelagianum est dicere Christum pro multis omnino hominibus mortuum esse, aut sanguinem fuisse*. Nullatenus autem praefati Patres sentire potuerunt, Christum etiam efficaciter passum, & mortuum fuisse pro omnium hominum redemptione, & salute, cum hoc ensi còherere non posset, quod aliqui de facto non redimantur, sed non percipiant fructum redemptionis, & ipsi expressè fatentur, quod licet Christus pro omnibus Passionem pertulisset, attamen non omnes Passionis eius mysterio redimuntur. Itaque si Patres Valentini huic declarationi Carisiacae opponerentur decernendo in quarto Canone, quod Christus neque quoad sufficientiam mortuus fuerit pro omnibus hominibus, & signanter pro infidelibus, qui ante Passionis tempus decesserant, procul dubio incidissent in errorem in Iansenio proscriptum. Ne igitur libè dicamus, cupientes auctoritatem diuini Concilij defendere, fatèri oportet, quod in praefato Canone solum intenderunt decernere, quòd Christus quoad

quoad efficaciam non sit mortuus pro Infidelibus, qui ante ipsius Passionem obierunt, utpotè, qui nulum fructum perceperunt ex eadem Passione, ut luculenter docetur à Patribus Carisiacis in quarto Capitulo.

Secunda verò pars Canonis, ubi proscribuntur quatuor Capitula Carisiaca, tanquam à veritate, & à fide aliena est penitus intolerabilis. Celotius lib. 4. *Historia Gotschesbalci cap. 21. §. ad extremum, & cap. 23. §. conjecturam hanc*, quem sequitur Natalis Alexander (seculo 9. tom. 2. dissertatione 5. §. 11. suspicatur non sine fundamento illam clausulam subdole insertam fuisse Canonis ab Ebbone Gratianopolitano, qui Valentini Canonibus condendis præcipuam nauavit operam, ut constat ex his verbis, quæ habentur in Præfatione eiusdem Synodi. *Collaborante eis. quàm maximè Venerabili Ebone Gratianopolitano Episcopo.* Hic enim occultas cum Hinemaro Archiepiscopo Remensi gerebat similitates, utpotè nepos aliterius Ebbonis Senioris, qui aduersus Ludouicum Piû coniurauerat, quique ob illud crimen è Sede Remensi deiectus fuit, & in propriam Cathedram suffectum. Hinemarum ægerrimè tulerat. Ausculi ergo sui dolorem vlcisci cupiens Ebbo Gratianopolitanus Hinemaro, & Carisiacis Capitulis, quibus condendis præfuerat, liberius obtredebatur; vadè cum in Valentina Synodo plurimum posset, eiusque decreta componeret, supposuit clausulam confingentem quatuor capitula Carisiaca, ut simul Authorem dictorum

capitulorum, nempe Hinemarum laucaret.

Sed quidquid sit de tali suspitione, pro sustinenda inconcussa auctoritate Synodi Carisiacæ, & simul despicienda confixione dictorum capitulorum, qualitercumque contigerit per Concilium Valentinum, Latus est nosse, quod præfata clausula expuncta fuit ab illo Canone per Conciliû Lingonense, quod fuit celebratum anno Domini 859. ad quod conuenerunt iidem Patres Concilij Valentini, non ex tribus tantum, ut Valentinum, sed ex duodecim Provinciis congregatum, & pariter etiam à Synodo Tullensi apud Saponarias, quindecim diebus post Lingonensem celebrata, ubi selecti, & approbati fuerunt sex Canones Concilij Valentini, sed quartus Canon correctus fuit per expunctionem clausulæ præfate, ut videri potest apud Labbe tom. 8. Concil. pag. 690. Vbi & bene aduertit in margine. Quod illi Episcopi iam cautiore expunxerunt, quæ Valentina Synodo interuerant, nempe capitula quatuor, quæ à Concilio Fratrum nostrorum, &c.

Itaque ad omnem ambiguitatem tollendam Canon confectus à Patribus Concilij Valentini sic habebat. *Porrò capitula quatuor, quæ à Concilio Fratrum nostrorum minus prospèctè suscepta sunt propter inutilitatem, vel etiam noxiam, et errorem contrarium veritati, sed et alia nouendecim syllogismis conclusa, et licet iactentur nulla seculari literatura nescientia, in quibus commentum Diaboli potius, quàm argumentum aliquod fidei deprehenditur, à pio auditu Fidelium explodimus,*

mus, etc. Dictus ergo Canon in Concilio Lingonensi, & Tullensi ita correctus fuit. Porro Capitula decem, et novem syllogismis ineptissime, ac mendacissime à quodam Scoto conclusa, ubi non argumentum Fidei, sed potius commentum perfidia patet, nulla omnino Philosophia arte, ut arroganter à quibusdam iactatur, constructum, sed inani fallacia, et deceptione inperitissime conclusum. Et ita patet, quod confixio, quam Canon Valentinus principaliter extenderat ad capitula Carisiaca, abolita, reuocata, & retractata fuit etiam ab iisdem Patribus Valentinis, qui interfuerunt sequentibus Concilijs Lingonensi, & Tullensi, & merito quidem. Nam capitula Carisiaca in omnibus, & per omnia sanam doctrinam continent, qua errores Prædestinationis reprobandantur. Secus est de nouemdecim syllogismis contentis in opusculo quodam de Prædestinatione Ioannis Scoti Erigenæ, quod confecit ad oppugnandum Gotteschalcum ad instantiam Hincmari, sed illud pluribus erroribus infecit, quos refellit Sanctus Prudentius in libro de Prædestinatione, qui habetur insertus apud Mauguinum primo tomo. Idem non est mirum, quod confixio capitulorum Ioannis Scoti Erigenæ facta per Canonem Concilij Valentini, etiam in sequentibus Concilijs Lingonensi, & Tullensi approbata, & confirmata fuerit.

Quintus Canon. Item firmissimè credimus, quod omnis multitudo fidelium ex aqua, et Spiritu sancto regenerata, ac per hoc veraciter Ecclesia in-

corporata, et iuxta doctrinam Apostolicam in morte Christi baptizata in eius sanguine sit à peccatis suis abluta, quia nec in eis potuit fieri vera regeneratio nisi fieret, et nova redemptio, cum in Sacramentis nihil sit cassum, nihil ludificatorum, sed prorsus totum verum, et ipsa sui veritate, et sinceritate subnixum; ex qua tamen multitudine fidelium, et redemptorum, alios saluari æterna salute, quia per Gratiā Dei in Redemptione sua fideliter permanent, ipsius Domini sui vocem in corde ferentes, qui perseverauerunt usque in finem, hic salui erit. Alii, quia noluerunt permanere in salute Fidei, quam initio acceperunt, redemptionisque gratiam potius irritam facere, praua doctrina, vel vicia, quam seruare elegerunt, ad plenitudinem salutis, et ad perceptionem æternæ beatitudinis nullo modo peruenire.

Præsentī Canone configitur propositio Gotteschalei, qua asserbat illos tantum per Baptismum dici debere Sanguine Christi redemptos, qui saluantur, alios verò, qui Baptismum recipiunt, & damnantur, potius emptos dicendos esse, quam redemptos, prout supra retulimus ex Hincmaro in Epistola ad Nicolaum I. quæ propositio tandem coincidit cū hæresi damnata ab Innocentio X. & Alexandro VII. in quinta Propositione Iansenij, qua dicebatur, quod *Christus non sit mortuus pro omnibus hominibus*, de qua lata fuit hæc censura. Quod intellecta eo sensu, ut Christus dumtaxat pro salute Prædestinatorum sit mortuus, impia, blasphemica, contumeliosa, Diuinæ pietati derogans, & hæretica sit.

Sextus Canon. De gratis, per quam saluantur credentes, & sine qua rationalis creatura nunquam beatè vivit, et de libero arbitrio per peccatum in primo homine infirmato, sed per gratiam Domini Iesu fidelibus eius redintegrato, et sanato, id ipsum constantissimè, & fide plena fatemur, quod Sanctissimi Patres auctoritate Sacrarum Scripturarum nobis tenendum reliquerunt, quod Africana, quod Arauxicana Synodus professæ est, quod Beatissimi Pontifices Apostolica Sedis Catholica Fide, tenuerunt, sed & de natura, & gratia in aliam partem nullo modo declinare presumentes.

Iste Canon omninò convenit in substantia cum secundo capitulo Carisiaco. Eoque pariter configitur hæresis Gotteschalci, qui de libertate arbitrij eadem sensit, ac Lutherus, Calvinus, & alij hæterodóxi Prædestinati.

Ex his ergò manifestè liquet, oppositionem allatam in principio huius Paragraphi nullius esse momenti: quandoquidem Capitula Carisiaca permanent in suo vigore, non obstantibus definitionibus Concilij Valentini. Qui verò Synodo Carisiacæ conuenticuli nomen adscribunt improbandi sunt. Conuenticula enim sunt, vbi hæreses defenduntur, non vbi damnantur, uti hæreses Gotteschalci salubribus definitionibus damnatæ fuerunt in Synodo Carisiaca, eidem quoque damnationi suffragante Concilio Valentino, Lingonensi, & Tullensi per iuperiùs dicta. Et mirum est, quod Patres Valentini nonnihil insensu Conuentui Carisiaco eidem Concilij nomen adscripserint

in quarto Canone, & modò petulanter, non Synodum, sed Conuenticulum fuisse dicatur.

Quod autem Concilium Valentinum fuerit plurium Episcoporum, quàm Carisiacum, non facit ad rem: tum quia non in multitudine Dominus: tum etiam, quia licet plures Episcopi ad illud conuenerint, tamen in errorem prolapsi sunt, ex quo capitula Carisiaca confixerunt, quique idem error, vepotè intolerabilis emendari debuit à subsequentibus Concilij Lingonensi, & Tullensi, ut patet ex suprà dictis. Et optimè dixit Baronius tom. 10. ad annum 855. quod Synodus Valentina suos Canones edidit contra Gotteschalcum, sicuti Synodus Carisiaca contra eundem hæreticum sua capitula condidit, quod etiam notauit Cellotius lib. 4. Historia Gotteschalci cap. 20. §. Atque istud.

Denique, quod Concilium Valentinum fuerit approbatum auctoritate Nicolai Primi, nihil Carisiacæ Synodo præiudicat; quin potius fauet. Quia cum per definitiones Valentini errores Gotteschalci damnantur, ut suprà ponderauimus, tantò validius firmatur ista damnatio, quantò potiori munitur auctoritate, nempe Apostolica. Verumtamen est, quod non affertur testimonium adeò vrgens de tali approbatione, ut eam cogamur admittere. Etenim Annales Sancti Prudentij, in quibus perhibetur fieri de illa mentionem, non extant. Annales Bertiniani longo tempore post editi fuerunt, ideoque eorum attestatio, quacumque alia probatione destituta, non facit fidem irrefragabilem. Cellotius lib. 4. hi-

Historia Gottschalci cap. 33. præfatæ approbationi non assentitur. Certissime autem fatendum est, quod si talis approbatio Canonibus Valentinis accessit, id est intelligendum, de illis postquam correcti fuerunt per Concilium Lingonense, & Tullense, & nullo modo antequam dicta correctio contigisset. Quod est dicere, Canones Valentinos approbatos fuisse, expuncta, & retractata confixione Capitulorum Carisiacorum, quæ incautè irrepsit in quartum Canonem, quod bene coheret eum Chronologia. Etenim correctio contigit Anno 859. in quo Concilium Lingonense celebratum fuit, & Nicolaus Primus laudatissimus Pontifex ad Superos euolauit Anno Domini 867. Et quidem si Apostolica approbatio Canonum Valentini norum coniugisset ante correctionem eorumdem, non ausi fuissent Patres Lingonenses, & Tullenses, nec vllum apicem ab eis detrahere, atque adeo substituisse malè concepta confixio capitulorum Carisiacorum, aut potius ipsemet Pontifex eandem confixionem reprobasset.

Cum igitur expuncta præfata confixione Canones Valentini benè intellecti, uti debent intelligi, ne de errore notari possint, omnino conueniant in substantia cum capitulis Carisiaciis, ut latè superius ostensum est, eadem Apostolica approbatio illis assistens, ista munit. Indeque benè argui potest cum Cellotio lib. 4. *Historia Gottschalci cap. 26.* in fine, contra Mauguinum, quod si Canones Valentini per Lingonensem Synodum correcti adscribi debent

inter Ecclesiasticas definitiones, id etiam sine hæsitatione fatendum est de quatuor capitulis Carisiaciis. Præsertim, quia quartum capitulum Carisiacum exactius concordare dignoscitur cum definitionibus Innocentij X. & Alexandri VII. contra quintam propositionem Iansenij, quàm Canon quartus Valentinus, ut consideranti, patebit.

Paragraphus Quintus.

Aliz quædam obiectiones Aduersariorum afferuntur, & diluuntur,

PRæcipua obiectione Aduersariorum fundata in oppositione Synodi Valentinz cum Carisiaciâ penitus deiecta, & dissipata in præcedenti Paragrapho, supersunt modò aliz nonnullæ obiectiones pro complemento nostræ Dissertationis afferendæ, & diluendæ.

Obijciunt ergò primò. Nam, quid senserit Gottschalcus non potest melius inuestigare, quàm ex propria ipsius confessione, quæ prout assertur à Mauguino in primo *tomo pag. 7.* est sequentis tenoris. *Confiteor Deum omnipotentem, & incommutabilem præcuisse, et prædestinasse Angelos sanctos, et homines electos ad vitam gratis æternam. Et ipsam Diabolum caput omnium demoniorum cum omnibus Angelis suis Apostaticis, & cum ipsis quoque hominibus reprobis membris videlicet suis propter præcisa certissime propter ipsorum futura mala*

merita prædestinasse pariter per iustissimum iudicium suum in mortem meritò sempiternam; &c. Cui confessioni per omnia conformatur chartula suæ professionis ad Rabanum Episcopum missa, quæ sic habet. *Ego Gottschalcus credo, & confiteor, profiteor, & resistor ex Deo Patre per Deum Filium in Deo Spiritu sancto, & affirmo, atque approbo coram Deo, et Sanctis eius, quod gemina est prædestinatio, suæ electorum ad requiem, suæ reproborum ad mortem. Quia sicut Deus incommutabilis ante Mundi Constitutionem omnes electos suos incommutabiliter per gratuitam gratiam suam prædestinavit ad vitam æternam, similiter omnes omnino reprobos, qui in die Iudicii damnabuntur propter ipsorum mala merita, idem ipse incommutabilis Deus per iustum iudicium suum incommutabiliter prædestinavit ad mortem meritò sempiternam. Quibus accedit, & alia prolixior, similique confessio, quæ videri potest apud Mauguinum, ubi supra pag. 9. In quibus confessionibus nil non Catholicè dictum deprehenditur. Immeritò igitur Gottschalcus de Prædestinationum errore fugilatur.*

Respondetur neminem ignorare Hæreticorum versutiam, & calliditatem, quæ in fidei formulis edendis, ita verba componunt, ut suum errorem occultent, affectando in verborum cortice consonantiam cum Catholicis Dogmatibus, ut incautos decipiant.

Quamobrem in confessionibus eorum, qui sunt de hæresi suspecti, non solum attendendus est superficialis sensus verborum, sed acutius

penetrandus est sensus, qui sub speciosis verbis latitare potest ad mentem proferentis. Si enim latitare possit sensus erroneus, confessio refutanda est tanquam insufficiens ad sinceram Fidei protestationem. Marcionitz negantes carnis resurrectionem palam cum Catholicis proferebant hæc verba: *Va qui in hac carne non resurrexerint*, quibus videbantur suum errorem damnare, & tamen illa dolose pronunciabant ad decipiendum; Per carnis resurrectionem intimo erroneo sensu intelligentes exitum animæ à corpore, quia corpus vice sepulchri cœclusam animam in sæcularis vitæ morte detineat, ut ad nostrum intus refert Tertullianus in libro de carnis resurrectione cap. 19. Similiter Vitalis Apollinarista, qui credebatur in Christo esse solam Divinitatem, & carnem, non autem Animam, rationem, & mentem, & nihilominus non abhorrebat fateri, quod in Christo sit Anima, mens, & ratio, quæ quidem confessio Vitalis tanquam Catholica fuit etiam apud probata à S. Gregorio Nazianzeno, & à Damaso Papa. Quis enim suspicatus fuisset, eam professionem non esse orthodoxam, & planè contrariam errori Apollinaris? Et tamen postea Vitalis dolo comperto, quia per Animam, rationem, & mentem, nil aliud intelligebatur, quam ipsam Divinitatem, Damasus, & Gregorius Vitalem ab Ecclesiæ cœtu abdicavit, fideique libellum cum Anathematismo deleuit, ut refert idem Gregorius Nazianzenus in secunda Epistola ad Cledonium.

Eadem dolose artes animadverti

possunt in formulis Fidei editis in Conciliabulo Antiocheno ab Arrianis Episcopis. Nam teste S. Athanasio *libr. 2. cap. 7.* In prima professi sunt vnum Filium Dei vnigenitum ante omnia sæcula existentem, & coexistentem cum Patre suo, per quem omnia facta sunt. In secunda profitentur se credere in vnum Dominum Iesum Christum filium Dei vnigenitum Deū, per quem omnia; enim natum esse ante sæcula ex Patre, Deum ex Deo, totum ex toto, solum ex solo, perfectum ex perfecto, sapientiæ, & gloriæ Patris sine omni dissimilitudine imaginem, Primo-genitum omnis creaturæ, eundemque in principio apud Deum, Verbum esse. In tertia se credere consentunt in Filium Dei vnigenitum, Deum, Verbum, Potentiam, & Sapientiam Dominum nostrum Iesum Christum, per quem omnia, eumque genitum esse ex Patre ante sæcula, Deum perfectum ex Deo perfecto, & apud Patrem existeret in sua persona. Qui legit has Fidei formulas, primo obtutu credet eas esse sincerè Catholicas, & ita in sensu omninò Catholico accepit Sanctus Hilarius præsertim secundam in libro de Synodis. Et nihilominus S. Athanasius in eis Arrianum vitus detexit, quia Filius Dei, sic Deus esse dicitur, vt tamen ipsius consubstantialitas in natura cū Patre non affirmetur, & Catholici vrgebant hæreticos, vt eo nomine vterentur, ad clarè significandam Arrianismi detestationem.

Clarā denique locutionem in similibus confessionibus, seu protestationibus postulabat S. Hieronymus

agens de Ioanne Episcopo suspecto de hæresi Origenis in *Epistola 61. ad Tammachium*, hæc verba scribens: *Obsecramus, vi Ioannes, aut simpliciter nostra fateatur, aut aperit defendat aliena. Nolo verborum ambiguitates, nolo mihi dictum, quod, & aliter possit intelligi; & subiungit: Certe si hærescos nulla suspicio est, vii cupio, & credo, cur non verbis meis sensum meum loquitur. Quam ille simplicitatem vocat, ego malitiam interpreto, persuadere mihi vult, quod purè credat, purè ergo & loquatur.*

Hæc quidem omnia applicari possunt confessionibus Fidei à Goteschalco editis; Præterquam quod enim in eis nihil penitus expressit ad cauendum hæreticalem errorem, quo detinebatur circa redemptionem sanguinis Christi, quod scilicet non extenderetur ad omnes homines, neque ad quoscumque baptizatos, sed solummodo ad electos. Cum in puncto pertinente ad prædestinationem Electorum ad vitam, & reprobos ad mortem ipsi imputaretur à Rabano, & Patribus Concilij Moguntini: necnon ab Hincmaro, & Episcopis Synodi Carisiacæ, quod admittendo Reprobos prædestinari ad interitum, sicut Electi ad Gloriam, pariter etiam admitteret illos prædestinari ad culpam, sicut isti prædestinantur ad Gratiā: & similiter, quod propter æternam Dei prædestinationem ad interitum, Reprobi non possent saluari, & propter similem prædestinationem ad gloriam, electi non possent damnari; Hæc hæreticalia Dogmata debuisset in sua confessione, vel professione dilu-

dilucidè detestari, quod tamen non præstittit. Nam quidquid dixit in præfatis confessionibus, vel professionibus potest coherere cum prauo sensu, quod nimirum reprobis, ex quo prædestinatus fuit ad interitum, destitutus remaneat quacumque potentia ad consequendam salutem, & electus, ex quo est prædestinatus ad vitam, amittit omnem potentiam incurrendi in damnationem; & pariter quod reprobis, ex quo est prædestinatus ad mortem, sit etiam prædestinatus ad culpam. sicuti electus, ex quo est prædestinatus ad Gloriam, etiam est prædestinatus ad merita, propter quæ Gloriam est consecutus. Quoniam igitur hos prauos sensus non expresse reprobaui, ut facile poterat, & debebat, signum est, quod illi sensus suæ menti fixè adhærebant, & propterea confessionem, vel professionem suæ peruersæ fidei ita concinnare voluit, ut suam impietatem contegeret, & à fidei regulis non videretur declinare. Qua quidem industria plures decipit, qui crediderunt ipsum esse Catholicum, sed decipere non potuit Rabanum, Amolonem, & Hincmarum, & cæteros Episcopos Moguntinæ, & Carisiacæ Synodi, ad quorum audientiam vocatus suos prauos sensus exponere coactus fuit, & ob pertinaciam in eis promeritam damnationem subire.

Obijciunt secundò. Nam Viri gravissimi Gottschalco in hac causa fauerunt, existimantes ipsum iniquè vexari, eo quod hæreticalia dogmata ipsi attribuerentur, à quibus tamen penitus abhorreret. Pro quo referri

potest Ecclesia Lugdunensis in libro de tribus Epistolis sancto Remigio adscripto. Vbi explicatis in sensu Catholico propositionibus Gottschalci tandem concludit *cap. 24.* *Sicuti superius ex Diuina, et paterna auctoritate satis ostendimus videtur nobis sine dubio, quod illa, qua de Diuina prædestinatione dixit iuxta regulam Catholicæ fidei vera sint, et à veridicis Patribus manifestissime confirmata, nec ab illo penitus nostrum, qui Catholicus haberi vult, respuenda, siue damnanda, et idcirco in hac re dolemus non illum miserabilem, sed Ecclesiasticam veritatem esse damnatum.* Et præterea addit, in omnibus Gottschalci sensibus, et veram omnino, et salutrem intelligentiam esse, eumque Beatissimi Augustini ab omni semper Ecclesia venerabiliter accepti, & usque ad finem sæculi recipiendi sensum fuisse secutum, &c. Hinc (inquiunt) Roraldus Suelionensis Episcopus, & Gottschalci Ordinarius noluit accedere ad Synodum Carisiacam, eo quod Gottschalcum, & in eo veritatem opprimi videret, ut testatur Flodoardus *lib. 3. Historia Remensis.* Ac denique S. Prudentius in libro de prædestinatione contra Ioannem Scotum, Erigenam propositiones Gottschalci in Catholico sensu exponit. Quem secutus fuit Ratramnus Monachus in duobus libris de Prædestinatione Dei, & Lupus Ferrariensis Abbas in libro de tribus quæstionibus ad Regem Carolum Caluum misso. Tot igitur Venerabilium Patrum auctoritate protectus Gottschalcus immerito tanquam hæreticus damnatus fuit.

Respondetur præfata testimonia nihil prodesse Aduersariorum intento. Etenim ex eo, quod Gottschalci propositiones fuerint à præfatis Patribus explicatæ in sensu Catholico, non benè inferitur, quod in illo sensu prolatae fuerint à Gottschalco: Sunt enim propositiones æquivocæ, quæ possunt vtriusque interpretari in bono sensu, licet prauus sensus sit magis obuius. Quod autem in prauo sensu Gottschalcus illas protulerit, & defensusuerit conuincunt probatissimi Testes, qui ipsum differentem de suis perniciosis sententijs proprijs auribus audierunt, ipsiusque scripta ab eo oblata, vel missa attentè perlegerunt. Testes autè ipsi fauētes sunt de auditu alieno. Quemadmodum igitur Testes de visu præferuntur Testibus de auditu in probationibus iuridicis, ita in causa, de qua agitur, testes à nobis producti ad comprobendam hæresim Gottschalci omninò præferendi sunt Aduersariorum Testibus, qui de longinquo eam solum notitiam de sensu Gottschalci habere potuerunt, quam fama scēpissimè fallax apud ipsos peruulgauerat. Quamuis autem in obiectione asseratur Diuum Remigium fuisse Authorem libri de tribus Epistolis, at tamen id constanter negat Cellotius *lib. 3. Historia Gottschalci cap. 15. per tot.* & esse negandum probat varijs rationibus ibi videndis.

Et multò minus prodest, quod assertur ex Rotaldo Episcopo Sueffionensi, videlicet, quod noluerit Carisiacæ Synodo interesse, quia putaret in ea Veritatem opprimen-

dam. Quid refert, quod vnus Episcopus ab aliorum Coepiscoporum sententia discordet? Non enim ex hoc definitiones emanatæ à cæteris Episcopis redduntur de veritate suspectæ. Imò ipse, ex quo à reliquis recedit, de singularitatis vitio, erroris plerumque Comitè, notari potest. Si tamen cōiectari liceret aliam causam, ob quam Episcopus Sueffionensis ad Synodum Carisiacam noluerit accedere, illa probabilis occurreret, quod Rotaldus indignatus de missione Gottschalci ad Hincmarum Remensem Archiepiscopum, vt ab ipso iudicaretur; cum prætenderet ad suum Tribunal Gottschalcum remittendum, vt pote Monachum Monasterij Orbacensis, Diocesis Sueffionensis, ne in proprium præiudicium consentire videretur, Synodo Carisiacæ, cui Hincmarus præsidebat, interesse recusat, emendicato prætextu, quod in ea Synodo veritas esset opprimenda.

Denique in fauorem Gottschalci obijci potest, quod ipsius propositiones, prout referuntur in Epistola Hincmari ad Nicolaum I. immeritò proscriptæ fuerint tanquam hæreticæ, cum in eis nil deprehendatur, quod sit indicatiuum erroris, quod probatur discurrendo per singulas.

Prima enim propositio, qua dicebatur *Deum prædestinare quosdam ad vitam æternam, et quosdam ad æternum interitum*, habetur apud Augustinum *lib. . de Civitate Dei cap. 24.* & apud S. Fulgentium *lib. ad Monachum cap. 13.* nulla ergo censura notanda erat.

Secunda propositio, qua dicitur,

Deum

Deum non velle omnes homines saluos fieri, sed tantum eos, qui saluantur, defumitur quoque ex Augustino, qui sic exponit illud Apostoli prima ad Timoth. 2. Deus vult omnes homines saluos fieri, & ad agnitionem veritatis venire, vt dicat ita intelligendum esse. Primò, non quod Deus velit omnes saluari, sed quia nullus saluatur, quem Deus non vult saluum fieri. Ita in Enchirid. cap. 102. & lib. de Prædestinatione Sanctorum cap. 8. Secundò, vt fiat distributio pro generibus singulorum, non pro singulis generum. Ita vbi supra. Et terriò, Quod Deus vult omnes homines saluos fieri, id est facit Sanctos id velle. Sicuti cum dicitur ad Romanos 8. Deus postulat pro nobis gemitis inenarrabilibus, id est postulare nos facit. Ita lib. de correctione, & Gratia cap. 13. est igitur de mente Augustini, quod Deus non omnium hominum salutem velit, sed tantum eorum, qui de facto saluantur;

Tertia etiam propositio, qua dicitur, *Deum sanguinem fudisse tantum pro redemptione Electorum*, vera videtur; Tum quia cum humana Christi voluntas in omnibus esset conformis voluntati Diuinæ, sicuti iuxta Augustinū Deus vult Electorū salutem, non autem reprobōrum, ita videtur, quod Christus pro Electis, & non pro reprobis sanguinem fuderit, tum etiam, quia ipse Christus satis clarè innuit se nō pro omnibus mortuum esse, cum dicat Ioann. 17. *Non pro Mundo rogo*. Et de sanguine suo Matth. 16. *Qui pro multis effundetur*. Tum etiā, quia nil frequentius apud S. Augustinum, quàm quod nullus

perit ex his, pro quibus Christus mortuus est. Et quod Christus non perdit, quod emit sanguine suo. Tum denique. Nam Diuus Thomas 3. par. quest. 21. art. 4. ad 2. docet, quod Christus non orauit pro omnibus crucifixoribus, nec etiam pro omnibus, qui erant credituri in eum, sed solum pro his, qui erant prædestinati, vt per ipsum vitam consequerentur æternam. Igitur conformiter ad hæc, verè dicere potuit Goteschalcus, Christum pro Electis tantum sanguinem fudisse,

Respondetur, Propositiones Goteschalci iure, & meritiò confixas fuisse tanquam erroneas, & hæreticas à Concilijs Moguntino, Carisiaco II. & III. Valentinio, Lingonensi, & Tullensi, vel quia per ipsiusmet explicationem constabat, quod illas in sensu hæretico propugnabat, vel quia palam ex terminis, nedum indicabant, sed & exprimebant errorem.

Primæ quidem propositionis damnatum sensum exposuimus supra Paragrapho 3. & 4. Quamuis enim Augustinus nonnumquam meminerit prædestinationis ad interitum, attamen non sumebat prædestinationem in eo sensu, quo sumebatur à Goteschaleo; Ille enim Prædestinationem sumebat inadæquatè, prout solum est inductiua finis damnationis, non autem, ita quod esset etiam inductiua culpæ conducentis ad interitum, cum millies dixerit Augustinus, Deū non prædestinare, sed præscire peccata. Goteschalcus autem prædestinationem sumebat adæquatè ad eum modum, quo sumitur prædestinatio

ad vitam, & nunquam clarè, & dilucidè factus est, quod Deus ex quo reprobos prædestinat ad interitum, non necessitat illos ad culpam, ideoque in prauo sensu nomen prædestinationis ad interitum vsurpabat. Sæctus Fulgentius Augustinum sectatus est; Vndè loco allegato dixit. *Quos Deus prædestinavit ad gloriam, prædestinavit ad iustitiam, quos autem prædestinavit ad penam, non prædestinavit ad culpam.* Quid clarius pro discretione vnius prædestinationis ab altera? Gottschalcus autem è contra dixit, quod sicut Deus prædestinat ad vitam, ita prædestinat ad interitum, & quod prædestinatio Dei sicut est in bono, ita sit in malo, quo modo loquendi suum errorem indicavit: vltra quod vtramque prædestinationem sic explicabat, vt necessitatem inferret ad finem præstitutum, tollendo quaecumque potentiam ad oppositum, quod fidei repugnat.

Secunda quoque propositio est manifestè aduersatur sanæ fidei, vtpotè contradictoriè opposita authoritati allegatæ in obiectione: Apostolus enim ait: *Deus vult omnes homines saluos fieri*; & Gottschalcus dicit, *Deus non vult omnes homines saluos fieri, sed tantum electos.* Expositiones autem traditæ à Diuo Augustino sūt optimæ. Quia cum à Theologis cum D. Thoma par. 1. q. 19. art. 6. duplex in Deo distinguatur voluntas, nempe antecedens, & consequens, & hæc semper impleatur, secus illa. Dictum Apostoli de vtrique voluntate potest intelligi. Vt autem rectè

intelligatur de voluntate consequenti, ad illius dicti verificationem opus est recurrere ad expositiones traditas ab Augustino, quibus seclusus, falsum esset, quod Deus voluntate consequenti vellet omnes homines saluos fieri. Numquam tamen S. Augustinus negauit verba Apostoli debere etiam intelligi de voluntate antecedenti, & quod iuxta hanc intelligentiam Deus vellet absolute, & simpliciter omnes homines saluos fieri. Imò quod ita sit, factus est Sanctus Doctor in libro Responsum ad articulos sibi falsò impositos per hæc verba: *Sincerissimè credendum, atque profitemdum est, Deum velle, vt omnes homines salui fiant, siquidem Apostolus sollicitè precipit, vt Deo pro omnibus supplicetur.*

Si dicatur. Cur similiter non licebit exponere propositionem Gottschalci conformiter ad expositionem traditam D. Augustino, dicendo nimirum, quod etiam ille loquatur de voluntate Dei consequente, non autem de voluntate antecedente?

Responsio habetur in promptu? Ratio enim huius est, tum quia propositio Gottschalci eam interpretationem respuit; quia ipse dixit, quod quicumque non saluantur, penitus non esse voluntatis Dei, vt saluantur, quod est dicere, Deum nullo modo, seu nulla voluntate velle, quod reprobi saluantur, quibus verbis excluditur etiam voluntas antecedens de salute reprobos, quo modo loquendi nunquam vsus est Augustinus. Tum etiam, quia Gottschalcus nunquam falsus est, Deum simpli-

placiter; & absolutè velle salutem omnium hominum: secus autem Augustinus, ut patet per auctoritatem inductam respondendo ad obiectionem.

Tertia propositio, cum reprehendatur in Iansenio, non potest absque crimine in Gottschalco canonizari. Manifestè namque repugnat Sacris Scripturis. Quia primæ ad Timoth. cap. v. postquam Apostolus dixit, *Deum velle omnes homines saluos fieri*, de Christo subiungit, quod *dedit semetipsum Redemptionem pro omnibus*, & ad Rom. 4. *Proprio filio non pepercit, sed pro omnibus tradidit illum*, & 1. ad Corinth. 15. ait: *Si vnus pro omnibus mortuus est, ergo omnes mortui sunt, & pro omnibus mortuus est Christus*; qui locus est luce meridiana clarior: nam sicut certum est omnes mortuos esse in Adam, ita & Christum mortuum esse pro omnibus fatendum est, cum inde probet Apostolus omnes in Adam mortuos esse, quia pro omnibus mortuus est Christus. Concinnunt Sancti Patres, nam Augustinus lib. 2. de symbol. ad Catechum. cap. 8. introducit Christum Crucifixoribus, & reprobis ita loquentem: *Videte vulnera, quæ infligistis, Agnosceite id latius, quod pupugistis, quoniam per vos, & propter vos apertum est, nec tamen intrare voluistis*. Ambrosi. serm. 8. in psalm. 118. ita fatur, *Christus Redemptor mysticus Sol iustitiæ omnibus ortus est, omnibus renit, omnibus passus est, omnibus resurrexit*. Epiphanius lib. de hæresibus hæres. 55. Pro toto Mundo (inquit) *Christus se obtulit, ipse victima, ipse*

sacrificium, ipse Sacerdos, ipse Altare, &c.

Nec vrgent in oppositum allata. Etenim, ut Christus humanam voluntatem Diuinæ conformaret, pro salute omnium debebat sanguinem fundere, quia Deus omnium salutem expetit, ex supra dictis. Ad illud de Christi oratione, dicendum est, Christum non orasse pro Reprobis voluntate consequente, sed inferente efficaciter salutem. Orasse tamen voluntate antecedente, quæ posset, quantum est de se inferre salutem, nisi impediretur per peccata Reproborum; & sic etiam intelligitur dictum Diui Thomæ ultimo loco propositum in obiectione. Ad illud Matthæi dicendum est, vel quod *ly pro multis* intelligitur pro omnibus hominibus exclusis Angelis, pro quibus Christi sanguis non est effusus. Vel si solum de prædestinatis hominibus exponatur, intelligi debet de effusione sanguinis ex voluntate effusæ salutis eorum, quo pacto non est effusus pro reprobis, sed ex voluntate tantum sufficienti, quæ posset habere salutis effectum, nisi per peccata reproborum impediretur. Eademque interpretatio applicatur verbis Augustini. Quia nullus perit ex his, pro quibus Christus mortuus est ex voluntate consequenti, & efficaci. Illi verò pereunt, pro quibus Christus mortuus est, ex voluntate solum antecedenti, & sufficienti.

Quarta denique propositio profert hæresim proscriptam in quinta propositione Iansenij. Aduersatur

enim Apostolo dicenti ad Roman. 6.
Quicumque Baptizati sumus in Chri-
sto Iesu, in morte ipsius baptizati su-
mus: & Beato Ioanni similiter de
ipso Domino testantur Apocal. 1.
Quod dilexit nos, & lauit nos à pec-

catis nostris in sanguine suo. Cum
igitur in Baptismate lauetur Anima
à maculis peccatorum, impossibile
est, quod ista lotio aliter fiat, quàm
Christi sanguine redemptivo. Et hæc
de hac Dissertatione dicta sufficiant.

F I N I S.



I N D E X

RERVM NOTABILIVM.

A.

Absolutio.



Absolutio Sacramentalis Pœnitentibus in articulo mortis constitutis impendi non potest à Sacerdotibus hæreticis, aut Schismaticis notorijs, & manifestis, nec ab excommunicatis, & denunciatis, etiamsi nõ

adfit, nec adesse possit Sacerdos Catholicus, & vnitus. *Quæst. 1. per tot. pag. 1. & seqq.*

Absolutio duplex antiquitùs in Ecclesia pœnitentibus impendebatur, Sacramentalis, & Ecclesiastica, seu Canonica. *pag. 82.*

Absolutio Ecclesiastica, seu Canonica denegata fuit primis tribus sæculis pœnitentibus in extremo dumtaxat vitæ veniam pœnitentibus. *ibid.*

Absolutio Sacramentalis à Sacerdote hæretico impensâ nulla est, etiam in casu necessitatis. *pag. 4.*

Absolutio Sacramentalis, neque sub conditione impendi potest ab Hæretico, & excommunicato denunciato, nec in casu necessitatis. *pag. 50.*

Absolutio Sacramentalis 'fit per modum iudicii, & fit cum prelatione, & vñ iurisdictionis in pœnitentem absolucudum. *pag. 7.*

Absolutio in articulo mortis impendi potest à quolibet Sacerdote Catholico, & non præcisò ab Ecclesia. *pag. 7.*

Absolutio nulla est, quam Sacerdos in eum proferat, in quem non habet ordinariam, vel delegatam potestatem. *pag. 38.*

Ad absolutionem Sacramentalem impendendam duplex requiritur potestas, Ordinis scilicet, & iurisdictionis. *ibid.*

Absolutio sub conditione quando impendi possit. *pag. 52.*

Absolutio Sacramentalis nunquam denegata fuit ab Ecclesia reis criminum Idololatriæ, homicidij, & mœchiz pœnitentia fundis. *Quæst. 2. pag. 54. & seqq.*

Peccatoribus in extremo vitæ pœnitentibus Ecclesia Sacramentalem absolutionem, tribus primis sæculis non denegauit, ut perperam aliqui volunt. *pag. 61. & seqq.*

Absolutionem Sacramentalem non peractâ, pœnitentia impendendam non esse dixit Petrus de Olina *pag. 107.* Propter eâ damnatus à Sixto IV. *pag. 110.*

Absolutio Sacramentalis confitentibus etiâ grauiorum criminum reis ritè dispositis ante peractam pœnitentiam, seu satisfactionem Sacramentalem impendi debet. *quæst. 3. per tot. pag. 111. & seqq.*

Absolutio in Sacramento Pœnitentiæ habet rationem constitutiui essentialis. *pag. 111.*

Per absolutionem Sacramentalem commutatur poena æterna peccatori debita in temporalem. *pag. 114.*

Falsum est, quod aliqui recentiores asserunt absolutionem Sacramentalem in Ecclesia, primis duodecim sæculis, nonnisi post peractam satisfactionem Sacramentalem, pœnitentibus impensam fuisse. *pag. 131. & seqq.*

Dilatio absolutionis Sacramentalis in pœnitentes dispositos est eorum saluti spirituali valde noxia, *pag. 115. & seqq.*

Absolutio quæ grauiorum criminum reis post expletam pœnitentiam antiquitùs impendebatur non erat Sacramentalis, & pro foro interno, sed tantum Ecclesiastica, & pro foro externo. *pag. 132. & seqq.*

Absolutio quæ impendebatur pœnitentibus post expletas pœnitentias in Canonibus prelatiualibus iniunctas Ecclesiastica fuit, & pro foro externo, non Sacramentalis, & pro foro interno. *pag. 166.*

Peccatori in extremo dumtaxat vitæ peccata confitenti, si verè se de illis dolere asserat, etiamsi suspicio rationabilis, aut dubiù esse possit in Confessario, quod non verè doleat, absolutio impendenda est saltem sub conditione, dummodò non appareat ipsum non verè dolere. *pag. 84. & seqq.*

Accusator falsus.

Non licet interficere falsum accusatorem.

G g 2 fal.

Index Rerum notabiliū.

falsos testes, ac etiam iudicem, à quo iniqua certo imminet sententia, etiam si alia via non possit innocens dampnum evitare. pag. 261.

Actio.

Iusto existente motivo licitum est actionem bonam præstare, etiam si agens sciat aliam ex sua malitia actione illa abuturū. pag. 210.

In quo casu teneatur homo relinquere actionem aliā bonam, ne inde consequatur malum. pag. 235.

Agareni.

Agareni Baptismum suscipiebant vti medicinam corporalem, & tanquam veneficium, & iucurationem. pag. 217.

Aggressor.

Futurus aggressor, qui dicitur. pag. 257.

In nullo casu licet futurum aggressorem præuenire illum occidendo. quæst. 6. per tot. pag. 200. & seqq.

Aggressor iniustus.

Quinam iniusti aggressores nomine intelligendus sit. pag. 242. & seq.

Aggressor iniustus materialiter quinam dicatur. pag. 243.

Ob suam culpam aggressor potest defendendo se occidere aggressorem. pag. 244.

S. Augustinus.

Quid sentiat S. Augustinus de Baptismo ob salutem corporalem Baptizati suscepto. pag. 231. & seqq.

Quænam fuerit S. Augustini de iniusti aggressoris occasione sententia. pag. 245.

B.

Banniti, & Contumaces.

Banniti, & contumaces, aut diffidati non possunt licite resistere Ministris, & executoribus iustitiæ, nec alijs priuatis personis eos aggredientibus, vt penam contra eos statutam exequantur cum eorum occisione, aut notabili læsione. pag. 204. & seqq.

Baptismus.

Baptismus conferri potest ab Hæreticis in casu necessitatis. pag. 3. & 34.

Baptismi Minister in casu necessitatis est quilibet homo vsu rationis præditus. pag. 7.

Baptismus conferri non potest puero in utero matris incluso, per hoc. quod eius macer abluatur. pag. 29.

Baptismi Sacramentum dari potest validum, & informe. pag. 27.

Baptismus confert gratiam recedente fictione. pag. 120. & 127.

Non licet Turcarum, aliorumque Infidelium filios baptizare, Parentibus eorum Baptismum pro illorum salute corporali prestantibus, si addit merilis certitudo, quod illi in adulta ætate peruertendi sint à parentibus, etiam si reuertentibus eos baptizare mors, aut aliud graue damnum ab infidelibus imminet; hæc autem moralis certitudo adest, si filij post Baptismum à parentibus infidelibus non separantur. quæst. 4. per tot. pag. 172. & seqq.

Nec hæreticorum filios ante vsu rationis baptizare licet, si apud hæreticos educandi sint. pag. 173. & seqq.

Baptismus profanatur per professionem infidelitatis, & per apostasiam à fide. quæst. 4. per tot. & pag. 172. & seqq.

Baptismus profanatur etiam per professionem hæresis. pag. 186.

Baptismi character profanatur ab eo, qui post susceptum Baptismum proficetur falsam religionem. pag. 200.

Baptismi Minister graue sacrilegium committit, si Baptismum alicui conferat, cum notitia moraliter certa, quod Baptizatus apostatabit à fide. quæst. 4. per tot. pag. 200. & seq.

Baptismus conferri potest Infidelium filio ante vsu rationis morituro, siue consentiant, siue non consentiant parentes infideles. pag. 201.

Collatio Baptismi facta à Baptizante cum notitia moraliter certa de futura peruersione baptizati est intrinsecè mala. pag. 202. & seqq.

Baptizari cum ad vsu rationis peruenerint instruendi sunt in fide, & catechizandi. pag. 204.

Si nullum ad sit periculum peruersionis, & iustum ad sit motum, Turcarum, aliorumque infidelium filios baptizandi, licetum est illos baptizare, etiam si parentes infideles ob salutem dumtaxat corporalem eos baptizari petant. pag. 208. & seq. Non licet Baptismum alicui conferre absque intentione illum baptizandi, & simulando Baptismum. ibid.

Licet conferre Baptismum ad salutem corporalem, tanquam ad effectum non infallibilem, & cum certitudine ex Baptismo præstandum, sed ex fiducia in benignitate Dei, qui propter excellentiam, & dignitatem Sacramenti Baptismi, velicet ad corporalem salutem conferre, ibid.

Quid

Index Rerum notabilium.

Quid cum Christianis agendam si proprios filios ad salutem corporalem baptizari petant. pag. 315. & seqq.

Bellum.

Bellum iustum quam causam requirat. pag. 363. & 303.

Causa iustæ ad bellandum quot, & quæ sint. ibid.

Bona temporalia.

Licet alicui propria bona defendendo eorum raptores occidere. quest. 1. per tot. pag. 301. & seqq. Non tamen ad id teneatur. pag. 312.

C.

Calphas.

Calphas qua ratione fuerit Propheta. pag. 71.

Canones Penitentiales.

Canonum penitentialium notitia Confessoribus necessaria est. pag. 169.

Canones penitentiales tantum habuerunt locum in foro exteriori Ecclesiastico, non in interiori penitentiali. pag. 164.

Canones penitentiales, & penitentia in eis contentæ iustus de causis ab Ecclesia sublatae sunt. pag. 166.

Penitentijs in Canonibus penitentialibus contentis alias penitencias, & alia opera penalia Ecclesia substituit. pag. 168.

Cardinalis Caietanus.

Cardinalis Caietani sententia de potestate Sacerdotis ad absolvendum, qualiter intelligenda sit. pag. 39.

Character.

Character præcisè non constituit aliquem Ecclesiae membrum. pag. 30.

Character Sacerdotalis, in quo consistat. pag. 45.

An distinguatur à clavis ibid.

Claues.

Claues non differunt à potestate ordinis. pag. 43.

Quid sit clavis. ibid.

Duplex est clavis, scientiæ, & potestatis. ibid.

Quid sit clavis scientiæ, quidve clavis potestatis. ibid.

An claves distinguantur à characteribus. ibid.

Claues quomodo maneant in Hæreticis, & Schismaticis. pag. 41.

Clauius usus prælationem, & iurisdictionem requirit respectu eius in quem quis eis utitur. pag. 2.

Communio.

Communio in extremo dumtaxat vite penitentibus primis tribus sæculis denegabatur ab Ecclesia. pag. 80. & seqq.

Communio eo tempore denegatur nomine perperam aliqui absolutionem Sacramentalem intelligi volunt. ibid.

Communio duplex olim in Ecclesia, Ecclesiastica, & laica. pag. 105. & seqq.

In quo hæc duplex communio distingueretur. ibid.

Concilium Generale.

Concilium Generale non est supra Papam, sed sub Papa. pag. 375.

Concilium Constantiense.

Concilij Constantiensis constitutio de excommunicatis vitandis, quoad Sacramentorum administrationem, quo pacto intelligenda sit. pag. 118. & seqq.

De eadem Constitutione observatio Prosperi Fagnani. pag. 12.

Concilium Lateranense.

Concilij Lateranensis constitutio sub Leone X. quoad excommunicatos vitandos. pag. 23.

Concilium Tridentinum.

Concilium Tridentinum non concessit facultatem Sacerdotibus Hæreticis, antischismaticis, præsertim notorijs, & manifestis, nec excommunicatis, ac denunciatis absolviendi penitentes in articulo mortis. pag. 14. & seqq.

Declaratio super hoc Sacre Congregationis Eminentissimorum Dominorum Cardinalium Sacri Concilij Tridentini Interpretum. ibid.

Concilia Provincialia.

Concilia Provincialia, qua ratione iudicare possint de rebus fidei. pag. 374. & seqq.

In Concilij Provincialibus damnatae fuerunt hæreses, etiam grauioribus. pag. 388.

Concilium Arelatense III.

Patres Concilij Arelatensis III. Faustio Religiensi demandarunt, ut per epistolam specialem Lucidum Presbyterum ab erroribus Prædestinarianorum reuocet. pag. 366.

Concilium Carisiacum, & Moguntinum.

In Concilio Carisiaco damnati fuerunt errores Gottschali. pag. 392.

Iidem damnati fuerunt in Concilio Moguntino. pag. 391.

Concilium Illiberitanum.

Concilium Illiberitanum, nunquam statuitur ab.

Index Rerum notabilium.

absolutionem Sacramentalem, seu Pœnitentiæ Sacramentum denegandum fuisse. Peccatoribus in extremo dumtaxat vitæ pœnitentibus, vti recentiores aliqui comminiscuntur. pag. 99 & seqq.

Idem Concilium vindicatur ab hac sinistra intelligentia ibid.

Communione reus aliquorum criminum, in extremo vitæ deneganda statuit. ibid.

Communione denegata nomine Eucharistiæ intellexit, non verò absolutionem Sacramentalem, ibid.

Concilium Valentinum.

Concilium Valentini non contradicit Concilio Carisfacio quoad damnationem doctrinæ Gottschalci. pag. 423.

Vide verbo Gottschalcus.

Confessio Confessor.

Facultas audiendi confessiones, & pœnitentes Sacramentaliter absolviendi non confertur Sacerdoti cum approbatur ad audiendas confessiones, sed ei confertur, cum ad eas audiendas iuridicè deputatur. pag. 42.

Confessio non est faciendi hæretico, præsertim notorio, & manifesto, nec etiam in casu necessitatis. pag. 6.

Confessio facta Laico Catholico in casu necessitatis, qua ratione Deo sit accepta. ibid.

Confessio dari potest valida, sed informis. pag. 122 & seqq.

Recedente fitione suum habet effectum, ibid.

Confessio, & contritio secundum se dispositiones sunt ad gratiam, & ad remissionem peccatorum; vt verò simul cum forma constituunt Sacramentum Pœnitentiæ, ad prædictos effectus se habent effectiue. pag. 125.

In Ecclesia primis sæculis consuetudo fuit, quod peccatores præter secretam, & apud Sacerdotem de peccatis factam confessionem, aliam publicam de iisdem coram alijs fidelibus facerent, hanc consuetudinem sustulit S. Leo Papa J. pag. 162.

Confirmatio Sacramentum.

Sacramentum confirmationis dari potest validum, & informè, pag. 127.

Confert suum effectum recedente fitione, ibid.

Contritio.

Contritio est pars essentialis Sacramenti Pœnitentiæ. pag. 139.

Contritio non habet remittere peccatum, &

Deo Pœnitentem reconciliare, nisi cum voto confessionis. pag. 63.

S. Cyprianus.

Sancti Cypriani contra Nouatianum hæreticum inelamationes. pag. 60. & seqq. & 60.

Eadem aptatur aduersus Authores asserentes tribus primis sæculis quorundam criminum reus, vel in extremo dumtaxat vitæ pœnitentibus, absolutionem Sacramentalem ab Ecclesia in extremo vitæ denegatam fuisse. ibid. & seqq.

D.

Damnatus ad mortem.

Iuste ad mortem damnatus non licet se contra Iudicem, aut executorem defendere. quest. 7. per tot. pag. 166.

Iuste ad mortem damnatus potest fugere, de carcere, vincula & carceres rumpere, nisi damnatus sit ad permanendum in carcere. ibid.

Iuste dampnatus, vt fame moriatur non peccat, si cibum sibi occultè ministratum lumas; sed si damnatus sit, vt abstineat à cibo sibi etiam occultè oblato. ibid.

Si verò damnatus ad mortem precibus obtineat, vt loco mortis perpetuò maneat in carcere, non potest licitè de carcere fugere. pag. 167.

Si verò ad permanentiam perpetuam in carcere damnatur extra casum permutationis. pœnæ mortis in perpetuum carcerem adhuc possit fugere de carcere. ibid.

Si tamen Iudex non solim damnet quempiam ad carcerem, sed etiam mandaret, vt in eo maneret, in eo casu reus obligaretur ad permanendum in carcere. ibid.

Iniuste ad mortem damnatus non licet se defendere cum occisione Iudicis, qui sententiam iniustam tulit, etiam si hac via, & non alia possit mortem euadere. quest. 8. per tot. pag. 176. & seqq.

Iniuste damnatus ad mortem per sententiam secundum allegata, & probata iustam, non potest per vim se defendere, nec absque peccato Iudicem occidere, quamvis non possit aliter mortem euadere. quest. 9. per tot. pag. 182. & seqq.

Defensio bonorum temporalium.

Licet alicui propria bona defendendo eorum raptorem occidere. quest. 11. per tot. pag. 105. & seqq. Non tamen ad id tenetur. pag. 112.

Index Rerum notabilium.

Defensio honoris, & famæ.

Non licet alicui honorem, aut famam propriam defendendo actualiter illum dehonora-
rantem, conuitianrem, iniuriantem, vel calumniantem occidere. pag. 315. & seqq.

Vir nobilis, qui alapam, conuitium, aut aliam iniuriam accepit non potest licite incontinenti repercutere aduersarium, vel ipsum occidere ad proprium honorem defendendum. pag. 314. & seqq.

Defensio Pudicitie.

Licet Mulieri propriam defendere pudicitiam, etiam cum occisione aggressoris, immodico illam etiam cum occisione aggressoris defendendam tenetur, si sibi timeat consensum in peccatum, & delectationem Vnoceam, & aliter aggressorem repellere nequeat, secus verò si consensum in peccatum, & delectationem Vnoceam non timeat. pag. 316. & seqq.

Defensio vite corporalis.

Licet alicui alium occidere se defendendo. quæst. 9. per tot. pag. 314.

Qualis debeat esse intentio illius, qui se ab iniusto iniustore defendit. pag. 319. & seqq.

Defensio sui est licita cum sit non solum repellendo ictus aggressoris, sed etiam cum ictus in aggressorem vibrantur. pag. 321.

Homo debet seipsum defendere cum moderamine inculpatae tutelæ. pag. 321.

In quo consistat moderamen inculpatae tutelæ, ibid.

Licet defendendo se occidere iniustum aggressorem materialiter. pag. 323.

Et pariter licet defendendo se occidere aggressorem, cui aggressus iustam dedit occasionem aggrediendi. pag. 324.

In nullo casu licet futurum aggressorem præuenire illum occidendo. pag. 360. & seqq.

Non licet interficere falsum accusatorem, falsos testes, ac etiam Iudicem, à quo iniusta certò imminet sententia, etiam si alia via non possit innocens damnum euitare. pag. 361.

Iuste ad mortem damnatis non licet se contra Iudices, aut executores defendere. quæst. 7. per tot. pag. 366.

Defensio sui an sit de iure naturæ. pag. 373.

Iniuste aggressus non semper tenetur se ab iniusto aggressore defendere, sed licite potest se iniusto aggressori aliquando perimendum permittere. quæst. 10. per tot. pag. 395. & seqq.

Iniuste aggressus in aliquibus casibus tenetur se defendere, etiam cum aggressoris occisione. pag. 399. & seqq.

Desiderium mortis æternæ.

Non potest quis absque peccato mortali aliterius mortem desiderare, etiam si non ex displicentia personæ, sed ob aliquod temporale emolumentum illam desideret. pag. 343. & seqq.

Non licet absoluto desiderio cupere mortem Patris ob pinguem hereditatem obtenturam. pag. 349. & seqq.

Licetum est optare, quod aliquis peccator patiatür aliquam ægriitudinem, aut aliquod impedimentum, vel ut ipse melior efficiatur, vel ut saltem ab aliorum concubito cesset. pag. 350. & seqq.

Desiderium propria mortis.

Non licet sibi optare mortem ad vitanda mala temporalia. pag. 355.

Deus.

Deus vult omnes homines saluos fieri per media ab ipso instituta, debito modo applicata, & reuerenter adhibita; non autem vult homines saluos fieri per Sacramenta profanata, & sacrilegè collata, aut recepta. pag. 397.

Dilectio proximi.

Cum Leuit. 19. & Matth. 22. dicitur: *Dilige proximum tuum sicut teipsum*, particula illa *sicut* non designat, quod quis debeat proximum diligere æqualiter quàm seipsum, sed minus quàm seipsum. pag. 279.

Doctores.

Doctores antiqui præferendi sunt modernis. pag. 29.

E.

Ecclesia.

Ecclēsia priuat Hæreticos, & Schismaticos omni iurisdictione, & prælacione. pag. 9.

Ecclesia Romana criminum idololatriæ, homicidij, & mœchiæ reis poenitentia functis, nunquam veniam, seu absolutionem Sacramentalem denegauit. quæst. 2. pag. 54. & seqq.

Ecclesia primis tribus sæculis Peccatoribus in extremo viæ poenitentibus, Poenitentia Sacramentum, seu absolutionem Sacramentalem non denegauit. pag. 62. & seqq.

Falsum est, quod aliqui recentiores asserunt abso-

Index Rerum notabilium.

absolutionem Sacramentalem in Ecclesia primis duodecim sæculis, non nisi post perfectam satisfactionem Sacramentalem, penitentibus impensam fuisse. pag. 131. & seqq.

Ecclesia plura iustis de causis sustulit, vel immutauit, quæ antiquitus inter fideles in usu erant. pag. 68.

Ecclesia potestatem habet in Sacramentorum administratione salua illorum substantia statuendi, vel mutandi, quæ suscipientium utilitati, vel Sacramentorum venerationi pro rerum, ac temporum, & locorum, varietate magis expedire iudicauerit. ibid.
Ecclesia iuste iustulari consuetudinem communicandi Laicos sub vtraque specie. ibidem.

Effectus casualis, seu fortuitus.

Effectus dupliciter dicitur casualis, seu fortuitus: viuo modo cum effectus necdum contingit præter intentionem agentis, sed nec est ab eo præuisus, nec præcognitus: alio modo cum effectus ille quoquo modo accidit præter intentionem agentis, quia ab agente non intenditur, licet sit præuisus. pag. 136.

Episcopus.

Episcopo, qui ex auaricia ex vna Ciuitate, in aliam transiisset Communionem, seu Eucharistiam denegandam statuit Concilium Sardicense. pag. 105.

Error communis.

Error communis quando interueniat, & quomodo conferat iurisdictionem. pag. 25. & seqq.

Error communis non contingit in casu quo hæreticus manifestus, ac notorius, aut excommunicatus, & denunciatus confessiones Sacramentales excipiat. pag. 25.

Eucharistia.

Eucharistia peccatoribus in extremo damnata vitæ penitentibus negata fuit ab Ecclesia tribus primis sæculis. pag. 76. & seqq.

Eucharistia deneganda est ægotis vomitus periculo subiectis. pag. 79.

Eucharistia effectus in eam suscipientibus. pag. 80.

Eucharistia concedenda est reis ad mortem damnatis. pag. 79. & seqq.

Eucharistiam reis aliquorum criminum in extremo vitæ olim denegandam statuit Concilium Illiberitanum. pag. 99. & seqq.
Eucharistiam percepturis uedum impendebatur antiquitus absolutio Sacramentalis, & in foro interno, quod fiebat in

Confessione Sacramentali, sed impendebatur etiam absolutio Ecclesiastica, & in foro externo, vti etiam nunc in Ecclesia. Eucharistiam percepturis impenditur absolutio in foro exteño, & quia Eucharistia perceptio dicebatur etiam Communio, hinc recentiores aliqui decepti Communionis nomine absolutionem Sacramentalem intellexerunt. pag. 85.

Eucharistia non causat gratiam recedente fictione. pag. 187.

Excommunicatus. Excommunicatio.

Excommunicatus, ac denunciatus non potest administrare Sacramentum Penitentia, nec etiam in casu necessitatis. quæst. 1. per tot. pag. 1. & seqq.

Excommunicatio à qua in reconciliatione Ecclesiastica penitentes post expletam penitentiam antiquitus absoluebantur, non fuit excommunicatio, seu censura, quæ scilicet penitentes priuaret participatione omnium Sacramentorum, sed prohibitio quedam, qua penitentes cum alijs fidelibus communicare prohibebantur, & ab ingressu Ecclesiæ arcebantur, & à Sacra Eucharistia perceptione. pag. 145.

F.

Fama.

Fama in quo consistat. pag. 312. & 316.
Qua ratione fama præferantius bonum, sit quam alia bona temporalia. pag. 318.
Homo est dominus propriæ famæ, & ad illam defendendam non tenetur, si eius fama non habeat relationem ad famam aliorum. pag. 332.

Fausus Reienfis.

Fausus Reienfis iubetur à Patribus Concilij Arelatenfis III. Lucidum Presbyterum per epistolam ab erroribus Prædestinarianorum reuocare. pag. 365.

De Fausi Reienfis moribus illustre Cardinalis Barouij testimonium. pag. 372.

Defenditur à calumnijs Catholica doctrinâ epistolæ Fausi ad Lucidum. pag. 381. & seqq.

Fides.

Fides ab aliquo in Baptismo recepta profanatur, & abijcitur per professionem infidelitatis, & hæresis. pag. 200. & seqq.

Fili Turcarum, aliorumque infidelium.

Filios Turcarum, aliorumque infidelium baptizare non licet, parentibus eorum. Baptismum pro illorum salute corporali petentibus si adit moralis certitudo, quod illi in adulta ætate perueniendi sint à patre-

ten-

Index Rerum notabilium.

rentibus, etiamſi rennentibus eos baptizare mors, aut aliud graue damnuni ab infidelibus imminat, quæſt. 4. per tot. pag. 372. & ſeqq.

Fur.

Licet æqualem furem occidere ſi ablata reſtituere nolit, quæſt. 11. per tot. pag. 305. Non tamen quis ad id tenetur. pag. 312. Non licet furem occidere pro aliquo bono exiguo ablato, quod uotabile damnum, non inferat illius domino. pag. 307.

Futurum.

Futurum non ſolum dicitur illud, quod aliquando erit, ſed futurum etiam dicitur illud, quod nunquam erit, ſed quod habet determinationē in ſuis cauſis ad hoc, vt fit in aliquo determinato tempore, aut duratione ſubſequentē illud inſtans pro quo dicitur eſſe futurum. pag. 377.

G.

Gaudium de alterius morte.

Non poteſt quiſpiam abſque peccato mortali de vita alicuius triſtari, & de illius morte naturali gaudere, illam inefficaci affectu petere, & deſiderare, etiamſi non ex diſplicitia perſonæ, ſed ob aliquod temporale emolumentum de vita, alicuius triſtetur, & de illius morte naturali gaudeat, illamque inefficaci affectu petat, & deſideret. pag. 343. & ſeqq. Non licet filio gaudere de parricidio Parentis à ſe in ebrietate perpetrato propter ingenes diuitias inde ex hæreditate conſequentas. pag. 350.

Gottſchalculus Monachus.

Gottſchalculus Monachus hæreſim Prædeſtinarianam reſuſcitauit in nono ſæculo. pag. 389. & ſeqq. Eius errores primò damnati fuerunt in Synodo Moguntina. pag. 391. Et in Synodo Cariſiaca. pag. 393. Diſta Gottſchalci referuntur, & hæreticalia eſſe oſtendunt. pag. 394. Errores Gottſchalci damnari etiam fuerunt in Synodo Valentina, Lingonenſi. pag. 403. & 415.

Græci.

Presbyteri Græci Catholici in cauſa neceſſitatis abſoluere poſſunt Latinos. pag. 35.

H.

Hæreſes. Hæretici.

Non omnes hæreſes damnatæ ſunt in Concilijs generalibus, ſed hæreſes

aliquæ etiam grauiffimæ damnatæ fuerunt in Concilijs Prouincialibus. pag. 383.

Hæretici, & Schiſmatici carent omni inſiſtitione, & prælatione. pag. 1. & ſeqq.

Hæretici, & Schiſmatici carent omni iuſtificatione, & non poſſunt abſoluere, nec ligare. pag. 2. & ſeqq.

Baptizare poſſunt in articulo neceſſitatis. pag. 3.

Hæretici notorij, & maniſeſti nullo modo ſunt membra Eccleſiæ. pag. 4.

Hæretici præſertim notorij, & maniſeſti ſunt extra Eccleſiam. pag. 6.

Hæretici, & ab Eccleſia præciſi poſſunt valide ordines conſerre. pag. 9.

In hæreticis manet clauum potestas quantum ad eſſentiam, non vero uſus. pag. 9.

Cum hæreticis nullatenus eſt communicandum. pag. 19. & ſeqq.

Hæretici retinent charaſterem. pag. 39. Quæ ratione illum retineant. ibid.

Hæreticus quo pacto pertineat ad Eccleſiam. pag. 30.

Hæretici non ritè ordinati in Sacerdotes non habent poteſtatem ordinis. pag. 49.

Hæretici, vt ſuum errorem occultent verbis, vtuntur ambiguis. pag. 411.

Hæreſis Prædeſtinariana.

Hæreſis Prædeſtinariana primùm fuit in quinto ſæculo. pag. 318. & ſeqq.

Quinam fuerint hæretici Prædeſtinariani quinti ſæculi. pag. 363.

Reſcenſentur illorum errores. pag. 360. & ſeqq.

A Gottſchalco Monacho reſuſcitata fuit in nono ſæculo. pag. 389. & ſeqq. Vide verbo Gottſchalculus.

Homicidium. Vide verbo Deſenſio vite humanæ.

Iniuſtè ad mortem damuaro non licet ſe defendere eum occiſione iudicis, qui ſententiam iniuſtam tulit, etiamſi hæc via, & non alia poſſit mortem euadere. quæſt. 8. per tot. pag. 276. & ſeqq.

Licet hominem occidere ſe, vel ſua defendendo. ibid. & quæſt. 11. per tot. pag. 305. & ſeqq.

Homo.

Homo in ſeatu naturæ corruptæ poteſt abſque gratia iuſtificante vitare ſingula peccata mortalia, & ſecundum aliquod tempus, ſed diu manere non poteſt abſque peccato mortali, & ideo indiget gratia. pag. 135.

Honor.

Honor in quo conſiſtat. pag. 312. & 316.

Honor, & fama quæ ratione præſtantiore. H h h bona

Index Rerum notabilium.

bona sint, quàm alia bona temporalia. pag. 318.

I.

Indulgentia.

Postquam poenitentia in Canonibus poenitentialibus iniuncta in Ecclesia desueverunt, Summi Pontifices frequentius indulgentias concedere ceperunt. pag. 164.

Quando in forma concessionis Indulgentiarum apponitur clausula (*de iunctis poenitentis*) conceditur remissio poenitentiarum tam de facto iniunctarum, quàm earum, quæ iniungi debuissent, ac potuissent, sed quod remitterantur poenæ Purgatorii respondentes poenitentis tam iniunctis, quàm de iure iniungendis, iuxta tamen amplitudinem, & quantitatem concessionis. pag. 164.

In concessione Indulgentiæ plenariæ non apponitur clausula (*de iunctis poenitentis*) quia intelligitur per eam indulgentiam remitti coram poenâ in Purgatorio luenda. *ibid.*

Indulgentiæ verè salutares sunt, & nullo modo noxiæ, ut blasphemans dixit Lutherus. *ibid.*

Infideles.

Infideles præficiendi non sunt Christianis, & Catholicis, nec dominium super eos habere debent. pag. 31.

Infidelium filij ante usum rationis baptizandi non sunt iniunctis parentibus. pag. 173.

Iniuria.

Axioma illud, *volenti, & consentienti non fit iniuria*, quæ ratione intelligendum sit. pag. 333.

Inquisitio Hispana.

Inquisitio Hispana in suo decreto Anno 1638. Propositionem hanc, *Papa in decidendis articulis, qui pertinent ad fidem non est infallibilis absque consensu Ecclesiæ*, erroneam dixit, & hæresi proximam. pag. 381.

Eadem Inquisitio Hispana propositionem hanc, *Concilium est supra Papam*, dixit erroneam, & schismaticam. *ibidem.*

Iudex.

Non licet occidere Iudicem à quo iniqua certò imminet sententia, etiamsi alia via non possit innocens damnum evitare. pag. 361.

Quid facere debeat Iudex, qui iuxta allegata, & probata reum aliquem deprehen-

dit, sed iuxta priuatam noticiam scire esse innocentem. pag. 383. & 386.

Iurisdictio.

Iurisdictio in nulla Republica bene ordinata conceditur membris ab ea præcis, aut eius hostibus, præsertim notorijs, ac manifestis. pag. 35.

Iurisdictio duplex, ordinaria, & delegata. pag. 43.

In quo differant hæc duæ Iurisditiones. *ibid.*
Iurisdictio ad abolendum quot modis impediri possit. pag. 44.

Ius naturale.

Ius naturale potest per leges humanas distinguui, & declarari. pag. 371.

Non omne, quod est de inclinatione naturæ est de iure naturæ. pag. 373.

L.

Leges.

Leges vniuersales feruntur ex hoc, quod quasi semper, & vt plurimum sint expeditæ. pag. 36.

Lex *Barbarius*, quæ ratione intelligenda sit. pag. 25.

Lex *Barbarius*, applicari nequit in casu, quo Sacerdos hæreticus, aut excommunicatus, & denunciatus confessiones excipiat. *ibid.*

S. Leo I. Pontifex.

S. Leo I. Pontifex consuetudinem fustulæ confitendi publicè peccata. pag. 163.

Lucidus Presbyter.

Lucidus Presbyter Prædestinationariam hæresim professus est in quinto sæculo. pag. 365.

A Faustio Reienti iussu Patrum Concilij Arelatensis III. adigitur per epistolam ad errores Prædestinationariorum retractandos. *ibid.*

Lucidus erroris suos retractat per epistolam specialem ad Faustum, & ad Faures Concilij Arelatensis transmissam. pag. 367.

Defenditur à calumnijs Catholica doctrina epistolæ Lucidi. pag. 381. & seq.

M.

Malum.

Axioma illud, *ex duobus malis minus est eligendum*, falsum est, & non admitendum in malis moralibus. pag. 329.

Malum morale propter periculum est intrinsecè malum, si moraliter certum sit quod ma-

Index Rerum notabilium:

malum illud, cuius cum periculo ponitur operatio sit sequuturam. [pag. 218.](#)

Manuum impositio.

Manuum impositio hebrae antiquitas in administratione Sacramenti Pœnitentiæ. [pag. 136.](#)

Martini Lutheri.

Martini Lutheri infanum dictum, quod præliari aduersus Turcas est repugnare Deo, &c. [pag. 304.](#)

Matrimonium.

Non est admittenda opinio Suarez asserens licitum esse contrahere matrimonium cum consanguinea, nulla præhabita dispensatione ad euandam mortem imminentem. [pag. 195.](#)

Militis.

Militis an possint se defendere cū occisione aggressoris. [pag. 302. & seq.](#)

Licet eis militare in bello iusto. [pag. 301.](#) Quid agendum à militibus si dubitent de iustitia belli. [ibid.](#)

Moderamen inculpatæ tutelæ.

Moderamen inculpatæ tutelæ in quo consistat. [pag. 242. & seqq.](#)

Mulier.

Licet mulieri propriam defendere pudicitiam, etiam cum occisione aggressoris, immo ad illam etiam cum occisione aggressoris defendendam tenetur, si sibi timeat consensum in peccatum, & delectationem Veneream, & aliter aggressorem repellere nequeat, secus verò si consensum in peccatum, & delectationem Veneream non timeat. [pag. 326.](#)

Quanta, & qualis debeat esse resistentia mulieris, ne videatur consentire peccato cum ab aliquo aggreditur. [pag. 330.](#)

Mutuum.

Mutuum petere, & accipere absque necessitate ab eo, qui nonnisi sub usura pecuniam est traditurus, illicitum est, & peccatum. [pag. 214. & seqq.](#) Quæ necessitas requiratur ad licitè petendum ab usurario mutuum. [pag. 215.](#)

N.

Necessaria ad salutem.

Quæ sunt de necessitate salutis præmitti non possunt propter scandalum vitandum. [pag. 211.](#)

Nonatiani.

Nonatiani hæretici potestatem in Eccle-

sia remittendi peccata per absolutionem Sacramentalem denegabat. [pag. 69. & seq.](#) Confutatur, & increpatur à S. Cypriano. [pag. 69.](#)

O.

Occidere.

Licet aliqui alium occidere se defendendo. [quæst. 5. per tot. pag. 224. & seqq.](#) Qualis debeat esse intentio illius, qui se ab iniusto inuasore defendit. [pag. 228. & seq.](#) Homo non potest occidere seipsum. [pag. 241.](#)

Licet defendendo se occidere aggressorem iniustum materialiter. [pag. 243.](#)

Licet pariter defendendo se occidere aggressorem, cui aggressus iustam dedit occasionem aggradiendi. [pag. 244.](#)

Opera bona mortua, & mortificata.

Opera bona dicuntur mortua dupliciter, positivè, & privativè. [pag. 127.](#)

Opera bona mortua, siue sint mortua positivè, siue privativè non vivificantur adveniente gratia, & charitate. [ibid. & seq.](#)

Opera bona mortificata per peccatum reuiuiscunt adveniente gratia, & charitate. [pag. 129.](#)

Opinio.

Opinio aliqua non ideo est probabilior, quia doceatur à pluribus quam opposita. [pag. 27.](#)

Opinio communis quænam dicatur. [ibidem, & seq.](#)

Opiniones quando censendæ sint exoteræ. [pag. 28.](#)

Opinio penitentibus, & fidelibus fauorabilior, non ideo est probabilior. [pag. 29.](#)

Ordo Sacramentum.

Sacramentum Ordinis dari potest validum, & informe. [pag. 127.](#)

Conferri suum effectum recedente fide. [ibid.](#)

P.

Papa.

In quo sensu vera sit, & admittenda hæc propositio: *Ad solum Papam, seu ad solum Sedem Apostolicam Divino immutabili privilegio spectat de contrariis Fidei iudicare.* [pag. 375. & seq.](#)

Papa est supra Concilium. [ibid.](#)

Papa independentè à processibus, informationibus, & Consultorum Consultationibus ex sola suprema potestate Pontificia

[H h h 2](#) qua

Index Rerum notabilium.

qua pollet potest res Fidei definire. pag. 379 & seq.

Papæ definitio non indiget acceptatione fidelium. pag. 380.

Hanc propositionem: *Papa in decidendis articulis, qui pertinent ad Fidem non est infallibilis absque consensu Ecclesiæ*, Inquisitio Hispana erroneam dixit, & hæresi proximam in decreto edito anno 1683. pag. 381.

Eadem Inquisitio Hispana propositionem hanc: *Concilium est supra Papam*, dixit erroneam, & Schismaticam. *ibid.* Vide Summus Pontifex.

Peccator.

Peccator in extremo dumtaxat vitæ penitens absolueudus est. pag. 85. & seqq.

Peccatoribus in extremo dumtaxat vitæ ad Ecclesiam confugientibus, vel in extremo dumtaxat vitæ penitentibus negabatur antiquitus Eucharistia, & absoluto in foro externo, quæ alijs Eucharistiam percepturis concedebatur, & modò etiam conceditur, non tamen eis negabatur absolutio Sacramentalis, ut perperam aliqui recentiores putarunt. pag. 85.

Peccatoribus item reis graviorum criminum in extremo vitæ potius tribus prius sacculis absolutio Sacramentalis non denegabatur, ut etiam falsò aliqui recentiores putarunt. *ibid.*

Periculum peccandi.

Exponere se periculo peccandi moraliter certo est intrinsecè malum. pag. 319.

Petrus de Osma.

Petrus de Osma errores. pag. 307.

Damnantur à Sixto IV. in Bulla speciali. *ibid.*

Penitentia Sacramentalis.

Penitentia quæ in Canonibus penitentialibus continetur, non erant sacramentalis, nec imponebantur pro foro interno, sed pro foro externo, & dicebantur penitentia Canonica, & Ecclesiastica. pag. 334. & seqq.

Ad longum tempus protrahebantur. *ibid.*

Penitentia in Canonibus penitentialibus peccatoribus iniuncta exoleverunt in Ecclesia. pag. 163.

Ob quam rationem exoleverunt in Ecclesia *ibid.*

Penitentia publicæ utrum peccatoribus sint imponendæ. pag. 179.

Vide verbo Satisfactio Sacramentalis.

Penitentia Sacramentalis.

Penitentia Sacramentalis Ministri nequit esse

hereticus, aut Schismaticus notorius, & manifestus, nec excommunicatus, aut denunciatus. *quæst.* 1. per tot. pag. 1. & seqq.

Sacramentum Penitentia exigit necessarium iurisdictionem in eius Ministro. pag. 44.

Penitentia Sacramentum dari nequit validum, & informe. pag. 124.

Nec S. Thomas oppositum docet, etsi dicat dari posse confessionem validam, & informem. *ibid.*

Quantum in hoc quoad mentem S. Doctoris Authores aliqui etiam Thomistæ hallucinantur. *ibid.*

Penitentia est unum ex septem Sacramentis à Christo institutis. pag. 63.

In quo consistat. *ibid.*

Pollutio.

Licet sumere medicinam immediate ordinatam ad confortandum partes vegetariuas, vel ad purgandum corpus, etiam si ex medicina illa consequeretur physicè effusio seminis, tammodò effusio seminis non sit iniuncta à medicinam suscipiente, etiam si ab eo sit præsumpta. pag. 335.

Summus Pontifex.

Summi Pontificis Censentarius potestatem iurisdictionis ad illum absolvendum recipit ab ipso Summo Pontifice. pag. 48.

Summus Pontifex non potest uti Clauibus in seipsum. *ibid.*

Non potest dare alicui iurisdictionem in seipsum in foro externo, potest tamen dare alicui iurisdictionem in seipsum in foro interno. pag. 49.

Vide verbo Papa.

Possibile.

Possibile quæ ratione distinguatur à futuro. pag. 357.

Potestas Ordinis, & potestas iurisdictionis.

In quo differant potestas Ordinis, & potestas iurisdictionis absolventis à peccatis. pag. 38. & seqq.

In ordinatione Sacerdotes non recipiunt potestatem iurisdictionis absolventis à peccatis, sed solam potestatem Ordinis. *ibid.*

Potestatem iurisdictionis, sed facultatem absolventis à peccatis non recipiunt Sacerdotes cum approbantur in Censentariis, sed illam recipiunt, cum illi iuridicè deputantur ad confessiones audiendas. pag. 42.

Potestas Ordinis non distinguitur à potestate Clauis pag. 43. & seqq.

Index Rerum notabilium.

Iurisdiclio debet esse quoad personas, & quoad peccata. *ibid.*

Potestas remittendi peccata, quæ Sacerdoti confertur in ordinatione, quæ ratione distinguitur à potestate remittendi peccata, quæ Sacerdoti confertur per collationem potestatis Iurisdictionis. *pag. 45.*

Potestas Iurisdictionis in Sacramento Pœnitentiæ est authoritas in alium tanquam in inferiorem, & subditum, saltem quoad actum Iudicandi, & absolvendi, & ligandi in occulto foro conscientie. *pag. 43.*

Est duplex Ordinaria, & Delegata: Ordinaria est illa, quæ habetur ratione officij curam animarum annexam habentis: Delegata est illa, quæ alicui per commissionem à Superiore delegatur, & committitur. *ibid.*

Potestas remittendi peccata, quæ Sacerdoti confertur in ordinatione non est distincta à potestate conficiendi Eucharistiam, sed solum est extensio eiusdem potentie, & addit supra eam potentiam modum. *pag. 43. & seqq.*

Prædestinati heretici. Vide verbo *Heretici Prædestinati*.

Principium petere.

Principium petere in argumentatione, est supponere id, quod est probandum, vel de quo est questio. *pag. 6.*

Propositiones.

Non omnes propositiones, quæ permittuntur imprimi censendæ sunt approbatæ. *pag. 37.*

Purgatorij pena.

Purgatorij pœnæ incomparabiliter excedunt pœnas huius *vitz. pag. 118.*

Cum penis animæ separatæ comparari non possunt dolores Passionis Christi. *ibid.*

Q.

Quæstiones dependentes ex dispositione Ecclesiæ.

In quæstionibus dependentibus ex dispositione Ecclesiæ non licet recedere à sententiâ conformi antiquæ dispositioni Ecclesiæ, nisi accedat nova Ecclesiæ dispositio. *pag. 28.*

R.

Reconciliatio.

Reconciliatio duplex peccatoris antiquis fiebat, scilicet cum Deo, & Ecclesiâ. *pag. 160. & seq.*

Reconciliatio cum Deo fiebat absque dilatione impendendo peccatori absolutionem Sacramentalem: Reconciliatio cum Ecclesiâ, non fiebat nisi postquam Ecclesiâ sub pœna peccati peccatorem diu ligatum retinuerat. *ibid.*

S.

Sacerdos.

Sacerdotes Hæretici, & Schismatici notorii, & manifesti, & excommunicati, ac denunciati non possunt Sacramentaliter absolvere penitentem constitutum in articulo mortis, etiam si noliis adsit, nec adesse possit Sacerdos Catholicus, & unitus. *quest. 1. per tot. pag. 1. & seqq.*

Declaratio super hoc Sac. Congregationis Eminentissimorum Dominorum Cardinalium Sacri Concilij Tridentini Interpretum. *pag. 11.*

Sacerdotes hæretici, & Schismatici præsertim notorii, & manifesti carent omni Iurisdictione. *pag. 3. & seqq.*

Sacerdos quilibet Catholicus, & ab Ecclesiâ non privatus absolvere potest penitentem in articulo mortis à quibuscumque casibus, & censuris. *pag. 7. & 20.*

Sacerdotes mali valide Sacramenta administrant. *pag. 8.*

Sacerdotibus in ordinatione non confertur potestas Iurisdictionis, sed confertur solum potestas ordinis. *pag. 18. & seqq. & 42.*

Sacramenta.

Tria tantum Sacramenta iuxta S. Thomam informia esse possunt, & valida, quæ recedente fictione suam habent effectum, scilicet Baptismus, Confirmatio, & Ordo. *pag. 326. & seqq.*

Hæc tria Sacramenta imprimunt characterem. *ibid.*

Satisfactio Sacramentalis.

Satisfactio, seu penitentia Sacramentalis, non nisi post receptam Sacramentalem absolutionem à Contentibus est peragenda. *pag. 111. & seqq.*

Satisfactio in Sacramento Penitentiae habet rationem partis meræ integralis. *pag. 112. & seqq.*

Sacerdos non potest obligare penitentem ad peragenda satisfactoriam, seu penitentiam Sacramentalem ante absolutionem Sacramentalem. *pag. 113.*

Satisfactio, seu penitentia non Sacramentalis, sed merè medicinalis impendi potest Contentibus à Contellario ante absolutionem peragenda, & ad eam ante absolu-

lu-

Index Rerum notabilium.

lutionem petendam obligari potest penitens à Confessario. pag. 114.

Satisfactio, seu Penitentia ante Sacramentalem absolutionem peccata non est Deo satisfactoria, nec per eam confectus effectus aliquis ex his, ad quos conferendus satisfactio Sacramentalis est à Christo Domino instituta. pag. 117.

Penitentia ante absolutionem peccata est opus mortuum saltem privative, id est à non existentem in gratia procedens. ibid.

Ad rationem satisfactionis, requiritur quod sit opus procedens ab amico, & in statu gratie confectio. ibid.

Satisfactio nem Sacramentalem implens extrà statum gratie satisfacit Ecclesie, & Sacerdoti, qui eam imposuit, sed non satisfactio Deo. pag. 118.

Penitentia ante Sacramentalem absolutionem peccata non tenuit post impensam absolutionem. pag. 119.

Operta satisfactio, quæ aliquem relinquunt effectum in operante, quæ ratione huius satisfactio. pag. 120.

Satisfactio ordinatur ad remissionem poenæ temporalis in Purgatorio luende, & nil aliud est quàm quædam portio, seu commutatio, aut compensatio quoad aliquam partem poenæ temporalis alicuius vite in satisfactionem, seu penitentiam impositam à Confessario. pag. 122. & 123.

Falsum est quod aliqui recentiores asserunt primis duodecim sæculis eam praxim in Ecclesia Dei servatam fuisse, ut penitentibus etiam grauiorum criminum reis, nominis post peccatam Sacramentalem satisfactionem absolutio Sacramentalis impensa lueret. pag. 121. & seqq.

Insignis in hac re quorundam recentiorum hallucinatio. ibid.

Satisfactio Sacramentalis cum peragitur supponit culpam remissam. pag. 122.

Contritio, & Confessio dicuntur etiam satisfactio à SS. Patribus. pag. 124. & seqq.

Sancti Patres cum satisfactionem præmittendam asserunt Sacramentali absolutioni, id intelligunt de satisfactione, quæ non sit Sacramentalis, sed quæ sit merè medicinalis, & doloris, ac propositi peccatoris penitentis probatio. pag. 126.

Satisfactio pro damnis illatis non est à Penitente præmittenda antequam Sacramentaliter absoluator, sed facit est quod promittatur. pag. 122.

Authores aliqui recentiores penitentias, & satisfactiones dispositivas, seu preparatorias, seu etiam medicinales Penitentis, quas Sancti Patres in penitentibus petre-

quirunt, confundunt cum penitentia, & satisfactionibus Sacramentalibus, & in hoc eorumdem recentiorum hallucinatio consistit. pag. 122.

Nullus Canon, nullumque decretum, aut Statutum Summorum Pontificum, vel Conciliorum asserit potest, quo statuatur, aut consulatur iniunctio penitentia Sacramentalis ante absolutionem Sacramentalem explenda. pag. 163. & seqq.

Praxis Ecclesie, quæ peccatores etiam grauiorum criminum reos ritè, ac rectè dispositos à peccatis Sacramentaliter absoluit, iniuncta eis penitentia post absolutionem Sacramentalem peragenda, optima est, ac rationabilis, & ab initio Ecclesie ad hæc usque tempora semper seruata fuit. pag. 132. & 163.

Opposita assertio est recens inuentum, & paucorum recentiorum phantasia. ibid.

Standalum.

Scandalum duplex: aliud procedens ex malicia; aliud ex infirmitate, vel ignorantia, & dicitur scandalum pusillorum. pag. 211.

Propter hoc scandalum spiritualia bona, vel occultanda, vel etiam interdum dimittenda, ubi periculū imminet, quousque reddita ratione huiusmodi scandalum cesset. ibid.

Sedes Apostolica.

In quo sensu verè sit, & admittenda hæc Propositio: *Ad solam Sedem Apostolicam Domino immutabili privilegio spectat de contrariis Fidei iudicare.* pag. 375. & seqq.

Vide verbo, *Papa, & Summus Pontifex.*

Particula Sicut.

Particula *sicut* aliquando significat æqualitatem, aliquando verò significat similitudinem. pag. 278 & 395.

Suprum.

Suprum rectè definitur à S. Thoma, quod sit illicita Virginum desolatio sub cuto parentum existentium. quæst. 13. per tot pag. 334. & seqq.

Suprum contingit etiam in Virgine, quæ propter violationem consentit. pag. 338. & seqq.

T.

Testes falsi.

Non licet interficere testes falsos, ac etiam Iudicem, à quo iniqua certò inninet sententia, etiam si alta via non possit inuocens damnum cuitate. pag. 261.

Index Rerum notabilium.

Titulus coloratus.

Titulus coloratus quando interueniat, & quando conferat iurisdictionem. pag. 25.

Tristitia de alterius vita.

Non potest quispiam absque peccato mortali de vita alicuius tristari, & de illius morte naturali gaudere, illam inefficaci affectu petere, & desiderare, etiam si non ex displicentia personæ, sed ob aliquod temporale emolumentum de vita alicuius risletur, & de illius morte naturali gauder, illamque inefficaci affectu petat, & desideret. pag. 3 43. & seqq.

Turca.

Turcarum filij, quos parentes ad remouendum fœtorem ab eorum corporibus baptizari petunt, baptizandi non sunt, si post Baptismum receptum apud parentes educandi sint. quæst. 4. per tot. pag. 171.

Tyrannus.

An liceat occidere Tyrannum. pag. 380. & seqq.

V.

Vaticum.

Vaticum nomine per antonomasiam Eucharistia intelligitur. pag. 83. Eodem nomine Sancti Patres aliquando vtuntur ad significandum omne Sacramentum necessarium ad salutem in extremam vitam collatum, ibid.

Vita corporalis.

Licet alicui propriam vitam defendendo aliquem occidere, quæst. 5. per tot. pag. 24. & seqq. & 276. & seqq.

Vsura.

Licetum est petere mutuum ab eo, qui paratus est illud sub vsura dare. pag. 210.

Vti peccato alterius.

Vti licet peccato alterius ad bonum. pag. 210.

Vti peccato alterius ad aliquod bonum non est alterius peccato consentire, nec peccato alterius cooperari. ibid. & seqq.

Vvaldenses.

Vvaldensium error dicentium, omnem omnino hominis occisionem, & eadem illicitam esse. pag. 223.

Soli Deo honor, & gloria.

	ERRATA	CORRIGE.
Pag. 81. col. 1. lin. 33.	Projicitur	proijciatur.
Pag. 104. col. 1. lin. 2.	Meloza	Mendoza.
Ibid. col. 1. lin. 35.	pena grauiſſima	pœnam grauiſſimam.
Pag. 135. col. 1. lin. 21.	Pœnitent i.	Pœnitentia.
Pag. 139. col. 2. lin. 13.	Propoſitio	Præpoſitio.
Pag. 140. col. 1. lin. 10.	Deſenſione vitæ.	pro deſenſione vitæ.
Ibid. lin. 17.	eadem	eandem
Pag. 136. col. 1. lin. 39.	niſi occidendo occiſorem	niſi occidendo inuaſorem.
In titulo pag. 84.	Communione lapſis.	Communione lapſis.
Pag. 173. col. 2. lin. 34.	creſcit autem ratio	reſcit autem ratio.
Pag. 389. col. 1. lin. 4.	error	erro.
Pag. 416. col. 1. lin. 16.	eſt manifeſtè	manifeſtè,

Cœtera Sapienti Lectori corrigenda relinquuntur.







